

續修四庫全書

《續修四庫全書》編纂委員會編

續修四庫全書



上海古籍出版社

五四一·史部·傳記類

潤州先賢錄六卷

〔明〕姚堂 劉文徵輯

一

毘陵人品記十卷

〔明〕毛憲撰 吳亮增補

七七

吳中人物志十三卷

〔明〕張昶等撰

二〇七

姑蘇名賢小紀二卷

〔明〕文震孟撰

三五二

松陵文獻十五卷

〔清〕潘禮章撰

三九一

崑山人物傳十卷附一卷

〔明〕張大復撰

五三五

2667/01

潤州先賢錄之卷明嘉善地中輯明史藝文志不載廣善家之附著錄也
 身正統四年進士名其州者重政以行正其抄錄江丹桂合類其情勢名職
 世勳之居百王原亦考以竟寫故有名人物傳正音教丹桂行臨金壇
 三邑先賢目錄正宋世三人分其凡六二所相業且諫德望文學之類各
 為傳像數贊并載其傳事家研志選文尚得贊其像與建鄉崇
 祠并轉公錄期部人母先味廣善之附託也天順舊刊版近元利義廣善家
 某氏卷五二月北平寓善局得之八方之元信于存館之石下宗元善信夫如量

潤州先賢錄

癸酉夏五
 陶風樓印

鎮江府先賢錄序
鎮江舊有清風大節祠在郡庠戟門左方以祀宋郡守范文正公仲淹秘閣修撰陳公東丞相陸公秀夫三賢蘇州太守四明姚君堂改命是郡謁拜禮畢以鎮江古之潤州實東南巨鎮人物豈止此乎退而考諸郡誌得自延陵季子至洪先生興祖凡二十人白於巡撫都御史劉公建祠於戟門之右以祀之劉公元為而郡志事實不詳復

與同寅通守湘陰劉君文徵考撫傳記訪於故老於是事實頗悉編次成帙名曰先賢事實欲鋟梓以儀範鄉邦表式後學其用心也至矣走書來南京因秋官郎中張君恂徵予序之予因閱之其第一卷曰高風則吳延陵季子漢隱士焦光宋劉公宰第二卷曰忠節則唐桓公彥範宋宗公澤陳公東陸公秀夫第三卷曰相業則宋蘇公頌張公綱第四卷曰直諫則

宋洪公擬王公遂第五卷
曰德望則宋王公存石公
曼卿邵公亢第六卷曰文
學則漢包公咸吳韋公昭
唐馬公懷素許公渾宗焦
先生千之洪先生興祖而
范文正公事實不錄者非
郡人也先之以像贊申之
以事實列傳而其遺文及
名公碑記吊祭之文皆載
焉夫人之生也均稟天地
之氣以成形均得天地之
理以為性氣以寓理理以
主氣苟專乎氣則其人必

失之剛惡專乎理則其人
必失之柔善理資氣氣助
理斯無所失矣若潤之先
賢二十人者其氣理相資
無有偏失故發而為高風
忠節相業直諫德望文學
煥乎照於當時炳然垂諸
後世是以儀範鄉邦表式
後學也然非都憲劉公則
廟祀有不成非郡之賢守
貳則事實又豈得而詳乎
惟茲先賢事實板行於世
豈徒鎮江士子之所取法
將天下士覽而取法焉噫

君子之於平時養其氣明其理出處得其正始終無二致有志者可竟成之若季子之仁義沒而孔子題其墓桓公之復辟除奸宗公之以死殉國陳公之直道而死陸公之君臣不辱尤人之所難也今人取法先賢初若甚易然及行有不逮心有所愧然後知先賢之不可及也若姚君為郡而急於此其知所先務有志於先賢者歟因序以歸之吉水廖莊

潤州先賢事實錄序
潤之古先賢拮脩身制行濟時行道隨所寓而各盡其誠遵聖法而不失其正故道德功行有大過於人惜其事實難出傳記不萃於一學者罕能周知四明姚公堂來為郡守嘗曰吾聞十室之邑必有忠信鎮江古潤州大郡也長山環其南大江繞其北鍾此江山之秀豈無人乎因閱郡誌始知有吳延陵季子而下擅高風忠節相業直諫

德望文學者二十人遂歎
之曰何其盛哉地靈人傑
信不誣也乃謀於同寅諸
公曰當共捐俸買材建祠
以祀之復採諸傳記訪其
子姓錄其事實圖其肖貌
壽梓以傳期後學之士觀

諸賢之事實有所感發而
興起也噫牧民之方誠得
其要領矣書成屬予序之
予惟子朱子欲開示後人
進學之門庭先後次序乃
蒐輯先賢嘉言善行作為
小學之書以訓天下後世

使人有以知君臣之義父
子之親夫婦之別長幼之
叙朋友之交脩身行己之
法為政治人之方誠千萬
世做人底樣子也今姚公
之是錄也雖不敷方於子
朱子小學之書他日朱方

家傳人誦使有志之士曰
諸賢行道於當時可傳於
後世我猶未免為鄉人是
則可憂也憂之如何如斯
而已矣然則於
國家化民成俗之意豈無補
哉

天順六年歲次壬午冬十
二月既望

資善大夫戶部尚書前都
察院左都御史致仕雲陽
沈固序

潤州先賢錄序

潤為東南名郡山川毓秀人物
挺生勲業名節道德文章前後
輝映其高風則有若吳延陵季
子札漢隱士焦公光宋漫塘劉
公宰忠節則桓忠烈公彥範宗
忠簡公澤脩撰陳公東丞相陸
公秀夫以至魏國蘇公頌文簡
張公綱洪文憲公擬王正肅公
遂之相業直諫王荏定公存石
秘閣公曼卿邵安簡公亢大鴻
臚包公咸高陵侯常公昭馬文
公懷素許先生渾焦先生千之
洪先生興祖之德望文學皆表

表偉偉如祥麟威鳳取重當時
流芳汗簡足以風勵後人者也
郡庠舊有清風大節祠惟陳公
東陸公秀夫二賢得祀餘先正
諸公未易軒輊而皆不預非缺
典歟政暇因謀于同寅貳守張
君春通守歐君仕昌劉君文徽
節推任君瑋及郡博蕭崇華各
捐俸為經營費稟請于奉
巡撫都憲劉公廼於戟門之右
成賢門之南鼎建祠宇列季子
而下諸賢位于其中朔望率僚
屬以拜瞻于以發揚潛德而激
勸後來也然諸賢事實郡誌或

遺或畧邦人罔知復與通守劉
君考撫傳記旁采好事者所得
頗悉輒編次成帙名曰潤州先
賢錄將銀梓以傳四方且以嘉
惠其鄉之人嗟夫人有古今道
無古今潤之來者能以先賢為
師出而見用于時則於相業於
直諫於忠節思無愧於先賢退
而隱處于鄉則於高風於德望
於文學亦思無愧於先賢斯為
善學古人將見清節峻行崇勲
美謚媿儼前脩而後之視今亦
猶今之視昔必有續斯錄以同
傳不朽者矣庸書以為勸

天順七年歲在癸未正月穀旦
賜進士出身直隸鎮江府知府四

明姚堂識



潤州鄉賢祠記

賢哲之生本乎天猶草木之
生本乎春也既曰天道有常
豈賢哲之士獨生于古而不
生于今草木獨生于舊歲之
春而不生于新歲之春耶所
謂自生民以來未有盛於孔
子也蓋天具衆理不能言之
天生萬物不能裁之特萃純
粹精英之氣而生孔子代其
言而裁成之此天縱之聖斷
不可及也若三千之徒何代
無之鎮江古潤州也其地若泰
山一操之士賢哲之生亦彬然

其高風足以愧貪得者如吳
延陵季子札漢隱士焦公光
宋漫塘劉公宰忠節之足以
驚鬼神者唐扶陽王桓公彥
範在宋則開封府尹宗公澤
上舍陳公東左丞相陸公秀
夫相業之得其宜者右僕射
蘇公頌參知政事張公綱直
諫之不避斧鉞者徽猷閣學
士洪公擬龍圖閣學士王公
遂其他如尚書左丞王公存
太子中允石公曼卿資政殿
學士邵公亢之德望與夫漢
諫議大夫包公咸吳侍中韋

公昭唐常山縣公馬公懷素
郢州刺史許公渾宋國子直
講焦先生千之敷文閣學士
洪先生興祖之文學皆炳燿
輝耀當時光燭萬世日月與
之並明江山為之出色然此
特書其姓名不能詳其事實
惜其不幸不生於孔子之時
不得親炙於孔子之門而皆
能行乎孔子之道若得孔子
各因其材而薦之立於三千
之徒之列則從祀者奚止七
十二人而已哉予故曰惜其
不幸不生於孔子之時此可

見天道生物之有常也夫諸君子之行能若彼之盛去日愈遠晦而不彰雖皓首有不知其為潤之人物也四明姚公堂來為郡守偶閱郡志載諸君子之畧浩然歎曰善人吾不得而見之矣吾寧蔬食水飲移俸易材建祠以祀之使諸君子道德功行瞻拜之者咸有以感發其善心精神降鍾于祠化生潤之士類俾後之來者皆能如諸君子之道德功行以供

國家之用則吾牧民之任亦庶

幾矣噫偉哉公先守蘇復來守潤是乃諸君子之高風忠節相業直諫德望文學皆足以模範後世無能傳之者天道惜之故默使之來而表章之豈偶然也然則公寔能扶持名教者焉祠在郡庠大成殿戟門之右中戶諸君子於木主不以爵之高下惟以時之先後而次序之屬予為之記予素不能文者辭不獲特為之識其年月乃天順癸未益春望日也

承德郎工部主事同安鄭霧識

潤州先賢錄總目

高風卷第一

吳延陵季子札

像贊

改修廟宇記

重修十字碑亭記

漢隱士焦公光

像贊

三詔洞詩

宋漫塘劉文清先生年

像贊

授太常丞勅

先生遺文

忠節卷第二

唐扶陽郡王桓忠烈公彦範

像贊

宋開封府尹東京留守宗忠簡公澤

像贊

復墓田記

弔忠簡公詩

宋贈秘閣修撰陳公東

像贊

宋史列傳

哀詞

事實始末

重建嘉賢廟碑

懷延陵季子辭

事實始末

新修祠堂記

宋史列傳

祭漫塘先生文

唐書列傳

宋史列傳

墓碑

行狀

誥詞

輓詩

公遺文

宋左丞相陸公秀夫

像贊

挽詩

相業卷第三

宋右僕射贈司空魏國蘇公頌

像贊

公遺文

宋參知政事張文簡公綱

像贊

公遺文

直諫卷第四

宋光祿大夫吏部尚書徽猷閣直學士靜智洪文憲公榘

像贊

公遺文

宋工部尚書龍圖閣直學士實齋王正肅公遂

像贊

公遺文

德望卷第五

宋尚書左丞王莊定公存

像贊

公遺文

宋太子中允秘閣校理石公曼卿

像贊

宋史列傳

公遺文

宋史列傳

宋史列傳

宋史列傳

宋史列傳

宋史列傳

事實始末

墓表

平曼卿文

宋資政殿學士贈吏部尚書邵安簡公允

像贊

宋史列傳

文學卷第六

漢諫議大夫大鴻臚包公咸

像贊

漢書列傳

吳侍中高陵侯常公昭

像贊

吳志列傳

題跋

唐封常山縣公兼昭文館學士馬文公懷素

像贊

唐書列傳

唐郢州刺史許先生渾

像贊

事實始末

丁卯詩集序

先生遺文

宋國子監直講焦先生千之

像贊

事實始末

送千之詩

宋贈敷文閣學士洪先生興祖

像贊

宋史列傳

先生遺文

潤州先賢錄總目終

潤州先賢錄 高風卷第一

吳延陵季子



贊

宋蘇軾

泰伯之德 鍾於先生

棄國如遺 委蛇而行

坐閱春秋 幾五之二

古之真人 有化無死

高風

直隸鎮江府知府四明姚堂編輯

通判湘陰劉文徽同編

事實始末

季子名札泰伯十九世孫吳王壽夢之少子長子曰諸樊次曰餘祭次曰夷昧次曰季札諸樊立為王且死立弟餘祭欲令兄弟傳國以及季子餘祭夷昧卒立季子札乃讓不受退耕於延陵按春秋左傳魯襄公二十九年吳公子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子為魯宗卿而任其大政不慎舉何以堪之禍必及子請觀於周樂使工為之歌周南召南曰美哉始基之矣猶未

也然勤而不怨矣為之歌如肅衛曰美哉淵乎憂而不困者也吾聞衛康叔武公之德如是其衛風乎為之歌王曰美哉思而不懼其周之東乎為之歌鄭曰美哉其細已甚民弗堪也是其先亡乎為之歌齊曰美哉決泱乎大風也哉表東海者其太公乎國未可量也為之歌豳曰美哉蕩乎樂而不淫其周公之東乎為之歌秦曰此之謂夏聲夫能夏則大大之至也其周之舊乎為之歌魏曰美哉風乎大而婉險而易行以德輔此則明主也為之歌唐曰思深哉其有陶唐氏之遺民乎不然何憂之遠也非令德之後誰能若是為之歌陳曰國無主其能久乎自鄒以下無譏焉為之歌小雅曰美哉思而不貳怨而不言其周德之衰乎猶有先王之遺民

焉為之歌大雅曰廣哉熙熙乎曲而有直體其文王之德乎為之歌頌曰至矣哉直而不倨曲而不屈遜而不偏遠而不攜遷而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箏南箏者曰美哉猶有憾見舞大武者曰美哉周之盛也其若此乎見舞韶濩者曰聖人之弘也而猶有慙德聖人之難也見舞大夏者曰美哉勤而不德非禹其誰能脩之見舞韶箏者曰德至矣哉大矣如天之無不博也如地之無不載也雖甚盛德其蔑以加於此矣觀止矣若有他樂吾不敢請已其出聘也通詞君也故遂聘于齊說晏平仲謂之曰子速納邑與政無邑與

政乃免於難齊國之政將有所歸未獲所歸難未歇也故晏子因陳桓子以納政與邑是以免於繁高之難聘於鄭見子產如舊相識與之縞帶子產獻紵衣焉謂子產曰鄭之執政侈難將至矣政必及子子為政慎之以禮不然鄭國將敗適衛說護瑗史狗史鰌公子荆公叔發公子朝曰衛多君子未有患也自衛如晉將宿於戚聞鍾聲焉曰異哉吾聞之也辯而不德必加於戮夫子獲罪於君以在此懼猶不足而又何樂夫子之在此也猶燕之巢於幕上君又在殯而可以樂乎遂去之文子聞之終身不聽琴瑟適晉說趙文子韓宣子魏獻子曰晉國其萃于三族乎說故向將行謂故向曰吾子勉之君侈而多良大夫皆富政將在家吾子好直必思自勉

於難初聘魯過徐徐君好季札劔口不敢言季札心知之為使上國未獻還至徐徐君已死解劔繫徐君塚樹而去從者曰徐君已死尚誰予乎季子曰始吾以心許之豈以死倍吾心哉季子使而反夷昧先卒子僚立諸樊子闔廬曰先君之所以不與子國而與弟者凡為季子故也將從先君之命與則國宜之季子者也如不從先君之命與則我宜立者也僚惡得為君子於是使專諸刺僚而致國于季子季子不受曰爾弑吾君吾受爾國是吾與爾為篡也爾殺吾兄吾又殺爾是父子兄弟相殺終身無已也去之延陵終身不入吳國故君子以其不受為義以其不殺為仁終葬延陵土人懷之立廟以祀孔子題其墓曰嗚呼有吳延陵君子之墓唐大曆

十四年刺史蕭定修廟有記宋元祐戊辰奉勅賜嘉賢之廟從知潤州尚書即揚傑之請也慶元中勅封昭德侯制曰朕考於傳記知神為吳公子當春秋時嘗辭于乘之國而不受凜然高節萬世如生豈復以人爵為榮哉今延陵之民世承嘉祀謂非此無以表德厲世命以侯爵往諭于廟其寵嘉之每歲四月十三日有司致祭廟在丹陽延陵

改修廟宇記

唐潤州刺史蕭定

有吳之興也泰伯讓以得之有吳之衰也季子讓以失之為讓之情同而興衰之體異何哉泰伯之讓讓以賢也故周有天下而吳建國焉季子之讓賢以讓也當周

德之衰而吳喪邦焉或曰非所讓而讓之使宗祀泯絕而不血食豈曰能賢斯可謂知存而不知亡者矣夫治亂時也興亡運也故至至而不可卻終終而不可留黃河既濁阿膠無以正其色蓋池斯鹹弊軍不能匡其求與夫當濁亂之世召力勝之戎讓與爭孰賢乎易曰知幾其神則季子之見可謂知幾矣季子之明可謂知進退存亡而不失其正矣至於聽樂辨列國之興亡審賢知世數之存歿掛劔示不言之信避國保無欲之貞故有吳之祀寂寥而延陵之饗如在玄風可想至德興嘆夷之辭哲人其萎表墓嗚呼之篆向微德仁兩至則夫子不復嘔三嘆焉詳其精義被物鈞深致遠之旨烏可究其津涯而窺其壘仞哉是知讓之為德德在於生

靈不獨其子孫明矣國有祀典人懷永思定乘列藩條欽崇懿範予以加敬嚴乎闕宮別閨壺之內外正眾神之序位舊以泰伯之廟在於蘇臺而制季子之祠像設東面非由典禮諒無取焉必也正名於是乎在祈報旁奠贄幣宜列於軒楹春秋禮薦俎豆當陳於正寢俾觀像者識賢人之遺風可律審度者知經德之禮秩無差末學陋詞不足頌其休烈寒未暑往敢用同於紀年時唐大曆十四歲己未八月二十七日甲子記

重建延陵嘉賢廟碑

宋中散大夫直寶文閣知建康軍府事兼管

內勸農使充江南東路兵馬鈐轄節制管軍馬金壇縣開國男食邑三百戶賜金魚

袋張續

始余讀春秋傳史記世家竊歎季子高風奮乎百世之上雖甚盛德篋以加矣已而聞有廟貌在所謂延陵者欲往拜其庭而申奠之抗塵走俗久不獲償所志政和中受命官延陵既至三日謁祠下禮成周覽巨碑屹然魚龍飛動使瞻仰不暇蓋孔子所篆十字在焉然後益知季子之賢昭乎若日月不可磨也惟吳在周實夷與諸夏遼絕魯成公十五年始通中國至襄公二十九年季子出聘當是時季子以前遜國聞諸侯矣其適齊而返也長子死葬贏博間仲尼往觀之以爲合禮若夫觀周樂而知所以治亂存亡見叔孫穆子晏平仲鄭子產據伯玉韓宣子之徒察其政之得失與其國禍難之將

形其閱覽博物聖人之流亞歟及復命而哭王僚掛劍而吊徐君存大義敦至信抑又有大過人者宜吾夫子興嗟嘆之詞垂翰墨之妙表諸藏而示不朽也後世賢士大夫莫不聞其風而仰之是以殷仲堪敘之晉王僧恕述之梁蕭定記于大曆中文華燁燁刊之豐珉與神筆相煥暨我宋元祐戊辰太守尚書郎楊傑慨然想高世之躅謂盛禮加于聖朝遂上其靈感乞旌表以增光來世又被詔錫以嘉賢之號仍命有司載之祀典故延陵之廟貌益顯四方來謁者益莊矣延陵故季子邑至今其人事神雖饑饉困躓不敢懈而神聰明正直不欺非祀惟是雨暘失時疫癘妖孽或竭誠而前禱無不應焉如響然廟宇歷年既久隆者椽輦者摧彩色者昧剝

而不可觀瓦腐墻圯上雨旁風非所以揭虔妥靈也宣和七年邑之豪欲回舊址鼎新之於時大姓翁然願從巧者慮群植能者鳩衆工昔之卑陋者崇廓之素缺者增築之至建炎元年而大殿及官廬立壁塗堦矣厲金人飲馬長江所在雲擾役因中輟明年江左平諸豪且無恙向已築結者亦巋然而存誠心不移舊事斯舉又三年而長廊大門雲起山峙前剏後建丹堊畢施崩劣璀璨見者駭目其落成實紹興元年也余既欽季子風猷大節且嘉其廟貌之輪奐乃爲書其事俾刻諸石爲詩以遺邑人歌焉詩曰

吳自泰伯遜以有國有葉有華基乃至德逮于壽臺始大稱王文風武功則昌而康賢哉季子守節帶剛

寧疾其驅爲上國使識伴著龜明並日月治亂興亡靡差毫髮痛僚示義掛劍揭誠赫赫厥聲愈久愈盈延陵之祠肇自始封錫號嘉賢我廟褒崇時難而休曰賜曰兩非神之爲誰福茲土巨宇高甍嚴嚴翼翼神還宅之萬古血食
漫塘劉宰
重修十字碑亭記

延陵季子之邑季子遜國之節高天下廟祀爲宜故唐狄梁公盡毀江南祠獨此不廢願前對峙二亭下覆穹碑新舊各一蓋舊者裂矣而新者代之相傳以爲夫子書書之是否不可知而歷代寶之傳必有自嘉定己卯春宰始與里中湯泳張汝玉并三山鄭寧來致敬同視

庶間淫祀赫然而亭獨壞喟然嘆習俗之陋乃因友人遂白府下縣鎮撤像設之不經者凡八十有四乃合衆力屬鎮之士常晰再葺兩亭晰好事勇於義鎮大夫上鏡蔣丙文勸相之未幾告成俾識歲月宰嘗觀孟子論邪慝之害曰君子反經而已歐陽子論釋氏亦曰當修其本必勝之然則二亭之葺豈徒以壽斯石而已哉吾黨之士必有能反三隅者

懷延陵季子辭并序

鐵崖楊庶夫

延州來札吾聖人予其禮又表其墓太史遷發其仁心慕義無窮其知札矣近代傳經者獨以爲聖人貶札各札不爲季虛而効子臧以致辭

國生亂吁是說也顧計利害而不計義之所在尚爲知春秋者哉札自以諸樊爲義適而不敢奸國則知札與州子皆庶也壽夢欲越三長適而立一季庶所謂亂嗣不祥者也而况三伯仲俱無泰伯仲雍之奔季子棄室而耕者正也及夷未卒而欲致位於札札之見微固已逆料光僚之必悖於其後故剛執始終之志又札之明也季子之道正而明而謂聖人貶之乎春秋書名固有美例而憑以爲善惡之斷求經之陋者也三傳有因札進吳之說其名札者成尊於上也謂名爲貶得乎余作懷延陵辭因復著辨使談經者不失聖人之旨則不在乎季子之道者也

惟有吳之開國方實周先之長宗曰端委以自律方聿荆夷之來從嗟後之人弗率方將自同於啓戎賦狂姪去諸姬以日遠方十有四葉而稱王雖夫何乘之逆德方又鍾之以順嗣既博物又閱覽方仍約中而通理識周之所以東方基之所以南聖之所以憾方德之所以慚類北學于周公孔子方羌不讓夫東郊過齊晉之太邗方警貪功與好直魯宗卿之岌岌方憂好善而不擇辨鍾聲于戚却方危夫人之燕巢受衣紆於僑之贈方蓋驪然若神交故受授於非其所受方律千鈞於一髮苟奸國於不義方寧子臧之附節巢既墮乎諸樊方閣荐乎戴吳簪天將啓于季子方抑剪喪其夷孤悲上國之使歸方賴先祀之猶有在也亂之生則有由方惟歸諸而退以待也鳩夷載於江中方游鹿上乎荒宮問七王以何在方歌至德之遺風薄閭門以千于方感特書之題空也矢吾辭以白心方比徐君之縣劍也

高風

漢隱士焦公



贊

猗與焦君 常此玄默
 衡門之下 栖遲偃息
 泌之洋洋 樂以忘食
 鶴鳴九皋 音亮帝側
 乃徵乃用 將授袞職
 昊天不吊 賢人遘患
 不遺一老 屏此四國
 如何穹蒼 不詔斯惑
 惜哉朝廷 喪斯舊德
 恨爾學士 將何法則

後漢蔡邕

事實始末

公名光皇甫謐逸士傳曰世莫知焦光所出或言生漢末無父母兄弟見漢衰乃不言嘗結草為廬冬夏袒露垢汗如泥後野火燒其廬光因露寢遭大雪袒卧不移人以爲死就視氣蒸林表面如渥丹按魏書二年焦光管寧傳光河東人也一名先字孝然建安末關中亂光獨窟河渚間自作一瓜牛廬處其中食謂之隱者或問皇甫謐曰焦光何人曰吾不足以知之光曠然以天地爲棟宇閭然台至道之前出群形之表入玄寂之幽犯寒暑不以傷其性居曠野不以苦其形遭驚急不以迫其慮懼榮憂不以累其心自視聽不以汚其耳目義皇以來一人而已潤州去城九里江中有焦山因光得名舊經云焦光所隱光百餘歲卒嘗三召不起故茲山有洞名三詔宋元祐間無名氏焦山十六題中有三詔洞詩刻于石歷代祠而祀之

國朝尤加崇重載諸祀典命有司每歲三月十五日致祭三詔洞詩

疇昔先生此掩關紫泥三到石房間若教便逐蒲輪起安得高風鎮海山

新修焦先生祠堂記

雲陽沈固撰

先生諱光漢末隱士也丁獻帝建安關中之亂潛至河濱作蝸牛廬呻吟其中復尋幽勝徙京口城東江中之山洞居焉朝廷三下詔徵不起後人因名其山而爲其

洞至今嚴祀不絕舊有堂宇歲久朽腐且祠釋像其中
天順壬午四明姚侯容來守是邦行禮祠下周迴顧
瞻咨嗟興嘆以為表揚風節化民之本而先賢廟貌弗
稱具瞻甚闕典也因謀修葺於是搜羨餘發委積聚材
庀工經營籌畫楹桶之缺缺者補正之繪畫之漫漶者
鮮明之繚以垣墉創外門而揭華扁徹異端崇正祀規
模氣象視昔有加不徒揭虔安靈甚慰邦人之思也夫
以先生高世之行三聘不赴豈絕世好為詭異哉蓋是
時漢室不綱群雄並起先生抱康世濟民之才而不遇
文明仁義之主是以蔡邕荀彧之徒雖賢且智猶不免
屈身玷節先生辭卿相之貴千金之富終老空谷子陵
已來一人而已夫西漢養士二百年王莽謀逆而子陵

僅見東漢養士亦二百年表曹角逐而先生再見先生
相去二百年而風聲氣韻如一日富春之山與揚子之
山相去數百里而光華高致無彼此論其清風高節匪
直矯當時貪饕之弊能使百世之下廉貧立懦而塞奔
兢之途且兩漢清節之士皆見於季世又以表國家培
養之久所謂歲寒松柏後凋也祠於其鄉以崇名教宜
哉雖然夫惟光明正大之人然後能重清修苦節之士
故嚴先生祠堂傾圮范文正公典郡新之加以雄文光
照寰宇今焦先生祠宇弊陋已久不遇吾賢太守庸能
作興創新乎是知焦先生固無愧於子陵而吾太守之
舉亦庶幾文正之軌轍也第以固投老丘園筆力荒猥
而祠記之作不克褒揚先賢發揮郡侯以禮導民之意

為可少焉祠修於是歲仲秋訖工於季冬而記作於次
年孟春云

高風

宋漫塘劉文清先生



贊

安成吳節

濂洛之文 夷齊之節

神明之政 超絕之識

處必以道 出必以時

卓哉文清 百世之師

宋史列傳

劉宰字平國金壇人既冠入鄉校卓然不苟於去就取舍紹熙元年舉進士調江寧尉江寧巫風為盛宰下令保伍互相糾察往往改業為農歲早帥守命賑荒邑境多所全活有持妖術號真武法穿雲子寶華主者皆禁絕之書其座右曰毋輕出文引毋輕事蠻楚緣事出郊與吏卒同蔬食水飲去官惟篋藏與主簿趙師秀酬倡詩而已調真州司法詔仕者非偽學不讀周惇頤等書方得考試宰喟然曰平生所學者何首可斷此狀不可得卒弗與授泰興令有殺人獄具謂禱于叢祠以殺一人刃忽三躍乃殺三人是神教我為請之州毀其廟斬首以徇鄰邑有租牛縣境者租戶於主有連姻因喪

會竊券而逃他日主之子征其租則曰牛鬻久矣子累年訟于官無券可質官有以異縣置不問至是懇于宰宰曰牛失十載安得一旦復之迺召二句者勞而語之故托以他事繫獄鞠之句者自詭盜牛以賣謹詣其所驗視租戶曰吾牛因某氏所租凶者辭益力因出券示之相持以來盜券者無然為歸牛與租富室亡金釵惟二僕婦在置之有司咸以為冤命各持一蘆曰非盜釵者詰朝蘆當自若果盜則長於今二寸明旦視之一自若一去其蘆二寸矣即訊之果伏其罪有姑媳婦不養者二召二婦并姑置一室或餉其婦而不及姑徐伺之一婦每以已饌饋姑姑猶呵之其一反之如是累日遂得其情父喪免至京韓侂胄方謀用兵宰啓鄧文龍薛

村似極言輕挑兵端為國深害迄如其言為浙東倉司
幹官職事修舉或引去默觀時變頓不樂仕尋告歸監
南岳廟江淮制置使黃度辟之入幕宰辭曰君命召不
往今矧可出耶嘉定四年堂審召命且再下不至時相
亦屢諷執政從官貽書挽宰宰峻辭以絕俄題考功曆
示決不復仕理宗初即位以為籍田令屢辭改添差通
判建康府又辭乞致仕乃以直秘閣主管仙都觀拜改
秩予祠之命辭秘閣不允端平元年升直寶謨閣祠如
故且盡還磨勘歲月未幾遷太常寺丞郡守以朝命趣
行不得已勉就道至吳門拜疏徑歸一時譽望收召略
盡所不能致者宰與崔與之耳帝側席以問侍御史王
遂且俾宣撫遷將作少監又以直敷文閣知寧國府皆

不拜進直顯謨閣主管玉局觀帝猶冀宰一來也召奏
事訖不為起自號漫塘病叟年七十四卒鄉人罷市走
送袂相屬者五十里人人如哭其私親朝廷嘉其節謚
曰文清宰剛大正直明敏仁恕施惠鄉邦其烈實多置
義倉創義役三為粥以字餓者自冬徂夏日食凡萬餘
人薪粟衣纊藥餌棺衾之須靡謁不獲某無田可耕某
無廬可居某之子女長矣而未婚嫁皆汲汲經理如已
實任其責橋有病涉路有險阻雖巨役必捐貲先倡而
程其事宰生理素薄見義必為既竭其力籍貨貸以繼
之無倦若定折麥錢額更縣斗斛如制毀淫祠八十四
所凡可以白于有司利于鄉人者無不為也宰隱居三
十年澹如一日平生無嗜好惟書靡所不讀既竭日力

猶坐以待雖博考訓注而自得之為貴蒙齋表甫表其
墓謂其德慮周密才力精強坐之廟堂可以躋世三代
任之方面可以折衝千里技乎流俗銖視軒冕有漫漶
文集三十卷語錄十卷行於世

授太常丞勅

勅朝奉即直寶謨閣主管建昌軍仙都觀劉宰聖人與
曾點說漆雕開蓋不汲汲於用乃所以致用也爾得於
天者厚求於人者薄見幾遠引樂道而著書與行乎國
政之久者相為終始世方瀾倒獨落落乎其有風騷朕
甚嘉之技之槃澗丞我奉常愔然壹來尚不負國人之
望可依前朝奉即特授行太常寺丞奉勅如右牒到奉
行

高鳳卷

端平元年七月二十五日

祭漫塘劉先生文

尚書實齋王遂

嗚呼先生道伊周而節夷齊政垂厓而行紫芝朝廷不
能致其材為柱石廟堂不能得其智為蒼龜但見左右
抗陳辭策而請代不可勝計而中外識者以先生出處
占國之興衰然而孝孳孳而念親忠切切以憂時士之
聞風而興起者皆知老吾老而幼吾幼民之憔悴無聊
者甚於溺已溺而飢已飢獨有豐年則築倉而平糶歲
荒則發廩而為糜達之橋梁道路豁然而四達鄉之大
小役使欣然惟義之歸雖細穉廣廈莫見先生之宏論
崇議而高文鉅筆猶刻之深山峭壁之豐碑謂德在人

者必享其報留其祿者將至于期願天子命遂以召先生者既不可得而岳神之許其年者病逾歲而竟遠將二者無所致詰抑大厦非一木之能支自今以往疑無所質惑無所解將如江河胡而失維緝悔無以知過無以改必且舞鯀鱗而號狐狸聚飢民萬計而飲之食之者誰之力遇三軍之衆而不敢犯者誰之為其小者若此大者誰與之謀惟嗚呼有盡者先生之悲無窮者先生之思蓋慟習而流涕反袂而痛哭者所以為天下計而寧為師友之情親戚之私

又

郡太守獲齋吳潛

嗚呼惟公造道之與培德之基學根六經行守四維砥排佛老扶起孔姬有天爵之綦貴而人爵之不磨薦書

高風卷一

十九

所以通籍也公則強項而不拜課曆所以考績也公則流臺而淋漓宦情之薄輕於毫厘浩然勇退垂三十暮雖不求名上亦簡知升之匠監而不肯就畀之侯藩而不屑為威武不能屈推勢不能移行如下惠清如伯夷孤風勁節天下高之嗚呼吾先君子所敬者誰內交於公侃侃惇惇未見父執我心洵飢去秋七月恩蕪節麾意者仁里瞻望可期而距墻仞百里有奇潛因於基郡而不可往公逸於泉石而不可來然而遁角旁午箋尺交馳如倡斯和如行斯隨半載之全情乎意怡何上元之浹日朝絕筆而我貽道開緘於信宿心猶豫而狐疑繼頃刻以聞訃果是夕之已而恍鬱悒而詫噩不覲面而求離惟平時不以得喪為榮辱故一旦不以生死為

惟悲較以兩楹之奠同乎哲人之萎嗚呼昊天不惠乎吾黨一老不可以憫遺嗟百身而莫贖涕與泗以交頤走賓僚而敬吊愧斂衽以陳詞薦生芻之一束惟冥漠其鑒茲

先生遺文

重建鎮江郡治記

朱方襟帶江浙肱臂吳楚拱淮挹海山川阻深為南東一都會自乘輿去汴都抗無閑塞形勢指江若海為固而視淮為邊是邦介其間上蔽京邑下壁天塹為巨鎮雄壘與建鄴廣陵相連衛多事以來備守堅險揆昔為益艱殆非才具全德量備者天子不輕以符畀端平乙未夏五月上御便殿顧二三輔臣疇咨鎮江守臣僉曰

高風卷一

十九

惟臣吳淵可上亟前既受詔甫戒塗適獬率獻舉太守治所泊望望如繫腰處一燔之闔閭奔潰意巨測公聞叱徒御督舟師布驅易大江若平陸不二日達境攬轡勇往直前時狂黨方奮挺刃恣剽殺或離或伍踣籍衢陌不自意公之猝上也睚眦眦第第狼顧公氣壓其兇誠誘其諛不諱聲色人訖按堵於是大加撫馭蒐什伍藥傷憊已責弛征貫泉予糈火地舊壤萬室渠渠凡絲忽可以惠厥州者罔不用其極一日命其下曰民居既植立矣府寺廳事蒞民之所也灰燼瓦礫蕪蕪若爾何以稱畿輔威何以示大藩尊乃研綜帑廩縮用節力懋遷羸窳剝心隱市材於素產而駟狡弗敢舞厥直募傭於子來而軍吐不空與厥勞心營指授克協

時制始乎宣詔頒春終乎麗譙儀門營翼儼如廊廡肅如廳事雄屹棖棟蟬嫣前後有堂東西有廳軒曰近民閣曰高門左揭仁壽之名右標道院之目書塾講室前後區別吏坐曹廨次序環植版築剛栗鍊石犀壽自下而高廉級益峻由左而右碱祀孔膺合所建置咸無闕焉郡踐山作郭治所故傳成翼山公因其燬削嶠壘培塿而寓繩墨焉彪分眈峙井井屬屬賦乎內則洞直閱嚴而璘璣邃靚膏其外則拿闢礪礪而錯落雄爽也

不日而成民大會屋以程計者凡六百二十五泉粟以緡考總一十五萬八千有奇君子曰是役也薄用而厚存近舉而遠獲不廢不庫靡輪靡負蓋公以天下之才而用一州是以談笑拱揖百廢具舉北門堽鑄賴以

增重然則弘濟于多難者獨可無材哉夫應變制難化獲服慎勇也周旋裁處經畫得宜智也保抱携持出之湯火仁也三者備於一身又能據此要害與武備作武勇為王畿折衝為三方控制計俾隱然有金阜不變之實誠足以副天子之所責任真可以稱堂堂都會之居才具全德量滯於此可規矣嗚呼是州也由虞夏春秋羸劉而下隸吳隸越隸楚曰各邑曰封國曰戰爭形要地自吳晉宋齊而來為僑州為留局為京城曰刺史府曰節度府曰都督府其統隸蓋不知其幾矣為之主者迭居迭往且賢且否或久或速或輕或重其遷徙又不知其幾矣迨今思之真如傳舍如蘆廬卒莫能與此土相消長撫事感懷可以浩歎今營建於煨燼之餘苟無

以登載歲月滔滔來者無窮孰知再造權輿自公哉又孰知公於此邦值時多難經畫貽遠若此者哉故持據厥實以詔求求尚後之人繼此必尊嘉熙元年丁酉十月上澣書

粥局記

金壇田半高下下田南漸洮湖朝掛帆而夕浙籍得歲不為吾邑利故倍相承憂旱不憂水水患甚於隆興迄嘉定癸未甲子周而復始方幸高田之稔是歲也暴不勝寒穀入大減菜亦不熟越明年春啼饑者載道宰居僻杜門久寂不聞乃二月上澣二三醫生過門始為宰言之宰念先君雲茅居士生平每值儉歲悵無以及人坐所蕩田歲豐收穀可百斛輸官給守者之餘不半在

且十年或可追承先志因與醫生謀載以歸以是月望後二日即嶽祠空廡春而糜之以與饑者共其始來者纒數百竊自喜曰雖多可無乏事其後稍增盡三月乃盈萬人宰始窘於無繼議所以友人趙若珪玉甫聞之矍然踵門而告曰凡吾邑之民所以扶老携幼去其室廬以苟苟合之食者所願更旬餘無死則庶乎麥秋今而棄之是將濟而奪之舟中絕而絕之綆也而可乎宰曰力竭矣可若何玉甫曰若然何不素告我乃自振廩耳為書園封之又為書博封之以請于御之好事者未幾錢穀沓至乃四月朔更端俾煬者增電奔走者增員史執筆以書而受給不欺閣執朴以徇而去來無壅又所用米皆精鑿自平時中下之家不能有乃今以食飢

者以是遠近傳流來者至萬有五千每捧食執飲者至必舉首仰天三扣齒而後敢食迄十有五日大麥實乃已既事王甫謀伐石識姓名以旌施者宰自念知顛末獨審故不俟其請而為之書昔在漢末名士鄭泰等避寇出關道遇獨行者秦等欲與俱蕭子魚不可既行而其人墮險眾欲棄去子魚曰已與俱矣又可棄乎卒全而歸之疇昔之事輕舉而不要其終幸固有愧於子魚者王甫之為義豈直子魚比哉至於王甫之意決於此一鄉之人應於彼與得之所見所聞者力所可至皆不謁而獲此豈智力所及孟子曰今人乍見孺子將入于井皆有怵惕惻隱之心又曰人心所同然者理也義也乞於此驗之謹以施之先後序列下方而述更端之意

冠諸篇首云

高風卷一

潤州先賢錄高風卷第一終

潤州先賢錄 卷二

潤州先賢錄 忠節卷第二
唐扶陽郡王桓忠烈公



贊

安成吳節

大哉扶陽	為唐柱石
紅紫不分	公辨其色
頽波橫流	公正其極
不誅祿產	真遺主磔
中更播遷	卒死誣讟
自昔忠孝	美不並立
彼汚既彰	吾明益徹
丹青不磨	永顯忠烈

一一三

唐書列傳

桓彥範字士則潤州丹陽人以門蔭調右翊衛遷司衛主簿狄仁傑曰君之才當自光大毋卹于初厚為禮尋擢監察御史累遷中丞長安中為司刑少卿張昌宗引妖人迎占言計不軌宋璟請窮治其姦武后以昌宗嘗自歸不許彥範諫曰昌宗繆橫陰苞禍心億測天命皇神降怒自適其咎推原厥情蓋防事暴之日得引首以免未敗則候時為逆此凶詭之臣營惑聖心既自歸露而尚與妖人祈福禳解則果於必成初無悔意今而宥之誠恐昌宗自謂應運天下浩然從之父在子稱尊為逆子君在臣圖位為逆臣逆而不誅社稷懼亡請付三司考治不納時內史李嶠等屢奏往為酷吏破家者請皆宥雪依違未從彥範復上言自文明後得罪惟楊豫博三州不免它可悉赦疏十上卒見聽嘗曰大理人命所懸不可便辭詭合以免張柬之將誅易之等引與定策於是彥範敬暉為左右羽林將軍屬以禁兵時中宗每北門起居因得謁陳秘計神龍元年正月彥範暉率羽林兵與將軍李湛李多祚楊元琰薛思行等千騎五百人討賊令湛多祚就東宮迎中宗至玄武門彥範等斬關入士皆謀時武后處迎仙宮之集仙殿斬易之等廡下聞變而起見中宗曰乃汝耶豎子誅可還宮彥範進曰太子今不可以歸往天皇棄群臣以愛子託陛下今久居東宮群臣思天皇之德不血刃清內難此天意人事歸李氏臣等謹奉天意惟陛下傳位萬世不

絕天下之幸后乃卧不復言明日中宗復位以彥範為侍中封譙郡公賜實封五百戶上書戒帝曰詩以關雎為始言后妃者人倫之本治亂之端也故舜之興以皇英而周之興以任姒桀奔南巢禍階妹喜魯桓滅國惑始齊姜伏見陛下臨朝視政皇后必施帷殿上預聞政事臣愚謂之王者謀及婦人皆破國亡身傾軛絕路且以陰乘陽遠天也以婦凌夫遠人也遠天不祥遠人不義故書曰牝雞之晨惟家之索易曰無攸遂在中饋言婦人不得預外政也伏願上以杜稷為重今皇后無居正殿于外朝深居宮掖脩陰教以輔佐天子又道路籍籍皆云胡僧慧範託浮屠法詭惑后妃出入禁與續撓朝政陛下嘗輕騎微服數幸其居上下泄慢君臣虧替

臣謂興化致治以康又國家者繇進善而棄惡孔子曰執左道以亂政者殺假鬼神以危人者殺今慧範亂政危人者也不急誅且有變除惡務本願早裁之帝屬昏狃左右不能有所省約俄墨敕以方士鄭普思為秘書監葉靜能為國子祭酒彥範執不可帝曰要已用之不可止彥範曰陛下始復位制詔軍國皆用貞觀故事貞觀時以魏徵虞世南顏師古為監以孔穎達為祭酒如普思等方伎猥下安足繼蹤前烈臣恐物議謂陛下官不擇才以天秩加私愛不從時武三思以遷太后衛志慮不利諸武而帝后雅為帝寵畏且三思與彥亂由是朋讒竒中未幾罷彥範等政事五月加特進封扶陽郡王賜姓帝后屬籍錫金銀錦繡皆以鐵券恕十死今

朝朔望尋出為洛州刺史改濠州王同皎誅三思事
洩三思誣彥範等同逆陰令許州司功參軍鄭愔上變
乃貶彥範瀧州司馬敬暉崖州司馬袁恕已實州司馬
崔玄暉白州司馬張柬之新州司馬悉奪勳封三思又
疏帝后隱穢榜於道請廢之帝震怒三思猥曰此殆彥
範輩為之命御史大夫李承嘉鞫狀物色其人承嘉即
奏彥範暉柬之恕已玄暉暴訕搖變內託廢后而實危
君人臣無將當伏誅詔有司議罪大理丞李朝隱執奏
彥範等未訊即誅恐為仇家誣讞請遣御史按實卿裴
談請即誅斬家籍沒帝業嘗許以不死遂流彥州禁錮
終身子弟年十六以上謫徙嶺外懼承嘉先祿大
夫襲武郡公后又賜綵五百段錦被一進談刑部尚書

世節卷二

一四

而貶朝隱三思又諷節愍太子請夷彥範等三族帝不
從三思慮五人者且復用乃納崔湜計遣周利貞矯制
殺之利貞至貴州逢彥範即縛曳竹槎上肉盡杖殺之
年五十四睿宗即位彥範等並追復官爵賜實封二百
戶還其子孫謚曰忠烈開元六年詔與暉玄暉柬之恕
已勤勞王家皆配享中宗廟建中三年復贈彥範為
司徒暉太尉玄暉太子太師柬之司徒恕已太子太傅
考範工屬文然不甚喜觀書所志惟忠孝大畧居若不
能言及議論帝前雖被詰讓而安辭定色辯爭愈切誅
二張也東之勒兵景運門將遂夷諸武洛州長史薛季
昶勸曰二凶雖誅產祿猶在請除之會日暮事遽彥範
不欲廣殺因曰三思机上肉爾留為天子藉手季昶嘆

曰吾無死所矣俄而三思竊入宮因帝后反盜朝權同
功者曠曰死我者桓君也彥範亦曰主上昔為英王故
吾留武氏使自誅定今大事已去得非天乎初將起事
告其母母曰忠孝不並立義先國家可也御史李福業
者嘗與彥範謀及被殺福業亦流番禺後亡匿苦州參
軍敬元禮家吏捕得元禮曰公窮而歸我我得已乎見
者傷之時監察御史盧襲秀亦坐與桓敬善為冉祖雍
所按不屈或報曰南使至桓敬已死襲秀滋然祖雍怒
曰彥範等負國君乃流涕且君下獄諸弟皆縱酒無憂
色何邪對曰我何負哉正坐與彥範善耳今盡殺諸弟
則已如獨殺襲秀恐公不得高枕而瞑祖雍色動握其
手曰當活公遂得不坐襲秀者其祖方慶武德中為察

世節卷二

一四

非掾秦王器之嘗引與議達成事方慶辭毋老矣丐身
歸養王不逼也貞觀中為彙城令彥範弟玄範官至常
州刺史臣範工部侍郎

忠節

宋開封府尹東京留守宗忠簡公



贊

金華王栢

雙龍遐驤

風埃帝邑

秉鉞齋壇

揮涕戮力

天聲外揚

臣姦內抑

忠憤莫紓

孔明祖述

宋史列傳

宗澤字汝霖婺州義烏人系出南陽漢汝南太守資之裔五代之亂其祖避地江南子孫因家于潤母劉夢天大雷電光燭其身翌日而澤生澤自幼豪爽有志登元祐六年進士第廷對極陳時弊考官惡其直寘末甲調大名館陶尉呂惠卿帥鄆延檄澤與邑令視河歸檄至澤適喪長子奉檄遽行惠卿聞之曰可謂國爾忘家者適朝廷大開御河時方隆冬役夫僵仆于道中使督之急澤曰浚河細事乃上書其帥曰時方凝寒徒苦民而功未易集少需之至初春可不擾而辦卒用其言上聞從之惠卿辟為屬辭調衢州龍游令民未知學澤為建庠序設師儒講論經術風俗一變自此擢科者相繼調晉州趙城令下車請并縣為軍書聞不盡如所請澤曰承平時固無慮它日有警當知吾言矣知萊州掖縣部使者得旨市牛黃澤報曰方時疫癘牛飲其毒則結為黃今和氣橫流牛安得黃使者怒欲劾邑官澤曰此澤意也獨銜以聞通判登州境內官田數百頃皆不毛之地歲輸萬餘緡率橫取於民澤奏免之朝廷遣使由登州結女真盟海上謀夾攻契丹澤語所親曰天下自是多事矣退居東陽結廬山谷間靖康元年中丞陳過庭等列薦假宗正少卿充和議使澤曰是行不生還矣或問之澤曰敵能悔過退師固善否則安能屈節北庭以辱君命乎議者謂澤剛方不屈忍害和議止不遣命知磁州時太原失守官兩河者率託故不行澤曰食祿而

雖難不可也即日單騎就道從羸卒十餘人磁經敵騎
 蹂躪之餘人民逃徙帑廩禡然澤至繕城壁浚隍池治
 器械募義勇始為固守不移之計上言邢洺磁趙相五
 州各蓄精兵二萬人敵攻一郡則四郡皆應是一郡之
 兵常有十萬人上嘉之除河北義兵都總管金人破真
 定引兵南取慶源自李固渡渡河恐澤兵躡其後遣數
 千騎直扣磁州城澤擐甲登城令壯士以神臂弓射走
 之開門縱擊斬首數百級所獲羊馬金帛悉以賞軍士
 康王再使金行至磁澤迎謁曰肅王一去不反今敵又
 詭辭以致大王願勿行王遂回相州有詔以澤為副元
 帥從王起兵入援澤言宜急會兵李固渡敵歸路眾
 不從迺自將兵趨度道遇北兵遣秦光弼張德交擊大
 破之金人既敗乃留兵分屯澤遣壯士夜擣其軍破三
 餘若時康王開大元帥府撤兵會大名澤履水渡河見
 王謂京城受圍日久入援不可緩會簽書樞密院事曹
 輔贊蠟封欽宗手詔至自京師言和議可成澤曰金人
 狡譎是欲款我師爾君父之望入援何啻飢渴宜急引
 軍直趨漕淵次第進壘以解京城之圍萬一敵有異謀
 則吾兵已在城下汪伯彥等難之勸王遣澤先行自是
 澤不得預府中謀議矣二年正月澤自大名至開德與
 金人十三戰皆捷遂以書勸康王撤諸道兵會京城又
 移書北道總管趙野河東北路宣撫范納知興仁府曾
 林合兵入援三人皆以澤為狂不答澤以孤軍進都統
 陳淬言敵方熾未可輕舉澤怒欲斬之諸將乞貸淬使

得效死澤命淬進兵遇金人敗之金人攻開德澤遣孔
 彥威與戰又敗之澤度金人必犯濮先遣二千騎往援
 金人果至敗之金人復向開德權邦彥孔彥威合兵夾
 擊又大敗之澤兵進至衛南度將孤兵寡不深入不能
 成功先驅云前有敵營澤揮眾直前與戰敗之轉戰而
 東敵益生兵至王孝忠戰死前後皆敵壘澤下令曰今
 日進退等死不可不從死中求生卒知必死無不一當
 百斬首數千級金人大敗退却數十餘里澤計敵眾十
 倍於我今一戰而却勢必復來使悉其鐵騎夜襲吾軍
 則危矣乃暮徙其軍金人夜至得空營大驚自是憚澤
 不敢復出兵澤出其不意遣兵過大河襲擊敗之王承
 制以澤為徽猷閣待制時金人逼二帝北行澤聞即提
 軍趨滑走黎陽至大名欲徑渡河據金人歸路邀還二
 帝而勤王之兵卒無一至者又聞張邦昌僭位欲先行
 誅討會得大元帥府書約移師近都按甲觀變澤復書
 于王曰人臣豈有服赭袍張紅蓋御正殿者乎自古姦
 臣皆外為恭順而中藏禍心未有竊據寶位改元肆赦
 惡狀昭著若邦昌者今二聖諸王悉渡河而北惟大王
 在濟天意可知宜亟行天討興復社稷且言邦昌偽赦
 或啓姦雄之意望遣使分諭諸路以定民心又上書言
 今天下所屬望者在於大王大王行之得其道則有以
 慰天下之心所謂道者用剛正而遠柔邪納諫諍而疏
 諛佞尚恭儉而抑驕侈體憂勤而忘逸樂進公實而退
 私偽因累表勸進王即帝位于南京澤入見涕泗交頤

陳興復六計時與李綱同入對相見論國事慷慨流涕綱奇之上欲留澤潛善等沮之除龍圖閣學士知襄陽府時金人有割地之議澤上疏曰天下者太祖太宗之天下陛下當兢兢業業思傳之萬世奈何遽議割河之東西又議割陝之蒲解乎自金人再至朝廷未嘗命一將出一師但聞奸邪之臣朝進一言以告和暮入一說以乞盟終致二聖北遷宗社蒙耻臣意陛下赫然震怒大明黜陟以再造王室今即位四十日矣未聞有大號令但見刑部指揮云不得騰播赦文於河之東西陝之蒲解者是褫天下忠義之氣而自絕其民也臣雖駑怯當躬冒矢石為諸將先得指報國恩足矣上覽其言壯之改知青州時年六十九矣開封尹關李綱言緩復

舊都非澤不可尋徒知開封府時敵騎留屯河上金鼓之聲日夕相聞而京城樓櫓盡廢兵民雜居盜賊縱橫人情恟恟澤威望素著既至首捕誅舍賊者數人下令曰為盜者賊無輕重並從軍法由是盜賊屏息因撫循軍民脩治樓櫓屢出師以挫敵民賴以安王善者河東巨寇也擁衆七十萬車萬乘欲據京城澤單騎馳至善營泣謂之曰朝廷當危難之時使有如公一二輩豈復有敵患乎今日乃汝立功之秋不可失也善感泣曰敢不効力遂解甲降又有楊進號沒角牛兵三十萬丁進王再李貴王大郎等各擁衆數萬往來京西淮南河南北侵掠為患澤遣人諭以禍福悉招降之上疏請上還京俄有詔荆襄江淮悉備巡幸澤又上疏言開封物價

市肆漸同平時將士農工商旅士大夫之懷忠義者莫不願陛下亟歸京師以慰人心其唱為異議者非為陛下忠謀不過如張邦昌輩陰與金人為地爾除延康殿學士京城留守兼開封尹時金遣人以使偽楚為名至開封府澤曰此名為使而實覘我也拘其人乞斬之有詔所拘金使延置別館澤曰國家承平二百年不識兵革以敵國誕謾為可憑信恬不置疑不惟不嚴攻討之計其有實欲賈勇思敵所懾之人士大夫不以為狂則以為妄致有前日之禍張邦昌取南仲輩所為陛下所親見也今金人假使偽楚來覘虛實臣愚乞斬之以破其奸而陛下惑於人言今遷置別館優加待遇臣愚不敢奉詔以彰國弱上乃親札諭澤竟縱遣之言者附潛

善意皆以澤拘留金使為非尚書左丞許景衡抗疏力辨且謂澤之為尹威名政績卓然過人今之縉紳未見其比乞厚加任使以成禦敵治民之功真定懷衛間敵兵甚盛方密脩戰具為入攻之計而將相恬不為慮不脩武備澤以為憂乃渡河約諸將共議事宜以圖恢復而於京城四壁各置使以領招集之兵造戰車千二百乘又擬形勢立堅壁二十四所於城外駐兵數萬澤往來按試之又沿河鱗次為連珠砦連結河東河北山水砦忠義民兵於是陝西京東西諸路人馬咸願听澤節制有詔如淮甸澤上表諫不報秉義即岳飛犯法將刑澤一見奇之曰此將材也會金人攻汜水澤以五百騎授飛使立功贖罪飛大敗金人而還遂升飛為統制而

謂之曰爾智勇材藝古良將不能過然好野戰非萬全計因授飛陣圖飛曰陣而後戰兵法之常運用之妙存乎一心澤是其言飛由是知名澤視師河地還上疏言陛下尚留南都道路籍籍咸以為陛下舍宗廟朝廷使社稷無依生靈失所仰戴陛下宜亟回汴京以慰元元之心不報復抗疏言國家結好金人欲以息民卒之劫掠侵欺靡所不至是守和議果不足以息民也當時固有阿意順旨以叨富貴者亦有不相詭隨以獲罪矣者陛下觀之惜富貴者為是乎獲罪矣者為是乎今之言遷幸者猶前日之言和議為可行者也今之言不可遷者猶前日之言和議不可行也惟陛下熟思而審用之且京師二百年積累之基業陛下奈何輕棄以遺敵國乎詔遣官迎奉六宮往金陵澤上疏曰京師天下腹心也兩河雖未救寧特一手臂之不信耳今據欲去之非惟一臂之弗瘳且并與腹心而棄之矣昔景德間契丹寇澶淵王欽若江南人即勸幸金陵陳堯叟蜀人即勸幸成都惟寇準毅然請親征卒用成功臣何敢望寇準然不敢不以章聖望陛下又條上五事其一言黃潛善汪伯彥贊南幸之非澤前後建議經從三省樞密院輒為潛善等所抑每見澤奏疏皆笑以為狂金將兀朮渡河謀攻汴京諸將請先斷河梁嚴兵自固澤笑曰去冬金騎直來正坐斷河梁耳乃命部將劉衍趨滑劉達趨鄭以分敵勢戒諸將極力保護河梁以俟大兵之集金人聞之夜斷河梁去二年金人兀朮自鄭抵白沙去

汴京密邇都人震恐僚屬入問計澤方對客圍碁笑曰何事張皇劉衍等在外必能禦敵乃選精銳數千使統出敵後伏其歸路金人方與衍戰伏兵起前後夾擊之金人果敗金將黏罕喝據西京與澤相持澤遣部將李景良閻中立郭俊民領兵趨鄭敵大戰中立死之後民降景良遁去澤捕得景良謂曰不勝罪可恕私自逃是無主將也斬其首以徇既而俊民與金將史姓者持書來招澤澤數俊民曰汝失利死尚為忠義鬼今反為金人持書相誘何面目見我乎斬之謂史曰我受此土有死而已汝為人將不能以死敵我乃欲以兒女子語誘我乎亦斬之劉衍還金人復入滑澤遣張撝往救之撝至滑衆寡不敵或請少避之撝曰避而偷生何面目

見宗公力戰而死澤聞撝急遣王宣往援已不及因與金人大戰破走之澤以宣知滑州金自是不復犯東京澤得金將遼臣王策于河上解其縛問金之虛實得其詳遂決大舉之計召諸將謂曰汝等有忠義心當協謀勦敵期還二聖以立大功言訖泣下諸將皆聽命金人屢戰不利悉引去澤復上疏請帝還京曰臣為陛下保護京城自去年秋至于今春又三月矣陛下不早回則天下之民何所依戴不報澤威聲日著敵聞其名常尊憚之對南人言必曰宗爺澤前後請帝還京二十餘奏每為黃潛善汪伯彥所抑憂憤成疾疽發于背諸將以問疾澤翼然曰吾以二帝蒙塵憤憤至此汝等能殲敵則我死無恨衆皆流涕曰敢不盡力諸將出澤歎曰出

師未捷身先死長使英雄淚滿襟明日澤無一語及家事但連呼過河者三而卒年七十都人號勸計聞詔贈觀文殿學士通議大夫賜諡忠簡澤始招集群盜聚兵儲糧結諸路義兵連燕趙豪傑自謂渡河剋復可指日冀有志弗就識者恨之子穎居戎幕素得士心澤卒數日將士去者什五而中原不復守矣穎官終兵部郎中復墓田記

翰林學士奉議大夫王景

古之有盛德大功於世者其祀典常與天地相終始而鬼神寔司之蓋天理在人心不容泯也是以忠臣烈士英風凜凜昭灼今古非唯當時慕之而數千載之後能使人感動興起嗟乎生為忠良死為明神理之常也予

忠節卷下

十四

見宋宗忠簡公澤墓田在鎮江京峴山其墓田林木草坤既踔不遂湮沒若神人扶持之者良可敬也嗚呼胡虜入中國致靖康之慘極矣宋太祖有天下太宗真宗繼之百五十年涵養生息措國勢如泰山磐石至神宗用王安石國脉潛耗至於徽宗以侈靡促之童貫喪師以啓戎心再犯國都而鑿與蒙塵邦昌借位天理民彝斷喪無幾唯宗澤起自河北義兵都總管留康王于磁州差軍衛南上書勸進高宗即位趨行在帝壯之命知開封府京城留守澤招集義兵得百餘萬山寨效順復數十萬方剋聲大振而病不可起矣嗟夫宋之再造宗澤基之宗澤之生死繫中原之存亡宗澤在則義兵至一百八十萬澤亡則義兵盡散澤在則化叛逆為王臣

澤亡則王臣變為賊矣是知澤之生死繫宋之輕重其忠義貫日月心膽烈金石志吞逆虜素力不遠回鑿之跡二十四上而國賊中沮之感激而死豈其得已哉使澤不死岳飛生存金之為金者可知也今郡守劉公辰蒞政之初見其墓蕪穢不治墓田為寺僧所侵即奮然復其故物勒石紀功凡歸田四十八畝三分二厘四毫地一十四畝二分七厘六毫草灘一十二畝五分六厘十畝六分七厘二毫重命龍華寺僧守之歲奉祠祀作文叙其顛末其規模措置頗詳具云邦人凌濶後建碑於寺以紀興復之由以昭劉公之德且來徵文子謂非忠簡公之忠義不能遺丘隴于三百年之後非劉郡守之明昭前烈不能復忠簡三百年之絕祀雖然豈人力之可致哉天相之也夫國家之理亂繫于天而人臣之忠義懸于天劉公此舉非天而何故余假天以彰劉公之績以勸世之為政者知所本云

墓碑

奉議大夫前左春坊左庶子金華鄭濟

炎精中否宋運至靖康之世王室再造謀國之臣爭土地於敵人之手忠簡公尹京握兵之日在垂老忍死之年不為敵人之強為可憐唯視人心不去為可恃奮臂一呼轉盜賊為王師百萬之衆悉集麾下狄虜挫衄叛亡歸正中國夷狄之分若可相安何天之生才難為公後之繼天方假狄祚未欲一夷夏當時中外悉以畫江守淮為計唯議和之恐後中分之勢隨之而定公死

不可復生忠魂義魄不返故鄉旅葬長江之上雖橫屍
地下公之精誠所感英靈所集猶可以扞禦封疆宋再
立國備安南服倚長江以為天塹者一百五十年是又
豈非天意乎公以元祐六年進士調館陶尉歷龍游膠
水趙城三令政和三年改知掖縣通判登州初朝廷謀
夾攻契丹與女真結盟海上公慮首禍出言忤得幸用
事者羈置鎮江父之以郊恩叙復監酒因卜居焉當時
金人將南向廷臣列薦假公宗正少卿充和議使公以
名不正請更為計議使俄又以其過於剛方訖不遣會
選易和北帥守乃擢公知磁州河北義兵都總管就遷
秘閣修撰公至撫懷疲民且戰且守與邢洺趙相四州
聯絡相應恩陵以親主入質虜廷迺磁公力諫止之既

而建幕府授兵馬大元帥公為副帥京城受圍日久公
率義旅轉戰而東尋以公為徽猷閣待制公屢陳方畧
勝兵大集而公言不用勤王之師合而復去卒無至者
二年之間二帝北狩邦昌僭逆及思陵即位南京之時
公與李綱同入對論國事慷慨流涕言無不盡汪黃中
沮曾不能少留以龍圖閣學士出知襄陽府上章不輟
請亟還舊京上覽奏改知青州及開封尹闕李綱奏綏
服故都非公不可命知開封時公已年六十九矣及除
延康殿學士京城留守兼府尹陞資政殿學士義旅之
衆至是有統公威望素著民情頓安招集冠兵及於百
萬京城四壁置使招集據形勢立堅屯二十四所連結
河南北陝東京東西諸路忠義悉聽節制狄兵尊憚不

敢稱名開封內外市肆之間物價廉聚漸如承平唯待
乘輿還闕出師渡河公身任中原興復之事戰勝攻克
敵兵遠却舊疆之復指在目中章疏之上累至二十宰
執忌公每格不報義旅失望師徒解體於是虜騎長驅
中原一民尺土皆非宋有宋室不競繫公之存亡所宜
習兵儀真破江寧控扼之始謀楚人城郢以偏霸割據
為可比者可謂深切著明矣祖宗養士之效得民心之
深不能勝佞倖之衆柰之何擇日還京之詔雖下及時
乘銳之勢已去公之憂憤積而成疾漬疽流血脛至易
簣遺表之泪未乾渡河之呼已絕古人悲痛果人乎累
天乎公子顯居戎幕素得士心都人請繼父任不可得
為杜亮官免反公所為領爭不從持服而去公諡

字汝霖其先娶之義烏人薨宋建炎二年先曾拜公門
下侍郎御營副使而遺表聞詔贈文殿學士謚忠簡
卹典初行用侍從恩數進四官後以通議大夫告其弟
累加開府儀同三司立廟于鄉邦從祀于邑庠有司著
為彝典舊記云墓在鎮江京峴山今為丹徒大慈鄉汝
山灣之原自昔建佛廬為雲臺寺以守公墳祠堂又別
稱以歲廟像祀郡營宮之祀先賢公亦在列宋元以來
更歷既久墳圯不治寺屋亦移置它處當今洪武三十
四年公之同里劉侯辰來守茲郡治民禮神報政稱最
凡所以樹立名教者知無不為率僚佐召父老揖拜墳
下汛掃薦奠親祠宇之傾移考碑碣之湮沒問之遺民
民不忘求之去僧僧復來推詳按寔復其山林伐石重

表神道種樹加護封域移文于朝貽書于家俾其子孫
 重至展省著存孝思歸以先業改建祠宇凡若干楹環
 墳之山凡五十二畝仍俾寺僧守之俾其子孫著名以
 隸于籍焉侯之景仰先哲表章前烈可謂達思孝之本
 知政治之原矣嗚呼公之謀國用武死於忠憤而葬江
 上岳武穆知遇於公將兵敵愾死於仇嫉而葬江南趙
 忠簡公後同公謚身都將相死於斥逐亦返葬江北所
 謂身騎箕尾歸天上氣作山河壯本朝者夫人道尚明
 神道尚幽三公謀國復封疆不能同列于中外不得同
 信其志後乃共徯社稷於沒身以終宋室三百年之運
 嗚呼何莫非天也亦何莫非人也公之勲烈赫赫乎振
 耀於其前公之名義昭昭乎暴白乎其後又何其愈久
 而愈無窮也嗚呼盛哉侯繕治公墓且將樹麗牲之碑
 補其闕文以濟亦忝鄉里後學請有所述濟以學識寡
 陋不敢輒諾侯言至再三濟以成美盛事不敢終辭謹
 論列而銘之其詞曰

烈烈宗公大節英風誓以生死與國始終公昔為州
 起應朝聘使節未降遄已改命剛方而斥擠之戎區
 單騎就道出而守磁民聞公來遐邇響應義旅奮起
 辭直氣勁太原不守兩河沾危磁當其衝戎車四馳
 親王出質幾蹈虎口扣馬請還公為殿後王在行間
 危言涕瀉公率義旅履水渡河先驅無後勤王不集
 公來帥閫衆毀構厄民心可恃狄欲無厭國莫振弱
 孰究公言城下行成宗社之耻有兵不戰大難不已

莫匪王土莫匪王臣二帝北狩中原陸沉狄騎衝突
 無所顧憚橫潰不障乘輿不返額頽都城留守尹京
 師徒有統戰守有兵播敷聲猷登翼炎運公寔啓之
 以定國命爰積器備糗糧藁芻以守以戰士馬嘯呼
 黔黎輯柔豪暴震懾王畿千里置之衽席人心不去
 夫道不遠中外戮力興復可期見幾乘時身當其責
 朝無成命公有遺策梁木其壞山岳其摧公不可作
 三軍慟哀明神天遊上顙帝所英魂在地下扞邦土
 長江浩浩高冢纍纍天塹之外狄不敢窺生之不泯
 非公之志死之不忘唯公之義長淮大江天限北南
 京口孤冢為生死關時移運遷宗社已屋邦人永思
 不伐宰木劉侯守邦瞻拜幽堂昭夫遺績耆茲永歲

故鄉後人前代先哲景行仰止執鞭不及新祠奕奕
 穹碑巖巖松阡鬱鬱邦人共瞻公名之盛公績之偉
 江流不息何千百祀

弔忠簡公詩

金華王禔

艤舟大江口矯首京峴山山色近目睫洩雲護層巒吾
 鄉忠簡公立隴在其間嗚呼靖康亂九鼎紛播遷建炎
 既南狩國事已艱難公方任社稷百戰心力殫神州將
 全壁抗疏請迴鑾大誼表日月裏言披膽肝誰歟獨何
 心忍使棄中原星殞孔明死王業遂偏安惟留忠誠節
 宇宙垂不刊遺墳托茲土孰敢樵牧干客塗有程期無
 由拜荆管遺武幸可踏英風杳難攀天昏白日落淒然
 洒清潛

宋贈秘閣脩撰陳公



扶真

忠節卷二

十一

自贊

生本假借

誰識其真

丹青所寫

非吾精神

天地使我

與物為春

終當有歸

高閣麒麟

漫塘劉宰

陳公以布衣叩閣恨不手鋤

奸佞今雖死垂紳正笏生氣

凜凜奸佞者盍少避然不減

段太尉無恙時

行狀

弟右脩職郎處州錄事參軍南撰
公諱東字少陽鎮江丹陽人也曾大父諱廣大父諱思
齊考諱震自五世以來以儒嗣其業皆隱德不耀公生
而性穎悟有氣局未冠已如成人博學強記善屬文年
十七朝廷以三舍取士入學與諸生居十年以上舍貢
于辟雍升太學在太學十五年屢以校定試上舍俱不
利人或誘以他道進公正色謂之曰吾雖不才必欲取
科第為親榮君柰何是以汚我耶政和三年朝廷大作
雅樂命太學生五百人習之有司將按試於廷或謂事
竟且次第推賞時諸生及縉紳子弟多以夤緣獲預者
人人有德色公時以齊長預焉一日輒詣長貳白辭之

長貳謂公曰樂成且官矣人咸願預而不可得公何遽
辭焉曰寧有是事萬一有之吾何以僥倖進身耶同舍
生力挽之卒不肯預有識者高之俄而奔先君喪以歸
哀毀成疾終三年不入妻室鄉黨稱其孝服除復遊太
學毅然有澄清之志每與士大夫論其奸往往怒髮衝
冠見者為之竦立宣和八年金人寇河北徽宗勸于勤
淵聖皇帝即位明日詔內外及士庶言時政得失公慨
然曰太學賢士之闕國家涵養之地豈無應詔者乎乃
率在學數百人以上書闕下首論蔡京王黼等誤國奸狀
乞正典刑以折虜氣淵聖納其言然執政者營救之猶
未遽出時金人犯京城公在圍城中再上書反覆論京
等罪惡繼而臺諫亦論列京罪於是朝廷始盡黜而誅

之明年春淵聖方召五路兵以拒虜用李綱種師道主其事而肉食者偷安畏憚欲為城下之盟沮罷綱師道等京師俱罷兵虜人乘我不備詢不自安公曰事急矣於是夜復草書黎明合在學諸生伏闕下以進軍民不期而會者十餘萬人淵聖悟即起二公於廢籍中令人聞二公之復用也因遂解去初公之與諸生伏闕軍民始相聚以觀俄至數萬奈其書為奸人蔽塞不即通軍民因毀闕前欄楯過登聞鼓其不逞者憤宦官之前為奸也乘勢鼓噪殺御藥朱拱之等至揉其膚髮公止之雖甚力衆怒諱不聽有同舍生前謂公曰事勢如此奈何盍且逃死乎公笑曰君何言之謬耶吾去則君等戮矣願君等何罪吾今自是頭已在地矣繼而綱師道出謂衆曰朝廷已復用我摠兵矣衆皆識二公丰采遂稍稍散去寔靖康元年二月初五日也於是用事者遂以脅持君父為名今太學官屏公出學已而王時雍輩又欲矯制盡殺太學生上書者賴開封府聶山力救得免淵聖復降內批付山曰前日太學生陳東言事誠出忠義可令遷學山同祭酒楊時出御筆率學官請公或曰君可去矣公曰吾家貧親老欲由學校取科第今天子禮士如此吾何舍學校云乎遂還學久之宰相吳敏請以官命公寔欲寵之也公再上書力辭不受夏五月因謁告歸省親公既欲以科舉進是歲秋八月應鄉貢進士舉預薦未行奉親居里閤甘旨之餘日與親舊把酒為樂酒後耳熱往往援筆賦詩以自適冬十月金人

犯京城公憂國步艱危至寢食俱廢繼聞京城陷乃北向慟哭或中夜興起恨無死所明年夏五月今上皇帝即位于南京改元大赦公聞之喜而不寢謂所親曰吾今始有生意未幾有旨召公於是知鎮江府延康殿大學士趙子崧移文趣公行公聞命戒嚴行李或勸公無行公曰新天子即大位十日而下詔呼一布衣必聞天下之言也有君如此項踵尚奚足惜耶遂就道以棺自隨示不求生以害仁八月十五日至行在折卸具狀申尚書省不報因寓居神霄宮杜門不敢見賓客聞宰相汪伯彥黃潛善議欲遷都建鄴京師人情日益不安遂上書乞罷潛善伯彥進用賢相又上書請車駕早還京決策親征又論遷都於國家大有利害者又不報公知市勢已不可回欲乞歸田里待罪狀未及上私念之曰天子以忠言召我若不以微罪行人必以畏禍而去遂蔬食焚香草書再上之力論潛善伯彥等奸書既上潛善以公言逼已迺與宦官康履謀以他事奏請令應天府尹孟庾追取而殺之蓋康履方怒公在靖康初伏闕致軍民殺其黨朱御藥輩而孟庾又王黼客也潛善伯彥既有殺公意二憾在焉遂置極法公自赴召至行在所凡十日而得罪死然公雖以言忤權貴見殺而書中所言多中時病朝廷往往畧施行之方應天府追吏之來也公贖正熱寤寐而見之乃徐起更衣索飯語吏曰朝廷召我來未曾得見官家爾曹不可無禮容我為家書吏曰不敢遂就食食訖索紙作書區區家事纖悉備

蓋字畫道勁有顏柳遺法臨刑神色不變既死面如生
識與不識之人莫不為之流涕隨行僕夫具棺以殮鄉
士胡壽為護其喪以歸建炎三年春車駕南幸臨安大
臣有以公死為言者上始驚悟即命贈承事郎仍官有
服親一人夏四月車駕回幸建鄴道由鎮江參知政事
王綯為上言曰昔大學生陳東嘗奏封事出於忠義用
事大臣私涉嫌疑力行奏請亟加誅戮上曰朕方深悔
過之誠旌盡忠之士既已追贈京秩仍官其子今行經
其鄉未忘于懷可特賜錢五百貫紹興三年再貶南京
用事大臣復追贈朝奉郎秘閣修撰仍與兩資恩澤賜
官田一十頃誥詞御筆言初王綯既言公以忠死上即
命賜其家官其子綯退而謂人曰以此見陳公之死非

本聖心也公被罪之日年四十二其配吳氏生二女
方赴召時吳氏有娠一日晝寢夢白蛇自身外透其身
驚而覺因語家人家人皆恠之及計音至始知夢之日
乃被罪之日也遺腹後得男聚族而觀之且悲且喜知
公之後不絕名曰嗣宗二女長適忠翊即揚中和次適
潘好謙右迪功郎處州麗水尉皆以公恩澤故公之歿
也祖母蔣氏卒繼母吳氏年高而家益窶二女未及嫁
公之配吳氏而嗣宗尚在孩抱乃謀諸姑請于朝令南
受所賜有服親恩命哀慟者累日始公母蔡氏懷公七
月而生六歲而蔡氏卒鞠於吳氏公事父母盡孝事祖
母尤謹而吳氏視之如己子繼生二子曰坦曰南兄弟
友愛人不知其異母焉公平日與朋友信其於鄉黨恂

恆然宗族姻婭皆得其歡心家雖貧而輕財重義賙人
之急雖質衣冠不靳也為文章不事華麗命意立言必
合風化有詩文數百篇經兵火多不存自少尚氣節有
憤世嫉邪之志當宣和末群奸益用事公知其社稷必
危嘗因大雪與同舍生飲太學初筮齋酒酣聯句為樂
衆皆頹然不能落筆公獨為古詩云飛燕強攬朔風起
朔雪飄飄洒中土雪花着地不肯消億萬蒼生受寒苦
天公剛被陰雲遮那知世人凍死如亂麻人間愁歎之
聲不忍聽誰肯採摭傳說聞達天上家地行賤臣無言
責私憂過計如杞國揭雲直欲上天門首為蒼生訟風
伯天公倘信臣言冷世間開陽闔陰不作難便驅飛燕
囚下鄂都獄急使飛雪作水流潺潺東方日出能照耀

坐令和氣生人竅又為律詩三十韻有云山嶽遭埋沒
乾坤着蔽蒙已成堆積勢漸費掃除其措意類如此
在淵聖皇帝朝凡六上書今上皇帝臨御又三上書公
初上書論蔡京王黼等太學人人言殊雖平日與其腹
心者然亦忌憚蓋以數人者用事日久盤根錯節恐未
易以言破也公乃曰公等未許我我當斷之於心於是
閉門焚香危坐默自計曰書上而言幸中朝廷設命我
以官雖貴且顯吾不受設得罪以死吾不悔如是可也
繼而諸生見公翕然願從而為終始紛紛矣俄而祭酒
謝克家司業望之博士孫觀坐堂上克家曰聞爾率諸
生伏闕奈何俱不敢答至觀則曰太學何蕃蓋所以稱
於當世者獨以此六館之士不從朱泚之亂而已未聞

伏闕也上書何為公亦不答即長揖而退二公訖無所發怒諸生又以是偉公故書終得達今往往皆流傳天下公初自太學奔喪歸而先君已葬矣公以喪非治命欲擇地遷葬蔡氏合之志未遂而公被罪以歿南後於縣之上德鄉桐村之原得吉卜焉以建炎三年十月十四日遷先君與蔡氏合葬以成公之志而公之喪實祔焉南重惟不肖未為公立墓隧之碑今述公平生事列于行狀以備史官採擇云

宋史列傳

陳東字少陽鎮江丹陽人蚤有雋聲傲儻負氣不戚戚於貧賤蔡京王黼方用事人莫敢指言獨東無所隱諱所至宴集坐客懼為已累稍稍引去以貢入太學欽宗

即位率其徒伏闕上書論今日之事蔡京壞亂於前梁師成陰賊於後李彥結怨於西北朱勔聚怨於東南王黼童貫又從而結怨於遼金敗祖宗之盟失中國之信初開邊隙使天下勢危如絲髮此六賊者異名而同罪伏願陛下擒此六賊肆諸市朝傳首四方以謝天下言極憤切明年春貫等挾徽宗東獨上書請追貫還正典刑別選忠信之人往侍左右金人迫京師又請誅六賊時師成尚留禁中東發其前後姦謀而謫死李邦彥議與金利李綱及种師道主戰邦彥因小失利罷綱而割三鎮東復率諸生伏宣德門下上書曰在廷之臣奮勇不顧以身任天下之重者李綱是也所謂社稷之臣也其庸繆不才忌嫉賢能動為身謀不恤國計者李邦

彥白時中張邦昌趙野王孝迪蔡懋李松之徒是也所謂社稷之賊也陛下被綱列卿之中不一二日任為執政中外相慶知陛下之能任賢矣斥時中而不用知陛下之能去邪矣綱任而未專時中斥而未去復相邦彥又相邦昌自餘又皆擢用何陛下任賢猶未能勿貳去邪猶未能勿疑乎今又聞罷綱職事臣等驚疑莫知所以綱自起庶官猶任大事邦彥等疾如仇讎恐其成功因用兵小不利遂得乘間投隙歸罪於綱夫一勝一負兵家常勢豈可遽以此傾動任事之臣竊聞邦彥時中等盡勸陛下他幸京城騷動若非綱為陛下建立則乘輿播遷宗廟社稷已為丘墟生靈已遭魚肉賴聰明不惑特從其請直邦彥等讒嫉無所不至陛下若聽其言

斥綱不用宗社存亡未可知也邦彥等執議割地蓋河此實朝廷根本無三關四鎮是棄河北朝廷能復都大梁則不知割太原中山河間以此之後邦彥等能使金人不復敗盟乎一進一退在綱為甚輕朝廷為甚重幸陛下即復前命復綱舊職以安中外之心付种師道以閩外之事陛下不信臣言請徧問諸國人必皆曰綱可用邦彥等可斥也用舍之際可不審諸軍民從者數萬書聞傳旨慰諭者旁午衆莫肯去方昇登聞鼓搥壤之喧呼震地有中人出衆鬻而磔之於是亟詔綱入復領行營遣撫諭乃稍引去金人既解去學官觀望時宰議屏伏闕之士先自東始京尹王時雍欲盡致諸生於獄人人惴恐朝廷用楊時為祭酒復東職遣聶山詣學撫

論然後定吳敏欲阻謗議奏補東官賜策除太學錄東
又請誅蔡氏且力辭官以歸前後書五上既歸獲預鄉
薦高宗即位五日相李綱又五日召東東至未得對會
綱去乃上書乞留綱而罷黃潛善汪伯彥不報請親征
以還二聖治諸將不進兵之罪以作士氣車駕歸京師
勿幸金陵又不報潛善輩方獨示綱幸金陵舊奏東言
綱在中塗不知事體宜以後說為正必速罷潛善輩會
布衣歐陽澈亦上書言事潛善遽以語激怒高宗言不
亟誅將復鼓衆伏闕書獨下潛善所府尹孟庾召東議
事東請食而行手書區處家事字畫如平時已乃授其
從者曰我死爾歸致此於吾親食已如廁吏有難色東
笑曰我陳東也畏死即不敢言已言肯逃死乎吏曰吾

亦知公安敢相迫頃之東具冠帶出別同鄉乃與澈同
斬於市四明李猷贖其尸瘞之東初未識綱特以國故
至為之死識與不識皆為流涕時年四十有二潛善既
殺二人明日府尹白事獨詰其何以不先關白微示愠
色以明非已意越三年高宗感悟追贈東澈承事即東
無子官有服親一人澈一子令州縣撫其家及駕過鎮
江遣守臣祭東墓賜緡錢五百紹興四年並加朝奉郎
秘閣修撰官其後二人賜田十頃

高宗追贈東秘閣修撰誥詞

嗚呼古之人願為良臣不願為忠臣以謂良臣身荷美
名君都顯號忠臣已嬰禍誅君陷昏愚於威唯爾東其
始特有意於良臣乎繇朕不德使爾不幸而不為良臣

也雖然爾籍不得已不失於忠而顧天下後世獨謂朕
何此朕所以八年于茲一食三嘆而不能自己也通階
美職豈足為恩以塞予哀以彰予過使天下後世考古
之飾非詎諫之主殆不如是寬而有知享朕茲意

哀詞

右丞襄陽許翰

建炎元年八月翰蒙恩召至睢陽再俾與政是時李綱
黃潛善相汪伯彥張憲在樞府翰察之綱必為諸人所
危自度不可以留辭位甚切章方累上而綱得罪翰因
獨留祈去力陳綱之忠義英發方今非綱無可與共建
中興之業者廢綱而留臣徒無益也上未納而持之故
伯彥怒相繼留為上位及綱罷相翰獨綴班列奏事一

夕見潛善獨留甚久翌日上顧潛善昨夕二人已處之
矣因泛言歐陽澈書論朕宮禁寵樂惡有此事陳東書
必欲留李綱歸曲朝廷翰茫然初不知其端也既罷行
問潛善上所處者何人曰即指後陳東歐陽澈也處之
如何豈已逐之耶曰斬之矣翰驚失色潛善乃曰今日
方將論救已不及矣因究其書何以不下政府曰獨下
潛善故不得相視是伯彥怒皆不復問其本末蓋所與
聞者也伯彥等但稱歎上威神睿斷而潛善至堂見應
天府尹孟庾白事獨詰何以不關政府而遽斬東等微
示愠色蓋潛善前留本定此議惡其惡故反推而遠
之也翰歸謂所親曰吾與陳東皆爭綱者豈有一人斬
首都市一人安跡廟堂者哉上不早聽使去諸人將復

澈東處我矣乃辭以同列事不預聞章上卒罷去然世多疑此二人者言太切直嬰鱗犯上故深既之紹興三年始見東書於湖湘一書論李綱之用傅亮張所未有過失不當謫去而方為伯彥潛善所排詆二書請上大誅賞前日諸將提兵顧望不救都城非大元帥心宜正其罪而親征之詔揚厲威武期還兩宮保據中原無為渡江之計金陵之計猶植人也不可不思三書言李綱請去則朝廷必不能行前書所陳因深論汪黃之奸必敗國事願速去之至屬上躬優游不迫也則知東所以死坐咈大臣非天子意潛善等蓋慮天子謂其以誠已故誅東因歐陽澈書攻及上躬而併殺之以蓋其私且謂是皆讒誣均不足信於戲其可謂周於謀已而輕殺士矣渡江之後天子感悟下詔褒贈追錄二人之忠各令官其子而厚撫其家顧當時奸臣誤國之曲折世或未究知則仁聖之本心未明故刪取東書大指如此而系以哀詞使後之人有攷焉詞曰

紛袞繡兮迷國俾常布兮憂時忠未諒兮讒興言方發兮身夷胡之塵兮孔揚蒙兩宮兮北之廟食震兮憑怒哭杜鬼兮懷悲委墜緒兮嗣聖基申命兮遺黎何鄙夫兮間此盜威福兮逆施惟寵利兮是圖違恤國步兮安危慘一朝兮曷故殘二士兮不疑使賢相兮智伏世體解兮心離謂圍城兮伏闕幾變故兮弗支不及今兮誅鋤將鼓衆兮為奇乘新造兮惕慎寧一忍兮衆是疑嗟仁聖兮本心豈賢諫兮縱非當箱

鍵方挈挈使寶慈方傾移知名惡方委遠云聖斷若斯彼蒼蒼方匪天乃詭誕方敢欺臣作君方隱蒙毀陰機香方莫窺後執簡方何人尚有考方余詞
恭被詔書褒贈陳公忠義痛感有作

丞相李綱

哀痛綸言洒帝章賜金贈秩喜非常無心聖主如天地着意奸臣極虎狼忠血他年應化碧英魂今日已生光先生憤懣誠昭雪九死南阡豈自傷
屢將鯁論叩楓宸不為承恩始愛君誰使崔寧論盧杞恨無慶忌救朱雲死生一決心應了忠義千年筆有芬一芥草芥言世務從公無復見劉蕡
祖宗德澤在斯民常帶精忠不乏人魏闕獻書開帝聽

李綱卷一

三十

匪函詩事觸龍鱗血沾斧鉞雖因我心在宗桃獨許身宿草已深難以慟臨風空有淚沾巾
平昔初無半面交危言幾辨蓋寬饒幽真我已慚良交忠憤誰能念本朝故國遙看雲香香新阡何處草蕭蕭
撫孤未遂山濤志誰繼離騷付大招

公遺文

答趙廷康書

七月十一日太學生陳東謹再拜裁書于判府安撫廷康閣下自閣下下車以來東村野除伏曾未違修進謁之儀一展桑梓之敬懈怠之罪復何所逃方此恐懼忍蒙專价吏頒示公牒并賜之書東拜命感激愧無以當
伏念東生四十二年矣自四五歲先君教之讀書畧通

大義不甚解也於時事一無所長惟愛君憂國之心憤世嫉邪之志出於天性不可強而奪年十七先君子命事科舉游學校欲令以學官起家自初至今二十五年矣東謹守嚴訓蹉跎潦倒不悔也宣和七年冬孝慈淵聖皇帝登寶位時方強虜犯順朝廷艱危宗社之勢甚如累卵東在太學為諸生親親國難不勝切齒刻骨蓋其所以致禍之端深知備見抑鬱於胸中有日矣於是合在學生千百輩扣閣一吐之凱裨新政之萬一狂妄之罪至於再三理合誅夷賴國恩寬大赦其萬死朝廷既又命之以官東皇恐失措循墻走避辭童孺貢僅乃獲免旋即告歸桑梓之下負米奉養為世幸民已是過望尚復何求日夕北面祈禱國威大振狂虜殄

滅側耳捷音欲與黃童白叟酌酒相慶庶幾復見太平不意朝奸稔惡縱敵為患遂至大變使兩宮蒙塵九廟危殆金枝玉葉墮落虜營奸逆乘機竊大寶天下忠臣孝子疾首痛心東雖布衣白瑩之賤不足道者然世世戴趙氏之天履趙氏之地含齒戴髮粗知忠孝豈忍坐視君父之屈辱而安寢甘食乎號天叫地恨無死所幸新天子龍飛社稷復歸我宋天下之人獲再親天日之光矣柰何二聖未有回鑾之耗一人不勝宵旰之憂苟有血氣之屬孰不願捐軀頂踵為國復耻如東之愚何足以為策引領朔風泣血而已豈謂仄席首及微賤閣下布宣德意敦諭諄復東雖欲懇辭固避以伸知難之義不可得矣當卜日趨赴闕下少效愚衷圖報萬

一區非毫楮可具旦夕俯伏堦墀諸容面陳不宣

谷江西提舉監丞蔣宣卿書

七月七日太學生丹陽陳東謹再拜奉書提舉監丞朝議閣下即日秋暑伏惟撫部多暇尊候起居百福東伏蒙持遣急足遠賜書翰并示到照牒一道舉東應詔付行在所仍給會子一紙計錢一百千助東路費并差兵士三人隨行東恐懼莫知所措東白屋之賤潦倒龕踈涉世迂闊生四十二年矣未嘗脩進謁之儀以干公卿大夫頃在太學為諸生時閣下佐官水衡東適有御人校館閣下資緣邂逅遂獲一望羊采然恨未足少款以露心腑豈意誤聽以東姓名點汚薦墨乃取東往歲獻書之故此猶非敢當者東不肖無狀暗於自揆逢時艱

難輒有所論列狂妄之罪理合誅夷仰賴天子聖仁赦其萬死已是大幸豈敢更有他望哉向者少宰吳公嘗以區區亦請于上命之以官東於是循墻走避上章抗辭至于數四僅乃獲請朝廷蓋哀其誠而諒其無他也今豈敢復望以此受知於有位以僥倖進身耶閣下之意則厚矣閣下無乃過乎昔孟子所謂近臣遠臣觀其所主所為主則賢否可知矣東豈敢貪冒公舉以累閣下之賢乎不敢不敢所有照牒錢券謹具別狀頭連粘封授求价繳納伏望提舉監丞朝議閣下亦哀其誠而諒其無他而俯從之幸甚未有參見之期伏祝為國保重不宣

忠節

宋左丞相陸公



贊

金華宋濂

身抱龍髯兮眼不見水
鳳闕雖遐兮龍堂則邇
玉雪皦如兮肯汚泥滓
赤日出海兮爾心不死

宋史列傳

陸秀夫字君實楚州益城人三歲其父徙家鎮江稍長從其鄉二孟先生學孟之徒恒百餘獨指秀夫曰此非凡兒也景定元年登進士第李庭芝鎮淮南聞其名辟置幕中時天下稱得士多者以淮南為第一號小朝廷秀夫才思清麗一時文人少能及之性沉靜不苟求人知每僚吏至閣賓主交歡秀夫獨飲焉無一語或時宴集府中坐尊俎間矜莊終日未嘗少有希合至察其事皆治庭芝益器之雖改官不使去已就幕三遷至主官機宜文字咸淳十年庭芝置制淮東擢參議官德祐元年邊事急諸僚屬多亡者惟秀夫數人不去庭芝上其名除司農寺丞相權至宗正少卿兼權起居舍人二

年正月以禮部侍郎使軍前請和不就而反二王走温州秀夫與蘇劉義追從之使人召陳宜中張世傑等皆至遂相與立益王于福州進端明殿學士簽書樞密院事宜中以秀夫久在兵間知軍務每事咨訪始行秀夫亦悉心贊之無不自盡旋與宜中議不合宜中使言者劾罷之張世傑讓宜中曰此何如時動以臺諫論人宜中惶恐亟召秀夫還時君臣播越海濱庶事踈畧楊太妃垂簾與群臣語猶自稱妃每時節朝會秀夫儼然正笏立如治朝或時在行中溘然淚下以朝衣拭淚衣盡泥左右無不悲動者屢并澳風王以驚疾殂群臣皆欲散去秀夫曰度宗皇帝一子尚在將焉置之古人有以一旅一城中興者今百官有司皆具士卒數萬夫若欲

未絕宋此豈不可為國耶乃與眾共立衛王時陳宜中
往占城以與世傑不協屢召不至乃以秀夫為左丞相
與世傑共秉政時世傑駐兵崖山秀夫外籌軍旅內調
工役凡有所述作又盡出其手雖勿遽流離中猶日書
大學章句以勸講至元十六年二月崖山破秀夫走衛
王舟中而世傑劉義各斷維去秀夫度不可脫乃仗劍
驅妻子入海即負王赴海死年四十四翰林學士劉鼎
孫亦驅家屬并輜重沉海不死被執榜掠無完膚一
得脫卒蹈海鼎孫字伯鎮江陵人進士也方秀夫海上
時記二王事為一書甚悉以授禮部侍郎鄧光薦曰君
後死幸傳之其後崖山平光薦以其書還廬陵大德初
光薦卒其書存亡無從知故海上之事世莫得其詳云

挽詩有序

合肥王惠

秀夫初在杭都與廣王益王及太后妃嬪等航
海而南至福州廣王即位改元景炎後至廣
東之峒川景炎崩衛王即位改元祥興遂遷于
崖山以秀夫為丞相張世傑太傅天祥少保會
張弘範舟師至秀夫見勢既不可為乃取舟中
諸器物悉沉之於水仍仗劍驅妻子赴水於是
登御舟請上曰皇太后辱已甚陛下不可再辱
當為國死遂抱帝俱投水中秀夫文筆英妙凡
事皆其潤色紀綱之若賜文天祥勤王詔謂天
祥如鋼百煉而愈利如水萬折而必東是已

由閩航海到崖山國運云關挽不還抱主共投深水去
絕勝俘虜走塵寰

又

郡人郭景星

黑風吹海浪崩騰獨抱龍髯氣拂膺臣子但知全大節
猶憶城南秋雨夜一窓曾共讀書燈

又

永嘉俞德鄰

把國天將壓蒼梧雲正愁龍胡垂可挽魚腹葬何憂萬
死丹心在千齡王氣收懸知精衛念今古不能休
七朝迷瘴霧一日倒狂瀾天意竟難料皇圖不再寧
甘蹈東海誰忍繫南冠自古孰無死從容就義難
群雄紛慶死一士獨捐生曆數絕難續綱常晦復明人

知念王蠋天豈禍程嬰淚眼休枯盡他年看史評

句金曹翁

別師游宦去國事又乘桴有地皆周粟無人可趙孤生
期斷鼉足死學抱龍胡遺墨仍留在顏書比得無

公遺文

丹陽館記

丹陽館之所始無可考按郡志紹興十四年朝廷命守
臣鄭茲建之於時和議既成館是用作中門南向接送
伴使在東館客使在西館厥後凡奉法御命者皆館焉
部使者亦如之在郡國諸邑為特鉅屋與歲陳廩廩將
壓於是百二十有六年矣咸淳五年冬長沙趙公以外
司農典州顧謂是邦江淮閩浙之所交也四海賓客之

所合也。輶車駟騎之所會也。而舍於隸人，不亦羞當世之士乎？七年春，乃一大脩之，悉撤其舊而新之。圖木甃瓦石，厥材孔良，孔惠孔時，役不告勞，暨訖工，功與初畧等，而其鉅也。加於昔，漬成馳書秀夫曰：子之居是邦也，蓋記諸竊嘗稽之。周官里有市，市有侯館，館有積嗟夫。此士者之政也。晉文公崇大諸侯之館，猶汲汲焉繕脩是務，褒城驛甲天下，財幾何？時庭除蕪堂蕪殘，過者太息。今州縣皆驛也。夫以古人則視館如寢，後世則視州縣如驛，蓋學之不講而吏道之衰也。久也，公共工于茲，能以達之，庶以奉之心，休而力有餘，茲館固舉廢之一事於厚古之所以創中之所以弊，今之所以脩其可以弗記。公名潛，字元晉，忠靖公之子，忠肅公之孫，忠肅師

張宣公淵源所漸有自來矣。奉議郎宣持差克京湖制置大使司主管機宜文字陸秀夫記

潤州先賢錄忠節卷第二終

潤州先賢錄 相業卷第三
宋右僕射贈司空魏國蘇公



贊

同安鄭燾

導民保終 善親鄉里
建議用刑 必援典禮
渾象之作 前此莫比
隨事制宜 從容中理

又

仁和夏時正

蘇僕射博學敦行自其少時歷官州縣登侍從咸克盡心所事清望足以動人信杜祁公所謂不可得而親疏者也及觀刑不上大夫之論遂免張仲宣於黜以長養宋家仁厚之風豈非識達大體者歟他日因對神宗北虜山川人情向背之問其防微杜漸之意深矣惜乎悅而不繹卒致挑隙強胡馴有宣和靖康之禍惟仁人之言有益於人家國用不用而興亡得喪係之恒是也迨公入秉鈞軸與呂大防劉摯同心輔政明揚善類布之庶位使元祐治理庶幾真仁之朝夫何天不祚宋公既不爰于位二公亦相繼罷去竟以貶死獨公壽考哀

榮群奸莫得染手蓋公得其常而二公遇其變所以異也史臣稱公享高年考終命適以諫黜張仲宣一事証之且謂公多雅德君子之事而然以此祭之則二公之不幸豈真有所自致者耶余嘗以為非確論也

宋史列傳

蘇頌字子容泉州同安人父紳葬潤州丹陽因徙居之第進士歷宿州觀察推官知江寧縣時建業承李氏後稅賦圖籍一皆無藝每發飲高下出吏手頌因治訊他事互問民鄰里丁產識其詳及定戶籍民或自占不悉頌警之曰汝有基小基產何不言民駭懼皆不敢隱遂刻剔夙蠹成賦一邑簡而易行主令視以為法至領其民拜庭下以謝凡民有忿爭頌諭以鄉黨宜相親善若以小忿而失歡心一旦緩急將何賴焉民往往謝或半途思其言而止時監司王鼎王綽揚紘於吏部少許可及觀頌施設則曰非吾所及也調南京留守推官留守歐陽脩委以政曰子容處事精審一經閱覽則脩不復

省矣時杜衍老居睢陽見頌深器之曰如君真所謂不可得而親疏者衍又自謂平生人罕見其用心處遂自小官以至為侍從宰相所以施設出處悉以語頌曰以子相知且子異日必為此官老夫非以自矜也故頌後歷政略似衍云皇祐五年召試館閣校勘同知太常禮院至和中文彥博為相請建家廟事下太常頌議以為禮大夫士有田則祭無田則薦是有土者乃為廟祭也

救書云向因忿鬱偶失謙恭此則無可廢之事又云朕
 念其自歷長秋僅周一紀逮事先右祇奉寢園此則有
 不當廢之悔又云可追復皇后其祔廟謚而並停此則
 有合祔廟及謚冊之義請祔郭皇后於右廟以成追復
 之道衆論未定宰相曾公亮問曰郭后上元妃若祔廟
 則事體重矣頌曰國朝三聖賀尹潘皆元妃事體正相
 類今止祔右廟則豈得有同異之言公亮曰議者以謂
 陰逼母后是恐萬歲後配祔之意頌曰若加一懷哀愍
 之謚則不為逼矣公亮嘆重遷集賢校理編定書籍頌
 在館下九年奉祖母及母養姑姊妹與外族數十人甘
 旨融怡昏嫁以時妻子衣食常不給而處之晏如富弼
 嘗稱頌為古君子及與韓琦為相同表其蕪退以知穎
 州通判趙至忠本邊徼降者所至與守競頌待之以禮
 具蓋誠意至忠感泣曰身雖夷人然見義則服平生誠
 服者唯公與韓魏公耳仁宗崩建山陵有司乃以時難
 得之物厲諸郡頌曰遺詔務從儉約豈有土不產而可
 強賦乎量其有無事亦隨集英宗即位召提點開封府
 界諸縣鎮公事頌言周制六軍出於六鄉在王畿四郊
 之地唐設十二衛亦散布畿內郡縣又以關內諸將分
 隸之皆所以臨制四方為國藩衛國朝禁兵多地京師
 及畿內東南諸縣雖鎮運為便而西邊武備殊闕今中
 牟長垣都門要衝二鄙驛置皆由此而舊不屯兵闕無
 防守請置營益兵以備非常明年飢民果乘虛犯長垣
 戍官吏如頌慮頌又請以獲盜多寡為縣令殿最法以

謂巡檢縣尉但能捕盜而不能使人不為盜能使其不
 為盜者縣令也且民罹剽劫之害而長官不任其責可
 乎遷度支判官送契丹使宿恩州驛舍火左右請出巡
 頌不動州兵欲入救閉門不納徐使防卒撲滅之初火
 時郡人洵唱使者有變救兵亦欲因而生事頌安靜
 而止遂聞京師神宗疑焉頌使還入奏稱善久之命為
 淮南轉運使召脩起居注擢知制誥知通進銀臺司知
 審官審刑院時知金州張仲宣坐枉法贓罪至死法官
 援李希輔例杖脊黥配海島頌奏曰希輔仲宣均為枉
 法情有輕重希輔知台受賂數百千額外度僧仲宣所
 部金坑發檄巡檢體究其利甚微主人傳興作以金八
 兩屬仲宣不差官比技止係違令可比恐喝條視希輔
 有間矣神宗曰免杖而黜之可乎頌曰古者刑不上大
 夫仲宣官五品今貸死而黜之使與徒隸為伍雖其人
 無可矜所重者汙辱衣冠耳遂免杖黥流海外遂為定
 法又言提舉青苗官不能體朝廷之意邀功爭利務為
 煩擾且與諸司不相臨統文移同異州縣莫知適從乞
 與常平眾役一切付之監司改提舉為之屬則事有統
 一而於更張之政無所損也不從大臣薦秀州判官李
 定召見擢太子中允除監察御史裏行宋敏求知制誥
 封還詞頭復下頌當制頌奏祖宗朝天下初定故有起
 孤遠而登顯要者真宗以來雖有幽人異行亦不至超
 越資品今定不由銓考擢授朝列不緣御史薦寘憲臺
 雖朝廷急於用才度越常格然墜秦法制所益者小所

損者大未敢具草次至李大臨亦封還神宗曰去年詔
臺官有闕委御史臺奏舉不拘官職高下頌與大臨對
曰從前臺官於太常博士以上中行員外郎以下舉充
後為難得資叙相當故朝廷特開此制止是不限博士
員即非謂選人亦許奏舉若不拘官職高下并選人在
其間則是秀州判官亦可為裏行不必更改中允也今
定改京官已是優恩更慶之憲臺先朝以來未有此比
倖門一啓則士塗奔競之人希望不次之擢朝廷名器
有限焉得人滿其意哉執奏不已於是並落知制誥
歸工部郎中班天下謂頌及敏求大臨為三舍人歲餘
知婺州方泝桐廬江水暴迅舟橫欲覆母在舟中幾溺
矣頌哀號赴水救之舟忽自正毋甫及岸舟乃覆人以

相業卷三

五

為純孝所感徙亳州有豪婦罪當杖而病每旬檢之未
愈譙簿鄧元孚謂頌子曰尊公高明以政稱豈可為一
婦所給但論醫如法檢自不誣矣頌曰萬事付公議何
用心焉若言語輕重則人有觀望或致有悔既而婦死
元孚慙曰我輩狹小豈可測公之用心也加集賢院學
士知應天府呂惠卿嘗語人曰子容吾鄉里先進苟一
詣我執政可得也頌聞之笑而不應凡更三赦大臨還
侍從頌總授秘書監知通進銀臺司吳越饑選知杭州
一日出遇百餘人哀訴曰某以轉運司責逋市易緡錢
夜囚晝繫雖死無以償頌曰吾釋汝使汝營生奉衣食
之餘悉以償官期以歲月而足可乎守謝不敢負果如
期而足頌宴客有美堂或告將兵欲亂頌密使捕渠領

十輩荷校付獄中迨夕會散坐客不知也召脩兩朝正
史轉右諫議大夫使契丹遇冬至其國曆後宋曆日北
人問孰為是頌曰曆家算術小異遲速不同如亥時節
氣交猶是今夕若踰數刻則屬子時為明日矣或先或
後各從其曆可也北人以為然使還以奏神宗喜曰朕
嘗思之此最難處卿所對殊善因問其山川人情尚背
對曰彼講和日久頗竊中國典章禮義以維持其政上
下相安未有離貳之意昔漢武帝自謂高皇帝遺朕平
城之憂雖久勤征討而匈奴終不服至宣帝呼韓單于
稽首稱藩唐自中葉以後河湟陷于吐蕃憲宗每讀貞
觀政要慨然有收復意至宣宗時乃以三關七州歸于
有司由此觀之外國之叛服不常不繫中國之盛衰也

相業卷三

五

頌意蓋有所諷神宗然之元豐初權知開封府頗嚴鞭
朴頌謂京師浩穰須彈壓當以杜後惠文治之非毫穎
卧治之比有僧犯法事連祥符令李純頌置不洽御史
舒亶糾其故縱貶秘書監知濠州初頌在開封國子博
士陳世儒妻李惡世儒庶母欲其死語群婢曰博士一
日持喪當厚餉汝輩既而母為婢所殺開封治獄法吏謂
李不明言使殺姑法不至死或譖頌欲寬世儒夫婦帝
召頌曰此人倫大惡當窮竟對曰事在有司臣固不敢
言寬亦不敢論之使重獄久不決至是移之大理意頌
前次請求移御史臺速頌對御史曰公速自言毋重困
辱頌曰誣人死不可為已若自誣以獲罪何傷乎即手
書數百言伏其咎帝覽奏牘以為疑反覆究實乃大理

丞賈種民增城其文傳致也由是事得白同列猶以嘗
因人語及世儒惟簿書頌應曰然以是為地獄情罷郡
求幾知河陽改知滄州入辭帝曰朕知卿父然每欲用
輒為事奪命也夫卿直道久而自明頌頓首謝召判尚
書吏部兼詳定官制唐制吏部主文選兵部主武選而
神宗謂三代兩漢本無文武之別議者不知所慶頌言
唐制吏部有三餘之法分品秩而掌選事今欲文武一
歸吏部則宜分左右曹掌之每選更以品秩分治於是
吏部始有四選法因陞對神宗謂頌曰欲脩一書非卿
不可契丹通好又十餘年盟誓聘使禮幣儀式皆無所
考據但患脩書者遷延不早成耳然以卿度此書何時
可就頌曰須一二年曰果然非卿不能如是之敏也及

書成帝請序引書曰正類序卦之文賜名魯衛信錄帝
嘗問宗子主祭承重之義頌對曰古者貴賤不同禮諸
侯大夫世有爵祿故有大宗小宗主祭承重之義則喪
服從而異制匹士庶人亦何預焉近代不世爵宗廟因
而不立尊卑亦無所統其長子孫與眾子孫無以異也
今五服教嫡孫為祖父為長子猶斬衰三年生而情理
則一死而喪服獨異恐非先王制禮之本意世俗之論
乃以三年之喪為承重不知為承大宗之重也臣聞慶
曆中朝廷議百僚應任子者長子與長孫差優與官餘
皆降殺亦近古立宗之法乞詔禮官博士參議禮律合
承重者酌古今收族主祭之禮立為宗子繼者以異為
眾子孫之法士庶人不當同用一律使人知尊祖不違

禮教也除吏部侍郎遷光祿大夫遭母喪帝遣中貴人
唁勞賜白金千兩元祐初拜刑部尚書遷吏部兼侍讀
奏國朝典章公襲唐舊乞詔史官采新舊唐書中君臣
所日進數事以備聖覽遂詔經筵官遇非講讀日進漢
唐故事二條頌每進可為規戒有補時事者必述已意
反復言之又謂人主聰明不可有所嚮有則備偏則為
患大矣今守成之際應之以無心則無不治每進讀至
弭兵息民必援引古今以動人主之意既又請別製輝
儀因命頌提舉頌既邃於律曆以吏部令史韓公廉曉
算術有功恩奏用之授以古法為臺三層上設渾儀中
設渾象下設司辰貫以一機激水轉輪不假人力時至
刻臨則司辰出告星辰躔度所次占候則驗不差畧刻

書夜晦明皆可推見前此未有也頌前後掌四選五年
每選人改官吏求垢瑕故為稽滯頌救吏曰其官緣某
事當會其處仍引合周條格具委無漏落狀同上自是
更不得遲每訴者至必取接牘使自省閱訴者服乃退
其不服頌必往復詰難度可行行之苟有疑則為奏請
或見白都堂故選官多感德其不得所欲者亦心服而
去遷翰林學士承旨五年擢尚書左丞嘗行樞密事遣
帥遣种朴入奏得諜言阿里骨已死國人未知所立契
丹官趙純忠者謹信可任願乘其未定以勁兵數千擁
入其國立之眾議欲如其請頌曰事未可知且越境立
君使彼拒而不納得無損威重乎徐觀其變俟其定而
撫輯之未晚也已而阿里骨果無恙七年拜右僕射兼

中書門下侍郎頌為相務在奉行故事使百官守法遵職量能授任杜絕僥倖之原深戒疆場之臣邀功生事論議有未安者毅然力爭之賈易除知蘇州頌言易在御史名敢言既為監司矣今因赦令反下遷為州不可爭論未決諫官楊畏來之邵謂稽留詔命頌遂上章辭位罷為觀文殿大學士集禧觀使繼出知揚州徙河南辭不行告老以中太一宮使居京口紹聖四年拜太子少師致仕方頌執政時見哲宗年幼諸大臣紛紜常曰君長誰任其咎耶每大臣奏事但取決於宣仁右哲宗有言或無對者惟頌奏宣仁右畢必再稟哲宗有宣諭必告諸臣以聽聖語及賤元祐故臣御史周秩劾頌哲宗曰頌知君臣之義無輕議此老徽宗立進太子太保

相業卷三

九

爵累趙郡公建中靖國元年夏至自草遺表明日卒年八十二詔輟視朝二日贈司空魏國公頌器局闊遠不與人校長短以禮法自持雖貴奉養如寒士自書契以來經史九流百家之說至於圖緯律呂星官算法山經本草無所不通尤明典故喜與人言亶亶不絕朝廷有所制作必就而正焉嘗議學校欲博士分經課試諸生以行藝為升俊之路議貢舉欲先行實而後文藝去彌封膳錄之法使有司參考其素行之自州縣始庶幾復鄉貢里選之遺範論者韙之

論曰大防重學擊骨鯁頌有德量三人皆相於母右垂簾聽政之秋而能使元祐之治比隆嘉祐其功豈易致哉大防疏宋家法八事言非溢美足為萬世矜式摯正

邪之辨甚嚴終然直道愠於群小遂與大防並死於賤士論寬之頌獨歸然高年未嘗為姦邪所汙世稱其明哲保身然觀其論知州張仲宣受金事犯顏辨其情罪重輕又陳刑不上大夫之義卒免仲宣於黜自是宋世命官犯贓抵死者例不加刑豈非所為多雅德君子之事造物者自有以相之歟

公遺文

謝御筵并賜詩表

玉座觀書既盡一經之蘊寶跗揮翰徧頌四近之聯顧白首之在廷睹僊毫之眩目捧承以往愧懼交深謝伏念臣誦數陋儒類齡弱質越從憂患遭值聖明掌治天官獲綜銓衡之務侍言商慎猥參講讀之員伏遇

相業卷三

十

○ ○ ○ ○ 堯德克明舜聰好問率迪祖宗之訓憲章典冊之文東學貴仁每詳延而進禮西清訪道逮中吳以忘勞屬演義之終篇因示慈而錫燕群公卿士咸瞻既醉之懽一札細書洵出非常之賜在臣末至亦荷殊私切觀上意之褒稱抑重昔賢之高尚唯聖晚節益厲愚秉聖世尊經雖謝下眎之執讀異時休老敢希賀監之榮歸始卒之懷殫竭于是

進詩曰

聖學天攸縱宸文日又新因摛鏤牙管分賜挈囊臣玉几終經暇瑤宮賜燕辰陋居忘盱食簞藻出絲綸才賞唐詞客人稱賀季真開編掇風什洒翰落霜筠措法前無古書評格入神良慚孤陋甚獲對寵先頻得異登牀

誦藏過韞匱珍護持同始卒戴荷等官是職幸聯簪筆
憂常念負薪惟勤黃卷業仰答大君仁

相業卷三

十一

相業

宋叅知政事張文簡公



相業卷三

十一

贊

仁和夏時正

侃侃文簡直義填膺由上舍生五中首選遂以知名初入為郎首論當世邪正濶滄以警用事啓譽朔方曰蔡與童公復論止孰聽而從爵賞有防資調有常可濫恩波汎及天潢公亦有言宜監往昔恐去之不疾矧踵其失奸檜欺君敢言者死惟哲知幾引年致仕堅卧不起胡槍誅不蚤幸公未老進講經筵遠猷辰告用人致治興周有道願吾君是蹈國用老成尚有典刑置之左右秉鈞持衡時有詔書大極頽弊終言疊疊播昭德意緘嘿固位惟公之耻以私蔽公罔窺大中以言者為諱為忠彼也懜懜吁嗟乎公

宋史列傳

張綱字彥政潤州金壇人入太學以上舍及第釋褐徽宗知綱五中首選特除太學正選博士除校書郎入對論君子小人溷殺詢言試事則邪正自別小人得志邀功生事禍有不可勝言者今用事者大言罔上風俗侈靡背本趨末日甚一日宜以祖考躬行之教為法天下有不難化矣上稱善論事與蔡京不相合擠之去主管王局觀久之還故官兼脩國朝會要校正御前文字遷著作佐郎屯田司勳即初朝議遣童貫蔡攸使朔方綱力論不可出師狀不報及金渝盟犯京闕命綱方守四壁旋解嚴詔登俾足月者遷綱曰主憂臣辱義當爾顧因此受賞邪卒不自言出為兩浙提刑移江東池將王

進剽悍恣睢曹官以小過違忤遂釘手于門事聞詔綱乘傳窮竟時國勢未安諸將往往易朝廷進擁甲騎數百突至綱前綱叱進階下即按問罪立具自是無越法者以左司召權監察御史請令郡邑月具繫囚存已數申提刑司歲終校多寡行殿最進起居舍人改中書舍人建言乞依祖宗法命大臣兼領史事詔宰臣呂頤浩監脩國史著為令試給事中大夫將有以軍中田不均乞不收租朝廷將從之綱執不可會推恩元祐黨籍家有司無限制自陳者紛至綱建議以崇寧所刻十八人為正自軍興後小人多乘時召亂歷五年而怨家告訐者衆綱謂非所以廣好生之德乞自讞囚後有告訐宗室今應特轉大中大夫綱言庶官超轉侍從非法且

崇寧以來官職不循資任致綱紀大壞今方丕變其俗奈何以今應故復違舊章詔以次官命詞舍人王居正復執不行命遂寢宣撫使張浚駐師九江遣管卒以書至瑞昌縣令郭彥章揣知卒與獄囚通乃械繫之後懇于朝彥章坐免綱言近時州縣吏多敲詐當路彥章不隨流俗是能奉法守職今不獎而出何以示觀除給事中侍御史魏劾綱提舉太平觀進徹散閣待制引年致仕秦檜用事久綱臥家二十年絕不與通問檜死召為吏部侍郎兼侍讀初講詩關雎因后妃淑女事歷陳文王用人寓意規戒上曰久不聞傳雅之言又曰所講析理精詳深啓朕心綱言比年監司資淺望輕請擇七品以上清望官或曾任郡守有治狀者為之庶位望既

重材能已試可舉其職從之權吏部尚書時以華出東方詔求直言綱奏求言易聽察難宜命有司詳審章奏必究極其情無事苟簡除參知政事高宗頻諭輔臣寬恤民力蓋懲秦檜苛政期安黎庶綱乃摘其切於利民八十事標以大指乞鏤版宣布中外於是人皆昭知上德意告老以資政殿學士知婺州尋致仕高宗幸建康綱朝行宮孝宗登極召綱陪祀南郊以老辭不至詔嘉之命所在州郡恒存問仍賜羊酒卒年八十四綱篤行君子事親孝親沒思慕白首不衰祖母在堂再乞一妻恩回授屢得郊恩皆以官其叔父及群從姪母受貧貧民穀千斛既而焚券曰吾以代世俗緇黃之費常書座右曰以直行已以正立朝以靜退高天下其篤守如此

初謚文定吏部尚書汪應辰論駁之孫奎再請特賜曰
文簡有華陽集四十五卷書解三十卷六經辨疑五卷
確論十卷告猷集三卷聞見錄五卷瀛洲倡和集八卷
行于世

公遺文

亂後入城

未復錢塘郡先收鐵甕城妖星隨月落殺氣逐參橫
築鯨鯢觀重新鼓角聲大江應好在流恨幾時平

再賦

賊隨寬詔免恩浹大江浮人少餘新市城荒剽故丘
瘼誰共理宵旰獨深憂莫上西樓望黃雲滿眼愁

南洞

相業卷三

十五

紫綬金章八十三衰殘不稱舊官街煩君寫作歸田老
野服翛然坐碧岩

潤州先賢錄相業卷第三終

潤州先賢錄 直諫卷第四

宋光祿大夫吏部尚書徽猷閣直學士靜智洪文憲公



贊

直諫卷四

仁和夏時正

逸叟初仕徽廟當王黼蔡京用事勢熾炙手趨
附者咸得顯要逸叟獨中立不阿視之漠然所
謂強哉矯非歟既而荐登侍從論列時政有古
直諫風其曰法行公人樂而氣和不易之言也
興祖亦以言事侵在位者善能守其家學陳東
疏誅六賊諫罷李綱言汪黃不可用逸叟劄乞
用之信乎同聲相應同氣相求也耶

宋史列傳

洪擬字成季一字逸叟鎮江丹陽人本弘姓其先有名
膠者嘗為中書令避南唐諱改今姓後復避宣祖廟諱
遂因之擬登進士甲科崇寧中為國子博士出提舉利
州路學事尋改福建路坐譴通判鄆州復提舉京西北
路學事歷湖南河北京路宣和中為監察御史遷殿中
進侍御史時王黼蔡京更用事擬中立無所附會殿中
侍御史許景衡罷擬亦坐送吏部知桂陽軍改海州時
山東盜起屢攻城擬率民兵堅守建炎間居母憂以秘
書少監召不起終喪為起居即中書舍人言兵興累年
饋餉悉出於民無屋而責屋稅無丁而責丁稅不時之
須無名之歛殆無虛日所以去而為盜今關中之盜不

可急宜求所以弭之江西之盜不可緩宜求所以滅之
夫豐財者政事之本而節用又豐財之本也高宗如越
執政議移躡饒信間擬上疏力爭謂舍四通五達而趨
偏方下邑不足以示形勢固守禦遷給事中吏部尚書
言者以擬未嘗歷州縣以龍圖閣待制知温州宣撫使
孟憲總師討闖寇過郡擬趣使赴援憲怒命擬為師擬
借封樁錢用之已乃自劾戕平加秩一等召為禮部尚
書遷吏部後法無見籍吏隨事立文號為省詭出
入自如至是脩七司敕令命擬總之以舊法及續降指
揮詳定成書上之金人再攻淮詔日輪侍從赴都堂給
北問以攻守之策擬言國勢彊則戰將士勇則戰財用
足則戰我為主彼為客則戰陛下移躡東南前年幸會

稽今年幸臨安與王之君未有定議非如高祖在關中
先武在河內也以國勢論之可言守未可言戰擬謂時
相姑議戰以示武實不能戰也紹興三年以天旱地震
詔群臣言事擬奏曰法行公則人樂而氣和行之偏則
人怨而氣乖試以小事論之比者監司守臣獻羨餘則
黜之宣撫司獻則受之是行法止及疏遠也有自庶僚
為侍從者臥家視職未嘗入謝遂得美職而去若鼓院
官移疾廢朝謁則斥罷之是行法止及冗賤也權酷立
法甚嚴犯者籍家財克賞大官勢臣連營列障公行酷
賈則不敢問是行法止及孤弱也小事如此推而極之
則怨多而和氣傷矣尋以言者罷為徽猷閣直學士提
舉江州太平觀始擬兄子駕部郎官與祖與擬上封事

侵在位者故父子俱罷起知温州提舉亳州明道宮卒
年七十五謚文憲初擬自海州還居鎮江趙萬叛兵逼
郡守臣趙子崧戰敗遁去擬挾舟出避遇賊至欲兵之
擬曰死無所避願勿驚老母賊舍之他賊又至臨以丹
擬指其母曰此吾母也幸勿怖之賊又舍去有靜智先
生集及注杜甫詩二十卷

公遺文

知海州乞召用陳東劄子
建炎元年五月二十日已酉臣擬伏見前太學生陳東
風度曠夷文采贍蔚自其少時已厲名節其心事學學
與時輩不同十年太學倦游空乏專務超人之急朋游
往往附之頃遭年變慷慨論事務引大體前後數萬言

明白切至其後東所言畧施行朝廷命以官東陳義甚
高懇辭弗受士論偉之今退伏窮巷菽水奉親俛首鄉
舉澹然不撓未易以榮辱軒輊也察其素所蓄積必能
抗義率士以徇國家之急且與之同里閑為忘年交知
之最詳恭被詔旨令薦士所不敢隱默輒以充賦取進
止

直諫卷四

直諫

宋工部尚書龍圖閣直學士實齋王正肅公



贊

直諫卷四

五

人懷忠悵仕則慕君君行闕失可視不言人孰
不欲言中懷顧望臨欲有言色沮氣喪惟公敢
言當世之特謹論疊見曰古遺直謂聖學在智
仁勇謂君德必純乎剛斯言鑿鑿萬古之常公
言有本由學而成脫去浮靡以游高明切磋琢
磨淵源麗澤師友之資學問之益為高有因必
基之厚觀公之德觀公師友

仁和夏時正

宋史列傳

王遂字去非一字穎叔樞密副使詔之玄孫後為鎮江府金壇人嘉泰二年進士調富陽主簿歷司差幹辦諸司審計司紹定三年福建寇擾甫定朝廷選賢能吏旁求安集以遂知邵武軍兼福建招捕司參議官遂過江山浦城道中遇邵武避地之人即遺金為歸資從者如市至郡撫摩創殘窮平兇孽民恃以安未幾言者以遂妄自標置邀譽沽名罷改知安豐軍遷國子監主簿又遷太常寺主簿拜監察御史疏奏極論進君子退小人又言正風俗息奔競又言朝廷謂史嵩之小黠為大智近功為遠畧忽臣之言必欲僥倖嵩之於不敗非為國之計也欺君誤國天下知之而朝廷猶且惑焉勢甚惡

票也入對言帝知仁勇學有未至遷右正言尋拜殿中侍御史疏言三十年來凶德參會未有如李知孝梁成大莫澤肆無忌憚者三凶之罪上通于天乞重其刑又取劉光祖為殿中侍御史時奏格擇其關於風化切於時宜者請頒示中外皆從之又請於並准置屯田且條上邊事曰當今之急務在朝廷者五定規模明意嚮一心力謹事權審號令在邊關者六恤歸附精開諜節財用練士兵擇將才討軍實又言君德必純乎剛帝皆善之遷戶部侍郎兼同脩國史實錄院同脩撰時暫兼權左侍郎以寶章閣待制差知遂寧府進煥章閣待制四川安撫制置副使兼知成都府差知平江府進敷文閣待制知慶元府改知太平州以論罷進顯謨閣待制知

溫州改泉州寧國府以寶章閣直學士知建寧府以華文閣直學士差知隆興府兼江西轉運副使改知太平州復知隆興與兼江西安撫使召赴闕授權工部尚書以龍圖閣直學士通議大夫致仕卒謚正肅嘗與同里劉宰從黃直卿游其學蓋有所自宰嘗稱遂為文雅健無世俗浮靡之氣足以名世遂守平江宰贈之言曰士友當親而賢否不可不辨財利當遠而會計不可不明折獄以情毋為私意所牽薦士以才毋為權要所奪當言則言不視時而退縮可去則去不計利而遲回庶幾名節之全不愧簡冊所載蓋格言也

論曰傅伯成晚與揚簡為時著龜葛洪守正不阿曾三復澹然無躁競之心黃疇若優於治政表節力請對李全蓋丞相史彌遠腹心也危積以通問徐僑獲罪其人可知矧治州之政有循吏之風焉羅必元受學於積者也程公許王遂謹論疊見豈不備哉

公遺文

重建金壇縣學記

金壇縣學在縣治東南百步慶元初知縣李君余重建求扁於朱文公求記於葉水心而劉漫塘書之閱時既久浸以圯壞養士之廩因而侵占者有之移用者有之幾於廢鄉校而在城闕矣郡給米百石太守吳侍郎淵慨然念之益以廢莊逸庵之餘以付有司而奠之治也知縣事徐君拱辰聞之曰是不可以余去故怠請鄉里所敬者劉應龍張介潘用柔王虎文符應辰為學職而五

人者亦請無續食以費公上乃謀撤縣庠而新之徐君及新舊丞各捐俸有差寓公大家咸竭力以就事時吳公已易鎮當塗賦私錢百萬其季潛以餉事領郡出錢倍之由是衆役並興百廢交舉縣有養濟坊在學之前南出半為務官廢治半屬富民居君舉而直之大治觀先門外橋平補舊處西存表侍郎甫所立登俊字南出為明德坊別求吳公書規模氣象軒豁呈露增東西廡視舊為高繪畫從祀闢治四齋前後直舍以居縣官而處學職庫宇庖福莫不有所神祠吏舍移之門外中為明倫堂刻表公所書額其上為尊經閣吳公復題以揭之後有脩教堂則漫塘所題也東序祠縣令之有德於學者西序祠周程張朱之有教於民者九月入役十有二月而成明年正月聚鄉之長少釋菜行鄉飲酒禮徐君曰向之所患者縣官不治學事而今既或治之矣顧士之來學句為哉屬遂一言發之遂有父兄在鉅不敢而徐君益以請遂對曰學莫大於唐虞三代亦莫盛於孔孟之時唐虞三代身脩而道行孔子孟身誦於一時而教行於萬世其功一也而千七百載間道之行者日以塞教之明者日以晦洎乎本朝政教彰脩始詔郡縣立學於是師友輩出而濂溪周子關洛程張子始發洮孟之傳以上復乎唐虞三代大行之政教而南軒張子武夷朱子益闡周程張氏之秘以遠追乎孔孟之盛則士生是時其為學也達而易通其於道也開而易明宜非漢唐之所能及而乃拘牽於利欲之私習熱於見聞之陋

不惑於異端則移於文墨甚者汨於發策決科而為患得患失之計迄無以收其故而存其良則其退而居其鄉也既無以化民而成俗達而仕於朝也復無以尊君而善治乃以學校為有司之事課試為士子之業嗟乎古人建學造士付之群居以相觀者豈若是而已乎今幸周程張朱氏之書所以發明天典民彝者甚厚而公也因胡公安國魏公了翁所請舉諸先生以從祀焉則即文公之書以達乎周程張氏循周程張氏之學以達乎孔孟磨龍薰炙之久沉浸穠郁之深又將日進於唐虞三代之盛禮義興行人材衆多其退而處也必將有以明善誠身其出而仕也亦必有以致齊家治國平天下之効豈非賢守令所為扶植學校之意哉徐君曰然遂曰是足以記乃不辭而書

跋脩撰陳公奏葉後

遂伏讀鄉先生脩撰陳公所上書有以知祖宗德澤之無窮焉見人心義理之不泯焉識裔夷之所以入中國而江左之所以興王業焉然切怪夫紹聖黨禍踰四十年而忠賢盡矣於炎荒子孫老於禁錮應詔上書者猶棄之終身士宜以言相戒而陳公昌言無忌至於殺死而不悔今聖天子仁覆如天未嘗罪一言者是宜忠信嘉謨日聞于上群臣萎蕤融融媿媿脂韋視國之休戚如秦人之視越聞天下之利害如聞父母之名有甚於刀鋸鼎鑊之在前者此則遂愚之所未解而又切有憂焉者也輒書陳公建炎第三書奏葉之後嘉定十五年

四月朔里生王遂敬書

潤州先賢錄直諫卷第四終

直諫卷四

潤州先賢錄 德望卷第五
宋尚書左丞王莊定公



德望卷五

贊

東嘉章繪

學古入官清修淡薄見知名臣歷居館閣抗
疏論事嘗嘗諤諤雖忤執政實蘇民瘼乃論
官制乃論用人兵在循舊刑在舒仁取人存
本治水利因去邪揜怨守郡博親召入天官
明黨是論見矣宰臣復出守郡請老休官孝
先惟慎平居恂恂確守忠信此其所以得先
正公之贊美能駐足於萬陣者歟

宋史列傳

王存字正仲潤州丹陽人幼善讀書年十二辭親從師于江西五年始歸時學者方尚雕琢獨為古文數十篇卿老先生見之自以為不及慶曆六年登進士第調嘉興主簿擢上虞令豪姓殺人久莫敢問存至按以州吏受賕豪賂他官變其獄存反為罷去久之除密州推官脩繁自重為歐陽脩呂公著趙鼎所知治平中入為國子監直講遷秘書省著作佐郎歷館閣校勘集賢校理史館檢討知太常禮院存故與王安石厚安石執政數引與論事不合即謝不往存在三館歷年不少貶以干進嘗召見便殿累上書陳時政因及大臣無所附麗皆時人難言者元豐元年神宗察其忠實無黨以為國史編

德聖卷五

脩起居注時起居注雖日侍而奏事必稟中書俟旨存乞復唐貞觀左右史執筆隨宰相入殿故事神宗聽其言聽直前奏事自存始也明年以右正言知制誥同脩國史兼判太常寺論園立合祭天地為非古當親祀北郊如同禮官制行神宗切於用人存請自熙寧以來群臣緣論事得罪或註誤被斥而情實納忠非大過者隨材召權以備官使語合神宗意收拔者甚眾又言赦令出上恩而比歲議法治獄者多乞不以赦降原減官司禁謂本防請托而吊死問疾一切杜絕皆非便也執政不悅五年遷龍圖閣直學士知開封府京師並河居人盜鑿汴隄以自廣或請令陪築復故又按民庸復官道者使撤之二謀出自中人既有詔矣存曰此吾職也入

言之即日弛其後都人驩呼相慶進樞密直學士改兵部尚書轉戶部復為兵部太僕寺請內外馬事得專選毋隸駕部存言如此官制壞矣先帝正省臺寺監之職使相統制不可拘有司自便而隳已成之法元祐初遷戶部固辭不受二年拜中大夫尚書右丞三年遷左丞有建議罷教畿內保甲者存言今京師兵籍益削又屬保甲不教非國家根本久長之計且先帝不憚艱難而為之既以就緒無故而廢之不可門下侍郎韓維能存言去一正人天下失望忠讜沮氣讒邪之人爭進矣又論杜純不當罷侍御史王觀不當罷諫官四方奏議大辟刑部援比請貸而都省屢以無可矜恕却之存曰此相宗制也有司欲生之而朝廷破例殺之可乎又言此

德聖卷五

廢進士專經一科參以詩賦失先帝黜詞律崇經術之意河決而北幾十年水官議還故道存爭之曰故道已高水性趨下徒費財力恐無成功卒輟其後蔡確以詩怨訕存與范純仁欲薄其罪確再貶新州存亦罷以端明殿學士知蔡州始存之從兵部確力也至是為確爭之士大夫善其能損怨餘加資政殿學士知揚州楊潤相去一水用故相例得歲時過家上塚出賜錢給隣里又具酒食召會父老親與酌酢鄉黨傳為美談召為吏部尚書時在廷朋黨之論寢熾存為哲宗言人臣朋黨誠不可長然或不察則濫及善人慶曆中或指韓琦富弼范仲淹歐陽脩為黨賴仁宗聖明不為所惑今日果有進此說者願陛下察之由是復與任事者矣除知

大明府改知杭州紹聖初請老提舉崇禧觀遷右正議大夫致仕舊制當得東宮保傳議者存嘗議還西夏侵地故殺其恩典既而降通議大夫存嘗悼近世學士貴為公卿而祭祀其先但循廢人之制及婦老燕居首管家廟建中靖國元年卒年七十九贈左銀青光祿大夫存寬厚平居恂恂不為詭激之行至其所守確不可奪司馬光嘗曰並馳萬馬中能駐足者其王存乎

公遺文

歸京口

倦宦歸來故國春北樓千尺絕飛塵江山雄偉增人氣城壁蕭條類此身眼底交遊隨物老樽前歌舞逐時新十年舊事無人問目送斜陽下廣津

閑居

行有籃輿坐有氈退身無處不安便族居自買百間屋月賜官糜六萬錢細付平生奚所得獨於諸福享之全十年顯仕何裨補唯秉丹心鐵石然

江上晚晴

四郊雨歇春雲班日光近漏臨蒼山大江泛泛瀉空外海潮西來復東還無情物理尚不息人生誰得終身閑和光一世當自釋何用憂愁天地間

新居有客為致假山作此却之

乞得琳宮就退閑誅茅結宇郡城灣閉門自有林巒秀不用辛勤作假山

月夜江上

天無雲霧水無波天水相迷月露和半夜扁舟吟不寐一生清意此時多

登北固

晚登北固頂俛視南徐城廢壘何茫茫山川迥縱橫千載競誰有六朝空戰爭豪氣不可問古墳人正耕

遊焦山

連山擁滄江峭絕視茲鮮由來一氣結殊不儼眾燬林深鳥聲悅境靜人自遠方吾抱幽介對此萬慮遣

雪齋過段教授學舍

寒雲掩長空歲暮氣慘冽擁褐如君君寒寒在扉圍學堂鏢詩書諸子邀城關管溜懸輕冰風篔落餘雪坐談燼燼微起視突烟絕道勝身厄窮聖賢有餘烈

刀景純東歸

晨携一樽酒送公汴河梁嘆息不能飲為公歌慨懷平生曾懷篤風義往還弗論賤與貴騎馬都城四十年未嘗一毫及身計後生不知共笑之贈證文館霜鬢垂彼談義利口流沫對面不啻山與溪因公東還輒悲咤敦厚士風須長者少年流輩輕老人去矣唐山舊林下

別舟徒黃令泗上作

汴流瀉渾黃淮水恬澗瀟方子西北舟值子打歸漿相逢問畏塗嘆息得所往鐵甕雄南州江山盤氣象平生遊從徒乖隔月纒兩人性憶所便喧寂不可強君還逢故人為說別後想

過丹陽舊居

漂泊經故園繫舟欵柴扉破屋他人居昔隣今或非父
老迎我飲祝我晝錦衣我謝父老言朴拙非所祈一官
走塵土寔迫寒與饑去鄉未幾載頗覺儔侶稀人事已
可嗟况當白首歸此此練塘水綠楊蔭漁磯有田儻可
耕誓將父老依

德望卷五

德望

家太子中允秘閣校理石公



贊

東嘉章論

少負奇節高世之志不苟合人不屑就仕始遷殿直及
尹聲治累官館閣直言政事論及西賊信驗公議奉使
籍兵銀魚是賜事若不為慮精設施喜飲自豪大德不
悖遇人盡歡鮮當其意發為文章勁健之氣此其為
魁傑蓋世雖同人生不與物斃名若日星亘古不墜此
其所以得文忠公之稱譽乃臨風而隕涕者歟

安成吳節

奇自堅發秘從幽索匪瓏而星匪織而續歐規范型蘇
清梅潔公居其中婉以成德一聯何土萬言何直於時
不偶遂浪麴蘖軒軒令儀落落大節陟司芙蓉飛驟
表烈如古至人神存不滅

事實始末

公諱延年字曼卿姓石氏寓居丹陽家貧三喪在淺土未葬友人范文正公遣子堯夫至姑蘇搬麥五百斛次丹陽見曼卿言有三喪未舉堯夫悉以麥舟與之單騎而歸文正公問丹陽見故舊乎對曰石曼卿告以三喪未舉文正公曰何不以麥舟與之曰已付之矣曼卿慷慨有大節工詩詞有樂意相關禽對語生香不斷樹交花一聯為伊洛中人所稱范評之曰鑿幽索秘破堅發竒高凌虹霓清出泉石徂徠作三蒙詩謂歐公蒙於文曼卿豪於詩杜默豪於歌其卒也范文正公致祭歐陽脩既為詩以哭之復表其墓二子濟滋皆占籍丹陽今邑之花園石氏其子孫也

墓表

宋歐陽脩

曼卿諱延年姓石氏其上世為幽州人幽州入于契丹其祖自成始以其族間走南歸天子嘉其來將祿之不可乃家于宋州之宋城父諱補之官至太常博士幽燕俗勁武而曼卿少亦以氣自豪讀書不治章句獨慕古人竒節偉行非常之功視世俗屑屑無足動其意者自顧不合於時乃一混以酒然好劇飲大醉頽然自放由是益與時不合而人之從其游者皆知愛曼卿落落可竒而不知其材之有以用也年四十八康定二年二月四日以太子中允秘閣校理卒于京師曼卿少舉進士不中真宗推恩三舉進士皆補奉職曼卿初不肯就張

文節公素竒之謂曰母老乃擇祿耶曼卿矍然起就之遷殿直父之改太常寺太祝知濟州金鄉縣歎曰此亦可以為政也縣有治聲通判乾寧軍丁母求安縣君李氏憂服除通判海州還為校理在獻明肅太后臨朝曼卿上書請還政天子其後太后崩范諷以言見幸引嘗言太后事者遽得顯官欲引曼卿曼卿固止之乃已自契丹通中國德明盡有河南而臣屬遂務休兵養息天下然內外弛武三十餘年曼卿上書言十事不報已而元昊反西方用兵始思其言召見稍用其說籍河北河東陝西之民得鄉兵數十萬曼卿奉使籍兵河東還稱旨賜緋衣銀魚天子方思盡其才而且病矣既而聞邊將

德聖表

有欲以鄉兵捍賊者笑曰此得吾粗也夫不教之兵勇法相雜若怯者見敵而動則勇者亦牽而潰矣今或不暇教不若募其敢行者則人人皆勝兵也其視世事殘若不足為及聽其施設之方雖精思深慮不能過也狀貌偉然喜酒自豪若不可繩以法度退而質其平生趣舍大節無一悖于理者遇人無賢愚皆盡忻歡及問而可否天下是非善惡當其意者無幾人其為文章勁健稱其意氣有子濟滋天子聞其喪官其一子使祿其家既卒之三十日葬于太清之先塋其友歐陽脩表於其墓曰嗚呼曼卿寧自混以為高不少屈以合世可謂自重之士矣士之所負者愈大則其自顧也愈重自顧愈重則其合愈難然與共天下事立竒功非得難合自

重之士不可為也古之魁雄之人未始不負高世之志
致寧或毀身汗迹卒困於無聞或老且死而幸一遇猶
克少施於世若曼卿者非徒與世難合而不克所施亦
其不幸不得至乎中壽其命也夫其可哀也夫

吊曼卿文

前人

嗚呼曼卿生而為英死而為靈其同萬物生死而復歸
於無物者暫聚之形不與萬物共盡而卓然其不朽者
後世之名此自古聖賢莫不皆然而著在簡冊者昭如
日星嗚呼曼卿吾不見子久矣猶能仿佛子之平生其
軒昂磊落突兀崢嶸而埋於地下者吾意其不化為朽
壤而為金玉之精不然生長松之千尺產靈芝之九莖

德望卷五

奈何荒烟野蔓荆棘縱橫風吹露下走燐飛螢但見牧
童樵叟歌吟而上下與夫驚禽駭獸悲鳴躑躅而啾嚶
今故如此更千秋萬歲安知其不穴藏狐貉與鼯鼯此
自古聖賢亦皆然兮獨不見夫累累於曠野荒城嗚呼
曼卿盛衰之理吾固知其如此而感念疇昔悲涼悽愴
不覺臨風而墮涕者有愧乎太上之忘情

吊曼卿詩

宋梅聖俞

前時京師來對馬嘗相揖埃塵正滿衢笑語曾未及雖
然恨莫親往往聞風什星斗交垂光昭昭不可挹獨哦
秋露中豈顧衣裘濕酒盃輕宇宙天馬難羈繫今朝我
還都但見交朋泣借問泣者誰曼卿竟已蟄堂堂豪傑
姿遂爾一棺載

德望

宋資政殿學士贈吏部尚書邵安簡公



德望卷五

贊

安成吳節

自昔英豪 學存經濟 用之決科
乃道之細 卓哉邵公 夙負奇氣
屢陳兵畧 抵排群議 赫赫英朝
報以國士 煌煌神祖 一如卿計
樞府非淹 三州匪寄 一麾不旋
奄存美謚 萬古丹陽 高風鮮繼

宋史列傳

邵亢字興宗丹陽人幼聰發過人方十歲日誦書五千言賦詩豪縱鄉先生見者皆驚偉之再試開封當第一以賦失韻弗取范仲淹舉亢茂才異等時布衣被召者十四人試崇政殿獨亢策入等除建康軍節度推官或言所對策字少不應式宰相張士遜與之姻家故得預選遂報罷而士遜子實娶它邵與亢同姓耳士遜既不與與直亢亦不自言趙元昊叛亢言用兵在於擇將今天下久不知戰而所任多儒臣未必能應變武人得長一軍又以老詎能身先矢石哉間起故家恩倖子弟彼安識攻守之計况將與卒素不相附又亡堅甲利兵之禦此不待兩軍相當而勝敗之機固已形矣因獻兵說

十篇召試秘閣授穎州團練推官晏殊為守一以事誅之民稅舊輸陳蔡轉運使又欲覆折緡錢且多取之亢言民之移輸勞費已甚方仍歲水旱又從而加取無乃不可乎遂止入為國子監直講館閣校勘同知太常禮院張貴妃薨立園陵禁京城樂一月亢累疏罷之進集賢校理仁宗繼嗣未立亢言國之外患在邊圍然禦之之術不過羈縻勿絕而已內患則不然繫社稷之安危不可不蚤定也提點開封縣鎮公事令有縱火者一不獲則主吏坐罪民或自燔其居以中吏亢請非廷及旁舍者雖失捕得勿坐徙為府推官政度支判官契丹遣使賀乾元節未至仁宗崩議者謂宜欲俟其及國門而諭使之還亢請令奉書至柩前使見嗣君從之選為

德學卷五

十一

德學卷五

十一

王府翊善加直史館召至群玉殿英宗訪以世事稱之曰學士貢國器也擢同脩起居注建言陛下初政欲治國者先齊家願王且授室願采上古禮公主下降不宜殿舅姑之尊帝深納之他日諭王曰以翊善端直朴厚輟為諫官矣王出道帝語遂以知制誥知諫院東宮建為右庶子神宗立遷龍圖閣直學士有諧之者曰先帝大漸時亢嘗建垂簾之議御史吳申即論之帝知其妄置不問亢自訴曰方先帝不豫群臣莫得進見臣無由面陳必有章奏乞索之禁中若得之臣當伏誅不然則諛臣者豈宜但已願下獄考實帝不許時待制以真為帥守每他徙必遷職秩亢請未滿兩歲者勿推恩王陶劾韓琦吳奎與之辨亢詆奎所言頗倒矣大臣體奎竟去進樞密直學士知開封府亢遇事敏密吏操辭牘至前者反覆閱之或以為勞亢曰決是非於須臾正當爾初雖煩後乃省也籍里間惡少年與吏之廢停者一有所犯皆遷處之畿下鬪訟為之衰止拜樞密副使夏人誘殺知保安軍楊定朝廷謀西討亢曰天下財力殫屈未宜用兵唯當降意撫納俟不順命則師出有名矣因條上其事詔報之曰中國民力大事也兵興之後不無措率人心一搖安危所係今動自我始先違信誓契丹聞之將不期而自合茲朕所深憂者當悉如卿計未幾夏主諒祚死國人執殺定者來請和或欲乘此更取塞門地亢以為幸人之喪非義也乃止亢在樞密踰年無大補益帝頗厭之嘗與諫官孫覺言欲以陳升之

代允而使守長安覺遽劾允薦升之帝怒其希指黜覺
允亦引疾辭以資政殿學士知越州歷鄭鄆亳三州薨
年六十一贈吏部尚書即其鄉賜以居宅謚曰安簡著
與亡論十卷

潤州先賢錄德望卷第五終

潤州先賢錄 文學卷第六
漢諫議大夫大鴻臚包公



文學卷第六

贊

吉水廖莊

業受細君 行感赤眉

禮謹來學 官兼儲師

無惑不解 有賜必施

允矣君子 終始何疵

漢書列傳

包咸字叔良會稽曲阿人也曲阿即今丹陽少為諸生受業長安師事博士右師師也細君習魯詩論語王莽末去歸鄉里於東海界為赤眉賊所得遂見拘執十餘日咸晨夜誦經自若賊異而遣之因往東海立精舍講授光武即位乃歸鄉里太守黃讜署戶曹史欲召咸入授其子咸曰禮有來學而無往教讜遂遣子師之舉孝廉除郎中建武中入授皇太子論語又為其章句拜諫議大夫侍中右中郎將永平五年遷大鴻臚每進見賜以九杖入屏不趨贊事不名經傳有疑輒遣小黄門就舍即問顯宗以咸有師傅恩而素清苦常持賞賜珍玩俸祿增於諸卿咸皆散與諸生之貧者病篤帝親輦駕臨視八年卒七十二卒於官子福拜郎中亦以論語入授和帝

文學

吳侍中高陵侯常公



贊

同安鄭翳

彼美君子 先儒領袖

博奕論誠 箴前矩後

忠直逆鱗 雖死無咎

定吳之志 充塞宇宙

吳志列傳

公諱昭字弘嗣吳郡雲陽人好學能文從丞相掾除西
安令還為尚書郎遷太子中庶子時宮僚好博奕太子
和以為無益命昭論之其畧曰蓋聞君子耻當年而功
不立疾沒世而名不稱故曰學如不及猶恐失之且以
西伯之聖姬公之才猶有日昃待旦之勞况臣庶乎故
山甫勤於夙夜吳漢不離公門今世之人多不務經術
而好博奕所志不出一枰之上方罫之間勝敵無封爵
之賞獲地無兼土之實立身者不階其術徵選者不由
其道求之戰陳則非孫吳考之道藝則非孔氏以變詐
為務則非忠信之事以劫殺為名則非仁者之意而空
妨日廢業何益哉且君子之居室也勤身以致養其在

朝也竭命以納忠夫然故孝友之行立真純之名彰方
今大吳受命海內未平士宜勉思至道愛功惜力以佐
明時移博奕之力用之於詩書如此則功名立而鄙賤
遠矣和廢後為黃門侍郎會稽王即位諸葛恪表為太
史令撰吳書景帝踐阼為中書郎博士祭酒景帝喜讀
書命依劉向故事撰定衆書又欲延昭及博士盛冲講
論時左將軍張布貴寵用事以昭冲切直固諫止之帝
曰孤欲與昭等講習舊聞亦何所損君特恐昭等道臣
下奸慝故不欲令人耳布惶恐陳謝且言妨政事帝曰
王務學業不相妨也然恐布疑懼卒廢其業烏程侯皓
即位封高陵亭侯遷中書僕射為侍中常領左國史時
所在承指數言瑞應皓以問昭昭言此家人筐篋中物

耳又皓欲為父和作紀昭曰文皇不登帝位當立傳不
當為紀皓不悅漸見責怒昭憂懼自陳衰疾求去侍史
二官不聽皓飲群臣酒不問能否率以七升為限昭飲
不過二升初見禮異常為裁減或以茶代後更見偏強
又酒後使侍臣嘲弄公卿發摘私短以為歡時有愆誤
輒見收縛至於誅戮昭以為外相毀傷內長尤恨非佳
事也故但難問經義而已皓以為意不忠蓋積前後嫌
忿收付獄昭因獄吏上辭曰囚荷恩無比曾無芒毫上
報自陷極罪念當仄滅長棄黃泉愚情悽悽竊有所懷
囚見世間有古曆注其所紀載既多虛無亦復錯謬囚
尋按傳記考合異同以作洞紀自庖犧至于秦漢凡為
三卷當起黃武以來別作一卷事尚未成又見劉熙所

作釋名物類眾多難得詳究故時有得失而爵位一事
又有乖誤自志至賤作官職訓及辯釋名各一卷欲表
上之會以無狀幽囚待命泯沒之日恨不上聞故先究
列狀乞於外料取呈內昭冀以此求免而皓怪其書垢
更被詰責昭對曰此書懼有謬誤數省讀不覺黷
汚而筆覆連上疏救昭曰昭值千載得以儒業與史官
承答天問不能敷宣大舜之美而拘繫史官使聖趣不
叙至行不彰昭罪當死然昭自少勤學不倦探綜墳籍
溫故知新及意所經識古今行事外吏之中少過昭者
伏見符瑞累見彰一統之期事平之後當觀時設制宜
得昭輩依準古義有所改立又吳書當垂千載非得良
才如昭者實不可使乞赦其一等之罪使成書傳之有

世皓不許遂誅昭從其家零陵

題跋

右常昭傳漫塘叟劉宰為延陵常卞書按吳志昭作曜蓋史臣追改以避晉諱志中文繁今頗參司馬公通鑑有所刪定延陵故多常姓卞見謂昭裔譜其族甚詳此距延陵七里有墓相傳以為昭所葬近歲有欲夷之者卞父子兄弟爭之力卒見直于有司今世士大夫以官為家有一再傳即不省先墓所在者卞乃能追存昭墓於百世之下可嘉也已然族譜獨不著昭行事變懼未讀史者知愛其墓而不知敬其人也故為之書時皇宋嘉定已卯立夏日朝請郎主管成都府玉局觀張鎬題額卞與兄旦立石

又

昔伍子胥諫吳王賜劍死曰必植吾墓上以梓令可以為器抉吾眼掛吳東門之上以觀越寇之入滅吳也自古忠臣義士之存亡其關係人國家蓋如此吾觀孫皓初立為吳主發優詔恤士民振貧乏出宮女當時翕然以明主稱之未幾麤暴驕盈首殺丞相濮陽興主蕃萬或留平棲玄之徒皆相繼就戮剝人之面鑿人之目無所不為正士摧方庸夫苟媚氣象大非前比常侯昭之在當時宜若可以見幾而作矣封高陵亭侯遷中書僕射為侍中為國史皓之所以待遇侯者尤得寵異常意可藉是以行其所學焉耳忠者禍之招才者忌之府皓喜人言符讖侯則折其祥瑞之問皓追謚父和曰文皇

帝侯則不肯為其作紀是以積怒而致誅嗚呼斬君子之脉銷直言之氣而國亦隨之矣而縛輿輓屈膝降晉是雖晉武貴而爵之然皓之生萬不如侯之死故雖死矣至今凛凛猶有生氣墓在延陵季子之側十有餘歲子子孫孫家傳世守又不止於墓梓可以為器而已皓之立權安在哉皓之子孫安在哉吁視世之負國委屈以苟其生者大不侔矣司空圖曰天復儒讐儒祀而家秦坑儒邪儒坑秦邪吾於侯也亦云景定四禩夏五月奉議郎差知平江府吳江縣事周宸時書于垂虹之清簡堂以附于侯傳之後

又

程邈繫秦獄上諫字而獲免常弘嗣為吳囚獻著史而竟誅始皇固帝王之罪人猶能以字畫免邈於死弘嗣以博學見殺是皓又始皇之罪人也皓骨灰矣弘嗣之墓其齋克保於千載之下官不敢夷故不敢樵死者有知自以為何如也皇宋咸淳三年歲在丁卯金陵吳琳題于文清劉公漫塘先生所書常侍中高陵侯傳後


又

有吳侍中高陵常侯以直諫蓋即著稱三國志千載如生墓隧在潤州延陵子孫世守之攷之矣遠孫卞所次家譜漫塘先生所書吳志侯傳又證諸京口圖經郡庠祠設益信侯為是邦名賢無疑也今夫學士大夫自顯蒙肆習則知侯為儒宗領袖矣走何庸賢獨念侯之婿節脩能奴隸咸知歸敬若迺崇尚扶植使其弱子單孫

被風雨如山之安于以保護松楸俾勿壞是獨非賢守
令之責哉昔賢遠矣求如矣墓與子孫俱亡恙者蓋寡
詎容忽諸開慶改元中秋日秦郵龔派敬觀漫塘真蹟
并以歸之晰盍自策勉益大其宗以需聖時蒐訪東宋
之盛可也

文學

唐封常山縣公燕昭文館學士馬文公



贊

吉水廖莊

晝樵夜讀 登第中科

彼邪陷正 我法不阿

中外咸宜 裨益良多

脩書雖殞 謚文不磨

唐書列傳

馬懷素字惟白潤州丹徒人客桂韶既還辛苦貧無資
晝燃夜輒然以讀書豪俠恒西之擢進士第又中文學
優贍科拜監察御史長安中大夫魏元忠為張易之譖
謫嶺表太僕崔貞慎餞之祖道易之怒使人上急變告
貞慎與元忠謀反武后詔懷素按之使者促迫懷素執
不從曰貞慎餞故人為得罪以為謀反則非昔彭越以
逆誅樂布奏事尸下漢不坐罪今元忠罪非越比不宜
坐賤閭之人且陛下操生殺柄欲加之罪自當處決聖
心既付臣按職惟知守陛下法爾后意解貞慎等乃免
宰相李迥秀籍易之勢故教緩法懷素劾罷之轉禮部
員外即以十道使點陟江西處決平寇德考功竅取實

才推實謂請不能阿撓擢中書舍人內供奉為脩文館
直學士開元初為戶部侍郎封常山縣公進燕昭文館
學士篤學手未嘗廢卷謙恭慎畏推為長者玄宗詔與
諸無量同為侍讀更日番入既扣閣有舉以進或行暮
還跪乘馬禁中每宴見帝自送迎以師臣禮有詔句校
秘書是時文籍盈漫紛舛懷素建白願下紫微黃門召
宿學巨儒就校繆缺又言自齊以前舊籍王儉七志已
詳編纂遺書篇目及前志遺者續儉志以藏秘府詔可
即拜懷素秘書監乃召國子博士尹知章四門助教王
直直國子監趙玄默陸渾丞吳綽桑泉尉常述扶風丞
馬利徵湖州司功參軍劉彥直臨汝丞宋辭玉恭陵令
陸紹伯新鄭尉李子釗杭州參軍殷踐猷梓潼尉解崇

質四門直講余欽進士王愜劉仲丘右威衛參軍俠行
果邢州司戶參軍袁暉海州錄事參軍晁良右率府曹
曹參軍母哭萊陽主簿王灣太常寺太祝鄭良金等分
部撰次踐猷從弟秘書丞承業武陟尉徐楚璧是正文
字懷素奏秘書少監盧補崔衡為脩圖書副使秘書郎
田可封康子元為判官書未成會懷素卒帝舉哀洛陽
南城門贈潤州刺史謚曰文櫬輿還鄉里喪事官辦懷
素卒後詔秘書官並就脩書學士草定四部人人意自
出無所統一踰年不成有司疲於供給太僕御玉毛仲
春器內...右常侍褚無量大理卿元行冲考點不
應...等總緝八年四錄成上之

文學

唐郢州刺史許先生



贊

同安鄭霧

心上經綸 古今奇絕

睦郢二州 一試而輟

蹇蹇貞厲 怡怡愉悅

丘壑雲林 江風山月

事實始末

先生名渾字仲暉丹陽人太和六年登進士第為太平縣令後拜監察御史歷睦郢二州刺史以詩名杜牧之嘗寄詩曰終須接駕路霄漢共高飛蓋以遠大期之也匪特能詩而已嘗居丹徒有別墅在丁卯橋會稽陸游詩云裴相功名冠四朝許渾身世老漁樵若論風月江山主丁卯橋應作午橋有丁卯詩集二卷行於世

詩集序

金華王瑋

晚唐詩人彬彬輩出名家當時傳誦來裔可謂甚盛此年以來學者惟多宗許郢州其故何耶豈非絕類離倫可以則而象之也嘗觀杜牧之寄許詩曰薊北鴈初去湘南春又歸水流滄海急人到白頭稀塞路盡何處我

愁當落暉終須接駕路霄漢共高飛玩味是詩可以知郢州是推行輩相期以遠非止於能詩也審矣何怪後學俛焉孳孳必欲追其雋軌哉惟昔郢州自紀其篇目多至五百而今之書肆見於板行者絕踰一半同志之士每恨莫窺其集之全也信安祝得甫好學不倦尤篤志於詩一日從容訪舊偶得郢州類藁若干卷復旁搜遠紹幾足五百之數吁其勤摯矣亟命鋟梓將以廣其傳謂瑋曰牧之之作所以期待郢州者實而不華倘大書深刻以信後世彷彿一序矣子其贊一辭以載成編之歲月而不假乎其他也瑋謂郢州句律之精微學詩者當自得之若夫青黃犧尊或得以戕木之性抑瑋非其人也曷敢妄加藻繪以來躡易之譏邪得甫曰然遂

書以識昔大德丁未仲春朔書

先生遺文

登洛陽故城

禾黍離離半野蒿昔人城此豈知勞水聲東去市朝變
山勢北來宮殿高鴉噪暮雲歸古堞鴈迷寒雨下空壕
可憐綵嶺登仙子猶自吹笙醉碧桃

金陵懷古

王樹歌殘王氣終景陽兵合戍樓空楸梧遠近千官塚
禾黍高低六代宮石燕拂雲晴亦雨江豚吹浪夜還風
英雄一去豪華盡惟有青山似洛中

凌歊臺

宋祖凌歊樂未回三千歌舞宿層臺相潭雲盡暮山出

巴蜀雪消春水來行殿有基荒齊合寢園無主野棠開
百年便作萬年計巖畔古碑空綠苔

驪山

聞說先皇醉碧桃日華浮動鬱金袍風隨玉輦生歌迫
雲卷珠簾錦綉飄西幸水涵涵娥眉沒後巡遊少瓦落宮牆見野蒿

凌歊臺送韋秀才

雲起高臺日未沉數村殘照半巖陰野蚕成繭桑柘盡
谿鳥引雛蒲稗深帆勢依依投極浦鐘聲杳杳隔前林
故山遙遶故人去一夜月明千里心

咸陽城東樓

一上高城萬里愁蒹葭揚柳似汀洲溪雲初起日沉閣

山雨欲來風滿樓鳥下綠蕪秦苑夕蟬鳴黃葉漢宮秋
行人莫問當年事故國東來渭水流

送蕭處士歸緱山

醉斜烏帽髮如絲曾看仙人一局棋賓館有魚為客久
鄉書無鴈到家遲緱山住近吹簫廟湘水行逢鼓瑟祠
今夜月明何處宿九疑雲盡綠參差

京口寄友人

吳門烟月昔同遊楓葉蘆花並客舟聚散有期雲北去
浮沉無計水東流一尊酒盡青山暮千里書回碧樹秋
何處相思不相見鳳城宮闕楚江頭

晚自朝臺至韋隱居郊園

秋來鳧鴈下方塘繫馬朝臺步夕陽村逕繞山松葉暗

柴門流水稻花香雲連海氣琴書潤風帶潮聲枕筆涼

西去磻谿猶萬里可能垂白待文王

四皓廟

桂花松暖廟門開獨瀉椒漿奠一杯秦法欲興鴻已去
漢儲將廢鳳還來紫芝翳翳多青草白石蒼蒼半綠苔
山下驛程南竄路不知冠蓋幾人回

郊園秋日寄洛中故人

楚水西來天際流感時傷別思悠悠一罇酒盡青山暮
千里書迴碧樹秋日落遠波驚宮鴈風吹輕浪起眠鷗
嵩陽親友誰相念潘岳閑居欲白頭

卧病

寒窓燈盡月斜暉珮馬朝天獨掩扉清露已彫秦甸柳

白雲應長越山薇病中送客難為別夢裏還家不當歸
唯有寄書書未得卧聞燕鴈向南飛

竹林寺

騷人吟罷起鄉愁暗覺年光似水流花滿楚城傷遠別
蟬鳴蕭寺喜同遊前山日落松杉晚深夜風清枕簟秋
明日分襟又何處江南江北路悠悠

嘗與故宋補闕秋夕游練湖南亭今復登賞愴然

有感

西風渺渺月連天同醉蘭舟未十年鵬鳥賦成人已歿
嘉魚詩在世空傳榮枯盡寄浮雲外哀樂猶驚逝水前
日暮長堤更回首一聲隣笛舊山川

題崔處士山莊

坐窮今古掩書堂二頃湖田一半荒荆樹有花兄弟樂
橘林無實子孫忙龍歸曉洞雲猶濕麋野過春山草自香
向夜欲歸心萬里故園松月更蒼蒼

文學

宋國子監直講焦先生



贊

吉水夏積

吾嘗夷考行於先生蓋已有得於篇卷
之舊能勇棄舉業於當時反諸經術而
力究皎如寒冰在歐門而見推嚴於臘
雪化導呂器而有就此其上有所傳而
文下有所授今觀遺像之儼然孰起敬
之敢後

事實始末

先生名千之字伯強丹徒人嚴毅方正歐陽文忠公勉以棄去科場文字專意經術呂正獻公通判潁州歐陽公適知州事先生客文忠公所正獻公見而招延之使教諸子時呂榮公希哲方十餘歲先生不少假借小有過差即端坐召與相對終日竟夕不與之語希哲恐懼畏伏先生方畧降辭色其化導之篤如此故榮公德器成就大異衆人宋嘉祐中舉行義赴京師館于太學試舍人院賜出身爲國子監直講歷知無錫州東坡蘇公嘗有與求惠山泉詩云赤泥開方印紫餅截圓玉故人憐我病窮籠寄新篔

送焦千之秀才詩

歐陽文忠公

焦生獨立志勢利不可恐誰言一身窮自待九鼎重有能揭之行可謂仁者勇呂侯相家子德義勝華寵焦生得其隨道合若膠擊始生及吾門徐子喜驚踴曰此難致寶一失何由踵自吾得二生繁繁獲双珙奈何奪其一使我意紛籠吾嘗愛生材抽權方鬱翁猶須老霜雪然後見森聳况從主人賢高行可傾竦讀書趣簡要言說出離冗新文時我寄度可蠲煩壅

伏日贈徐焦二生詩

前人

徐生然明白玉璞焦子皎潔寒泉水清光瑩爾互輝映當暑自可消炎蒸平湖綠波漲渺渺高樹古木陰層層

嗟哉我豈不樂此心雖欲往身未能俸優食飽力不用官閑日永睡莫與不思高飛慕鴻鵠反此愁卧償蚊蠅三年永陽子所見山林自放樂可勝清泉白石對斟酌巖花野鳥爲交朋崎嶇澗谷窮上下追逐猿狖爭超騰酒美賓佳足自負飲酣氣橫猶驕矜奈何取雞纒幾日蒼顏非舊白髮增疆歡徒勞歌且舞勉飲寧及合與升行指眼眩旋看物坐見樓閣先愁登頭輕目明脚力健美子志氣將飄凌只今心意已如此終意事業知何稱少壯及時宜努力老大無堪還可惜

文學

宋贈敷文閣學士洪先生



贊

同安鄭霸

好古博學 才華盖世 微名智囊
物輒霑利 行或沮焉 立言著書
有功德學 君子之儒

吉水夏積

自從幼學之時解悟中庸之理以是
見於壯行固宜其能憂國而如家愛
民而如子若夫著述之多文沒世而
猶存者是特先生之餘事而已

宋史列傳

洪興祖字慶善鎮江丹陽人少讀禮至中庸頓悟性命
之理績文日進政和八年登進士第為湖州士曹改宣
教即高宗時在揚州廢事草創選人改秩軍頭司引見
自與祖始召試授秘書省正字後為太常博士上疏乞
收人心納謀策安民情壯國威又論國家再造一宜藝
祖為法紹興四年蘇湖地震興祖時為駕部郎官應詔
上疏具言朝廷紀綱之失為時宰所惡主管太平觀起
知廣德軍視水原為陂塘六百餘所民無旱憂一新學
舍因定從祀自十哲曾子而下七十有一人又列先儒
左立明而下二十有六人擢提點江東刑獄知真州州
當兵衝瘡痍未瘳興祖始至請復一年租從之明年再

請又從之自是流民復業懇闕荒田至七萬餘畝徒知
饒州先夢持六刀覺曰三刀為益今倍之其饒乎已而
果然是時秦檜當國諫官多擢門下爭彈劾以媚檜與
相坐嘗作故龍圖閣學士程瑤論語解序語涉怨望編
管昭州卒年六十有六明年詔復其官直敷文閣興祖
好古博學自少至老未嘗一日去書著春秋本旨二十
卷周易通義二十卷古易考議十卷古今易總志三卷
論語說十卷左氏通解十卷孝經序讚一卷聖賢眼目
一卷補註楚詞十七卷韓文辨證年譜各一卷杜詩辨
證年譜各一卷黃庭內外經註二卷關里系一卷行于
世

先生遺文

論楊雄反離騷

揚雄所以議屈原者如此而班固亦譏其露才揚己類之推又病其顯暴君過愚嘗折衷而論之曰或問古人有言殺其身有益於君則為之屈原雖死何益於懷襄曰忠臣之用心自盡其愛君之誠耳死生毀譽所不顧也故比干以諫見戮屈原以放自沈比干紂諸父也屈原楚同姓也為人臣者三諫不從則去之同姓無可去之義有死而已離騷曰陪余身而危死兮覽余初其猶未悔則原之自處審矣或又曰竊武子邦無道則愚而辭山甫明哲以保其身今原乃用智於無道之邦以虧明哲保身之義亦何足為賢乎曰愚如武子全身遠害可也亦有官守言責斯用智矣山甫明哲固保身之道然不曰夙夜匪懈以事一人乎士見危致命况同姓兼恩與義而可以不死乎且比干之死微子之去皆是也屈原其不可去乎有比干以任責微子去之可也楚無人焉原去則國從而亡故雖身被放逐猶徘徊而不忍去生不得力爭而強諫死猶冀其感發以改行使百世之下聞其風者雖流放廢斥猶知愛其君眷眷而不忘臣子之義甚矣非死為難處死為難屈原雖死猶不死也後之讀其文知其人如賈生者亦鮮矣然為賦以吊之不過哀其不過而已余觀自古忠臣義士慨然發憤不顧其死特立獨行自信而不回者其英烈之氣豈與身俱亡哉仍羽人於丹丘留不死之舊鄉超無為以至清與太初而為隣此遠遊之所以作而難為淺見寡聞者

道也仲尼曰樂天知命故不憂又曰樂天知命有憂之憂世之語獨遠遊曰道可受兮不可傳其小無內者其大無垠無滑而魂兮彼將自然壹氣孔神兮於中夜行虛以待之兮無為之先此老莊孟子所以大過入者而原獨知之司馬相如作大人賦宏放高妙讀者有凌雲之意然其語多出於此至其妙處相如莫能識也太史公作傳以為其文約其辭微其志繁其行廉其稱文少而其指極大舉類通而見義遠其志繁故其稱物芳其行廉故死而不容自踈濯淖污泥之中以浮游塵埃之外推此志也雖與日月爭光可也斯可謂深知己者揚子雲作反離騷以為君子得時則大行不得時則龍蛇

遇不過命也何必洗身哉屈子之事蓋聖賢之變者使遇孔子當與三仁同稱雄未足以與此班孟堅顏之推所云無異妾婦兒童之見余故具論之

潤州先賢錄後序

潤州今之鎮江也為南畿之名郡屬邑有三曰丹徒曰丹陽曰金壇山川之美蜿蜒磅礴清淑秀麗豈不為地靈乎然地靈則人傑故自春秋漢唐宋以來賢哲之士顯昂迭出於其間或高

跋

潤州先賢錄六卷明天順中知鎮江府事姚堂輯四庫提要史部傳記類存目三載浙江汪啟淑家藏本千頃堂書目明史藝文志丹徒縣志藝文均未載惟天一閣見存書目載一明本今亦不知存否堂字彦容又字叔升浙江慈谿人幼穎異十三能屬文二十二舉正統四年進士授工部虞衡主事歷陞郎中部中出納藏奸隱穢故為士論所鄙堂砥礪名節曹署為之增重出知廣信府疑獄累年莫白者堂至立辨出之它政無不修舉巡按韓雍表其治行為江西第一內艱去官服甫闋吏部尚書姚夔知其賢上疏即家起知蘇州府蘇多羨餘歲以億萬計堂悉貯公帑以備賑恤及修孔子廟先賢

祠費豪勢人道蘇者往時多厚索堂下令驛廩之外不得加毫末羣情大悅會以事忤巡撫劉孜乃移堂知鎮江而以鎮江知府林鶚互易之牒至即日行什器帷帳一無所携夙釀酒一缸以為蘇物戒守舍者留候林為用蘇民遮道泣留不可得相與謠曰雙木作篙不如一搖士林頌之以詩有袖歸白壁原無玷移去寒梅不改香之句堂治鎮一如治蘇政通惠洽流民復業者九千餘戶丹徒令賴正時宰王某甥也怙勢縱恣堂一裁以法賴始自戢坐亦坐是久不調刑部尚書陸瑜疏堂蓋鹽之守乃移廣東參政以入賀過家卒堂三典名郡皆著善政而尤所注意者恤孤寡舉遺逸興學造士褒表名賢以禮化俗故所至民懷其德立祠祀之吳文定公

寬嘗稱為古之廉吏方伯張辟入覲道杭抵慈谿哭之
令有司建清白坊表焉雍正寧波府志卷二十一人物
慈谿縣志卷九清操乾隆鎮江府志卷三十四名宦同
治蘇州府志卷七十名宦均有堂傳此本舊藏揚州吳
氏測海樓舊歸山館紙墨精澁畫像完好惟鎮江府志
卷四十七藝文載廖恭敏序一篇是本無之爰為補錄
以付景印天順距今垂五百年四庫但存其目鄉人未
睹厥書人往風微時殊俗易祠廟不復崇賢官守罔知
敬教即錄中所舉先哲聲光風尚磊磊軒天地亘萬禩
而不朽者新學小生殆俱不能舉其名字事狀而徒膏
唇鼓吻欲復民族之精神甚則狂譫醉癡斥昔之人無
聞知惟憑其誕謾貪戾之私謂足以立國於斯世吾讀
是錄述往思來蓋不知涕之何從也癸酉夏五柳詒微

增修毘陵人品記序

吾母毛太宜人爲黃門

古菴公女孫居恒誨不肖輩必依忠孝及相

先學士抗疏受杖蒙難靡悔不肖輩遞通籍勗以恬修勿競榮膺皆

序一

烈丈夫所難人謂母卽嫺公宮教何以能若是迨不肖讀古菴公人品記而後知公之垂訓弘貽謀遠也毘陵禮讓名墟英喆代奮論其世友可尚取於鄉法倍親誦詩讀書景行仰止未有以此品人不以

此律已以此範俗不以此教家者自公作記後迄今八十餘年前者彪炳後者鵲起文獻之盛不可勝書十五年前

序二

歐陽郡侯擬修府誌屬光祿涇陽顧公品隲人物誌未就於是有桑梓錄存笥中大都倣古菴公之意補其未備續其未來畧以類從不立標目又且合同志諸賢討論商確草數易而後定未嘗師心自用沾沾局一隅之見也者顧公謝世已六七年笥中草幾于散佚古菴

公之意將無所紹承而以不肖視之則母氏之栝椽也林居多暇不揣僭爲纂輯復就正諸鄉先生稍增定焉而因有槩於作者之難益信先輩用心之厚也夫春秋一書誅賞並行誌記之體主於揚媿故

序三

表全瑜則瑕宜掩而猶點之其失也苛錄先德則世宜宥而猶適之其失也刻棺可蓋則論既定而故格之其失也倏結可釋則嗣不敵而故軋之其失也媚人各有本末而必援世講以內交其失也比辭

或有衰榮而必借世系以貢諛其失也媚騫言中何德非言賜政達何言非政偃絃誦何政非文而必張一目以爲羅其失也拘今觀毛顧兩公所記錄有是數者無有哉善夫岑姚江序曰人以代著不以

序四

區分據行直書而凡道德功業文章之次第如列宿懸象隱顯巨細居然自見固仰窺先輩之用心抑亦後作之繩準也有二璧於此色相若徑相若直且倍差側而視之其一者厚而倍余不肖何能執鞭

先賢近鑒遠師無寧處其厚者而
已矣

萬曆四十六年歲在戊午秋七月

毘陵後學吳亮謹序



序五

增修毘陵人品記序

夫人之品辟則水焉江湖之淼沼
渚之泖澗壑之幽淵谷之翕了不
相如而各成其品然必浮雲四歛
孤月麗天而後一輪散其奇彩萬
水挹其清華不以蕩浩廓形不以

序

一

纖流減體月何心予水何心受若
夫鑑而曙之刻畫逼肖向背已受
其轉移炬而燭之黑白瞭然執者
先居於黯黯於以定品不亦難乎
余郡止園公睿性內融神識外朗
性識所徹等別區分井如也中歲

卓立朝常情深瞻吧輒謝白簡臥
青山乃逍遙仲長之居上下汝南
之且竊比洙泗權衡梓枌續古菴
之遺編發涇陽之笥錄一經點竄
鬚眉宛然片楮所登幽顯畢采矢
筆未終誰云其人已朽展讀方竟

序

俱可揖之同堂豈直家言可叅國
乘矣余嘗謂搦是管者棲神欲澹
命臆欲公藏照欲精羅胸欲博澹
無牽繫公息愛憎精可噐收博資
證核備是四者不等別而自別不
區分而自分正如流影入川洪纖

吐曜耳其止園公之謂乎公以止
名園則夫澹也公也精也博也總
以一止止者也而其書不足以服
人心風千古吾不信矣

荆溪後學蔣應震謹序

蔣三



增修毘陵人品記序

夫士以品貴道德功業文章皆品也生而鹿鹿無關名教則無所貴品矣毘陵自吳秦伯季子而下號為禮讓名區其間忠孝廉節秀世邁俗更僕未易數往給諫古菴毛

序

夏一

公舊有人品記至光祿涇陽顧公有桑梓錄存笥中二公品格煌煌名高月旦其所載記可備一代典刑於是嚴所吳公銳意表章復加增定摭剔違代鼓吹熙朝趨然有先進之思焉公學嗣太史鐵諫錚

錚為延陵忠孝世閥以將母故方

攬轡宣雲遂解節歸退隱青山門外藏書柱下名園以止示一隱不再出也考槃多暇則進同志諸賢相與揚扈是邦文獻品隲無餘余讀之見其磊磊落落揭日而行不

序

夏二

以華膺見褒不以卑寒見削不以師心不以耳擿其論公尚氣節則字挾風霜獎恬退則風清林壑舉必徵實汗不至阿其法正自鉅詰鴻匠以至谿山枕漱或以道德揚芬或以功勳樹伐或以文章展采



備全德則首錄具一節則兼收其
 善善也長其惡惡也短無礙語無
 微辭其意厚事夥則繁稱行畧則
 寡載前者無為過佚後者無為濫
 觴上下數千年如人寫照各諧其
 品而止其體裁當蓋公雅性峭直
 序
 喜以名教自負每彈壓今古語及
 忠良孝友仁人義士則公之顏頰
 陽春可回及指奸斥佞馮陵髮上
 指則紫電青雷薄於襟袖其素所
 樹立然也編成余適蕩槩過園中
 出以眎余乞一言弁首夫言亦有

品太上貴之余何能贊一辭或以
 君平棄世海月山雲悠然有同調
 乎昔端明史鑑在屏居洛下之日
 平叔諫林就於睢陽歸老之年宜
 公之品記向止園中操不律也名
 教中桐江一絲公亦當令品貴矣

序

澄江後學夏樹芳謹撰



夏四

增修毘陵人品記序

古者品人於鄉其說昉之仲尼然鄉之好鄉之惡皆曰未可而曰善者好不善者惡其品鄉之法備是已厥後東漢有月旦評視已皆善視人皆不善視已之好惡皆善視

序

史一

人之好惡皆不善以至恣睢憤裂卒成黨錮之禍此蓋不明仲尼之旨而誤用之者矣後東漢者悉知懲憤裂之非然嫉人之媿而軋之徇已之私而揚之苛人之小善而瑕瑜之逞已之偏見而短長之大

抵東漢之月旦公而激今日之月旦私而諛東漢月旦之品失在善善惡惡之過明今日月旦之品失在善善惡惡之過混其公而激也流而爲抗爲憤猶可言也其私而諛也流而爲比爲黨弗可言也其

序

史二

善惡之過明也尚得罪于世路而不顧猶可言也其善惡之過混也甚得罪于名教而不惜弗可言也余謂今日非但不明善不善之旨益不明月旦之初意而誤用之者矣吁可懼也夫余鄉毘陵泰伯而

下風氣日開禮教日盛中原文獻
悉是吾鄉主持其間忠臣烈士孝
子悌弟得之史官所載故老所傳
野編遺錄所及者蓋百不什一耳
先毛給諫有人品記顧光祿有桑
梓錄二公表章之志俱不克就至

序

史三

侍御嚴所吳公慨然增修之以就
二公遺業訂書為十卷上自初周
歷漢晉唐宋以迄我明代不幾人
人不幾事寧簡而不雜寧直而不
諛寧信而不疑寧畧而不闕寧失
之厚不敢失之薄寧失之寬不敢

失之刻寧失衆人之是非不敢失
聖賢之是非寧失一時之議論不
敢失千萬世之公論可謂吾邦之
信史矣雖然余猶懼岩穴之下有
其德而無其位有其才而無其時
有其實而無其名有其事而無其

序

史四

傳者吾輩耳聞目見之外得無有
遺漏不可知者乎幸同郡諸君子
皆以侍御之心為心則近無愧毛
顧二公之遺意遠可軼東漢而直
追仲尼之旨厥功詎不偉哉

復禮居士陽羨史孟麟撰

增修毘陵人品記序

士無定品要在不失其人之本色而已夫子曰人之生也直此本色也以其本色也而易如火之炎上水之就下也故無鉅細皆足以成其品以其本色也而難如火之不息水之不污也故無鉅細之品皆見其可貴品士者核其人必脉理真而後無贗品論人者隨其品必羣品備而後無失人毘陵爲泰伯端委之地山川平衍習尚得文質之中由周而來風氣日開至宋益著

天下有事毘陵人必有則古昔稱先王不忍自決其防者如慶元端平之間天下岌岌矣毘陵人硜硜守其所學遂而去之者至以道學解散爲慶迄于亂亡毘陵人猶孤城歿守下及羽人釋子亦知與城俱亡之爲義寧獨天性亦其習見習聞然也毛古菴先生記毘陵人品顧涇陽先生志桑梓人物侍御嚴所吳公更雅馴其文詞續入其後歿合爲書十卷謂攀龍不可無一言攀龍曰侍御之功偉哉夫人

心之所趨必有所定以為的而期中焉故以富貴利達為的者取諸昏夜乞哀之巧力矣以仁義道德為的者取諸平旦虛明之巧力矣二者霄壤不可同日而語稍錯雜焉人莫知所趨侍御之厚於取善序嚴於別類其示之的乎人固有與生俱生不與死俱死塞兩間亘千古不可得而滅沒者非富貴利達之謂也世人畢其巧力昏夜乞哀以求之而與此曾不相涉夫以百年易盡之身營此身不相涉之物

譬之冠冕金玉被飾土木偶人至于死之日了無餘味而後知其向之所為罔也亦大可哀矣其有感于斯編而興者乎侍御之功偉哉

錫山後學高攀龍謹撰



序

高四

增修毘陵人品記叙

論人品于毘陵猶取材鄧林挹水
溟澥也可勝記乎然可記者多而
能記者少何以故能爲記而不欲
任敢於任而不能記以不能代能
者泚筆可記之品格旣與記者之

序

人簡而記者之品鑒必不能與可
記之人合卽有品不精卽有記不
傳終當俟之能記者而能記者憂
殘闕恐廢墜欲不任而終亦不能
不任則嚴所吳丈所爲近訂桑梓
錄以遠紹人品記是也蓋記述之

事亦綦不易矣非故典熟則不能

詳人生平之本末非見地超則不
能別人制行之鉅細非椽爲筆則
枯腸或窘於鋪揚非鐵爲肝則軟
骨或靡於趨避而尤以心術之端
爲主嚴所秉質直不回之性博極

序

錄二

群書方其埋輪都門擊邪章上一
日而長安之紙爲貴以太宜人倚
間心動輒賦初衣斯其品卓矣今
尚論一鄉折衷輿論糠粃盡播幽
隱全收惟具五長自絕七短况毘
陵夙稱忠義尤尚理學乃或高山

不仰下流可居吳歛變為越吟秦
轍忽隨燕駕惟無有以先輩典刑
示之者以此品人以此律已以此
範俗以此教家余知嚴所之記豈
第欲存前進之準繩抑欲留後來
之榜樣也人各有傳睹傳即可徵

序

錢春

品余不具論論嚴所作記之意庶
幾毘陵人悟而動木本水源之思
以重背其鄉也乎
武進後學錢春謹撰



毘陵人品記序

道嘗往來毘陵思古聖賢之遺墟庶幾乎賢人君子
之林及攷其郡國志乘乃兼采齊梁之君贊不肯泥
矣夫子於是邦獨贊泰伯仲雍而贊季子彼其紀載
者何所師承也哉竊欲有所論正附於褒善之末未
遑也誠齊葉侯判吾越以簡塞為理以文章藻飾吏
事既修吾姚誌梓之復以其鄉人品記進小子授之
曰此吾先君存齊公之所命意先友古巷毛公屬草
未就而俱下世某嗣業之惟子為是正叙而傳焉道

人品記

序

初有槩于中敬受反覆之其去郡國所紀載遠矣人
以代著而不以類分擬行直書而凡道德功業文章
之次第如日月列宿之懸象隱顯巨細居然自見其
抉擇至精其文辭則史不徒去齊梁之僭偽而已昔
者太史公傷悼卞隨務光之徒不蒙賞於夫子而發
憤於伯夷之傳以謂砥行立名者必有藉於青雲之
士以施及後世毘陵之賢產於商周者既獲夫子之
贊許自秦漢以訖于今者誠齊父子朋友復能尊師
夫子之旨而併記之文獻有徵作者奚歎乎記凡四

卷人品合若干人嗚呼盛矣攷其人論其世近取遠師以無慚是邦之賢斯又記此者之意也誠齋以嫌故於存齋古菴弗之記道謹按其行事綴傳於終篇嘉靖壬寅秋七月餘姚後學岑原道撰

記 康

毘陵人品記論次

郡人

皇明禮科右給事中毛憲初編人品記

河南汝陽縣訓導葉夔同授

浙江紹興府通判葉金篥輯

福建道監察御史錢一本

南京光祿寺少卿顧憲成品定錄桑梓

南京太僕寺少卿葉茂才

建昌府知府蔣應震

人品記

澄江孝廉夏樹芳

太常寺少卿史孟麟

行人司行人高攀龍

福建道監察御史錢春

南京兵部郎中劉元珍參訂

湖廣道監察御史吳亮增修



毘陵人品目一

商

泰伯

仲雍

周

季札

披裘公

辛共

漢

虞俊

彭修

彭循

蔣政

許武

許荆

蔣佩

王關

蔣堪與

高彪

高岱

陸瑜

人品記
八目

三國吳

張秉

周魴

華嚴

晉

周處

周玘

周筵

孫無終

朱鳳

顧悅之

顧愷之

南朝宋

蒯恩

蕭承之

蕭思話

吳欣之

華寶

薛天生

劉懷胤

俞齊民

蔣恭

徐耕

吳國夫

許昭先

南朝齊

蕭嶷

蕭舉

蕭鑑

蕭鈞

蕭鏗

蕭道度

蕭遙欣

蕭綯

蕭景先

蕭赤斧

蕭叔明

吳達之

陳玄子

周山圖

周盤龍

子奉

蕭惠基

蕭懿

蕭敷

人品記
八目

毘陵人品記卷一

商

泰伯仲雍皆周太王之子季歷之兄也季歷賢而有
聖子昌太王欲立季歷以及昌於是泰伯仲雍乃
奔荆蠻文身斷髮示不可用以避季歷季歷果立
是為王季而昌為文王泰伯之稱荆蠻自號勾吳
荆蠻義之從而歸之千餘家立為吳泰伯泰伯故城在今無錫縣東南梅里平墟自端委以治吳之衣冠文
太伯及王僚並都于此物自泰伯始泰伯卒今無錫縣北及常熟縣梅里聚並志泰伯墓無子

人品記

卷一

弟仲雍立是為吳仲雍孔子曰泰伯其可謂至德
也已矣三以天下讓民無得而稱焉謂虞仲隱居
放言身中清廢中權

周

季札泰伯十九世孫壽夢子壽夢有子四人長諸樊
次餘祭次餘昧次季札季札賢而壽夢欲立之季
札讓不可乃立諸樊諸樊已除喪讓位季札季札
棄其室而耕乃舍之及諸樊卒有命授弟餘祭必
致國於季札以稱先王壽夢之意且嘉季札之義

兄弟皆欲致國令以漸致焉季札封於延陵故號
曰延陵季子餘祭卒餘昧立餘昧卒復欲授季札
季札逃去乃立餘昧之子僚諸樊之子光弒僚代
立季札歸光復致國焉季札辭去終身不入吳國
季札生蠻夷行禮適義聞樂知政究觀人情深識
國體蓋天性然也孔子稱其知禮於其卒也題其
墓曰嗚呼有吳延陵君子之墓在今江陰縣申浦西
披裘公夏月衣敝裘荷薪於道道有遺金不顧季札
見而呼之曰負薪者何不取金公笑曰君何居之

人品記

卷一

二

高視之下貌之君子而言之野也吾有君不君有
友不友當暑衣裘君疑取金者乎請問姓氏曰子
乃皮相之士何足與言姓名遂去相傳披裘者晉
陵茶山路人也

辛共字大鵬灌陽人後居毘陵事韓為郎中避秦人
聞以家財求客為韓報仇聞秦破盡發帑藏救饑
民漢安五年無疾而逝

漢

虞俊字仲卿無錫人少以孝友稱明春秋公羊左氏

傳哀帝時為御史稍遷丞相司直王莽秉政召為
 司徒後欲遜歸遂見脅迫仰天歎曰吾漢人也願
 為漢鬼不能事漢賊飲藥而卒光武即位表其墓
 彭修字子陽毘陵人年十五時父為盜所劫修拔佩
 刀前持盜帥曰父危乎死即不顧歟邪盜相謂曰
 此童子義士也不宜迫之辭謝而去後為郡功曹
 西部都尉宰鼂以微過收吳縣獄吏將殺之主簿
 鍾離意切諫鼂怒并收意修排闥直入拜於庭曰
 昔任座面折文侯朱雲拔毀欄檻自非賢君焉得

人品記 卷一 三

忠臣今慶明府為賢君主簿為忠臣鼂乃原意貫
 獄吏罪已而州辟修從事賊張子林等作亂修與
 太守出討賊賊飛矢雨集修障扞太守為流矢所
 中歟太守得全賊素聞其恩信即殺中修者餘悉
 降散曰自為彭君降非為太守服也
 彭循字子陽毘陵人建國二年海賊丁儀等萬人據
 吳太守秋君聞循勇謀以守令循與儀相見陳說
 利害應時散去民歌之曰時歲倉卒賊縱橫大戰
 強弩不可當賴遇賢令彭子陽

東政字景化陽羨人性篤孝光武朝仕為荆南刺史
 父歿請柩於都山之陽廬于墓側候守三年服闋
 又不忍離始宅于回園居焉
 許武字季長陽羨人大守第五倫舉為孝廉武以二
 弟晏普未顯欲令成名乃分異別居割產為三自
 取膏肥二弟所得並悉劣少鄉人皆稱二弟讓而
 鄙武奢晏及二弟並得選舉武乃會宗親泣曰吾
 為兄不肖盜聲竊位二弟年長未豫榮祿所以求
 得分財自取大譏今理產三倍于前悉以推二弟

人品記 卷一 四

一無所留於是郡中翕然稱之位至長樂少府
 許荆字少張武孫也少為郡吏兄子世殺人報讎怨
 者操兵攻之荆出門逆而跪曰世無狀咎在荆不
 能訓導兄蚤沒一子為嗣歟即絕滅願身代之怨
 者曰許椽郡中稱賢何敢相侵遂委去太守黃競
 舉荆孝廉稍遷桂陽太守郡濱南州風俗脆薄不
 識學義荆為設喪紀婚姻制度使知禮禁嘗行縣
 至來陽有蔣均兄弟訟財荆對之歎曰教化不行
 咎在太守乃顧使吏上書陳狀乞詣廷尉均兄弟

感悔各求受罪在事十二年父老稱歌徵拜諫議大夫卒於官桂陽人爲立廟樹碑

蔣佩字服思陽羨人儒雅廉介事親至孝仕漢由太丘內史累遷冀州刺史在郡清儉妻自負薪入爲尚書令澹約終其身

王闢字選公無錫人明易學通天文郡舉爲主簿後漢初守山陰令補御史終陳留太守不交豪強人號王獨坐

蔣堪與字楚圖陽羨人東漢建和中仕爲徐州刺史人品記 卷一 五

潔已公清去浮費省繁苛百姓安之郡庭中有古栢枯死復生成以爲善政所感

高彪字義方無錫人家本單寒處爲諸生游太學有雅才而訥於言嘗從馬融欲訪大義融疾不獲見乃覆刺遺融書譏融養病傲士融慙追還之彪逝不顧後舉孝廉試經第一除郎中校書東觀數奏賦頌奇文因事諷諫靈帝異之時京兆第五永督幽州百官祖餞於長樂觀議郎蔡邕等皆賦詩彪獨作箴規之後遷內黃令帝敕同僚祖於上東門

詔東觀畫彪像以勸學者

高岱字孔文彪子少厲操行輕財貴義所友皆世偉人太守盛憲舉爲孝廉許貢來領郡備憲岱將憲避難告急於陶謙顛顛泣血水漿不入口謙感其忠勇許爲出軍岱還而貢已囚其母人皆爲危悚岱往見貢才辭敏捷好自陳謝貢卽出其母孫策聞其賢虛已以俟後爲忌者所中遂遇害

陸瓊字仲芳毘陵人操履清正明京氏易尚書風角星算尤極精奧太守辟爲主簿視事旬日遂謝病去隱居會稽山以典籍自娛公車載徵皆以疾辭人品記 卷一 六

三國吳

張秉字仲節陽羨人時顧邵號知人一見遂友之爲延聲譽秉遭大喪邵親爲制服結經邵守豫章發在近路送者百數秉以疾不會邵辭賓客曰張仲節有疾苦不能來別恨不見之暫還與訣諸君少時招待其見重如此秉後仕吳爲雲陽太守

周紡字子魚陽羨人少好學舉孝廉吳黃武中爲郡陽太守平彭綺之亂魏曹休帥兵討入皖紡齋七

賡誘休與陸遜邀擊之斬馘萬數賜爵關內侯賊帥董嗣鈔畧豫章臨川諸郡飭復設方畧誘將之在郡十三年威惠並行

華嚴守先武進人始為上虞尉以文學人為秘府郎遷中書丞孫皓即位更營新宮飾以珠玉盛夏與工農守並廢又倉廩無儲世俗滋侈皆上疏極諫前後所陳便宜及貢薦良能解釋罪過書百餘上皆有補益皓不能用以微譴免歸

晉

人品記 卷一

周處字子隱鮐子少好田獵不修細行鄉里以南山白額虎長橋下蛟并處目為三害處聞父老言乃射殺猛獸投水搏蛟因人吳見陸雲具以情告口欲自修改年已蹉跎將恐無及雲曰古人貴朝聞夕改但患志不立耳處遂勵志克己暮年州府交辟吳平入洛稍遷新平太守撫和戎敵雍土安之改廣漢郡有獄三十年不決處一朝決遣得其枉直以母老罷歸尋除楚內史未行徵拜散騎常侍處曰古人辭大不辭小乃先之楚時喪亂之後風

俗舛雜處敦以義教檢骸骨無主者收瘞之然後就徵及居近侍多所規諷遷御史中丞糾劾不避寵戚氏人齊萬年及僕處蘇夏處駿征征既而梁王彤為征西大將軍都督關中駿與彤皆有宿憾於處處知必陷已或勸以母老辭處曰既辭親事君父母安得而子乎時賊眾七萬駿逼處以五千擊之彤復促令速進而絕其後繼處賦詩曰去去世事已策馬觀西戎藜藿甘梁黍期之克令終自旦戰及暮斬首萬計弦絕矢盡左右勸之退處按

人品記 卷一

劍曰良將受命鑿凶門以出有進無退以身殉國不亦可乎力戰而沒墓在今宜興縣荆溪南贈平西將軍謚曰孝三子玘靖札靖早卒玘札並知名諸孫勰懋筵贊濟一門五侯並居列位吳士貴盛莫與為比周圯字宣佩沉毅有父風閉門潔已不妄交游名重一方薦除議郎太安中石冰陳敏錢璿等叛玘三舉義旅討之封烏程侯行吳興太守元帝置義興郡以旌其功焉卒謚忠烈

建靖子也卓犖有才幹累官黃門侍郎族兄續

合謀爲亂收聚徒衆元帝議討之王導以兵少恐不能制而延忠烈至到爲衆所敬詔給力士百人還陽羨因殺續時延有母在不過家省視長驅而去遷太子右衛率王敦作難加冠軍將軍都督會稽軍事討沈亮未發而王師敗績聞從父札閉城納敦憤恨慷慨義形于色尋遇害

孫無終晉陵人太元初謝玄鎮海陵募勁勇爲前鋒無終與劉牢之何謙並在選中百戰百勝號北府兵敵人畏之

人品記

卷一

朱鳳晉陵人學行清修老乃不調太興初以秘書監

華譚薦擢著作郎

顧悅之字君叔無錫人少有義行與簡文同年而髮早白帝問其故對曰松柏之姿經霜猶茂蒲柳常質望秋先零帝悅其對嘗爲殷浩吏浩坐廢卒悅之將抗表爲浩訟冤浩親故多謂非宜悅之決意以聞又與朝臣爭論衆無以奪浩得追復本官悅之爲州別駕歷尚書右丞

顧愷之字長康悅之弟博學有才氣謝安雅重之殷

仲堪引爲參軍愷之善丹青尤信小術世傳愷之三絕才絕藝絕癡絕嘗爲虎頭將軍人稱顧虎頭

南朝宋

蒯思字道思蘭陵人武帝征孫恩縣遣思給馬芻思舍芻歎曰大丈夫彎弓三石奈何克馬士帝聞之給以鎧仗征妖賊先登膽力過人甚見信愛平京城定建鄴封都鄉侯從伐盧循斬徐道覆與王鎮惡襲江陵隨朱齡石伐蜀及司馬休之自從征以來凡百餘戰身被重創帝錄其前後功勳封新寧

人品記

卷二

十

縣男思益自謙損待士卒有思後人關迎桂陽公義真沒於虜中

蕭承之字嗣伯蘭陵人少有大志才力過人仕宋爲漢中太守以平梁州功加龍驤將軍後爲南太山太守封五等男元嘉末卒梁土思之廟祀於峨公山

蕭思話蘭陵人工隸書善騎射元嘉中爲青州刺史坐繫氏帥楊難當寇漢中乃自徒中起思話爲梁南秦二州刺史悉收復漢中侵地文帝令思話上

定漢中本未付在史館元兗劾立起義以應孝武卽位徵拜尚書僕射固辭改中書令加都督卒贈征西將軍開府儀同三司謚穆侯思話外戚令望早見任待歷十二州仗節者九愛才好士人多歸之

吳欣之晉陵人宋元嘉末弟慰之隨王誕起義共誅元兗劾元兗軍至衆皆駭散慰之獨留被執欣之請代弟命辭淚哀切兄弟皆見原齊建武初有詔獨表之

人品記

卷一

十一

華寶無錫人父豪晉義熙末成長安寶時年八歲父臨別謂寶曰須我還當爲汝上頭及長安陷父沒寶年至七十不婚冠或問之輒號慟彌日不忍答也齊建元初詔表之

今有祠在本縣慧山寺右

薛天生晉陵人其母罹艱棘嘗蔬食天生亦蔬食母未免喪而逝天生終身不食魚肉建元初詔表其門

劉懷胤郡志作懷嗣晉陵人年十歲與弟懷則遭父喪不衣絮帛不食鹽豉建元初詔旌表焉

余齊民本傳避唐諱作齊人晉陵人少有孝行爲邑書吏父殖

在家病亡齊民謂人曰比者肉痛心煩有如割截居常惶駭必有異故家人以父病報之便歸四百餘里一日而至至門方詳父歿號踊慟絕良久乃蘇問父所遺言母曰汝父臨終恨不見汝齊民曰相見何難於是號哭殯所須吏便絕州縣上其事詔表其里爲孝義蠲租布賜其母穀百斛

蔣恭義興人元嘉中有盜被收云與恭妻弟吳晞張爲侶不獲乃收恭及兄協付獄科罪恭列晞張是

人品記

卷一

十一

婦之親恭身甘罪求免兄協協列是戶主求免弟恭郡縣不決依事上詳州議並原之後除恭義成令協義招令

徐耕延陵人元嘉末大旱郡饑以米千斛助官振貸議者以方漢卜式縣爲上言詔書褒美酬以縣令吳國夫義興人以義遜稱有竊其稻者國夫引還爲設酒食以米惠之其人慙服

許昭先宜興人親老家貧竭力甘旨叔父肇之坐事繫獄七年不判申訴饋餉雖所生亦已倦怠而昭

先獨不懈息尚書沈演之嘉其行誼叔父由此得釋昭先舅夫妻疫歿貧無以送昭先賣衣物以營殯葬撫其二子皆得成長雍州刺史劉道真聞其賢拔爲征虜參軍辭以親老不就

齊

蕭疑字宣儼武進人齊高帝子都督荊州坦懷納善側席思政初沈攸之開人告訐得罪其衆疑至鎮一日遣三千餘人市稅素重悉從寬假百姓甚悅及爲南蠻校尉開館立學入爲中書監司空東歸

人品記

卷一

七

約部曲不得齋府州物出城既發江津士女垂涕高帝以武帝忤旨頗有代適之意而疑事武帝至恭武帝愛之亦至常慮盛滿求解揚州戒諸子曰凡富貴少不驕奢以約失之者鮮矣疑第庫無見錢武帝敕月給錢百萬薨乃已

蕭舉字宣照高帝第五子四歲失母思慕不異成人每慟吐血帝爲方伯時尚貧諸子學書無紙筆舉以指畫空中及掌間第鋒字宣穎帝第十三子四歲時避難張氏家於塵几上學書後舉工篆隸好

文章射爲當時獨絕鋒亦工書能文嘗注修栢賦以見志

蕭鑑字宣徹高帝第十子八歲喪母號慕骨立後爲益州刺史韓武方聚黨爲暴郡縣不能制鑑至諭降之或勸殺之鑑曰失信何以勸善自是巴西蠻夷皆望風降附鑑好學善屬文不重華飾有高士風與蔡仲熊等商畧先言徃行及蜀土人物言辭和辨當時以爲盛事關州園得古塚珍寶甚多亟命掩之一無所犯

人品記

卷一

七

蕭鈞字宣禮高帝第十一子年五歲所生區貴人病便慘悴不食貴人卒居喪廵羸骨立服闋常問訊武帝不能升車而止左右以聞帝卽幸其邸還命褚蔡撫悅之先是貴人嘗剪綵賜鈞至是遇朔望輒開視載拜哽咽悲動左右鈞性好學善屬文嘗手自細書五經置巾箱中或問曰家多墳典奚以此爲鈞曰此便繙閱且一更手寫可永不忘居身清率言未嘗及時事嘗游會稽孔稚珪園稚珪曰殿下處朱門游紫闥詎得與山人交邪答曰情在

江湖爾吳郡張融清抗絕俗雅重鈞謂其有飄飄凌雲之氣與之游不知老之將至云

蕭鏗字宣嚴高帝第十六子三歲喪母及有識知母早亡輒悲哀蔬食祈一見夢至六歲夢一婦云是其母鏗以容貌衣服泣語左右儼如平生聞者莫不欷歔後鎮姑熟有發塚多得金寶者鬱林以賜鏗鏗曰今取往物後取今物如此循環可不熟念命修復之明帝剪宗室鏗遇害時年十八識者以為國器莫不痛惜焉

人品記 卷一 十五

蕭道度高帝長兄同受學于雷次宗次宗曰其兄外朗其弟內潤皆良璞也

蕭遙欣字重暉始安王遙光弟也髻鬣嶷然明帝謂其必成令器七歲出齋見左右有彈落飛鳥為戲者遙欣曰凡戲多端柰何事此且鳥自飛翔於人何預殺此可憫聞者輒罷此戲遙欣博覽經史弱冠預朝政論薦人才甚衆卒贈司空謚曰康子幾字德玄早孤兄弟敦睦聞於朝野性溫和與物無競好學善文章沈約奇之官終新安太守

蕭紆字景業宗室安陸王嘗守吳郡大著風績竟陵子良稱之曰數十年來未有此政武帝嘉之累遷雍州刺史加都督紆留心辭訟親自隱郵劫抄度口赦許自新再犯加誅百姓畏愛及卒悲哀之立祠峴山贈司空謚曰昭

蕭景先高帝從子少孤有至性帝鎮淮陰委以腹心沈攸之舉兵時景先隨武帝鎮江州益城景先乘城忽聞空中連呼蕭丹陽云賊當尋平已而果傳攸之首永明中帝以景先尹丹陽待空中語後假

人品記 卷一 十六

節司州諸軍事卒謚曰忠

蕭赤斧高帝從祖弟以和謹為帝所知以為雍州刺史勤於奉公不營產利累遷給事中太子詹事及卒無以為歛武帝聞而惋惜焉謚曰懿子穎胃字雲長弘厚有父風而好文弟穎達乃好武高帝曰兄文弟武宗室便不乏才出為新安太守吏人懷之魏揚言飲馬長江人心震恐穎胃殊不聞魏軍尋退及梁武平江郢圍建康穎胃自以不能制禦發疾卒

蕭叡明字景濟蘭陵人母病風積年叡明晝夜祈禱
祁寒不輟淚下成冰叩頭出血血亦冰忽有人以
小石函授之曰以此療夫人病叡明跪受之其人
忽不見啓函有絹三寸丹書日月字母服之即愈
永明中詔贈中書郎

吳達之義與人嫂亡備直營家椁從弟欽伯夫婦被
畧達之售田以贖之還共財產郡辟主簿固遜與
兄又以先世田畝讓於族弟弟亦不受田遂閒廢
建元初詔表門閭

人品記

卷一

十七

陳玄子義興人四世同居百有七口建武中詔表門
獨調役

周山圖字季寂義興人家世寒賤年十五六氣力絕
衆食兼數人鄉里獵聚常爲主帥不事產業恒願
爲將而不聞弓馬於書題甚拙然謹直少言未嘗
說人短長與人周旋至白首不異宋元嘉末山圖
應募破魏軍除員外郎累遷淮南太守盜發桓温
塚大獲寶物客以遺山圖山圖不受簿以還官高
帝輔政山圖密啟沈攸之有異圖宜備帝笑而納

之及攸之攻郢城山圖度其必敗後果敗帝稱其
明建元改元封晉興縣男

周盤龍義興人膽氣過人尤便弓馬仕齊建元初魏
攻壽春盤龍假節助垣崇祖大破之後魏浸淮陽
圍南城齊遣盤龍救之盤龍子奉叔以二百人深
入魏以萬餘騎張左右翼圍之盤龍馳馬奮稍直
突魏陳所向披靡奉叔已出復入求盤龍父子兩
騎縈繞魏衆無敢當者魏師敗績累功封沌陽侯
蕭惠基思話子以宋外戚除車騎主簿泰始初兄惠

人品記

卷一

十八

開在蜀拒命明帝遣惠基慰勞降之益州土酋引
氏賊圍州城惠基宣示朝廷威賞氏人斬賊帥來
降遣爲太子舍人桂陽王休範妃惠基姊也休範
叛高帝以惠基爲軍副惠基弟惠朗親爲休範攻
戰惠基在城內了不自疑袁粲劉秉起兵之夕高
帝以秉是惠基姊夫遣王敬則伺之惠基安靜無
預帝益加恩信永明中爲侍中尚書令王儉朝宗
貴惠基同在禮閣非公事不私覲立身退素朝
廷爲善士卒贈金紫光祿大夫

蕭懿字元達武帝長兄也永明末為南秦二州刺史加都督魏軍圍南鄭懿擊之解圍取魏六戍魏人震恐聞崔慧奉江夏王圍臺城方食投箸率銳入援斬慧授中書令征討水陸諸軍事東昏肆虐茹法珍等執政宿臣舊將多見誅夷懿勲高獨居朝左為法珍等所憚說東昏除之徐曜甫具舟江渚勸令西奔懿曰古皆有死豈有叛走中書令邪與弟融俱賜死

蕭敷字仲達武帝次兄也少有學業為隋郡內史招懷遠近士庶安之前後為郡者皆莫及明帝歎曰蕭隋郡飲酒清言而路不拾遺行何風化以致此徵為廬陵王懋議參軍

人品記

卷一

十九

陵人品記卷一

陵人品目二

梁

蕭統 蕭績 蕭確 蕭大器

蕭方 蕭嗣 蕭景 蕭勵

蕭業 蕭秀 蕭偉 蕭恢

蕭恪 蕭洽 蕭暉素 蕭琛

蕭介 蕭立 蕭文琰 李安人

陳所 魚天恩 何之元

陳

人品記

目二

周文育 周寶安 蕭允 蕭引

蕭濟 蕭摩訶 張星

隋

陳泉仁 蕭談 蕭春

唐

錢九隴 蕭德言 衛湛 蔣儼

劉子翼 蕭高 高智周 徐仁紀

薛暉 許景先 王邁 蔣渙

蔣乂 蔣防 秦景通

蕭穎士

施肩吾

南唐

陳喬

劉禕之

魏璞

李紳

李戡

人品記

目錄

毘陵人品記卷二

梁

蕭統字德施蘭陵人梁武帝長子昭明太子也生而聰叡三歲受孝經論語五歲徧讀五經侍母丁貴嬪疾衣不解帶及卒至殯水漿不入口哭輒慟絕終喪日止一溢不嘗菜果自加元服帝使省萬幾百司誤謬辨析改正多所全宥天下稱仁寬和容衆喜怒不形引納才賢賞愛不倦有書三萬卷文學之盛晉宋以來未有奇比歲饑菲衣減膳每霖雨積雪察民病困振賜之百姓賦役煩苦輒斂容變色每朝未五鼓入候內殿燕居坐起恒向西南向未登大寶而卒朝野聞之無不惋愕

蕭績字世謹武帝第四子南康簡王也七歲爲南徐州刺史主者受貨洗改解書績覺而詰之其人首服爲南兗州以善政稱尋徵還百姓詣闕頌績尤異乞留許之遭董淑媛憂居哀過禮固求解職大通三年卒績寡玩好少嗜欲居無僕妾躬事儉約粗秋悉歸天府後少府有南康圖無名錢數千萬

人品記

卷二

子又理字季英生十旬而孤三歲能言見簡王宮人喪畢散去又理哀感左右停者三人每讀書見忠臣烈士未嘗不撫卷興歎謂當無愧古人及侯景陷臺城入齊乞師見害

蕭確字正仲郡陵王綸子武帝孫也少驍勇習騎射兵法入以為狂確曰聽吾為國家破賊鍾山之役確所向披靡臨陣對敵意氣詳贍帶甲據鞍朝夕馳驟諸將服其勇壯及侯景乞監憚確在外求召入城確知城必陷不赴父綸迫之確曰景不解長

人品記 卷二

圍我入無益綸欲斬確確涕泣而入景果背盟後景獵引弓射景弦斷見殺

蕭大器字仁宗簡文長子性寬和端凝遭侯景之亂在賊中未嘗屈意嘗曰賊若見害雖一日百拜無益於死何能以無益之愁橫憂必死之命故雖在憂迫而神貌怡然或勸之北去答曰自國家喪敗志不圖生主上蒙塵寧忍叛父避賊便涕泗嗚咽侯景恐為後患使刑人掩之神色不變徐曰久知此事嗟其晚矣承聖初追謚曰哀

蕭方等字實相元帝長子也有俊才善騎射以母徐妃失寵不自安嘗著論以申志侯景及元帝召之因啟曰申生不愛其死方等豈顧其生帝省書歎息乃配步騎一萬使援臺城方等身當矢石城陷歸荊州收拾士馬甚得衆和又勸帝修城柵以備不虞帝謂徐妃曰若更有一子如此吾復何憂徐妃不答帝怒方等益自危因求征湘州瀕行謂所親曰死而獲所吾豈愛生遂死焉帝追思其功謚曰武烈所誤三十國春秋及篤靜子行於世

人品記 卷二

蕭嗣字長胤範子容貌豐偉腰帶十圍性驍果有膽畧倜儻不護細行而能輕身養士得其死力侯景濟江範遣嗣入援連營渡淮據東城京都陷以嗣為晉熙刺史範憂憤薨嗣猶據晉熙城中食盡士乏絕賊勢方盛咸勸且止嗣按劍叱曰今日之戰此蕭嗣効命立節之日也遂力戰流矢中頸不許援帶箭手殺數人賊退方命拔之應時氣絕

蕭景字子昭武帝從父弟也八歲居父喪以毀聞稍長好學才辨能斷仕齊為永寧令政為百城最武

帝起兵以景行南兗州事時天下未定江北僞楚各據塢壁景示以威信渠帥相率面縛請罪旬日境內皆平封吳平侯行南兗州刺史明解吏職吏不敢欺年荒計口賑恤又爲餽粥於路以食之死者給棺具人甚賴焉天監中爲左驍騎將軍歷雍揚鄆三州刺史所至有能名卒贈開府儀同三司謚曰忠

蕭勵字文約景子位太子洗馬母憂去職毀不勝喪繼遭父憂水漿不進廬於墓後襲父封除淮南太守

人品記 卷二

四

守以善政稱遷宜城內史猛獸患息又遷豫章道不拾遺男女別路徙廣州刺史去郡之日吏民悲泣廣饒外國商舶舊爲刺史所侵勵秋毫無犯卒贈侍中謚曰光

蕭業字靜曠弟藻字靜藝象字世翼皆長沙王懿子也宣武之難俱匿王嚴秀家東晉收嚴秀拷歾而業兄弟獲免於禍天監初封業長沙王藻西昌縣侯象嗣桂陽王業爲南兗州刺史運私邸木僦人作甃爲城武帝善之徙湘州尤著善政藻爲益州

鄧元起在蜀自以宿將有功聚斂山積藻擊斬之以外府賜將士內藏歸王府一無私焉州人作亂命騎追擊蜀人大安遷侍中歷雍兗二州刺史人咸稱之推善下人常如弗及自遭家禍恒布衣蒲席不食鮮禽象爲丹陽尹舉無失德朝廷稱之湘州丹陽舊有虎患業象在官皆相枕而歿咸謂守尹德感神明侯景之亂或勸藻奔江北藻曰吾固國之台鉉不能剪除逆賊正當同歿朝廷不食而卒

人品記

卷二

五

蕭秀字彥遠年十二母亡與弟憺居喪以孝聞秀美風儀性方靜雖左右近侍非衣冠弗見天監初封安城郡王京口自崔慧景亂後人戶流散秀招懷撫輯惠愛大行歲侵以私財贍民歷江荆鄆雍四州刺史所在立學校招隱逸照姦慝約已省費祭埋暴骨冬月作襦袴以賜凍者卒於雍州初鄆人相送出境聞其疾咸爲請命及卒四州人裂裳爲白帽哀哭送迎之秀於武帝爲布衣昆弟及爲臣小心畏敬過於疏賤帝益以此賢之

蕭偉字文達清警好學天監初封建安王遵生母陳氏喪毀頓過禮大通中為中書令大司馬偉性端慤親賢愍窮四方知名者多歸之平原王曼穎卒家貧無以殯友人江革往哭之其妻子對革號訴革曰建安王當知之言訖偉賜至矣

蕭恢字弘達七歲通孝經論語天監初封鄱陽郡王除鄆州刺史時疾疫之後歿甚眾恢下車命埋其無主者有以筒中布進恢曰此奇貨異物立命焚之累遷都督益州刺史恢為人輕財好施凡

人品記

卷二

六

歷四州所得奉祿隨卽散之有男女百人封侯者三十九人第三子修字世和少丁母艱自荊州友葬中江遇風修伏柩長號血淚俱下卒獲歸葬復廬於墓武帝嘉之以為衛尉卿後為梁秦二州刺史漢中有蝗躬至蝗所深自咎責飛鳥群至食蝗殆盡璽書勞問在漢中七年移風易俗人號慈父蕭憺字僧達都督荊州天監初封始興郡王時軍旅之後公私匱乏憺勵精為政闢屯田減力役行閭兵戕之家人甚安之大旱禱雨輒注自以少府重

任開導物情訟者決於俄頃無留滯帶獄江溢堤

壞躬率將吏築之雨甚水漲或請避之憺曰王尊

尚欲身塞河堤我獨何心自逸刑白馬祭江身為

百姓請命水退堤立被水數百家登屋緣木憺募

人救之一口萬錢人賴以免及卒荊州人皆巷哭

子暎字文明年十二為國子生武帝曰吾家千里

駒也除淮南太守以諸兄未有除命抗表讓焉普

通中丁父憂隆冬臥地因患癥結詔以父憺艱難

王業追贈爵邑辭不獲乃乞頒邑諸弟帝為改封

人品記

卷二

七

新渝縣侯歷吳興太守徐州刺史皆有惠政人吏懷之

蕭洽字宏稱思話孫也七歲能誦楚辭及長好學博

涉善屬文位南徐州從事清身率職餽遺一無所

受妻子饑寒累遷臨海太守為政清平不尚威猛

民俗便之拜司徒左長史有文集二十卷

蕭朏素思話從孫性靜退少嗜欲好學能清言榮利

不關於中喜怒不形於色任情通率不自矜尚武

帝賜錢八萬一朝散之親友自中書侍郎求為諸

暨令到縣十餘日掛衣冠於縣門而去獨居屏事
非親戚不得至其籬門卒謚貞文先生

蕭琛字彥瑜洽從弟少明悟有才辨嘗著虎皮靴策
桃枝杖直造王儉坐儉與語大悅遂辟為主簿永
明中載使通好於魏明帝用法嚴峻杖尚書郎琛
密啟止之累遷吳興太守郡有項羽祠置神座廟
名爲憤王甚有靈驗遂於郡廳事安施神座前後
二千石多避舍琛至歷階聞室中啞聲叱之曰
生不能與漢祖爭中原歟此何也遂撤去之後

人品記

卷二

八

頻典大郡有名聲不事產業有缺則取之不以為
嫌歷尚書侍中帝每呼爲宗老卒謚曰平所撰漢
書文府齊梁拾遺諸書數十萬言孫密博學有文
位散騎常侍

蕭介字茂鏡穎悟有器識博涉經史善屬文大同中
爲武陵王長史以清白稱武帝曰始興郡頻無良
守其以蕭介爲之及介至甚著威德徵爲少府卿
後侍中缺帝又擬介爲之多所匡正遷都官尚書
每軍國大事必先訪焉及欲納侯景上表極諫帝

不能用介性高簡少交游惟與族兄琛跡素洽從
弟淑輩交酒賞會時人以比謝氏烏衣之游介染
翰成章文無加點

蕭立南蘭陵人年十七射策甲科自廷尉評載遷侍
御史文學政事爲臺閣領袖獨孤及序其文比之
賈馬

蕭文琰南蘭陵人竟陵王子良嘗夜集學士刻燭題
詩一寸四韻文琰曰如此何難乃與吳興丘令楷
濟陽江洪餘姚虞羲共打銅鉢響絕詩成皆可觀

人品記

卷二

九

覽

李安人南蘭陵人少有大志常拊髀嘆曰大丈夫處
世富貴不可希取三將五校何難之有高帝卽位
爲中領軍封康樂侯累官丹陽尹後爲吳興太守
於家載米往人服其清卒於官

陳慶之字子雲義興人從平建鄴散財聚士嘗假節
總知軍事與魏兵相持十四旬凡四十七戰平三
十餘城大通間魏遣侯景下楚州又擊走之豫州
饑發廩以賑多所全活州民表請樹碑頌德卒謚

曰武慶之祗慎儉素不衣統綺不好絲竹射不穿札馬非所便而愛撫軍士得其力子昕

陳昕字君章能騎射十二歲隨父入洛還都朱异訪以北海事昕聚士晝地指揮分別异甚異之慶之在縣孤魏驍將單騎校戰昕躍馬直趣其寨魏將潰去侯景圍歷陽時昕守臨川因啟宋石急須重鎮王質水軍輕弱恐虜必濟救昕代質未至景已渡江為景所執嚴守之昕因說守者使降守者許之與盟射城中遣昕夜縋以入武帝大喜簡文遲疑

人品記

卷二

十一

事泄景邀昕得之逼昕更射書不從見害

魚天愍義與人隸陳慶之麾下初慶之納元顥于魏也攻滎陽未拔而元天穆以大兵至梁士卒皆恐慶之曰我衆才七千虜三十餘萬今日惟有必死乃可得生當及其未盡至亟取其城據之耳乃鼓之天愍踰堞先登將士殲附而入遂執都督楊昱天穆引兵圍城慶之力戰破之進拔虎牢

何之元字世伯廬江人父法勝以行業聞卜居晉陵之元幼好學有才思居喪過禮梁司空袁昂表薦

之除信義令其宗人敬容位望隆重頻相顧訪之元終不一造或問之對曰德薄任隆必近覆敗吾恐不獲其利而招其禍識者稱之著梁典三十卷隱居晉陵人雅重之名其居曰何墅

陳

周文育字景德本新安人姓項少孤貧陽羨周蒼養為子教以書計育曰誰能學此取富貴但有大槩耳遂教之騎射既壯隸陳慶之麾下與白水蠻戰蒼歿於陣育馳取其尸身被九創慶之偉其節厚

人品記

卷二

十一

加贈遺而遣之後從陳武帝戰白城抽槊陷陣殺傷數百人以功封壽昌縣公終開府儀同三司後為熊曇朗所害贈侍中司空謚忠愍

周寶安字安民文育子十餘歲便習騎射以貴公子驕蹇好狗馬聚惡少高祖患之及父西征繫於王綝遂折節讀書與士君子游綏御士卒甚有威惠父為熊曇朗所害徵領舊兵從平綝即天嘉中重拜吳興太守襲封壽昌縣公以平留異功除給事黃門侍郎終衛尉卿謚曰成

蕭允字叔佐介第三子通達有識鑒始仕梁為太子洗馬侯景陷臺城百僚奔散允獨整衣冠坐于宮坊景軍敬焉弗之逼也尋居京口百姓懼賊波駭允獨不行曰死生定分豈可逃而免于閉門靜處卒免于難陳宣帝即位允為光祿卿性敦重未嘗以榮利于懷後隋師濟江允遷關右時南士至長安者例授官允與尚書僕射謝仙辭疾不就文帝義之並厚賜帛卒年八十四

蕭引字叔休介子也方正有氣度聰敏博學善屬文

人品記

卷二

十一

侯景之亂朝士多歸梁元帝於荊州引曰諸王力爭禍患方起正逃難之日非擇君之秋吾家再世為始興郡遺愛在民南行以存家門爾時始興歐陽頌為衡州引往依焉頌子紇及都人惶駭引曰君子正身以明道直已以行義亦何憂乎及番禺平引始北還宣帝拜為金部侍郎引善隸書帝稱其筆勢翩翩欲飛帝每忿怒見引輒解引性抗直為權貴所裁久不遷擢及呂梁覆師戎儲空匱轉引庫部郎在職一年器械充足後主即位為中庶

子宦者李善慶蔡脫兒等多所請託引皆不許或諫以少為身計引曰吾之立身自有本末安能為李蔡致屈就令不平不過免職耳竟以此奪官卒于家

蕭濟字孝康蘭陵人好學博通經史梁太子舍人預平侯景功封松陽縣侯陳文帝守會稽以濟為長史及即位授侍中歷守蘭陵陽羨等郡所在皆著聲績太初中入為五兵尚書加金紫光祿大夫未拜而卒

人品記

卷二

十一

蕭摩訶字元胤蘭陵人果毅有勇力年十三遇侯景亂單騎出戰莫有敢當者既而歸侯安都齊兵入寇安都被圍摩訶獨騎大呼直衝齊軍安都以免天建中從吳明徹伐齊齊師退走進爵康平侯又以平始興王叔陵功封綏建郡公後主為隋兵所執摩訶請曰一見舊主死無所恨賀若弼哀而許之入見俯伏號泣仍於舊厨乞食進之辭訣而出守衛者莫能仰視終為隋人所害子世廉嘗後果敢性至孝摩訶凶終追慕彌切終身不執刀斧時

人嘉焉

張匡晉陵人傳三禮於同郡劉文紹與吳郡陸翊吳興沈德盛會稽賀德基俱以禮學自命廣沈文阿儀注撰五禮後為國子博士

隋

陳杲仁字世威晉陵人繼母病思牛炙適屠禁剖服以進母病良已郡上其事詔賜旌表年十八舉進士仕陳為監察御史遷江西巡察大使隋大業中奉詔平長白山及江寧以功授銀青光祿大夫義

人品誌

卷一

十五

寧中與沈法興等剪東陽賊二十餘萬拜大司徒賜官妹廐馬粟帛時稱其忠孝文武信義謀辨為八絕煬帝被弑沈法興入毘陵陽為起義陰寔欲據之懼杲仁不附已遂遇害後屢見神郡人即其兵仗庫立廟祀之

蕭該蘭陵人梁都陽王恢之孫初封攸侯荊州平與何妥同至長安開皇初賜爵山陰縣公拜國子博士詔與妥正定經史該性篤學通詩書春秋禮記尤精漢書及文選音義並為 珍及卒門人起墳

樹碣焉

蕭春蘭陵人有雋才住青楊巷有何妥者住白楊頭時人為之語曰世有兩雋白楊何妥青楊蕭春

唐

錢九隴字勇業武進人父文彊為吳明徹將九隴善騎射事唐高祖功授金紫光祿大夫從破薛仁果劉武周從平洛陽佐皇太子討劉黑闥封郇國公貞觀初為眉州刺史改巢國卒贈左武衛將軍潭州都督謚曰勇陪葬獻陵

人品誌

卷一

十五

蕭德言字文行引子明左氏春秋甫冠為岳陽王寶客陳亡徙關中詭浮屠服亡歸江南仁壽中授校書郎貞觀時歷著作郎弘文館學士與魏徵虞世南等奉詔哀次經史百氏帝王所以興衰者上之帝愛其書曰使我稽古臨事不惑者公等力也德言晚節學愈苦每開經輒被濯束帶危坐妻子諫曰老人何終日自苦德言曰對先聖言何復憚勞詔授晉王經乞休不許下詔敦勉封武陽縣侯進秘書少監久乃得謝高宗立拜銀青光祿大夫全

給其祿遣使致問壽九十九贈太常卿謚曰博
衛遜陽羨人少習書劍遊并汾間唐初建義旗遜以
藝勇進禽竇建德拜將軍宿衛母老辭歸以孝敬
睦閨門以然諾重鄉里及卒廟祀於荆溪

蔣儼義興人擢明經第為右屯衛兵曹參軍唐太宗
將伐高麗募為使者人皆憚行儼奮曰天子雄武
四夷畏服蕞爾小國敢圖王人即不幸固吾死所
也請行至則囚於莫離支脇以兵不屈內諸室室
高麗平得歸帝奇其節授朝散大夫為幽州司馬

人品記

卷二

十六

治最高宗朝累遷殿中少監數陳時政進蒲州刺
史號良二千石致仕復召為太子右衛副率中宗
在東宮多失德儼數諫諍又貽書責洗馬田游巖
等媿不能答後封宜興縣子卒贈禮部尚書

劉子翼字小心晉陵人隋著作郎峭直有行常面折
僚友短退無餘言曰子翼罵人人都不憾貞觀初
召用以母老辭詔許終養江南巡察使李襲譽嘉
其孝友表所居為孝慈里母喪服闋拜吳王府功
曹參軍終弘文館直學士

蕭嵩貌偉秀美鬚髯神龍初始調洛州參軍事桓彥
範為刺史待以異禮歷宋州刺史遷尚書左丞以
吐蕃回紇兵變節度河西判涼州事完樹暉鳩懷
保邊人用間出奇多有成蹟尋擢宰相在公慎密
人莫見其際初與裴光庭不協光庭卒帝委嵩擇
相嵩推韓休及休同位峭正不相假至校曲直帝
前嵩怒乞骸骨帝曰朕未厭卿何庸去乎嵩曰幸
陛下未厭得以乞身有如厭臣首領且不保又安
得自遂帝為改容乃授尚書與休俱罷

人品記

卷二

十七

高智周晉陵人高宗時以進士為費令取俸與丞尉
均民安其化刻石頌美三遷蘭臺大夫得告還里
嘆曰進不知退取禍之道也俄拜壽州刺史治尚
文雅行部先見諸生質經義及政得失乃錄獄訟
考耕餉勤惰以為常儀鳳初進中書門下平章事
請致仕許之卒謚曰定

徐仁紀晉陵人聖曆中授左拾遺數論事不合曰三
諫不聽可以去矣遂移疾歸神龍初宣慰司表其
行可勵俗召拜右補闕復抗言出為靈昌令

薛登義與人通貫文史議論與徐堅劉子玄齊名天授中累遷左補闕時選舉濫上疏曰古之取士必攷素行敦朴為先彫文為後願降明制文試効官武闕守禦又兼保任之法則請謁可絕貪競自銷又四夷質子多在京師每為邊患登復疏請禁絕武后不納久之出為常州刺史遷御史大夫僧慧範怙太平公主勢奪民邸官不能直登將治之或勸以自安答曰持憲直枉朝奏暮黜可也遂劾奏反為主所構出為岐州刺史遷太子賓客坐子累

人品記 卷二 十九

歸田家苦貧詔給致仕祿卒贈晉州刺史

許景先義興人由進士釋褐夏陽尉神龍初獻服慈閣賦擢左拾遺論事切直外補尋以茂才異等進左補闕宋璟蘇頌擇侍御史難其人以授景先彈按不避強近與韓休張九齡等更知制誥張說稱其文得中和之氣開元間上自擇刺史景先由吏部侍郎出為虢州賜詩優賚後徙岐州終吏部侍郎

上遇晉陵人與弟遐同行道中為賊所執將釋其一

兄弟爭歿賊感其義俱縱之

蔣又字德源義興人祖環開元中弘文館學士父將明天寶末辟河中使府安祿山反佐其帥全并潞等州兩京陷被拘陽狂以免累官集賢學士又性銳敏博覽強記該綜羣籍將明在集賢值兵興圖籍散舛白宰相請引又整比得善書二萬卷貞元中擢右拾遺累遷司勳員外皆兼史任亦登集賢義章公主冒哀成禮又上疏以為不可帝雖不從實嘉又有守帝嘗登凌烟閣視左壁顏剝文字漫

人品記 卷二 十九

缺顧左右無省識者又曰此聖曆中侍臣圖贊也帝前口以誦補不失一字詔問神策軍建置本末中書計求不獲又條據精詳順宗既薨議祧廟有司謂中宗中興不當祧祧則五王不得配享又曰中宗賴五王反正不得為中興且禘祫功臣合食太廟則五王固不廢享廟議遂定遷兵部郎中刪正制敕為開元格後敕李錡既誅詔削屬籍又言錡祖神通有功配享父若幽歿社稷不宜連坐故止削錡及子後修德宗實錄遷右諫議大夫累封

義興縣公卒贈禮部尚書諡曰懿又居館職二十
年每大政宰相所不能決必咨訪之又據經義憲
章參酌時事允切該詳初以是被遇終亦以是忤
貴近嘗疏裴延齡罪惡及拒王叔文當世高之結
髮志學老而不厭雖甚寒暑卷不釋手有書萬五
千卷所論誤百餘篇子五係仲偕偃偕係為右補
闕宋申錫被誣文宗怒甚係泣諫獲免開成末轉
諫議大夫李德裕惡之出為桂管觀察使人安其
治復貶唐州刺史宣宗召為給事中集賢學士累

人品記 卷二

遷檢校尚書右僕射封淮陽郡公仲舉進士歷翰
林學士判戶部侍郎宣宗雅信愛之每見咨天下
得失嘗言爵賞稍易人且偷人有覩心亂由是生
帝嗟嘆仲三起帝三留未幾以本官同中書門下
平章事懿宗即位以仲兼刑部尚書監修國史偕
以父任歷右拾遺史館修撰補闕主客司郎中初
柳芳所作唐曆大曆以後闕而不錄宣宗召偕等
分年撰次累遷太常卿撰次文宗實錄蔣氏世禎
儒三世踵修國史世稱良筆咸云蔣氏日曆天下

多藏焉僊佶皆為刺史係子曙亦進士歷官起居
郎黃巢之亂闔門無遺類遂絕意仕進

蔣渙義興人與兄洌俱擢進士渙歷鴻臚卿日本使
遺之金帛不受唯取牋一幅為書以遺其副具道
人臣無私交之禮父卒兄弟並廬墓手植松栢千
株渙終禮部尚書封汝南公

蔣防義興人漢岳亭侯澄之後年十八父命作秋河
賦援筆立就李伸奇之命賦鞞上鷹詩尾聯云幾
欲高飛上天去誰人為解綠絲條伸識其意薦之

人品記 卷二

後歷翰林學士中書舍人

秦景通晉陵人與弟暉皆精漢書號大小秦是時治
漢書者非其指授謂無師承兄弟相繼為崇賢館
學士

蕭穎士字茂挺恢七世孫開元末舉進士第一先進
皆器其材名播天下天寶間召為集賢校理宰相
李林甫欲見之不詣林甫怒調廣陵叅軍事流播
吳越間史官韋述薦其才召乘傳至京師以不屈
林甫愈見疾俄免官林甫死調河南府叅軍事祿

山寵恣穎士憂亂託疾遊大室山已祿山反屢獻
守禦計時不能用客金陵永王璘召見拒之尋授
揚州功曹叅軍事至官信宿去後客汝南逆旅歿
年五十二門人謚曰文元先生

劉禕之字希美晉陵人子翼子初直昭文館歷弘文
館學士高宗密與叅決時政分宰相權時號北門
學士尋拜相王府司馬擢同中書門下三品一日
私語鳳閣舍人賈大隱曰后能廢昏立明盍反正
以安天下大隱表其言后怒賜死於家年五十七

人品記 卷二 廿二

初偉之得罪睿宗以舊屬申理之姻友冀得釋禕
之曰太后威福由已而帝營救是速吾歿也在獄
上疏自陳臨誅洗沐神色自若

李紳字公垂其先趙郡人父悟任晉陵令因家邑之
梅里紳為人短小精悍於詩最有名元和初擢進
士李錡鎮江南辟為從事錡寢不法紳數諫不聽
會朝廷遣使召錡紳不欲行督使者代奏稱疾令
紳作疏紳陽怖不能為字下筆輒塗去盡數紙紳
怒罵曰何敢爾不憚歾邪對曰生未嘗見金革今

得歿為幸即注以刃今易紙復然乃囚紳錡誅或
欲以聞謝曰本澈于義非市名也乃止穆宗召為
右拾遺翰林學士與李德裕元稹同時號三俊敬
宗立李逢吉惡之遷滁壽二州刺史時霍山多虎
紳至虎盡去開成初為河南尹河南多惡少或危
帽散衣輟木毬當官道車馬不敢前至是皆望風
遁去遷宣武節度使蝗不入境其感通如此致仕
卒謚文肅

字戡字定臣宜興人幼孤好學撥薪自爨夜無然膏

人品記 卷二 廿三

默念所記後赴選試日吏唱名乃入戡耻之遂返
江東陽羨里

施肩吾武進人擢進士第後隱洪州著閒居詩以見
志

魏璞字不琢昆陵人長於詩文氣真而志放杜門二
十餘年不交豪達飲蔬窮學澹如也雅與陸龜蒙
皮日休交歡每江南秋風時菰脆鱸肥璞乘短舫
載一甌酒借皮陸輩浮烟水世人高之

南唐

陽喬字子喬從慮陵徙無錫為觀察判官稍遷中書
 舍人元宗既失淮甸欲釋機務將委國事於宋齊
 丘喬排闥入諫曰大權一移臣見淖齒李兌復作
 也元宗驚悟乃止於是引喬入見后及諸子指喬
 曰此忠臣也他日國家急難汝子母可托之及元
 宗南遷留喬輔太子監國後主即位遂命總軍國
 事開寶中宋太祖遣使召後主入朝後主欲往喬
 曰陛下與臣俱受先帝顧命委以社稷往而見留
 悔將何及宋師南伐城陷後主命喬與世子仲寓

人品記 卷二

送降欵喬遽歸府投欵承雷間後主促之急喬入
 見曰自古有不亡之國乎降無益也臣謂宜城下
 一戰而歿後主執喬手泣曰盍與我北歸喬曰臣
 當大政而致國家如此非歿無以報臣歿而歸以
 逆命之罪則陛下保無恙也掣手而去入視事堂
 自縊而歿吏為撤榻瘞之宋克南唐詔求喬屍以
 禮改葬

毘陵人品記卷二

毘陵人品目三

宋

張觀	杜鑑	許九	張必
張盪之	張次元	葛宮	葛密
葛善思	陳恩道	孫達	時父
邵靈甫	沈樗	蔣堂	胡宿
胡宗炎	胡宗愈 <small>字端</small>	杜杞 <small>兄植</small>	蔣昂
袁默 <small>弟點</small>	凌浩	丁賢臣	錢公輔
丁騰	蔣之勉	蔣之奇	蔣瑒

人品記 卷三

蔣燦	蔣興祖	蔣希	虞大熙
單錫 <small>弟錡子</small>	張巨	陳敏	沈初
錢顛	許德之	王岡	余中
邵材	強羽	李堪	錢道人
許恕	劉谷	呂大策	錢卽
龐安仁	張舉	沈積中	周字先
周恭先	鄒浩	鄒柄	唐棣
霍端友	霍洞	李謨	

毘陵人品記卷三

宋

張觀字仲賓毘陵人南唐舉進士歸宋拜監察御史
三司言劍外賦輕詔觀往按疏言遠民不宜輕動
撫之猶慮失所况增賦以擾之乎太宗然之復上
言方今遠人未服邊鄙不寧陰陽未序倉廩猶虛
淳朴未還奢風尚熾刑法未措禁令猶密封祀猶
闕誠願陛下體貌大臣使沃心造膝極意論思上
嘉納詔遷度支判官俄出為諸路茶鹽制置使以

人品記 卷三

言忤旨改知黃州遷揚州皆有善政召為三司河
東判官以越局言事出知道州移廣南西路轉運
使坐奏黎桓丁瀆事被劾卒觀博覽史漢論事切
直有古人風

杜鎬字文周無錫人博學彊記太宗朝為國子監丞
崇文院檢討時將南郊慧星見宰相問之鎬曰當
祭而日食猶廢况謫見如此乎上為罷郊祀遷著
作佐郎歷秘閣校理太宗觀書秘閣鎬對經義稱
旨又論黃金貴賤及天寶黎園事敷奏詳明再遷

為駕部員外郎判太常禮院編次館閣書籍會修

太祖實錄命鎬檢討故事以備訪問景德初授龍
圖閣侍制加都官郎中從幸澶淵凱旋遇懿德皇
后忌日或以軍中鼓吹為疑馳問鎬鎬曰武王載
木主伐紂前歌後舞可據也與修冊府元龜拜右
諫議大夫龍圖閣直學士特命班次樞密直學士
儒者榮之真宗每得古物異書以詢鎬皆能究其
本末凡所檢閱必戒書吏云某事在某書某卷幾
行覆按無一差謬士大夫有所論諉訪以古事雖

人品記 卷三

晚輩卑品應答無倦所居僻陋僅蔽風雨和易清
素上類推重官至禮部侍郎

許九無錫人力田為業早喪父獨與母居歲饑九乞
食養母人厭其數數斥之九晝夜悲痛因斷手取
信血不出人以為異復乞入市因取所斷手置杖
頭示信市人哀之咸餽食其後母子果全于難進
士孫浩聞於邑令令以九毀傷肢體為不孝逐之
浩與俱去留養於家母卒九添其斷手口誦浮屠
言與母俱歿

張必毘陵人隨李煜入朝太宗授之史館家多食客一日太宗問曰卿何食客之多必曰臣之親舊多客都下貧乏絕糧臣累輕而俸有餘常過臣飯亦不過菜羹已爾一日上遣人伺其食時突入取客食以去果糲飯菜羹上始信其不欺時爲之菜羹張弟鑄字希賢祥符中進士四典名郡五任憲司皆有殊績子昱之

張昱之字景山亦舉進士歷知温州蔡齊薦其材擢提點淮南路刑獄楊崇勳知亳州恃恩不法誣陷

蒙城令昱之廉出之徙廣南東路轉運使夷人有犯其酋長窮治慘酷昱之請悉用漢法徙河北轉運使備邊諸州發卒斬西山木卒逃入契丹者歲數百計昱之戒斬木毋得深入卒不復逃還爲鹽鐵副使擢天章閣侍制轉河北都轉運按察使內侍楊懷敏任邊事殺保州通判石侍舉謀爲亂昱之自魏馳至部分諸將召懷敏曰不卽來當治以軍法懷敏旣至不解兵昱之曰將欲反邪叱去兵衛懷敏不敢動還除戶部副使奪職知虢州後與

從父鑄並以光祿卿致仕縉紳榮之昱之喜吏事所至有聲退居築家廟率子弟奉祀焉

張必元昱之子以父任累轉太常中書提舉淮南市易事以稱職聞知信陽軍與學作士學者感孚除江淮荆浙福建廣南提點坑冶鑄錢司事躬自巡檢務革積弊卒於道山陽徐仲車聞之嘆曰張公所性高明義而能果公不可撓清不可污考其所尚蓋古之剛者也鄒忠公雅重其人旣没序次其行事傳之

葛官字公雅江陰人舉進士授中正軍掌書記善屬文上泰平雅頌十篇真宗稱善召試學士院出知南克縣東川饑部使者檄守資昌兩州以惠政聞知南劍州諭降土豪聚黨阻山澤者山多銅銀吏挾姦罔利歲課不登官變法裕國歲羨餘六百萬三司使以聞論賞官曰天地所產吾顧盜之又何以爲功乎累官工部侍郎卒年八十一官性敦厚恤宗黨撫孤嫠衆以長者見推

葛密字子發官之弟性恬靜舉進士爲光州推官有

異政仕至太常博士年五十上章乞休姻黨交止
之笑曰侯罪疾老死不得已而休官者安有餘裕
哉即退居青陽湖上號草堂逸老年八十四而卒
生平為詩慕李商隱有西崑高致湖上集

葛書思字進叔密之子亦進士調建德主簿欲迎父
之官父難之書思曰曾子不肯一日去親側豈以
五斗米移素志哉遂投効歸養十餘年近臣表其
志行起為泗州教授弗就居父喪哀毀骨立盛暑
不釋苴麻終禫不忍去塚舍久之出為封丘主簿

仕終朝奉郎父子清節後先相映崇寧間特詔賜
謚清孝

陳思道江陰人鬻醢為生買物不酬價人服其德母
病衣不解帶者數月飲食隨母多寡母喪水漿不
入口七日既葬結廬墓側日夜悲慟晝則白兔馴
狎夜則虎豹環廬而臥咸平初詔賜帛旌其門
孫達晉陵人母周氏嘗割股起父疾戒達勿從王金
陵學母卒哀毀踰禮崇寧間郡守李孝節請表其
閭裔孫鎬年老病疽其子裂肝以療尋愈淳祐間

郡守李迪表其所居里為申孝以昭世德云
時父宜興人尚書時彥之父逸其名故稱時父初為
鄭州牙校年六十餘無子入蜀部綱妻勸其市妾
獲一女甚端嚴扣其由來默不對且起見其以布
括髮怪問之女泣曰妾本京都人父雅州椽道卒
母鬻妾為扶柩資父惻然亟以女還其母而不索
其金更出所餘助之歸葬還告其妻妻曰公陰德
厚矣何患無子一夕夢偉丈夫衣金紫坐中堂尋
有娠生子彥字邦美舉進士仕至吏部尚書

邵靈甫宜興人個儻好施于家儲穀數千斛咸平中
大饑或請乘時糶之曰是急利也或請捐直糶之
曰是近名也或曰將自豐乎答曰有成畫矣乃盡
發所儲僱傭除道自縣至湖汶鎮四十里浚蠡河
橫塘等水道八十餘里通菴畫溪入震澤邑人爭
受役皆賴全活而水陸又得俱利子梁登進士第
孫剛魁南省蓋積善之報云
沈樛字斯年無錫人淳厚樂善饒貨好施假貸多折
券歲歉傾廩賑恤嘗以金萬緡佐軍興朝廷欲官

之不願賜號達義處士

蔣堂字希魯宜興人舉進士知臨川縣發謫豪僭明道初召爲監察御史禁中災有司欲罪宮人堂言火起無迹恐重天譴遂得詔原論郭后不當廢坐黜管發運江淮歲薦士二百人或疑其濫曰十得二三亦足以報國矣尋以事謫官越州奏復鑑湖侵于豪右者擢天章閣侍制江淮發運使先是發運使以上計爲名賄遺權貴堂曰吾豈爲此歲人可附驛奏也前後五年未嘗一至京師後以樞密

直學士知益州克節學舍選賢以教諸生儒風大振以禮部侍郎致仕卒堂清修純飾遇事毅然不屈貧而樂施好學工文詞延譽晚進至老不倦尤嗜詩學有吳門集二十卷

胡宿字武平晉陵人登第爲揚子尉縣大水民被溺宿率公私船救之全活甚衆進集賢校理通判宣州有囚憚箠楚自誣伏宿疑之辟左右問之良久繙閱初詞蓋婦人與所私殺其夫而誣之以自釋也知湖州前守滕宗諒大興學校費錢數十萬宗

諒去僚吏疑其欺不肯書曆宿謂之曰滕侯有過盍不早正俟其長而正之豈昔人分謗之意乎僚吏大慙謝又築石界自其水患民號曰胡公塘人知制誥內都知楊懷敏坐衛士之變被斥未幾復召宿封還詞命遂寢京東兩河地震宿適陰陽五行災異之學疏言應在西北二邊明年王則果以貝州叛時議謂士大夫七十當致仕不知止者令有司案舉宿謂非優老之義武吏第察其任事與否勿斷以年文吏當使自陳全其節及言新

樂舊樂難與並用間歲貢士不若三年皆如其言唐介貶嶺南帝遣中使監護宿言事不可測介如道歿陛下有殺直臣名帝悟追還中使涇卒之變詔劾治三司吏三司使包拯護弗遣宿曰計吏支折不以時安得無罪更拒制命紀綱廢矣拯懼立遣吏拜樞密副使會公亮任趙滋興兵治界河事宿言於英宗曰今者南北通好內外無患近邊遞來上不過侵誣尺寸此城若之吏力能辨詰何至興甲兵哉縉紳多耻燕京外屬顧天時人事未至

而妄意難成禍且隨之願守兩朝法度以惠元元天下幸甚宿為人清謹忠實內剛外和守道自信不以進退為意臨事重慎不輒發發亦不可回群居不譁笑居母喪三年不入私室雖貴達常如布衣時每語後進曰富貴貧賤莫不有命惟當修身俟時母為造物所噫世以為名言治平中數乞謝事詔以太子少師致仕卒贈太子太傅謚文恭

胡宗炎字彥聖宿之子由將作監主簿登第累陞吏部郎中哲宗崩遣使來吊祭宗炎以鴻臚少卿送

人品記

卷三

九

境上使者不易服宗炎以禮折之須其聽命乃相見既還升為卿初父宿使遼遼人重之後知鴻臚即其子也輒嘆胡氏世不乏人俄以直龍圖閣知穎昌府歷密州卒

胡宗愈字元夫宿之從子舉進士甲科英宗嘗問宿子弟誰可繼卿者以宗愈對召試學士院神宗立擢同知諫院王安石以李定為御史宗愈疏言御史當用論薦不宜任執政意及蘇頌李太臨不草定制坐絀宗愈復封還詞頭安石怒出判真州元

祐初進御史中丞時更定役法書成宗愈言法貴均一若持兩端則於文有害請刪之哲宗嘗問朋黨之弊對曰君子指小人為奸則小人指君子為黨君子蓋義之與比者因具君子無黨論以進拜尚書右丞言者攻之出知陳州徙成都蜀人安其政召拜禮部尚書遷吏部卒子端修亦以直言入黨籍

杜杞字偉長以父鎬陰補將作監簿累遷至度支判官虞部員外郎廣西歐希範率眾破環州轉攻桂

人品記

卷三

十

管勢甚熾仁宗授杞安撫使杞至破白崖等寨及其五洞斬首千餘級復攻環州焚其山林積聚希範走保荔枝峒并擒戮之廣西李除天章閣侍制知慶州蕃酋孟香率部落內附夏人以兵索香詔許遣之杞言彼違約舉兵香不可與因移檄問罪夏人警服杞博覽強記通陰陽術自推其數曰吾年四十六必死如其言兄植弟樞皆有時名蔣昂字希遠義興人仕宋康定初調蒲州司法叅軍為政不忍杖罰號曰仁主時百姓相約曰有犯仁

主法者衆共斥之訖二載不杖一人復轉涼州經畧使卒

袁默字思正無錫人父繹爲鄉碩儒默少卓犖中進士擢京兆府教授入爲司農簿獻無逸傳神宗召對遷光祿丞太學博士哲宗卽位除湖北轉運判官默學問淵深人倫宗之謝顯道解論語嘗共辨確第默字思與熙寧初在太學直講爲學者領袖與默共號二袁舉進士累遷通判杭州知淮陽軍詩甚工東坡見其所作有驚心駭目之歎

人品記

卷三

十一

凌浩字直翁無錫人與同邑陳敏受業於胡安定之門以經術知名治平初登甲科令蓬萊武陟召拜太學博士推安定之學以教多士翁然尊師之出守渠陽年六十五浩與敏皆未及引年而告老人稱其高

丁寶臣字元珍晉陵人與兄宗臣同登景祐初進士俱有文聲尤工於詩時號二丁寶臣以太子中允知剡始至流大姓一人衆皆悅服除弊興利甚衆移知諸暨其治如剡越人咸以爲循吏云後歷秘

閣校理同知太常禮院久處館職英宗深知其賢每論人材必稱之後爲言者所指出倅永州卒

錢公輔字君倚武進人少從胡翼之學有名舉進士知明州時衙前法病民爲均其役同修起居注知制誥英宗卽位陳治平十議王疇爲翰林學士未久擢副樞密公輔論疇望淺不草制上謂沮格詔令坐謫呂誨等救之不得踰年起知廣德軍振作士類重拓學宮神宗立復知制誥入見上勞苦之使錄十議以進命知諫院嘗曰事出書富弼謂曰

人品記

卷三

十一

上求治如饑渴正賴君輩同以濟公輔曰朝廷所爲是天下誰敢不同所爲非欲同之不可得也王安石雅與之善旣執政排異已者出滕甫知鄆州又主薛向更鹽法議公輔數言帝前言甫不當去向當黜拂安石意罷諫職出知江寧府徙揚州以病乞越州改提舉崇福觀卒

丁隲字公黜晉陵人舉嘉祐初進士以經學倡後進尤長於易春秋爲文自成一家有文集二十卷李定用事辟隲爲屬以疾辭蘇軾曾肇孔文仲輩交

薦騰司馬光當國騰謁之獨後光曰真自重之士也除太常博士改左右正言元祐間士風險競相為朋比有五鬼十物之號騰上疏請窮治之後出知處州

蔣之勉字敬叔宜與人博通圖典為西泐大儒屢薦不仕號荆南先生

蔣之奇字穎叔宜與人堂從子嘉祐二年進士英宗初選殿中侍御史陳謹始五事進忠賢退奸邪納諫諍遠近習聞文謁凡數百言時論偉之歷江淮

荆浙發運副使元豐六年漕粟京師至六百二十萬石鑿泗州股河以避長淮之險無覆舟之患哲宗朝知廣州以平寇功除寶文閣侍制知熙州議斥堠修守備羌不敢犯紹聖中鄒浩以言事獲罪之奇折簡贈別坐責守汝州徽宗立復為翰林學士拜同知樞密院崇寧初除觀文殿學士知杭州善經學工詩文有文集雜著百餘卷卒封魏公

蔣楷字夢錫之奇子登元祐初進士擢大司樂與梁師成議樂舞不合師成怒楷曰一代典禮當質諸

經何用怒為不顧而去時燕雲初復廷臣議上尊號楷言裕陵邵尊號為萬世法奈何諛悅以虧盛德出知興元府王靖作亂擒戮之撫平其黨後引疾奉祀鴻慶宮

蔣燦字宜卿早喪父鞠於世父魏公之奇卓越不凡魏公器重之以之奇蔭奏補將仕郎歷知平江臨安二府後以侍郎守臨川告老遷太中大夫提舉玉龍觀卒燦善為詩孫覲稱其奇麗清婉咀嚼有味其擬東坡作詩律句法厠蘇詩中殆不可辨有

景坡堂詩卷

蔣興祖之奇孫以蔭調饒州司錄睦州盜起秀郡皆震興祖糾吏卒繕戰具盜不敢犯遷知武陽治為畿邑最武陽古浪沙也土脉脆惡大河薄其南每積雨必隄潰興祖董治之露宿隄上彌旬隄完不壞靖康初金兵犯京師過其邑或勸使逃避興祖曰吾世受國恩當歿於是監兵與賊通斬以殉金數百騎來攻不勝去明日復益兵來眾寡不敵興祖與其妻子俱歿詔贈朝散大夫

蔣芾字子禮之奇曾孫紹興末進士授建康推官秦
檜欲羅致爲已用芾堅拒之故終檜之身不得召
用孝宗朝累遷起居郎兼直學士院宦者梁珂撓
權尹檜論之罷檜芾抗顏繼奏語徹德壽宮上皇
歎其忠除簽書樞密院事累遷右僕射中書門下
平章事屢疏條奏邊防軍政甚悉母喪去位詔起
復之芾力辭帝銳意恢復手詔使決和議恢復二
策芾以天時人事未可舉兵凡二千餘言拂上意
尋落職提舉洞霄宮卒

單錫字君錫宜興人嘉祐二年進士明陰陽圖緯星
曆之學蘇軾贊之以女兒之子妻焉弟錫字季隱
亦嘉祐間進士詳究吳中水利蘇軾守杭問之因
出水利書并圖以獻軾上于朝不果行遂隱居不
仕錫子發舉八行科修陽羨風土誌錫孫時字行
可宣和末進士累官監察御史上封事言飲酒擊
毬二事孝宗嘉納尋除右諫議大夫上目疾久不
眇朝復疏諫上曰卿言可爲愛朕矣及卒上爲悵
悼

虞大熙宜興人皇祐元年進士神宗朝陳襄在經筵
以治行薦及臺閣選所薦三十二人大熙與胡宗
愈皆預焉累遷至侍讀

張巨字微之武進人嘉祐初舉明經少從胡安定學
與蔣之奇胡宗愈丁騫爲四友又學易于歐陽修
以薦克國子監直講王安石新經行巨與同官數
人引去時論高之有易解十卷文集四十卷

陳敏字伯修無錫人少孤廬於墓所受業安定之門
安定一見奇之曰此錫山之英也熙寧初舉進士

徽宗朝諸蔡用事斥司馬光諸賢爲姦黨令州郡
皆立石時敏守天台曰誣司馬公是誣天也碎石
掛冠而歸大觀中詔求八行有以敏薦守令勸駕
歎曰昔歸今往出處何戾耶弗就蘇軾遺書與之
曰風氣凋喪植立于頽波狂瀾中惟吾伯修與景
純而已景純謂刀學士也年八十一終于家

沈初字子深無錫人熙寧中進士文辭典麗元祐尚
辭賦朝廷嘗以初及林希佚等五賦頒天下爲格
流傳至西夏夏人織爲文綺官終國子監直講

錢顛字安道無錫人舉進士為寧海軍節度推官守用威嚴僚屬奔走聽命顛當官而行無所回撓由是獨見器重熙寧間召為御史裏行王安石行新法宰臣曾公亮依違不言顛疏安石談堯舜以致公輔首財利以為容悅公亮畏避固寵貶監衢州鹽稅將出臺責同列孫昌齡曰君奴事安石得御史自以為得計不少念報國大疑不若即拂衣上馬去聞者悚然後徙秀州家貧母老貸於親舊以給朝脯怡然自適蘇軾遺之以詩有烏府先生鐵

人品記 卷三 十七

作肝之句世因呼為鐵肝御史

許德之字振叔無錫人父希道為鄉宿儒授四子各一經德之最穎悟舉進士為揚州法曹與晁詠之韓韶蘇象先同為椽號維揚四雋侍臣薦其才徽宗召對言治道無多術惟在進賢退不肖有賢不能用與非賢而進信皆無益於治擢司封郎中終顯謨閣學士知婺州
王岡字壽祺無錫人嗜學耽書登進士第通判揚州丞相呂頤浩統戎辟置幕下高宗南渡頤浩為御

營使以岡為參議官多用其籌策紹興間歷左司郎頤浩去國岡以朝散大夫直秘閣致仕

余中字行老宜興人幼穎悟熙寧五年與兄貫試禮部中選而貫被黜請自黜以薦兄士論高之明年復魁大廷紹聖初使虜還奏河朔城墮墮圯乞葺治以戒不虞宣靖間金人來寇城多不堅長驅而南始思其言終雪川守

邵材字聖規宜興人熙寧間試開封第一與父潛同舉進士嘗為監察御史郡上疑獄刑部議當貸死

人品記 卷三 十八
用事者謂不當貸仍欲坐言貸者材抗言疑獄當貸而奏者反獲罪恐獄吏由此便文自營不復以疑獄聞矣時司馬光極論新法之害王安石語材劾光材曰君實正人可厚誣乎即日自劾而歸後終鴻臚卿

強翊字君翔晉陵人元豐五年除河南密尉調金壇簿時童惇少與翊善後惇漸人傾險翊心惡之惇居潤時翊任屬邑惇問慰殷至而翊未嘗通一書及惇以宰相起知交讓翊失策怡然自若徐曰諸

強翊字君翔晉陵人元豐五年除河南密尉調金壇簿時童惇少與翊善後惇漸人傾險翊心惡之惇居潤時翊任屬邑惇問慰殷至而翊未嘗通一書及惇以宰相起知交讓翊失策怡然自若徐曰諸

公以此為獵犖廡地耶尋引年致仕

李堪字仲任常州人舉進士景德間令古田務本抑末建學立社尊高年行鄉飲毀淫祠黜異教暇復

集諸生著民討論政理治化翕然

錢道人逸其名顛之第也隱慧山與東坡遊道人有詩云直須認取主人翁東坡為作兩絕戲之曰首斷故應無斷者冰消那復有冰知主人苦苦令儂認認主人人竟是誰有主還須更有賓不如無鏡自無塵只從半夜安心後失却當年覺痛人已又

品記 卷三

十九

贈以詩云毘陵高山錫為骨陸子遺味泉水齒賢

哉仲氏早拂衣占斷此山長洗耳

許恕字如心江陰人家北郭號北郭先生能詩得古體論事多激昂部使者薦授澄江書院山長不樂即棄去與山僧野子相往還人莫識也恕少有志才能自樹會天下多故去之海上慕韓伯休為人旁通其術所著有北郭集

劉谷字季朴江陰人有隱操熙寧間嘗召為修撰尋復辭去蔣靜自宜興來學谷一見許妻以女及卒

燕挽以詩云行藝已書丞相筆姓名還結裕陵知又云他日如尋隱君子女山深處一孤墳

呂大策字彥發江陰人善詩尤精於書被詔不就人號曰呂詔君

錢即字中道宜興人舉進士授安州司理申理冤抑轉睦州推官有獄久不決部使諭往按治且啖以薦牘即曰豈以數十人命易一薦牘乎平反之全活甚衆歷鄜延環慶經畧安撫所至有聲績童貫宣撫陝西頓減市價賤入民粟關內騷然即屢抗

人品記 卷三

十一

章極陳其害坐貶永州團練副使睦寇作亂起知宣州悉意軍事以功進龍圖閣學士貫引為參謀即以老固辭致仕卒謚忠定

龐安仁字宅道晉陵人通五經尤長於易張正素鄉道鄉諸賢皆執經受業

張舉字子厚武進人登進士甲科以無他兄弟不忍離親調官不赴閉戶讀書四十年手校數萬卷元豐元祐間大臣交薦詔拜秘書郎敕郡縣敦遣竟不就舉孝弟修于家忠信行于友蹈中守常為名

流所重以不造門為耻卒賜謚正素先生

沈積中晉陵人舉進士累官戶部尚書宣和中知其定府上疏論燕山不可取師果敗績童貫惡之奪其職建炎中追復資正殿學士

周孚先字伯忱晉陵人偕弟恭先往河南從程伊川學與楊龜山相友善伊川每謂孚先兄弟氣質純明可與入道在門凡十七年同門擬之子夏恭先服膺拳拳惟以顏子為法聞父疾兄弟徒步馳歸五日抵家父已卒哀甚牛馬亦為之淚下不食鄰

人品記

卷三

十一

媪至以感傷而歿既葬因慮於墓免喪聞伊川訃復馳至洛歸而為城東書院以祀二程生徒自遠至者眾不能容又於城西創書院尊先主教於東恭先主教於西楊龜山先生至郡遂以城西書院館焉謂諸生曰先生實去予兄弟百倍此真爾師也孚先由鄉薦入太學特恩調四明鹽場改建德尉皆不就命白衣上殿賜承事郎改奉議丐祠後為臨安教授所著有伊川語錄論語解紹興間郡守黃公灝奉先生兄弟附饗城

周恭先字伯溫氣質淳厚篤信好學諸同游咸心讓之由鄉薦入太學釋褐授坑冶幹官每以沽名為戒終身恬于進取謂子孫曰吾沒後毋為誌文碑銘以重吾不德

鄒浩字志完晉陵人登進士第調揚州穎昌府教授呂公著范純仁為守皆禮遇之元祐中上疏論人才不振切中時弊哲宗親擢右正言有請以王安石三經義發題試舉人者浩論其不可而止章惇用事威虐震赫浩上章露劾數其不忠慢上六事

人品記

卷三

十一

惇銜之明年賢妃劉氏立浩遂上言郭后與尚美人爭寵仁祖既廢后并斥美人所以示公也陛下之廢孟氏與郭后無異罪廢之初天下疑立賢妃詔書有別選賢族之語疑始釋今竟立之豈不上累聖德頃妃從享景靈雷變甚異宣制之後霖雨飛雹陰淫不止天意昭然望不以一時改命為難而以萬世公議為可畏帝持其章躊躇四顧凝然若有所思乃付外章淳詆其狂妄遂削官鬻管新州徽宗立亟召還朝帝首及諫立后事獎嘆再三

詢諫草安在對曰焚之矣退以告陳瓘瓘曰禍其始此乎異時姦人妄出一紙則不可復辨也初劉后爲賢妃生子緣是得立然生子纔三月薨浩凡三諫隨削其稿蔡京用事素忌浩乃使其黨爲偽疏言劉后殺卓氏而奪其子徽宗詔暴其事遂寘昭州五年始得歸疾危楊龜山往省之猶惓惓以國事爲問高宗卽位贈寶文學士謚曰忠浩爲人忠鯁脩潔記覽該綜士之及門問道者甚衆自領表歸卽屏居小圃號曰道鄉學者稱爲道鄉先生

人品記

卷三

廿三

所著有易繫辭論語孟子解

鄒柄字道久浩之子莊重篤學幼負俊聲弱冠棄科舉從龜山楊時游靖康初自布衣薦除編修建炎間疏請雪其父遷謫非華且不出秦陵雅意奏可柄素剛鯁與人不苟合克世家學終天台守

唐棣字彥思興人從伊川學語以入德之門無如大學其他莫如語孟棣自是有所悟人又嘗問聖人之言可踐否伊川曰苟不可踐何足以垂教萬世他日又問克已復禮如何是仁皆得其說纂次

伊川語錄百四十餘條又復推演師說官終秘書丞

霍端友字仁仲武進人弱冠入太學通六經崇寧初進士第一歷官大司成上言朝廷重內輕外可令內外侍從更出迭入俾天下之勢常如持衡庶首尾無軒輕之患且自請補郡出知陳州爲政不立聲威陳地汚下疏新河達淮無積潦詔取瑞香花於陳端友曰不可自我作偏疏罷之召還爲吏部侍郎蔡京令人致意欲以中執法相處端友不答

人品記

卷三

廿四

遂致仕卒贈少師

霍洞字大清端友從孫喜爲詩居城東之梅坡自號筠寮嘗宿田舍見吏催科詩云北風吹晴屋滿霜翁兒赤體悲無裳閨中幼婦饑欲泣忍饑取蔭燈下緝一身勿暇私自憐鳴機軋軋明窓前織成五丈如霜布翁作襦裙兒作褲明朝官中催租急依然赤體當風立又歲饑見守者出游詩云朝來五馬去尋春誰信家家甌有塵松席道傍宜細問恐非芳草醉眠人守聞爲之罷游

李謨字茂嘉無錫人幼孤家貧力學孝養其母登進士第徽宗知其才擢太常丞累遷管文閣校鎮京口卒謨歷事三朝皆蒙信任錫當時跟智畧精敏隨事應變稱爲奇才

毘陵人品記卷三

人品記 卷三

十五

毘陵人品目四

宋

李綱	張守	胡文修	李端彥
李端行	施焄	唐作求	沈松年
沈有開	費肅 <small>孫衮</small>	胡唐老	胡世將
胡理	蔣循祖	李熙靖	吳懋
葛勝仲 <small>兄次仲 十五方</small>	蔣靜	葛邨	袁植
吳範	蔣靜	吳師古	陳之茂
陳之淵	尤袤 <small>子棨</small>	喻樗	陳篆
蔣汝通	元簿	陳得一	呂克成
周葵	戴達先	邵及之	耿秉
李祥	蔡戡	丁逢	錢之望
丘岳	丘定夫	張訢	薛極
蔣重珍	向士璧	錢相	趙發
胡鏜	李晦	包天麟	曹宥
姚崇	陳焯	胡應炎	徐道明
莫謙之	蔣捷	曹岨	錢紳
董蕃	繆鑑		

毘陵人品記卷四

宋

李綱字伯紀祖贖自邵武徙居無錫登政和二年進士以敢言著聲及金人攻汴徽宗傳位太子自稱道君除綱兵部侍郎金兵渡河徽宗東幸宰執議請欽宗暫避敵鋒綱力陳不可去之意上意頗悟會內侍奏中官已行上色變綱泣拜以死邀之未幾復決意南狩綱趨朝乘輿已駕矣綱入見曰六軍父母妻子皆在都城願以死守萬一中道微歸

人品記卷四

陛下孰與為衛上感悟命輟行綱傳旨語左右曰敢復有言去者斬禁衛皆拜伏呼萬歲綱治守戰之具不數日而畢敵兵攻城綱身督戰斬酋長十餘人衆數千人金人乃退求遣大臣至軍中議和綱請行不聽遣李棣金人須金幣以千萬計求割太原中山河間地以親王宰相為質稅唯唯不能措一辭還報綱引前議力爭弗聽以皇弟康王少保張邦昌為質時四方勤王之師漸有至者綱奏言金人兇悖已甚非用師不可吾若扼河津絕饒

道以重兵臨敵營堅壁勿戰俟其食盡力疲以一

檄取誓書復三鎮縱其北歸半渡而擊之此必勝之計也上深以為然姚平仲勇而寡謀先期率步騎夜斫敵營不克亡去金使來詰用兵之故宰相李邦彥悉委罪於綱欲縛綱以與金使反以為不可遂罷綱太學生陳東等詣闕上書明綱無罪軍民不期而集者數十萬哭聲動地帝亟召綱綱入見泣拜請死帝亦泣命綱復克京城四壁守禦使下命能殺敵者賞衆無不奮躍金人懼稍稍引

人品記卷四

却徽宗還綱迎拜龍德宮北兵已去上下恬然置邊事於不問綱獨以為憂議調防秋之兵奏言邊患方棘調度不給宜稍抑冒濫以足國用時太原圍未解耿南仲忌綱以綱為河東北宜撫使綱移疾乞致仕不許又乞展行期御批以為遷延拒命趨召數四綱曰臣以愚直不容于朝此行無復還理進而必敵臣之願也陛下宜察臣孤忠以全君臣之義上為感動陛辭言唐恪蕭山之姦未幾相恪山綱嘆曰事無可為矣即日乞罷乃召綱赴闕

以綱專主戰議喪師費財落職金兵再至上悟和議之非召領開封府事綱被命即率勤王之師入援未至而都城失守高宗即位拜尚書右僕射趨赴闕御史顏岐論綱為金人所惡不宜相不報岐乃封示綱以沮其進綱曰國家艱危豈臣子避嫌疑自愛惜之時遂行進對內殿涕泗交集上為動容綱疏陳十事一議國是二議巡幸三議赦命四議僭逆五議偽命六議戰七議守八議本政九議久任十議修德翌日班綱議于朝惟僭逆偽命二

人品記

卷四

三

事留中綱言二事乃今日政刑之大者大率言邦昌能以死守節敵人未必不悔禍而邦昌偃然正位號擅止四方勤王之師及知天下不與方請太后垂簾聽政而議奉迎僭逆如此不正其罪而反尊崇之此何理也又偽命臣僚一切置不問何以勵士大夫之節時黃潛善主邦昌甚力綱因泣拜曰臣不與邦昌同列當以笏擊之乃詔邦昌知潭州吳拜莫儔而下皆遷謫有差綱又言近世士大夫寡廉鮮耻不知君臣之義靖康之禍能仗節死

義者惟奪者水霍安國願加贈恤上從其請上謂綱曰卿昨爭張邦昌事內侍輩皆涕泣卿今可以受命矣綱拜謝有旨兼統御營使疏請置東北招撫司河東經制司使宣諭天子恩德不忍棄兩河于敵國之意絕其從敵之心資其禦敵之力使朝廷無北顧之憂因薦張所為河北招撫使傅亮為河東經制副使有詔欲幸東南避敵綱極論其不可不報而遷綱尚書左僕射除黃潛善右僕射與綱並未幾詔罷經制司召傅亮赴行在綱言必欲

人品記

卷四

四

罷亮乞付潛善施行臣得乞身歸田綱退而亮竟罷乃再疏求去御史張浚論劾綱遂落職自綱罷張所以罪去傅亮以母病辭歸招撫經制二司皆廢車駕遂東幸兩河郡縣相繼淪陷凡綱所規畫軍民之政一切廢罷金人攻京東西殘毀關輔而中原盜賊蜂起矣紹興二年除知潭州五年召赴行在車駕進發幸建康八年王倫使北還綱上疏曰朝廷遣王倫使金奉迎梓宮今倫與金使偕來以詔諭江南為名不著國號而曰江南不曰通問

而曰詔諭此何理也雖與衆論不合上不以爲忤九年除知潭州荆湖南路安撫大使綱具奏力辭曰臣區區進退何足多少然數年之間亟奮亟蹟上累陛下知人之明實有係於國體詔以綱累奏不欲重違遂允其請次年薨年五十八訃聞上爲嗟悼贈少師綱負天下之望以一身用捨爲社稷生民安危雖身或不用用有不久而其忠誠義氣凜然動乎遠邇每宋使至燕山必問李綱趙鼎安否其爲遠人所畏服如此自號梁溪漫叟有梁溪

集易傳內外篇等書

張守字子固晉陵人登進士第除監察御史建炎初上在維揚粘罕將窺行在宰臣汪伯彥黃潛善以爲不足畏葉夢得張浚皆欲南渡守獨抗疏上防淮渡江六事又疏請大臣惟以選將治兵爲急汪黃不悅遣守撫諭京城守聞命就道因上言金人必來寇願早爲之所不聽遂有臨安之幸遷御史中丞論朱勝非不能思患預防致苗劉猖獗勝非竟罷呂頤浩初相舉行司馬光之議欲併合三省

詔侍從集議守言光議較然可行毋徒集衆紛紜衆莫敢異議者將奉上幸武昌爲趨陝之計守與康勝皆持不可又陳十旨議遂寢六月又雨恒陰詔言闕失初守爲副端上疏言陛下處宮室之安則思二帝母后穿廬蠶幕之居享膳羞之奉則思二帝母后羶肉酪漿之味服細暖之衣則思二帝母后語言動作受制於人享嬪御之適則思二帝母后誰爲之使令對臣下之朝則思二帝母后誰爲

之憂禮至是復申其說金人寇淮諸將獻俘行在守疏兩河山東皆陛下赤子驅迫以來諭以恩信賊兵可不戰而潰守在福州上詔問攻戰守備緩懷措置四事守言四者莫急于措置措置苟當則餘不足爲陛下道矣措置之大畧有二其一措置軍旅神武中軍當專衛行在而以餘軍分戍三路一軍駐淮東一軍駐淮西一軍駐鄂岳或荆南擇要害以處之使北至關輔西抵川陝血脉相通號令相聞有唇齒輔車之勢則江南斯可奠枕而臥

也其二措置軍食諸軍既分屯諸路則所患者財穀轉輸也今宜舉兩浙之粟以餉淮東江西之粟以餉淮西荆湖之粟以餉鄂岳荆南量所用之數責漕臣將輸而歸其餘於行在錢帛亦然措置既定俟至防秋復遣大臣為之統督使諸路首尾相應綏懷之畧亦在是矣張浚罷劉光世兵柄而欲用呂祉於淮西守言必得門望素服諸將心者乃可浚不聽遂至酈瓊之變江西盜賊未息守知洪州開諭群盜使之自新數月悉平建康關帥上曰

人品記 卷四

此重地也須大臣有德望者無如張守至鎮數月卒謚文靖

胡交修字已懋晉陵人崇寧初進士首選詞學兼茂科歷遷學士兼侍講首論天下大勢謂淮南無藩籬之衛湖廣有腹心之憂江浙根本未立秦蜀指臂不相救宜詔大臣修政事選將帥蒐補卒乘以張國勢撫綏疲瘵以固國本又應詔論弭盜保民豐財裕國強兵禦戎之要語皆切至累遷刑部尚書江東留獄追逮者尚六百餘人交修言待六百

人俱至則瘦斂者衆矣請以罪狀明白者論如律疑者從輕詔從之朝論欲以西蜀交子行於諸路又議大舉交修皆力陳其害上問蜀帥於交修以從子世將對後果為名帥自重兵守蜀餉道險遠水陸皆梗交修言三月以後九月以前留守關正兵餘悉就糧他州則守關者水運可給分戍者陸運可免詔行其議後以端明殿學士知合州請免上供以萬計在州數月卒交修簡重寡言進止有度為文不事彫琢自其從祖宿從父宗愈至交修

人品記 卷四

及世將皆在禁林中與以後學士三人者自交修始

李端彥字相之武進人父鎮舉進士以詩名端彥傳學多聞崇寧初登第臚傳丙科祐陵覽其對曰直諒可嘉特陞甲科仕至宗學博士

李端行字正達無錫人弟尚行字師尹俱有俊聲同登大觀初進士端行為太學博士高麗遣子入學用夷禮端行曰吾聞用夏變夷以國禮繩之嘗作詩詆蔡京出宰鄞縣發憤之間終身不復仕尚行

宰蕭山治行顯著召爲太學博士累遷江南東道
轉運使以言事去職賦性嚴憚學易深造日涉萬
言閉戶讀書罕窺其面

施垆字林宗武進人登進士第宣和末除江西提刑
朝命鑿銀林河通大江垆懼導江入浙則蘇秀必
受漂溺之患亟疏寢其役徽宗下詔獎諭進秩一
等持憲閩浙守信州有能聲終敷文閣侍制生平
篤意孝養得親書必冠帶跪讀遇恩奏補先及弟
姪鄉邦稱焉

人壽記 卷四

唐作求字叔孝無錫人舉進士公卿薦之徽宗召對
稱旨累官朝散郎致仕學術該敏家訓嚴肅振勵
後進唐氏自作求以儒名家從弟字益裕亦有
識嘗遍謁元祐君子談論移日皆窺其奧

沈松年字性仁無錫人登進士靖康之際丐歸田里
以圖史自娛女弟適洪忠宣皓皓使虜歲久松年
敦誨諸甥皆中博學弘詞科迺入相遵位樞密適
人翰苑名聞夷夏時謂非是舅不能有是甥云
沈有開字應先松年之子少從呂伯恭游學志其大

若不務華藻口耳陶然自樂登淳熙間進士爲太
學博士下簾重扉不妄請謁留丞相異之揖與語
聳聽移日丞相拔擢淳熙知名士有開陰贊之不
以爲功遷秘書丞寧宗卽位召入禁內問民疾苦
遷起居舍人忌者排以爲學黨坐廢十年屹然不
爲動起知徽州復改知太平強使應命輒乞休以
直龍圖閣致仕家居落窳終日危坐時貴者求見
皆辭以老疾而獨與朱晦翁通書問焉

費肅字懿恭無錫人少穎秀嗜學登進士第靖康末
人壽記 卷四

高宗開大元帥府於郟肅主餽運罷歸隱錫山建
炎末以薦召赴行在時被召者三人獨肅抗節引
辭不起天下高之孫衮博學能文中進士著梁溪
漫志

胡唐老字俊明宿之曾孫父嘗夢披金甲者兩神人
告曰吾唐世老將後生子長名唐老次名世將同
登進士第靖康初擢殿中侍御史金人再犯京師
攻圍日急唐老請封曰康王北使爲河朔士民所
留始天意也請就拜大元帥俾召天下兵入援從

之時朝廷趣西北兵入衛而不立帥唐老謂必無功不聽後范致虛果以孤軍敗滑澠間京城破金人搜括金銀民間多藏匿者金人怒殺唐老幾人後知衢州苗傅敗走亂兵圍城唐老拒之會大雨雹城上矢石俱發賊解去以功擢秘閣修撰歷知鎮江府兼浙西安撫使建康失守潰卒戚方等趣鎮江城頽兵少方欲脅之以犯臨安唐老怒罵不從遇害詔贈徽猷閣直學士謚忠愍

胡世將字承公初為監察御史累遷兵部侍郎紹興

閩帥蜀奏用轉搬摺運之法以克軍儲公私便之從祖修簡嘗帥成都有治行父老曰不圖再見吾父人方之張詠號小乖厓金人陷同州世將駐師河池或勸以退保世將指所坐帳曰吾誓死于此矣遣大將吳璘等出屯要害金人遠巡不敢度隴得全師而還母喪起復遂復隴州破岐下等屯兵威稍振以瘍發致仕卒謚忠獻

胡程字德輝晉陵人宣和初進士嘗受學於楊龜山又介龜山謁劉元城於南都問答論辨皆得其

蘊而元城許理能護至道理乃以其所聞退而筆之為護道錄先是陳東上書攻六賊言者以其書乃理所潤色忌之又與李綱同舟東下貶梧州趙鼎當國以熙豐元祐舊史蕪穢屬理與張嶠修正鼎去位理出守嚴陵鼎復相又舉理與嶠筆削成書時秦檜力主和議理與同館朱松等抗疏忤檜引去疏詞侃侃皆理手筆理安貧樂道至老好學不倦為一時表正云

蔣循祖宜與人歷知建昌軍問民疾苦宣布詔條賞

善懲惡民大和會游操謂其治行慕黃霸及於土木之役終始經營不愆于素方之精力當出霸右李熙靖字子安晉陵人唐衛公德裕九世孫祖均父公弼至熙靖皆舉進士而熙靖又舉詞學兼茂科累官太學博士以父老乞便養除提舉淮東命下乃得河東而淮東乃滅祐之也蓋省吏納賂易之或使自言熙靖曰事君不擇地吾其發人之私求自便邪宰相聞而賢之留為兵部員外郎以父憂去見忌於王黼蔡攸留滯貶秩者累年徽宗召對

言燕山雖定宜益思患豫防兩宮北狩虜立張邦昌熙靖憂憤廢食家人進粥藥寬解之終無生意故人視其病相持啜泣索筆書王維百官何日再朝天之句而卒贈端明殿學士

吳懋字禹功宜興人第進士調當塗縣主簿歲饑官出粟糴者全集人擾亂相蹂踐以歎懋命布灰於地疎其行坐循灰以進左受粟右輸金未晡而周人無譁者縣有圩田秋雨圩決懋晨夕督治民賴以濟移宿松以簡靜為治凡追逮者書期縣門聽

人品記

十三

其自至田里間不識游徼耆夫之面縣稱大治金人立張邦昌百官作勸進表懋當草歲將自裁會有為之者乃免王時雍用事坐政事堂懋罵之曰反虜吾不能擊汝如段秀實邪時雍面頸俱赤不能對後吳升其儔以表狀詣虜營懋不屈歸高宗即位召復故官除司農卿不拜擢知明州治聲流聞加直秘閣改知吉州尋卒

葛勝仲字魯卿書思之子登紹聖初進士調杭州司理叅軍薦試學官及詞科皆第一歷遷太學正上

視學多獻頌勝仲獨獻賦遷禮部員外郎兼國子

司業雅樂成遷太常卿宋自建隆至治平所行典禮歐陽修嘗與為書百篇號太常因革禮勝仲續之增至三百篇及建春宮以勝仲為論德作仁孝學三論獻之太子復采春秋戰國以來太子善惡成敗之迹日進數事詔嘉之進國子祭酒尋知汝州論括田擾民為李彥所劾徙鄧州為朱勗所惡尋罷建炎中起復湖州時羣盜縱橫聲搖諸郡勝仲修城堡作戰船閱士卒賊不敢近歲大饑發官

人品記

十四

廩賑之民賴以濟紹興初再知湖州乞歸十餘年而卒謚文康兄次仲字亞卿亦嘗為大司成子立方第進士以郎官攝西掖忤秦檜奪職更化召用言者又以附會沈該罷去遂不復起

葛邲字楚輔勝仲孫少警敏以國器稱陰授上元丞金人犯江上元當敵衝調度百出邲不擾而辦後登進士第除國子博士論州縣受賂及鬻爵之弊孝宗獎諭之除著作郎歷正言首疏治亂生於所忽宜專以畏天愛民為先又論征權歲增之害詔

令條陳邨對以六事切中時病歲旱詔求初政得失邨應詔言罷兵以來諸將皆以賂得遷其勢必至於掎剋取償邨為官僚八年孝宗眷遇甚渥光宗受禪除叅知政事邨勸上專法孝宗正風俗節財用振士氣執中道恤民力選將帥收人材擇監司明法令上嘉納之除知樞密院事紹熙中拜右丞相專守祖宗法度薦進人材博采公論寧宗即位邨又上疏言今日之事莫先於修身齊家結人心定規模判紹興府錢穀刑獄必親嘗曰十二時中莫欺自己其實踐如此除少保致仕卒贈少師謚文定配享光宗廟庭

袁植字材老無錫人崇寧間進士中詞學科擢監察御史金人寇陳安邊十三事以誅佞人為先不納引疾去建炎初召為左司諫直言忤宰臣出守岳陽會虜騎大入叛臣李允文擁眾怙亂植條奏其奸允文怒執植正色詆賊不少懼遂遇害允文誅追贈龍圖閣學士

吳範字執侯江陰人大觀政和間詔舉八行閭里以

範應不就子仲基仲達皆第進士

蔣靜字叔明宜興人第進士調安仁令俗好巫疫癘流行病者寧死不服藥靜悉論巫罪毀淫像投諸江知陳留縣與屯將不協罷去徽宗初立求言靜上言多詆元祐間事遷國子司業帝幸太學命講書無逸篇賜服金紫進祭酒以顯謨閣侍制知壽州徙江寧府茅山道士劉混康以技進賜號先生其徒倚為姦利奪民羣場疆市廬舍府吏觀望不敢治靜悉抵於法徙睦州移病提舉洞霄宮越九年召為大司成出知洪州復告歸加直學士卒年七十一

吳師古宜興人舉進士紹興中秦檜主和議胡銓抗疏得貶師古錄其疏傳諸夷夏坐流袁州

陳之茂字卓卿無錫人與張九成俱廷對忤權相黜之九成叩頭殿階曰臣之學不如陳之茂之茂能言人所不敢言宜獎不宜黜高宗覽其對悚然曰忠言也賜同進士出身調休寧尉以經學為諸儒倡張魏公嘗薦之于朝仕至吏部侍郎終直學士

院之茂剛果英特論議宏遠深識治體壽皇初銳
意天下事默察方正特立之士期立事功每深器
待將倚以大用而沒縉紳惜之

陳之淵字宗卿與兄之茂同入太學同登進士同爲
吏部郎中終秘書修撰立朝涖官不治貨產澹泊
自如未嘗以名位矜人人皆服其厚德

尤表字延之無錫人擢進士第爲泰興令鳩工築城
金陷揚州獨泰興得全太宗正闕丞人爭求之陳
俊卿曰當予不求者遂除表秘書丞缺僉以表對

張拭曰真秘書也尋遷著作郎兼太子侍讀出典
台州築城高厚明年大水賴以不沒除淮東提舉
改江東推行朱子荒政民無流殍累遷樞密院正
兼左諭德高宗崩除太常少卿自南渡來典禮散
失上下罔措每有討論悉付表斟酌損益定廟號
建議事堂命皇太子參決庶務表以儲副之位止
于侍膳問安乞懇辭以彰殿下之德臺臣乞定喪
制表奏佛老之教矯誣褻瀆非所以嚴宮禁宜一
切禁止孝宗嘗論人才表奏曰近召趙汝愚中外

皆喜如王藺亦望收召上曰然次日語宰執曰尤
表甚好兼中書舍人復詔兼直學士院力辭且薦
陸游自代上不許光宗卽位屢以謹始爲言又舉
唐太宗不私秦府舊人爲戒紹熙元年起知太平
州除給事中韓侂胄以武功大夫和州防禦使表
奏侂胄四年間已轉二十七年合轉之官今又欲
超授四階是朝廷官爵專徇侂胄之求非所以爲
摩厲之具也命遂格上以疾一月不省重華宮表
上封事勿憚一日之勤以解都人之惑後數日駕

卽過重華宮中外歡呼尋轉侍讀上封事曰近年
以來給舍臺諫議事往往不行至美特立召尤爲
駭聞自古云小人甚難譬除蔓草猶且復生况加
封植乎時上已屬疾國事多舛表積憂成疾請告
不報疾篤乞致仕又不報遂卒年七十謚文簡表
少從喻樗汪應辰游樗學於楊時時程頤高弟也
方乾道淳熙間程氏學稍振忌之者目爲道學將
攻之表在掖垣首言道學者堯舜所以帝禹湯文
武所以王周公孔孟所以設教近立此名誣謗士

君子賢人君子欲自見于世一舉足即入其中豈
盛世所宜有表歟數年佐胃擅國禁錮道學賢士
大夫皆受其禍識者以為知言子悲為工部侍郎
孫煥初為將作監主簿後帥淮西以儒者守邊威
惠並濟終翰林學士

喻樛字子才其先祥符人高宗南渡徙桐廬後至無
錫居焉少慕伊洛之學從楊時游登建炎進士為
人質直好議論嘗謁趙忠簡諷之曰公之事上當
使啟沃多而施行少誠意多而語言少趙奇之引

人品記

卷四

十九

為上客紹興初趙贊高宗親征樛曰六龍臨江兵
氣百倍然公度此舉果出萬全否趙曰中國累年
退避不振故贊上行若事之濟否未可知也樛曰
然則當思歸路張德遠有重望若使宣撫江淮荆
浙以兵赴闕則其來路即朝廷歸路也於是趙奏
起張知樞密院張謂趙曰此行舉動皆合人心曰
子才之功也薦授秘書省正字兼史館校勘樛言
趙張宜同在樞府他日趙退張繼之則氣脉長若
同處相位萬一不合賢者自相背戾後果如其言

樛與張九成皆言和議非便忤秦檜出知舒州已
而致仕檜歿復起為大宗正丞孝宗即位用為浙
東提舉常平以治績聞所著有易義四書性理窩
行于世

陳篆字師文無錫人氣豪邁讀書過目不忘下筆成
文語意俱到傳為楷式經學尤該明願執弟子禮
者遠近交至一出規矩皆為良士紹興間舉進士
官止于州縣子翥亦舉進士

人品記

卷四

二十

去以琴書圖史自娛好古博雅尤邃於性命之學
嘗著質旋以祛支干五行配合之說年八十餘精
勤不衰

元簿字泉卿宜興人幼業進士輒棄去喜為詩自號
耘軒有歲晚書懷云他鄉故鄉老若此新歲舊歲
窮依然烹茶但有二升水沽酒初無三百錢其處
約安貧亦足尚也

陳得一字晞夫晉陵人崇寧間乘桴至日本得卷書
上丹題付通微三字乃天文日曆也遂精推步之

學高宗朝日食正朔御史張致遠薦得一至秘書
俾正曆差特命以官辭不受賜號通微處士始符
丹題云

呂克成字世德無錫人有俊才學問精確從游者常
數百人與同邑陳師文友善兩浙士子稱師者必
以克成師文爲重克成以思科第一終蘄州教授
周葵字立義宜興人少力學登宣和末進士調徽州
推官高宗移蹕臨安諸軍交馳境上葵攝郡應變
千里帖然召爲監察御史在職兩月言事至三十

人品記

卷四

十一

章且指宰相趙鼎不任職上爲改容張浚議北伐
葵謂此存亡之機不可不慎三上章言之或謂葵
沮大計罷知信州秦檜當國意葵前論事必憾趙
鼎於是復以葵爲殿中侍御史一日內降差除四
人葵奏曰願陛下以仁祖爲法大臣以杜衍爲法
檜不樂又論事輒忤檜意落職屏居鄉里憂患頻
仍人不能堪葵獨安之檜必復起爲禮部侍郎奏
許舉取士宜精選通經博古之士置之前列其穿
鑿乖謬者黜之出知太平州州人紀其功德水壤

圩堤葵悉繕完傍郡皆水惟富塗歲熟市河久涸
葵令城中家出一夫官給之食併力浚導公私便
之孝宗即位除兵部侍郎權戶部手詔數問錢穀
出入葵言陛下咨詢庶政出人意表今皆徵文細
故此必有小人欲乘間售其私者不可不察蓋指
龍太淵曾觀也孝宗爲之色動金主爲其下所驚
張浚曰此恢復之機葵謂不可輕舉累數百言始
終守自治之說及靈璧敗績上思其言拜叅知政
事葵固請去上曰卿何請之力也對曰預政以來

人品記

卷四

十一

大率十事之中不從者七八安得不魏於心此臣
所以欲去也及虞允文陳康伯爲相葵決意去位
除資政殿學士提舉洞霄宮起知泉州請老卒贈
太傅謚惠簡

戴達先字子善無錫人父滂有文行紹興初達先與
弟幾先同舉進士行藝並優文體粹然爲之一變
太學諸生稱曰二戴執政有薦達先者高宗召對
擢太學博士孝宗求直言達先條天下利害戰守
事宜召試館職歷知池州江陰軍移袁州爲政長

者心仁貌莊平居恂恂不置口幾先字子微亦以宰臣薦召教諸王稍遷國子司業對便殿論王安石蘇軾學術功利仁義之差上嘉之累遷直龍圖閣號錫谷居士

邵及之宜與人乾道中為司封郎時和王楊沂中子乞襲封吏部長貳欲上其事及之曰國朝故事異姓王無襲封者雖趙韓王開國元勳及身而已斥去之尋上章請老除直徽猷閣致仕孝宗命輔臣舉漢公卿錢一疏故事由是朝士皆歌餞之為一

時盛觀

耿秉字直之江陰人登紹興進士出知廣德軍值歲大侵發常平倉活饑民萬餘且自劾矯制之罪寧宗特加獎異歷兵部侍郎兼給事中剛方清儉兩為浙漕所至以利民為事終煥章閣待制

李祥字元德無錫人學于尤遂初得龜山之傳登隆興初元進士為錢塘主簿時姚憲尹臨安俾攝錄叅邏者以上命監視鍛鍊嘗誣武臣子謗訕鞠于獄祥不許邏入門既而所告無實白尹尹驚弗從

祥曰即坐譴自甘尹具論如所讞上喜擢官太宗正丞軍器少監祥言內外賢才宜更出迭人請自臣始出提舉淮東常平茶鹽淮西運判兩淮錢濫惡祥疏更鑄新錢淮人以安遷國子祭酒丞相趙汝愚以韓侂胄嫉言者去國祥力爭曰頃壽皇崩兩宮隔絕中外洵洵國命如髮汝愚不畏滅族決策立陛下風塵不搖天下復安社稷臣也奈何使精忠巨節佛鬱黯闇何以示後世言者劾罷之太學諸生楊宏中等上書留之俱得罪言者喜曰道

學解散矣後請老以直龍圖閣致仕卒謚肅簡祥以公心發公論汝愚之誣賴以明道學之禁賴以解嘗對孝宗言唐虞盛治在君臣和又進五規以廣上意言恢復事本末有序終始一致既歸錫山或叩以立朝事掉頭不答

蔡戡字定夫晉陵人登乾道甲科持節五羊所部十四郡歲以礦銀為病戡積鹽羨代輸民甚便之擢湖南憲使時李昂霄有異謀戡乘其未定單車馳喻之其黨相顧駭愕叩首服罪寧宗朝為京

游羅艱戡亟請發粟民賴以濟韓侂胄當國乃請
老有定筭集行于世

丁逢字端叔晉陵人乾道初進士為激賞所幹官金
主遣使賀上生辰怙貴驕黠侮館伴眾憤莫能制
逢曰示弱何以爲國上書乞借上方劍斬虜使書
奏御筆付宰相曰此人才氣可尚卿先一見速具
奏來遂賜對遷天府倅上方留意邊事命逢知安
豐盱眙二軍皆有政績除川秦茶馬凡供帳公費
悉屏去人服其廉介而馬政修舉召還歷卿監終

人品記 卷四 廿五
寶謨閣侍制

錢之望字表臣晉陵人少放達好奇計逆亮闖江以
策干虞允文謂虜有內潰之勢允文用其策亮果
殞符離之敗之望道謁張忠獻請三邊並出師使
虜罷于奔命則大功可立忠獻不能用之望登乾
道中進士授江西帥屬時賴文政猖獗朝廷盱食
叅政龔茂良薦之望遂俘文政除金部郎知楚州
募力士五百人躬自訓閱虜不敢謀大奚山盜起
除秘閣修撰知廣州一戰滅賊擢華文閣侍制知

廬州卒

丘岳字宗卿江陰人隆興初進士虞允文奇其才舉
以自代賜對言恢復之志不可忘恢復之事未易
舉宜甄拔實才責以內治遵養十年乃可議北向
時方遣范成大祈請陵寢岳言無益大計徒以驕
敵孝宗不悅出知秀州華亭捍海堤久廢鹹潮壞
田蘇湖皆受其害岳奏勸築堤成而三州瀉瀆皆
爲良田除直秘閣知平江府奏楮幣折閱請公私
出納並以錢會各半天下稱便被命接伴金使之

人品記 卷四 廿六
賀生辰者金曆九月晦與統夫曆不合岳要說金

使合從慶曆節正日隨班上壽金使屈服孝宗悅
以忤樞密王抃落職光宗即位擢煥章閣直學士
四州安撫陛辭奏曰臣入蜀後吳挺脫至死亡兵
權不可復付其子臣請便宜撫定諸軍以俟朝命
挺歿岳奏請他將命張詔代挺李仁廣副之遂革
吳氏世將之患其後韓侂胄復以兵權付挺子曦
曦果叛識者始服岳之先見寧宗朝自慶元府入
朝韓侂胄知岳平日主復讐與可與共功名示以

北伐議信曰中原淪陷我不可一日忘然兵凶戰
危勝負未可知首事之禍其誰與任議得寢改知
建康府仇胄聞金置平章宜撫河南奏以信宜撫
江淮以應之信言金人未必有意敗盟中國但當
申警軍實變自彼作則我有辭矣仇胄又議除信
內職宣諭兩淮信曰使名雖異其示敵人嫌疑之
迹則同不宜輕舉仇胄滋不悅乃除信實文閣學
士江淮宜撫使時宋師克泗州而潰於宿壽信欲
全淮東兵力為兩淮聲援奏泗州孤立淮北所屯

人品記 卷四 廿七

精兵幾二萬人萬一金人南出清河口及犯天長
諸城則首尾中斷莫若棄之還軍盱眙從之金人
自渦口犯淮南或勸信棄廬和為守江計信曰棄
淮則與敵共長江之險矣吾當與淮俱存亡益增
兵為防時金人有和意信以用兵出仇胄謀請移
書與敵宜暫免係銜仇胄怒罷信及仇胄誅起知
建康府淮南運使招輯邊民為御前武定軍分
六軍餘汰歸農月省錢米幾十萬以病丐歸卒謚
忠定信儀狀魁傑神機英悟常慷慨語人曰生無

以報國夙願為猛將以滅敵其忠義之性然也
丘定夫字景游宿四世孫與兄楊州教授景唐弟淞
陽縣丞景南三人同居一門之內怡怡如也二子
堅基皆為儒官克世其家云

張訢毘陵人紹熙間知紹武光澤縣嘗仿社倉之法
境內以寧諸市里之民貧無蓋藏及中下之家生
子不舉者皆人為之給又附倉列屋以待行旅凡
疾病無所歸者悉就養焉其法甚精朱熹為之記
丁常任字卿秀寶臣從孫博學強記累官戶部侍郎

人品記 卷四 廿八

極論復讐大義言極憤切孝宗為之動容官實謨
閣侍制致仕爵晉陵縣男食邑三百戶壽八十三
終于家

薛極字會之武進人日記萬言後舉進士嘉定間朝
廷議更楮幣初安邊司極與有力嘗上疏寧宗曰
願陛下深思顧諟之難益懷兢業之念勿謂帝德
罔愆而怠於進修勿以天災代有而應以不實紀
綱雖舉必益求其所未至德澤雖布必思及其所
未周上嘉納之立朝三十餘年多所裨益終終知

政事封和國公致仕卒

將重珍字良賢無錫人從尤文簡學嘉定末進士第一授建康府簽判與太守議荒政不合引疾乞祠即所居築一梅堂專書自娛與魏鶴山真西山為深交紹定初召對首以本心外物界限為言且論苟直無窮之費民有無窮之憂會行都火史彌遠當國乃極言主柄下移權臣勢重天下知有相而不知有君上讀之感動他日星變復申前說進為君難六箴皆極剴切召為秘書郎端平初入對上

人品記

卷四

七

五事乞召用員德秀魏了翁進崇政殿說書進講戒勿白家事務以積誠寤主每草奏齋心感服有密啟則手書削稿遷著作郎邊師議和戰不一重珍奏乞專意備守不得已則用應兵不聽及關洛師大敗復議進兵重珍言耻敗而欲勝之則成忿怒生靈之命豈可以忿怒用哉又言邇來用臺諫頗主不必矯激之說似畏其剛方太過豈欲其平易省事乎又言更化以來舊做未去者五狗私調停覆護姑息依違而又益之以輕易遷起居郎三

辭不許自劾其不能取信朝廷之罪久之詔守刑部侍郎致仕卒謚忠文學者稱為一梅先生

向士璧字君玉武進人紹定間進士累官大理卿合州告急捐家百萬以供軍費帝嘉獎之開慶初涪州危士璧往援時賈似道宣撫六路檄士璧以軍事付呂文德士璧不從以計斷浮橋奏提元兵圍潭州甚急士璧破之進兵部侍郎似道嫉其功諷御史劾罷之又責償守城時所用金穀逮至行部士璧不能償而死復拘繫其妻子徵之德祐初詔

人品記

卷四

三

復其官立廟潭州

錢相字君玉晉陵人幼穎異以詞賦稱登嘉定間進士端平間以直德秀薦累遷監察御史有直聲自起居郎入經筵歷兵禮吏部尚書以親老丐祠年八十一而卒以德壽稱

趙發字達甫江陰人嘉定末進士端平初上欲除發諫省會當國者先遣所親諭意發謝絕之命遂寢終秘書省校書郎發和而肅介而通粹然君子之儒

胡鏞字伯遠江陰人嘉定末進士歷知寶慶府工部郎官學有根本一室蕭然疑塵滿几處之晏如嘗有詩云貧居三不往薄宦兩無求三不往者州郡時貴富室也兩無求者薦剋財貨也由冊府典名藩同館以詩送之曰院靜書千卷庭清水一盂蓋實錄云

李晦字顯翁無錫人育於外祖尤梅澗家從其猶子棟學凡有觀覽即通其旨咸淳中領鄉薦肆意經史下至稗官小說無不涉獵有事文類聚校正白

虎通風俗通等集自號慧泉散吏子元昭慈湖書院山長元明亦隸儒選

包天麟字仁甫江陰人咸淳間舉傳學宏詞科嘗注易詩書春秋年八十三而卒手未嘗釋卷元旌表其門贈江浙儒學提舉子植樗俱登第

曹密江陰人第進士仕至朝奉郎江陰廢郡為縣屬毘陵民間舊無產稅出丁鹽錢所輸特重密為請僅存什二人皆德之

姚普宜興人元兵圍常州守趙興鑑道州人王良

臣等以城降言與陳炤謀起民兵復之事聞授普知常州伯顏圍城普與炤王安節等力戰固守招降百端終不聽顏怒役民運土為壘分日築之且殺人煎油作砲日夜夾攻城中甚急而普守志益堅力屈城陷與炤安節皆歿之

陳炤字光伯無錫人登咸淳初進士素號知兵及元兵攻常州姚普為郡守時炤以胸山令守毋喪普辟為通判或止之炤曰鄉邦淪沒何可坐視遂嬰衰率義兵戰禦既而伯顏自將攻圍城炤普歿之

炤猶若戰家人請曰城東北門圍未合可走常熟入臨安炤曰去此一步非歿所矣日中兵至歿焉詔贈朝奉大夫有司立廟祀之炤率兵時其子應龍出家資犒軍乞援兵于文天祥宋亡應龍杜門不出衣冠無改以終其身

胡應炎字煥卿宿八世孫咸淳初進士元兵至常郡守姚普見應炎喜曰君吾劇孟也署為節度判官應炎歸告父兄曰吾家世受國恩今戎馬在郊實立功圖報之秋吾不得復向家矣父與其兄應發

咸曰圖報之義父子兄弟同之豈容臨難苟免乎
乃命其弟應登奉母及其妻子出遞以存其宗應
炎選壯士三千人自將乘城為誓畫曰吾州京師
北門然城卑塹狹兵皆市人北兵乘勝銳且眾不
可當宜樹柵傳城益調粟繕械為守備計豈然之
伯顏命元帥唆都率兵二十萬圍城應炎與諸將
分門出戰各大捷殺其將校甚眾唆都請益師攻
圍益急餉援俱絕城陷豈死之應炎巷戰力屈就
擒唆都曰若即多殺吾將校者邪應炎曰吾欲殺

汝何將校邪恨力不及爾唆都怒遂遇害年才二
十七同縣包圭者素有謀畧亦為言用署武進縣
被執不屈

徐道明常州天慶觀道士元兵圍城請于郡守姚書
曰計將安出書曰死守而已道明還告其徒曰姚
公誓與城俱亡吾屬亦不失為義士乃取觀之文
籍置石函藏坎中兵屠城道明危坐讀老子以刃
脅之不動遂遇害

莫謙之宜興人為郡城寺僧糾合義士捍禦鄉閭詔

為溧陽尉率兵巷戰沒于陳贈武功大夫同時有
萬安僧亦起兵舉義旗曰降魔其詩曰時危聊作
將事定復為僧亦戰歿武進護國寺後石塔相傳僧葬其下
蔣捷字勝欲陽羨人徙武進德祐進士平生喜著述
主於理義不為勦說其於小學詳斷發明旨趣尤
奧元初遁跡不仕大德間憲臣交章薦捷不就
臣二姓蓋天植其操云家竹山學者稱為竹山先
生

曹炬字巨山江陰人第進士分教京口李寶辟置幕

府寶檄告山東文出炬手氣直辭壯激厲士心人
百其勇凱旋特授左宣教郎終通判饒州

錢紳字紳仲無錫人登進士任知州既仕而歸隱居
漆塘山中志尚高潔工詩嘗著詩話若干卷所居
有湖山之勝得泉于居之南味與惠泉無異名曰
通惠作亭其上

董蕃字子衍宜興人冲約靜修恬於進取元初舉茂
異除鈞臺書院山長不就所著有通鑑質疑巴西
鄧文原為之序

繆鑑字君寶江陰人孝友勤儉好學樂施宋政日紊
不復仕進以詩酒自娛學士大夫至今誦之

毘陵人品記卷四

卷四

毘陵人品目五

元

陸文圭

徐憲

王彬

陸屋

惠希孟

梁益

李辰

倪贊

虞薦發

陸以道

王逢

強以德

虞志道

孟斌

李士龍

杜有開

許晉

張阿麟

單濟之

岳浚

陳汝霖

弟肅
孫尚簡

俞奕曾

俞遠

張端

陳祖仁

王文靜

陳傑

人品記

劉奐

丁岷

孔元虔

毘陵人品記卷五

元

陸文圭字子方江陰人天資穎悟讀書過目成誦博通天文地理律曆醫卜算數之學宋咸淳初以春秋中選宋亡隱居城東絕意仕進朝廷屢遣使幣徵之謝不起學者稱為墻東先生年八十五而卒將屬纊語門人曰吾州二十年後必被兵死當葬我以不食之地勿封勿樹庶無暴骨之患後果如期而亂塚墓盡發而文圭墓保無恙有墻東類稿

人品記卷五

二十卷

徐憲字元度無錫人性端雅博洽能詩延祐間由校官辟三公府掾以幹畧稱時漕運道梗奉旨度東薊州曠地為田募江南力穡之民耕之皆憲經畫樹藝有法上嘉其成績拜南臺監察御史終兵部侍郎子伯樞博學好古洪武初舉明經孫胤亦能詩有雙桂集

王彬字文甫武進人蚤孤事母盡孝母歿哭泣幾喪明天曆己巳歲饑貸粟賑其鄉鄰全活甚眾郡縣

靡其實將上聞彬力求寢免卒年七十四葬之日慟哭送者數千人

陸垕字仁重江陰人父渙宋江陰軍安撫副使招集義勇扞衛鄉井垕左右之至元間伯顏兵南下垕時未冠率其鄉人直入軍門與伯顏論議兵遂不入境奏授江陰軍判官累遷浙西廉訪副使風裁凜然剛腸嫉惡所至夷其強暴貪墨褫職者數十人有以簫鼓逐神者召而杖之投其土木偶於江累官廣東廉訪使發奸擿伏人以為神既謝事歸

人品記卷五

斥其餘粟分贍族人設塾教里中子弟又為立均田法無病役者比卒人皆追思之謚莊簡

惠希孟字秋雁江陰人聰慧過人無書不讀家居如對大賓趨踰進退動合矩度兄希賢弟希點皆無嗣希孟奉兄如父撫弟如兄著雜禮纂要家範五卷

梁益字友直江陰人博洽經史與陸文圭齊名學徒千里從之其教以變化氣質為先所著有三山藁詩緒餘史纂及詩傳旁通深有裨於朱子

吳方字季仁江陰人受學于陸子方之門延祐中有司薦為學錄不就自號懶菴居士歲饑方罄其粟以賙一鄉蔡港務官虧稅錢將鬻女以償方為之代輸其人請以女備使令拒弗納寓官有受代死無所歸者方讓所治壽藏葬之金莖黃侍講潛銘其墓曰動人者義澤物者仁時以為知言

李辰字吉父江陰人家貧力學有志操有司交薦其才召試迪功郎母老歸養數年母卒哀經不釋寢苦蔬食廬墓六年絕意仕進鄉邦賢之

大南記

倪瓚字元鎮無錫人父炳季父煥皆以隱操著瓚有潔癖厭與俗交好讀書禮樂制度靡不考究為詩雅澹有致日坐清閨不涉世故間作畫數筆輒有丰神家故饒貲一日棄去曰天下自此多事矣孤舟簑笠載竹床茶竈飄蓬五湖三泖間為吳張士誠招之不往其弟士信致厚幣冀得一畫竟裂而返之一日士信偕諸文士湖遊聞異香縷縷從菰蘆中出道人跡之乃瓚也榜掠幾死終不開口諸文士力救得免人問曰何以無一言曰開口便

俗從此超然遠遯亂平還里隱居不仕至并日而食有富人厚為餽遺徐出扇索書艷然曰吾書可貨取耶富人慙而退所著有雲林詩集

虞薦發字君希世居丹陽後徙晉陵父果避地無錫薦發幼穎悟果冠舉於鄉性孝友族人有所被掠於兵與從果者薦發之為經理其田宅處約好施歲歉有資者薦發與人平生口不言錢邑久廢學招諸生講說義理考論德業士聞風而至贊邑長舉鄉飲禮建祠祀龜山先生以喻尤李蔣四公配

大南記

名五賢為縣校官十餘年未嘗受廩祿當路欲致之於朝謝不往遂辭學事杜門謝客號微山老人以見志素不喜佛老不道鬼怪事詩書自娛至老不倦卒年七十八

陸以道字士弘無錫人明易過程朱之源得象外之旨累官翰林待制著宋鑑提綱

王逢字原吉江陰人弱冠有美名臺省薦辟皆不就居黃山號席帽山人又號梧溪子至正間盜起民多脇從浙帥欲屠之逢曰民非樂亂無父母爾帥

悟乃止避地無錫民有橫罹鋒刃者收其骨瘞之
偽吳張士誠開藩辟士逢不受辟居梁鴻山未幾
遷松之青龍江又移居橫泖卜隱烏江所著有梧
溪集

強以德字振之無錫人幼孤弱冠授采石書院山長
歷官儒學副提舉所至並有政教以母老棄官歸
養捐貲構義學延師以教鄉里子弟買山置義塚
貧不能喪者予之棺槨詔表其門曰善義

虞志道字彥高薦發子教授湖學受知於趙承旨踐

人品記

卷五

五

履篤實事親長盡誠敬撫諸姪若已出侍後進如
儕輩傾貲赴人之急未嘗少吝尤明於義利之辨
後學皆尊師之

孟栻字叔敬無錫人博學有才至正初以儒試吏時
方寇作御史大夫納麟署爲行軍鎮撫嘗領所部
過無錫張士誠逼栻守者皆潰栻以孤軍護平章
會失退保北關官軍妄殺無辜太守賞栻白守
立賞格必獲首乃賞首多賞以官有獲台民指爲
方寇婿冒賞者栻覈其誣曰豈可以此取功名邪

獲平民悉縱之治書帖木列思分臺于發調栻總
兵復蘭谿寇至栻嬰城歿守御史交章薦之累陞
福州路判官以浙東宣慰副使致仕更名主一旣
歸慧麓日與從游者講忠義之事所著有不貳心
藁尤精篆書

李士龍江陰人讀書知大義有膂力習武事從丞相
脫脫南征累功睦州同知撫農閱兵民賴以安長
鎗氏掠地至睦士龍率所部擒斬之寇兵益至力
不敵有以敵號遺之者士龍斬以徇及勢不可爲

人品記

卷五

六

取粟植地曰吾報主盡矣勿令敵斫吾頭遂倚馬
仰藥瞠目而逝年才二十五

杜有開字伯陽江陰人家貧資束修以給妻吳辟纒
助之天曆間歲歉朝夕不繼吳昆弟數促有開鬻
墓木墓田有開誓歿不可遂饑而歿吳昆弟欲挈
吳以歸吳曰夫爲孝子我獨不得爲孝子婦乎亦
相繼饑歿王逢以詩悼之曰白玉雙聯環瘞在春
申山

許晉字德昭江陰人至正壬辰紅巾賊起陷江陰晉

潛聚惡少資以衣糧保護鄉井賊黨抄掠誘使深入禮之又陰遣人約官軍與賊戰已為內應官軍與賊遇不利晉戰益力賊黨復倚其後其子如璋與家僮破圍而入父子俱戰沒官軍求得其屍還葬父老見屍車皆墮淚曰父歿于忠子歿于孝名其里為忠孝里

張阿蟠無錫人生甚微致和間父母以歲饑就食晉陵父卒蟠方成童傭身于染人馬氏以養母歲習其業馬亦歲增其直每遇落味必遺其母遇暑夕

人品記 卷五

炳艾為母祿政隆冬煨楸柚奉母積二十年母終蟠痛哭幾絕鄉人因稱為張孝子

單濟之字君濱江陰人至正乙亥寇燬其家父兄皆遇害時濟之尚幼挺身出救不獲蚤夜思復讐乃糾合民兵卒擒賊磔之讐既復闔門避世非慶弔不入城市歲饑為粥以食餓者隱約慕義以終其身年垂七十卒屬纊之夕捉筆自記曰人皆有死我豈獨仙霧散雲收白月在天

岳浚字仲遠宜興人飛九世孫博學好義為石門縣尉未幾乞歸侍親積書萬卷延好學之士恣其檢閱一時名士多游其門

陳汝霖字伯雨無錫人端恪有守以詩經中乙科兩任學職造就有方從第肅博學宏才累官翰林學士兵部尚書河南行省左丞卒王事孫尚簡篤學勵行稱有家法

俞奕曾字仲山江陰人性高簡喜讀書家故饒獨被服儒素折節名士至元乙亥之亂家無孑遺乃築環堵之室焚香默坐杜門却掃四十餘年不入城市間從野老泥飲田間幅巾藜杖從容竟日居貧力學至老其節益著號時齋至元中縣學諸生迎致為師輒辭謝

人品記 卷五

俞遠字之近奕曾子自號空谷神骨秀竦好著小冠戴方山樓笠衣白綺裘儼然神仙中人行出一市人盡驚好讀書隱居教授篤行古道里中多化之至正壬辰鄉寇竊發所過殘毀遠築土為室壘擊為揚嘯歌其中如澄江八景等篇傳誦人口

張端字希尹江陰人博學能文有詩才尤精書翰動

止雅飭有古儒者風度家于溝南鄉人重之咸稱
溝南先生所著有溝南集初用薦起家紹興路和
靖書院山長累官南昌路儒學教授江浙行樞密
院都事海鹽州判官

陳祖仁字子山武進人至正初進士第一累官翰林
學士叅知政事時四方兵起伏闕凡再上書皆不
報 大明兵至通州順帝北遁祖仁將出建德門
有勸之南歸者曰祖仁生平自恨不能擇君今日
又不能處死何以立于天地遂死焉

人品記卷五

九

王文靜宜興人少穎悟耽讀書不樂仕元隱居梅西
日從事吟咏以自娛晚際昇平有薦之者竟以老
辭不就所著有蠅聲集山陽金銑序之曰文靜壯
而將以有為也遭夫勝國出而足以達道也值乎
衰年惜其窮約卒歲不為朝陽之鳴鳳而僅以蠅
聲自鳴也

陳傑靖江人好讀書積書充棟出粟賑饑授江陵路
稅課副使不赴趙文敏虞文靖嘗客之

劉堧靖江人工詩尤精書法趙子昂奇其早慧題小

齋遺之後遂以名集

丁岷靖江人端方坦蕩善人倫經其品藻者皆以為
榮所著有滄洲集

孔元虔靖江人宣聖裔孫宋季偕弟避亂來居構書
院教生徒修隱士之操不求祿仕

昆陵人品記卷五

毘陵人品目六

國朝

謝應芳子林 張翼子籍

蔣賢

徐績

孫作 吳雲

桑慎

張宜

馬治 浦源

黃常

沙良佐

李琛子景修 孫致子景修 顏子景修 周世忠弟世衡

王思明

談綽 王惟允

薛復

王思明

儲福 孫慶

顧士傑

焦先生

李時可 俞海

朱煥

王亨

趙鉉 錢本中

儲可求

錢仲益

王皞 王達

倪峻孫敬

楊得安

劉敬 芮善

周衡

胡淡子長

唐復 毛節

俞德惠

吳肇

吳運 褚錦

曹恕

孫泰

李步行 陳濟弟浚

陳洽

何澄

孫夏 王謙

段民

段寔

白瑜 徐鑑

吳潤

徐晞

俞璠子文 趙琬子仲壽

顏澤

呂銘

吳禮 嚴本

馮善 潛方

殷序

張思安

毘陵人品記卷六

國朝

謝應芳字子蘭武進人自幼潛心理學至正初隱白鶴溪上構小室顏曰龜巢因為號授徒講學指授斐然浙江行省舉為三衢清獻書院主辰兵起避地吳中見三高祠祀范蠡張翰陸龜蒙乃曰范蠡計滅吳且相載而去未足為高士吳中有三高泰伯仲雍季子是也宜正祀典而以張陸附之時張士誠竊據全吳應芳懷顧祭之志力不能除乃葺顧元公墓著懷古錄以見志 明興汪

南底平始歸年踰七十隱居芳茂山一室磬然晏如也傷世俗怵於異端作辨惑編三卷思賢錄五卷其所叙述皆以正人心息邪說為主在鄉表郝忠公之墓正張睢陽之像去學宮土地祠之配變喪禮用佛教之俗素履高潔為學者所宗縉紳過者必訪其廬語以世教民隱祗肅而退年九十七而終子林字瓊樹工文詞精字學著延陵通紀字學源委等書洪武中舉為新鄭教諭

張翼字飛卿無錫人儻有氣節輒面折人或譏其太甚翼曰口所以出言當言反訥惡用口為國

初莫天祐據無錫魏國公徐達遣兵圍之令曰即不下屠其城翼說天祐出降民賴以全翼嗜學為詩歌頃刻成章子籌字惟仲博學工古文以學士詹同薦奉 詔纂修昭鑒錄累官禮部尚書

蔣賢字仲賢宜興人慷慨尚義元天曆至正間連歲旱賢發粟賑饑必無以飲者施之棺 國初天兵駐太平賢率鄉民獻粟千斛 上嘉之賜墨敕

拜知宜興州以老辭乃官其子貞

徐績字伯凝武進人元末隱居力學張士誠逼令人仕堅守不出遊梁谿適 高皇帝命將統兵圍無錫績與張翼說其天祐出降乃免錫民德之留績家焉洪武初舉明經歷武岡順德太守以惠愛為理久任凡十八年 上念其老給驛送歸檢其行橐惟書數卷硃一笏而已年九十七終 孫作字大雅江陰人性方介博極群書尤邃於性理文辭宏肆至正間避地三吳惟載遺書兩腋籠而

已洪武初以明經薦與修日曆與宋濂同事意氣相得除翰林編修遷國子司業濂以近代儒者况之為著傳

吳雲字友雲宜興人洪武初以布衣授弘文館校書郎累官刑部尚書時元孽梁王自恃險遠尚據雲南學士王禕往諭不聽仗節歿朝議不欲勤兵遣雲復往梁王使人劫降雲曰朝廷念一方生靈不忍加兵特遣招降而反欲降我乎我終不為汝屈遂遇害雲南平始知雲死節其子散扶櫬歸至江

人品記

卷六

三十一

夏力不能前留葬金口鎮弘治間 詔謚忠節與

王禕並祀雲南賜祠額二忠

桑慎字仲修武進人孝親睦姻苦學力行追蹤古人洪武初任監察御史有折檻之風行部廣東奏誅衛使張榮坐不避人議安置瓊州無毫髮怨尤之意

張宣字藻重江陰人讀書過目成誦十歲能詩文長益肆力問學楊維禎與為忘年交洪武初以秀才徵為翰林編修 上呼為小秀才眷遇甚隆後坐

謫濠州道卒所著四書點本刻置郡庠

馬治字孝常宜興人少好學精通經史洪武間舉秀才任內丘知縣遷建昌府同知所著荆南倡和集浦源字長源無錫人工詩與閩人林鴻輩號十才子嘗送人赴荆門詩曰雲邊路遠巴山色樹裏河流漢水聲寄山西省椽詩曰衣上暮寒吳苑雨馬頭春色晉陵山為世膾炙授晉府引禮舍人

黃常字叔彛江陰人與同里包英惠連並以博洽聞洪武初舉明經不就隱居由里山後薦為本府訓

人品記

卷六

四

導三月告歸注小學通義行世

李琛字伯器無錫人宋尚書琳八世孫敦實有文元季避亂惟以先世譜牒誥敕自隨難平自蓉湖徙居南市橋授徒養親舉孝廉不就與浦長源輩為詩社優游以終子景修克守儒業孫殘戩孝友勵行不就薦舉開門授徒有琛之風

沙良佐武進人國初薦知江西新城縣廉慎自持以寬字民篤於學校不四五年人足衣食庭無訟至百姓戴之

蔡晞賢字以愚無錫人元末不仕洪武初辟舉以老

辭隱居東湖賦詩自娛有東湖集從子幼武事母

至孝篤志問學雅好吟咏有黃陽集子惛韓穎敏

好學尤精於易徵孝廉不就人稱貞固先生

周世忠字士行無錫人與弟世衡自相師友避亂入

吳有挽之仕張氏者不聽吳人丁仲舉高之妻以

女亂定歸隱揚名里從孫益篤信好學亦有隱操

字公綽無錫人性質直嘗客松江同舍郎令娼

狎之綽不亂論娼以理娼感泣改行晚為亭長有

盜當刑俞緣求脫長綽撓之以百金餽綽呼鄰里

遂之洪武間以人材舉督賦蘇郡守餽百金綽拒

之曰太守不知我耶守為媿服其介如此

王惟允字俊民無錫人國初以薦授南鄭縣丞撫

綏其民不遺餘力歷寧化二州同知以鎮江府通

判休老

薛復字復善江陰人洪武初以博學應徵與宋濂王

禕輩訂定典禮授汝寧知事軍民德之尋辭職家

居二十年讀書教授屏絕世故久之徵拜御史尋

陞廣西僉事部內民夷雜處一以德義化之甲申
考最復任尋卒

王思明字克明武進人洪武初以薦召為右傳侍

燕邸寅畏恭謹未嘗有失先是以離亂故籍多委

棄獨笈負諸圖史以隨上問及因捧批點綱目

及大學衍義以獻曰此二書萬世之龜鑑也上

嘉納之平居正襟危坐焚香閱書無少怠惰置日

曆於左右題曰司馬公平生所為未有不可對人

言者某日所為舉筆於斯若不可書必不可為其

自治如此卒謚康懿

儲福無錫人洪武初隸燕山衛籍生平喜讀書慕顏

真卿文文山之為人建文末挈母妻逃去文皇

即位詔構戍卒入伍福在錄中調曲靖衛復挈

母妻以行因仰天哭曰吾雖一介賤卒義不為叛

逆之臣在舟中日夜泣不輟竟不食而歿妻范氏

年二十奉姑甚謹每哭其夫走山谷中不欲聞之

姑也然貧無以存一日往澗水邊浣衣見其傍有

蓆草因織蓆養姑姑卒廬于墓側年八十餘卒范

卒草不復生土人義之即其廬葺為菴名崇孝

孫慶字思敬武進人少孤事母最孝母病瘍慶吮而

愈母染寒疾割股進得平復後母終墓所號泣忽

產靈芝五莖鄉人以為孝感所致

顧士傑字文英武進人洪武初父督國賦時法嚴升

合誥誤輒坐歿適父病兄士俊當就逮士傑年十

七方負笈鄉塾歸謂父老兄家督何可歿竟赴京

獄瀕刑有旨願永戍遼者免歿立黃旗下願戮者

立紅旗下士傑曰人生自古誰無歿寧忍兒孫負

人品記 卷六

甲兵竟趨紅旗下受戮隣人孫作官京師哀而殮

之作顧孺子孝義傳

焦先生逸其名江陰人家虞門里 高皇帝故人也

及 帝為天子遂隱洪武初有 詔下有司徵求

甚急恐為有司累謁 帝于金陵持雞酒直馳甬

道入與 帝班坐飲如微時 帝贈以金五角三

帶任其所取取角者除千戶亡何掛帶而去不知

所之

李時可靖江人任俠自喜楊廉夫造之以赤玉盤盛

脯白玉斗盛漿並徑尺又設櫻桃燕瑪瑙作埒水

晶為食床佐酒青衣皆絕色 高皇帝下江南徵

粟萬石助軍興後治巨杙浮海去

俞溥字彥淵無錫人由賢良授都府照磨 上褒其

才智練達累陞戶部尚書江西行省叅知政事與

張公壽同致政歸日相往來布衣蒲履一蒼頭携

杖尋梅問竹人不知其為兩尚書也

朱煥字文仲武進人 國初以才畧辟叅元帥吳公

戎幕張士誠據蘇州吳每擒其脅附戮之煥言於

人品記 卷六

帥多所縱釋歷官福建按察司卒子衡循居喪有

聞衡舉為九江郡幕

王亨字仲理無錫人性嚴正舉秀才擢四川按察僉

事大振風紀蜀人懷敬之號王鐵面

趙鉉字文鼎江陰人元末兵亂鉉時尚幼與母相失

明興平吳鉉歸故里思母輒涕泣不食歲時號慟

絕而復蘇歷走求吳越間三年不獲後遇鬻牛者

言狀得於鄞之畫錦坊相持痛哭悲感傍人奉母

以還蓋母子違絕者十八年更十二年以壽終論

者以比朱壽昌云

錢本中字文德武進人洪武中薦知吉水門無私謁

小民迫於豪強哨聚山谷 詔大帥討之本中乞

緩師乃單騎往諭眾羅拜願自新全活數萬人改

知安樂以註誤免學士胡廣言于朝復知吉水卒

於官百姓留葬其地負土為墳至今祀焉

儲可求宜與人穎悟善屬文尤深於理學洪武中察

舉任本縣訓導累官禮部侍郎

錢仲益名允昇以字行無錫人洪武中以文行舉為

人品記 卷六 九

本縣訓導累遷太常博士翰林修撰預修實錄稱

為良史雅好棊 文皇呼之曰棋仙自號錦樹山

人 王暉武進人洪武中知穎上縣慈祥愷悌以德化人

時稱良吏

王達字達善無錫人少攻苦問學究極群書舉明經

歷官國子助教 文皇在潛邸聞其名即位召對

稱旨擢翰林編修預修實錄終侍講學士自號耐

軒又號天游道者所著天游集梅花百咏

倪峻字克明無錫人洪武庚午舉于鄉官給事中

文皇帝好佛上疏力爭忤 旨遣使占城剛正不

撓夷人服之孫敬官御史按福建時議欲開銀鑛

敬抗言無避事遂寢昇泰末朝政多闕災異迭見

敬陳敬天修德六事謫尉宜山論者謂祖孫皆古

之遺直云

楊得安宜與人博學有名薦知南和縣擢知嘉興府

為政和易與物無競察案咸推服之終僉都御史

劉敬字季恭武進人洪武間舉人材知剡城廉明寬

厚惠政大行朔望延訪父老以失得秩滿百姓詣

闕願留陞建昌府通判益勵廉勤均差徭公賞罰

吏民畏服累陞易州知州刑部員外郎

芮善字性存武進人淳厚無詭辭媿行言温色和洪

武丁丑進士歷中書舍人司經局洗馬侍襄王講

讀王出封領右長史王重之號曰坦然未幾歸老

王製金蘭圖贈之

周衡字士平無錫人舉明經授本府訓導洪武十三

年召試稱旨擢右正言 上嘗下詔蠲江南租已

復徵之衡言 上不信于天下 上默然未幾衡告歸省 上與期六日還朝衡七日至 上怒曰朕不信于天下爾不信于天子遂棄市

胡濙字源潔武進人洪武庚辰進士授兵科給事中永樂初進都給事中時傳建文君逃去舊臣多從行 上疑之因遣濙以訪張三峯為名偵建文君所在濙以無他虞為報 上疑始釋既而 太子監國或謀奪嫡飛語 上聞濙疏太子孝謹七事儲位以安乃 太子初不知也既嗣位始得之大

人品記 卷六

喜以濙為忠慎將大用之會晏駕宣德初累陞禮部尚書賜第給閣時武進有沒官田因賜之尋兼戶部事 裕陵登極益禮重之土木之變廷臣議迎 上皇時王文厲色曰孰謂虜可不索金帛且索土地憂方大耳衆相顧不敢言濙竟上奏迎儀注景泰元年楊善使虜濙言宜附服食進 上皇不報 上皇歸又請明年正旦朝于延安門不許懷獻太子立進兼太子太師是年十一月 上皇萬壽節濙請令百官拜賀于延安門又不許

六月疾作又明年 上皇復位力疾入見請老官其子長寧世鎮撫卒謚忠安長寧以孝行聞 詔旌其門

唐復字復亨武進人洪武庚辰進士令餘姚拊循細弱甚著恩愛擊斷無滯百姓宜之調零陵又調交趾時安南國黎季犛亂復為書數千言論以禍福又著華夷解示之季犛驚服南荒莫安 太宗見其書命付史館已乃為當路者所蔽置不錄後陞大理寺副宣德間知平樂府除姦釐弊扶弱抑

人品記 卷六

強事神字民勸農興學百費具舉風俗丕變及去位百姓思之立祠于學宮之傍 毛節字伯尚武進人洪武間邑舉為鄉三老郡遣節負版詣京過金山有咏雪詩留題壁間 上幸金山見詩稱賞索其名于廷臣中無有也節適進所負版 上見其名微行訪之邀入酒家對飲節偶抽竹簪刺齒 上命賦之有一掠能教萬髮齊之句薄暮望見塔燈復賦云光明願與君心並徧照逃亡草野中 上撫掌稱許出一緘謂節曰意有

故人守常煩致之至郡開緘乃 上書以節爲御
史巡按江西敕也守以禮送節之任微服出行部
遇兩惡少裸而相持節解之大爲所詆遇一媼號
泣節問故媼曰邑有小姑神歲必以童男女祀之
不則降殃妾不幸生二女去歲既取其長今及其
少是以悲也又一媼亦泣節復問之媼曰妾有一
子爲妖所攝歟將至能無痛乎節入署卽爲檄召
城隍之神神見夢曰吾陰司也當以夜謁是夜節
燃燭坐堂上漏下二鼓有絳衣者長跪于庭節讓

人品記

卷六

之曰國家建爾爲城隍之神當爲民祛邪除害胡
縱兩妖爲祟城隍謝曰其不德實不勝妖稱小姑
神者白狐惑男子者其家老樹也明府按臨彼已
遁去明日節令毀小姑山祠伐媼家後老樹併捕
二惡少杖殺之一境清寧其所按部多類此人皆
稱爲真御史小民書其姓氏奉之

俞德惠字用濟無錫人洪武間以經明行修徵授行
人使蜀復使廣右值寇作亂惠驅車而前粹與之
遇不屈而歿

吳肇無錫人洪武間以經明行修徵拜御史建文君
嗣位益加眷注見齊黃削奪親藩大駭嘗從容借
漢事爲喻 上優納之適父喪歸服未闋靖難兵
渡江聞宮中火因北向慟哭曰有老母在未能徇
也卽奉母挈妻子匿山中居無何復變姓名從
建文君亡泝楚入蜀至滇有人識之于西平侯第
正統初釋禁始歸卜築于常之孟壘託醫以養母
人無知者母年九十餘卒自是亦不復言醫矣

人品記

卷六

吳運江陰人八歲喪父祖父母老而瞽母邢氏寡運
每晨出販果餅以資贍養母賴以活竟守節不貳
母仲夏抱病渴思飲水不可得運齋戒告天呼號
幾絕忽而水奉母食之病亦隨愈母亡刻木肖像
晨夕上膳如常人稱其孝部使者以母子節孝奏
聞旌其門

褚錦字克文宜興人家貧爲村學究資性慈厚生平
多善行如茶亭遺雪後之遺金西館拒夜奔之少
婦皆偉節也

曹恕字以忠無錫人博學工文詞以薦爲漳州訓導

士習一新因祖母年高乞休忤旨戊山西永樂初復以薦起建言四事皆切時政 賜復職所著有植梧集

孫恭武進人繼達長子襲涼州衛指揮陞北平都司靖難兵起竭力守禦戰于懷來中流矢裹血力呼死之立廟盧姑墓在郡城芳茂山

李步行無錫人城東賣菜傭也父嗜酒步行鬻菜必市酒歸飲父又間進時物體無完衣而父便身之物嘗給墮中有不順之子父母諭之必曰何不學

李步行

陳濟字伯載武進人博學強記與弟浚洽並有道望時稱河東三鳳永樂初 召修永樂大典以布衣任總裁書成授春坊贊善命授 諸皇孫書卷顧特厚所著有元史舉要通鑑集覽等書

陳洽字叔遠濟弟與浚同胞生浚有學行不就辟舉號真趣居士洽淹貫經史用薦為吏科給事中永樂初累遷吏部侍郎大理寺卿佐英國公張輔討交趾平之陞兵部尚書鎮撫其地宣德初交趾再

叛命成山侯王通討之通輕率欲渡河洽力止之弗聽麾兵以渡與賊遇洽躍馬突入賊陣身被重創益奮不顧竟遇害 詔贈少保謚忠愍官其子樞給事中嘉靖初立廟本郡賜額忠節

何澄字彥澤江陰人永樂癸未舉于鄉以部郎言事忤旨謫武當已復上疏激切下 詔獄洪熙改元釋歸宣德中薦擢知袁州與民休息頌聲四達正統中乞休所居植竹數百竿引以二鶴自號竹鶴老人雅意翰墨

孫宜字叔誠

江陰人洪武中以貢授吏部郎出守肇昌躬行節儉崇重學校治理流傳西戎寶服歲饑絕種宜解袍帶易蕎麥百斛分給民益親附丁內艱軍民上章借留 詔起視事九載秩滿復請闕請進三品祿秩還治府事凡三十年不離肇昌致仕歸篋笥蕭然家居八年卒

王謙字益夫思明之孫父彥昭遇文皇於潛邸命為皇子講讀謙三歲能誦孝經九歲持母喪如成人讀書禁林 上摩其頂曰真書種也及長博聞強

記卒業太學 詔辦事內閣試中書舍人土木之
難衆議紛沓謙獨上言也先君臣猜忌勢必不久
宜固守以挽其銳卒如其言景泰改元屢疏時事
由吏部郎中調南太常少卿 英廟復辟召見言
事切直復舊職忌者沮之九載弗遷後出守夔州
奏罷歲獻省費千計牢無滯獄盜不入境夔人畫
像祀之

段民字時舉武進人好古力學精練吏事性廉介不
可干以私登永樂甲申進士授刑部主事轉郎中

人語記 卷六

以平怨稱永樂十八年山東妖婦唐眷兒及三司
供以縱寇遠簡任事者民以參政討平之是時索
妖婦急盡遠北路諸尼已又逮天下出家婦女人
情洵洵民爲解釋緩輯始安無何 駕北征救民
轉餉出塞民爲曲算費省而事給忽奉 旨考察
所過郡縣吏宣德二年召主會試明年陞戶部侍郎
尋改刑部又奉 旨考察京師典試考功吏禮
二曹事民皆以特 敕主之其以廉謹受知于
上如此至是適遭疾稍瘥將出視事或止之民曰

數百人困坐獄中翹跂待我可自佚哉出三日疾
大作遂卒僅遺俸金四兩都御史吳訥力爲經紀
始克歛萬曆間補謚恭肅

段寔字伯誠民之長子性端介有父風承民之後貧
甚無以爲居周文襄忱初撫江南買宅一區居之
以諸弟婚娶衣食壽所居分給之以蔭補太學生
授兵部主事從征麓川凱旋寔獨不言功橐中亦
惟圖書數卷絕無長物也官至福建參政

白瑜字楚英武進人永樂甲申進士授給事中出爲

人語記 卷六

七

鈞州判官廉勤有爲秩滿民不忍其去保留復任
後終福建市舶司正提舉嘗念士子之貧輸田若
千畝於邑庠至今士受其惠

徐鑑字子明宜興人永樂初由舉人任刑部主事言
事繫獄尋赦出遷戶部郎中守瓊州廉靜寡欲興
學勸士治教大行在郡四年卒于官巷哭家祭柩
還送者填海濱士民請立祠專祀孫溥大學士
吳潤字汝德武進人以邑諸生舉修永樂大典除刑
部主事歷知建昌姚安廣信三郡休養生息興學

育材士民愛戴之累陞江西布政使丁母憂諸郡連章乞留 詔起復前職在任六考民熟其化不忍舍去景泰初累疏請歸年七十九卒于家

徐晞字孟晞江陰人永樂中由縣功曹歷郎署擢兵部侍郎鎮甘州復鎮涼州莊浪諸要害陞南戶部侍郎會征麓川以督餉功陞兵部尚書卒晞為功曹時有以勾成誤及者求脫于晞貧無可餽令妻佐觴有殊色晞絕裾走及官郎署有同舍郎伴置一吏意實存晞晞若不知也者同舍郎歎為歛

送其篤行雅量如此

余璿字彥衡江陰人祖鎮卿國初任教諭造士甚眾璿世其業橫經講授弟子日眾以儒士舉修永樂大典書成賜寶鑑應求賢 詔被召尋卒于文字日章博學工文居家孝友所著有學古類編等集孫世仁亦以敦行稱

趙琬字枚琰武進人領永樂辛卯鄉薦由校官累遷國子司業景泰間駕幸太學賜坐講經陞諭德掌司業事在太學十七年矩範端嚴裁成有序士有

親老而貧者存恤之婚喪疾病輒捐俸以助士愛而憚之所著有梅庵集子仲壽以蔭官知州有惠政居喪哀慟幾至喪明人尤稱之

顏澤字澤民江陰人永樂壬辰進士 太宗一夕夢緋衣人見澤以新進士入朝協夢即除知鎮遠府時鎮遠初入版圖澤因俗為治奏請立學得視列郡其化大行人以佛子稱之累官叅政 呂銘字允銘無錫人永樂間由饒州稅課擢刑部主事立剖冤滯擢知西安府以循良著聲

吳禮字幼文無錫人永樂初由諸生為功曹授刑部主事出知鈞州督太和諸宮事政令嚴明軍民欽肅入為禮部員外郎

馮善字擇賢無錫人永樂中舉明經授本學訓導轉望江教諭並有師模望江有三孝祠祀王祥孟宗徐仲源善以孝為百行之本學校為風化之源請徙祠於學尋以母老乞歸

殷序字序賓無錫人永樂甲申進士知黃巖縣尋知高唐州公勤強幹不避盤錯 文皇北征序處置

迎鑾事多稱旨擢江西布政改四川宣德初西戎
叛圍茂州序與太帥趙德戰敗之賊登山壘石自
固兵不能攻序命積薪畧與山等縱火焚之絕其
歸路賊窘投崖下前後擒獲納款者七萬八千餘
人賜勞優渥轉雲南布政乞休歸自號西郊居士
張思安字克讓無錫人永樂壬辰進士歷官湖廣
事時夷陵多虎患思安移文黃陵祠具言吏治不
臧盍殃其身縱虎噬人人則何罪虎患遂息後以
註誤落職例許贖罪貧不能辦就謫鍾吾宣德間

人品記

卷六

三

復起陝西按察副使致仕

嚴本字志道江陰人永樂中以布衣薦授刑部主事
遷大理寺正多所平反會朝廷初建北都分遣京
官下郡國督辦甚急本至太平寓僧舍有懷金餽
他督者誤投本所本笑卻之即日徙舍人莫知其
故事竣懷金者言之人始歎服本爲人耿介不阿
廉潔不染用法平恕行履端確有古人之風所著
有律疑解畧刑統輯義

潘方字孟賢武進人幼孤奉母至孝母疾每夜顛天

祈減已算爲母益壽母喪哀慟屢絕終身布素士
大夫私謚曰節孝先生

毘陵人品記卷六

人品記

卷六

毘陵人品目七

國朝

秦樸 孫霖

翟厚

華恪 子澤

王紱

徐琳

錢秉 子惟常

李庶

吳謙

王忠

楊浦

過儀

潘諒

王超

陳全

鄭觀 子畏謹

吳益

俞雍

張志道

徐雍

郭觀

高曇

成始終 孫周

楊璿 弟琛

顧琳

張鑑

卜祉

劉本道

黃敏

人品記

目七

吳王

劉弘

錢綱

陳士名

孫樞

薛恒 顧協

卜齡

厲昇

盛頤

施玘

余樞

王慎

劉觀

徐溥

趙敵

徐轄

趙瑾

薛章憲

李庭芝

杜宥

龔穆

張遜

毛理

澄江懶漁

杏林叟

朱昱

朱憲

秦旭

秦夔

秦旦 秦真子 銓銓


白昂

吳淵

沈暉

陳賓

陸簡



毘陵人品記卷七

國朝

秦樸字物初無錫人貌古行端不為矯飾衣冠言動
薰襲里閭孫霖世濟德美以子金貴受封益務鞫
歛出入未嘗御章服人咸稱之

翟厚字公厚無錫人與同郡余璿俱從王耐軒游學
有源委治家孝敬尤嚴於祭祀所著有錫山遺響
續通志畧

萃恪字叔端無錫人性淳謹不言人過望重鄉邑嗜
學問尤精于史子澤亦能詩

王紱字孟端無錫人官中書舍人工詞翰畫竹絕倫
寓京邸夜聞蕭聲悅之乘興作竹石詰且贈吹簫
者蓋富商也其人大喜過望具兩駝求對幅紱曰
俗子何足當我筆索所贈毀之其高介絕俗類此
徐琳字廷璽鑑子淳厚有器識以子溥貴姻黨有虧
官稅者祈琳為言緩征琳捐貲代輸終不請託有
稱貸者以田來償計所入畧相當輒還之嘗語溥
曰吾族子姓皆祖宗一體賜賚未備吾心歉焉其

後溥置義莊實琳故之也

錢秉字公治無錫人博雅端純善睦宗族歲饑與從
子惟常出粟千石賑給鄉邑詔表其門

李庚字舜明無錫人居家敦行孝弟朔望謁先祠退
坐中堂男女聚會必有戒詞九矜細行縣舉為鄉
飲賓晚結茅渠水杜門警校每風日晴美曳杖行
歌悠然自適年八十六卒所著有錫山志子覺登
進士

吳謙字伯禮無錫人力學攻古文詞有聲德器雅正

嘗被誣戍廣右操行益勵事白歸鄉里稱曰復民
王忠字守正武進人父友諒為稅長輸納後期法當
歾忠年十七詣京請代會赦免宣德間由國子生
授兵部主事廉慎不苟以母老引疾歸養與邑之
耆英為真率會徜徉自得清白之操可方古人
楊浦字宗廣武進人五世同居食指以千百計尊卑
上下藹然禮義之風鄉邑皆欽仰焉
邁儀字廷章無錫人風流韞藉善詞翰有司嘗薦于
朝不就放情詩酒畫松特妙山水小景亦佳

潘諒字友貞武進人宣德丙午鄉舉歷官南吏部郎時胡忠安方柄用諒與屬戚未嘗干進需次久不調後出守臨江行賈給符錢頗不貲諒分給同官有餘以資賓旅謝事歸行李蕭然所居卑陋人不能堪怡然自足

王超字景昇宜興人衣冠朴雅有古人風耻與時輩爭進取所著有東臯野語

陳全宜興人以貢任袁州推官廉平明允擢御史三領 敕印馬巡河清戒所至兵民感頌升楚僉憲

人品記 卷七 致仕

鄭觀字尚賓武進人宣德中以儒士舉歷監察御史終廣西僉事性剛方識量宏遠自窮約至貴顯終始一節家置一室名存餘倉給祭祀之外以周貧乏風尚簡素可為世規二子畏荐授府經歷謹中鄉舉通判贛州從子鶴天順丁丑進士知武定州陞山東參議乞休歸清約如寒士

吳益字永貞無錫人由國子生授淮安知縣為政豈弟民愛之猶父母考最陞太僕寺丞致仕

俞雍字文熙無錫人正統舉人知公安縣公恕勤敏修舉庶務每勸民耕織楊文定公溥嘗延譽於朝謂有古循吏風升廉州通判致仕

張志道武進人由太學生知陳州勸課農桑民安其化遭旱蝗鄰邑災志道禱於神蝗不入境後以憂去民咸思之

徐雍武進人正統初知嶧縣問民疾苦好賢禮士卒于官民哀痛之

郭觀武進人為御史正統初按山東首劾三司正佐

三四人實諸法郡邑吏不法者多聞風解綬去割斷疑獄不少撓滯尋以忤貴近移廣西僉事

高曇字景雲無錫人由國子生授漳州府判正統己巳鄧茂七構亂曇督軍餉遇寇欲掠其芻糧脅之以刃不屈罵賊遇害詔贈工部員外賜葬漳民立祠祀之

成始終字敬之無錫人正統己未進士授行人擢監察御史陞湖廣僉事有詩名初始終從張思安授業登第歸乘騎拜其師凡五往弗出後徒步往始

出見聞者重思安而賢始終孫周進士官至僉事以風裁稱

楊璿字叔璣無錫人正統己未進士授戶部主事累官山西叅政河南陝西布政都察院副都御史在山西八年督餉實邊事集而民不知勞在陝五年遇西夏有警洪渠水溢調度隄防不遺餘力荆襄南陽流民嘯聚以百萬計璿受簡命往撫遠近帖服未幾盜起房竹璿諭之弗悛一鼓而殲渠魁脅從悉宥之移河南敷求民瘼搜抉吏姦禁游未抑

八品記 卷七

五

豪強剖決獄訟夜以繼日勞瘁疾作乞休不允卒于官從弟琛登進士官禮部郎中亦以勤敏著聲顧琳字汝玉江陰人正統間以歲貢任大理寺副疑獄盈案譚笑決之權豪請託一無所徇己巳之變作詩遺廖忠愍託事致諷薛文清公薦為左寺正論事愈力為同官所構下獄歲餘得釋英廟復辟琳建言時務成化改元公卿稍專恣琳論劾不報歎曰可以去矣遂乞致仕屢薦召之卒不起家居十有五年卒

張鑑字叔明武進人領正統辛酉鄉薦將謁選聞繼

母凶問或勸其就銓而後發喪鑑曰哀發于衷豈能暫遏功名外物吾不能以彼易此即日奔喪銓曹重之制終授南吏部主事歷戶部郎中在部最久出納清慎子璽領鄉薦鑑卽謝事歸囊無餘貲處之裕如也

卜祉字景福宜興人正統辛酉舉人官戶部郎以廉慎稱天順初承委叅訂天下版籍事竣復命蒙敕褒獎方家食時尤落落負奇節嘗肄業學宮路拾

八品記 卷七

六

遺金二裏密伺失者驗實還之人服其介

劉本道江陰人由椽史授刑部照磨從征雲南正統間從討閩寇凱旋陞戶部員外郎景泰間西北邊饑請給價買牛易種與之貴州邊倉侵盜事覺株連不解本道往按逾月而辦天順丁丑進戶部右侍郎總督糧儲先是漕運京糧陸運四十餘里勞費不貲本道建議乞於京軍歇操餘月運糧至京而漕運之糧止于通州交納歲積羨耗五十餘萬石 詔賜二品服以寵異之

黃敏字叔才正統中任興化府經歷潔廉自持人不
敢干以私莆田丞舞文厲民敏械治之後為丞所
誣罷歸莆人立去思碑于郭門外

吳玉字尚璞宜興人正統間由歲薦授戶部主事權
鈔淮上清操苦節有如貧士卒于官蕭然破篋與
旅櫬來歸聞者皆歎惜之

劉弘字超遠無錫人正統甲子鄉貢歷長垣知縣順
天推官東平知州致仕弘氣高視世俗瑣屑輒嘗
薄之政尚嚴明文亦奇古

人品記 卷七

錢綱字孝常無錫人由國子生授偃師知縣威惠兼
濟治有成績致仕卒綱平生負直氣好辨說不苟
容于物其為政亦以是推行之自謂無愧言愧行
云

陳士名字孟聲無錫人正統間以太學生授貴州新
添衛知事苗賊攻城死守得完升南靖知縣以寬
簡稱比致仕歸邑人感而思之過錫山必瞻拜其
廬

孫樞字叔綱武進人由國子生授象山知縣

苛民懷其惠轉太寧都司斷事致仕貧無以自給
郡守劉珏輟俸資之

薛恒字履常無錫人儒士舉知蘭谿縣以公廉著聲
卒于官同邑顧協有文學名恒從之游協有鳴志
集恒梓行之

卞榮字華伯江陰人正統己丑進士歷官戶部郎中
能為古詩歌客京邸卷冊填委頃刻應人之求無
不滿意既謝事歸益肆力詩文名動吳越有蘭堂
集

人品記 卷七

厲昇字文振無錫人性褊介與人不苟合論是非賢
否必伸已見乃已人或迂之昇笑曰吾不迂誰當
迂者以貢士授青田知縣持廉秉公孜孜民隱致
仕歸民立生祠祀之

盛頤字時望無錫人景泰辛未進士拜監察御史以
劾武臣石亨忤 旨出知束鹿縣百姓為之語曰
束鹿令錫山盛清如水明如鏡丁內艱束鹿人詣
闕乞還舊令服除仍知束鹿累官刑部侍郎山東
早饑議改隲副都御史往撫下車禱雨輒應

復甦又雜採古今救荒之政行之一境以寧年未七十乞休歸建方塘書院老焉

施玘宜興人母疾割股療之平生嚴謹對人不作褻語嘗與一僧善僧病篤出私蓄託玘治後事玘令僧封誌之僧歛殯周至而以所寄歸其徒封識宛然年九十七而終

余樞字季樞無錫人明敏博學攻古文辭景泰初領薦授景陵訓導陞岳陽教授轉楚府伴讀乞歸卒門人私謚曰淵敏所著有玉菴集

人品記

九

王儼字廷貴忠子也景泰辛未進士及第授編修天順間爲東宮講讀 憲廟踐祚擢左庶子成化初以念母求改南丁內艱服除會南京祭酒屢以賄敗用特薦起儼修舉教法課學業裁躁妄士風一新九載秩滿擢南京吏部侍郎累陞南京吏部尚書再考乞致仕卒于家贈太子太保謚文肅儼爲人言動不苟尤以孝友稱憫兄子澄之孤移其蔭蔭之嘗購別業有故坐在欲徙之儼不忍闕其垣使歲時祭掃焉

劉觀字廷賓武進人景泰辛未進士授禮科給事中歷湖廣參議福建參政觀性狷介所至聲稱藉甚成化庚子陞廣西右布政使未赴卒

徐溥字時用琳之子景泰甲戌進士第二人授編修累官少師華蓋殿大學士謚文靖贈太師弘治初天子明習國事燭溥忠誠逐劉吉而任之命內閣撰三清樂章溥言不可欽天監正李華罷忽傳旨復官溥言內降一行倖門遂啟臣不敢阿從武岡守劉遜忤岷王王奏逮 詔獄溥言遜情輕謹

人品記

卷七

十

重乃得釋中官李廣以左道惑 上溥言其邪妄廣竟敗誅溥在位十餘年百姓樂業四陲無警天下號治平焉嘗置義田以贍族請命于朝復其繇以爲勸云

趙啟字叔成武進人景泰甲戌進士拜監察御史以言事件 旨黜知介休尋召還按湖廣河南興利除奸風采凜然按江西會大旱 敕啟賑濟條畫有方軍民沾惠詣 闕請留因陞爲江西按察使時有請設各省巡撫者獨江西以啟在不更設也

後改山西送者填道立祠祀焉

徐轄武進人景泰甲戌進士及第性聰敏學問該博

凡有製作援筆立成文不加點與修實錄 欽賜

五倫等書性喜飲終日無醉容不蓄財作家位

居清要屢空屢如惟日與翰墨為生而已

趙瑾字公韞無錫人好善喜施孤貧無歸婚嫁失期

殮葬不具者皆資給之景泰乙亥饑疫死者多棄

原野瑾買棺置通衢縱取不問開義塾教訓鄉間

子弟有鬻田者匿其券將構訟券道傍犬啣置

人記

瑾前遺券者詣瑾謝瑾曰實未有券也以此益稱

長者年九十三卒

薛章憲字堯卿江陰人博物洽聞傑然稱古作者性

復喜佳山水興至輒輕千里走焉居賓坐中歛肱

默然古貌瞿瞿人望而欽之所著有鴻泥堂集晚

號浮休子

李庭芝字瑞卿宜興人廉直簡慈雅有古道嘗同業

師許恒應南試恒暴仆闈中庭芝哀慟即投卷負

其屍出土人無不嘆慕景泰癸丑中式累官平樂

知府致仕家徒壁立妻子不免饑寒泊如也

杜宥字叔寬江陰人景泰甲戌進士授監察御史按

西夏倉幕屏息與倪敬等言事坐貶 英廟復辟

起知英德縣倭寇為患叔築邑城城成而寇至帥

兵乘之潰去通判韶州流亡來歸未幾以冒瘴癘

卒

吳穆字孟遠武進人讀書守禮教授鄉間多所造就

門人王傑為學士往候穆方躬耕耳水灌田與疎

立枯樺下穆曰子盍先入吾室田功畢方得歸與

人記

抵其家久之穆歸所餽金尉悉不受受其有核即

以對談酣暢而別後薦之為鄉飲賓不赴

張遜字時敏無錫人舉景泰丙子鄉試授同安知縣

內監侵民田遜復之適歲饑拊循補救荒政稱最

擢福寧知州改涿州涿為天下極衝尤多闖陞家

遜不阿不激處之帖然陞福州知府振舉廢墜摘

發侵漁聲籍甚會以述職過家遘疾卒

毛理字良寶武進人領景泰丙子鄉薦累官泉州知

府能以簡靜御屬煩既歸鄉人有謂其不能白潤

者理曰家世清白志之不忘正所以潤吾身也家
居屏迹讀書人問何樂曰每觀一書輒有新知以
斯為樂子汝乾亦登進士官南京御史

澄江懶漁或曰張機也字子樞志不在漁有托而逃
焉者所為多陰德事作留耕堂以示世吳郡高啟
有澄江懶漁說

杏林東姓董匿其名隱居盤陽山中不知其所自出
嘗遇異人授鍼術能立起人危疾或報之貲謝曰
吾衣食自給無庸是也第令人種樹舍傍久而

成林因號曰杏林叟吳郡高啟作杏林叟傳

朱昱字懋陽武進人博綜群籍留心著作尤長于詩
聞王學士陸善梅花百律追和之晨起濡墨不移
晷百篇卒就至今傳焉所至倒屣倡和盈卷王文
肅煥修郡志借方于昱者多昱又為續志八卷文
肅嘉賞尤亟稱其孝行云

朱憲字子成武進人好讀書慕古幼作詠天詩朱昱
見而奇之為諸生游心理道峭直崖異以註誤免
家亦貧邵文莊移書郡守以官屋居之尋又以詩

禍幾大譴唐中丞為言當道得白以窮愁終

秦旭字景陽無錫人莊重寡言居處有度里中有為
不善者輒相戒勿令秦翁知善吟詠與李應龍結
社于惠山之麓卒年八十五友人私謚曰貞靖先
生

秦夔字廷韶旭之子天順庚辰進士守武昌興學課
農緩刑均役治行為湖南第一累官布政所至惠
澤及人既去皆立祠祀焉歷官四十年僅有田三
百畝人稱其廉父歿夔年六十餘哀毀感疾卒人

稱其孝云

秦旦字永孚與字仲孚俱旭子且忠厚沉默擇言而
發與更直諒多才統旭生子三長夔以進士起家
二子居家侍養四十餘年左右無方曲盡孝敬父
患心痛醫謂胸血可療二子競坎胸出血和酒以
進父疾竟愈母傷膝創潰競以舌舐之創亦尋愈
監司以聞 詔旌其門曰雙孝旦子鏗字國和母
張病痿又瘖不能言鏗以意揣其欲而調護之便
溺坐起躬自抱持積十九年如一日鏗弘治甲子

鄉薦自母病卽廢南宮試有司勸駕力辭不赴母卒而老矣乃卽家授南京都察院都事與奩子銓亦稱雙孝云鏜子淮字伯川孝謹長厚以貢授辰溪令廉平宜民子禾成進士監稅揚州淮遺書曰吾不治生產無以遺汝汝有今日當會此意汝子亦不待汝遺也瀚字叔度性方嚴篤行誼食廩濱貢以子梁成進士遂棄之涵字李宏舉于鄉官通判操執不苟自旭至淮歷四世皆恂恂篤行錫稱有家法者必推之子孫科第亦最盛

人品誌 卷七 七

白昂字廷儀武進人天順丁丑進士授給事中因黃霧之變上言六事為應天府丞定議役法為操江都御史降海賊劉通為兵部侍郎修 祖陵會歲侵節費以賑饑者既而河決武原 敕昂往治自陽武至儀封築堤以防張秋之決引中牟之水以入淮濬宿州古睢河以入泗又多為渠堰于徐死之間以殺河勢高郵築複堤以避風濤人呼曰白公堤為右都御史令御史歲報有司實否視所報當否為殿最請籍天下軍戶以便勾稽籍土田高

下以稽水旱為刑部尚書奉 詔修問刑條列定百餘事迄今遵行以太子太保致仕居官四十餘年未嘗責怨于人尤厚于鄉里以緩急告悉為排解內行修飭未嘗御二女痛弟蚤世移蔭其子立義學以教族人子弟卒贈特進太保謚康敏吳淵字本深武進人父昌歸德府同知有善政淵舉天順丁丑進士授刑部主事歷陞福建知府郡多繫囚淵雪其枉者百餘人決遣五百餘人不決旬徒行為空貧民進租以數萬計淵為裁省浮費勸

人品誌 卷七 七

輸有餘民不擾而公賦足民戴之若更生嘗路者皆推薦之以母老致仕歸養沈暉字時暘宜興人言動謹飭天順庚辰進士累官副都御史巡撫鄖陽總理調度聲威震遠後以南京工部侍郎致仕居家不妄與人接惟杜門玩諸儒文集及古今圖史尊崇理學居已下賢人謂其褻躬甚潔用法不無少峻云陳賓字朝用士名之子天順甲申進士授吏部主事歷考功郎中為人精密峻厲恒以執法任事

福建布政致仕

陸簡字廉伯武進人成化乙酉領解丙戌進士第三
人授編修預修宋元綱目累陞詹事兼侍讀學士
兩典會試號得人學問該博識趣超遠不于官贈
禮部侍郎

張盛字克謙宜興人天順庚辰進士授工部主事佐
理河道有功累陞山東叅政為人廉直負氣遇事
少容僚佐忌之左遷福建運同時年老或勸其稍
營歸計輒面折之未幾謝病免家才舊屋數楹門

人邵賢輩為之醵金改築焉

李雲字時望宜興人性敦朴為於孝友登天順乙未
進士初授戶曹改儀部奉職勤恪疏革晉邸息羊
却羞首進獅三晉以為美談累陞福建布政年五
十即乞休優游林下二十餘年時與野老談理農
桑雖鄉人亦忘其為金緋岳牧也

蔣朝憲無錫人少失父母哀慟骨立貧不能葬席藁
枕塊者三十餘年邵文莊亟道其行眾爭賻之乃
克葬

周玉靖江人故浮梁令成化初門人戴珊以直指按
江南訪玉玉與媼曝日茅簷下見惠文諦視曰此
戴珊也問何官曰御史呼媼設雞黍留珊請割
俸玉辭請治宅又辭後竟無子

芮畿字惟瞻宜興人天資絕人讀書過目成誦為文
豪邁俊逸登成化丙戌進士官刑科給事中多所
論列弟稷字惟馨亦登辛丑進士官兵科黃門聯
雁一時稱盛焉

張勳字良輔武進人性狷介潛修力學細行必謹先

世以軍功延府軍衛千戶之賞勳應襲以讓其弟
烈正統間以孝友明經舉不就成化間以賢良舉
亦不就高其行誼舉為鄉飲賓者七有詹成
者無子以百金托勳治後事成勳舉還其妻封
識無改仍為治材擇地葬焉勳始無子至是夢成
贈之蘭蕙因舉二子人以為陰德之報云

陸淵字文靜武進人少力學有志尚為諸生時遇里
人負錢被逮惻然解衣與之應次入貢同學友以
母老懇讓淵曰吾親亦老然君視吾尤迫卒讓之

既司教奉化有門僕入錢云得之鬻子遽遣還之
淵行率類此卒以子貴贈戶部郎中

薛為學字志淵武進人成化丙戌進士授御史按荆
襄撫流民請設州縣立衛所宣威布德眾賴輯寧
爭呼曰慈父未幾卒于官為學歷臺中十有二載
風標峻爽論事剴切中貴咸畏憚之呼薛繡衣既
沒荆襄之民皆立祠第承學成化辛丑進士令麻
城強敏有幹亦以官卒

談綱字憲章無錫人舉成化己丑進士授南京刑部

人品記

卷七

九

主事出守廣信移萊州敦尚教化每暇輒詣學集
諸生講論經史竟日不倦念母春秋高遽引疾歸
凡官中外二十餘年囊無餘資性嗜書老不釋卷
所著祠堂考慮草多獨得之見

邵珪字文敬宜興人成化己丑進士授戶部主事累
官嚴州知府性穎拔為詩文多藻思有半江帆影
落尊前之句人皆稱善因號半江先生

邵暉字日照宜興人成化己丑進士累官吏部考功
郎中敦慎簡淡門無私謁公餘惟靜坐一室而已

子棠以孝聞

昆陵人品記卷七

人品記

卷七

三

毘陵人品目八

國朝

蔣容

卞謹

李雲

顧復

李琨

王沂

華山

卜同

胡璉

周磨

繆昌

唐恒

呂宙

尤弼

白圻

莫驄

張愷子琳

胡孝

吳儼

萬盛

邵實

白坊

王珀

胡攀

華津

潘緒子符

談書

吳鳳

人品記

吳汝憲

徐紘

高璣

唐貴

顧冶

楊文

羅柔

秦金

陳策

錢榮

邵經

華景

湯沐

貢安甫黃昭史良佐

杭淮

徐問

王奎

惲巍

朱絃

徐淮

錢黼

嚴朔

談縉

邵天和

秦用中

張九方

錢文子百川

周金

丁致祥孫翰

胡忠

唐瑤

周衝

顧彥夫

周之禧

毘陵人品記卷八

國朝

蔣容字德夫武進人成化壬辰進士知潞州藩府軍
枝恣橫容不少貸王奏徵詣闕潞民隨之訟寃者
二千餘人容竟得白改潼川州與中涓忤事多掣
肘遂謝官歸囊有餘俸均分子姪先世所遺田廬
悉讓兩弟鄉人義之

卞謹字寅之武進人成化壬辰進士為人蘭清玉潔
眉目如畫父嘗以誣被繫謹方幼日躬操飲食進
之獄家人請代弗聽初授兵部主事以使事經齊
魯適大旱疫感疾卒發其篋得疏一通言東方水
利荒政甚悉衆咸悲之

李震字時亨宜興人成化壬辰進士任兵部主事子
杲字孟寅亦舉進士授南吏部主事震慎重善啟
後進杲方嚴勤敏志于古學父子官俱不顯而卒
士論惜之
顧復字德中靖江人事母至孝成化間以貢士赴銓
歸省母母強之銓竟以念母歿之日母夢聞哭

聲驚曰噫吾兒死矣以復衣冠置柩上每母慟則躍起覆地

李現字德嘉江陰人成化乙未進士拜御史按山東兩廣風裁凜然臺臣有冒寵納賄者現劾免之直聲愈震尋卒

王沂字希曾偃之子成化乙未進士授禮部主事定錫予四夷重輕之則著為令 憲廟山陵廟祧遷祔之儀多沂草定累遷副都御史巡撫真定裁革苛歛貧困甦息增葺大同諸處關隘寇不敢犯卒

人品記 卷八

於官沂端方剛介在官三十年持身如一日母吳溺歿北河沂在署年哀號如不能生每舟過溺所輒慟幾絕所得恩蔭以移其姪其孝友蓋天性云 華山字仁甫無錫人忠朴醇謹平居恂恂而遇事抗直不撓舉成化乙未進士知許州有王食事子為大司馬婿怙勢殺人法當死上官欲曲全之山免冠額天卒寘之法許隣 徽藩奸民以地獻山堅執不予陞兵部郎中出為湖廣叅議適楚歲饑發粟賑施不待報可居二年乞致仕歸華為無錫右

姓其成進士自山始貴而能貧亦莫山若也

卜同字從大宜興人成化乙未進士授刑部主事累官湖廣僉憲嘗偕僚友宴集黃鶴樓憲長屬為賦尊俎間搗千餘言出如泉湧滿座奇之

胡璉字公器宜興人質直好義勵志經學嘗建議革淫祠復岳武穆衛將軍廟增祀吳師古邵材錢卽於鄉賢由舉人任新城令陞福寧知州改知歸州所至愛民慎職有古循吏之風焉

周磨字克禮武進人成化戊戌進士任江西萬載以

人品記 卷八

剛直忤郡守調福建永春除豪強清逋賦決淹獄擒巨盜民甚德之歲除齋居庭下忽蛙鳴逐之復至磨嘿念曰未蟄而鳴其有寃乎因起隨蛙鳴所之至於馬道傍有井蛙因投焉掘得枯骨有釘貫其頂悉心推求始得主名寘之法邑人稱快為作青蛙記陞太僕丞卒于官

繆昌字廷謨無錫人成化戊戌進士授工部主事奉敕勘勢家地還民民立生祠于武清出為山西叅議遷守遼海歲饑議以平價糶粟于軍秋收糶粟

補官萬口稱便擢四川布政使尋卒昌性寬行和
遇事若不欲忤人意於理或違則崇高不阿人有
不善未嘗斥言但正色對之而人默改庶幾恂恂
君子云

唐恒字公常無錫人幼喪父哀毀骨立奉母周甚孝
適大雨裂龍山麓水衝父塚恒負土填壅不克又
貧不能遷無何喪母母屬纊謂曰塚陸沉奈何恒
痛母言即以鐵鎖繫項仰天誓曰恒不徙墓不去
此鎖懷憤六年病革親友爭為脫之恒捫鎖淚下

人品記

卷八

四

曰吾解此無以見吾母子地下竟抱鎖歿是後山
水漸殺墓得不傾巡按御史東郊祭其墓

呂由字宜中無錫人成化辛丑進士釋褐大名府推
官轉衢州永平拜監察御史為人簡易端確不事
生產妻子交謫浩然不顧也由欲為其子元夫乞
婚邑中巨室莫有願者已而元夫亦舉丙辰進士
累官南京通政使

尤弼無錫人成化癸卯鄉舉為蒼梧令果介自信嘗
七疏西南邊務多見施行四宰劇邑竟為要人所

逐居家貧甚以壽終

白圻字輔之武進人康敏公仲子年十八舉成化甲
辰進士賜歸娶授南京戶部主事累陞副都御史
總督南京倉儲先是察浙藩有希權貴意請開銀
礦者圻列其利害議歲輸代課公私稱便為山東
布政中涓有進香泰山者挾邀重賄圻婉謝不應
尹應天時申飭康敏所定役法仍條上便宜七事
皆切時弊查核倉儲宿蠹一請以內艱歸卒于家
莫驥字曰良無錫人成化甲辰進士授工部主事議

人品記

卷八

五

建濟寧石開歲省費數萬至今賴之有闕垂殺委
官疏寘之法權貴欲戢改兵部車駕郎興藩之國
索車千兩驥損其半為內侍所訴有 詔械繫旋
釋歸卒年四十七驥有至行少孤鞠於季父慶終
身父事之母費安人嗜筍驥從外父官汝寧其地
筍良市之歸而母已逝終身不忍食筍

張愷字元之無錫人成化甲辰進士官兵刑二部主
事為中貴楊鵬所羅織左遷順德通判歷東平知
州會大璫李興治水張秋所至督辱長吏吏亦奔走

饋遺恐後愷徒手謝之大璫知愷廉無所問更加敬重擢守黎平諸苗感化卒見黜于逆瑾以其勁節終不屈也瑾誅薦除山西太原知府陞福建都轉運使以疾歸行李蕭然愷清峭壁立人不敢以一介溷之居家三十餘年擁書閉戶屏跡公府嘗有盜夜入其室發篋空無所得嗟嘆而去子琳篤學有孝行嘗持金市繪遇所親以通稅受繫即為代輪說者方諸麥舟之義云

胡孝字企參宜興人成化甲辰進士累官知府家至

人品記 卷八

貧篤於孝友父申為濮州學正性嚴毅每誦責孝必愉顏婉色以受之父卒于官孝徒步奔喪慟絕始蘇恩愛群弟感之如父

吳儼字克溫宜興人操勵清慎居鄉有士行舉成化

丁未進士以庶吉士授編修久之遷侍讀學士逆瑾欲與交權不應因摘其試士題為罪坐黜瑾誅復起南學士陞南京禮部尚書 武宗北幸借府部大臣極諫其秉經議禮多合古意卒謚文肅

萬盛字與夫宜興人由歲薦授九江府推官以公廉

自矢辨釋要囚十餘皆畫像祀之人有過無貴賤面折不容端方剛直為儕輩所重年未六十乞休八十有三卒

邵寶字國賢無錫人生而質直年十八問學于莊定山先生舉成化甲辰進士知汝州以禮讓為治入為戶部郎歷陞副使提學江西以身為教士習不變宸濠索題咏皆却之後濠敗人服其先見累陞副都御史總督漕運劉瑾怒平江伯陳熊欲論殺之饋寶千金俾劾熊寶拒不納瑾怒勒致仕瑾誅

人品記 卷八

起巡撫貴州陞戶部侍郎以母老乞終養久之陞南京禮部尚書嘉靖初復申前命俱以母病辭特詔予終養一日晨起謁先聖及家廟既退端坐而逝謚文莊寶志行端介踐履篤實一切聲色貨利嬉遊無益之事絕口不言蕭然環堵閤然自修學者稱為二泉先生嘗曰願為真士夫不可為假道學世以為名言

白坊武進人昂季子領成化丙午鄉薦授兵部司務轉吏部雖世家子而謙厚自持與寒士齒退朝理

堂事退堂則闔戶讀書日有課程家居時見族有貧乏者輒衣食之

王珀字廷瑞武進人成化丁未進士授御史巡南城中涓貴戚一時肅然有嫉之者謫睢州判官改知都昌陞瑞州同知南雄知府卒于官雖有二亮陰結大盜其跡甚秘珀伺而擒之都昌有讐家殺人匿其屍珀鞠而置之法南雄有權場漢番諸貨所聚權充公帑守土者率以墨敗珀無所染珀貌嚴肅論議有條遇大事決大疑他人所難者珀處之

人品記 卷八

裕如其材有過人者矣

胡華字惟峻武進人成化丁未進士授行人選御史初按京師搏擊不避權貴按閩獄多疑滯因感異夢剖斷中情人以爲神陞廣東副使先是以清牧馬草場忤權貴其人挾逆瑾熾自廣逮華至京詔獄罪且不測卒得理還職累陞廣東布政使以母憂歸數年卒

華津字濟之無錫人成化丁未進士令松滋陞刑部主事改戶部監通州倉剔弊除奸不避中貴時逆

瑾用事公卿多趨媚之津獨長揖衆慮禍叵測及津至見瑾于左順門瑾第謂之曰華先生來何遲盍徃事事竟莫能害累陞山西右叅政卒于官

潘緒字繼芳無錫人好讀書能詩秦貞靜開吟社於惠山結十老會時緒方壯貞靜招之或疑年少貞靜曰古不有忘年交乎既入社衆皆稱敏性篤孝痛父蚤世每上塚輒爲泣下母性嗜棗遇嘉棗必懷歸家世儒醫暇取靈樞素難諸書誦繹之曰此吾家舊業不忍棄也遂以醫名子符亦稱博洽

人品記 卷八

九

談書字子虞宜興人家貧事母至孝歲資館修以贖菽水母歿每食必奠終其身爲諸生繩趨尺步言簡行恭士林重之

吳鳳江陰人家食貧賣錫爲業晨出必齎一餅納諸懷中歸以遺母又嘗貨骨簪雜物以給養有一惡少虐取之鳳不爲較或曰何懦也鳳曰設吾較之言及父母其辱何如母亡丐貸以歛蚤夜傭作以償之既葬每夙興拜墓下進餅食如初伐樹枝爲屋棲號墓側歷十二寒暑不變 詔旌之

吳汝憲字道卿無錫人朴茂方正言笑不苟邵文莊見而奇之以女歸焉補邑庠生以文不投時見黜文莊言於督學復之汝憲不屑也遂屏去青衿以皂帽常服終其身兄嘗以事繫獄汝憲亦自囚一室籍草食糲一如獄中人勸之輒泣其兄得釋而後出其治家嚴而不苛訓子姓惟務孝弟勤儉以古先賢為楷與人交洞徹肺腑存心不欺無愧屋漏年七十五而卒友人私謚曰貞簡

徐絃字朝文武進人弘治庚戌進士由刑部主事陞

廣東按察司僉事時白沙先生講聖賢之學絃首式其廬建周元公書院嶺南地連山海吏多不檢絃發摘奸伏墨吏多望風解綬去陞雲南副使卒于官

高璣字齊之武進人少喜讀書尤邃心理學論學必主繕修說理必本洛閩于伊川紫陽二先生擇其要語繕寫成帙時時玩繹體驗于事親從兄問確乎以繩墨自守家故貧處之裕如嘗有詩曰幹蠱與才子言貧是乞兒孔門多樂地殫力任耕犁

治間 詔舉經明行修之士邑人交薦之辭以親老不就郡守敦請為鄉飲賓亦不赴卒祀鄉賢祠中以布衣祀者惟謝應芳朱昱與璣三人而已

唐貴字用思武進人家貧無以為養至手錄時藝售之以贍父母登弘治庚戌進士授戶科給事中寄語諸弟以權利為戒奉 敕稽覈兩廣倉庾諸逋悉清民亦稱便比其歸名香珍藥一無所携不久卒

顧治字世叔無錫人少長紛華心厭之避而之深之

吳時時寄居禪宮道院敝衣破履率意去來對人非故知不出一語性甚孝居親喪哀毀廬墓癯然骨立能文詞所著有夢言五億九居士傳

楊文字宗周無錫人少嗜學躬耕自給自諸生為進士九業三經靡不精治司教金華上治道八事入為國子監丞應詔陳言深切時弊監有膳餘若干主者分致拒不受未幾遷長史引疾歸學者稱為淡成先生

羅柔字文微無錫人弘治庚戌進士為戶部郎出納

明允擢守建寧時流賊旁掠人情洶洶柔挺身捍之賊由他道去爲吏耻事逢迎有貴人督過飄然拂衣歸入官廿載歸囊如洗徜徉湖山寄情詩酒貴而能貧貧而能樂柔兼有之

秦金字國聲無錫人弘治癸丑進士授戶部主事中官外戚競乞鹽引金執奏止之督學河南行部至封丘流賊奄至逆破之于陳橋歷官副都御史巡撫湖廣擒斬賀璋廖琪討平彬桂及香爐山諸苗時中官傳旨索鯉魚秧督責嚴峻金疏言不可

人品記

卷八

十三

事遂寢武廟南征權幸橫索金抗辭直奏以一身當之民賴不擾嘉靖初入爲戶部侍郎尋陞尚書與獻太后上尊號曰章聖吏部侍郎何孟春等爭之上問倡者爲誰孟春言臣與尚書秦金等仰戴高深欲效涓埃之助心惟一理口實一辭無庸於倡既而冊文頒示金與孟春等俱不起行禮上切責會例自陳詔聽其歸後以薦起南京戶部尚書尋改工部以引年再疏得請卒謚端敏金志在經濟而守之以正居常恂恂樂易及當

職守毫髮不可奪獎善覆惡薦寵後進人稱長者云

陳策字嘉言無錫人少孝友弘治癸丑進士授戶部主事遷員外郎中出守饒州值盜發桃源洞單騎入巢諭降之以洞僻遠奏建萬年縣治縣爲立祠尋擢福建叅政時汀漳盜起策殲其渠魁蘇世浩餘黨悉降擢江西左布政值宸濠亂後撫綏凋瘵民賴以安策平居任直不立唯岸及當大事經畫周密動中機宜未幾致政歸卒

人品記

卷八

十三

錢榮字世恩無錫人弘治癸丑進士爲戶部郎以介執著聲武廟駕自南郊還百官迎道左邏者忽執榮下詔獄訊鞫無所得乃免時逆瑾亂政榮三疏乞歸養家居數年不入城府恂恂文雅人稱長者其居官大節又凜不可犯云

邵經字孔述江陰人以鄉舉守潞州桑梓蔭城二鎮負固相攻官兵不能制經單車徒步收之濬潘暴橫繩以法一無所徇有好黨十餘輩匿潘府率吏卒入捕之因檢王不法數十事抗章列奏

王亦誣以試題犯 上下詔獄窮治無所得釋之
既歸貧甚杜門自守邑令饋之灘田謝不受

華泉字文光無錫人弘治丙辰進士選庶吉士為戶
科給事中上疏以正君心肅紀綱精選舉杜私門
為首務至論天下之財聚於大臣大臣之財聚於
內宦人皆傳誦已未劾考官程敏政擬泉外補

孝廟親定南京太僕主簿至除免馬價後輸之罰
斥屬官常例之饋轉寺丞出守韶州清操益勵陞
四川叅政鎮守內臣饋金鉸扇百握對使者焚之

人品評 卷八

十四

復以重寶嘆泉欲市茶西番泉峻却不許遷福建
布政江彬用事部曲四出索貨于藩臬獨憚泉威
名不敢肆 世宗登極奉表入賀還卒于家

湯沐字新之江陰人弘治丙辰進士授崇德令擢御
史按三晉時逆瑾擅政為其私人道地沐不可遂
出為湖廣僉事尋謫武義令瑾敗以原官督廣東
鹽政遷福建副使累遷大理值欽明大獄起 上
意有所嚮沐昌言不敢縱舍傷平明之理竟免官
廷臣交薦不報沐性嚴整閭門之內肅如朝典凡

鄉曲後進車蓋至其門故偃蹇不出出則自踞上
坐以折其氣有善賞獎借則又津津未嘗置也與
父老故人班坐痛飲如微時能使忘其貴生平廉
潔自喜饋遺皆屏絕故居官三十餘載門第冷落
僅有竹莊數畝而已學者稱為沂樂先生

貢安甫字克仁江陰人弘治丙辰進士為長垣令擢
御史時壽寧侯張鶴齡怙寵驕甚安甫抗章劾之
壽寧銜之切骨賴 孝宗神聖弗罪也 武宗嗣
位考功楊子器以山陵事下 詔獄安甫疏救兵

人品記 卷八

十五

部劉大夏請老歸安甫疏留時論題之逆瑾擅政
相臣劉健謝遷相繼引去安甫草疏約同臺力爭
瑾怒矯 旨逮訊鎮撫司旋收錦衣獄久之廷杖
三十發編戶歸家闔門不入城市瑾誅 詔還官
屢推不起再以薦起山東僉事不三月引疾歸安
甫性負骨鯁見正德中時事多不可意每裂眦出
血叫呼不能已自念身在外臺不能補拾遂有浩
然之志屢薦卒不起居家以孝友聞同時與黨藉
者主事黃昭御史史良佐皆同邑人

杭淮字東卿宜興人弘治己未進士授刑部主事提學雲南故事沐府秋祀潘杲以朝命主祭翌日沐祀請陪淮曰昨君命當往今私祀何陪焉遂不往累官至中丞廉平明恕以志節聞軾悟當道遂解組歸倡詠于泉石者數年累推不起所著有雙溪集

徐問字用中武進人廉介好修弱冠登弘治壬戌進士除廣平府教官召為刑部主事歷郎中值權倖縱橫問持法屹不能動出知登州調臨江以方畧

人品記

卷八

六

擒獲大盜數百人尋遷長蘆運使轉廣西叅政累遷廣東左布政適遣中使採珠不中程御史欲下令責諸賈問曰珠有禁不趣賈為盜耶事得寢問亦坐是受部叅賴天子聖明不問無何入覲以廉受上賞尋撫貴州夷俗獷悍喜相毒隘問建貴陽書院祀濂洛關閩諸賢群多士而訓誨之夷俗漸歸禮讓擒獨山土酋賜璽書褒勉尋陞兵部右侍郎自謂於學問未有豁然處因請告歸棲遲芳茂山下潛思力究凡十年起南京禮部侍郎進南

京戶部尚書甫數月復乞歸登第四十八年家無長物田不滿百又割以贍寡嫂其學以紫陽為宗窮理致知為入門敬義直方為實際滌除習氣為工夫恬退廉潔則其天性也所著有讀書劄記山堂萃稿卒謚莊裕

王奎字文明武進人弘治壬戌進士授行人選南道御史陞江西僉事在南道時有二重獄皆已誣服奎皆得實立為平反江西德興尹貪墨奎將按之其人懷百金求貸奎怒斥之卒按其奸既勦桃源

人品記

卷八

十七

洞叛寇俘馘甚衆餘黨悉從撫諭民德之為立生祠

懂魏字公甫武進人弘治壬戌進士由戶曹歷湖廣兵備副使嘗從王文成用兵在武昌計擒叛魁趙燧中丞毛伯溫薦以自代閣壘索賂不遂削其功罷歸所著有東麓存稿

朱絃字廷和無錫人弘治壬戌進士知臨海縣擢御史出按貴州貴士俱就試雲南絃請兩省分試詔從之以抗直摘判福寧轉長泰民為建祠累陞

雲南府同知代府長史致仕

徐淮無錫人以貢為上高訓導贊物一無所問貧者顧有資焉三檄之署縣皆辭母病乞致仕御史重其去淮固請而歸邵文莊為之志

錢輔武進人以貢選冀州判官主辦內府薪炭時權奸挾勢乾沒主者率徵禁被害輔棄官歸為人剛直人有過必面折之先與吳學士仁夫輩立社講學至是與邑中士大夫家居者相追隨輔歸最先年又最高士大夫皆推尊之贈以詩歌題其卷曰

高尚

人品記 卷八

十八

嚴朔無錫人少失母依祖母周以育祖母病夜輒焚香額天求代祖母尋愈人皆稱其孝祖產不及中人其兄意在兼收朔甘以教授養母一毫無所析人皆稱其悌竟以貧老

談縉字朝章無錫人蚤歲即厭章句留心聖賢之學謂不離言動倫物者是兢兢實力焉每臺使者行部必謁其廬所著荷橋子皆篤實力行語也

天和字節夫宜興人珪之子正德乙丑進士由庶

吉士授吏科給事中劉瑾擅權屢差勘問外官旋

差查盤河東鹽課俱無所賄瑾銜之謫判曹州復

職御史劾其受平陽府饋捏旨削籍瑾誅事白

晉符承歷陞雲南副使所至以清白稱卒于官

秦用中字擇之無錫人生而穎異日記千言長攻古

文詞以貢歷官泰順教諭自免歸才望重于一時

與莊定山李空同諸公倡和有西湖浙游二集

張九方字應舉無錫人領鄉薦授汝寧推官不畏強

禦嘗路忌之棄官歸售文自養買舟名浮莊往來

人品記 卷八

十九

梁溪之上娛情泉石積月忘返有覆簣歸田等集

錢文字章靖無錫人生而異質為邑諸生累舉不第

刻意於詩所著有希齋詩子百川字東之亦能詩

所著有寒齋稿

周金字子庚武進人正德戊辰進士拜給事中陞太

僕少卿都御史為人警敏濶達不為拘謏詭激都

督馬昂納女弟于後宮跡疑李園金請誅昂而黜

其女女竟黜凡軍國要機金陳利害悉中機宜如

議狼山擒寇功及復哈密事者以數言而定先是

寧夏甘肅相繼告變帥臣多懷危懼金至開誠信
用寬簡以收士心大同殺撫臣宣府圍帥府幾于
激變金皆從容諭以利害眾歡然叩首而退金之
應機定變類如此家居八年起撫保定總漕漕會
章聖梓宮南祔諸護行者畏江險將從陸金力諍
山險甚于江卒由江行如期而葬沿江千里皆受
其德官至南京戶部尚書

丁致祥字原德武進人年幾五十始以儒士舉登正
德戊辰進士授戶部主事漕舟自江達淮途中多

人品記

卷八

二十

清致祥督漕議復儀真廢開歲省費數萬運以通
達累陞河南布政司叅政以老乞致仕歷官三十
餘年囊無長物惟題詠篇什甚富孫翰落拓不羈
亦有文名

胡忠字企周宜興人正德戊辰進士授戶部主事為
人不修邊幅入官儉素一如寒士累陞廣西叅政
會劇賊王鏐士官岑猛負固戕殺守臣勢甚猖獗
忠攬轡就道七日王鏐就擒岑猛遁匿廣西平摧
都察院副都御史鎮守延綏致仕

唐瑄字國秀貴之子由鄉舉選信陽知州累官永州
知府居官以惜民財重民命止風俗為急信當孔
道裁革煩費永多客戶富室有嬌則客戶強納為
室瑄斃其一二魁傑婦始得安自以不能事父養
母痛心恨慕取詩有懷二人之義以自號信陽諸
生有制終廬墓者造其廬永州屬吏有母年八十
以雛憂剪髮寄者其人居官如常力請黜之其篤
厚正直欲人同歸于善類如此先世遺田二百畝
屋一區歷官四十餘年無所增益鄉人稱之無異

人品記

卷八

三

辭云

周衝字道通宜興人韶年以孝聞雖甚暑至母榻不
敢裸體稍長從仲兄衢授尚書篤志于學正德庚
午領鄉薦司訓萬安擢應城令以德化民民為立
生祠以耳疾改邵武教授尋遷唐府紀善 王世
子以讒間衝動以至情 王感悟愛 世子如初
久之聞母訃一痛而絕學者稱為靜菴先生
顧彥夫字承美無錫人正德庚午鄉薦授太常寺典
簿累任寧波府同知所至以廉能稱著慈谿縣

民為立生祠及清清堂俸餘悉以給親族卒之日貧無以殮

周之禧字子敬肅菴公從孫嘉靖乙卯舉人為太康令生平不識機心械事性鯁直不善諧俗落職還里與相知為真率會談學砥行人謂靜菴公不亡云孫延儒萬曆癸丑會試廷試俱第一

昆陵人品記卷八

五

昆陵人品目九

國朝

毛憲 孫中孟 葉夔 子金

吳閻 吳仕 梁榦 蔣亨

胡憲言 蔣同仁 喻義 顧可久

周振 呂朋 吳玘 蔣寔民

吳仲 楊淮 華倫 曹珂 子景賜 陳燹

曹卿 孫鑾 龔大稔 惲金

張袞 浦瑾 子應元 朱得之 弟庶 劉乾

蔡金 孫敬夫 陳周 子鳳 徐玩 萬吉

程飛卿 董紹 子士弘 侯祖德 唐音 子

丘登 唐順之 黃正色 張選

王表 子立道 薛甲 薛南 吳元

潘松 周仕 段鏞 俞紹祖 祖

王忱 陶澤 薛應旂 子近 吳性

蔡元銳 弟元 浦劭 弟濟 陳阿皮 高材

王問 萬士亨 萬士和 周菴

蔡雲

毘陵人品記卷九

國朝

毛憲字式之武進人自幼性端重寡言中正德辛未進士拜給事中疏論大臣怙勢為姦利者數人內外肅然 武廟西狩 儲嗣未建舉朝諱不敢言憲獨懇疏不報比回鑾有彩幣賜近臣憲疏辭不受因謝病歸與同志講求理學學者多尊師之稱為古菴先生憲立身治家悉有規格歲時祭祀一遵家禮置義田以贍三族與人交情義懇至于必

人高記

卷九

一

生患難尤篤所著有諫垣草古菴文集毘陵正學編人品記孫中孟歲薦司訓孝友伉直有祖風葉夔字司韶武進人力學好古甘貧守正正德末歲貢京師值 武廟南幸貽詩以諷當事授汝陽司訓 世廟登極議大禮夔亦有繼統不繼嗣之說永嘉聞之走書邀夔夔笑不應會繼母年高乞歸當事不允夔投牒而去宋末必事諸臣未秩祀典奏記當路建祠祀之慕謝子蘭之賢作景賢錄其其基為置祀田嘆人心不古自號志心已復號存

齋病革猶手書謝上蔡人能操無欲上之心數語云此心學之要也子金以乙科官別駕亦有父風

蔣亨字元貞武進人正德辛未進士為南臺御史

武廟北巡亨抗章請 回鑾建儲甚切三上皆不報庚辰 駕南幸駐留都伏行在以必爭人咸危之亨弗為動陞河南按察司僉事忤時貴遂謝事歸亨以風節自持沉靜端毅謹守先業一無增飭其清白允罕儂云

人高記

卷九

二

龔大有字士謙武進人正德辛未進士令廣平清內監奸胥之蠹遷南京御史值宸濠之變 車駕南巡復將東下人情惶懼臺諫將具請回鑾一御史當為首胸縮畏禍大有銳然具疏上之不報既而論吏部尚書喬宇頗著直聲後中以考功法請以原職致仕

吳閻字朝言武進人正德辛未進士授行人選監察御史慷慨論事選司通關節閻劾去四人都御史陳金謀復入院閻率全臺劾止之又數論奸邪蠹

政歷數錢寧谷大用等之罪值考課有讎問者嗾御史王琳誣奏問附錢寧免官曾不察問之累劾寧好也

吳仕字克學宜興人為人剛重有廉隅正德丁卯鄉試第一登甲戌進士授戶部主事改禮部歷山西福建廣西河南四省督學設科條抑徼倖評薦文藝衡鑑甚明偶有忤于當事輒引疾去門鮮俗賈與二三高賢觴咏于石亭林泉間陶然樂也

梁翰武進人正德丁卯舉于鄉仕湖廣竟陵知縣平

生方正自持後進從之游多所成就居官以廉能稱祀名宦見竟陵縣志

臧宗善武進人自少攻苦食淡以清節自勵貢為扶溝訓導乞歸受徒講學餽粥不給裕如也

胡憲言宜興人以貢授合浦縣丞居官廉介不苟郡守張獻負海內望顧獨重之令數如毀不為動俄令以墨敗守將廉其邸令陰索寄憲言憲言為護還之封議寔然令始悔泣守因屬憲言攝令固辭遂乞休致仕

蔣同仁字公甫武進人正德甲戌進士官至嘉靖初 詔按問獄多平反癸未議大禮伏闕受杖幾死久之陞參議歸杜門却掃偶郡守過訪魚服出迎吸茗相對旋即避居漏湖雖親戚不見其面喻義字宜之無錫人正德甲戌進士授戶部主事累陞武昌知府甫八月丁憂當路廉其清白令有司賻之一無所受服闋補廣西南寧時中州二酋爭立舉兵相攻義往諭以利害酋即帖服在任幾三考為同寅舉廉遂疏歸居鄉以淳厚稱

人品記 卷九

四

顧可久字與衡無錫人正德甲戌進士授行人時武廟將南狩可久疏諫下 詔獄杖之 世廟即位首錄諫臣拜戶部員外郎值 獻廟議起可久復上疏諫復杖之出守泉州擢廣東副使行部瓊海禁山海關說上何尚黎出劫按圖窮治境內帖然俄落職杜門却掃屏迹公庭性善吟咏有溫陵虔州珠崖在淵諸集

周振武進人正德丙子鄉薦後令餘干以興學善俗為首務會歲稔出巡呼所屬宜課濟再令天台有

橋當要道隨造隨圯振以石柱爲之屹不動人皆
利涉以振晉陵人名晉陵橋前後爲縣八年俸人
悉代貧民輸負曩歲蕭然兩縣民立祠祀之陞雲
南巨津知州未及引年而退性最孝事兄如父聞
兄聲歎雖在別室必起立振一子兄五子析箸爲
六尤人所難也

呂朋字志同武進人中正德丙子鄉試歷官廣東市
舶司提舉爲人廉潔恬靜一介不取歷官幾二十
年家不增一椽一櫬受旌薦者十餘章終回翔州

人品記 卷九

五

縣允散之秩而已

吳玳宜興人正德丙子江西有寇僭號稱亂勢甚猖
獗玳時爲縣令士薄勇於赴闕遇害事聞贈知縣
錄其子入太學

蔣舜民字虞仲江陰人正德丁丑進士初任新豐有
惠政其所創均田之制至今戴之累陞浙江僉事
生平不喜曲事上官及與物接驩如也

吳仲字亞夫武進人正德丁丑進士令江山 召爲
監察御史劾武定侯郭勛不避權惡主議濬通惠

河竟底績戶部歲省運錢十一萬緡今河上有吳
公祠

楊淮字東川無錫人正德丁丑進士授戶部主事監
出納與中官共事釐革積弊在庫自一茗外悉爲
峻却嘉靖初將升 興獻主於廟淮抗疏力諍衰
經執杖號慟闕下 上震怒執送 詔獄杖于廷
時同邑兵部郎中李鏞亦同被杖而淮竟病創死
年才三十八隆慶改元贈太常少卿

曹珂字國用宜興人古貌古心有隱行舉正德乙卯

人品記 卷九

六

鍾孝二親連躓禮備不備應舉曰吾早年不能祿
養今豈可以祿自養耶末年進授都察院都事卒
子景陽字子升爲人端慤舉嘉靖乙卯知金州丞
西安有古循吏風孫司宰字伯卿舉隆慶丁卯令
肥鄉潔已愛民官至南京刑部郎中蓋不愧其祖
父云

陳燮武進人素樸交寡諧非其人不友少與葉司韶
毛式之輩結社講學深究弗怠爲人樸直剛介好
惡甚嚴以貢上春官自以爲老竟拂衣歸

曹卿武進人正德乙卯舉人以親老就選授温州府學訓導陞樂清知縣蒞事公勤御吏嚴飭尤廉介不苟取邑有巨猾莫敢誰何卿卒致之法一邑稱快以憂歸貧無以給也服闋赴部卒于途

孫鑾字朝望武進人正德辛巳進士授刑部主事出慮楚囚多所平友守漢中修堰溉田民獲有秋化墨吏逮貪帥人皆帖服會有銜之者左遷激江抑豪祛弊為之益力陞雲南副使括羨賦節浮費陞山西行太僕寺卿歸鄉人或侮之悉不校人謂其

人品記 卷九

七

屠官以剛介著居鄉以長厚稱而廉儉之操則進退如一云

龔大稔字士登武進人正德辛巳進士授戶部主事陞廣東僉事吏部尚書方獻夫家居侵奪鹽利籠絡貨權虐事霍韜以剛狠翼之受獻殺人有司不敢問大稔抗疏數其罪會方霍皆召入詔以他事勒致仕行至中途復有旨逮訊杖闕下黜為民憚釜字器之武進人正德辛巳進士初知安陸州復除均州擢南戶部郎調吏部出守温州其在安陸

也 獻陵更制董役者皆中官釜御之以禮法不敢恣橫會歲饑發倉賑貸 上聞以酒勞焉亦異數也既守溫與永嘉符典選者陰用計調成都溫人以十善領之會釜微有足疾遂稱篤不赴

張袞字補之江陰人正德辛巳進士選庶吉士改御史復召入翰林為編修累陞侍讀學士掌南院太常卿掌監事以頒曆諸生失儀降南京光祿卿遂致仕歸袞在翰林十四年值 世廟稽古考文明大倫正大祀袞皆與議間有不合輒具奏聞未嘗

人品記 卷九

八

阿狗 上亦寵眷奉天殿成召袞入殿親授之敕無逸殿成又召袞賜宴幽風亭亦遭際之盛云先是議禮諸臣連繫左右無敢申救袞獨上疏請釋久之獲解此又袞之風采最著者也性孝友所遺先業悉讓于兩弟居鄉循循名檢修江陰縣誌簡而有法

浦瑾字文玉無錫人博瞻有文登正德辛巳進士授麗水令尋卒子應元見父病劇日夜哭泣禱神請代竟不起遂自經以殉聞者哀之處州守黃體行

爲作孝子傳

劉乾靖江人初官戶部勤廉公明忤逆瑾逮繫不屈改武選釐正選格請託不行陞光祿寺卿陳言二事其一以勾稽徃牒立條例慎出納其一以額辦煮醪歲輸費數萬請移北寺爲便 詔從之乞致仕卒賜葬祭

朱得之字本思靖江人從陽明先生游究良知之旨泊于榮利爲桐廬丞歸閉門讀書鬱有著述弟庶之承東陽亦以長者稱

人品記

卷九

九

華金字子宣無錫人正德辛巳進士郎戶部不附權貴歷官天津副使不能屈節上官遂乞致仕金事父母甚孝待庶弟友愛平居無妄言誠行初舉于鄉例得免糧役金請受役如故既第例當入朝候疏取 旨送科他進士未暇即散去金于中夜猶莊坐以待俄而邊警至金猶候命 世廟以爲賢召至宮出上方供勞之太宰陸完夫人金之姑也金並官京師足不及其門完敗金爲恤其孤張孚敬驟費用事金爲同榜邂逅于朝張曰華兄獨不

能與吾共事乎金正色曰公爲相當以天下爲度乃私其同年耶張慙而退家世雄于貴自金成進士產日挫諸孫析箸兄弟交讓鄉論美之有孫敬夫甘貧尚志竟以貧死

陳周字文美嘉定人徙居無錫正德辛巳進士授戶部督漕船奏蠲閩浙通稅周議欲開引鹽鹽商人賄以請周輒閉之曰引固欲開賄而開不可也遂出爲河南叅政行部得穴金檄致之庫代償負官租者汝民德之建却金亭周王侵民田周復之王

人品記

卷九

十

欲折辱周不爲屈王無以難盾無何病卒子鳳能詩有隱操

徐玩字味道武進人少知檢束于儒先格言錄之成帙母歿父構危疾熟讀軒岐諸書起父于沉痾就養無方從兄弟六人視之如同胞撫孤孀如子教二甥如孫恂恂樂易人未嘗見其疾言遽色至義利所在介然不淆有司以筆札召輒辭曰秀才若處女不當輕與有司接其自重如此既以真當就試禮部玩不赴曰吾父在吾出而歸稍後吾父倚

聞矣奈何以既衰遺體跋涉三千里博一官也自是深居簡出讀書教子于治家處世省心養身確有成規人皆稱之為長者云

萬吉字克修宜與人為方嚴剛峻望而知其為莊士平生以禮義廉耻自律事父母孝弟病與共寢食至老未嘗異錢帛吉面目清冷對人少寒溫語然久與之處真意溢出益如也學者咸尊事之稱古齋先生以貢為桐廬訓導夙夜勸課深明義利之辨諸生皆知振拔未幾乞致仕歸

人品記

卷九

十一

程飛卿靖江人能詩首領蕭然不喜干謁群偷入其

室東之薦中猶毅然曰勉生我所嗜可勿將去

董紹字宗遠武進人嘉靖癸未進士為人真率不尚修飾令新昌邑故俗薄前令多以賄敗紹至悉繩以法亦嚴以自治邸中所需一切取辨于家人觀誤攜一銅缶行三百餘里叱還納之庫其廉慎如此子士弘亦登進士守興化有能名

侯祖德字繩武無錫人生而愿慈嘉靖初以太學生承浙之新昌權尹江山以廉幹聞適吏部南海霍

公應召至京所在各訪聞祖德賢擢太僕丞頃之以母老乞歸門庭簡寂出必徒行蕭然布衣也

唐音字希古武進人性狷介于義利大閑不待學而辨聞鄉先生毛古菴講學里中輒造其門魏莊渠先生談道于吳時音已領鄉薦當對公車竟謝不往赴吳受業讀書必反覆玩索推見古聖賢之心即兩先生言未愜于心必明辯審思期于有得而後已就選廣平雜澤縣實心幹理未嘗以上官意指為趨向學使者至廣平論諸士曰諸生欲為聖

人品記

卷九

十一

賢學雜澤令即是其見重如此後卒于官無以為歛諸監司厚賻之其子一磨辭不受一磨字仁甫登嘉靖乙丑進士有邁往拔俗之韻雖不竟其用蓋無愧其家風云

丘鏊字朝洪武進人宋文定公翁後性簡伉而才甚高視天下人多齷齪不可語視天下事率瑣尾不足為為古今文辭必人所不經道語年十二喪父與弟鏊廬墓三年年二十八登嘉靖戊子鄉書家日窘儉資羞脯以養又儉學醫俱以懶罷三上春

官不第棄去制義日坐小亭殘竹數竿遺編數帙
環堵缺不治久之選山東靈陽教諭一切饋遺辭
不受士其德之不久病卒貧不能飲兵備史其贈
之金乃克棺衾以歸唐中丞劉田爲治墓乃克葬
唐順之字應德珪之子弱冠舉嘉靖己丑省試第一
楊公一清奇其才將魁廷試索所對策不應真二
甲授兵部主事丁內艱起補吏部尋改翰林編修
時永嘉當國稱病求去勸令以主事致仕既而簡
官僚起補春坊司諫與贊善羅洪先校書趙時春

人品記 卷九 十一

疏請正 東宮朝禮忤 旨罷歸杜門謝客砥節
甚嚴日從山中游或跌坐竟日冬不爐夏不扇行
不輿臥不裊衣不帛食不肉備嘗苦淡曰不如是
不足以拔除欲根年垂五十恍然有得曰此心天
機活潑自寂自感不容人力吾順此天機而已四
方學者翕然尊師之稱爲荆川先生會倭入犯東
南騷動有以邊材薦者起家兵部敕視劍鎮邊務
復視師浙直有功陞太僕少卿尋擢撫淮陽驅馳
南北竟以是病行至秦州自度不起進諸將士曰

歿國吾志也良歿舟中幸矣遂卒公材高意廣包
絡今古於書無所不讀自六經諸子以至甲兵錢
穀象緯曆算陰陽小技無不研究其文辭足以擅
名一家所著有荆川集所輯有諸儒文要語要儒
編左編右編文編稗編等書

黃正色字士尚無錫人嘉靖己丑進士令仁和香山
南海所在稱神明南海霍文敏爲正色座師霍氏
有犯一繩以法文敏以爲賢擢南臺御史首論兵
部尚書張瓚武定侯郭勳士論避之 章聖皇太

人品記 卷九 十四

后梓宮還葬承天護從荆山侯崔元巨璫鮑忠愍
籠贖貨正色疏列不法狀忠等誣正色于梓宮前
乘馬 上怒下 詔獄賴文敏力救得戍遼正色
卽囚服荷戈趨戍所幾三十年未嘗離伍隆慶初
復原官歷陞南太僕卿致仕歸杜門謝客觴咏自
適卒祀遼陽三忠祠
張選字舜舉無錫人嘉靖己丑進士令蕭山仁恕廉
明召爲戶科給事中 上遣勳臣代太廟祭選抗
疏諫 上震怒廷杖八十三折其挺選從容曰

不懼死不可使 天子有殺諫臣名已編戶家居
謙約退讓聚諸生說經如貧時隆慶初復原官陞
通政司叅議致仕

王表字邦正無錫人嘉靖己丑進士選庶吉士除戶
部主事乞改南得禮部以病自免歸部使者屢薦
不起表爲人潔修寡合平生無他好顧好讀書竟
老不倦所著有讀書記夏代奕稿等書若干卷子
立道亦舉進士選庶吉士授編修未四十卒性行
方介類其父云

人品記 卷九 五

薛甲字應登章憲子嘉靖己丑進士授兵科給事中
指斥方士忤貴溪謫湖廣藩幕累遷四川僉事復
以忤分宜免歸平生殫心理學多所發明簡取象
山陽明遺書叅伍之有所得所著有易象大旨四
書口義等書

薛南字圖南武進人有志于學遍游四方謁諸聞人
歸益深造學者多從之游性孝友蓋亦篤行君子
也

吳元自無錫徙居武進爲人長厚好施邑大水民多

溺收遺骨千餘瘞之大風雪過養濟院推頽諸賢
者東露揮金建房一百餘間歲款出穀千餘賑濟
設粥捨棺殮歲不悛郡守趙兌以尚義旌之

潘松字惟喬宜興人篤于孝友外嚴整內不設城府
由舉人授任丘教諭生徒貧而有志者捐俸館穀
之擢新城令性端方不便承迎乞改教得福州率
勵鼓舞視任丘有加焉當道嘉其醇正優以禮貌
稱師範者必曰後齊先生云

周仕字君可武進人司徒金之長子用陰起家累官
人品記 卷九 十六

高州守以清謹稱陞建馬寺少卿連章乞休始仕
欲以陰讓弟司徒不可將析產任以同居之義泣
辭之既而仕舉子三弟億舉子七咸得取給其爲
紀綱家日落親識勸之析仕不得已哀慟累日告
祠以食言爲罪欲以子姪十分之司徒不可析爲
二仍割所受以益諸姪不失初意云

段鏞字子宣民之曾孫爲人孝友剛直父病疽鏞輒
爲吮母病日鏞日爲舐姊負官責鏞傾囊代償館
鄉塾教法甚嚴與人交不能容人過以嚴見憚然

其中豁達無他腸也

俞紹祖無錫人父貫病癱不能行倭至紹祖負貫窳匿倭欲殺貫號哭請代殺紹祖貫得免倭去遇老僕負歸鄉人憐紹祖笑之曰孝哉不愧蒿菘矣蒿菘者俞鎧號有孝行紹祖之曾祖也

王忱字信卿武進人早失怙家貧授徒自給既壯古貌虬髯繩趨矩步論議瑩瑩初應郡試或譏其意即趨出棄制舉構一室左右圖史考正五經六書四聲字韻一本許氏說文稱為精確史傳紀年朝

人品記

卷九

十七

代名字上下數千載間歷歷如指諸掌一時有道之士咸樂與之游忱亦陶然自得也

陶澤字子沾武進人豪爽負氣能文與薛應旂齊名為諸生有司召弗往貢人國學司成亟問之亦不私謁既舉應天再試禮闈不第杜門詠歌不為干請以貧終

薛應旂字仲常武進人嘉靖乙未進士令慈溪與知府鄭不合乞改教得九江主白鹿書院歷遷南考功郎掌內計分宜臧給事中王燁令尚寶承諸傑

貽書囑以黜燁應旂留燁黜傑被劾降建昌通判歷陞浙江提學副使以過執忤時調陝西兵備未幾罷歸應旂骯髒拔俗為文亦磊落所著有宋元通鑑憲章錄浙江通誌等書子近魯內行淳備以居喪過毀卒

吳性字定甫宜興人徙居武進性端介舉嘉靖乙未進士乞為校官得南陽卓有師模陞南京戶部主事改禮部兵部數請告補北則乞南以恬退受知當事改尚寶司丞再疏乞休得致仕舉進士二十

人品記

卷九

十八

餘年服官不滿兩考其志尚可知已為人不尚迂談不採虛譽奉先之孝教家之法事事有古先正風子可行中行俱進士官翰林諸孫科第蟬聯不絕本縣誌

蔡元鏡無錫人與弟元鐸肩其父升諸屋以避倭鏡為賊所執殺諸塗鐸以父免未知鏡死也明日持重貨往賊營贖兄併遇害事聞旌其門曰孝友浦劭字成德無錫人烏夷至繫其父去劭與弟濬謀往代途遇他夷劭遽前稱父狀貌問安在夷怒遂

殺之明日父歸又決辰弟歸父收劬骨葬之而立木主于床頭每出入必呼劬曰俾兒知老人無恙也萬曆丙辰 詔旌

陳阿皮無錫人蚤喪父食力以養母母死鬻身營葬嘗墮水漁者網之得不死人謂孝感所致

高材字克甫無錫人嘉靖辛卯舉人令黃巖以鋤強扶弱為事尚書黃綰家暴橫其僕至縣亦以賓禮人皆扼腕材執法無所徇民皆稱快又有顯者奪民山田民訟之材批牘尾曰一片青山一片金月

人品記 卷九 十九

年人有萬年心海濤濤必常為限倏忽浮雲變古今踏遍青山山轉我問山不語奈山何若無山下纍纍塚料得爭山人更多其人慙而還之巖有奸胥作清軍偽冊材摘發杖殺胥巖民立祠祀焉孫攀龍已丑進士

王問字子裕無錫人嘉靖戊戌進士授戶部主事念父年高請改南便養尋轉廣東僉事行至桐江遂投劾歸父卒退居湖上屢薦不起善行草并點染山水人物儵然翰墨踐徑之外人爭購之

萬士亨字思通宜興人吉象子少奉父訓規行矩步不失尺寸嘉靖辛丑與弟士和同舉進士授戶部主事轉吏部操履清嚴聞父訃水漿不入口踰五月以積毀不起遺命以衰經殮家人從之

萬士和字思節宜興人吉仲子幼承家學有必為聖賢之志舉嘉靖辛丑進士選讀中秘書閣試數冠其偶例得史職居恒與閣臣落落遂不得留當得省垣辭補禮曹旋請改南得職方會母病遂棄官歸服闋起南車駕調儀制出為江西僉事久之由

人品記 卷九 二十

督學浙歷廣轄遷南京兆以副都御史督南儲轉少司徒改少宗伯會新鄭用事意有所不可遂自免江陵柄國循物望起為大宗伯比至謬為引重朱成國慶求封王江陵受其重賄士和謂非

高皇帝約持不可又有大璫為方士乞醮壇供奉士和復持不可皆與江陵忤甚銜之給事中余懋學直言褫職士和謁江陵江陵度其有所匡救一揖徑出士和故緩行謂江陵曰近日處分得無太甚江陵色變遂謝病歸士和居官四十年凡可退

以明志辭以明節未嘗少有遲回而家居之澹泊里居之遜讓皆忍人所不能忍性鯁直不輕諧俗特其外貌和平人鮮知之嘗自言吾為兩司始知實心任事即為真才又曰吾仕廣于人無苟取始識得一廉字皆真實不誑語也卒謚文恭

周裔武進人嘉靖辛丑進士為諸生時道逢一媪以衣質錢為人所給輒以襦衫質而與之歲稔家人苦饑裔持課金歸道遇故人輒買棺瘞之其好施如此累陞登州守以憂歸囊橐蕭然猶為生時也

人品記 卷九

萃雲字從龍無錫人嘉靖辛丑進士授戶部主事權稅九江潔已無所染請改南得兵部尋陞刑部郎中再疏乞休雲篤倫嗜義出于天性晚歲做范文正公捐田千畝以贍族立義莊肖孝子像其中邑有五賢祠廓而新之增祀李忠定邵文莊名七賢築真休園日優游其中或偕同志放舟溪野悠然自得古賢達之風焉

人品記卷九

毘陵人品目十

國朝

尤瑛 蔡瀛 王堯卿 李魁

鄒夢桂 曹三賜子司勳 劉光濟 惲紹芳

金九成弟九 丘緯 施陽得 殷旦

曹騾 黃鑿子道 黃憲卿 吳可行

萬鵬 汪汝達 祝舜齡 趙與治

張邦定 鄒騾 孫一元 孔永芝

史元鎮 蔡啓直 陸南陽 徐常吉

王敬之 蔣致遠子良 史文龍 邵秀孫

陳一麟 劉昌祚 常守文 王鑑

胡淳 周子義 王升 吳中行

趙用賢 秦柱 楊德 錢焜

俞霑 顧憲成 顧允成 錢一本

王就學 張汝治 吳瑞登 許世卿

蔣士元子弘憲 薛敷教 張納陞 鄒學孟

丁天毓補遺 馬應龍 唐大卿 蔡模

褚國祥 路雲龍

人品記 卷十

毘陵人品記卷十

國朝

尤瑛字汝白無錫人卓犖有大志舉嘉靖癸卯鄉試
第一人登甲辰進士嚴分宜聘修家譜不就疏請
教授杭州稍遷國子監丞俱以廉靖文學稱進儀
制主事大清藩府之賄尋陞廣東僉事屢擢大酋
分宜假子饒相父私通山海寇分利瑛過梅嶺卽
饋珍寶無美斥去發其奸抵大辟陞江西叅議道
卒廣民巷哭立祠祀焉子鏗以國子生選邛州判

人品記 卷十

不赴

蔡瀛字汝登無錫人家貧甚篤志好學刻自砥礪引
繩而趨不失尺寸領嘉靖癸卯鄉薦錫令自下車
之始一交拜無由再通聞問矣

王堯卿武進人豪爽自負以貢授鄱陽訓導陞武涉
知縣恤窮辨枉節用省刑謝絕饋貽蠲除苛罰上
官嘉之百事攸萃竟以勞卒于官疾革有羨餘百
金仍命計吏登之籍乃瞑

李魁宜與人性篤孝父得心痛疾刲股肉和藥以進

或言惟瑀可愈遍求弗獲一日至東橋忽一蝟伏
不動魁喜攜歸烹進之病良已又兩月父別感風
疾而卒

鄒夢桂字汝丹無錫人嘉靖癸卯鄉薦少孤發憤自
立不與俗浮沉祖遺負郭田悉讓弟而資館教以
自給屢上春官不第卒

曹三暘字子泰宜興人嘉靖甲辰進士授大理評事
分宜以桑梓善郡邀厚賂不可卒補劇郡既巡撫
滇南新鄭廉其厚于學亭以考滿不合例竟罷官

人品記 卷十

歸尋薦起官至南京工部尚書江陵奪情廷臣皆
具疏留南六卿獨無疏則趙錦主之三暘贊之也
子司勳字應麒隆慶辛未進士溫純恬雅官至布
政三暘嘗陰子勳與其弟司直尤稱克讓云

劉光濟字憲謙江陰人為人博寬厚不自峻崖岸
然中實井井登嘉靖甲辰進士為戶部郎適北虜
薄都城廷議遣郎一人餉大同勤王師諸曹郎昨
舌不敢往光濟奮然請行人咸壯之出守衛輝歷
江西叅藩會南顧旱民聚眾競水相殺傷撫臣以

變聞 詔發兵掩捕光濟請從諭之立解散全活
二千餘人遷太僕卿巡撫江西定賦役一條編法
著為令迄今各省直皆遵行之召為南戶部侍郎
尋改吏部遷南兵部尚書以不署保留江陵疏乞
休歸觴奕對客酒德溫然人以王會稽白香山目
之以嗣子為人所構邑邑而卒

金九成字鳴韶武進人嘉靖甲辰進士為人寡言笑
不妄交游為吏廉介不受私謁初令定海銳意興
革增葺得海堤至今賴之號曰金公塘邑資海舶

人品記

卷十

三

奸商勢家因之為利力為禁革倖要路調軍兵不
為少挫剗奸弊杜請托陞主事歸病卒九成居官
十年妻子不免菽藿病且革會有富家求釋罪以
千金為賄九成不可郡侯自抵其榻撫之曰獨不
為妻子殘廢計乎九成曰我躬不閱遑恤我後而
壁臥不復語郡侯僕息而去因捐俸助其築第九
皇恂恂禮讓尤稱友愛以貢為武康知縣盡心民
事人咸誦之

惲紹芳字光世武進人嘉靖丁未進士授刑部主事

累陞福建叅議性坦易豁達喜讀書過目輒成誦
刻意為古文詞自成一家言有集

丘緯字世章武進人嘉靖丁未進士知侯官有清節
銓部計吏以緯為第一召入以強直固守補南京
刑部主事出守南陽貽書家人曰汝輩勿覬我位
高祿重望豪侈也吾即歿不易不三月卒于官

施陽得字復徵無錫人性恬雅家庭以孝鄉黨以誠
操持以廉人多稱之舉嘉靖己酉鄉試授蘭谿縣
學教諭陞富陽知縣戶部主事

人品記

卷十

四

殷旦字文東無錫人嘉靖己酉鄉薦簡方嚴言笑
不苟有子試郡縣絕無干請居喪循禮人咸稱之
曹驤江陰人博學好古有志節父嘗為分宜令嚴
相國于童子時既得柄思報德每召驤謝不往又
善詩賦曠達不羣樂振窮乏頗信方外服食一日
浴竟體軟而卒

黃鑿江陰人嘉靖戊申首捐金六千兩築城後倭亂
前後輸粟一萬石為兵儲趙文舉討倭責諸富人
助軍貲鑿復捐金七千兩鑿鑿為蘇州衛指揮使

萬曆間邑父老請立專祠祀之子道字吉甫任俠有父風

黃憲卿字弘度武進人嘉靖庚戌進士為戶部郎清聲蔚起九載不調或勸之謁相嵩憲卿曰吾婆婦也忍塗面目以取榮乎卒不往嚴氏敗始擢憲副江西年纔五十絕意任進大都以清謹持身以儉約持家云

吳可行字子言性長子嘉靖癸丑進士遷庶吉士授檢討讀書一目五行以文學著名高視一世無有

人品記

卷十

五

當其意者人皆忌之竟以是罷官天性孝友復落拓不善治生產即千金立盡不問也喜堪輿家言為兩親卜葬地不憚屢遷謂術者曰但使吾弟姪受福陰長房虧損勿論其存心仁厚尤人所難及云

萬鵬字汝南武進人端方峻整孤立行一意言動取子必烹子繩墨登嘉靖癸丑進士令松陽調新昌請謁無所通搏擊無所避會倭夷人犯練兵築城竟以勞瘁成疾卒巡按胡宗憲賻之始克殮初鵬

未屬績時有當路欲以百金助者托所知示意鵬推枕曰不意垂死受辱其介特如此

汪汝達字志行無錫人嘉靖癸丑進士令黃巖捐俸築城寇至而民不驚撫瘡痍集流亡理豪右所侵奪官民田給學宮以待貧士擢戶部主事遷叅議未幾致政歸歷官二十餘年清操皦然去浙之日屬吏致罰鍰曰此例所應得汝達驚曰居官自常俸之外尚有應得者耶竟不受家甚貧至無以供朝夕舉棲身數椽營之黃巖士民知其貧醵八十

人品記

卷十

六

金聞于官郵致之適遇病卒遂以為殮祝舜齡字壽卿無錫人嘉靖癸丑進士令政和廉介絕人吏事精敏擢南部主事卒囊金不贏兩至無以殮

趙與治字道隆江陰人嘉靖癸丑進士知曹州以廉介稱時分宜擅權納賄與治人覲無所饋調廣安六年不遷後移襄陽郡丞擢戶部郎尋轉兵部丁母憂遂不復謁補家徒壁立終身布衣蔬食往來鄉城間野水孤航一平頭相隨不知其為官人也

無子年八十八而卒產薄不能具喪葬兵憲蔡公
經紀之銘其墓

張邦定武進人嘉靖乙卯倭亂爲義官練鄉兵以禦
之與倭戰鄭陸橋手刃數倭馬蹟被執截髮逼降
不屈遂遇害郡守金公哭之慟唐中丞吊之曰生
爲百夫雄歟爲壯士規

鄒駟字道弘武進人幼喪父廬于墓刻木肖之以奉
母病刲股後以冑監官臨海丞九年陞雄縣知縣
以清謹聞積贖錢千餘金封庫致政歸民立生祠

祀焉

孫一元字虞允無錫人天性孝友嘉靖辛酉魁鄉書
三上春官不第意度瀟灑酒磊落不群爲文辭數千
百言立就未仕卒

孔未芝靖江人篤于倫理父病憂劇忽有醫來曰此
須兒女肉製藥則愈未芝入密室割左股肉授醫
製藥父服之疾果愈醫忽去莫知所向

史元鎮宜興人年十六家失火欲投火救母隣人阻
之元鎮號泣突入與母俱焚火熄見其兩手與母

相握猶未釋也時人傷之立像祀于周孝侯廟
詔旌其墓

李啟直字禮成無錫人嘉靖壬戌進士爲刑部主事
時海忠介公言事忤旨逮繫啓直持護甚力疏
請改南陞武選郎秉政不阿出守永州歷陞叅政
以端樸弗諧于時遂乞歸家居十餘年足跡不至
城府有司踵門自通多謝罷遠近仰其清節

陸南陽字伯明武進人爲諸生工於制舉著爲講義
人傳習之以貢授湖廣善化知縣廉介自守治邑

如家久之倦游遂拂衣歸疾且亟援筆書數語曰
生無愧行必無愧衾存吾順事歿亦吾寧遂卒

徐常吉字士彰武進人家貧藉館穀養母嘉靖甲子
舉于鄉絕迹于請食益甚署教上海癸未成進士
授中書舍人選南戶科給事管湖冊號稱脂膏之
地不一染指第令諸胥錄書數百卷而已平生下
帷攻苦寤寐詩書薪水之餘輒以攻鐫刻所著有
四書原旨詩翼說遺經四解六經類雅等書性喜
飲與知己相對陶然乃已不設城府鄉人子弟多

從之游時有啟發稱做弦先生官止浙江僉事

王敬之字慎中武進人性孝母構危疾到股得愈嘉

靖甲子領鄉薦謁選都昌以王官歸

蔣致遠字汝靜武進人少淳篤長益修飭見二程書

慨然有求道之志子弟貴顯絕無所憑藉敝屋薄

田泊如也嘗曰不伎不求平生得力在此四字自

知卒日盥櫛危坐而逝子良鼎字定卿萬曆己丑

進士四為縣令所至見德卒于官自孝廉以及從

宦田廬不改其舊亦近世所難得者也

人品記

卷十

九

史文龍字應霖武進人嘉靖壬戌進士官太守居鄉

循牆而走有長者之風兒童市人咸暱就之不知

其為二千石也

邵秀孫字元芝宜興人性孝友尤嚴於義利教授生

徒斤斤矩矱不踰尺寸少穎慧詞翰並美為督學

所賞拔妻死不第晚以歲薦所給傳金分惠宗族

亦足覘其雅志云

陳一麟字曰仁武進人少為諸生甘貧好學一室蕭

然嘗首郡試不肯干謁兢兢自守言動悉遵矩矱

晚歲究心理學得其大旨邑庠知其貧助之粟力
辭不受士論高之

劉昌祚字子延武進人性狷介不能隨俗為諸生屢

試優等邑令器之昌祚嶙然不染也謁選時以貌

置丞簿間選司見其文亟稱之遂授零都知縣以

廉稱

常守文字以通武進人由吏員任成都衛幕以清慎

薦陞廣西副提舉再任廣東一介不取丁母憂助

喪無所受歸途鬻衣克費竟以貧困歿

人品記

卷十

十

上鑑字汝明問之子嘉靖乙丑進士知武定州州苦

養馬請以銀代省費無算州有筒稅括其贏募流

民給牛種令懇草田自食逃亡漸復擢戶部員外

郎調吏部念父老遽引疾歸有召命俱不拜年三

十二喪偶不復娶設榻父傍朝夕依依為孺子戀

父歿以原官名陞尚寶卿轉南鴻臚卿引年加太

僕卿致仕鑑冲夷恬粹平居無疾言遽色貧窶者

叩之無不應聞有冤抑輒走白于有司人亦信其

無他也

胡淳字原荆無錫人嘉靖乙丑進士爲令平恕近民
訟廣稀簡持身清約如寒士召拜御史首論太監
溶直聲大震會紅星犯垣復疏有高宗不君則天
爲虐等語 上怒罷爲民居家不修邊幅性好客
縱游山澤間或勸其斥買田產爲子孫計則不應
卒之日遺通千金

周子義字以方無錫人嘉靖乙丑進士改庶吉士授
編修陞南國子司業張江陵奪情議起南中九列
業具疏留子義獨不署名江陵沒始徙官歷陞吏

八品記

卷十

十一

部侍郎子義木訥寡言笑踣矩履繩不失尺寸居
官默然自守無所左右所著有中書直閣記國朝
故實等書卒贈禮部尚書謚文恪子炳謨甲辰進
士亦官翰林

王升字世新宜興人少孤奉母以居偶從友人飲母
有愠色終身不御酒從萬古齋游及羅念菴王龍
溪之門上下討論多所領受自守繩墨益嚴胡總
督宗憲延爲上客會有失律者于法當論死遣募
客邵生諭意以千金爲壽升曰其人罪死死之由

法可以生生之由總戎何潤王生爲已而以歲薦
司訓京兆邵生從在新鄭惟中謂升曰相君欲重
用子一見何如升謝不應久之遷國子學錄江陵
柄國欲網羅天下名士託友人道意行典制敕升
亦不應出倅成都有廉與遷鹽課提舉遂掛冠歸
日與戚故論道談學從容竟日而已所著有四書
輯畧讀左贅言等書

吳中行字子道性之仲子隆慶辛未進士選庶吉士
授編修萬曆丁丑十月彗星見會張居正有父喪

八品記

卷十

十一

矯制奪情廷臣交章保留中行不勝憤因星變
陳言上植綱常明大義疏言婉而刺居正怒甚擬
旨杖六十罷爲民治創潞河聞母訃嘔血數升創
盡裂遍奔廬墓下不復入城市居正死 詔起原
官尋晉中允累遷諭德補日講官會御史丁此呂
奏科場諸不法狀家宰楊巍忝斥此呂言者聞起
閣部大臣佯托疾求去廷臣爭疏保留如居正時
中行又不勝憤復上尊主權明臣義疏語甚激切
人皆側目中行四疏乞歸久之以薦起侍讀學士

掌南京翰林院事復三疏稱疾辭免未幾病卒易
簣時作自輓詩四章正衣冠危坐而逝中行長身
玉立兩目炯炯氣雄萬夫不容迫視與君子處肝
腸立見與小人處顏色盡赤令之無所容故君子
知之而小人不無忌之者家居遇歲稔捐貲設糜
饑民多所全活鄉人德之所著有賜餘堂集節節縣誌
趙用賢字汝師先世為宋宗室有士鵬者守江陰軍
因家焉後徙常熟用賢少有才名登隆慶辛未進
士官翰林檢討丁丑江陵不奔喪臺省保留用賢

人語記

卷十

十三

抗疏言奪情非法宜聽還守制會同年吳編修中
行疏先人同日奉 旨杖六十編氓癸未 召復
原官晉中允時遷人輻集議論盈庭欲友江陵政
甚切滿朝積不能堪羣小滄嘗黨議遂起用賢疏
極言朋黨之禍與吳編修俱乞歸不允後晉洗馬
祭酒累官吏部侍郎駸駸柄用忽中讒歸則妻江
尼之也

秦柱字汝立端敏公孫嗜學工文詞精楷隸為諸生
有聲 詔選中書舍書朱希孝為柱中表遞列其

名而後召之重其材也柱先世與相新鄭有交未
嘗數數其門及新鄭為江陵所傾禍不測門下士
皆引去柱特遠將之江陵父歿不奔喪同郡吳中
行抗疏杖 闕下以身後事相託柱挾醫調護得
不灰江陵銜之斥為王官復中以考功法柱欣然
棄官歸家日貧終其身無抑鬱之意蓋慷慨節俠
古烈士不是過也

楊德字本明武進人少純謹登辛未進士令永康却
金斥羨不苟取予轉辰州同知未離永康卒檢其

人語記

卷十

十四

秦遺傳七金而已

錢焜字韞章宜興人舉萬曆癸酉鄉薦官兵部司務
清慎慈飭絕無私于齋餉金數十萬往宜雲有積
羨却不入垂橐而返會職方推用西寧徇私忤
旨職方以故相子有內援得免竟謫兩司廳焜得
慈利學博未幾投牒歸與二三同志結社為會恬
然自得也嘗以三不識自許謂誠心直道不識人
世有機械事淡食敝衣不識人世有嗜好事委心
任運不識人世有徑實事人亦共許之

俞憲字時澤宜興人坦夷純厚無表暴無城府望而知其為有道仁人也登萬曆丁丑進士司李台州以廉靜著聲遷南吏部主事擢大名兵備念親老乞休歸後以薦起山東江西皆不赴優游林居者十餘年與諸名流以學相切劘待親黨依于厚鄉人至今稱之

顧憲成字叔時無錫人幼沉毅穎敏十六下帷攻苦榜其齋曰讀得孔書方是樂縱居顏巷不為貧以見志萬曆丙子舉應天第一庚辰成進士授戶部

人品記 卷十

十五

主事觀時政紕繆憤不能平擬上書申相國見南樂魏允中漳浦劉廷蘭二君書稱善遂附名進江陵聞而側目江陵病傾國走羣望禱署憲成名馳騎削之江陵卒調吏部丁亥大計有糾何尚書起鳴者與辛中丞自修相計憲成上疏詆尚書語侵執政謫判桂陽州量移處州司李丁母憂補泉州壬辰大計舉清廉寡慾第一仍晉吏部時婁江再執政有 三王並封之議憲成首疏力爭與婁江往覆辨論侃侃無所回互議乃寢癸巳大計高邑

趙南星司功盡黜要人子弟媼姪憲成實左右之執政怏怏趙忽奉 旨罷憲成願與同罷不報已領銓事凡啓事與海內意所欲用者執政色沮不欲用而執政所欲用冢卿及內閣復尼不行久欲中之以時望所屬不果乘部推內閣起王山陰遂削籍歸杜門卻執益潛心理學城隅得楊龜山先生東林故址闢書院與同志闡繹濂洛正脉其說以性善為本體小心為工夫歲有劄記沉潛粹密與讀書錄相表裏問學者日益眾戊申起南光祿

人品記 卷十

十六

少卿堅臥不出卒于家學者稱為涇陽先生

顧允成字季時憲成之弟萬曆丙戌進士時海忠介瑞為御史房寰所詆公發憤與同榜彭遵古諸壽賢合疏諍之削籍歸後以薦起南康教授丁母憂補保定陞國子博士尋陞禮部主事有 詔封 三王眾議洵洵與樂元聲張納陞合疏諍之不報已趙考功主計秉公執政逐之復與陳泰來賈岩于孔兼薛敷教張納陞各疏諍之甚力謫判光州會涇陽先生倡東林之會允成從之叅驗身心究

極性命之學性尤潔廉嚴取予謫所積俸先後中丞遣致之堅辭不受曰吾敢以在假尸祿乎嘗輯朱子無極王伯二大辨及論治道者為惟此四字編擬獻之朝不異年五十四卒

錢一本字國端武進人萬曆癸未進上令廬陵以興起斯文為已任建王文成祠并祀鄒文莊諸公延禮名碩倡明理學擢御史首疏糾前按臣貪黷不法得旨逮戍眾為赫然按廣西上建儲論相二疏語多觸忌歸留中三月因杖給事孟養浩連及

人物記 卷十

十七

削籍為民歸里杜門絕跡不入公府郡守歐陽公建先賢祠傍構經正堂講學共推為主時梁溪有東林書院顧公憲成主之遞相往來聯合同志生平無他玩好終日兀坐手不停披尤潛心易學鑽研卦象著像象管見盡脫前人傳註又以書九疇數衍為四千六百人爻爻有辭有象占驗吉凶為範衍十卷廣大微密非俗儒所能究他如類取古今儒學正脉作源編滙編又手錄時政大要為邸抄間出心得勉人學問為崑記倡里中同壽同善

會性最方嚴又最和坦居恒角巾布素混野峻無別勸後生學發乎至誠規人過若恐傷之意向稍善百方誘進之有急難公憤直之又私全救之所謂廉而不劇和而不流者也先知卒日預營兆域自作寄寓通客誌及長言若干首皆永訣辭世語至期果儻然而逝其了了于生歿之際如此

王就學字所敬武進人萬曆丙戌進士授戶部主事管驗糧中官需索橫甚就學稱引祖制抗議得請著為令改禮曹提調禮闈裁一切冗費調吏部

人物記 卷十

十八

苞苴無所入銓曹為之一清會考功郎缺次當及竟他屬蓋就學性嚴冷門無尺紙通眾咸側目所規條多不使人私復不能少抗曲徇人意忽奉內旨考察吏部諸司黜為民時所黜者皆當途所忌也歸不半載卒人皆惜之

張汝治字堯敷武進人以貢司訓長興時武進令為長興人其子弟為門下士五載未嘗投一刺里中有豪觸法索百金求援嚴謝不應人以為難

吳瑞登字雲卿武進人性淳厚為諸主熟于講授尤

勤著述以貢授光州訓導薦入六館續修憲章錄
大學衍義補獻 闕下校讐繕錄焦勞致疾而
終

許世卿字伯勳無錫人家貧有志操爲諸生有聲受
知郡邑絕不于以私萬曆乙酉舉于鄉蕭然自守
揭安貧省事十戒于壁皆習俗所易蹈者書以自
警且以警世五上春官不第念母老遂謝公車并
辭傳金杜門益堅故廬數椽僅蔽風雨怡然自適
蓋亦古所稱獨行之士也

人壽記

卷十

十九

蔣士元宜興人孝友淳篤力行古道舉嘉靖甲子官
兗州同知有德政祀名宦子弘憲字成甫素性端
方刻意砥礪卽一步趨若履繩尺舉萬曆乙酉官
戶部主事權關河西多所興革廉慎不染商民德
之以勞瘁卒于官祀武清名宦人稱蔣氏兩賢大
夫云

薛敷教字以身武進人萬曆己丑進士會南御史王
藩臣上疏不白憲長都御史吳時來叅之敷抗
疏詆時來盡喪生平并侵執政有平津曲學金陵

險陂之語座師許國以貢舉非人自幼勒令回籍
後以薦起鳳翔教授陞國子助教有 詔並封
三王抗疏不報趙司功主計被逐復抗疏謫光州
學正歸從東林講學苦自刻勵垢衣糲食有窮士
所不堪者一切饋遺卻不受

張納陛字以登宜興人萬曆己丑進士授刑部主事
尋調禮部有 詔並封 三王與樂元聲顧允成
合疏爭之已復與陳泰來等疏揀趙考功謫判鄧
州歸從東林講學林居十九年屢薦不起郡縣事

人壽記

卷十

二十

有關利害直言之不少遜杜門讀書或爲詩歌旁
及書畫皆有法

鄒學孟字正之武進人端謹溫雅內行淳備家庭尤
極友愛萬曆庚子舉于鄉絕不于謁郡守歐陽公
知之因其疾饋醫藥之資重其品也一舉而卒人
甚惜之

丁天毓字秀夫宜興人性耿介取予甚嚴爲諸生有
名守令不識其面爲孝廉邑侯雅重之絕無干謁
登萬曆辛丑進士令金谿六載有惠政緘毫不染

擬授御史候 命卒于京貧不能殮諸年友助之
其子若孫家徒壁立不能畢婚娶蓋志行卓然真
清白吏也

補遺

馬應龍字文徵武進人舉嘉靖辛酉鄉薦令弋陽有
善政居家孝友撫庶弟有恩晚歲偕同志修講學
廣仁會捐貲施棹不悅與人坦直和易心有不可
義形於色郡誌有未愜者持論侃侃不阿邑非徒
為慰人也良辰美景吟弄風月有逍遙之致壽八

十三無疾而終益稽未久士論已定亟宜補錄以
式鄉間

唐大卿字子弘武進人舉隆慶丁卯鄉薦樸茂醇謹
有無懷葛天之風令靖安倅青州皆以廉靖自守
歸橐蕭然田舍無所增益郡縣亦未嘗有干請其
和而介如此

蔡模字子範武進人性淳篤不設城府與人交如春
風襲人生平無一鑿天理逆人心傷元氣之事先
人故廬悉推以予諸弟孝友蔚聞舉萬曆己卯鄉

薦令淳安銳意興革如直闖錮弊積百餘年一旦
剷除省民間供億以萬計與郡守不合左遷藩理
民有去思焉

褚國祥字徵興武進人萬曆庚辰進士令寧化以才
調浦城清操矚然不滓會失上官意遷吳興丞以
母老乞終養歸戲綵膝下依依有孺子之愛後補
交州治河曹南河大決行河使者委咎於丞議調
遂棄官歸居鄉坦率樂易酒鎗茗椀與故舊相過
從陶陶自得也恬于榮進甘心澹薄人尤稱之

路雲龍字伯際宜興人萬曆庚辰進士宅心和粹凡
事依于仁厚嘗遊萬文恭之門見其質行雅重之
居家孝友兄弟白首同寢食無間言筮仕斬州由
度支郎出守建昌永州所至有惠政備兵黔南征
播有功擢江右大叅竟以黔南勞瘁卒于官人共
惜之

比陵人品記卷十



張景春吳中人物志序

昔魏劉邵撰人物志由性原以導精流材理晰焉至宋義慶因著世說而品類加詳蓋含靈代間嶽峻降神杜鳴表瑞泛採百城僻搜十室固或云乏矧吳之巨壘乎然國史不詳郡乘亦畧于是乎始求之野矣張隱君者抱逸民之雅致晞良賈之深歲葺西園以屏居傲東都以著論人稱曰西園公云博綜前史旁詢今獻上自成周下迄我明歲以千數代經屢革有聞必書為類十有三為卷十有二共得若干人題曰吳中人物志展卷之餘悅若神對曠世相感實為美談夫自固擘叙列曾不數人子政之傳列仙玄晏之傳高士胡訥之錄孝行費樞之撰庶吏或纂名士於閩川或紀耆舊

於益部賢媛貞女惟述房中法羽神僧止

輯方外奚若隱君考載之全乎近觀祝京

兆之往哲顧司寇之新編闡微揚陋茲為

宗鏡矣又若計然著書端木習道隱君豈

徒脩業而息之者乎是編也隱君之孫天

台吏滂收而蘊諸篋季孫沖之子太學生

獻翼更為刪次系以論贊辭麗而作者之

意益彰矣若靈運著述德之篇姚班廣紹

訓之志家風罔墜世業攸徵韓子亦曰莫

為之後雖盛弗傳其斯之謂乎余既快觀

爰識簡端 隆慶庚午孟冬朔

賜進士奉政大夫吏部司勳郎

勅僉雲南憲使郡人皇甫汙子循撰

吳中人物志卷之一

明長洲張景春

曾孫景春

鳳翼

孝友

漢

張武吳郡由拳人也父業郡門下掾送太守妻子還鄉里至河內亭盜夜劫之業與賊戰死遂亡失尸骸武時年幼不及識父後之太學受業每節常持父遺劍至亡處祭醮泣而還太守第五倫嘉其行舉孝廉

人物志卷一

遭母喪過毀傷父魂靈不返因哀慟絕命

宋

顧悌字子通雍族人以孝悌廉正聞於鄉黨孫權時為將軍言辭切直朝廷憚之悌父向歷四縣令致仕每得父書灑掃設几筵舒書其上拜跪讀之父終飲漿不入口五日不見父喪常畫壁作棺柩像設神座於下對之哭泣服未闋而卒

陳遺郡人宋初為郡吏母好食鐺底飯遺在後恒帶一囊每煮食輒剝其焦以貽母後孫恩亂聚得數斗恒以自隨及敗逃竄多有餓死遺因此得活母晝夜

泣涕自為失明耳無所聞遺還家戶再拜號咽母密然即明

顧訓之仕宋太原太守五代同居子孫富盛闔門雍睦家有百口時人重之

顧昌衍郡人居喪幾至滅性王儉言之天子謂張永之甥授尚書庫部郎

張敷雍州都督邵子也性整貴好讀玄書兼屬文論父在吳與亡敷往奔赴自發都至成服凡十餘日始進水漿菜畢不食鹽菜遂毀瘠成疾未暮而卒孝武詔贈侍中

人物志卷一

張暢字少微弟牧嘗為獬犬所傷醫云宜食蝦蟆牧甚難之暢含笑先嘗牧因此乃食創亦即愈暢與從兄敷演鏡齊名

張稷字公喬幼有孝性所生母劉無寵適疾時稷年十一侍養衣不解帶每劇則終夜不寢及終毀瘠過人州里謂之淳孝長兄瑋善彈箏稷以劉氏先執此伎聞瑋為清調便悲感頓絕遂終身不聽之父永及嫡母丘相繼歿六年廬於墓側

齊 陸厥少有風槩永明九年州舉秀才父閑被誅厥坐

擊高方尋有赦厥恨父不及感慟而卒年二十八左
文集十卷弟絳完襄絳當開臨刑時抱頸求代不獲
以身蔽刃行刑者併害之

梁

陸襄字師卿齊瑒州別駕開子侯景圍臺城襄直侍
中省城陷奔還吳義兵夜襲郡殺景偽太子蘇單于
推襄行郡事襄與景將宋子僊戰於松江敗績憂憤
卒年七十襄弱冠遭家禍釋服猶若居憂終身蔬食
布衣不聽音樂五十餘年

陸景融蘇之吳人元方子為象先後母弟象先被管

人物志卷一

三

景融諫不入則自楚母為損威人多其友

顧協晉司空和六世孫幼孤舉秀才為廷尉正清介
有志操自丁艱憂終身布衣蔬食不復更娶卒無胤
嗣無衾以斂武帝悼惜詔資給喪事

陳

張昭吳人幼至孝父煠病渴嗜鮮魚昭結網捕魚以
供膳弟軋亦有至性父卒兄弟並不衣絲不食鹽酢
日食升麥屑粥每感慟必嘔血

唐

歸登拾遺崇敬子事繼母篤孝舉孝廉又策賢良拜

給事中憲宗問政所先登勸順納諫諍內外傳以為

謹言

龔景才字敦禮五世同居以孝義稱麟德九年旌表
其門

丘為嘉興人事繼母孝嘗有靈芝生堂下累官太子
右庶子時年八十餘而母無恙給俸祿之半及居憂
觀察使韓滉以致仕官給祿所以惠養老臣不可在
喪為異惟罷春秋羊酒初還鄉縣令謁之為侯門磬
折令坐乃拜里胥立庭下既出乃敢出經縣署降馬
而趨年九十六

人物志卷一

四

陸南金字季孫開元初少卿盧崇道抵罪徙嶺南逃
還偽稱南金弔客突入其舍而道其情南金匿之俄
事覺詔御史捕按南金當重法弟趙璧自言匿崇道
者我也請死南金固言弟自誣不情御史怪之趙璧
曰母未葬妹未歸兄能辦之我生無益不如死御史
驚上狀玄宗皆宥之南金知書史操履謹飭張說陸
象先稱其賢由庫部員外郎以疾改太子洗馬卒
丁公著字平子蘇州吳郡人祖衷父緒皆不仕公著
生三歲喪所親七歲見鄰母抱其子哀感不食因請
於父絕粒奉道真其幽贊父憫而從之年十七勉令

就學年二十一五經及第授集賢校書郎秩未終歸侍鄉里遇父喪躬負土成墳哀毀之容人為憂之里閭成風皆敦孝悌

宋

龔明之練川人性至孝幼事祖母李李年七十二病且革明之潛灼頂祝天願減已五齡以益李壽詰旦李病即愈果又五年而卒嘗數千里外護母弟二喪歸葬曾不以貧自阻年六十始應鄉貢或勸少匿其數嘆曰吾誰欺竟書其實晚以特恩廷試授高州文學年踰八十法不應仕吳士在朝者列其行義薦之

人物志卷一

五

鄉人又請于朝超遷宣教郎致仕嘗撰中吳紀聞三卷卒年九十六

周容父伯乙母朱氏容早失恃事母至孝為人所稱為縣從事嘗有事于項山得數粟附婦以奉母妻匿之以他粟進他日母出之以食容容心疑焉遂詬譴其妻容卒邑人祀之

范純佑蘇郡人仲淹子性孝事父不違左右仲淹出鎮關陝純佑與將卒錯處鈞深摘隱得其才否由是仲淹任人無失而屢有功後以蔭為將作大匠弟純仁父沒始出仕

陳振字震亨襄之後也父遵出贅李衡女因家崑山遵死振幼貧無以葬得地圓明村卜者云不利長子振曰使親歲得寧或不宜於振二弟尚可主祭遂葬焉天性至孝以祿不逮養刻木為親像一飯必祭急義樂善好汲引後進有過失必規正之為文簡健高雅無宋季陋習

李鼇者壽昌令璩之子也璩濮州人咸平中自睦州罷官北歸舟過吳江而卒即葬于天平山鼇時尚幼奉母鄭家于蘇天聖中鄭卒與璩合葬鼇倚杖寢苦廬于墓側早夜悲慟甘露再降于松柏朝野名士皆

人物志卷一

六

為賦詩鼇又以母嘗誦金剛經刺血為書刻於墓下即中楊備表之

元

朱良吉支塘人延祐乙卯冬母錢病危剔胷肉煮粥以進母歿之而病愈良吉心痛不能起邑人聞而過其家觀其瘡僅五寸氣騰出為納其心以素白皮線縫之不逾月而愈

國朝

戴君用吳人父福洪武中因監稅失火法當死代父刑于闔門其妻吳氏守節旌表

楊珉字公蘊天性孝義永樂間入京師遇館人喪不能舉將鬻其子珉探囊中得鈔三十錠助之後婦顧氏遘疾藥不能效珉籲天割股作羹以進母食之疾尋愈

顧亮字寅仲吳邑人五月而孤事母曲盡孝誠娶婦不能事姑母不言於亮亮潛知之遂出其妻單居旅泊者踰十年母沒如母存之日太守况伯律以為郡中之賢者無過若人逮書鞫延之子犯薄刑况公欲寬之亮執不容宥堅請寘之於律

楊翥字仲舉少孤貧從兄戍武昌為鄉校師為人端

人物志卷一

七

厚和裕事母及兄孝弟著聞

徐植字元秀常熟縣人父彥達掌鄉賦徂于元季弊政賦入後期法當刑植時年二十八赴所司自陳引為已罪所司不能奪遂從其請臨刑有詩曰父母恩同天地高願將一死報劬勞三杯白酒濃如鴆七尺青絲利似刀風送斷魂歸故里月移枯骨葬荒郊遙知親族偏憐我淚灑西風濕布袍邑子王廷珪為作孝子傳

錢迪甦之子少有至性洪武初父坐事當刑迪慨然詣闕求以身代上許之死時年甫十八甦得老而終

從子完感其孝為特祠於家

蔣安字仁伯洪武間其弟懋以累戍開平安時為邑諸生去巾幘詣御史泣曰懋幼弱不任戍且老母所鍾愛請以安往御史許之

張巽字公遜洪武間兄公讓坐事戍貴州歿于戍所宥司檄取戶丁補伍父命公豫往巽曰弟幼弱宜留以侍親且遠戍勤親之憂吾當往父不得已遣之鄉人皆予其義

居璠字永美常熟許浦人性淳朴自其四世未嘗析爨璠尤有義聞

人物志卷一

八

論曰烈士者以孝義為本文游為末孝弟者以致養為先榮觀為後漢世忠孝成俗乘軒服冕非此莫由宜永保其宗社長守其祿位也晉宋以來非出衣簪之下多發猷畝之中王公大人曾不與斯人之徒隸齒以此言聲教非卿大夫之恥乎有官非聞達而祿喜逮親有祿不及養而哀不自堪有昆弟爭死而身全有夫婦俱喪而名立訓不奉于貽謀規不稟于聖善而篤于天性膝下之歡自足焉茂草嘉樹榮枯于庭宇走獸翔禽馴狎于墓廬村為孝教村里為和順里有不播微烈于當年揚休名于千載者哉粵稽有

吳縱橫一千里上下五百年剔肝剖股比肩而立廬墓成墳旋踵而至陳振刻木為親秦玉伏棺滅火入夢而授紫蘇陳貞之孝感也始花而得三艾瞿興嗣之精誠也顧榮致書于鄉人后主制銘于宮舍季儒赴難於兄周彬振撫其弟非弘愛敬之理而能然乎亦有禱北辰而疾愈膳北土而得魚雕胡盡生於湖中霜橘嘗懷于賓座吳人以為美談亦足稱也若乃忠貞如張四山尤稱純孝雍睦若顧覲之獨秉忠義傳雖匪一義兼在三孝立則忠遂矣孝之大也不其然乎

人物志卷一

九

贊曰脩途尋遠蒸蒸孝思顧我復我生之育之圖形畫像色悅聲怡循陟陟吧問堅求醫祥禽瑞兔甘露靈芝消塵語孝河海稱慈荆葉匪萍棣萼成詩姜李並駕曾閔同規

吳中人物志卷之一

吳中人物志卷之二

長洲張景春甫輯

曾孫獻翼論贊

忠義

春秋

蹶由王餘祭之弟魯昭公五年楚伐吳蹶由犒師楚王執之將以釁鼓使問曰女卜來吉乎對曰吉寡君聞君將治兵於敝邑卜之以守龜曰余亟使人犒師請行以觀王怒之疾徐而為之備尚克知之龜兆告吉曰克可知也君若驩馬好逆使臣滋敝邑休忘而

人物志卷二

忘其死亡無日矣今君奮馬震電馮怒虐執使臣將以釁鼓則吳知所備矣且吳社稷是卜豈為一人使臣獲釁軍鼓而敝邑知備吉孰大焉乃弗殺以蹶由

要離吳人闔廬憚慶忌在隣國有萬人之力恐合諸侯以害吳伍子胥乃進要離要離進曰大王患慶忌乎臣能殺之臣詐以負罪出奔願王戮臣妻子斷臣右手慶忌必信臣王曰諾要離乃詐得罪出奔吳王乃取其妻焚棄於市要離乃奔諸侯以無罪聞於天下遂如衛見慶忌曰闔閭無道王子所知今戮吾妻

子焚之於市無罪見誅吳國之事吾知其情願因王子之勇闇間可得也慶忌信其謀練士卒遂之吳將渡江於中流要離力微坐慶忌上風因風勢以矛鉤其冠順風而刺慶忌慶忌顧而揮之三摔其頭於水中乃加於膝上曰嘻天下之勇士也乃敢加兵於我左右欲殺之慶忌止之曰豈可一日而殺天下勇士二人哉可令還吳以旌其忠於是慶忌死要離渡江愍然不行謂從者曰殺吾妻子以事吾君非仁也為新君而殺故君之子非義也何面目以視天下之士言訖遂投身於江未絕從者出之要離乃自斷手足

人物志卷二

二

伏劍而死

張胥鄙譚夫吾吳士也前交而後絕張胥鄙有罪拘將死譚夫吾命徒而取之至於道而後乃知其夫吾也輟行而辭曰義不同於子故前交而後絕吾聞之君子不為危易行今吾從子是安則肆志危則易行也與吾因子而生不若反拘而死闇間聞之令使釋之張胥鄙曰吾義不同於譚夫吾故不受其任矣今吏以是出我以譚夫吾故免也吾庸遽受之乎遂觸牆而死譚夫吾聞之曰我仕而不受倅也不知而出之愚也倅不可以倅士愚不可以仕君吾行虛矣人

惡吾生吾亦耻以此立於世乃絕頸而死

王子地王孫彌庸皆夫差臣也魯哀公十三年越伐吳為二隊疇無餘謳陽自南方先及郊彌庸見姑蔑之旗曰吾父之旗也不可以見離而弗殺也太子友曰戰而不克將亡國請待之彌庸獲疇無餘地獲謳陽越子至復戰友與彌庸於姚皆死之

漢

人物志卷二

三

彭脩字子揚會稽毗陵人也年十五時父為郡吏得休與脩俱歸道為盜所劫脩困迫乃拔刀前持盜帥曰父辱子死卿不顧死耶盜相謂曰此童子義士也不宜逼之遂辭謝而去鄉黨稱其名後仕郡為功曹時西部都尉宰龜行太守事以微過收吳縣獄吏將殺之主簿鍾離意多諫甚切龜怒使收縛意欲案之掾吏莫敢諫脩排闥直入曰昔任座面折文侯朱雲攀毀欄檻自非賢君焉得忠臣今慶明府為賢君主簿為忠臣龜遂原意罰獄吏罪後為吳令與太守俱出討賊賊交射之脩障扞太守為流矢所中死

下崇婁縣人漢桓帝時太守薛固為法吏所枉下廷尉崇與同郡烏程錢讓詣闕稱寃廷尉囚崇等以兵圍守若毒持之崇讓恬然自若枉聲彌厲天子聞而奇之乃赦固罪

晉

朱桓吳郡吳人桓為將軍桓給事幕府後為濡須督魏使曹仁將步騎數萬向濡須欲襲取州士遣其子泰來攻城桓身自拒泰泰燒營而退卒後家無餘財桓賜鹽五千斛以周喪事

張禕吳郡吳人少有操行晉恭帝為琅琊王以禕為

人物志卷二

四

即中令及帝踐祚劉裕以禕帝之故吏素所親信封樂酒一甕付禕密令鳩帝禕既受命於道自飲而死

齊

陸超之郡人齊江州刺史晉安王子懋防閭隆昌元年宣城公鸞既專廢立又殺鄱陽王錡隋郡王子隆等子懋欲起兵謂超之曰事成則宗廟獲安不成猶為義鬼鸞遣軍主裴叔業先襲尋陽遣將隨子懋參軍干琳之入齋害子懋琳之勸超之逃亡超之曰人皆有死此不足懼吾若逃亡非唯孤晉安之眷亦恐田橫客笑人端坐俟命王元龜嘉其節厚加殯歛

張冲字思約明帝時為郢州刺史梁武起兵手書喻意冲確然不回東昏遣使領兵及糧運送冲使拒西師梁武軍主曹京宗過江攻郢城冲固守不屈病將死厲府僚以誠節言終而卒

張嶮梁左僕射稷子方雅有志操侯景陷建鄴賊行臺劉神茂攻破義興遣使說嶮嶮斬其使仍遣軍破神茂景乃遣其中軍侯子鑒助神茂擊嶮嶮親出督戰城陷嶮釋戎服坐於廳事賊臨以白刃不屈執送景景將舍之嶮曰速死為幸乃斬之子弟遇害者十餘人景欲存其一子嶮曰吾一門已在鬼錄不就爾

人物志卷二

五

虞求恩於是皆死賊手

宋

葉夢得字少蘊蔡京在位多所變更夢得引周官太宰得以詔王而不得自專言甚剴切又極論士大夫朋黨專內重外輕之弊乞身先補郡力抗權貴

范成大字至能隆興再講和失定受書之禮假充金祈請國信使至燕山密草奏具言受書式進金主大駭左右將笏標起之成大屹不動竟全節而還

邊知章字公望歷永靜軍通判律學博士靖康初金人犯闕尋以和議退澶淵當孔道明年春告滿代者

避禍愆期虜將復動或勸知章逃去知章抵書平江諸弟以謂去歲兵至宜敵不敵今歲既盟宜和不和速禍必矣苟求幸逃豈不媿守刑匿詔事乎藉使非力所能而死當見吾祖地下無靦顏其冬虜至城下軍潰于內遂死之

朱良字良伯祖公綽光祿卿父季端為郎屢典名郡良仕秀州海鹽尉建炎四年金人犯順車駕南幸分兵入縣境良謂僚友曰今日乃忠臣義士死國之時也被甲執戈集射士百餘奮而前金兵數人死衆為披靡然力不敵竟死同郡時有武舉進士保義即攷

人物志卷二

六

為婺州永康尉賊衆犯州與兩浙兵馬鈐轄閻璋發州諸縣弓手將領馬珍俱被害

孫察臨之子朝議大夫載之從子也察以朝散郎奉使金國問上聖起居守節不屈金人裹以油絮焚之罵聲不絕而死

郭元邁字英遠應募奉使時建安魏行可假河北金人軍前通問使元邁為之副行次河朔以尺紙付家云去疆當藉棘時難保全生此身已許國矣至虜廷上書酋帥粘罕乞婦二聖金人留之不遣尚書洪皓比婦言其以身殉國弃之不取緩急何以使人元邁

不肯髣髴換冠卒于虜中

彌遜字似之累官起居即以封事剴切貶知廬山縣宣和末知冀州金人犯河朔彌遜捐金帛致勇士脩城堞決河護塹邀擊其遊騎斬首甚衆兀朮北還戒師毋犯其城自被謫以來垂二十年及復居職論事鯁切如初秦檜再相獨彌遜與晏端復有憂色彌遜請對言金使請和欲行君臣之禮有大不可檜嘗邀彌遜至私第曰政府方虛員苟和好無異議當以兩地相浼答曰彌遜受國厚恩何敢見利忘義今日之事獨有一去可報相公次日彌遜再疏辭愈切直檜

人物志卷二

七

大怒彌遜引疾上疏乞歸鄉里朝廷思其忠節

周虎字叔子靖康中徙居常熟為人個儻輕財尚氣慶元二年武舉進士授殿司步軍同正將除武學諭閤門舍人充金國賀生辰接伴副使開禧二年知和州時虜會諸道兵加渠帥以平南盪江等處長驅入寇圍和州甚急虎部分將士棄城拒守其母何氏擁孫息期與兒偕存亡虎謂父老曰吾國家守臣一朝去此則為奔亡之人失節敗名生不如死效死弗去雖歿猶生吾計決矣合戰凡三十四殺虜驍將以十數最後射死其右帥石砣鏃虜引去於是和議堅決

而江淮安馬虎推功婦進封永國太夫人故賞不及虎州人德之生為母子立祠

滕茂實元發從子也金人入寇茂實假工部侍郎出使河東割地太原陷黏罕將收為用遂寘代州使茂實易戎服又驅巾幘稍高者數人至前殺之茂實弗動自為哀詞復篆宋工部侍郎滕茂實墓九字密授其友董誥屬以後事欽宗過代州茂實具衣冠迎謁拜伏號慟請從舊臣俱行金人不許其後竟卒

王玠字介玉個償負氣節酒酣嘗舞劍為樂孔彥舟為舒蘄鎮撫使厚禮聘玠奏為幕屬初權邦彥知東

人物志卷二

八

平彥舟隸麾下因事叛去及聞邦彥發書樞密心不自安又宣州韓世清伏誅及韓世忠自湖外破劉忠俘馬友順流東下彥舟疑其圖已遂有異志問計於玠玠正色答之曰總管被命鎮撫二州任優祿厚豈可負朝廷自陷不義諭以順逆凡數百言彥舟怒囚之越數日復問之玠曰君不能與韓公爭先立功以報君父顧乃甘心與逆賊為比而慮其見圖苟欲富貴能達大勳於國家則可何獨比虜能富貴人哉君誠欲反幸先殺我孰謂王玠而從賊耶彥舟竟沉玠於龍眼磯與妻子俱死玠嘗有讀楚詞詩意以原自

况

姚舜元字景瑞少拳勇以武功為保義即平江府東南副將守吳淞德祐改元冬元帥下平江時姚氏為邑巨族民樂歸附舜元語弟舜賓及舜賓子應龍曰國家德澤在人大本未去收合散亡以應內援外事可圖也未幾元帥偏將東狗會黃霧四塞襲兵猝至舜元無備與弟舜賓姪應龍及次子與龍俱死之

元孟文龍字震翁孟子之後昭慈后五世孫中銓試授迪功郎自咸淳以來被命主昭慈祀事元兵下江南

人物志卷二

九

平章史弼欲薦起之文龍致書以死辭乃止自是不出戶庭以讀易終身

楊椿吳人少尚節義元末叅政脫寅辟為叅謀守妾門張兵至眾皆潰椿獨擐甲持弓匹馬突出劫之身被數鎗死

陳謙吳人善詩賦至正十六年兄訓為江浙行省幕官還家視弟俄遇兵亂入室被斫謙以身蔽弟遇害國朝

劉政字仲理蘇人父以禮學識淹博洪武初薦授沛縣教諭公從宦得肆力問學革除已外以春秋中應

天府鄉試第一時國家多難試題出可以託六尺之孤一章考官侍講方孝孺為時儒宗得其文驚曰此他日臨大節而不可奪者批之有群鳥中之孤鳳乃吾當虛左以處之之語公平生忠義自許壬午歲聞國事感慨不食死

黃鉞字叔揚蘇州常熟人以生負除宜章典史洪武二十二年已卯舉湖廣鄉試明年庚辰第進士授刑科給事中封駁甚多辛巳即建文三年以父喪歸其所厚翰林侍讀方孝孺弔之屏左右密言曰北方不靖蘇常鎮京師之左輔應北之右臂也君吳人朝廷

人物志卷二

十

之近臣今雖去當有以教我鉞曰三郡惟鎮江最為要害守非其人是撤垣以納盜也童俊狡獪不宜獨守任吾近見其奏事上前視遠而言將此其心不可測也蘇州知府姚善忠義激烈有國士風必能獨當一面但仁慈有餘而御下太寬此治郡之良才恐不足於定亂耳然國家大勢不在江南必待戎馬至此亦已晚矣孝孺乃因鉞附書於善以忠孝相勉期戮力王室以濟時艱危善得書與鉞相對慟哭以死自誓鉞至家因父殯在陂上舊廬即往居之足跡不入城邑壬午靖難師起日促姚善受建文君摠詔率蘇

松常鎮嘉興五郡兵馬勤王善以書招鉞鉞以親喪尚在殯請即日營葬畢事乃可趨命既而童俊果以鎮江降 文皇帝正位詔暴姚善罪狀收之善麾下許百戶性權詐因得親善縛善邀賞鉞聞之慟哭遂絕食閉目三四日死以家人救甦或傳言款服上赦其罪復瞠目曰吾知善為人決無二心吾且少俟之善事定吾獨死未晚也脫果不死吾將下報希直希直者孝孺字也遂復稍稍食其年七月十日善就刑報至鉞起登琴川橋西向再拜祠而哭之曰吾與君同受國恩不幸有國難義同許身君與希直同死

人物志卷二

十一

國吾忍背義獨生乎祠畢詒家人婦祭具遂從容整衣冠奮身入水死
范純字誠夫成化初勅僉四川風裁肅然時松茂有警純督運抵威州寇來攻城以計破之再轉松潘時萬安居內閣其子驕橫純以法繩之故官久不遷又有當道市珍禽以充貢每衛索金至數百兩純白止之弗聽嘆曰吾不能為民庇可復仕乎即移疾歸楊瑛字潤卿嘉定人弘治初為給事中上疏請革弊政以保初治嘗夜出遇貴璫爭道不恭批其頰璫泣訴於上上云知是長楊何不讓之其受眷注如此

龔弘字元之嘉定人知兗州縣吏有貪污不法者聞風輒解印綬去闔郡屏息時中貴李與過兗州聲勢張甚弘獨長揖不屈後有一巨璫縱奴殃民弘擒其首惡六十三人置之於法

李應禎字貞伯一名姓其先汴人建業南渡寓居蘇之長洲遂家焉祖士文永樂中以名醫薦入太醫院應禎與弟應祥同生於南京景泰中以儒士中應天鄉試卒業太學時中貴人牛玉用事士爭出門下玉雅聞公欲延致之一日詣太學公避不與見頃之拜中書舍人故事賜百官燕中書舍人坐給事中御

人物志卷三

十一

史上頃歲禮部大臣輒易其次公抗章斥其非至再語侵大臣大臣竟持其議既而不樂與同舍之倖進者俱乞補教官不許尋召直文華殿時荆襄流民定居既久言者欲逐之公上言宜就撫其衆逐之非便朝廷是其言命有司縣其地壬辰詔罵浮屠書公辭非臣職上章極論其非是忤旨廷杖之幾死久之罷駿直

論曰忠正為人臣之本功雖不成志節可紀故天下至大方身則小生為重矣此義則輕然則隕節苟全其宜義夫豈吝其沒捐軀若得其所烈士何愛其存

曰忠曰良時則為之豈因願與不願也觀張禔自燬以全帝張燠嘗賊以滅宗孫察見焚于油絮王玠竟沉於龍磯朱良知死國之時元邁抱奉使之節當援攘之際踐必死之機豈昧夫天之所廢哉猶甘心道醢赴義者渴者內懷鐵石之心外負凌霜之節豫讓所謂媿後世之人臣而懷二心者也若張胥鄙之于友生卞崇之於牧守義重在三報隆知已蹈節輕生之士無乏于時可謂歲寒貞柏疾風勁草矣千載之後慄慄如生用旌吳之有人焉

人物志卷三

十一

贊曰歲暮貞心嚴風勁節實惟有吳忠貞若綴豐鼓身全觀兵目扶功推聖善旗逢姑蔑鬼錄一門荒途九折橫客並驅原心一轍殉節單誠千載不滅

吳中人物志卷之二

吳中人物志卷之三

長洲張景春甫輯

曾孫獻翼論贊

吏治

漢

陸烈字伯元漢高帝時為吳令遷豫章都尉卒吳人思之迎葬于胥屏亭遂為吳人

任延字長孫南陽宛人也十二為諸生學於長安顯

名太學號為任聖童更始元年拜會稽都尉時年十

九迎官驚其壯也壯少也及到靜泊無為唯先遣饋禮祠

人物志卷三

延陵季子時天下新定道路未通避亂江南者皆未

還中土會稽頗稱多士延到皆聘請高行如董子儀

嚴子陵等敬待以師友之禮掾吏貧者輒分奉祿以

賑給之省諸卒令耕公田以周窮急每時行縣輒使

慰勉孝子就餐飯

第五倫字伯魚京兆長陵人拜會稽太守雖為二千

石躬自斬芻養馬妻執炊爨受俸裁留一月糧餘皆

賤賣與民之貧羸者會稽俗多淫祀好卜筮民常以

牛祭神百姓財產以之困匱其自食牛肉而不以薦

祠者發病且死為牛鳴前後郡將莫敢禁倫移書屬

縣曉告百姓其巫祝有依託鬼神詐怖愚民皆案論

之有妄屠牛者吏輒行罰百姓以安永平五年坐法

徵老少攀車扣馬號呼相隨日裁行數里倫乃偽止

亭舍陰乘船去及詣廷尉吏民上書守闕者千餘人

張霸字伯饒蜀郡成都人鄉人號為張曾子永元中

為會稽太守表用郡人處士顧奉公孫松等並有名

稱其餘有業行者皆見擢用郡中爭厲志節習經者

以千數道路但聞誦聲越賊未解郡界不寧霸始到

遂束手歸附不煩士卒之力

元賓以孝廉入三省除蒼龍司馬衛尉察尤異遷吳

人物志卷三

令視事二稔民用寧康辟州從事召拜議郎延熹二

年卒

三國

滕胤仕吳為吳郡太守以善政見稱常日接賓客夜

省文書或通曉不寐

顧雍字元歎少從蔡邕學琴書嘗仕吳為婁長有治

績後遷會稽郡丞吏民婦服孫權敬之親拜雍母於

庭官至丞相封醴陵侯

晉

荀羨以建威將軍為吳國內史有能名

鄧攸吳郡太守載米之郡俸祿無所受惟飲吳水而已郡中大饑輒開倉賑貸刑政清明百姓歡悅後稱疾去職百姓留牽攸船乃夜中發去吳人歌之曰統如打五鼓鷄鳴天欲曙鄧侯挽不留謝人推不去賀循元帝為安東將軍以循為吳國內史

顏含吳郡太守所歷簡而有恩明而能斷王尊嘆曰顏公在事吳人斂手矣

應詹元帝推重其才出補吳國內史

蔡謨蘇峻搆逆吳國內史庾冰出奔乃以謨為吳國內史謨與張闓等共起義兵迎冰還郡

人物志卷三

三

素崧吳郡太守博學有文孫恩作亂崧守滬瀆城陷死之

宋

何子平廬江瀟人也世居會稽少有志行事母至孝揚州辟從事史元嘉末除令海虞祿俸悉以供母不以及妻子母喪去官哀毀踰禮幼持操檢敦厲名行雖處閭室如接大賓學堅義明處之以默安貧守善不求榮進士彌以此貴之

顧脩期義熙中為吳令時縣西鄉有柿樹合本殊條羊玄保吳郡太守廩素寡欲為政雖無殊績而去後

常必見思南史云人仕宦非惟須才然亦須運命每有好官缺未嘗不憶羊玄保

齊

傅翮吳縣令發姦植伏惠化如神嘗言為政惟勤而清清則吏不能欺勤則事無不理

張環吳郡太守時環已封侯既有國秩不取郡俸高帝敕上庫別藏其俸以表其清

何敬容梁天監中吳郡太守勤恤民隱辨訟如神視事四年政為天下第一

謝舉吳郡太守先是何敬容居郡有美績及舉為政

人物志卷三

四

聲績相似

周洽汝南人歷吳令廉約無私齊武帝時卒於都水使者無以殯斂吏人為買棺器

梁

陸慶少好學通五經尤好左氏春秋節操高介為婁令有善政

唐

劉太真字仲適其先自彭城徙居金陵弱冠以行義脩潔詞藻現異為蕭穎士所知廣德二年江淮宣慰使李季卿薦授左衛兵曹浙江觀察使李樸筠聞其

名表為常熟令到官未暮而邑人化之後歷官禮部
侍郎出為信州刺史移疾去郡卒

韋應物白居易劉禹錫皆蘇州刺史應物貞元初在
郡暇日惟焚香哦詩自娛風流雅韻播於吳中居易

自杭州移刺蘇州作虎丘路在郡有政績多題詠禹
錫在郡以政績最賜金紫服

李栖筠蘇州刺史時許杲有窺江南意栖筠乃張武
備厚賚金帛勞杲軍杲懼悉衆渡江

王仲舒蘇州刺史隄松江為路變瓦屋以絕火災賦
調常與民為期不擾自辦政為天下景

人物志卷三

五

皮日休吳郡從事與郡中名士陸龜蒙等唱和賦詩
名曰松陵集自為序

劉綺莊崑山尉研窮古今博考傳記作類書一百卷
號崑山編

狄兼謨文宗時蘇州刺史治有最績

岑仲翔宰相文本之孫其先鄧州南陽人漢末自江
夏徙吳郡後遷鹽官仲翔為長洲令時兄羲為金壇

令弟仲休為溧水令皆有治績宰相宗楚客語本道
巡察御史曰毋遺江東三岑楚客薦羲為記水令仲

翔歷太子中允陝州刺史封博望公

滕遂貞元二十一年舉明經及第又書判登科歷大
理評事長洲令攝吳縣時人歌曰朝判長洲暮判吳
道不捨遺人不孤人謂有漢叔輔之遺風改侍御史
供奉賜緋

宋

張達明嘉泰中任政平訟理有循良風作無訟堂公
暇從容與客論詩曰詩莫難於絕句絕句尤莫難於
五言欲其章短而意長辭約而理盡實難其才故其
留題邑中者若松陵漁具諸作皆人所莫及後仕至
右丞

人物志卷三

六

趙彥貞宗室子用會稽籍舉進士授宣教即知吳縣
時營思陵轉運司調取洞庭清石期會迫彥貞即
日凌湖至其地召工泣諭之民感動趨役先期告畢
秩滿通判袁州

馬尋字子正鄆州人祥符初以明經登進士授吳江
簿出京日兄彛戒之曰到任半載可誦律書為治民
之本到官後彛至縣詰之答曰縣衝要疲於送迎未
暇及也彛不懌者久之尋乞緩期諷之至冬果精律
學尋登朝籍以奉法寺有平允之譽累著治聲彛之
力也

張方平字安道揚州人景祐中為崑山令縣有數十年積訟一問而決知州蔣堂得其所著芻蕘論上之遂舉賢良方正直言極諫科熙寧初拜叅知政事以太子太保致仕

趙彥橚字文長秦悼王七世孫父訓之以死事贈直秘閣彥橚舉進士為崑山主簿後知平江郡時海盜出沒為患彥橚奏分崑山之半置嘉定縣屯兵以守以寶謨閣待制致仕

李維字仲方肥鄉人宰相沆之弟舉進士為崑山令至道三年縣獲白龜維獻之郡官至尚書左丞

人物志卷三

七

蒲宗孟蘇州推官英宗以水災求直言宗孟謂臣陰象婦女陰類兵陰物閹宦陰之餘姦臣陰之極佞邪陰之本四夷中國之陰雨僚之變殆為是七者上疏極言之

林肇熙寧中知吳江縣覽江湖之勝慨然有歸思乃即松陵勝處作鱸鄉亭繪三高像於亭中遂具舟拂衣而歸

洪彥升常熟尉奉母之官既至前尉欲申期三月以規薦而中分俸入彥昇處僧舍却俸不納如期始交印

向子諲知平江府金使議和將入境子諲不肯拜金詔上章言自古屈已和戎未聞甚於此時宜却勿受忤秦檜意乃致仕

張孝祥知平江府判決如流庭無滯訟屬邑大姓為奸利孝祥捕治籍其家得穀粟數萬明年吳中大饑迄賴以濟

李衡吳江主簿有部使者怙勢作威侵刻下民衡不忍以敲扑迎合投劾於府拂衣而歸

袁韶吳江丞提舉常平黃犖檄韶覆田以定役蘇師旦恃韓侂胄威福密諭意言吳江多姻黨儻相容當

人物志卷三

八

薦為京朝官韶不聽

王佐知平江府政聲第一尤長於聽訟時嚴酒禁有鄭氏以母病湏酒飲藥民告其藏酒逮捕佐曰此必由家人漏言驗之果然得其姦狀而杖之

孫子秀吳江主簿日詣學官與諸生討論義理有妖人稱水仙太保郡守王遂將使治之莫敢行子秀往焚其廬碎其像沉其人於太湖曰實汝水仙之名矣妖遂絕

包恢知平江府首以所得供堂緡錢盡償供帳之費節省逋課以補九任度支逋欠去官之日府庫剩錢

六百餘萬

黃震吳縣尉縣多豪勢家告私債則以屬尉民多飢寒窘苦震不受債家告府檄攝其縣及攝長洲皆有聲

韓正彥字師德相州安陽人宰相琦從子父瓊正彥嘉祐中知崑山縣濬塘七十里達于郡得膏腴田數百頃民賴之比去民遮皆不獲為立生祠作思韓記劉石祠下

韓彥古知平江府至郡有士人持吏短長投狀以占能否彥古曰此狀汝不能為必有吏人為者其人錯

人物卷三

九

愕即以實告於是捕吏杖之一郡以為神明

梁澤民南劍州將樂人政和中為峴山令有惠愛父伯臣來就養澤民得於庭教為多

謝深甫字子肅台州臨海人軋道二年進士由岷縣尉調崑山丞嘗為浙漕考官一時士望皆在選中寧

宗朝拜右丞理宗朝孫女為后追封魯王謚惠正

常懋元祐七年進士由婺州推官改知嘉定縣事清慎自持不畏強禦歲大飢勸分和糴按籍均敷民受其惠部使者交薦於朝後知平江府事政績在郡志中

項公澤字德潤温州永嘉人淳祐間由長洲丞辟宰崑山縣為政廉敏以文學飾吏事留意學校買田養士官至宗正丞中奉大夫嘗脩玉峯志

元

姜復昌嘉興人宋都統才之孫也泰定初來為判官廉而才時律助法行與省官覈產程役審節平愜寬免單窶氣容溫舒而遇事執直長官橫悍詞色為屈放免小民里正百餘州人稱頌秩滿當去民將原為餽贖復昌抵夜潛往咸嗟悵而退

人物卷三

十

任立知嘉定時寬厚明達廉正不阿嘗釋冤獄四十

九人歲侵全活飢民六千餘戶王都中平江路治中時年甫十七僚吏見其年少頗易視之都中遇事剖析動中肯綮皆矐胎不敢欺學舍久壞都中募大家合錢新其禮殿

達魯花赤月里海牙奉訓蒙古人皇慶間兩淮運司簽撥電丁檄公親往運使臨之甚嚴公昌言曰吾州昂立海心民鮮而貧不堪其事寧斷吾臂弗敢撥也雖繩之以法而公辭色愈厲終以其一心有愛民而遂聽之民受其賜時歲旱公齋宿於寶慶觀而禱焉其室人病亟翌日家人來告曰夫人已死公曰我為

民禱雨未獲孚應汝等自歛之吾不可歸也誠懷愈切未幾雨大霑濡去民為立去思碑沒于海

王立中由慈溪縣尉遷嘉定知州再遷松江知府所至以廉靜稱博學善屬文有息齋寓齋等集

山山武毅蒙古人至元七年秋八月海中多寇市井艱糴民不聊生公奮然曰我來長此土治此民期與斯民同樂爾今海寇病民此我責也即統捕盜司及水巡官兵分坐哨船出海勦捕市人從者殆百人遇賊于海公鼓衆而前自午至酉賊勢潰殺傷莫知其數還其所劫人船公誓于衆曰厥要全獲醜類以清

人物卷三

十一

海宇敢有不前予即戮汝時日晚不能進公復率衆船圍守欲大戰夜半風雨驟作賊黨昏遁去州境賴以寧謐至今咸頌其德云

國朝

羅永年字延齡順天宛平人宣德中來知崑山縣事為政不弛不拘民賴之以安境內馬鞍山童捐俸買柏徧植于上歲久鬱茂人呼為即官柏縉紳多為詩美之

洪冕成都人知嘉定縣老政練達一遵前令之遺政縣嘗有火災冕顛天叩頭火尋滅

吳復閩縣人由吏員任崑山縣主簿九年知府况鍾知其能奏授知縣事滿考三載轉知相鄉縣陞工部主事侍郎周忱來巡撫辟為屬官歷陞本部侍郎加陞尚書卒

龍晉字遵叙吉水人知嘉定縣前下車辯累年不決之冤獄寬各驛科擾之馬役民甚德之吳淞江及鹽鐵塘淤塞躬督夫役浚而通之初入浚吳淞江嘗獲一石刻其文曰得一龍江水通人皆歎異以為事之前定

人物卷三

十二

葉錫字玄圭永嘉人以進士入翰林為庶吉士元年出知吳江縣以母喪去四年改知吳縣專尚德化寒暑布袍十年朝京師以治行卓越稱

吳哲字克明知嘉定縣事以六事作箴置諸座右時久旱哲為文禱雨雨隨至海濱有小蟹嚙稼復為文以責海神一夕徙去民遠者適市貿易必竟日而返哲度其地之中為市民德之號吳公市

王興宗洪武初為蘇州知府器量宏廓更卒有過諭之使愧赧既改又獎勵之人皆感德不敢犯法李亨蘇州知府性簡重臨事不迫薄於自奉治民有方不以喜怒加賞罰

湯德蘇州知府剛介有為不屈於勢利崇教化明法
令鋤奸去暴豪猾改行聽訟詳審獄無冤抑

魏觀洪武間為蘇州知府深懲陳寧苛酷之弊一以
寬厚為政明教化正風俗郡中翕然

鄭瑀吳縣知縣廉謹有能政平訟理吏畏民服卓然
可稱

芮翀崑山知縣正直有局幹政不察察未嘗失民情
効暴繩頑扶顛舒困囹圄為之空虛去任民流涕不
舍

柳敬中知常熟縣脩整學校勸士進業疏浚河渠便
民生

人物卷三

十三

民生理以嚴馭吏以公均賦政聲翕然

劉幹永樂初為長洲縣丞廉介剛直門無私謁衣簾
食糲九年不變滿去民擁道哭送後以百姓請留仍
為丞卒於官貧不能喪民為具棺歛送歸

馬文炯為崑山知縣剛介有為政令嚴明姦孽屏跡
民物熙洽疾卒民思慕之若其所生

論曰吏治難言哉吳王時高高下下以罷民於姑蘇
越大夫將還玩吳國於股掌之上未有起百姓以為

百姓者也漢置守令丞尉以賢良薦舉孝廉明經自
進多途不限甲乙治行若趙廣漢尹翁歸張敞王尊

皆起于獄吏書佐故明牧嘉吏惟漢為盛所居民富
所去見思廩廩庶幾德讓君子之遺風焉然皆以經
術緣飾吏事未有不達于學而能官者也 明興不
限科制如况守拔于掾吏天下以為才卿吏師九牧
之人所共稱嘆吳廣漢翁歸諸君子相埒雖鳳皇甘
露之祥靈芝黃龍之應未足奇也學首顯名即聖童
如任延何必減已老之顏駟哉陸烈元賓而下仲翔
兼友于之美澤民得庭教為多寬惠之音足以傳于
來葉斯其績用之最章章者耶後代科專甲乙藝止
濫竽苟非入第雖復人才可施每為清途所隔養馬
不暇東門魚之謠所以作也今所綴集殊聞顯迹類
非淺才陋學之士異吏吾土者企高山而仰止聞清
風而自勵云

人物卷三


十四

贊曰理善致祥政畏張急璧烹於鮮猶工于埴長吏
親人希經邦邑吳水獨嘗清原斯挹貪氓洗鏡汚吏
登革瘼蠲匹夫絃鳴千室秋月春風何往非適事類
龔黃化比蒲宓嘉此循良操彼風迹期播德音後代
永式

吳中人物志卷之三

吳中人物志卷之四

長洲張



薦舉

晉

顧綜吳人明帝時辟有道歷御史大夫至尚書令帝以正月上日幸辟雍延綜為三老設几杖乞言受誨其後生雍雍從學琴書於蔡邕邕歎異之故字元歎弱冠州郡表薦為合肥長轉曲阿上虞皆有治跡子譚代雍為平章事孫榮字彥先南州士望朝野甚推

敬之

陸康吳郡吳人太守李肅舉孝廉肅後坐事誅康為歛尸送喪還鄉行服以義烈稱除高成令州郡上其治狀靈帝欲鑄銅人而國用不足乃詔民田畝歛十錢康上疏極諫檻車徵詣廷尉坐免婦復徵拜廬江太守獻帝時康蒙險遣計吏奉貢素術遣使求委輸兵甲康以其叛逆閉門不通內脩戰備以禦之術怒遣孫策攻康康固守二年城陷病卒朝廷愍其守節拜子儁為郎中少子績顧和字君孝榮族子也總角便有清操王導為揚州

辟從事咸康初拜御史中丞劾奏尚書左丞戴抗賊汚百萬付法議罪并免尚書傅玩即劉備官百僚憚

陸曄字士光少有雅望機從弟也元帝初鎮江左辟為祭酒以功封望亭侯與王導卞壺庾亮溫嶠郗鑒並受顧命弟玩弱冠有美名與兄曄俱守宮城官侍中司空

陸納玩弟也少有清操貞厲絕俗州舉秀才累遷吏部郎吳興太守至郡不受俸祿

陸徽字休猷吳郡吳人郡辟主簿遷益州刺史蜀土

安悅

蔡洪字叔開郡人有才名薦仕松滋今時王政陵遲君子多退而窮處洪作孤奮論與王沉釋時論同行于時嘗赴洛洛中人問曰幕府新開羣公辟命求英奇於側陋採賢雋於岩穴君吳楚之士亡國之餘有何異才而應斯舉蔡答曰夜光之珠不必出于孟津之河盈握之璧不必採於崑崙之山大禹生於東夷文王生於西羌聖賢所出何必常處昔武王代紂遷頑民於洛邑得無諸君是其苗裔乎有問秀才吳籍姓何如洪答曰吳士季聖王之老成明時之雋義朱

永長理物之至德清選之高望嚴仲弼九臯之鳴鶴
空谷之白駒顧彥先八音之琴瑟五色之龍章張威
伯歲寒之茂松幽夜之逸光陸士龍鴻鵠之裴徊懸
鼓之待槌凡此諸君以洪筆為耒耜以紙札為良田
以玄嘿為稼穡以義理為豐年以談論為英華以忠
恕為珍寶著文章為錦繡蘊五色為繪帛坐謙虛為
席薦張義讓為帷慕行仁義為室宇脩道德為廣宅
吳震郡人學行清脩老而未調華譚薦之為著作侍
郎
徐原字德淵慷慨有才志忠壯好直言呂岱薦為侍
御史岱有得失原輒諫諍原死岱哭之曰德淵岱之
益友也今已矣岱復於何聞過焉

人物志卷四

三

唐

張承休吳郡人曾祖冲祖後胤承休初以南郊齋郎
補兖州兵曹丁母憂廬墓三年又舉賢良方正遷揚
州司錄參軍移蘇州常熟令歷政皆有賢名終開元
二年張說為其銘

宋

錢藻字醇老吳越王元瓘子儼入朝為昭化節度守
和州儼生昭慈昭慈生順之藻順之子也舉說書進

士又舉賢良方正皆中其選英宗時為祕書校理三
上書請慈聖光獻太后歸政天子神宗時稍遷直舍
人院同脩起居注知開封府以慈恕簡靜為體不求
智名以投世取顯為屬者有不合而遇之無厚薄意
黃挺字公操浦城人紹聖中丞相章卨公薦其才為
吳縣尉歷秀州司理杭州餘杭尉筠州判官年未六
十告老守太子洗馬致仕家於吳知州章岵為十老
會挺其一也

人物志卷四

四

龔頤正字養正歷陽人父為華亭今遂家吳中淳熙
末洪景廬領史院奏授下州文學補迪功郎光宗受
禪用薦者主管吏部架閣文字遷太社令宗正寺簿
嘗著續稽古錄

楊紹雲吳江震澤人中書邦弼之孫寶慶三年辟任
忠義統制兼淮東制置副使陞禮部侍郎

郭章字仲達崑山人早遊太學有聲于時因歸省以
詩別同舍有掠短綠蓑驚脫兔踏翻紅葉關歸鴉又
云中原百覽知誰運今日分陰自等閑之句以守成
功拜官被薦居帥幕官至通直郎

李逢昌字子明常熟許浦人蔭補迪功郎改淮東制
司魏了翁時制閩議復通州城以軍券為慮激逢昌

羅百萬緡旬月事集了翁以練達舉之丘岳趙范爭
辟致逢昌歷桐城清流二縣令辭疾歸立義莊贍族
人號長者子淵博雅好古仕蘄州路總管

元
章德剛吳江人至正中薦任崑山州學正有詩名

蔣堂字子中早從學永嘉林先生寬泰定三年江浙
鄉試第三人有文譽累辟不就隱居吳中四方受業
者甚衆後以太府薦授嘉定儒學教授終于家

孟潼字宗鎮吳人宋信安郡王五世孫以茂異膺憲
舉為文學掾累遷至承直郎松江府判官致仕性謹

人物志卷四

五

厚平居恂恂未嘗少懈為文本於理致所歷官守率
以廉能稱

陸德原字靜遠長洲人初舉茂異郡守趙鳳儀請于

中書省祠唐陸魯望創甫里書院以德原為後人署
為山長陞徽州路儒學教授徽學久廢德原改作一

新多發私橐以助工役先是長洲邑庠及吳中書院
多其脩葺之力又嘗於笠澤建義塾延虞勝伯為師

刻四明程端禮進學日程以惠淑來學

姚文真字子章崑山人辟授浙東帥閫掾博通經史

尤工於詩自號婁東生家有野航亭書聲齋

范文英字彥材文正公八世孫辟授紹興路教授
故人曾小隱於旅次貧不能歸謂代文英滿秩文英
曰我耄矣無能為也子其行之乃遺以袍笏復為之
贖文英尋以將仕佐郎平江路學教授致仕以祖規
次當主奉請于朝建文正書院

國朝

陳則字文度洪武七年由秀才舉任應天府治中轉
戶部侍郎左遷大同府同知陞知府事則有詩名嘗
與高啓徐章輩唱咏為友

人物志卷四

六

王震字子東宋參政絢八世孫父祖卿洪武初為行
人開雲南路夷山湮谷其功居多又絕僧寺狐妖震
以秀才應辟除益都令遇歲飢發倉賑民賴多全活
沈廷芳崑山人材貌偉碩讀書知大義洪武中由茂
才舉初授觀察使改北平布政司左布政使

馬達字伯行吳江簡村人洪武中徵人材授合水縣
丞轉昌邑為政廉平人不取以私釐衣糲飯淡如

也其妻乘間言居官而貧如吳伯行怒曰爾欲使我
為善耶欲使我為非耶妻不敢復言

尤義字從道本欽姓初名喬尤蓋外族也元末辟為
樞密掾洪武中薦為湖廣布政司經歷居官清慎見

稱早擅文翰與陳基相友善基當亂離之際以白金百兩託義時平橐而還之基感其誼將中分焉義堅却竟歸于基人多德之有遺崇歲于家子安禮

王謙字鳴吉洪武初聘為常熟州學訓導同時有王達守道黃進德晉之馮章甫吳乾廷彥皆吳人亦任訓導又以才行著名

錢芹字繼忠吳越王之裔祖父皆仕儒官芹少負氣節與論天下事終日不倦元季兵興四方守臣各擁衛境上芹屢入戎幕謂諸將異有為也 國初辟大都督府掾從大將軍魏國公北征而還居故南園授

人物志卷四

七

徒自給凡二十餘年洪武末詔求遺逸郡守姚善以芹薦留議事中禁授戶部司務值北陞有警以芹署行軍斷事赴真定從征虜將軍咨謀馳驛入奏道遇疾不能趨朝封章以進猶手書上執政大臣懇懇邊事緩急遂卒歸葬于吳

梁時字用行長洲人洪武間由明經舉為岷府紀善後改翰林典籍預脩大典所著有噫餘集

黃本字中父郡人家綺川洪武中舉明經為武夷訓導歷會昌教諭有文名

葛天民江陰人元末避兵長洲入 國朝洪武二十

四年辟人材授大理府同知辭歸教授于鄉天民通易學嘗賣卜江湖上以養親全其志所著有野樵遺響一卷後卒葬于下雉瀆

史公謹世居太倉善詩尤工繪事弱冠從軍滇陽洪武末有薦其才授應天府推官未幾左遷湘陰丞後僑居金陵自號吳門野樵以壽終有獨醉亭詩集行世

楊性字夷中早有才敏超出行輩從會稽楊廉夫游當時廉夫以鑊笛道人為號故又自稱為老鑊而人遂以小鑊稱性復作草玄亭洪武中以秀才舉知新

人物志卷四

八

州 偶桓字武孟崑山人洪武二十四年應秀才舉為荊門州吏目所著詩有江雨軒集

吳復字孟脩吳江簡村人洪武中辟人材授湖廣僉事工詩有雪區集弟頤字希程從外氏史姓亦以舉薦授本縣儒學訓導所著有桃溪集

陶振字子昌吳江人楊廉夫門人有才名長於詞賦洪武中舉為本學訓導以事謫戍管進紫金山金水河二賦稱旨復命賦飛龍在天賦遂赦之陞安化訓導

曾日章初名燿後以字行吳江人洪武間舉秀才為黃陂令擢翰林院侍讀永樂初奉使交趾尋從西平侯出征没于軍中

吳文泰字文度吳縣石湖人與丁遜學並有詩名于時洪武間文泰以才薦為涿州同知後坐事去官有愚菴集

郁新吳縣人洪武二十一年生于西橫山下家素饒財慷慨豪舉喜賓客樂賑窮乏以人材命為戶部度支主事考滿擢尚書投資善大夫永樂三年薨於位葬臨淮解縉學士為銘

人物志卷四

九

劉以禮字德讓先汴人祖順之仕平江路權茶提領因家于蘇為長洲人以禮學識該博儀狀偉然洪武初以明經薦授沛縣儒學教諭時沛學宮久廢以禮力為脩葺舉鄉人張倫為訓導相與共協教迪一時士子多登科甲卒于官門人請祀于學子二敏字孟功以善書徵授德清令鋤強植善民甚懷之歷中書舍人政字仲理

夏時字達中長洲人治春秋性至孝隱居行義傍通醫學得浦江趙以德之傳永樂間以經明行脩舉任本郡儒學訓導秩滿赴京以醫留用太醫院卒

朱吉字季寧德潤子洪武中以才薦授戶科給事太宗即位復轉中書舍人奉勅題高廟神主卷賞特厚年八十餘終所著有三畏齋藁

沈丙字南叔以才薦授福州閩清縣令所著有白雲集子餘慶禮部主事

鄭宏字以純嘉定人早從嘉禾鮑仲孚通易學洪武初舉秀才投禮部郎中病告歸門人授業者甚眾永樂間嘗典湖廣福建文衡所著有味易齋稿

許原讓字克謙家郡城望齊門北當張氏櫪吳時以不仕隱處終身洪武二十一年朝廷選戶家補京官

人物志卷四

十一

原讓得拜戶部度支員外郎辭不受祿其事行詳見翰林學士劉三吾所為墓銘

沈玠長洲周莊人洪武初以人才擢奉訓大夫戶部倉曹員外郎不受祿繼有旨願受者聽玠辭曰臣玠誠不敢以富饒妨諸戶家念臣一門屢蒙恩宥保有妻孥田廬已踰素望又居尊官榮逮父祖敢更受祿哉叩謝至再初吳中首稱沈氏曰萬三公萬四公

昆季以力農致富埒古素封者其稅率先兩浙戶家輸其稅者萬上嘗嘉歎後復獻白金以佐國用上曰爾心誠忠意誠厚第繫天下觀望萬一人人相

傲是啓利原一有不傲人必不自安我富有天下政
不少此善而却之比任海內戶家為京官六曹近侍
各舉所知惟玠簡在帝心故首擢是職玠為萬四公
曾孫

莫禮字士敬宋廣德知軍子文七世孫洪武二十年
以人材授戶部員外即與同官沈玠王公讓等十人
辭祿即陞左侍郎後坐事卒官

練墳字聲伯更名則成洪武中拜左春坊司直即充
東宮講官時糾開尚書不法事陞河南道監察御史
既而為嫉者所忌調雲南廣西府推官卒于治所年

人物志卷四

十一

三十七練之先浦城人徙于睦世有顯宦父士章以
海道萬戶府總管遷于蘇之尹山故今為蘇占籍云
施忠義字景仁長洲人洪武中以人材薦授建寧知
府僅三載謫戍龍山後以老疾歸卒葬鄉之尹山
竇德遠吳江人洪武初徵授禮部郎中陞侍郎致仕
子昇亦以才徵為縣丞父子俱有文名

徐衍字仲易吳江秋澤人洪武中以人材授工部主
事有詩集

崔齡字大年吳江泮溪人洪武二十一年以人材拜
刑部主事上疏辭祿以清慎稱後坐黨禁

葛德昭吳江人洪武中以人材拜刑部員外郎子芳
亦以才授禮部員外郎同坐黨禁

衛靖字以嘉崑山人永樂間秀才舉脩大典授中書
舍人直文淵閣陞禮部主事預脩 宣廟實錄靖居

內閣日久累受賞賚以謹厚受知楊文貞公

吳驥字材良吳江同里人洪熙元年以明經舉授儒
學教諭屢膺山西河南校文之聘致仕以高壽終嘗
著同里先哲記

許思溫字叔雄世為邑人祖父皆好善樂施思溫素

朴少直居吳山下學朱氏詩貢曾監詔選材於六堂

人物志卷四

十一

思溫在首選署刑部郎中改除御史以守城功陞吏
部左侍郎

章珪字孟端常熟人宣德中應 詔授廣東按察司

知事陞御史有能名後以子貴累贈副都御史

丘方字仲野常熟人宣德中舉賢良授江西泰和丞
有文學楊文貞公嘗贈之詩云南平丘少府清澈玉

壺冰解官歸以鬻文自給

趙宗文長洲甫里人永樂五年賢良徵授鄱陽縣令

有詩名弟宗禮仕至禮部郎中

鄒亮字克明長洲人少有文譽正統初巡撫周公及

知府况公皆知其名將薦用之有毀之者揭匿名書于府門况公見之曰是趣吾薦之也即日具疏以上獲授吏部司務尋陞南京浙江道監察御史卒弟順字克和仕至辰州守

王肄字敏道長洲葑門人正統中以賢良舉為湖州安吉縣丞解官歸受徒為業其先居有東郭草堂王文靜汝玉嘗為記

張緒長洲人定德末以精通書筭舉為縣令歷廬陵知府

周綱字文叙郡人正統間御史成規薦授柳州融縣

人物志卷四

十三

丞融在柳州為大縣城下江即牂牁江也江之上流與王江合王江之間群獠居之又其上流群蠻居之撫御一失輒為民害故融自昔號為難治綱始為融丞以服其人遂知縣事綱卒子奎以行能聞都御史韓公奏授本縣丞

沈應字德乾辟入文華殿說書除江西左叅議復轉

山東善詩有東澗集

葉德潤吳縣洞庭東山人洪武初人材為陝西布政司理問後徙汾湖為甲族時汾湖有陸行直字季衡以人材徵授翰林典籍有問訊海棠詩

論曰政之治亂必慎所舉明駁推較此則君子之所宜有而非所以為君子者也漢有秀才異等輒以名聞公府郡國皆薦士之路賁束帛于丘園剖連城于井里尊儒貴學何代不然陳平雖賢須魏倩而後進韓信雖奇賴蕭公而後信必俟饋樂以釣由余尅像以求傳說不亦煩乎故臧文不智失在降賢言偃得人功由升士後代得位之徒依寵驕士藉勢陵賢欲使志義之士匍匐曲躬以事已毀顏諂諛以求親然後乃保持之則貞士採薇凍餒伏死岩穴之中而已爾豈有肯踐其闕而交其人者哉無惑乎位益高者

人物志卷四

十四

罪益深志彌潔者身彌賤也乃若專車之骨昔出於吳江南之貢比于竹箭彼稱驥之足不薦文人之手者無論矣亦有薦而不至至而不屈者樹非梧桐而望鸞鳳降翼器非曹公而冀蓋公枉駕是故都尉掃灑其門猶懼辱焉東吳薦舉之士若蔡洪谷洛中之問言盡詞鋒徐原蒙呂岱之知事皆針砭孝子若承休何忝賢良之詔長者如季逢寧慚練達之名歛尸送喪陸康報李肅之推劾奏賊汚顧和副王導之辟名掛于白簡事染于丹青非曰忝徒勞之職執城旦之書而已觀暉之並受顧命玩之弱冠知名納之不

受俸祿微之蜀主安悅煌煌陸氏代稱有人有明松
一寰宇得人為盛秀異之貢吳復居多况守之薦鄒
亮以毀言而激成視夫心欲崇高則起家喉舌之任
意須屈抑必白首即署之官者可同年而語哉人材
之選理瑾昆弟與焉華萼相輝亦為難兄弟矣汾湖
葉公德潤則先比曾大父也亦附于傳若滋水之氣
者耶

贊曰丹穴奇毛天朝羽儀緇衣在好狐白能披開道
下風稱珍席上皓質冰鮮好音玉響巖石壑丘園蒲帛
弓旌金全友誼貧違媚情卜因官賞薦以毀成穿揚

人物志卷四

十五

振翼舉燭流聲

志卷之四

吳中人物志卷之五

長洲張景春甫輯

曾孫獻翼論贊

宦績

漢

郁史君吳人少以雄才見稱漢惠帝聞其名下詔徵
之拜雍州刺史為政得體卒為立祠

沈豐字聖通郡人漢永平中為郡主簿歷零陵太守
為政慎刑重法罪人詞訟初不歷獄嫌疑不決一斷
於口鞭朴不舉市無刑戮僚友有過亦不暴揚有奇

人物志卷五

謀異略輒為談述曰太守所不及也在郡有紫芝甘
露去之日民為立祠

韓崇毘陵人仕宛陵令行仁以為政用道以撫民虎
狼深避蝗不集界遷汝南太守投書佐袁安安後位
至司徒以崇有識物之鑒陰皇后葬京師近都二千
石妻當會園陵而崇妻居清素妻忿崇哭泣詔問其
故太常馬奚谷曰汝南太守韓崇清苦遠尚味道忘
形身享重官而妻自紡績政化仁簡視民如傷深達
奇博有君子之鑒妻不通寒儉之節哭怨無衣適足
以顯崇明德耳上奇之加崇俸祿秩中二千石後明

帝巡狩汝南上治崇府崇使妻出住孤獨老嫗家上聞歎曰韓崇所謂百煉不銷也賜縑五十匹崇在郡十四年政化洽著舉天下最年七十四入大霍山受王瑋玄遁化泥丸紫府術以度世後為華陽洞中左理中監吳郡志作李崇在仙事傳

徐栩字敬卿由拳人少為獄吏執法詳平為小黃令時陳留遭蝗野無生草過小黃飛逝不集刺史行部奏栩不治栩棄官蝗應聲至刺史謝令還蝗即復去又為長沙太守嘗食乾飯不發烟爨

陸法真郡人也宋孝宗時歷官有清節嘗為劉秀之

人物志卷五

二

安北錄事參軍太山羊希與安北咨議參軍孫詵言曰足下同僚比有陸錄事者此生東南名地又張玄外孫持身至清雅有志節年高官下秉操不哀計當日夕相與申意

陸納字祖言吳人少有清操貞厲絕俗為吳興太守至郡不受俸祿將應召外白宜裝幾船納曰私奴裝糧食來無所復須也臨發止有被襪而已其餘並封以還官謝安嘗欲詣納而納殊無借辦其兄子儼不敢問之乃密為之具安既至納所設惟茶果而已儼遂陳盛饌珍羞畢具客罷納大怒曰汝不能光益父

叔乃復穢我素業耶於是杖之四十其舉措多此類陸逞字季明初名彥字世雄魏文帝嘗謂之曰爾既温裕何乃字世雄於爾兄弟又復不類遂以馬逞幹職詳明歷仕三府所在著績還居近畿詔令路車儀服郊迎而入時人榮之都界有豕生數子經旬而死其家又有豨遂乳養之以活時論以逞仁政所致陸闕吳人聰明有令德選尚寧平公主辭疾不應為潁川太守致鳳皇甘露之瑞闕咨容如玉喜著越布單衣光武升臺見而偉之嘆曰南方固多佳人自是常勅會稽郡獻越布馬

人物志卷五

三

張裕曾祖澄龍驤將軍敞子也出為都督廣州刺史平越中即將綏靜百越嶺外安之弟禕南齊

顧憲之字士思吳人未弱冠州辟議曹從事舉秀才宋元徽中為建康令時有盜牛者與本主爭牛各稱已物二家詞證等前後令莫能決憲之至覆其狀乃令解牛任其所去牛徑歸本主盜者始伏其罪時人號稱神明至於權要請託長吏貪殘據法直繩無所阿縱性清儉為政得民故都下飲酒醇旨者輒稱為顧建康謂其清美焉仕齊為衡陽內史先是郡境遭

歲疫死者大半多棄之道傍憲之分命屬縣悉令瘞
葬又土俗民有病者妄云先亡為禱即為發冢剖棺
水洗枯骨名為除祟大為風俗傷敗乃諭而止之時
刺史王真至衡陽獨無訟事乃歎曰顧衡陽之化矣
若九郡率然吾將何事永明四年為隨王東中郎長
史行會稽郡事山陰人呂文度有寵於武帝嘗立邸
舍於餘姚憲之至郡表除之後文度葬毋郡縣爭赴
憲之若不聞文度心雖銜之卒不能傷也時司徒竟
陵王於三縣界立屯封山澤禁民樵採憲之固陳不
可言甚切直王命已之雖累經宰郡婦無擔石之儲
不免飢寒嘗為衡陽郡記

人傑卷五

四

唐

魏信陵吳縣包山人貞元初進士及第為舒州望江
令有仁政嘗為禱神請雨文有云必也私慾之求行
於邑里慘贖之政施於黎元令長之罪也神得而誅
之豈可移於人而害其歲既卒官百姓留葬邑境至
今有祠

陸璣字仲采郡人舉明經補長安尉以清幹稱開元
初改新鄉令人為立祠用按察使宇文融薦遷澠池
令累官兵部郎中東嶺驛使還除洛陽令時車駕在

洛推勅姦豪人莫敢犯為中書令蕭嵩所器重嵩罷
丞相俾陰廉嵩短璣曰與人交過且不言况無有耶
以是忤貴近出為太原少尹累陞西河太守封平恩
縣男屬邑多虎前設檻穿璣至徹之虎不為暴

顧少連字夷仲吳人舉進士為禮部侍郎薛邕所器
擢上第以拔萃補登封主簿邑有虎孽民患之少連
命塞陷穿移文獄神虎不為害有薦為監察御史德
宗幸奉天徒步詣謁歷吏部侍郎裴延齡方橫無敢
忤者嘗與少連會田鎬第酒酣少連挺笏曰段秀實
笏擊賊臣今吾笏將擊姦臣奮且前元友直在坐勸

人物卷五

五

解之改京兆尹政尚寬簡先是京畿租賦薄厚不一
少連以法均之遷吏部尚書封本縣男徙兵部為東
都留守表禁苑及汝閑田募耕以便民閱武力利鎧
仗號良吏卒贈尚書右僕射謚曰敬子師邕字睦之
累官監察御史事詳韋夏卿神道碑

沈傳師字子言吳人治春秋上書有楷法官至吏部
侍郎太和初卒贈尚書帑無儲錢鬻宅以葬

宋

范琪仲淹從兄字希世寧國節度推官昌言之子也
天聖五年進士歷鄆陽保信軍廬州二從事葉清臣

舉充茶官授開封府法曹議獻必精握節不撓薦改大理寺丞知明州郵縣葺墮埭百餘決導瀦積轉運安撫司各條其治狀舉發州幕遷殿中丞太常博士知常熟關金涇鶴瀆二浦田千頃為公家利除尚書員外郎通判泰州卒子師道自有傳

范仲溫字伯玉仲淹仲景祐中以仲淹恩例補將作簿調新昌尉監餘杭縣稅遷寧海節度推官慶曆七年知黃巖縣會海潮壞州城人民淪溺者甚衆仲溫教民為桴全活萬人既而董役治城慮人築且勞壁不能久乃集民累土以牛數百蹂之堅而後增復

人物卷五

六一

表以長石互相銜枕勢莫得動門皆設闌遇水暴至則障之衆服其善台人遂安秩滿以太子中舍致仕卒葬天平山仲淹為之銘子有文天聖間宋庠榜及第省試有文早世無子仲淹聞有遺腹子在外亟往求之兩蜀間曰吾兄異於人體有四乳是兒亦必爾已而果然名曰百常後以恩澤官之

崇大年字靜之慶曆中擢第歷知青田縣民病無以納和買大年悉令候冬熟州符督責追杖縣吏大年曰年凶民苦催督必破產雖杖胥吏三五輩尚可寬一邑之民至冬民輸無不足者徙知浦城縣舊誤兩

棧民以爭追去無輕重悉置棧中大年曰此以牛馬吾民也悉命撤去以疾乞分司歸吳日與程公闡諸公燕遊號吳門十老大年德守淳固志尚夷曠辭却薦辟浩然勇退綽有賢稱卒年八十二鄉人議謚有曰黔婁辭國有餘富其謚康陶淵明隱約求閑其謚靖節大年當有道之世秉難進之節韜章蘊能不自表裸仕而知止貧而無憂凜然古高士之風因謚曰康靖先生

徐師閔字聖徒父奭通判蘇州治平初師閔為虞部員外郎知江陰軍興寧十年以司農少卿知袁州時

人物卷五

七一

江西有劇賊詹遇所過屠劫列城為之騷動素獨預修武事具戰艦號令嚴肅常若寇至遇引去不敢犯境袁民歌之且有瑞麥嘉禾之異繪圖以進為治鎮靜有惠愛吏民生為立祠

郊賈字正夫崑山太倉農家子童年嗜學識度不凡登嘉祐二年進士崑人自國朝登科者自賈始初授睦州團練推官知杭之於潛縣未赴熙寧三年會詔天下陳理財省費興利除害之策賈自廣東安撫司機宜文字為書陳蘇州水利丞相王安石善之授司農寺丞提舉興脩兩浙水利民不為便罷歸治所居

之西曰大泗漕者如所陳之說為圩岸清洫井滄場
圃俱用井田之制歲入甚厚圖狀以獻且以明前法
非苟然者及水之利害著書行世子僑字子高亦有
材局王安石器許之見於詩篇有幼成警悟集孫升
御字師古紹興進士知常徽二州乾道六年自徽代
還奏蠲本州額外剝科雜錢萬餘緡及江東兩湖運
司絹匹萬餘其恤民類此

孫載字積中曾祖漢英仕錢氏為崑山鎮防遏使遂
為崑山人登治平二年進士知考城縣一日巡尉來
告盜集境上將以上元掠近郭至期載張燈樂飲許

人物志卷五

八

民嬉遊不禁夜如故事盜巨測遂遁去迄受代無鼠
竊者後歷廣東河北淮西使者知海沂婺毫州治務
大體時號循吏以嘗薦元祐黨人乞祠以歸

郭附字明仲郡人嘉祐八年進士知洪州新建縣俗
健訟好持吏短長附至問民疾苦皆以鷲獸暴橫為
言乃檄旁縣尉併力仍厚啖壯士果得鷲獸數十尸
諸庭號於眾曰有悍不率教如此獸者皆殺之無一
人敢犯令熙寧中知崑山縣以朝奉大夫致仕

鄭景平字晞尹熙寧三年與父伸同登進士嘗為大
理官每有疑獄中夜祈禱務得其情而已既而歸老

家居朝廷以其能復召起知饒州數月而歸或問其
故答曰天子命景平為郡以撫字為職乃不得行其
志今日須金若干明日須粟若干民已枯骨矣捶考
之亦何所取景平安得不歸時朱勗暴橫從之者甚
眾獨景平始終無所阿附其居官剛正不撓廉介如

此

徐鑄字元鈞年少入官有能名政和初提舉兩浙常
平脩松江隄易土以石闢常熟水田數百頃為之彊
畝越四年知杭州杭人安其教令

人物志卷五

九

懼去親遠奏易旁小州以便養乾道初改知江陰軍
至則作新廟學詔遣轉運副使姜詵按視水利歲延
見父老審訂其說謂其地北臨大江其勢跨下港瀆
善洪夏秋淫雨浙西數郡百川並委瀕港七鄉並湖
三山低印之田混為一區尋文而增膚寸而落十年
之間沒者一伯六十餘萬畝歲蠲秋苗以一二萬計
公私病焉遂請治蔡涇廢煉輝之故基距河差遠兩
翼迫蹙波流悍急易於潰壞乃移基並東直抵漕渠
斥而大之易木以石於是增浚漕渠下通黃田以防
泛溢絕壅滯五旬而畢又奏本軍地狹民貧有續添

認納臨安府買紬絹四千餘匹兼累遭大水百姓憔悴因此重斂上為蠲八之五命下之日歡動阡陌咸善漢隸書弟兢

兢字明叔生數月輒喜字十餘歲穎異不群人謂駑省後身也以父任補通州司刑曹事辟入司幕攝事雍丘民服其化移攝鄭州原武縣時有挾其弟貴勢者威震郡邑檄邑治市炭後至與慢令者兢歎曰令不能庇民其忍至此極耶乃疏其害聞諸朝願以身贖無辜鄭燕公謂同列曰使縣令皆如徐兢天下其有不治乎宣和中以禮物官隨路尤迪使高麗擢高

人物志卷五

十一

顯圖經四十卷上徽宗覽書大悅召對便殿賜出身兼掌書學以篆名家

孫冲字子和熙寧六年進士少負才名受知于王荆公嘗著鄉黨傳說二論甚奇之後出宰和州含山縣號為循吏其律已甚嚴一毫不妄取秩滿率家人解其婦裝時有老獲畜一砧冲視之曰此非吾來時物也命還之卒年三十五無子以姪駿為後

錢佃字仲耕進士歷官臨安尹擢吏部郎中對便殿言三事上稱善累遷吏兵工三部侍郎出為江西路轉運副使繼使福建再使江西奏蠲諸郡之逋淳熙

八年婺州饑且缺守上曰錢佃可為郡既至禱雨鬚髮為白勸分移粟所活七十餘萬口政甲一路時提舉朱仲晦與陳同父書云婺人得錢守比之他郡事體殊不同及作江西漕司養濟院記謂其嘗奏免贛吉麻租二十四百五十九斛兩州之人猶歌舞之婺州救饑之政亦為諸郡最佃嘗買田合族名曰義莊有易解詞科類要并文集

人物志卷五

十一

鄭作肅字恭老宣和三年進士紹興五年知常州先是唐獨孤及為刺史時有甘露降于廳事作肅因初凝露堂自為之記歷知吉州還朝奏郡中歲輸黃河竹索錢河父陷錢何從婦乞賜蠲免其他循襲者亦乞盡除高宗嘉納其言且諭丞相檜稱獎再三檜怒諷以在任不法獄治之檜殂得免又知湖州孝宗即阼之二年歲歉民貧有生子不舉棄於道傍作肅令屬官收取令乳母為之養月給米贍之

王可大郡人嘉泰中知武岡軍有惠政俗多信機祥而不喜醫藥往往殞於非命可大憫之乃以成無已傷寒名理論藥方說許知可傷寒歌刻惠是邦民賴以生

王圭字君玉崑山人范文穆公外孫登嘉定十年進

士為慶州松陽縣主簿以才幹陞為令講行經界法為天下式淳祐間出知常州以職事脩舉入為司封即中終朝奉大夫有文集

朱天錫郡人嘉定間知丹陽縣能撫字百姓留意學校邑人為立生祠移知武進擢台州守

林璞字伯振長洲人乾道中與弟琰同舉進士為長興簿嘗語人曰為己害人吾不為也及知武昌縣有云交代有子孫之契不宜交惡金穀僅有虧欠當即與交頭無令滯其批書時人稱其長厚

王棠字子思紹興五年以左朝奉即知江陰軍請立

人物志卷五

十一

學官教授給田以養士遂詔范雲充教授棠又刻春秋三傳于學雲亦篤意訓率風俗為之大變又請於尚書截留秋苗以為軍儲其略謂江陰為屯戍之地而庫無儲金廩無餘粟全藉內郡撥發錢穀以實邊壘今本軍之賦稅僅足以充歲領之上供而利源不足以給按月之發納一錢一粟皆赴漕司其後民力益困則群譟而越訴前後官吏以充借不敷卒得罪因繫者相踵也然棠設以罪逐何足算哉誠恐上誤國家邊備雖死無益愚昧輒欲仰干鈞慈特賜詳酌截本軍秋苗一二萬石每歲椿留準備警急支用候

至次年新苗入倉却將陳米起發其於漕司歲計並無虧損直遲速之間耳所蒞本軍常有儲積以備不虞其他善政率多類此

顏度字魯子唐魯公兄子顯為常熟令其後遂為吳人度居崑山以文章政事名一時歷通判海門簿台州臨海令民有去思乾道五年知長興遇事慈恕以善惡福應之說諭人人不忍欺其聽訟能於淳朴中時出智計以得其實聞者稱為神明一日某王自寧國入朝舟次縣界皆以婦女執役王怪問之皆云顏公愛惜民力縱男女耕種卒難召集恐累顏公故婦

人物志卷五

十三

女悉當其役洎入朝孝宗問卿治郡得人乎即以度對未幾召拜監察御史度與朱熹友善孝宗謂度每出言不動如山人因以如山為號云

趙公豫字仲謙自父少卿家常熟歷知仁和餘姚縣分差鎮江糧料院詔有察辭避之真性全始終之大節之褒語陞寶謨閣待制致仕公豫居官廉正當言吾求為循吏不求為健吏也平生有燕堂類彙五卷奏彙一卷弟公升公頤仕皆至麾節

陳字字伯受古靈先生諸孫自宜與徒常熟以父廕為甫田尉得劇賊當受賞字歎曰吾不藉人命以階

仕進卒辭之調紹興府司法改知富陽徙知房州
字居官廉潔無玷毋喪髮蓋白撫愛諸弟食必同
席俸祿不入私室嘗自謂豈惟富不可求亦所不願
也

莫子文字武仲吳江人知嘉興縣致滿候代間奉使
王疇迎合當路意峻行括田之令子文不從使以為
抗朝命降宣義即責詞有云勳撫字拙催科賢者之
常也爾為令切切愛民乃不能汲汲赴功坐是為使
所劾降爾一秩非朕得已然亦因是得以知汝之為
人仁矣越五載復原官又詞曰君子之仕利與鈍亦

人物志卷五

十四

何常之有彼迎合希進之儔乃欲常利而無鈍然至
於時論卒亦不能有其有也可歎矣頃奉行田令者
倚法而逞爾制邑且受代乃能力抗其鋒期以不擾
留遺所附民雖主計之臣請黜爾朕不爾忘也五年
之跡於今而復前日利鈍之間所不得而常有者顧
非可常之道也士所當為不止此其並勵所守以副
朕擢試之意

元

于文傳平江人祖宗顯仕宋累官承信郎文傳少嗜
學十歲能屬文延祐初進士同知昌國州後知吳江

州廉平有聲治行為諸州軍召為集賢待制以禮部
尚書致仕

國朝

盧熙字公暨崑山人洪武四年詔起丘園之士分職
中外熙為睢州同知時中原兵革甫定遺民無幾歲
復荐饑到官之日一意休息惟恐不逮不敢輕以民
力立事幸功也明年熙行守事時御史銜命來搜訪
舊軍所至陵轢藩府鞭笞長吏悉籍見民為兵州近
千人檄州拘送熙召民始自實得嘗隸尺籍者數十
人昇之侍御怒械繫曹吏必盡得乃已不然且以沮

人物志卷五

十五

格上奏熙曰吾守民吏也民散吾誰與處即自詣奮
曰州已無籍軍今民且散走獨有同知請以充役侍
御怒斥去卒無以奪民賴以安熙平居恂然貌不自
持其當官有守如此其兄公武嘗寄詩有齏鹽清夢
鑲石古心之句卒之日貧無一金之藏官為具歛逮
櫬行吏民輓哭數百人道遇大雨無一人少却雖野
夫田老咸為制服

呂昭字克明洪武中徐州訓導由上封事授浦城縣
丞在縣多善政於民嘗植雙松于庭以甘棠擬之後
陞山西沁州知州屢聘校文預脩永樂大典其在浦

城赴召時父老各持鈔相贈悉謝一無所取至杭已無買舟之金抵家以新穀二斛償之及得沁州之命時天寒體無綿過徐奮嘗授經門生共為買一裘并驢一頭以行其廉貧如此

袁政字文理吳縣人湘陰縣典史有善政用治水夏尚書薦陞遂安縣令未視篆宿於驛亭夢小兒數十輩皆血淋漓者挽縣令衣覺而問諸父老答曰此邑冢生女不舉恐為資粧所費故也即日下令嚴禁之後邑中所生女皆名袁留

人物志卷五

十六

趙彥可崑山人洪武初任山東臨清知縣公勤寡慾愛民好士妻嘗受民賂彥可覺之以所賂之物還白于府箠其妻而遣之

文林字宗儒其先衡山人世為武胄大父從其兄兵中署散騎舍人來浙江因家長洲父洪鄉薦授涑水教諭林舉成化壬辰進士除永嘉令有旌能改知博平召還朝補南京太僕寺丞太僕政久弛弗振吏不奉法林奏按其罪遂著為令林尤盡心馬事深究其法叙古今事宜論畜牧之計上馬策三篇異其行尋移疾歸凡六年不起溫人以永嘉舊政請于朝以為守林抵廟堂書力辭不果遂以單舟赴任至之日

首釋繫徒千人郡多盜訟俗尚鬼好溺女悉為科條處分莫不備善郡獄屢空前後所毀淫祠殆盡作旌範訓其民禾生駢穗凡連上七䟽皆賦役章程不可已之事中一䟽以災異自劾求退而論鎮守剝民尤切以疾卒于官

徐有貞吳郡人夙負高才談鋒文氣並英邁在章秋治水久未就功問於王尚書來尚書曰分水勢尋水源有貞於是先開數渠引水散各支流去再三求發源處不得乃授以物使人離數十里候之物復浮出如是者數處有貞曰水流則不受物源不在是再投

人物志卷五

十七

之一處不浮曰此乃真水源也百計塞之莫效聞一僧有道有貞就往謁之問術僧不言強之但曰聖人無欲有貞歸思而不得數日忽悟曰此下殆有龍窟耶龍所欲者珠也吾能使之去於是鑄長鉄柱洞釜底貫而下焉水始受塞不踰時遂成平陸蓋鉄汁能蝕珠龍愛珠故去也後封武功伯援毫數行輒重購收去

韓雍字永熙長洲人弱冠為名御史兩廣蠻賊不靖拔公往伐追斬至大藤峽威名大振賊悉遁去以身為南中巨鎮至沒猶餘威懼人

論曰張官置吏不為大夫苟中心圖民智雖不及必將至焉有聞道而好為家者一家之人也有聞道而好為國者一國之人也當官理行兩漢最盛美錦不宜濫裁官位亦不後物六朝三唐而下鄉里衣冠未嘗乏賢與龔黃卓魯同載在二尺四寸有時先事有時先政有時先德有時先恕便辟無威于國道途無行禽疏遠無蔽獄孤寡無隱治而官績彰彰矣夫世不乏于德猶歲不絕于春也國猶是國民猶是民謂世其難以德治可謂歲亂不可以春生乎然生于零陵昭沈豐之異績鳳皇下于潁川紀陸闕之英

人物卷五

六

規妻怨無衣明德適以顯崇姪陳盛饒素業乃復穢我醇酒名為達康廳事却以疑露顏佛子之惜民力鄭景平之職撫字陸璣顧少連之回虎徐栩之去蝗沈傳之鬻宅孫子和之還砧使縣令皆如徐兢天下有不治者乎求為循吏不求為健吏趙公豫有焉開國以來盧熙自請充役呂昭買舟無金遂安之地名女為袁督臨清之令遺妻子于民賂禾生駢穗再見文林視他邦之龍見不雙芝生無二者異矣美園茂林豈與恒地庸山比哉後之寄民社稱嘉吏者雖得愚民之欲不合智者之心使童子備官而未之聞乎

無德而富貴者固可豫弔也

贊曰後美衡陽前多史君嘉禾瑞麥甘露祥雲民沾醇酒神感移文撓志如並負心若芥參名吏治異域同聞

吳中人物志卷之五

人物卷五

十九

吳中人物志卷之六

長洲張景春甫輯

曾孫獻翼論贊

儒林

漢

朱買臣字翁子吳人也家貧好讀書不治產業常刈薪樵賣以給食擔束薪行且誦書其妻亦負戴相隨數止買臣毋歌嘔道中買臣愈益疾歌其妻羞之求去買臣嘆曰我年五十當富貴今已四十餘矣汝若日久待我富貴報汝功妻恚不能留即聽去之邑子

人物志卷六

嚴助貴幸薦買臣召見說春秋言楚詞帝甚悅之買臣乘傳入吳界見其故妻妻夫治道乃駐車呼令後車載其夫妻到太守舍置園中給食之居一月妻自經死買臣令葬悉召見故人與飲食諸嘗有恩者皆報復焉

臯弘字奉卿吳人也家代為冠族少有英才與桓榮俱習歐陽尚書事博士九江朱普榮顯宗朝拜議郎使授太子尚書會歐陽博士缺帝欲用榮榮叩頭讓曰臣經籍淺薄不如同門生郎中彭門揚州從事臯弘因拜榮為博士引弘為議郎弘子徵至司徒長史

三國

陸璣字元恪吳郡人仕吳為太子中庶子烏程令撰毛詩鳥獸草木虫魚疏二卷崇文總目云其書但附詩釋詁寔於采獲似非通儒所為故後世失傳矣

陸景字士仁抗之子好著書尚公主封毘陵侯

鄒邠字伯岐與陸績為同郡人所述太玄連推求玄本意績嘗為述玄一篇

齊

陸澄字彥淵祖紹臨安太守父瑗州從事澄少好學博覽領國子博士尚書令王儉謂曰昔曹志繆悅此

人物志卷六

官以君係之始無慙德嘗與儉書曰王弼注易玄學之所宗儉自以博聞多識讀書過澄嘗集學士何憲等盛自商略澄待儉語畢然後談所遺漏數伯千餘皆儉所未覩者也儉乃歎服所著地理書及雜傳死後乃出

梁

陸璉郡人天監四年詔開五館建立國學以五經教授置五經博士以璉及平原明山賓吳興沈峻建平嚴植之會稽賀瑒各主一館館有數百人給其廩餼懷經負笈者雲集矣

皇侃青州刺史象之九世孫少師事會稽賀瑒精力
專門尤明三禮孝經論語起家兼國子助教撰禮記
講疏五十卷書成奏付祕閣頃召入壽光殿說禮記
義梁武帝善之加貞外散騎侍郎侃性孝日限孝經
二十遍丁母憂還鄉里西平邵陵王欽其學厚禮迎
之大同三年卒年五十八又撰論語義十卷

張充字延符緒弟多所該通尤明老易能清言仕齊
官為侍中義師近次東昏召百官入官省朝士慮禍
或往來酣宴充獨居省不出閣天監初拜國子祭酒
充長於義理登堂講說時王侯多在學執經拜充朝

人物志卷六

三

服而立不敢當禮

陳

顧野王字希馮吳郡人祖子喬梁武陵王府參軍父
烜臨賀王記室俱以儒術知名野王七歲讀五經知
大旨九歲善屬文嘗製日賦領軍朱异見而奇之十
二隨父之建安撰建安地記長而徧觀經史精記默
識凡天文地理著龜占候蟲篆奇字無所不通宣城
王為揚州刺史野王與琅琊王褒並為王賓王甚愛
其才野王又善丹青侯景亂憂去歸郡召募鄉黨隨
義軍援都野王素羸居喪過毀殆不勝衣及杖戈被

甲陳君臣之義逆順之理抗辭作色見者壯之所撰
玉篇輿地志各三十卷符瑞圖顧氏譜傳各十卷分
野樞要續洞冥記玄象表各一卷及文集三十卷行
于時又撰通史要略一百卷國史記傳二伯卷

陸詡郡人少習崔靈恩三禮義宋梁時百濟國表求
講禮博士詔令詡行還除給事中天嘉初遷尚書祠
部郎中同時晉陵張崖吳興沈德威會稽賀德基俱
以禮學自命

人物志卷六

四

陸慶少好學通五經尤明春秋左傳有節操釋褐梁
武陵王國右常侍歷征西府行參軍除婁令天嘉初
徵為直散騎侍郎不就永陽王為吳郡太守聞其名
欲與見慶辭以疾主乃微服窺之謂人曰陸君風神
疑峻殆不可測嚴君平鄭子真何以尚鄙陽晉安王
俱以記室徵不起

范平郡人其先銍侯馥避王莽亂適吳因家焉平研
窮墳典該覽百氏詔謚文貞先生三子爽咸泉並以
儒學入官泉子蔚蔚子文才亦知名

張冲字叔玄父僧紹梁零陵太守冲仕陳為左中郎
將軍思經典撰春秋義略異於杜氏七十餘事喪服
義三卷孝經義論語義十卷前漢音義十二卷官至

國子博士入隋為漢王侍讀并州博士

顧越字允南鹽官人所居新阪黃岡家世儒學弱冠游都下深明毛氏詩尤善在老至於微言玄旨九章七曜音律圖緯咸盡精奧初為梁南平王元襄王偉國右常侍歷安西湘東王府參軍長七尺三美鬚眉音響若鍾容止可觀陳武帝時除五經博士歷官國子越以世路未平無心仕進因歸鄉里栖隱武丘山與吳興沈炯同郡張鍾會稽孔奐等為文會天嘉中詔侍東宮讀廢帝即位拜散騎常侍兼中書舍人太建元年卒所著有毛詩老子孝經論語等義疏四十

人物志卷六

五

餘卷子覽隋秘書學士孫胤有傳

隋

潘徽字伯彥吳人少受禮於鄭灼受詩於施公受書於張冲講莊老於張譏並通大義尤精三史能持論陳尚書令江總雅重之釋褐新蔡王國侍郎選為客館令隋遣魏澹聘陳陳使徽接對之陳滅為州博士秦孝王俊聞其名召為學士嘗從俊朝京令徽馬上為賦行抵一驛而成名曰述思賦復令為萬字文又遣譔韻纂凡三十卷俊薨煬帝時為晉王引為揚州博士令徽與諸儒撰江都集禮一百二十卷

褚暉字高明郡人以三禮學稱於江南煬帝時徵天下儒術之士集內史省相次講論暉博辨無屈者由是擢為太學博士撰禮疏一百卷

唐

顧胤吳人永徽中遷起居即兼脩國史以撰太宗實錄勞加朝散大夫弘文館學士論次國史加朝請封餘杭縣男又撰武德貞觀兩朝國史賜帛五百段又撰漢書古今集二十卷行于世終司文郎中龍朔三年卒子琮武后時為天官侍郎同鳳閣鸞臺平章事卒后曰琮不幸令終雖不舉哀然朕以股肱特廢視

人物志卷六

六

事一日

陸元朗字德明以字行吳人善名理言受學於周弘正陳太建中後主為太子集名儒入講承光殿德明始冠與下坐祭酒徐孝克敷經倚貴縱辯衆多下之獨德明申答屢奪其說舉坐咨賞釋褐始與國左常侍陳亡歸鄉開隋煬帝擢秘書學士大業間廣名經明士四方踵至於是德明與魯達孔褒共會門下省相酌難莫能詘遷國子助教越王侗署為司業入殿中授經王世充僭號封子玄恕為漢王以德明為師即其廬行束脩禮德明恥之服巴豆劑僵偃東壁下

玄怒入拜床下德明對之遺痢不復開口遂移病成
臯世充平秦王辟為文學館學士以經授中山王承
軋補太學博士高祖已釋奠召博士徐文遠浮屠慧
乘道士劉進喜各講經德明隨方立義徧析其要帝
大喜曰三人者誠辨然德明一舉輒蔽可謂賢矣賜
帛五十匹遷國子博士封吳縣男卒論撰甚多傳于
世後太宗閱其書嘉德明博辨以布帛一百段賜其
家子敦信龍朔中以左侍極檢校右相累封嘉興縣
子致仕終大司成

陸質吳郡人本名淳避憲宗名改之質有經學尤深

人物志卷六 七

於春秋少師事趙匡匡師談助匡皆為異儒頗傳
其學由是知名著集注春秋二十卷類禮二十卷君
臣圖翼二十五卷並行于代

張後胤字嗣宗崑山人陳國子博士冲之子甫冠學
行禪其家高祖鎮太原引為客以經授秦王義興初
為齊王文學封新野縣公武德中擢員外散騎侍郎
賜宅一區太宗即位進燕王諮議從王入朝召見初
帝在太原嘗問隋運將終得天下者何姓荅曰公家
德業天下係心若順天而動自河以北指為可定然
後長驅關右帝業可成至是自陳所言帝曰是事未

始忘之乃賜燕月池帝從容曰今日弟子何如後胤
曰昔孔子門人三千達者無子男之位臣翼贊一人
乃王天下計臣之功過於先聖帝為之笑令群臣以
春秋酬難帝曰朕昔受大誼於君今尚記之後胤頓
首謝曰陛下乃生知臣叨天功為已力罪也帝大悅
遷燕王府司馬出為睦州刺史乞骸骨帝見其疆力
問欲何官因陳謝帝曰朕從卿授經卿從朕求官何
所疑後胤頓首願得國子祭酒授之再遷散騎常侍
朱子奢吳人從鄉人顧彪授左氏春秋善文詞隋大
業中為直秘書學士天下亂辭還鄉里後從杜伏威

人物志卷六 八

入朝授國子助教太宗貞觀初高麗百濟同伐新羅
連年兵不解新羅告急假子奢員外散騎常侍持節
諭旨平三國之憾子奢有儀觀夷人尊畏之二國上
書謝罪贈遺甚厚初子奢行帝戒曰海夷重學卿為
講大誼還當以中書舍人虞卿至其國納其美女帝
責違旨而猶愛其才累遷諫議大夫弘文館學士唐
初太廟止四室子奢始發七布之議帝嘗詔起居紀
錄臧否見之以知得失子奢曰陛下所舉無過事雖
見無嫌然以此開後世史官之禍可懼也史官全身
畏死則悠悠千載尚有聞乎子奢能談辨以經誼緣

飾於帝恩禮甚篤

施士丐其先施之常字子恆事孔子讎為博士延為太尉之孫始為吳人曰然曰績亦載其跡士丐明毛鄭詩通春秋左氏傳以二經教授在太學十九年由四門助教為太學助教由助教為博士秩滿當去諸生封疏乞醫太學卒于官昌黎韓愈銘其墓曰施先生云

宋

朱長文字伯原光祿卿公綽之子年十九登嘉祐四年乙科進士第公綽守彭長文不俟燕歸州人榮之

人物志卷六

九

既冠授秘書省校書郎守許州司戶叅軍以病足不寫從吏趙郊程公綽欲以任恩丐長文幕官長文推與其季家居二十年安貧樂道無意仕進築室郡中有山林趣知州章帖表其居為樂圃坊人尊稱為樂圃先生自郡守監司莫不造請謀政所急士大夫過者必之樂圃以後為恥名動京師公卿薦以自代者甚衆天子賢之起為本郡教授時有兩教授以長文故也時徐積舉於楚陳烈舉於福世稱三先生云舒雅郡人仕太宗朝為國子監丞太平興國二年詔同翰林學士李昉等纂脩太平總類以八年書成凡

一千卷名太平御覽天禧中以職方員外郎秘書校理知舒州秩滿主管郡之靈仙觀宰相王欽若言其恬於榮利除直史館

李撰字子約唐宗室也熙寧六年進士為江州彭澤令朝廷下抵田令轉運使倚法務苛擾撰持不可與使者抗論且請就劾并解印綬去使者從之王安禮為部刺史知撰介特薦之元祐三年議遣使脩復小吳河撰上復河賦二篇贊明禹功究當時利害言河不可復通判莫保二州仕終朝奉大夫撰廣孟子說著養氣論三篇其言深切著明別有毛詩訓解二十

人物志卷六

十

卷孟子講義十四卷并文集史論子彌遠張僅字幾道治平中舉進士與里人顧棠皆為王安石門下士安石作三經義僅棠與馬僅官至著作佐郎卒棠字叔思撰周易義類三卷陸綰字權叔常熟人初名絳見前史偶同更名綰舉進士仕終朝奉郎尚書職方郎中所著春秋新解三十卷尤工詩又嘗提舉江淮茶稅蘇洵贈之以詩錢侯字廷碩一字惟大登紹興進士乙科除太學正改宣教郎宗正寺簿太府寺丞乞外知袁州侯於書無不讀尤邃於易著易說三卷并諸經講解十卷

許洞字洞天太子洗馬仲容之子性疎雋幼習弓天擊刺之伎及長折節勵學精左氏傳咸平三年進士釋褐推武軍推官嘗詣府白事有卒踞坐不起洞杖之又移書知州馬知節怒其狂不遜會洞用公錢奏除名歸吳所居惟植一竹以表特操吳人為之語曰許洞門前一竿竹日以酣飲為事嘗從民坊貰酒一日大署壁作酒歌數百言人爭往觀其酷數倍乃盡捐所負景祐二年獻所撰虎鈴經二十卷除均州叅軍祥符四年祀汾陰獻三盛禮賦召試中書改烏江主簿洞以才學自負狂放不羈與潘閔錢易為友歐

人物志卷六

十一

陽永叔稱其為俊逸之士有文集百卷

林處字德祖父旦仕秘書少監處登紹聖四年進士歷開封府左司錄以府尹不之禮上章請老歸吳所居大雲坊有易說書義禮記解并文集摠百餘卷

陸子正郡人授業尹焯之門莆田林光朝試禮部不第來從子正游專心聖賢踐履之學

王綯字唐公以資政殿學士權太子少傅拜叅知政事出知越州紹興七年薨謚文恭平生所著有論語解二十卷孝經解五卷群史編八十卷別有內外制四十卷奏議三十卷內典畧錄一百卷進讀事實五

卷為人剛正有守立朝無所阿附及居政府祿不乃親孝養終身自奉甚薄不置第宅晚寓崑山薦嚴寺蕭然一室無異寒儒

王顯字信伯世居福州自其父仲舉始家平江顯為河南程氏門人資稟清粹充養純固平居恂恂儒者及語當世之務民俗利病若習於從政者然不微名當世世罕知之知府孫佑列顯學行於高宗朝得以布衣召見當戎馬間陳說數百言因有通儒之褒仍賜進士出身除秘書省正字所著有論語集解

人物志卷六

十一

抱遺書隱居海上仰綜濂洛微言為五經說以訓嘗憑木几讀書兩股跡深入幾寸許篤志不怠高帝

定鼎金陵命延訪鉅儒一詣轂下復終隱以卒四世孫啓明好古樂道益修其業事具見介石書院記

陳長方字齊之其先福之長樂人父侁字復之擢進士第娶林旦女與魏了翁交從甚密了翁謫廣州侁以長書賀之由此得罪嘗從游定夫學得治身養心行已接物之要故長方家學有自因外家居吳中步里紹興間以進士終江陰軍教授所著有春秋禮記尚書傳漢唐論并步里客談行於世弟少方字同之

孝宗朝為東宮講官亦端介不群之士時稱二陳
楊邦弼字良佐文公億四世孫自浦城來吳從王蘋
學遂居震澤探極理學中紹興十三年進士第三會
行都達太學選為博士兩遷禮部郎以起居舍人出
使金國卒震澤鄉校祀王蘋與邦弼陳長方為三賢
云
章憲字叔度居吳之黃村樂道好德操履高潔鄉里
稱為隱君子嘗受學王蘋游于揚時朱子發呂居仁
諸公間憲遂於春秋宣和中謫監漢陽軍酒稅歿於
兵

人物志卷六

十三

黃士毅字子洪嘗入閩謁朱仲晦授以大學章句而
歸正慶元詆排道學時也所著書甚多嘗撰次朱子
書說七卷語類一百三十八卷文集一百五十卷并
自類注儀禮郡守王遂為買宅吳下以居稱為考亭
名士

王誼字正仲一字漢臣著作即蘋之從子師事楊邦
弼以學鳴于時坐刺秦檜貶象州十年歸遂不復仕
著春秋類書

衛湜字正叔狀元涇之弟伯兄沂慶元進士兄洽洙
皆嘉定進士湜亦屢中鎖廳除太府寺丞將作少監

皆不赴嘗為禮記集說百六十卷寶慶二年上之終
朝散大夫直寶謨閣知袁州

吳仁傑字斗南崑山人登淳熙進士第歷官國子學
錄早嘗講學朱子之門所著有古易十二卷周易圖
說樂舞新書廟制罪言郊祀贅說鹽硃論丙丁各二
卷禘祫縣叢書三卷集古易尚書洪範辨圖一卷兩
漢刊誤補遺十卷並行于世

元

俞琰字玉吾其先汴人建炎間始來吳隱林屋山徙
郡城之南園琰生于宋以詞賦稱宋亡遂不復有仕

人物志卷六

十四

進意嘗撰諸家易說名曰大易會要一百三十卷及
注上下經并十翼凡四十卷又有經傳考証讀易須
知易圖古占法卦爻象占分類易圖合璧連珠說若
千卷初授温州路學錄不赴後得異人金液還丹之
祕注魏伯陽參同契發揮三卷陰符經解一卷易外
別傳一卷以吾儒性命之學推陰陽消息之理雅好
鼓琴乃作弦歌毛詩譜別有幽明辯惑席上腐談書
齋夜話等書子仲溫孫貞木
陳深字子微吳人宋亡棄舉子業篤志著述有讀易
詩春秋等編尤善筆札

邊景元字長卿宋朝奉大夫珣八世孫以春秋經學世其家丞相文天祥手書世麟扁其堂景元由池州青陽縣教諭轉慶州路學錄復薦入國子竟以病歸時長洲學官久廢景元為興達焉子昌字伯盛嘗著四書節義張氏擬吳以禮招致為官誓死不就丘迪字彥啓其先胸山人五世祖通議大夫松來居吳遂為郡人六歲而孤甫成童即從舅氏孟潼讀書廬山白鹿洞嘗以尚書應舉不第所著尚書辨疑若干卷別有雲麓文稿玉淵雜著其先墓為僧所據至迪復業焉

人物志卷六

十五

俞元變字邦亮其先達寧人曾大父奭通判常州留家焉後復徙長洲元變少貧養母甚孝通蔡氏傳博采群說著集傳十卷或問二卷郡校士子以專經之師授其業者即以疏通知遠之教屬之變乃謂其徒曰宋亡舉子餘習非經本旨文極則反質矣朝廷取人材於斯文必求諸義理之實乎未幾廷祐科舉詔下多如所云而元變於省試不屑也既卒虞文靖公為其葬銘子安國

湯彌昌字師言父暉老咸淳丁卯龍飛榜進士父子授受皆以周禮發解所著有周禮解義別有碧山類

稿湘江權歌詳載史官歐陽玄所為墓銘

王元杰字子英吳江陳思村人至正甲申以春秋領鄉薦值兵亂隱居教授遂不果仕所著有春秋讞義若干卷嘗經進刻梓行世并其集曰水雲清嘯而康里子山序之者子思忠

顧諒字季友吳江越溪人生元季隱晦不仕嘗註儀禮行于世王行為作傳

吳簡字仲庶吳江桃墩人在元鄉試不第尋膺薦授郡學訓導陞紹興府學錄所著有詩義并論語提要史學提綱年八十三卒子二復順見薦舉

人物志卷六

十六

余日彊字彥莊古田人父與可武夷書院山長始來吳居崑山其學淹貫根柢六經不為異說所著尚書補註若干卷平生有隱操

陳謙字子平吳人甫兒時即知孝事父母年三十始授室俊俊色養退則率諸生講說周孔脩齊之道父疾思食鰕進鰕而父沒謙終身不忍食嘗師事林處士寬勉以業試有司就場屋屬吏卒搜檢懷挾者待士無狀因難曰道喪至此尚何傲倖失得為哉即弃去刻意古學在朝諸老交口論薦宜任著作力謝乃止京口孫子翼有女貧不能嫁謙嘗許之助後十年

子翼病即挾貲遠至京口為畢其嫁後救兄死于兵所著有周易解詁別為河圖說一卷占法一卷

邵光祖字弘道父宦游來吳因家焉性孝友見有弗順於親者輒怒斥之於朋友无篤信義博學好古研精經傳夙夜講習垂三十年遂通三經皆有疑義又著尚書集義六卷於字學尤精研窮六書之旨采諸經騷語古韻偏傍以從古文辨聲音而因字母著韻書四卷其教諸生有欲習科舉者皆弗許尤以闢異端禁邪說扶植名教為務有以先賢康節子孫論薦于朝不報張士誠據吳授湖州學正亦不赴遂以布

人物志卷六

十七

衣終其身

國朝

殷奎字孝伯一字孝章其先華亭人居崑再世俗尚貨殖父始為市書遣從會稽楊維禎遊州人笑以為迂志不為變復買田婁上益資之學奎少動敏刻苦不墜父訓國初改立學法洪武四年以薦者赴吏部試春秋題道統論置之高等例授郡縣奎請便侍養因弗當道遂調咸陽教諭時咸陽久罹兵革士不知學奎徃任文教大行藩省禮聘考試多士及纂脩關陝圖經卒年四十六

徐達左字良輔早失怙恃年十六始知書從邵光祖精于義理之學遭時多故隱居光福山中躬行孝悌以身率教其族之子弟講論禮樂彬彬揖讓洪武二十二年聘為達寧學訓導以朱子關里欣然往就達左質厚氣溫未嘗談人過犯之亦不畱怨好山水嘗游武夷將歷覽以廣見聞平生所著有顏曾思孟四子書刻留家塾

陳樞字子經其先四明奉化人祖著宋祕監知台州著書四明山中父泌元饒州教授樞與兄朴字子章徙居于吳之陽山樞精于史學洪武初斐然以著述

人物志卷六

十六

為已任召起樞為起居注

林大同字逢吉常熟人幼孤貧自力於學凡經史手自抄讀寒暑不懈嘗著易經與義洪武中由明經任開封府學訓導病歸永樂三年再召用力辭受宴賜還

張洪字宗海常熟人年十一以民間俊秀充儒學生洪武乙丑以事被逮坐戍雲南帥臣遣子從學久之以明經薦授靖江王府教授永樂元年擢行人奉使日本却其餽金二年復使遼東入翰林脩大典充副總裁官書成燕賞甚厚所著有四書解義二十卷周

易傳義會通十五卷尚書補傳十二卷詩經正義十五卷小學翼贊六卷其雜著則有貫道集永言集攬

集

吳訥字敏德常熟人洪熙初經明行脩薦擢監察御史尋陞南京左副都御史致仕訥持行高古凡經傳多能刪摭舊註發明正學為文公小學集解刊行於時卒後追謚文恪公

論曰漢室以儒術禮義為官選留滯卿大夫以經術潤飾吏事學者咸尊夫子之業而潤色之又注意高仰之不循春秋至此於弒逆先師褒勵之功篤矣切

人物志卷六

十七

矣自是人識君臣父子之綱家知違邪歸正之路儒行之士彬彬焉即蜀地僻陋有蠻夷風今巴蜀好文雅文翁之化也况南人簡約得其英華者乎逮夫近古巨儒鄙俗截道颺則俯拾青紫敦詩書則坐委莫澤蓋利祿之路然也志識之士安肯滯于所習以求貧賤哉儒罕通人儒者之風蓋衰矣俗疵文雅誰其化之當年若妻羞之而誦聲不輒買臣之奮于前也人笑之而志操不變孝伯之屬於後也經籍讓同門以不如酣宴居省閤而不出商畧皆未覩之語講論無能屈之賓賦抵一驛而成經自七齡而悟贊一人

而王天下功過宣尼撰二篇以止復河績希神禹凡有撰述莫不推其通博目為宗匠雖容體不足觀勇力不足恃族姓不足道先祖不足稱莫不顯聞四方流聲後裔矣况容止則顧越介特則李撰門業則顧野王祖德則楊邦弼一何偉與是以涉其流者無祿而富懷其道者無位而尊雖顧諒之不仕吳簡之不第固已處環堵而輕富貴在陋巷而茂王侯矣

贊曰魯儒一人持領振裘弟子遂之散遊諸侯漢實稽古闕文採求各禮行誼洞微究幽通心來哲記志前脩方領委它莫與為儔同門猶讓伉儷則羞何尚

人物志卷六

二十

嚴平徒難孔褒釋褐新蔡樓隱武丘文為萬字史秘千秋從容雅望藉甚風猷

吳中人物志卷之六

吳中人物志卷之七

長洲張景春甫輯

曾孫慶雲論贊

文苑

漢

嚴助會稽吳人嚴夫子子也或言族家子也公孫弘開東閣延賢人與謀議上令助等與大臣辯論中外相應以義理之文大臣數誡其尤親幸者惟助與吾丘壽王見任用而助最先進後留侍中有奇異輒使為文及作賦頌數十篇

人物志卷七

馬彪字義方吳郡無錫人家貧為諸生遊太學有雅才而訥於言郡舉孝廉試經第一除郎中校書東觀數奏賦頌奇文因事諷諫靈帝異之第五永使督幽州百官祖餞于長樂觀皆賦詩彪獨作箴蔡邕等美其文後終內黃令有德政詔東觀畫像以勸學者子岱
陸續康少子也容貌雄壯博學多識星曆算數無不該覽孫權辟為東曹掾以直道見憚出為鬱林太守加偏將軍績既有瘳疾又意在儒雅雖有軍事著述不廢在任卒年三十二作易釋玄

張溫吳郡吳人父允輕財重士名顯州郡溫少脩節操容貌奇偉權聞之延見拜議即以輔義中郎將使蜀溫至蜀詣闕拜章蜀人甚貴其才還頃之權既陰御溫稱美蜀政又嫌其聲名太盛遂因事害溫將軍略統表理溫寃不報

三國

友字子正郡人年十一華歆行風俗見而異之因呼曰沈即可登車語乎友逡巡却曰君子講好會宴以禮今仁義陵遲聖道漸壞先生銜命將以禪補先王之教整齊風俗而輕脫威儀猶負薪救火更益其

人物志卷七

熾歆慙曰自桓靈以來雖多英彥未有幼童若此者既冠博學善屬文兼好武事注孫子兵法又能辯於口每所至眾皆默然莫與為對世言其筆之妙舌之妙刀之妙三者皆過絕於人孫權以禮聘之既至論王霸之略正色立朝清議峻厲為庸臣所譖權疑其終不為己用故害之時年二十九

韋曜字弘嗣吳郡雲陽人本名昭史為晉諱改之少好學能文遷太子庶子時蔡頴在東宮好博奕太子和以為無益命曜論之孫亮即位諸葛恪表曜為太史令撰吳書華嚴薛瑩等與恭同孫休欲延曜侍講

而將軍張布士行多玷憚曜以古今警戒休固爭不可竟止不入孫皓時常領左國史皓欲為父和為紀曜以和不登帝位宜為傳皓怒收曜獄中華覈上疏救曜曰曜自少勤學採綜墳典外吏之中少過曜者昔司馬遷有良史才欲使畢成所撰忍不加誅書卒成今曜在吳亦漢之史遷也漢氏承秦則有叔孫通定一代之儀曜之才學亦漢通之次也皓竟誅曜

張儼字子節吳人弱冠知名經緯博識族人張溫稱之曰吾家類子也拜大鴻臚寶鼎中使于晉孫皓謂今南北通好以君有出境之才故相屈行對曰皇皇

人物志卷七

三

者華臣蒙其榮惟古人延譽之美磨勵鋒鏑思不辱命既至車騎將軍賈充尚書令裴秀侍中荀勗等欲傲以所不知而不能屈尚書僕射羊祜尚書何禎並結縞帶之好子勃撰吳錄三十卷孫固

張純字元基海昏令敦之子也與同郡張儼朱異俱童少時往見驃騎將軍朱據據聞三子才名欲試之曰今三賢屈顧老鄙相聞渴甚矣為吾各賦一物夫騷裏以迅驟為功鷹隼以輕疾為妙何必積思乃隨目立成據大悅純賦席云席以冬設簾為夏施揖遜而坐君子攸宜儼賦犬云守則有威出則有獲韓盧

宋鵲書名竹帛異賦弩云南嶽之幹鍾山之銅應機命中射隼高墉純尤厲操行學博才秀容止可觀拜郎中為廣德令治有異績擢太子都尉赤烏十三年廢太子和純忠諫而死

晉

陸機字士衡吳大司馬抗之子也身長七尺其聲如鍾少有奇才文名冠世領父兵為牙門將吳亡年始二十退居舊里閉門績學以孫氏在吳而祖父世為將相勲名江表深慨孫皓舉而棄之乃論權所以得皓所以亡又欲述其祖父功業作辨亡論二篇太康

人物志卷七

四

末與弟雲俱入洛時國中多難顧榮等勸機還吳機負其才望而志匡世難不從齊王冏既誅趙王倫矜功自伐機惡之作豪士賦以刺焉冏不悟竟以敗機天下秀逸辭藻宏麗張華嘗謂人曰人之為文常恨才少而子更患其多葛洪稱機之文猶玄圃之積玉無非夜光五湖之洪流泉源如一所著文章凡三百餘篇行於世

陸雲字士龍六歲能屬文與兄齊名號曰二陸吳尚書閔鴻見而奇之曰此兒非龍駒當是鳳雛後舉賢良時年十六吳平入洛蔡司徒見機雲兄弟住參佐

扉中三間瓦屋士龍住東頭而士衡住西頭雲為人
文弱可愛機初詣張華華問雲何在機曰雲有笑疾
未敢自見俄而雲至華為人多髭又將好錦繩鬚雲
見而大笑不能自已先是嘗著縵經上船於水中顧
見其影因大笑落水人救獲免雲與荀隱素未相識
嘗會華座上華曰今日相遇勿為常論雲因抗手曰
雲間陸士龍隱曰日下荀鳴鶴雲又曰既開青雲觀
白雉何不張爾弓布爾矢隱曰本謂雲龍駢駢乃是
山鹿野麋獸弱努強是以發遲華撫掌大笑嘗出補
浚儀令縣稱神明去官追思畫像配食縣社初雲嘗

人物志卷七

五

行宿故人家夜暗迷路莫知所從趣至見一年少美
風姿共談老子辭致深遠向曉辭去行十里里無人
烟雲悟却尋昨宿乃王弼冢雲本無玄學自此談玄
殊進弟耽為平東祭酒亦有清譽與機雲同遭害大
將軍孫偉與朱誕書曰三陸一旦湮滅國表雋望悲
豈一人其為州里所痛如此

陸喜字恭仲瑁第二子少有聲名好學有才思嘗為
自叙其畧曰劉向見新語而作新序桓譚詠新序而
作新論余不自量感子雲之法言而作言道觀賈子
之美才而作訪論觀子政洪範而作古今歷覽蔣子

萬而作審機讀幽通思玄四愁而作娛賓九思其書
近百篇吳平又作西州清論借稱諸葛孔明以行其
書也

褚陶字季雅吳郡錢塘人少聰慧十三作鷗鳥水碓
二賦見者奇之陶嘗謂人曰聖賢備在黃卷中舍此
何求吳平召補尚書郎張華見之謂陸機曰君兄弟
龍躍雲津顧彥先鳳鳴朝陽謂東南之寶已盡不意
復見褚生機曰公但未覩不鳴不躍者耳華曰故知
延門之德不孤川岳之寶不匱矣

人物志卷七

六

齊王冏義兵下邳惠乃詭稱南岳逸民秦祕之以書
于東海王越勉以勤王匡世之畧詞義甚美越省其
書招求之惠乃出見越即以為記室參軍專掌文疏
預參謀議每造書檄越或驛馬催之應命立成皆有
辭旨又獻書於冏諷以五難四不可勸令委讓萬機
歸藩青岱辭甚深切冏不能納果敗

張融字思光弱冠有名道士同郡陸倕靜以白鷺羽
扇塵尾遺之曰此既異物以奉異人解褐為宋新安
王子鸞行恭軍作海賦文辭詭激獨與眾異後以示
鎮軍將軍顧覲之覲之曰卿此賦實超玄虛但恨不

道蓋耳融即求筆注曰流沙構白熬波出素積雪中
春飛霜暑路此四句後所足也融家貧欲仕乃與從
叔征北將軍永書曰融昔幼學早訓家風雖則不敏
率以成性布衣韋帶弱年所安簞食瓢飲不覺不樂
但以世業清貧人生多待榛栗棗脩女贄既長束帛
禽鳥男禮已大勉身就官十年七仕不欲代耕何至
此事昔求三吳一丞雖屬舛錯今聞南康缺守願得
為之融不知階級政以求丞不得所以求郡求郡不
得亦可復求丞張氏自敷以來並以脩儀範為事至
融風止詭越高帝素愛融為太尉時與融款接融嘗

人物志卷七

七

笑曰此人不可無一不可有二高帝出太極殿西室
融入彌時方登階級就席上曰何乃遲為融對曰自
地升天理不得速時魏主至淮而退帝問何意忽來
忽去未有答者融時下坐抗聲曰以無道而來見有
道而去公卿咸以為捷融善草書常自美其能帝曰
卿書殊為骨力但恨無二王法答曰非恨臣無二王
法亦恨二王無臣法常歎曰不恨我不見古人所恨
古人不見我融形貌短醜精神清徹王敬則見融革
帶寬殆將至辭謂曰革帶太急融曰既非步吏急帶
何為融假東出武帝問融住何處答臣陸處無屋舟

居無水後上問其從兄緒緒曰融近東出未有居止
權牽小船於岸上住上大笑融玄義無師法而神解
過人高談解能抗拒

南朝

陸倕字佐公慧曉第三子少勤學善屬文於宅內起
兩茅屋杜絕往來晝夜讀書如此者數歲所讀一編
必誦於口嘗借人漢書失五行志四卷乃暗寫還之
略無遺脫幼為外祖張岱所異岱嘗謂諸子曰此兒
汝家元陽也年十七舉本州秀才永明二年刺史竟
陵王子良為護軍將軍傾意賓客開西邸以延英俊

人物志卷八

八

倕以文學親侍嘗為感知已賦以贈任昉昉為御史
中丞替裾輻湊預其宴者殷芸到既劉苞劉孺劉顯
稱為龍門之遊時昭明太子愛文好士倕與殷芸等
同見賓禮武帝雅愛倕才勅撰新漏刻銘又詔為石
闕銘皆嘗稱賞

陸煦果弟少警敏學有思理天監初歷官中書侍郎
尚書左丞太子家令撰晉書未就著陸史十五卷陸
氏驪泉志一卷並行于世子暉字洞元善屬文仕梁
太子中庶子終光祿卿母老求去公卿祖道於征虜
亭太子賜黃金而歸

張率字士簡父瓌十二能文常日限為詩一篇或數日不作則追補之稍進作賦頌至年十六向作二千餘首有虞訥者見而詆之率乃一旦焚毀更為詩示焉托云沈約訥便句句嗟稱無字不善率曰此吾作也訥慙時陸少玄家有父澄藏書萬卷率與少玄善盡借讀其書與同郡陸倕陸厥為友嘗詣沈約遇任昉在坐約謂昉曰此二子才秀皆南金也卿可識之天監初遷司徒謝朓掾直文德待詔省勅使抄乙庫書又使撰古婦人事使工書人琅琊王琛吳郡范懷約等寫給後宮率取假東婦論者謂為傲世率懼乃

人物志卷七

九

為待詔賦奏之見稱手勅曰相如工而不敏枚臯速而不工卿可兼二子於金馬矣又侍宴賦詩武帝別賜率詩率奏詩往反引見玉衡殿謂曰卿東南物望朕宿昔所聞秘書丞天下清官東南望胄未有為之者今以相處為卿定名譽四年禊飲華光殿是日河南國獻赤龍駒能拜伏善舞詔率與到溉周興嗣為賦武帝以率與興嗣為工率嗜酒不事家務在新安日遣家僮載米三千石還吳及至宅耗太半率問其故荅曰雀鼠耗耳率笑而言曰壯哉雀鼠竟不研問自少屬文七畧及藝文志所載詩賦已亡並補作之

張玄之字祖希少聰慧以才學顯初為縣丞以職事對府不知官曹處吏白門下責之時扶風張業聞玄之諸生試引見之與語大驚曰今日相遭真解矇矣遂請上堂難問極日豫章太守范甯亦稱玄之為吳士之秀孝武時出為吳興太守與會稽內史謝玄同時之郡論者以為南北之望亦稱二玄玄之與顧敷俱顧和中外孫時玄之九歲敷七歲同至寺中見佛般泥洹像弟子有泣有不泣者以問二孫玄之謂被親故泣不被親故不泣敷曰當由忘情故不泣不能忘情故泣

人物志卷七

十

顧協字正禮晉司空和六世孫外從祖右光祿張永嘗携協遊武丘山協年數歲永撫之曰兒欲何戲協曰政欲枕石漱流永歎賞之及長好學以精力稱初為揚州議曹從事沈約覽其文而歎曰江左以來未有斯作也張率嘗薦之於朝問協年率言三十五帝曰北方高涼四十強仕南方卑濕三十已衰如協便為已老但其事親孝友不可遺於草澤於是協為兼太學博士累遷湘東王記室普通中有詔舉士湘東王表薦之即召通直散騎侍郎兼中書通事舍人張永裕第三子也兄演鏡弟辯岱俱知名永博涉書

史能為文章善隸書騎射雜藝觸類兼善為文帝所知

陸雲公字子龍父完字楚卿梁寧遠長史雲公五歲誦論語毛詩九歲讀漢書從祖任與沛國劉顯質問十事雲公對無所失顯稱異之及長州舉秀才累遷宣惠武陵王平西湘東王繹行參軍雲公嘗製太伯廟碑吳興太守張纘讀其文歎曰今之蔡伯喈也纘至都言于武帝召為尚書儀曹即太清元年卒年三十七葬橫山有文集行于時子瓊

人物志

十一

定碁品到溉朱异並集瓊時八歲於客前覆局由是都下號曰神童武帝召見風神警亮進退詳審帝甚異之年十一丁父喪有至性侯景亂携母避地讀書陳天嘉中以文學遷尚書殿中郎為文帝所知吏部尚書徐陵薦于宣帝言瓊識具優敏文史足用進居郎署歲月過淹乃除司徒左西掾尋兼通直散騎常侍初雲公奉梁武勅撰嘉瑞記瓊述其旨而續焉勒成一家之言遷吏部尚書著作如故瓊詳練譜牒雅有識鑒性尤謙儉位望雖隆執志逾下俸祿所入皆散宗族家無餘財母憂哀毀卒有文集二十卷子從

典

陸琰字温玉父令公梁中書宣城王記室參軍琰幼孤好學有志操州舉秀才解褐宣惠始興王行參軍累遷法曹外兵參軍直嘉德殿學士世祖以琰博學善占誦引置左右嘗使製刀銘援筆無所點竄世祖稱賞賜衣一襲俄兼通直散騎常侍副琅琊王厚聘齊齊人傾心焉尋卒年三十四太子深悼之加其贈賻親為製銘後至德二年追贈司農卿後王求琰遺文傳之弟瑜

人物志

十二

琰時為管記並以才學侍左右太建二年太子釋奠于太學宮臣並賦詩命瑜為序文甚瞻麗時太子好學欲博觀子史命瑜纂要成書未就卒年四十四追贈光祿卿
陸珍字潤玉梁大匠卿晏之子弘雅有識度好學能文舉秀才對策高第吏部尚書素樞薦之於世祖超授衡陽王文學直天保殿學士後主在東宮徵為管記仍除中舍人管記如故以疾還鄉太子解衣贈之至為流涕卒年三十七追贈少府卿有集十卷
陸琛字潔玉宣毅臨川王長史丘公之子少事後母

以孝聞世祖在會稽時琛年十八上善政頌詞甚工由是知名舉秀才起家為櫛陽王主簿直宣明殿學士太子愛琛才辯深禮遇之後主嗣位遷給事黃門侍郎中書舍人卒年四十二

陸夷父槩齊霍州刺史九歲日誦二千言尚書僕射楊遵彥見而異之曰陸氏代有人矣

隋

陸播字士紳郡人祖映梁侍中父陟諮議將軍世有文業播不墜家聲隋仁壽中召補學士春宮大業初為燕王記室至唐貞觀中授朝散大夫魏王府文學

人物志卷七

十三

陸從典字由儀年八歲讀沈約回文研銘援筆擬之便有佳致十二作柳賦其詞尤美從父瑜特所賞愛瑜卒乃集其遺文序而傳之位太子洗馬司徒左西掾陳亡入隋為著作佐郎詔續司馬遷史迄於隋末就而卒

唐

朱佐日郡人在唐兩登制科三為御史武后嘗吟詩曰白日依山盡黃河入海流欲窮千里目更上一層樓問是誰作李嶠對曰御史朱佐日詩也賜綵百匹轉侍御史子承慶十六舉秀才嘗為昭陵輓詩入高

等由是父子齊名

于公異吳人進士擢第李晟表為招討府掌書記朱泚平露布於德宗曰臣既肅清宮禁祗奉寢園鍾簾不移廟貌如故帝覽泣下曰誰為之辭或以公異對帝咨歎久之其詳見唐書文藝傳

陸暢字達夫郡人早有才名舉進士以祕書丞為觀察判官張咨宗薦其植性謹和肄事周敏剖斷公事人人不寃乞賜章服初王仲舒刺洪州暢在幙府終日長吟不親公牘仲舒微言竟拂衣去辭曰不可偶為大夫參佐而妨志業由此美譽益彰及登省署遇

人物志卷七

十五

雲陽公主出降詔為催粧詩恩例外別賜宮錦五十段楞伽瓶及唾壺各一又為劔南西川節度韋臯所厚禮始天寶間李白為蜀道難以忤嚴武暢更為蜀道易以美臯臯在蜀數進兵器上刻定秦字既死入以此誣臯暢上疏言臣在蜀日見定秦乃造兵器匠者姓名耳由是得釋

張籍字文昌吳縣人貞元十五年進士為太常寺太祝韓愈薦為國子博士當時有名士皆與游而愈益重之籍性狷直嘗責愈喜博塞及為駁雜之說論議好勝人其排釋老不能著書若孟軻楊雄以垂世愈

亦貽書答之仕至國子司業張洎論籍為詩長於古風當時與元微之白樂天孟東野歌詞為天下宗匠號為元和體又長於今律貞元已前多拘於常態至籍一變而章句之妙冠於流品子黯

顧况字通翁郡人性詼諧工於歌詩嘗為韓滉節度判官初李泌流放江南與柳渾及况遊會渾輔政以校書郎徵况泌復繼入况自謂知已秉樞要當得達官久之方遷著作即怏怏不樂求歸於吳泌卒作詩以諷為法司所劾貶饒州司戶後結廬茅山自號華陽真逸有集二十卷皆散軼今所傳止古今體上下

人物卷

五

二卷年九十而終子非熊滑稽好辨凌轢當世為衆所抑困于場屋三十載長慶中諫議大夫陳商放榜上怪無非熊名詔有司進所試追榜勅及第天下寒俊由是知勸矣累佐使府大中間歷盱眙尉慕父風棄官亦隱苑山或傳其得長生術云

陸扆字祥文為翰林學士扆工文屬辭敏速若注射然一時書命同僚自以為不及昭宗優遇之帝嘗作賦奉詔皆和獨扆先就帝覽之嘆曰貞元時陸贄吳通玄兄弟善內廷之文後無繼者今朕得之扆始舉進士時方遷幸而六月榜出至是每暑相戲曰造榜

天也以譏扆非其時故事自三省得宰相有光署錢留為宴資學士院未始有也至扆送錢五十萬以榮近司進中書侍郎判戶部嗣覃王以兵伐鳳翔扆諫曰國步方安不宜加兵近輔必為他盜所乘無益也且親王而屬軍事必有後害帝顧與軍責扆沮撓貶峽州刺史師果敗崔胤羅相扆代之胤怨望及是議以為陰有黨附貶沂王傅分司東都胤死復授吏部尚書從遷洛柳璨始附朱全忠謀去朝廷衣冠有望者貶扆濮州司戶叅軍殺之白馬驛

人物卷

六

宗時上書闕下仕為濠州錄事叅軍客死姑蘇收始年七歲處喪若成人母長孫夫人親授經十三通大義善屬文所賦輒就吳人號為神童里中多造門觀賦詩至壓敗其藩收朝之曰爾非羸角者奚用觸吾藩及壯廣穎深頤疏眉目寡言笑博學強記至他藝無不通以兄假未仕不肯舉進士既假禡褐乃入京師明年擢進士杜琮表署淮南判官宰相馬植又表為渭南尉集賢校理議補監察御史收以兄假方外遷詎不可先固辭復為琮節度府判官弟巖並在幕府未幾假自浙西判改擢監察御史而收亦西川遷

兄弟同臺世榮其友以詳禮學改太常博士而嚴亦自揚州召為監察御史收因建言漢制總羣官而聰曰省分務而專治曰寺太常分務專治者也所以嚴天子旂常今旂常因車飾隸太僕非是未及行以母喪免

孫發吳人舉百篇科皮日休贈詩有云百篇宮體喧金屋一日官衙下玉除陸龜蒙亦有贈云直應天授與詩情百詠惟消一日成其見推重于當時云

范纒唐末吳之處士有子七歲能詩嘗賦贈隱者云掃葉隨風便澆花趁日陰又賦夏日詩云閑雲生不

人物志卷七

十七

雨病葉落非秋方干聞之曰此兒他日必垂名也

五代

蔣貽恭吳人流落入蜀有詩才性特耿直每一吟詠率多諷刺時蜀主季年臣僚多尚權勢侈傲無節因為詩以諷之蜀主知其不遜曰敢言之士也特授雅州名山令仍賜銀緋

吳仁璧字廷寶長洲人蜀主大順中及第善屬文尤善星學及黃白術吳越王錢鏐待以客禮訪求天文固辭非所知欲辟入幕又辭去鏐母薨具幣請為誌文不從鏐怒沉之江中有詩集行世

董思恭吳人初為右史知貢舉事世流嶺表死所篇詠甚多

宋

謝炎字化南太子賓客濤之弟慕韓柳為文與杭州盧禎齊名時稱盧謝端拱初舉進士調補昭應主簿徙伊闕知華容公安二縣有集二十卷

方惟深字子通其先番禺人父龜年官至屯田郎中卒葬長洲因家焉惟深早通經學為鄉貢第一試禮部不中即棄去有田一廛與弟躬耕之居常以雅道自娛尤工於詩每一篇出人爭傳誦時王荊公以知

人物志卷七

十八

制誥卧鍾山得所作詩稱其精詣警絕嘗書其句于扇惟深雖游其門畧無迎合意其孝友清介之風隱然稱東南若文學行義與朱長文同為鄉人所重崇寧中郡將以遺逸應詔不赴以年格得興化軍助教年八十三卒有詩集十卷

吳感字應之以文詞名天聖二年省試第一九年又中書判拔萃科官至殿中丞家郡中小市橋

孫緯字彥文擢進士第歷宗正寺丞尚書即為人誠朴好以俗語為詩多近於理尤精一時典故嘗著集謚拾錄宋朝人物志行于世

楊備天聖中為長溪令後宰華亭丁內艱歸家于吳樂風俗之美效白體作姑蘇好十章又作姑蘇為題每題箋釋其事至今行于世范成大脩志亦多采之劉少逸郡人年十一文詞老成從其師潘閔謁長洲令王元之吳縣令羅思純因所作為贊二令疑其假手於人不之信試令與之聯思純倡曰無風燈焰直少逸曰有月竹陰寒元之曰一回酒渴思吞海少逸曰幾度詩狂欲上天凡數十聯皆稱敏妙二令驚異聞于朝端拱二年進士及第官至尚書員外郎謝景初字師厚濤之子慶曆六年進士及第以大理

人物志卷七

十九

評事知越之餘姚縣始作海防水患民賴以安以屯田即致仕性倜儻勁峭博學能文尤長於詩每為歐陽公王介甫梅聖俞所推重黃庭堅其壻也庭堅自謂得句法於謝公云第二景平字師同以蔭授校書郎第進士終祕書丞工於詩景回字師復年十九所為文詞已可傳載

李育字仲蒙吳人馮當世榜進士第四人能為詩性高簡仕不甚顯而人少知之者嘗賦合肥飛騎橋尤為膾炙人口其詩曰魏人野戰如鷹揚吳人水戰如龍驤氣吐吳州及魏國建旗敢到新城傍伯主心當

萬夫敵麾下倉皇無羽戩遂窮事變接短兵生死之間不容息馬奔津橋橋半微洶洶有聲如地裂蛟怒橫飛秋水空鷲驚徑度秋雲潤奮迅金羈汗沾臆濟主艱難天借力艱難始是扶主時平生主君須愛惜昔有趙倚樓鄭鷓鴣崔鴛鴦鮑孤雁可謂李飛騎矣丁偃嘉祐四年與朱長文同登進士初試邇英延講藝有詩云白虎前芳掩金華舊事輕天心非不寤垂意在蒼生有古詩諷諫之體是歲奏名甚高而御前下第自是二十年方中選

人物志卷七

二十

鄭時字是翁樞密戩之孫宣和六年進士知太平州當塗縣撫民先訓諭後刑罰民多化之秩滿遷建康府通判留守晁尚書謙之稱為長者以疾奉祠終於朝奉大夫性嗜書札自左氏史漢三國六朝以至韓柳名家之文悉有成編一時學者稱之

王伯廣字師德常熟人少從游楊邦弼由進士乙科調湖州德清尉嘗過臨安謁張栻奇其才選授溫州平陽教授平生工於詩其四六尤為人膾炙所著有聽雨集

陳起宗字興祖政和五年進士年三十七以微猷閣學士知并州卒詩篇瀟灑有陶謝風韻

樂傳字功成由淮海徙崑山紹興二十四年進士有
文名尤長於詩與范成大馬先覺唱和為社成大每
以樂先生稱之官至軍器監簿

張公秀字仲實從葉適游風流詞翰推重一時紹興
初為嘉興之崇德丞遂寓郊野作漁簑堂晚知台州
臨海縣尤有善政

邊惇德字公辯祖珉始家崑山幼孤貧孝不廢禮以
能詩名為范成大所知嘗與唱和有敢向詩壇挑老
將之句五中鄉舉就奏名年逾六十乃引年致仕郡
縣列其行義特改通直即仍著為令撰脂韋子五十

人
物
志

卷
七

卷子瀛字道卿與弟濟並有文名濟子應升字子用
淳祐初進士應升子雲遇字龍光寶祐四年進士雲
遇弟實與凌萬頃同脩玉峯志

周甫字次山常熟人五歲誦論語淳熙十年以舉子
業秋試為解魁後棄去研窮經史百氏之書識見超
卓文筆凌厲叅政宇文紹節館之以邊功累官不就
所著韓生傳章華臺記石頭城歌等作

張攀字從龍常熟人淳熙十二年進士歷秘書丞其
在秘書銓次中興館閣書目凡萬卷上之改尚左軍
器監同日再命殿中侍御史兼侍講除起居即崇政

殿說書有文集奏議并漢唐論摠若干卷

陳振字振亨古靈先生之後父遵出贅崑山李侍御
衡女因家焉振性至孝以祿不逮養刻木為親像一
飯必祭尤樂善急義為文簡健高雅能追古作無宋
季陋習官至太府寺丞知永瑞二州致仕卒有文集
五十卷子昌世亦以文鳴兼優吏事由太府丞知信
州擢吏部即召對理宗有一廡可喜之褒後知瑞州
所至有遺愛子明復朝奉即通判慶元府

人
物
志

卷
七

任登紹熙元年進士授文林郎秘書正字娶黃度女
會度言忤當路御史覈度并南罷之俱入偽學黨開
禧三年召試館職南對策詆權要言者劾罷之

武如愚其先開封著姓南渡後定居姑蘇如愚早孤
依故人龔相能刻勵于學業文詞以祖澤入官

沈義甫字伯時吳江震澤人嘉定十六年領鄉薦仕
至南康軍白鹿洞書院山長以文鳴于時

朱寢炎字明叔長文五世孫以祖廕授將仕郎有鑿
江唱和集寢炎性倜儻善持論為詞章慕朱希真亦
名樵唱集

元

秦輔之嘉定人博覽載籍多所見聞時邑自崑山析置以來未有紀載因撰練川志子良乞序於楊維禎而梓行之別著有格物擇善二錄易注史斷棠陰政績武事要略忠孝百詠惜皆不傳

徐雷龍字幼成惇祐間名綴解榜授登仕郎嘗從狀元阮登炳習舉子業為時論所重有滸溪三絕之名謂雷龍之論黃竹野之策劉浩然之賦也元初以達官薦授武進縣學教諭不赴居光福山中以壽終

耿時舉字德基與范成大以詩唱和郡守王喚建西

人物志卷三

廿三

樓時舉賦詩見稱于時久居太學不得第

劉岳字公恭其先宋醫名家自南康東遊吳遂定居

焉元世祖詔求南士有司以岳應聘入覲便殿詢其

先業即命官太醫院俾出入帷幄時稱為劉三點蓋

以其指點三下洞知六脉云未幾詔下劉岳儒士也

視其文合古作者可令掌誥命豈以方伎處之改翰

林學士知制誥同脩國史岳後屢乞補外乃授建昌

路總管卒于官還葬于吳岳少嘗讀書白鹿洞書院

與脩江李嘉龍東魯孔德達為友詩文典雅造詣于

古所著有東崖小橐

范霖縉雲人元祖召見世祖授江浙儒學提舉轉禮部侍郎立朝有論議氣節凌人因往游于吳遂家焉所作詩有歲寒小橐二卷刻梓行世

朱德潤字澤民崑山人為睢陽五老貫之九世孫也當元延祐末游燕京吳興趙孟頫薦于仁宗召見命為國史院編脩官明年英宗嗣位授鎮東儒學提舉以歸至正十一年浙省平章辟為叅謀軍事後攝守長興招徠流離政績居多尋以病免德潤博古有文

人物志卷三

廿四

者不厭其多能也其詳見周左丞撰墓銘

張淵字清夫吳江人仕元為東省提舉有心遠堂集

虞文靜公為序

衛培字寧深狀元文節公曾孫博通經史習知前代典故延祐七年郡以培充貢龍虎榜賦文不起草謂

有揚馬之才嘗聘為訓導州學號月山先生所著有

過耳集十卷同時有李季高亦以文學並稱

王立中字彥強先蜀之遂寧人宋侍郎諱極始家于

吳曾祖矩之同知平江路總管府事祖光祖常熟尉

父平孫黃巖鹽場司令立中九歲而孤蔭授開化尉

歸老于家凡十九年而終自為銘誌立中長於詞尤善畫有文集二十卷

素易字通甫其先自汴來吳故今為吳人少敏於學常薦于朝力辭之歸隱吳淞江之濱所居名靜春堂其詩集亦以是名虞伯生楊仲弘輩數人為之叙而鮮于伯機稱其閑遠清嚴稍加精密少陵不難到其為一時名流推尚如此吳興趙子昂又嘗取漢司徒卧雪事寫圖遺之卒年四十五金華黃晉卿為誌其墓子仲長亦有文學

人物志卷七

廿五

俞淡洞庭山人在宋以詞賦稱宋亡隱居著書不復仕精於易學尤好鼓琴撰幽明辯惑弦歌毛詩譜等書

龔璠字子敬宋寶謨閣司農卿湛之子自高郵徙鎮江宦遊留吳因家焉德祐內附士大夫居班行者例遣北上湛在遣中行至莘縣不食而卒璠悲不自勝語其弟曰國亡家破兄弟少孤不能力振門戶獨不可為儒以辱先邪璠於是刻苦於學文譽籍甚浙右憲使東平徐公琰辟璠幕下尋舉教官大名高公參預外省璠以書論後法之弊喜曰子有用之才也璠曰進賢退不肖天下士如某者能一一致哉又有交

薦璠者皆不報有存悔齋稿傳于時

虞堪字勝伯宋丞相雍國忠肅公八世孫自堪以上居吳堪績學克世其家嘗搜訪先忠肅公文集於蜀中世亂不果一時名勝多為詩文相其行自先世譜系與凡像笏保歲不失堪學博行脩為一時所推居笠澤鄉人嘗為義塾以延講教其著述有鼓柁橐籥于家于時有陳介叔介陸頤養正金鏐南仲皆其門人也

國朝

人物志卷七

廿六

高啓字季迪長洲人其先民家少孤兄咨成淮右時往來江城以居好作詩出警語人或異之至正間張太尉開府平江承制以淮南行省叅知政事臨川饒介領咨議叅軍事介有文學豪宕聲望甚隆自太尉而下皆稱臨川公而不名頗愛士一時有名之士多出其門啓時年十六或薦于公乃召見使為詩甚驚異之以為上客啓既壯益務為詩詩益精名益起啓復俊爽好權畧與張憲王行宋克僧道衍輩游又皆談辯不羈遂以為天下事可就啓娶青丘周氏遂依外家居終元之世不仕雖臨川公遇之厚不為屈也洪武二年詔脩元史啓至京入局仍命給牒放還五

年國子祭酒江夏魏公觀來知府事會觀治故府有
上變密告親與復故宮反狀 上命御史張度廉其
迹得啓所為上梁文因連坐之逮至京而卒年三十
九啓身長七尺餘有文武才於書無所不讀尤粹史
學嘗著威愛四臣等論馳驟上下精采煥發他文尤
精鑿典贍其詩始以唐人為法極意太白而縱意諸
家隨所擬無不似之其緣情隨事因物賦形縱橫百
出開闔變化不拘一體蓋數百年來為世詩豪而自
成一大家也

楊基字孟載其先蜀人有仕江左者寓吳至基遂為

人物志卷七

廿七

吳人基穎敏絕人九歲能背誦六經稍長作詩有奇
語時會稽楊維禎寓居松江往來吳下聲光甚殷赫
尤以樂府詩自標致一時士無與言詩者基謁之就
坐上援筆賦鑊笛歌因而驚曰吾謂詩逕已蕪乃復
有孟載也老鑊不得擅場矣遂與俱東謂門人曰吾
在吳又得一鑊來矣若曹就之學優於老鑊也基弱
冠著書十萬餘言名曰論鑿走試儀曹不利會天下
亂乃歸隱于赤山遂以詩名吳中與高啓張羽徐賁
號稱吳中四傑云周左丞伯琦之留江南也以中朝
貴臣尊重無與為比所居廳事惟設一席客至立談

無他坐具惟基見輒解榻歛語極歡初基在赤山有
終焉之志張太尉使人羅致之辟為丞相府記室久
之辭去

謝徽字元懿長洲人居甫里博學多才以詩領鄉薦
入國朝洪武二年與同郡高啓赴召預脩元史授翰
林國史院編脩官有旨教功臣弟子員未幾拜吏部
郎中辭歸賜金而還後起為國子助教卒于官徽所
著有蘭庭集弟恭字元功有蕙庭集並行

王彛字常宗其先蜀人父嘗教授崑山州崑山與嘉
定相接彛徙為嘉定人少貧讀書天台山中師事孟

人物志卷七

廿八

長文氏長文為蘭溪金文安公弟子彛之學故有端
緒若文則其所自得為多不啻同於人初會稽楊維
禎以文雄一時吳越諸生多歸之彛獨目為文妖作
文詆之凡數百言可驗其學之正非希寵盜名以徼
一時之利者彛之文精嚴縝密明暢英發不為諛詞
浪語以逐時好洪武初詔脩元史極天下之選凡三
十二人而出於吳者有高啓謝徽杜寅傳著及彛也
史成而以母老乞歸身猶布衣而卒

秦約字文仲淮安人徙家崇明東沙再徙崑山父玉
業儒有至行門人私謚孝友先生約至正間擢崇德

州儒學教授洪武辛亥試魁多士超授禮部侍郎以
母老辭歸侍養終制又以寶鈔東帛起聘講論治道
疏陳學校例當復舊育才守令之選自立一科年四
十者蒞職百日舉以自代郡邑三年造冊與誌書同
進誌則具載忠孝節義禎祥災異之事以備國史采
擇上悅以約年老難以任劇授溧陽縣教諭御史練
則成待制吳成等以約宿學遺老合在館閣論薦不
果用詣華陽洞天訪尋陶魏楊許遺書得遂蕭散之
志在溧陽八年請老歸約受知於名公若張潞公輩
尤見推重所著曰樵海漫彙別有師友話言樵史補

人物志卷七

廿九

遺孝節錄詩話舊聞又嘗脩崇明志

金文徵字德儒嘉定人洪武初典教于邑登庠成進
士同知延安府鄜州事為州屬秦境與川蜀相接素
號難治文徵卓有政績早與從兄德進力學攻文而
文徵特簡古時輩推之其文惜多遺佚

申屠衡字仲權長洲人幼從會稽楊維禎明春秋學
尤肆力古文詞嘗自號樹屋備洪武三年徵至京草
諭蜀書旨授翰林脩撰未幾病免謫居濠上所著名
扣角集

張適字子宜世吳人八歲能詩稱奇童十三應江浙

鄉試元社將亡遂隱不仕家于柴園里張士誠據吳
日累招不起 國朝詔脩元史擢工部郎中辭歸後
薦所著有甘白集粹行于時

周南老字正道長洲人洪武初召與翰林太常同議
郊祀諸禮禮成移臨安府居後歸卒于鄉所著有拙
逸齋彙別有姑蘇雜詠子敏字遜學署本縣學教諭
俞貞木字有立石澗之孫元末隱居南園 國朝洪
武初薦授樂昌縣令歸葺舊隱以文章為業郡守姚
善折節下士廷致訓其子妄以辨曲直逮至京事既
白以疾卒有立菴彙藏于家

人物志卷七

三十

盧熊字公武先為南昌武寧人徙吳之崑山父彥達
私謚夷孝先生熊少業於楊維禎氏洪武初薦授吳
縣學教諭是時文武之臣方給誥勅衆推熊精於筆
札遂授中書舍人閱歲超授奉訓大夫知兗州事嘗
謁宣聖林廟考訂孔顏世系表鄒國公廟處士宋思
義墓其在吳也纂輯吳郡廣記五十卷嘗已刊行於
時熊好古博識工篆隸所著說文字原章句及有庶
城隱書蓬蛸集幽憂集清溪集等編年五十以事逮
至京而卒葬長洲縣武丘鄉子彭祖禮部主事

瞿在字敬孚父嗣興見孝行傳在嘗任吳江儒學訓

導擢翰林典藉與脩洪武正韻累官禮部員外郎工
緒亦以文知名

傳着字則明常熟人召脩元史嘗為縣教諭卒官潞
州知州有味梅齋彙宋景濂學士為序

王璉字汝器立中長子洪武初由無錫縣儒學訓導
遷吏部主事早卒有錦江彙歲于家

鄒奕字弘道郡人大父士表樂善好義延名師於家
塾楊廉夫嘗贈詩有云爾祖傳經如傳寶家孫十歲

早能詩蓋美奕也領元鄉薦授饒州錄事 國初謫
關西與同郡沈繹誠莊陸禧彥吉婁江丁晉仲敏遊

人物志卷七

三十一

最密奕之文有吳樵彙

趙友同字彥如浦江人徙居于吳篤志問學祭酒胡
儼為華亭教諭時舉友同為訓導少師姚廣孝言友

同父良仁遂於醫以家學召為太醫院御醫時脩永
樂大典乃以友同為副總裁又用纂脩五經四書性

理大全其文學見知于 上及奉詔從尚書夏原吉
治水來吳所著有存齋集歲于家

玉汝玉初名璩立中仲子年十七中元江浙鄉試洪
武初有司辟攝郡庠授應天府學訓導陞翰林院五

經博士預修 高皇帝實錄永樂大典除左春坊左

贊善兼翰林編脩卒于京年六十七汝玉文章名家
詩尤俊逸楷畫臻妙其先居蜀故自號青城山人有
集行世卒后十年 仁宗追贈太子賓客謚文靖

王璉字汝器與兄璩少齊名于時嘗謫戍五開以明
經舉為武昌府學訓導召預永樂大典為副總裁洪

熙初直弘文閣東里楊士奇銘其墓謂王氏兄弟先
後入翰林士君子論行已有道當於汝嘉無間言

陳繼字嗣初吳縣人父汝言洪武初仕濟南府經歷
繼生濟南十月而孤母吳夫人守節教育遣以名師

授業克底于成蔚然一時文名吳下楊士奇見其文
薦授國子博士預脩兩朝實錄進檢討尋歸卒于家

人物志卷七

三十一

有文集刊行

金問字公素吳縣人年二十二方事讀書與陳五經
為鄰感其獎勵因得肆力于學不數歲為文已追逐

前輩善楷法永樂中以能書薦授司經局正字 仁
宗在東宮甚見寵遇

劉鉉字宗器中書孟功猶子生五月而孤鞠於母陸
甫冠授徒里中以能書就徵中永樂庚子鄉試授中

書舍人預脩三朝實錄陞兵部主事進翰林侍講卒
于官 上聞訃為之嗟悼有云安得學行純篤有如

斯人邪遣侍郎李紹諭祭 皇太子亦遣官致祭贈
贈加厚鉉為人介特有守言動不欺與人交一以誠
恪為主有卓然古君子之行平生博通經史為文根
祇義理詩亦典則所著名假卷集卒後追贈禮部侍
郎謚文恭子瀚字約之按察副使

張和字節之崑山人正統乙未與弟穆同登進士第
廷對之文彙無寬抹讀卷者奇其才請寘首選即移
疾家居一時執經問業者日踵至于門碑版之請戶
屢恒滿嘗主考江西鄉試俄驛召入翰林預脩纂事
天順改元授浙江按察司副使提督學校其教以正

人物志卷七

三十三

心術慎行檢為本自兩浙山溪幽僻教行無所不至
和少嘗讀書馬鞍山下二十年天資絕人數行俱下
工古文詞與葉文莊與中鄭進士時又相交善平生
好聞忠賢節義事年止五十三所著述曰篠菴集穆
字敬之仕終浙江參政官績文業亦著稱于時與和
最相友爱稱崑山二張先生云

劉昌字欽謨吳縣人少入邑庠常業之外博覽群典
不求人知雖同門連業者亦莫測其造詣正統甲子
歲當大比提學孫公首以為薦同列心疑而口訾之
及試京闈高學士敷讀其文語諸同事者曰此必山

林老學置之第一撤棘乃一白哲少年為之嘆賞會
試復第二廷對大臣忌其文抑置二甲以疾乞假南
還大肆力於學造詣益深名稱益著景泰三年授南
京工部虞衡司主事嘗預纂修宋元史疾終于家年
五十七昌聰明過人書一目輒能記及習知當代典
章前輩故實叩之與談疊疊不休然性與人寡合不
可其意則相對終日默不出一語有侵之者從容順
受而已未嘗指摘人之詩文瑕類其為文章才思華
贍言詞爾雅振筆千言若有餘裕詩律尤溫麗稱一
時作者所著作有胥臺鳳臺金臺嵩臺越臺岳臺等

人物志卷七

三十四

集蓋紀載所歷也在河南編刻中州名賢文表又嘗
類 本朝文章如文選文鑑類為一書
陳鑑字緝熙長洲人父謫戍鑑依父友范叔瓚從老
氏學少有高資竊好儒家言能通其說下筆為文輒
有奇氣他日以事如浙市書而歸晝夜誦習卒棄其
學而歸於儒以其餘力治進士業正統九年甲子鄉
試第二明年會試中乙榜入國學為李忠文公弟子
文名益起十三年廷試擢第一甲第二授翰林編脩
充經筵講官進脩撰 英宗復位奉使朝鮮天順初
預脩 大明一統志尋充東宮講官遷侍讀脩 吳

宗實錄進侍講學士未幾陞國子祭酒以事落職而死鑑父沒成所嘗東使代祀便道函父骨歸葬迎其母養之于官後返于吳事之甚謹毋卒居喪時方脩實錄有詔起鑑鑑兩上章求終制允之平居無聲色之好嘗使朝鮮有詩却妓侍夷人敬服板刻其詩行國中無子

劉珏字廷美長洲民家子初辟為府掾不從詣府白于守况鍾願從儒守嘉之充縣學生中鄉試擢刑部主事未幾乞歸田里肆意幽賞作林園之勝號小洞庭與徐武功祝大恭輩唱酬詩酒為樂其風流可尚

人物志卷

三十五

也珏志趣高簡不專功名博古精鑒晉宋以來法書名畫多能購藏善為唐律詩比屬精切音旨流暢書効雲麾行草各極其妙尤愛寫山水

張泰字亨父東倉人由進士授翰林庶吉士陞檢討用薦提學河南以疾辭陞脩撰卒生而秀異為人絕去崖岸靜嘿寡言蕭然閑野之適自以官居清華况味有餘文追古人詩備諸體長沙李侍講東陽序其滄洲集而以高太史擬之為天下惜也

陸鉞字鼎儀天順癸未會試第一人廷試居第二授翰林編脩尋陞脩撰晚得末疾告歸即其家有白金

文綺之賜明年已酉卒訃聞勅祭禮蓋殊恩也錢性冲淡簡默聰敏過人所為詩若文務出人意表書亦自成家法有春兩堂集藏于家

奚昌字元啓治易正統甲子中南都鄉試老於問學兼通書詩四方之士受經於昌者皆先起科第入官乙丑而昌年及五十始得進士竟以病卒辛卯歲當大比江西大藩走書幣請主校文昌辭不赴為人悻行詎與弟友愛束脩所得悉畀之雖甚費不吝性喜吟詠嘗以徐字為韻賦千篇以見志和者亦衆文主理致平易壘達可觀昌既第郡中表其坊曰老桂昌

人物志卷

三十六

同里有二人皆登進士曰顧珣文之有庶介曰顧玠惟遠有孝行皆不及祿仕而卒

周庚字原已初名京字元基自少穎敏好學家世自宋元以來業醫其父尚正知其志不欲以醫名不強也庚初隱居養親將終其身俄太醫院奏下吳中徵名醫中有庚名時知府丘公請脩郡志始乞入學就弟子列冀免不得遣被逼上京未幾選入禁中典御藥數以醫驗授御醫父之擢南京太醫院判庚為人慎密清雅狀貌癯然喜為詩平實深秀語多絕俗卒年四十七無子

陳頤字永之郡之長洲人由鄉舉授陽武縣儒學訓導致仕頤業文擅名吳下尤通醫為人清脩苦節其文好議論有開中今古一卷及其所著之京適楚遊梁還吳四錄并洪都紀行摠曰味芝居士集

論曰文章者寫萬物之情狀發五聲之音響大則作訓垂範匡主和民次則宜于詠歌便于時用文之為用大矣哉雖出言異句下筆殊形實異質而齊芳殊音而並美者也檢名實于千載之事定得失于一管之鋒非徒為之難知之實難矣昔人有解嘲者曰子若謂我是耶則是不必以合俗子若云俗果非耶則

八人集卷

三

俗非不可以首從其知言哉孔子諸子獨子游為吳人至橋名文學自是江南地方數千里士子風流皆出其中宜文章之體為世人所驚也若二陸龍躍雲津信是江南之寶季鷹縱適一時不沒身後之名才雅如彪諷諫盡託于文章多識如績著述不廢于軍事或邕獨見賞或歆不能呼或次於漢通或貴于蜀地其風世篤焉咸言坐握蛇珠誰許獨為麟角季迪季載異代同芳矣所幸者高彪奏奇文之箴漢靈畫像張率擅得人之譽梁武賜詩佐日詩吟于武后公異辭歎于德宗主上右文作者生氣誠千載一時也

吳中人物志 卷七

獨張溫沈友因事遇害三陸常曜同被見誅以尚焚身蘭摧玉折豈非遇不遇之故哉若曰不用身後之譽惟用目前之知則所謂俗者果尊於君而嚴于親耶

八人集卷

三

贊曰文以化成敷其麗則情性風標神明呂律振玉鏘金同聲異色詞無竭源筆有餘力彪乃作箴純則賦席川岳之寶延門之德授毫銘刀入寺辨泣泉源同流宮商如一

吳中人物志卷之七

二七一

吳中人物志卷之八

長洲張景春甫輯

曾孫獻議論贊

閨秀

漢

薄姬文帝母吳人許負相薄姬當生天子漢虜魏王
豹而薄姬輸織室詔納後宮歲餘不得幸高祖坐河
南宮成皇臺召而幸之薄姬曰昨暮夜蒼龍據吾腹
高祖曰貴徵也一幸而生男是為代王其後薄姬希
見高祖高祖崩諸御幸姬戚夫人之屬呂后怒皆幽

人物志卷八

之不得出宮而薄姬以希見故得出從子之代呂后
崩大臣議立後疾呂氏強皆稱薄氏仁善故迎代王
為孝文皇帝而母為太后

吳

許升妻呂氏字榮升少博徒不理操行榮嘗躬勤家
業以奉養其姑數勸升脩學每有不善輒流涕進規
榮父積忿疾升乃呼榮欲改嫁之榮歎曰命之所遭
義無離二終不肖婦升感激自厲乃尋師遠學遂以
成名尋被本州辟命行至壽春道為盜所害刺史尹
耀捕盜得之榮迎喪於路聞而詣州請甘心讐人榮

乃手斷其頭以祭升靈歲餘姑亡夫族多欲聘之誓
不再嫁黃巾賊陳寶欲干穢之榮執節不聽踰垣而
走賊拔刀追之賊曰從我則生不從則死榮曰義不
以身受辱寇虜也遂殺之是日疾風暴雨雷電晦冥
賊惶懼叩頭謝罪乃殯葬之糜府君聞榮高行遣主
簿祭之又出錢助縣為冢於嘉興郭墟北名曰義婦
阪

人物志卷八

二貞婦者公孫達妻邵李公謀妻戴各遭寇賊臨之
以刃曰寧為我妻而生乎將不從而死乎二貞曰婦
人以貞淑為節豈可畏而妄行邪賊遂殺之

沈伯陽妻顧文宣之女字昭君早寡無嗣孝養其姑
父潛已改嫁其姑聞而哭之昭君驚惶上問姑姑以
實告昭君泣曰妾聞婦女以專一為貞回二之行非
所聞也乃割耳剪髮以明已志

孫奇妻廣陵范慎女名姬年一十八配奇一年而奇
亡父母以其少寡無子迎還其家姬不肯往迎者迫
之姬乃割耳及鼻曰父母迎我者不過以我年少姿
美今已殘矣行將焉如於是迎者空反
張温姊妹三人皆有節行兄温為孫權所囚姊妹已
嫁者皆見錄奪其中妹先適同郡顧承官以改嫁丁

氏成婚有日遂飲藥而死吳朝嘉歎鄉里圖畫為之贊頌

三國

吳主孫權母吳夫人家本吳中徙錢唐早失父母孫堅聞其才貌而娶之初夫人孕而夢月入于懷而生策及權在孕又夢日入其懷以告堅曰昔姪策夢月今也又夢日何也堅曰日月者陰陽之精極貴之象吾子孫其興乎策功曹魏騰以迂意見譴將殺之夫人向大井謂策曰汝新造江南方當優禮賢士捨過錄功魏功曹在公盡規汝今日殺之則明日人皆叛

人物志卷八

三

汝吾不忍見禍之及當先投此井中耳策大驚遽釋其罪及權以少年統大業夫人助治軍國甚有裨益建安七年臨薨引見張昭等屬以後事黃龍元年追尊為武烈皇后合葬高陵

陸景母張承女諸葛恪外甥也景母坐見黜景少為祖母所育養祖母亡景為心喪三年

晉

會稽張茂妻陸氏茂為吳國內史晉永昌九年茂與三子俱為沈充所害陸傾家產率義部討充敗詣闕上書為茂謝不克之責詔曰茂夫妻忠誠舉門義

烈宜追贈茂官太僕

穆帝后何準女居崑山南村一夕生后群鳥驚鳴明日赦下又鳴今名其地曰烏夜村

顧琛母孔氏時年一百餘歲安帝隆安初琅瑯王廞於吳中為亂以為貞烈將軍悉以女人為官屬孔氏為司馬及孫恩亂東土飢荒人相食孔氏散家糧以賑邑里得活者甚眾生子皆以孔為名

齊

韓蘭英郡人女有文詞宋孝武時獻中興賦被賞入官明帝用為宮中職僚齊武帝以為博士教六宮書

人物志卷八

四

學以其年多識呼為韓公時有顏氏女夫嗜酒父母奪之不出宮為列職帝以春夜命蘭英賦詩曰絲竹猶在御愁人獨向隅棄置將已矣誰憐微薄軀按隋志梁有宋後宮司儀韓蘭英集四卷

宋

范法恂郡人妻褚氏勤苦執婦業昇明中孫曇瓘謀反亡命褚謂子僧簡曰孫越州先姑之子與汝父親則從母兄弟交則義重古人逃竄脫不免汝宜收之曇瓘尋伏法褚氏令僧簡往斂葬之永明中褚年七十餘卒先僧簡在都聞病馳歸未至而殯尸不起俄

僧簡至焉

張冲母戴顓之女也有儀範張氏內取則焉

張稷長女名楚媛適會稽孔氏無子婦宗州人徐道角作亂害稷女以身蔽刃同遇害

唐

張鎰母鎰為殿中侍御史時有華原令盧縱得罪案驗縱當免官有司承風以死論鎰白母曰默則負官否則為太夫人憂母曰兒無累於道吾所安也遂正其罪縱得流鎰坐貶鎰自有傳

吳江女道士李白有詩云吳江女道士頭戴蓮花巾

人物志卷六

五

五代

吳仁璧女少能為詩父教以玄象陰陽之學仁璧自登第後生業甚薄嘗居越中佯狂求食一日女謂父曰大人慎事出入恐懼憂毒唐天復初錢鏐命撰母水丘氏墓銘仁璧不從被繫女泣曰文星失位大人其不免乎鏐命除水部員外郎遂沉之東小江怒濤中併女同害時年十八

宋

建康劉士英妻郡人陳氏女被虜獲赴井死士英靖康初通判太原城陷被執罵賊而死立廟曰忠烈

張弼妻徐觀妙直祕閣閔中之女也建炎三年金兵犯揚州官軍望風奔潰多肆虜掠操執徐欲污之徐瞋目大罵曰朝廷蓄汝輩以備緩急今敵犯行在既不能赴難及乘時為盜我恨一女子不能引劍斷汝頭以快眾忿寧肯受汝辱以苟活邪賊慙恚竟刺殺之投江中而去弼歷陽人

吳永年妻何氏建炎四年金兵陷平江官軍遁去城中人死者五十餘萬永年與其姊妹及何氏奉母逃匿母老須扶掖而行為賊所得將繫其姊及何氏何給之曰諸君何不武耶我婦人輩東西惟所命耳賊

人物志卷六

六

信之行次水濱何謂其夫曰我不負君自投于水其姊繼之陳長方作二烈婦傳

長安縣君丁氏為晉公之妹嫁殿中丞陳質生二子曰之奇曰郢晉公欲官之丁氏固辭曰俾自以學術進晉公竦然稱歎之後之奇兄弟相繼登科鄉里稱為賢母安定胡先生著為丁氏賢惠錄蘇子美為書之里人張紳世與陳舊其婦婉而歿丁氏保其嬰婦付乳媪親為撫視能言而還之晉公南謫家日淪謝有孫女幼孤丁氏訓養厚於已生至於有歸時即中黃宗旦守郡稱丁氏之賢可書于史

王埜母埜官浙漕時嘗被論埜以母夫人年老改除
母曰我已知之昔汝父以忤時相去國今汝又如此
我方以為喜汝復何憂時人稱為賢母

武狀元周虎母何氏虎為和州防禦使寇犯和州母
城守有功進永國太夫人母死誓不仕後母子俱祀
和州

吏部郎中鄭絳妻錢氏廣陵王之玄孫事母甚孝謹
無故未嘗去姑左右姑寢疾嘗藥餌不解衣者半年
宗族皆稱之絳素貧赴官陝右不能具行裝錢氏姊
自京師持金幣厚遺之錢氏不啓封而歸之退而曰

人物志卷八

七

身受其賜何以全吾夫之庶其賢又如此錢氏卒于
靖康元年

郡人尚書朱億女工琴書至道初裴愈奉使兩浙聞
其才藝奏之召至京師既入宮掖賜號白蓮花夫人
後出俗刺血書蓮花經一部改賜慈濟廣惠大師尚
書子光祿卿公綽之女二十娘子嫁朝請郎李防亦
聰慧作混元圖贈宜人

狀元黃由夫人平江胡元功尚書之女善筆札時作
詩文亦可觀至於琴瑟寫竹等藝皆精自號惠齋居
士

李處道妻龔都官宗元之女有文學賦詩作楷皆工
喜誦佛典處道年高而宦不達龔氏能安之

侍郎徐稚山妹嫁為處州祝磯之妻敏慧能詩孫覲
以為不類婦人女子之作其筆墨畦徑多出杜子美
而清平冲淡蕭然出塵自成一而賦尤工近世陳
去非呂居仁未能過也有閨秀集二卷傳於世稚山
嘗與夫人坐有言太素脉類妖妄者夫人徐曰醫和
視晉侯之疾而曰良臣將死天命不祐非太素脉乎
其學識明辨一如此

人物志卷八

八

倚蓬窓間釣翁為底鱸魚低價賣年來朝市怕秋風
甚得風人之體又詠漁父云起家紅蓼岸傳世綠蓑
衣詠牧童云自便牛背穩却笑馬蹄忙得下字之工
吳中李氏女能詩有詠破錢云半輪殘月掩塵埃依
稀猶有開元字想得清光未破時買盡人間不平事
唐廣真嚴州人既嫁得疾夢有道人與藥服而愈迺
往平江謁叢衣先生留于吳號無思道人淳熙年赴
郭氏飲驀昏兀如醉兩夕方蘇言若有呼我者出門
逢呂純陽曹混成歎道僧三人引至海邊跨大蝦渡
海因隨遊名山洞府純陽問曰汝欲超凡入聖耶身

外有身即留形住世耶棄骨成仙耶對曰有毋尚存願盡孝道曰汝是則且留形住世遂持丹一粒分而為四投之盤中圓轉甚疾其一吞之自是不食惟飲酒啖果而已能夏暴烈日中冬卧霜月下高宗聞其名召入德壽宮行符水有驗御書寂靜先生四字賜之

元 周烈婦姓張氏崑山太倉人年十七始贅夫至正十六年立鎮海萬戶于東倉以烈婦之父為百夫長歲餘與其伍將謀刺其軍帥事泄夷其家烈婦之父母

人物志卷八

九

及夫皆死次縛烈婦于武陵橋將斬其軍帥之子惜其姿容舍之誘之曰能從我活命烈婦怒曰豈有父母死而我獨生乎又曰苟從我當葬汝父母與夫烈婦益怒曰我惟知死耳他無望也拔所佩刀磨其面曰汝不從斷汝首啖汝肉烈婦厲聲罵曰不義賊乃憤而殺之會稽楊維禎為之立碑其文曰人之所惡莫甚於死從容就義烈士難之况婦人乎

擔夫婦不知其氏家郡城在公庾為擔夫張氏時應募出克戰士丁未六月戰死于城西門其婦聞之號泣城下得其屍解衣為斂哭盡哀既焚之收其骨裹

以帛仰天大顛身與骨俱投於水

廣平路總管浦源子玉田妻梅氏吳人至正十六年淮兵南下守臣弗夙戒城遂沒梅氏匿旁小民家外兵入夫逸去梅氏為兵所得見其有容色將污之梅氏探懷中金與之乘間赴水水淺不得溺兵至水次刃擬梅氏梅氏不為動兵舍去後至者見婦面水上知其生復欲鉤出之力挽不肯升兵怒以戈搯其腋死高太史啓為傳

季富妻黃氏崇明人至正初海寇入境掠婦女登舟者二十餘人黃氏義不受辱即投海死時年二十有

人物志卷八

十

七 后載妻失其氏載為郡吏至正丙申春正月載行役如京口妻年三十姿色殊麗生一子一女二月城陷其妻先屬其子女於他戚謂所親曰曩吾夫平居時每論婦人失節妾常耻之今吾夫在遠而罹此大變使幸而免尚不能不為夫子憂不幸為所辱雖欲死不可得矣妾寧捐吾軀以全吾心他日尚有以見吾夫於地下語未絕外兵攻入而載妻赴水矣 楊椿妻王氏椿死節王氏與子女二人皆不食一日卒詳見椿傳

沈慶一妻謝氏年二十八孀居至正壬辰海寇方谷珍驅民駕艘入劉家港謝氏以姿容將見掠乃積薪縱火自焚而死

七姬皆良家子為江浙行省左丞潘元紹側室當至正丁未七月五日元紹臨戰歸召七姬謂曰我受國重寄脫有不宿誠若等可自引決毋為人恥一姬跪而前曰主君遇妾厚妾終無二心請及君時死毋令君疑也遂入室自經六人亦皆相繼經死元紹斂其屍焚之以骸葬後圃合為一冢潯陽張羽為作七姬權厝志乃列其姓氏云程氏蜀郡人年三十翟氏廣

人物志卷八

十一

陵人年二十三徐氏黃岡人年二十羅氏濮州人年二十二卞氏海陵人年與羅氏同彭氏與卞氏同段氏大寧人年十八其先死者也

丘氏名端一礪之後家東始贅花林齊一億億早亡丘守節靡他元季淮兵寇吳下突入丘氏其父遇害端一不得脫盜見其姿美欲污之端一大罵不辱遂被殺

陳寶生母莊氏海鹽人其父諱思恭泉州大商贅于莊一年生寶生甫四月思恭去商海上久而無聞人以為死莊自誓不嫁後思恭還及五年又浮海去還

溺死莊益守志思恭有前娶生子曰寶一在外家莊曰且彼所生與吾所乳均出吾子乃質田與之養思恭又嘗假貸于友人家五千緡友人至是負官錢繫獄莊曰不可死有所負也傾橐償之寶生與寶一為兄弟如同胞後寶一死寶生為育其孤女是知莊氏善教之有素也寶生長好文與縉紳大夫游乞言表揚母節嘗築春草堂奉母于太倉里第

唐士則妻曹氏甫笄士則而士則客死鄱陽曹氏年二十守節四十四年而終見秦約所為傳

人物志卷八

十二

潘紹宗妻金增崑山石浦人紹宗卒金氏尚少艾有貞操里人欲謀其實以聞表厥里居金氏聞而止之曰朝廷着令廿九得聞三十不得聞也里人曰降一在我無難誰能知者金氏曰此非吾所安也遂寢其事鄭進士文康書之

盧本立妻王氏諱妙寧吳縣南村人年二十八喪本立遺孤方七周誓弗再嫁所親利其產屢欲奪其志王氏益堅所守撫育孤呱至于成立孀居五十一年壽終

王廷用妻滕氏年二十三而嫁嫁七年而廷用沒孀居有守嫁兩女不登其門娶兩婦不預酒宴聞父喪

但西向痛哭幾絕而不往臨曰未亡人無奔喪禮也遺二孤滕氏身教之曰無姑息無父兒也其孤曰琦果成立持門戶嘗以母節欲上聞滕氏力止之曰吾節分內事耳後八十七壽終琦長洲荻扁人

臨安令盧廷瑞繼室周氏從夫為江浙行省屬官有姬為人鬻珠偶失之無以償將殺身以自明哭泣過市周氏聞而憐之謂臨安君曰姬失物願脫簪珥以償之君曰善周氏乃代輸之姬因得生事聞于省宰相而下稱譽曰賢母一時士大夫皆為文詞以傳之張達第五女生三歲喪母靈牀上屏風平生舊物屏

人物志卷八

十三

漏沾濕出曝晒之女子一見伏牀流涕家人怪其不起乃往抱持薦席淹漬精神傷沮不能飲食將以問醫醫診脉云腸斷矣因吐血而亡中外莫不悲歎沈仲說妻鄧氏無子鄧氏私為納妾于室仲說以故人女嫁之事詳仲說傳

趙淑儀吳縣一都趙夢炎女夢炎卧病時年七十餘家貧無醫藥之資淑儀方年十八乃焚香禱天割股以愈父疾里社以孝行聞于有司時真定董章為郡守給綵障製孝女歌饋以豚酒錢幣大書孝行于門楊椿妻王氏椿禦賊而死王氏被髮徒跣冒鋒鏑尋

尸三日不得幾為群兵所刃者數焉又擗踊抱妻閨之柱大呼動地而訴其帥曰妾不幸至此人孰無夫婦汝等專務殺人而來耶欲為安民之計耶帥避之禁其兵勿阻其往來乃於張香橋下得其屍與婦葬之其夫之神憑附於身曰我已死汝無他志期五日當取汝與吾子女同歸及期王氏與子女果一日亡鄭允端郡人施伯仁妻能詩有肅雍集一編自為之序引

蔡貞婦韓隱士公望之妻宋忠惠公襄十二世孫讀書通大義善筆札嘗書經刻梓行世

人物志卷八

十四

國朝

張員外槩妻金氏名淋寧年二十二嫁槩槩得罪吏具辭將寘于法淋寧聞之曰吾雖婦張未及暮月義不可使夫獨死謂死于夫死之後孰若死于夫未死之前使其無疑憾於地下遂經死後三日槩得宥葬婦于先壟事在洪武十九年天台林右作張烈婦傳胡原崑山太倉人妻錢氏洪武三十年原戍雲南逋竄事覺坐法棄市錢氏與夫訣曰汝萬里歸為毋與妾耳今汝死妾何獨生至夜分抱乳兒而泣曰吾不能保汝矣遂入寢室自縊時年二十八袁華為傳

顧烈女父母早亡鞠於叔父初許嫁王氏未及醮而夫亡誓不再適叔父復許他嫁不得已乃通體纏束牢不可解至其家曰我非爾婦乃故王即妻也遂經死烈女崑山太倉人

沈濬妻吳氏濬崑山縣吏濬病危時鄭宜君方死節聞吳因感動之后一月濬卒謂其十歲孤曰吾不能撫汝矣歛喪畢從容洗沐更衣自經于室後濬才五日也時年二十九

薛烈婦崑山半山橋人父為銀工嫁縣小吏邵某洪武初邵坐死法京師提取烈婦年二十餘有姿色差

人物志卷八

十五

人悅之謂小吏曰若欲坐置都下盍使事我否則盡在途中小吏密呼烈婦從其言烈婦曰我身污潔君不可知君不復得生矣佯曰諾是日盛饌飼小吏暮婦遂經粉閣中鄰里解其屍葬之于西湓瀆村胡氏菜圃

史景忠妻鄒氏年十八嫁景忠而謫戍大寧鄒氏與其姑及一女在行丙子歲邊寇發大寧城中兵卒有犯之者鄒氏不從卒脇以刀鄒氏嚼齒罵曰義死不辱廷頸受刃竟殺之時年二十有一崑山張先生和為作傳

于得泉女許贊徐景仁未婚而景仁劓景仁之父以其子殘廢欲已其婚得泉甚悅其女不從曰彼初非殘者竟成婚事夫甚謹後數年景仁以前事例戍雲南其弟于祿謂曰若他適可免否則死萬里矣于氏曰此何難遂自經死

陸氏子以吹笛為生其妻田家女也陸病久其女歸父家求升粟而還其夫已死女哀哭祭享之遂自經于夫屍之傍

王妙鳳洞庭東山民家女許嫁吳奎奎母有污行妙鳳知語母求絕婚母諭不可既嫁奎奉姑尤孝敬夫

人物志卷八

十六

出賈南楚汚人來姑計使浼鳳見鳳輒不能發一日汚飲姑室命鳳溫酒鳳恚甚行挈餅出思重姑令乃復入厨姑趣汚尾之汚紵鳳臂鳳隨取刀斫此臂不殊又斫始斷婦家母將訟之鳳曰死則死耳世豈有婦訟姑理耶逾旬卒

狄阿先嘉定人妻高氏配狄一月狄患癰死高抱屍慟哭三日家貧火葬火熾高氏躍入火中姑救出之高恨不得從夫地下死乃歸舍斷髮自誓其夕竟就維經于室

陸淑清陽城人頗聰慧識字許村夫楊紹淑清年二

十二兩家皆貧不能嫁娶紹執役往京師惡人豔淑
清容色謀妻之集黨撼其翁父不從我得不得悔後禍
邪翁父然諾淑清聞之號哭達曙惡人強委禽焉送
酒飲食淑清父母父母出飲食淑清即自縊
常熟烈婦不知姓氏弘治辛亥大水饑饉相仍夫鬻
其婦與一貨飽男子得錢三十七文其夫得一飽而
去婦與男子行未數十步過一小橋大聲呼其夫遂
投入水不能救烈哉婦也錢貢士仁夫聞于林應良
為作傳以表稱之

潘純粹中永樂初為御史居北京娶穆氏女為妻穆

人物志卷八

十七

氏祖父皆世勲不知其有室也其妻黃氏不知娶於
穆自蘇至京純懼而館于他室越五日穆氏知之執
妹禮以見黃氏曰吾初不知有汝也吾有子婦田宅
在鄉吾當還汝善事君子乃以珠翟霞帔遺之明日
穆氏父兄至將論純而婦女穆氏以理論之黃氏又
以女事其父兄感動和好後純出宰信陽二氏同處
十六年始終無間言可謂賢婦也已

長洲卓氏女字永潔適里人徐宣洪武壬午宣卒卓
氏年二十一遺男女二人越二年二孤盡死卓氏操
守益堅既而舅姑皆歿其母嘗疾萬巫醫不能効卓

氏割股作糜以進母食而愈後母壽終執喪盡禮人
稱節孝之婦

陳良紹女年二十聰敏知書史良紹卒親族欲以乘
喪嫁之女曰死者何人而欲吾膏沐衣綺乎眾慙而
退其居父喪尤盡哀戚事在正統四年

吳天祥妻趙氏家貧奉姑甚孝天祥傭身於人趙奉
養之際每於三炊貯米一握積之以易醬肉為姑致
滋味使姑悅而不知家之窶也有兩兒姑酷愛之每
食必呼趙於食頃驅之出即闔戶姑問何在給云自
留與不足念慮或云方出嬉人常見兩兒風雨躑躅

人物志卷八

六

間問胡不歸兒云非他故為母奉婆婆羨恐婆婆分
食我因暫遣外食畢即返舍耳天祥長洲相城人沈
徵士澄為作孝婦行澄有女嫁同邑王氏生女諱素
勤婦義士

錢珍妻顧氏諱淑清元季張氏之亂游兵剽掠舉家
逃難時珍先妻邵遺一子名友安顧生子名虎俱在
襁欲負與俱力不能勝乃謂夫曰胤子不可失當弃
吾兒乃弃虎于強家灣抱友安入江陰城七日兵退
而婦鄉里咸稱其賢方之魯義姑云

錢孟書妻傅氏孟書為蘇學訓導年四十無子傅氏

為買妾冀育以為嗣妾久無所出又為謀待之其與處有恩餘二十年孟書終無子

李氏女生吳中洪武初人能詩有集一卷其警句有曰桃花一簇開無主終不得題崔護家

孫寒華吳人孫奚之女師杜契受玄白之要容顏曰少周旋吳越諸山十年乃得仙道而去一云吳大帝

孫女於芳山得道冲虛而去因名其山曰華姥山余華妻徐妙迤崑山人徙嘉定年十六贅華為壻華

客齊魯間病卒妙迤守節不嫁素華為傳時洪武十六年也

人物志卷八

十九

顧德華吳人洪武中取富民實京師生女名婉寧贅壻不二年婿卒父母欲奪女志女曰豈有事夫而再乎淚雨下父母不復言居家極盡孝道年五十二居為鄰火所燼結小屋居之父尋卒其他欲迎養焉女曰生於斯豈有他適哉有死而已越十日卒時正統十一年也

楊氏九娘嘉定人性至孝幼以父命夜守田車苦為蚊嚙不易其處竟以羸死里人傷而祀之後其地方廣數里絕無蚊害他所當暑夕輒書九娘於壁以禦蚊其神異如此

論曰晝選男德宵靜女德不可以一途限也婦德在於溫柔立節資于貞烈成仁顯義匪此莫由而富都那豎不與焉然溫柔以成仁必挺獨秀者則書貞烈以顯義凡樹風檢者悉錄良以彰勁心于後凋表貞期于上德尤非易耳貞嫠之婦欲守一醮之禮成同穴之義遭值不仁世叔無義兄弟多至迫脅往往自縊房中飲藥車上蓋所以長貞潔而寧父兄也吳中徽烈呂榮致疾風暴雨之應顧昭示割耳剪髮之貞張女飲藥于見錄孫妻毀形于迎者閨中之女蹈死不回擔夫之婦捐生匪吝七姬抗情而並天二婦

人物志卷八

二十

守操以令終皆真踐義途非因教至流聲竹素圖像丹青豈將草木以俱落與麋鹿而同死哉若夫賢妃助國君之政哲婦隆家人之道仙姑弘玄白之風與貞女亮明白之節不專一操微美未殊也故自漢晉而後摻次才行尤高秀者綜其成事述為閨秀篇至詩人顯武丘之花草刺史表章白之風流真娘張態往往見稱跡雖標勝類不兼書蓋以彰女德重風檢而已

贊曰陰禮柔則彤管青黎子政元凱盛有前規吳多孫母漢紀薄妃茂如詣關升卒尋師貽不啓封失則

代輸四德三人六行七姬韓公多識徐妹工醫寒瘁
得道清友能詩傳恒致妾趙必驅兒官成司馬號取
無思激揚千載齊風一時

吳中人物志卷之八

人物志卷八

二十一

吳中人物志卷之九

長洲張景春甫輯

曾孫獻翼論贊

逸民

春秋

披裘公吳人也延陵季子出遊見路有遺金當夏五
月有披裘而薪者季子呼薪者曰取彼地金來薪者
投鏹于地瞋目拂手而言曰何子居之高而視之下
儀貌之壯語言之野也吾當夏日披裘而薪豈取金
者哉季子謝之請問姓字薪者曰子皮相之士也何

人物志卷九

一

足以語姓名遂去不顧

漁父伍胥奔吳追者在後至江上有一漁父乘船知
伍胥之急乃渡之胥既渡解劍直百金與父父曰楚
國之法得伍胥者爵執珪豈徒百劍耶不受一笑刺
船而去

漢

陸著字文伯郡人桓靈之間州府交辟不就惟娛栖
遁將卒戒其子弟曰吾少未嘗官遁世四十餘年汝
等必矜義勿苟仕濁世因遵遺訓故三代不仕皆府
盛名

角里先生姓周名術字元道太伯之後一號霸上先生今太湖中洞庭山西南中有角里村是其所居
臯伯通字奉卿吳之大姓也有賢行梁鴻嘗客其家以賓禮重之鴻卒伯通為葬焉後名所居曰臯橋
龍丘萇郡人王莽時隱居太末以耕稼為業公車徵不應更始時任延為東部都尉折節下士鍾離意為主簿自請萇為門下祭酒延曰龍丘先生清過夷齊志慕原憲都尉洒掃其門尚懼辱之何召之有歲餘署為儀曹祭酒

何敞抱道隱居吳大旱太守慶弘遣戶曹致謁奉印

人物志卷九

二

綬煩守無錫敞不受歎曰郡界有災安得懷道因跋涉之縣駐明星屋中蝗蝻消死敞即遁去後舉方正博士皆不就

晉

張翰字季鷹吳郡人有清才縱任不拘時人號為江東步兵會稽賀循赴命入洛經吳閶門於船中彈琴翰初不相識乃就循言同載而去不告家人齊王問辟為大司馬東曹掾問時執權翰謂同郡顧榮曰天下紛紛禍難未已吾本山林間人無望於時子善以明智自防榮執其手曰吾亦與子採南山蕨飲三江

水耳翰因見秋風起乃思吳江菰米尊鱸曰人生貴乎適意何能羈宦數千里以要名爵乎遂命駕而歸俄而問敗人皆謂其見幾或謂之曰卿柰何縱適一時獨不為身後名耶翰曰使我有身後名不如即時一杯酒年五十七而卒有文數十篇

夏統字仲御會稽人引身不仕母病薦詣洛市藥會上已洛中王公並至浮橋車乘如雲統視之蔑如也賈充引船與語其應如響勸之仕俛而不答充曰卿能作鄉土地間曲乎曰昔曹娥投水國人哀之為作河女之章伍子胥以忠投海國人哀之為作小海唱

人物志卷九

三

今欲歌之於是以足叩舷引聲清激大風應至雲雨交集充令妓女盛服繞船三匝統危坐如故若無所聞充悵然曰此吳兒木腸石心也

瞿硎先生字碻子晉太和末居宣城文脊山中桓溫與其僚嘗造之見其披鹿裘坐石室神無忤色溫異之乃命從事伏滔為之銘贊而去

陸璣字仲芳毗陵人明京氏易尚書風角星筭皆極精與辟主簿視事旬日謝病去隱會稽山

韓績字與齊父仕吳績少好文有隱操布衣蔬食不交當世由是東土並敬重之司徒王導聞其名辟掾

不就咸康末會稽內史孔愉上疏薦之詔徵以安車東帛復召拜博士稱病不起

南朝

何求字子有清退無嗜慾宋泰始中還吳除中書郎不拜居波若寺足不踰戶人莫見其面明帝崩出奔國哀除永嘉太守一夕乘小船逃歸于武丘山弟點胤二人

點字子哲年十一居父母喪幾至滅性及長感家禍遂絕婚宦點眉目明秀容貌方雅不以門戶自矜嘗邀遊人間不簪不帶以人地並高無所與屈或乘柴

人物志卷九

四

車躡草屨恣心所適兄卒蔬食不飲酒訖十三年太始末徵太子洗馬齊初累徵中書侍郎太子中庶子梁天監中以侍中召俱不就

胤字子季年八歲居夏致毀如成人仕齊累官中書令拜表解職東還會稽若耶雲門初胤二兄求點並栖遁求先卒人謂點為大山胤為小山求曰東山謂何氏三高也永元中徵為太子詹事梁時召為特進光祿大夫亦不就給白衣尚書祿固辭之

顧歡字景怡郡人家貧好學母亡廬墓遂隱不仕開門聚徒近百人齊高帝輔政召為揚州主簿遣中使

迎之及踐祚乃至自稱山谷臣上表獻治綱一卷遂辭歸武帝永明元年詔徵太學博士同郡顧黯為散騎侍郎黯字長孺素有隱操與歡俱不就徵

唐

史德義咸寧初隱居虎丘山以琴書自適或騎牛帶瓢出入郊郭東京號為逸人高宗聞其名召赴洛陽尋稱疾歸公卿皆賦詩餞別德義亦以詩留贈其文甚佳天授初江南道宣勞使周興表薦則天徵赴都詔曰蘇州隱士史德義志尚虛玄素履貞恪謙冲彰于里閭孝友表于閭庭固辭徵辟長往嚴陵之灘多

人物志卷九

五

謝簪裾高蹈愚公之谷風操可知啓沃攸貯特宜優獎委以諫曹後以朝散大夫放歸丘壑

張從師郡人歷官五政忘懷樂道如浮雲無心野鶴獨立上元二年卒葬武丘山張說為之撰銘稱為唐逸士張從師之墓

陶岷崑山人以文學自負通曉八音不謀宦達富有田業悉付與人製三舟遍游江湖一以自載一置賓客一貯飲饌遇佳山水必窮其勝開元末名聞于朝經過郡邑靡不招之岷不肯來自謂麋鹿野人非王公上客亦有不招而自詣者吳越之士號為水仙素

慕謝康樂為人自言終當樂死浪迹三十餘年歸老于吳為峴客者孟彥深孟雲卿焦遂也

凌士燮吳人官助教居京師構蓬屋以備揖讓之位柳子原為序其蓬屋詩曰大江之南其舊俗也不出環堵坐入吳甸包山震澤若在牖外所謂求仁而得斯固然歟與夫南音越吟慕望而不獲者異日道也朱慶士亡其名杜牧之嘗贈詩云我愛朱慶士三吳居中央罷亞百頃稻西風吹半黃又云我昔造其室羽儀鶩鶴翔交橫碧流上竹映琴書牀出俗無近語堯舜禹武湯誦此詩可以得其槩矣

人物志卷九

六

陸龜蒙字魯望元方七世孫父賓虞以進士歷官侍御史龜蒙累舉不中家貧思祿養往從湖州刺史張搏游歷湖蘇二郡佐嘗至饒州三日無所詣刺史率官屬就見之龜蒙不樂拂衣去居松江甫里多所論撰雖幽憂疾病貲無十日計不少輟有田數十畝屋三十楹田苦下雨潦則與江通故常苦飢躬畚鍤之勞嗜茶置園顧渚山下歲取租焉性高潔不喜與流俗交雖造門不肖見不乘馬嘗升舟設蓬席齋束書筆林茶竈往來江湖間自稱江湖散人或號天隨子甫里先生自比涪翁漁父江上丈人後以高士召不

至唐末以左拾遺授之詔下而卒光化中贈右補闕

龜蒙善為賦與顏堯皮日休羅隱吳融為友所著吳興實錄四十卷笠澤叢書三卷松陵集十卷

徐脩矩吳人恩王府記室參軍奕世才賢持身介潔有書萬卷有田五畝步草屋十數間優游自適不復出仕皮日休嘗就借書于時有任晦由涇縣尉退居里中得顧辟疆籬園有深林曲沼危亭幽砌沼中又為島嶼脩篁嘉木掩映隈隩晦性高放好奇勝日休與陸魯望嘗往返因作二游詩以遺之

宋

人物志卷九

七

郁先生居郡城光邊巷丁晉公童子師也祥符中晉公為平江節度使持節至吳首入委巷謁其廬拜之先生大叫曰拜殺老夫矣坐定話舊且云荷少年橫楚教誨之力後卒為治彞甚厚

侍其沔字國紀上世自密州徙吳沔五舉禮部退為鄉先生與人交殊淡泊遇人急難奮義以往滕達道嘗言沔行義脩潔天下之強士君子門人私謚為夷晦先生卒于治平三年

陳郢之奇之兄不聞其字范文正公以先生稱之錢氏婦朝也郢有兄皆仕宦郢獨隱處里中以琴書自

樂晚好佛老不茹葷丁晉公之甥也晉公欲薦之以官郢終拒之有詩誦美

閻丘孝終字公顯嘗知黃州作栖霞樓未幾掛冠歸與崇太平輩以耆德稱蘇子瞻謫黃時與孝終友善過吳嘗飲酒賦詩其家又云蘇州有二丘不到虎丘即謁閻丘其為蘇所重如此

姚安世家郡中飲馬橋所居扁室極齋能文詞亦善韓博自號丹元子元祐間往來京師與王定國遊自言日接上清諸仙蘇子瞻一見奇之以為異人稱其詩有謫仙風采屢贈以詩安世嘗作步天歌

人物志卷九

胡稷言字正思特奏補官為山陰丞致仕歸築五柳堂清脩寡慾日晡後不飲食年八十餘卒子嶧字仲連累舉不仕號如村老人

楊懿儒字彛甫其先浦城徙家長洲少孤力學以行義隱處與方惟深同稱吳中二老家貧朝無夕儲讀書哦詩泊如也未嘗有飢寒憂雖閭里不盡知其貧

崇寧二年特奏名後調南昌簿居一歲忽載妻子歸吳下即告老以承奉即致仕平居任真自信不知世間有傾巧事不入州縣不事鄉里請謁間一詣所親厚歲不過數四雖嘗出仕而人猶謂隱者

范周字無外仲淹之族負才不羈安貧樂道尤工詩詞詠懷有云一瓢有道泰山重五鼎不義鴻毛輕其氣激烈如此

王伯起字聖時居吳江震澤少受經於王荆公米珣字永叔吳中隱君子也鄉人罕識之章丞相程光祿特與之善

湯仲友字端夫其先名益學詩於汶陽周弼早登知府二吳之門浪迹湖海晚復歸吳詩有壯遊集其過葛嶺賈相宅一篇最為人所稱

人物志卷九

九

高常字履常一字可久為人清臞洒落性嗜吟咏有詩名覆瓿集弼為之序年六十四卒無子捐宅為妙智院

顧逢字君際嘗舉進士不第學詩于弼稱顧五言自署其居曰五字田家放情山水有詩刻行于世後辟為吳校職卒年七十四所著別有船窓夜話負暄雜錄各一卷

陳瀧字伯雨其先汴人紹興初始家于吳瀧博涉經史百氏深於春秋鄉薦漕試皆不第放情山水個儻有晉人風從周弼馮去非為詩所著有淡泊集九卷凡四伯首與湯仲友高常顧逢皆端淳名士同郡陳

發常評臞鶴高樓梅清澗幽為四詩之趣嘗輯為一編名蘇臺四妙子鐸

王誼字正仲一字漢臣鄉賢類之姪師事揚中書初弼以學行鳴於時秦檜嘗圖忌天下能者誼因衆忿為罷相論以刺之檜怒貶象州十年乃歸遂不仕有春秋類書并文集行于世

鍾璇字振遠一字叔齊常熟人少孤育于龍圖林先生適家林氏多書璇得遍閱與林氏三子肄業舉子既皆登第璇遂弃去舊習待官召州嘗游岩谷間遇異人語皇極大中之道自是省悟不溺名利放浪漁

人物志卷九

十

釣間築室梅里自號藥圃隱房所著有藥圃橐山中錄續孔白帖秦漢以來鍾鼎奇字多藏于家家雖貧不戚戚然有求者解衣分粟無靳色郡守沈揆嘗造其廬范成大為參政時嘗薦之于朝不報

姚原字子東長洲人七歲而孤自知讀書嘗應舉弃去曰窮達有分名不我遂由是絕意仕宦惟務著述自號北窓居士有纂玄五十卷洞微經十八卷剡溪叢話玉林瑤編等書其作詩尤工卒葬徐侯山朱思撰銘

顏禧字景繁父祖皆仕而有賢名禧雖受世賞不求

祿仕居光福山中閉門讀書著述甚富紹興間郡以

遺逸薦遂隱居五十年名重鄉里築室邛村表曰漫莊自號痴絕叟嘗與吳興施元之注蘇子瞻詩行世李無晦字行中自雪川徙居吳江高尚不仕以詩酒自娛晚治園亭名以醉眠子瞻兄弟嘗過之為留題云

范良遂初名之傳字次卿卜居崑山車塘放情山水不慕榮利兄之柔寢貴視之泊如自號墨莊居士有詩集十卷子慶家通判建康

范朝宗字伯海能詩有岩栖集乃晚從釋氏卜居洞

人物志卷九

十一

庭

章康字季思都官郎中甫之四世孫隱居吳城西足跡未嘗越州境而四方之士無不知有章季思以不見為歎嘗問學於朱仲晦默有所契日以詩篇陶寫年七十餘步履如飛仙或訝其有方外之遇則曰吾師聖賢無他慕也有詩五十卷文十卷名雪厓集滕歲字季度郡人居子城後閭槁好學淹貫經史不樂仕進安於退處淳熙中以賢良徵不應後屢有薦之者視之泊如晚家齊女門僻處士大夫知其賢多就見之清談竟日一語不及私葉適奏其學行特受

為康靖居士

王楙字勉夫著作王頴從孫少失父奉母以孝聞長
刻苦于學嘗著野客叢書三十卷門分類聚鉤隱抉
微考証經史百氏下至騷人墨客佚言細大不遺又
著巢睫稿筆五十卷子德文字周卿嘗注魏了翁渠
陽語孫殺字行父著雲嶠類要

張慶之字子善少有志操絕意仕進好為山水之遊
著虎丘山賦劬五柳先生作海峯野逸傳以伯夷蔣
詡陶潛司空圖自况且謂沉冥似海峻厲似峯時人
尚其孤介初文丞相知平江慶之在諸生列國亡集

人物志卷九

十一

杜句述丞相大節人多義之有海峯文編三卷老子
註測靈符語

周才字仲美武仲五世孫祖曷常熟尉因家焉宋亡
征南帥府檄才與武弁分部撫安郡之屬邑括民金
帛不得則魚貫斬之才為勸解破械縱去兵所屬男
女鬻於市者詢其鄉里而歸之其排難解紛不遺餘
力事平置縣設官同列上其功謝曰吾前朝賊士也
所以周旋患難者不忍生民塗炭耳茲得為太平民
幸矣忍復希名位哉才有文學嘗著宋史略并其平
日所作有吳塘稿皆藏于家

元

師餘字學翁其先眉州人父曾定仕蘄州教授嘉熙
間東入吳遂為吳人餘少失怙恃自勵于學清脩力
行世味泊如開門講授執經者甚眾平生所為詩文
多不存稿晚歲有樓裂集一卷

錢仲鼎字德鈞通州人徙居於蘇之蒲帆巷在宋以
詩經發解元兵渡江不復仕進志尚蕭洒嘗手鐮其
鬚曰吾老矣有子弗克世其學得傳諸人猶不恨由
是講授于鄉詵詵輩出年九十步行十餘里手不持
杖灯窓細字夜分始寐時汪澤民為郡推每朔旦親

人物志卷九

十三

候見後以高年耆德旌其門

徐孝祥吳江同里人隱居不仕自奉泊然惟好客歲
常釀酒客至必留飲盡歡一日步後園見片石甃平
一穴樹下啓視之皆白金也亟掩之一毫弗取幾三
十年人無有知者至治壬戌歲大歉孝祥乃探啓其
穴日取數銖市糶米穀以散貧人賴其全活者不可
勝計殆罄是金乃已時女將適人惟荆布遣之而於
穴中之金錙銖無犯可謂義而介者也子純夫以明
經發解官翰林供奉承旨孝祥得受封如其官年九
十七壽終

陳徵字明善遠祖篆宋宣和進士官左朝散大夫家廬山下徵少從章廬吳先生學嘗北遊燕趙而歸遂家于吳徵為黃清樞高士之甥清介孤峭甚似其舅讀書鼓琴不慕榮進泊然無累以終其身其才雋尤為當時大老虞揭輩所稱子汝秩字惟寅能世其家學安貧樂道教授鄉里色養得親之歡心詩文藻麗不群蕭然有出塵之想弟汝先汝言子繼自有傳

張雯字子昭宋南渡家錢唐徙吳少嗜學世從儒先君子遊宋亡餘廿年時故老猶有存者雯求其人訪宋遺事歲一再往錢唐徘徊故都哀不能已平生精

人物志卷九

十四

通律呂之學家臨于市築樓藏書甚富子田嘗哀集所著書曰繼潛錄并書畫記補遺墨記共若干卷孫

有

黃公望字子久本常熟陸氏繼永嘉黃氏故名公望而字子久吳人以一為大以風為痴又曰大痴人因稱為大痴道人早嘗試吏浙西憲司丁母艱哀毀骨立自是絕意仕宦世以繪事知名而掩其文學其學尤旁通九流百氏音律算數無不精曉嘗游錢塘與陳存甫論性命之理公望曰性由自悟命假師傅存甫云不然性則由悟必假師傅命則從傳必由理悟

公望服其論又見金日岩老師問曰汝何人邪荅曰黃子久也師曰通身不是汝唯有此聲是汝公望於言下有悟樂南山筇箕泉創草庵于其上將終老計未幾復還吳中築三教堂從游者甚眾公望生故宋德祐己巳八月十五日卒於至正甲午十月二十五日年八十六

錢良佑字翼之世為蘇人至大間省署為吳縣學教諭領職即代去輒不復出隱居三十年安貧守約未始有干於人精于書篆隸真行各臻其妙嘗被旨書大學衍義農桑撮要有叩良佑曰錢氏起五季有吳

人物志卷九

十五

越子孫在東南君其裔耶良佑謝曰此無從稽也其先有甓壚沽酒者每見故書帛輒拾聚而焚之曰吾子孫後有興於文學者其人服其質直晚號江邨氏朱鑑字子新郡人父祖貲雄于鄉鑑勵志苦節讀書工為詩詞尤善行草手錄奇書異傳至老不倦晚益散其財肆情山水遇酒輒醉吟視覆敗若不經心既而飄然去其里僑居笠澤之濱後不知所終曹貞字元度常熟福山萬戶族人也元季喪其家貲去游江海寄意詩酒間嘗作十洲三島詩甚工不娶而終

王璵字仁仲郡人學有淵源工詩章書翰尤善鼓琴
隱居不仕逍遙野服或騎驢市廛或策杖林野人莫
測之自號城南逸民

嚴恭字景安嘉定人累世宦達恭獨志尚雅淡不樂
仕進嘗築室海上號惜寸陰齋日以游戲翰墨為事

呂蕭字敬夫初名誠工於詩崑山才士袁呂為首稱

楊廉夫嘗序其詩風流俊采極一時之選蕭嘗師鄭

東之亦稱其氣夷色莊學端識敏邑聘訓導不就有

來鶴亭稿既白軒稿香馥稿竹洲婦田稿

唐元字本初吳人讀書博雅嘗以所乘舟號一葦航

人物志卷九

十六

載圖書古玩列置左右浮游江湖賦詩其中因號葦

航子

黃錫孫字禹疇常熟人讀書勵行居窮守約不易其

介為文尚理氣詩亦清純有穀山集

周砥字履道吳人寓家無錫砥為人豪放自好始解

后一售竟抑以死至正末嘗客荆溪與馬治孝常倡

和成集又來吳與高徐輩為社無子友人呂敏為收

其詩歲之

陳鐸字子振工於詩與鄒善之張仲實陳無遠游三

君愛其詩每稱子振為吳中佳士所著詩名壯游集

凡八卷而趙孟頫為序其序蓋不出吳中顧其壯愜
如此然詩不好追蹈前人法尤足尚云弟錡字子敬
張簡字仲簡少為黃冠師號白山樵元末兵起以
養母端遂返初服有集金華王禕序之稱其類章柳
或謂其有盛唐氣象其知言哉

宋無字子虛吳人生宋景定弱冠時廢科舉惟詩是

習故其詩造語新奇所著有翠寒集鄧光薦趙孟頫

為序馮海粟又為摘其警句評而序之近千言尤長

詠史有庵藝集皆梓竹于時嘗舉茂異不就卒年八

十一自為銘誌

人物志卷九

十七

金可文吳人賢智有才自埋於衆以處士稱之嘗以

丘園科不起曰幸有廬一區在市闌可以避風雨田

一廛在郭外可以給衣食學聖賢之道可以自樂不

願仕也故集賢院署牒錫號貞逸會稽楊維禎嘗作

金處士歌

郭翼字義仲崑山人少力學遂于易年四十開門授

學徒嘗署其授業之室曰遷善鄉人亦以名其居指

南之梁曰是吾郭君之居也翼為文詞追古作者尤

與俗寡合故雖有力者不能薦引竟以老於學官嘗

自號東郭生又自稱野翁所集詩曰林外野言卒于

至正二十四年癸馬鞍山下知州高昌傑侯率州人為治葬事

倪瓚字元鎮元末不與陳敏初輩食張氏祿避地雲間以自全有清閔閣尤勝客非佳流不得入葑山羽士張伯雨時來謁舟甫至聞報即使二童子邀於水次及中途又遣二童子迎侯及門又遣二童子出肅元鎮久之始出禮意甚恭伯雨以其久不出有難色詢知沐浴更衣為敬已設遂與定交嘗古衣冠坐一連林據梧几握筆伸紙搜吟於景象之外以寫胸中之逸氣張士誠弟士信聞元鎮善畫使人持絹繡侑

人物志卷九

六

以幣求其筆元鎮怒曰子生不能為王門畫師裂其絹而却其幣

顧瑛一名阿瑛字仲瑛家崑山界溪以贊雄于鄉好結客輕財喜事以意氣自豪年三十始弃舊習折節讀書下士屏絕世務築玉山草堂延接縉紳之士若江湖方外之侶尤多集焉仲瑛才瞻思捷與諸老唱和角勝晚益進學若張潞公柯楊維禎鄭遂昌輩留題草堂者皆為刻梓名曰草堂雅集凡若干卷自園池亭榭扁題又萃而成帙名曰草堂名勝集凡若干卷山水紀遊唱和成帙者又凡若干卷自著曰玉山

璞稿勝國之時如仲瑛之富而好文者一人而已舉茂異及辟事皆不屑就后以布衣起佐軍以使者見迫于道乃東游漁釣五湖三泖間丙申歲泰州兵入奉母寓吳興之蘭溪母喪祝髮廬墓閱大歲經年五十自營壽藏曰金粟家成與賓客燕集唱和仍戒令子孫葬以苧衣桐帽襪鞋布襪勿用長物為身累自為之誌

人物志卷九

十九

沈敬明字伯熙世為吳人父宋上舍生諱性然字自得江南內附乃構山房著道士服不與時貴接以終其志上舍無子敬明以女之子為後嘗應舉中江浙辛巳備榜遂隱約終有著述聞于時

張辰字翰宸嘉定人博學工古文尤知名於書洪武初聘署儒學訓導弟翰英齊名于時

鈕月礪世居吳江麻溪少習舉子業入元遂隱不仕延祐四年賜謚清隱處士

馬國珣洞庭西山人元嘗應召還賜號靜逸處士集賢院復賜獎諭有曰讀書學道志操侔于古人樂善安閑簡靜宜為君子不為祿仕甘分山林云王鑑字明卿真定人少隨父宦江南遂隱居吳門博雅不喜為文獨愛唐人近體詩時有所賦詠皆平

實沉毅如其為人家貧無甕石之儲應門獨一老婢客至輒叩鄰家問酒酒至對客劇飲雅善談論然不及時事亦未始干人晚益貧節益高閉門獨居足跡不出戶二十餘年張氏初入吳嘗求其廬而禮之卒為買地橫山葬焉陳基為銘

張介福字子祺自覃懷來吳中持身以禮為學便辟近裏跣步必蹈規矩以恨不及養終身不茹魚肉張士誠入吳兵掠其家端坐不起兵脅之刀斫其面流血仆地復自整冠顏色自若兵舍之而去素貧冬不衣絮或遺之固拒焉後廬于親墓而卒

人物志卷九

二十

國朝

王賓字仲光博學洽聞於書無所不讀尤精於醫用藥多神效然未嘗肯與富貴人醫里巷貧人及方外士來求醫者即往診視與之藥一不望其報貌甚侵其隱也居吳之一廛藥點其面及肘股皆成瘡鬢兩角短布衣曳杖行市井間或箕踞露兩股人見其醜惡咸罔之故得縉紳無薦舉者賓平生不娶奉母以居每飯必親煮羹必親調冬寒溫其衾席夏熱涼其枕簟奉養左右不敢遠離日惟閉戶閱佛書以消長日作詩文尚奇崛寤深其辭年七十先母而卒至疾

輩抱母不舍死半餉復甦呼母連聲氣方絕葬後午間視婦于家曳履拄杖行呼曰孃孃舉室皆驚其母應之曰我在此復曰孃孃兒舍孃孃不得賓之篤孝如此賓所著述甚多今存吳下名蹟詩虎丘山志及其文章伯篇當時所傳有吳中名賢紀錄若交游之知己者惟同郡韓奕少師姚廣孝嘗為賓著傳廣孝昔與賓遊宦婦訪賓以輿從賓不納曰勿驚我老母它日徒步叩門乃相見焉

王行字止仲少貧不知學父傭於閩門徐氏肆藥踰千品悉能志而無遺主媪異之授讀魯論即能成誦

人物志卷九

二十一

徐氏藏書甚富乃出而恣其探閱後家北郭為童子師一時聲譽殷起臨川饒叅政居太尉府時賦詠殆遍獨艱於文間以屬行行為之說用在騷語饒大奇其才行尤好談兵大將常公提兵至吳果用行計而士誠破晚避迹吳山之石湖稱淡如居士又嘗主梁國監公西塾薦于朝召對簡賢立相為務以其濶於事不能用後以事逮而沒

徐洪字彥弘家富甲常熟邑中號徐半州洪尚禮好士時之名勝如楊維禎倪瓚陳公翬輩皆延致之元季吳中豪右多踰侈國初更化彥弘諭幹人潘珪曰家

之廢與厥有常理吾家業盛矣必有代謝今將舍此而去之爾宜有吾業遂舉田宅立虛券授珪獨挈妻子築室宣化門外先隴之側布衣蔬食謝遠文游自號桃源水隱年九十而終

韓奕字公望郡中人隱於醫洪武初太守姚善下車聞奕名將見之奕避去山中善追至而泛舟入太湖善歎曰韓先生所謂名可得而聞身不可得而見也尤工於詩時稱韓山人有詩集別著易牙遺意

顧愚字原魯崑山人通五經眇目常拊几讀書其几為摩至凹兀四十年不至城府躬耕自食志在養高

人物志卷九

三二

時人以隱者稱之平生為文手悉焚去

丁遜學居吳山之麓隱居不仕與吳文恭以詩知名嘗賦杖簫詩甚奇有集一卷

朱良實字子誠吳江人在元季有文名入國朝已

老隱約不仕所著松陵續集漁唱剩稿多名人為序

許擘字光遠洞庭人洪武間應召至京有詩經義進

復陳省刑罰薄稅歛之策以年老乞歸上許之有

布袍之賜今山中尚有許山人茅亭

盧充穎字次農熙之子得家學於伯父熊之嘗應辟

皆同制誥將授官熊之死負其骸骨歸遂終隱不仕

王溥字宗溥郡人宋景濂為傳善養生術常戴椶葉冠服大布衣出入秦淮河上發劉河間之秘注藥起人疾時作篇章有出塵之趣

蕭規字元則其先楚人國初占籍吳江徙家郡城讀書樂道不求祿仕長於春秋毛氏詩所著詩名湘山樵寓集子二人潭字孟南永樂庚辰進士終建始縣令湘字仲南薦授中書舍人

樓澄字文淵其先四明宣獻公鑰之裔孫曾祖楷宋進義校尉祖思堂元紹興路學教授父紹鄉貢進士始徙居姑蘇澄生四月而孤母守節撫育澄甚至遣

人物志卷九

三三

從游構李貝先生之門洪武間郡嘗有薦永樂初夏尚書治水來吳又欲薦用澄以老病辭卒年八十六所著林皋鼓缶二集

易恒字久成崑山大泗漣人守約闢園樹藝為終焉計自號泗園叟

張冑字繼孟郡人宣德初與陳繼以古文齊名于時

繼以薦起而冑終布衣

孫俊字叔英崑山磧澳村人攻詩雅有高尚之志善談辨襟度洒落家有映雪齋南溪草堂好蓄古書畫

而其園亭樹石尤多奇品葉文莊公甚敬重之嘗為

序其所刻南溪稿

杜瓊字用嘉吳縣樂園里人號東原生晚號鹿冠老人延綠亭主者有孝行以母顧守節郡舉賢良不應瓊為文務理致奉母有甘旨母嘗愛二至花種之堂下易名為如意遂名其堂而徐武功前為太史時為之作記常以父名玉而臨文遷避焉子繼文早世亦有文筆

龔翊字大章崑山人父督兵科給事中謫戍時翊年十八代從軍伍躬擐介冑執干戈為護步艱履危鄰於死者數矣既歸歛跡不出幾五十年正統間上書

人物志卷九

二十四

極陳民情利病二十餘篇於巡撫大臣周公多所舉行公嘗薦之力辭晚築佚老菴於虞塘上年九十而終門人私謚安節先生

邢量字用理家葑門之東自少不娶居一委巷中以醫卜自給陳僉事永錫致政遷移居東郭素剛介少客獨加敬重且則挾冊就質疑難往往至昏莫乃返然量終歲不一至其廬也其居弊屋三四間青苔滿壁而折鐺敗席蕭然如野僧長日或不舉火客至相與清坐而已其體清瘦如削其學自經史外凡釋老方伎之說無不通平生懶述作門人亦嘗收錄數篇

年六十二卒預自為誌

史鑑字明古吳江穆溪里人世力穡起家弱冠即知務學凡經史群籍無不窮覽作祠堂易四禽龍之制而為三若祖以孫祔之類如錢穀水利無不通曉一時命使郡將以下咸待殊禮鑑倬貌豐髯好著古衣冠與人論事辨說超踔坐客不能屈嘗患巫覡惑衆上書縣官欲盡除之為文章紀事有法詩不屑為近體家居水竹之勝尤好歲三代秦漢器物唐宋書畫晚歲築小雅堂益務清曠早嘗與長洲沈周吳興張淵遊

人物志卷九

二十五

王錡字元禹長洲大家世力農吳人因其地稱荻扁王氏錡好學尤熟于史善談辨性尤剛直平生有所見聞即筆之為寓園雜記晚益韜晦不出遂隱終身六歲喪父其母守節孝養四十年未嘗去左右

錢腴字時用八世祖寶文閣學士端問卒官平江因家長洲漕湖之錢涇父迪有高行嘗得遺金於道訪其主而還之腴少力學不懈平居薦於親與人交謙約自持雅不信鬼物嘗抵書友人賀甫論鬼神之事謂小不能踰大陰不能干陽邪不能勝正其言辨博當理卒年六十八先二日徙卧正寢以家集一編

授諸子戒婦人不得侍側治喪勿用浮屠言已而逝
詳見王學士英文

浦杲字東白少孤貧好學長益刻厲聞未見書必力
購得之或手抄以讀窮日夕不厭故其學多所該識
然惟資以為文不事進取邑每有脩纂事率杲為文
宰邑者有所資詢往往就禮於其廬年九十卒

論曰士有名教之外別着風猷者並解桎梏於仁義
示形神于天壤豈伏其身而不見歲其智而不發哉
或仕不求聞退不譏俗或全身幽履服道儒門或形
居塵俗而棲心天外宅不彌畝而忽忘九州則蒙恥

人物志卷九

二十六

之賓視蹈海之節其流一也至阮孝緒高隱傳分為
三品上則言行超逸名氏弗傳中則始終不耗姓名
可錄下則掛冠人世棲心塵表品目參差稱謂非一
矯矯然亭亭然其穎陽孤竹四皓六逸之倫與大江
以南自披裘公用里先生之風扇于吳下梅子真臯
伯通比肩而立放達如季鷹清退若求點高潔似魯
望其魁然者也陶岷真淵明之裔顧歛信山谷之臣
賢貞之操凌青雲之上矣明有王賓樓澄輩出生不
並世跡復異區而清風峻節相望于平江太湖之上
天下同高之豈孤兔燕雀所敢謀哉至刑量史鑑諸

君而後踵芳者稀往往名掛山人之籍跡馳卿相之
庭多摧志屈道借譽期通以此言高則億兆之人無
官者十居其九皆高士矣豈天之不惠高尚何山林
之無聞甚乎昔嵇康贊高士缺一自擬二劉覽高隱
傳凡百三十七人曰四十之數將待吾等成耶吾祖
少耽書有隱操可以思其情之所慕矣

贊曰易尚幽人晉多徵士風扇全吳節高南紀愛止
丘壑性同鱗羽養素含貞遠有情理道雖未弘志則
可與霸上先生並陵季子熱匪因人徵無行執冕掛
東都名歲西市克嗣陶潛自况蔣詡岷製三舟翰婦

人物志卷九

二十七

千里世味泊如放情山水孤雲何心白鳥可比

吳中人物志卷之九

吳中人物志卷之十

長洲張景春撰

曾孫

流寓

春秋

澹臺滅明字子羽孔子弟子南游至江從弟子三百人設取予去就名施乎諸侯索隱注吳國東南有澹臺湖即其遺跡也

西漢

東方朔厭次人久在吳中為書之師數十年武帝時

人物志卷十

上書說便宜拜為郎至昭帝時人或謂聖人或謂凡人作深淺顯默之行或忠言或虧語人莫知其旨至宣帝初棄即以避亂

梅福字子真成帝時上書言大將軍王鳳專勢擅朝再上書以為宜建三統封孔子之世為啟後皆不納福居家常讀書養性為事至元始中王莽顯政福一朝棄妻子去九江至今傳以為仙其後有人見福於會稽者變姓名為吳市門卒

梁鴻字伯鸞扶風平陵人家貧尚氣節嘗作五噫歌肅宗聞而非之求之不得易姓名挈妻子適吳依大

家臯伯通居廡下為人賃舂每婦妻為具食不敢於鴻前仰視舉案齊眉伯通察而異之曰彼傭能使其妻敬之如此非凡人也乃舍之於家疾且革告主人曰昔延陵季子葬子於贏博之間不歸鄉里慎勿令我子持喪歸去及卒伯通為葬于要離塚傍曰要離烈士伯鸞清高可令相近葬畢妻子歸扶風

桓礪字文林沛郡人明帝時桓礪五世孫仕郡功曹後舉孝廉有道方正茂才三公並辟皆不就初平中避地會稽按東觀記桓礪到吳郡揚州刺史劉繇振給穀食衣服所乏者悉不受及適會稽止山陰故相

人物志卷十

二

鍾離意會稽太守王朗給梁食布帛臨去一無所留焉

蔡邕字伯喈陳留人仕漢左中郎將從朔方還嘗避怨于吳顧雍從學琴書嘗經會稽高遷家見屋椽竹可以為笛取用之奇聲獨絕吳人有燒桐以爨者邕聞火烈之聲知良木也材以為琴果有美音而其尾猶焦時名焦尾琴云

晉

戴逵字安道譙郡人隱遁有高志吳國內史王珣別館在虎丘山逵潛詣與之游處積旬號吳中高士後

復還剡子顯欲干祿以為養乃求海虞令垂行乃止
復居吳下士人共為築室聚石引泉植林開澗少時
繁密有若自然乃述莊周大旨著逍遙論禮記中庸
篇三吳守將及郡內衣冠要其同遊堪行便去不為
矯介宋國初建辟召並不就文帝每欲見之謂黃門
侍郎張敷曰吾東巡之日當宴戴公山下也

褚伯玉字元瓊錢唐人卓有隱操居剡瀑布山下三
十餘年王僧達為吳郡禮致之停車信宿交數言而
退寧朔將軍丘珍孫與僧達書曰聞褚先生出居貴
館此子滅景雲栖不事王侯有年載矣自非折節好

人物志卷十

三

賢何以致之僧達答曰褚先生從白雲游舊矣冀其
來比談芝桂借訪薜蘿若已窺烟液臨滄洲矣唐丘
丹詩云還同褚伯玉入館忝州人

唐

殷懌字易從潤州曲阿人少負志氣博學屬文天寶
末天下將亂趣裝東歸侍母居吳吳之士夫樂與之
游採訪使李希言辟為從事奏授崑山尉不就子侑
張祐字承吉南陽人寓居蘇州有詩名白居易刺杭
時江東進士多奔杭取解屬時以素望取士祐自意
必首薦既而徐凝冠多士祐遂偃蹇不隨鄉試令孤

楚鎮天平表祐新舊格詩三伯篇以獻祐至京師為
元稹所抑寂寞而歸嘗自號釣鰲客會昌初李紳節
度淮南壯其為人厚加禮致祐長於宮詞掖庭多吟
諷之杜牧之守池與祐為詩酒友寄詩云誰人得似
張公子千首詩輕萬戶侯當時以為故實大中間卒
於丹陽

宋

徐彥伯字長孺金紫光祿大夫執中之子高士劉凝
之之壻年四十卒黃庭堅為墓碣稱為姑蘇孝文
學之士少刻苦讀書多見博聞作詩得張籍句法又

人物志卷十

四

云徐氏非蘇人唐末避亂家揚州之六合金紫始遷
于蘇雖田宅在焉而猶返葬六合

徐祐字受天通州靜海人擢進士為吏以清白稱慶
曆中官至都官郎中致仕屏居蘇州作山亭胥門外
為登臨之地與葉少卿參等為九老會子仲謀典郡
持節以職方郎中致仕

張景脩字敏叔常州人治平四年進士寓居郡中少
刻苦作詩至老不衰初為饒州浮梁令邑子朱天錫
以神童應詔景脩作詩送之天錫到闕忘取本州公
據為禮部所拒因擊登聞鼓繳景脩所送詩為證神

宗一見大稱賞之以語丞相王珪曰恨四方有遺材
趣令召對珪言不欲以一詩召人恐長浮競俟其秩
滿赴部令中書籍記姓名比景脩罷官而神宗升遐
矣景脩歷官三朝兩為憲漕五典郡符每登對上必
問卿作朱童子詩試為舉似由此詩名益著官至祠
部郎中卒年七十餘有詩集藏于家子漢之知崑山
縣

米芾字元章襄陽人愛潤州山水結海岳菴嘗游寓
于吳為文奇險妙於翰墨畫山水人物自名一家精
於鑿裁遇古器物書畫極力求取性又好石遇嘉石

人物志卷十

五

輒朝服而拜之有晉人風度子友仁世號小米官于
是女亦歸于是故宋史稱為吳人

賀鑄字方回衛州人倚居吳下少豪俠氣蓋一坐馳
馬走狗飲酒如長鯨然過空無所有輒俛首北窓下
作牛毛小楷雌黃不去手反如寒苦一書生其儀觀
甚偉如羽人劍客戲為長短句皆雍容妙麗極幽閑
恩怨之情其言理財治劇之方疊疊有緒似非無意
於世者然遇軒裳角逐之會常如怯夫處女初授右
班殿直薦改承事即年五十八致仕復起管勾杭州
洞霄宮以朝奉即致仕卒年七十四有文集二十卷

蘇舜卿字子美梓州人少慷慨有大志好為古文歌
詩一時豪雋多與之遊初父廕補官後舉進士歷官
集賢校理監進奏院坐事除名來寓蘇州報書其友
韓維大抵以遠憂患息奔走為言且曰面史琴尊之
外有興則汎小舟出盤閭二門吟嘯覽古於江山之
間渚茶野釀足以消憂草鱸稻蟹足以適口又多高
僧隱君子佛廟絕勝家有園林珍花奇石曲池高臺
魚鳥留連不覺日暮夫人生內有自得外有所適固
亦樂矣何必高位厚祿役人以自奉然後為樂耶得
吳越故家池館買水石作滄浪亭益務讀書間為歌

人物志卷十

六

詩以泄憤懣善行草書酒酣落筆爭為人所珍愛其
雅趣曠達人比李太白在江東也後得湖州長史卒
年四十一子泌湖北路運使

尹焞字彥明洛陽人少師事程夫子嘗應舉發策議
誅元祐黨人不答遂棄去程沒授徒洛中靖康初布
衣召不至褒號和靜處士戶部尚書梅執禮中書舍
人胡安國等奏請優加旌擢不報金人陷洛闔門被
害焞死復蘇劉豫以禮聘之溺水逃去自商州奔蜀
至閬得程氏易傳紹興五年以崇政說書召凡二十
辭八年冬始入見除祕書郎明年遷太常少卿權禮

部侍郎除徽猷閣待制提舉萬壽觀辭不已遂奉外祠即寓平江虎丘西菴時年七十矣卒于會稽寓舍張子顏字幾仲循王浚之子寓居平江乾道九年以敷文閣待制知信州淳熙八年移知紹興除顯謨閣直學士與祠再知鎮江府奏蠲丹陽夫役民甚德之劉過字改之廬陵人宋南渡後以詩俠名湖海間陳亮陸游卒棄疾世稱人豪皆折節與之為友丞相周必大聞其名欲容之門下不就故人潘文友宰崑山延致之過雅志欲航海因抵文友死葬馬鞍山中過嘗抗疏光宗請過宮屢與時宰陳恢復方略勇請用

人物志卷十

七

兵謂中原可一戰而取詞極剴切尤為諸君所推許性喜飲酒詞氣豪放英特如中原在望莫登樓之句讀之使人悲感又如斗酒彘肩風雨渡江豈不快哉有詞傳世

吳惟信字仲孚湖州人寓居嘉定之泊鶴村以詩鳴宋季有菊潭集行于時郡人有廩先生者進士龔龔諱父也記問該博九經注疏悉能成誦科舉之文未嘗謄稿然垂老不預貢士籍時惟信客吳見其所作亟稱之一日遇惟信扣之為誦一絕云白髮傷春又一年間將心事卜金錢梨花瘦盡東風軟商略平生

到杜鵑麻不覺下拜曰天才也老夫每欲效顰則漢高祖唐太宗追逐不少置矣蓋前輩服善如此

徐復字希顏莆田人博學於書無不讀旁通星曆五行術數之說仁宗召見於崇政殿命講易又獻所為邊防策欲官之固辭高其行禮以束帛賜號冲晦處士復嘗游寓吳中最多詳見曾鞏所為傳

黃居簡字元易建安人寓吳縣南宮鄉工於詩嘉熙中卒通判翁逢龍為葬虎丘

楊傑字子寬和王之子仕至工部侍郎卒贈少師謚惠懿有別業在洞庭故嘗寓焉具詳於洪邁所撰神

人物志卷十

道碑

趙礪老字渭卿東平人居吳江黎里門下侍郎野之從子以婦翁歐陽待制懋澤入仕孝宗朝以書狀官隨范成大使虜成大薦擢正言乾道八年以右通直郎知楚州明年入為太府寺丞淳熙三年由兩浙轉運副使知臨安府除祕閣脩撰權工部侍郎坐殿司招兵事謫饒州有拙菴雜著三十卷外集四卷程俱字致道由吳江縣令後以致和間監舒州茶場論時政不合寓吳下葺所居名蝸廬有北山小菴崔敦詩字大雅通州靜海人晚寓常熟紹興間進士

累官中書舍人加侍講直學士院賦性端厚文詞溫潤議論疏通知大體所陳對必剴切上深器許之卒贈中大夫有文集三十卷內外制稿二十三卷奏議總要五卷通鑑要覽六十卷制海十編監韵十編王邁字處一家本婺州父徙濠梁晚寓常熟登嘉定十六年進士仕至太常少卿奉祠家居疑塵滿榻淡如也卒年四十八理宗稱其立朝蹇諤古之遺直為郡廉平古之遺愛特贈集賢殿脩撰賜諡忠惠邁忠侑有大志究心當世之務尤精于邊防要害談經不涉於支離與人交不為崖異之行蘊畜深厚莫窺其

人物志卷十

九

際有時習編書志編若干卷

薛子長從葉適游學於吳葑門適嘗叙其履齋集子長嘗出老翁賦續通鑿論適見而驚異之謂神馬汗血尾鬣不掉而行流無疆累名駁數百豈得望塵焉至錢唐又出土風論則疑愈甚或謂子長負絕世筆墨區區名不與常人比故多怒讒誠然哉然其自護如處女藿食水飲慾利不掛絲髮其學長鋪廣引浩絕河漢曹陸以下不能擬其藩也

鄭準字器先開封人華原郡王之諸孫也祖父皆寓崑山準由蔭補魁鈴闈登慶元進士歷仕知袁州進

生長王侯家氣習儒素薄於功名厚於道義輕財好客赴人之急尤加意睦族買田給贍之有文正公義莊之風子孺守高郵姪竦知泰韶袁三州

方萬里字子萬嚴州人四歲失父與兄奉母寓于吳登嘉定四年進士以朝奉郎知江陰軍累躋朝署再秉州麾問學踐履為海內所慕趙汝述守平江遇萬里厚汝述卒一時賓客散去獨萬里護喪而往人多義之子洪字養厚

鄧若水字平仲隆州井研人為文章有奇氣布衣時吳曦叛欲殺縣令乃仗劍徒步如武興欲手刃曦道

人物志卷十

十

聞曦死遂還人竊笑其狂而壯其志理宗即位應詔上封事言史彌遠不立濟王而立陛下握大權以擅國政以格當改官為彌遠所抑不復仕進隱太湖之洞庭山賈似道在京湖聞其名辟參軍事若水雅思其鄉乃起從其招由是歸蜀居山中

魏了翁字華父臨邛人慶元五年進士累遷校書郎親老乞補外知嘉定府行次江陵蜀將吳曦叛既誅了翁奉親還鄉朝廷收召諸賢了翁預焉會史彌遠專國乃辭召命以憂解官築室于白鶴山下開門授徒以義理之學淑諸人知漢州首擢積連二十餘萬

又知眉州俗號難治了翁至乃尊禮耆老簡拔俊秀
舉行鄉飲酒禮士論大服

高定子字瞻叔了翁同產兄也起知潭州賜第平江
封臨印縣侯資政殿學士致仕卒贈少保所著有經
統五卷并文集奏議講義類為若干卷

印應雷通州人父武子招信軍判官來寓常熟登嘉
熙進士歷知廬和二州兩淮安撫制置使知揚州兼
淮東提舉卒贈端明殿學士弟應飛字德遠淳祐進
士調永嘉尉改淮西制機遷戶部侍郎知鎮江府元
兵圍鄂嘗帥師救鄂解去卒景定中贈朝議大夫

人物志卷十

十一

元
李祁字一初長沙人元李齊榜進士始尚書宋誠夫
監丞揭曷碩讀其廷對擬甲是科啓絨乃南士遂改
次齊會齊病上表謝恩乃祁也授文林郎應奉翰林
文字連丁內外艱改同知婺源州事轉儒林郎江浙
儒學副提舉後用憲臣薦入風紀值兵亂不果所著
述有雲陽集刻于永新祁人品高尚胸次廓然其文
不事剗刷而邊幅自然詩亦如之祁嘗寓吳故吳中
多所作云

柯九思字敬仲台州仙居人父謙由文學掾為江浙

提舉九思以廕補華亭尉不就遇文宗于潛邸及即
位擢為典瑞院都事置奎章閣特授學士院鑿書博
士凡內府所藏法書名畫咸命鑿定賜牙章得通籍
禁署念其父善教賜碑名訓忠勅學士虞集撰文于
碑寵顧日隆由是言者見忌九思乘間白上曰臣以
文藝末技適逢聖明而踪跡孤危殞越無地願乞補
外以自效庶幾仰報日月照臨之萬一上曰朕在汝
復何憂翌日御史章入不報故事諫臣言不行則納
印請去上重違諫臣意召九思諭之曰朕有意留卿
而欲伸言者路已勅中書除外卿其少避俟朕至京

人物志卷十

十一

宣卿九思拜泣辭出而中書竟格詔不行未幾文宗
崩因流寓吳中至正乙巳得暴疾卒年五十四九思
善畫竹石得筆法于文同嘗自謂寫籀用篆法技用
草書葉用八分或用魯公撤筆法木石用金釵股屋
漏痕之遺意然其生意飛動有龍翔鳳翥之狀云
邁里古思字善卿武威人寓吳景久有才名浙水間
以進士起家為紹興路錄事司達魯花赤能以直道
行得士庶心時遠近騷動遂練民為兵數擊叛亂有
功與浙省左丞楊完哲討方國珍往往以法誅部曲
無所顧望名既上聞乃遷江東道肅政廉訪司經歷

未幾改樞密院判又大出師以討不庭而臺端有忌之者召至私第使健者候于門擊殺之

買住高昌人滌祿大夫前江西等處行中書省平章政事告老懸車吳下四子稟雅實立方為吳江州達魯花赤相哥實立廣東僉憲普達實立方仲溫歷官奉政大夫左右司郎中阿蘭納實立岳州平陽州達魯花赤

完哲字清卿江陰上萬戶贈都元帥君廝公之弟泰州不守以材器擢萬戶遷福建參政亂後歸養吳中昂吉西夏人授紹興錄事參軍多寓吳中為人廉介

人物志卷一

十三

不獨著述可稱行亦足尚

呂其汝陽人以中大夫松江府知府致仕寓居吳郡始為平江推官治獄不究善績吳大水民多流亡富人閉糶長吏治之不以道江浙行省乃以屬推官即日聚其人諭以義更走屬邑勸之凡得米三十六萬石以賑之及移建康又饑行御史臺仍以屬如平江得米五萬石兩郡人至今誦之及移巴蜀浙南治績尤著

李君燕人也亡其名字結交天下知名之士如楊純父高彥敬焦達卿鮮于伯機李仲方若仲實則從元

弟而劉嗣宗中蘇州其姻家也諸公多以姓名言于上宣授泉福司提舉辭避南遊劉蘇州迎入吳四方朋舊至者則典衣慰藉不失其歡心而不一令劉公知也劉卒于吳李衣紫盤盡無所歸遂僑居吳下竟卒李平日能以禮自居一語不合意便引去子志祖與其室人皆卒孫謙北還燕後十年南來吳奉三喪歸葬之

郭炯字子昭蔡州人少與金華許謙同受業自浙東憲史為御史掾性介潔平正所至有聲辭歸奉母寓于吳遣子從學嘗遺書論教子讀經史必須精究精

人物志卷一

十四

則通乎其微究則達乎其極

呂浩史故宋臣至元十一年下江南出使軍前持節見淮安忠武王抗詞不屈明年南邦混一宋臣悉朝于京浩史與焉授嘉議大夫淮東宣慰使仍賜金符玉帶寵遇甚至浩史拜命即以疾辭歸寓吳中即虎丘之陰構壽樂堂後卒葬其地

潘純字子素廬州人嘗游京師一時文學之士貴介之族爭延致之每宴集談笑傾座輒云潘君不在令人無歡嘗著輓卦以諷切當世其初之辭曰出門即觀永無咎也其上曰以輓受爵亦不足貴也或以達

于文宗目為滑稽士欲繫治之亡走江湖間於是挈
妻子居吳中

龔開字聖子淮陰人少負才氣博學好古尤邃經術
宋季與陸秀夫同居李庭芝幕府宋亡來居吳下節
愈孤峻嘗為丞相文天祥及秀夫作傳金華吳萊見
之稱其不減遷固居吳日與高郵龔璠為忘年友時
比漢兩龔開詩筆老有骨游戲翰墨為山水人馬皆
卓絕不凡世爭寶之

林寬字彥粟東嘉樂清人父為崑山主簿留居姑蘇
而卒葬湖州之烏程寬七歲能屬文十歲盡記誦六

人物志卷十

十五

經十二以書干東平徐子方召問經義條對響應目
為神童寬為學益力父恐其勤苦致疾嘗禁其夜讀
寬密藏火俟親寐潛起微誦至旦十七喪父寒暑表
經不去身衰毀過節家素清貧能自立不易所守從
遊甚衆年二十九卒

鄭元祐字明德遂昌人生而右臂脫駭動必以左號
尚左生年十五輒能詩賦往往出奇語驚人於書無
所不讀為文有古作者風時咸淳諸老猶在皆折節
下之父石門君卒始來居吳省臺宣闢文章以薦皆
不就素不善著書嘗謂學者曰經則經也史則緯也

義理淵藪在焉學者能盡得古人之意者鮮况敢私
有所論述乎識者稱其有見清談雅韵依稀晉人所
著有遂昌雜錄一卷

陳基字汝初台之臨海人幼孤與兄聚從游于金華
黃文獻公之門遂依文獻遊京師授經進檢討其徒
有為御史者以言責謫于基基謂並后為致亂之本
因草諫章力陳其失欲寘基罪遂引避南歸至吳教
授諸生屬南北用兵開行樞密府基為都事轉江浙
行中書省郎中時張士誠為太尉基參謀軍府事及
士誠自王基獨諫止已而超授內史遷學士院學士

人物志卷十

十六

階通奉大夫覃恩二代凡飛書走檄碑銘傳記多出
基制作 國朝平吳從士誠入京餘多被誅基獨得
全預脩元史書成而還基先寓吳買宅天心里葺所
居名小丹丘共武三年卒于常熟河陽寓舍為文清
雅所著有夷白齋稿若干卷兄聚字敬德尤工文名
家

陳方字子貞京口人宋丞相升之之後兄子原任天
台學正方嘗赴省試來吳元帥王公招致賓席故寓
于吳龔子敬妻之以女吳之名勝如鄭明德張伯兩
倪元鎮皆與之游晚主無錫華彥清家塾日詩由日

鍛月鍊然後工亦由隨事感發肆然為之然後熟又
嘗手鈔杜詩一編朱書小字夾注其說某為對起對
結某為散起散結或緣某句應某字或由某意發某
語脈絡有自來枝葉有所傳方真知詩者也吳人嘗
刻方詩以傳後不知所終

朱子昌字可大温州平陽人晚家吳為江陰郡博士
後游京師公卿論薦授浙西道儒學副提舉慨然以
道為任門人稱為鶴皇先生卒於大德六年葬長洲
縣楓橋龍山之原史孝祥為其誌墓子梓瑞有文行
鄭東字季明溫之平陽人客於崑山弟采字季亮性

人物卷十

十七

捨介州里不能容因來就寓疾讀四庫書晚又同寓
海虞東天分絕人嘗矻矻窮經再踐場屋不合主司
棄去肆力於古作歐陽文公玄嘗薦之會東病卒采
亦坎壈終東為文多不繕稿僅存百篇采之所著三
十餘篇而已宋景濂所叙聯璧集是也東子思先入
國朝為磨勘司令

張大永字長年其先泰郵之兩伍人父景星以儒薦
累官建康路教授余忠愍公銘其墓天永自淮奉母
避兵于蘇之嘉定績學砥行文譽日隆右轄張公薦
授江浙行省都事

董遠字仁仲天台人父惟一元醴陵州蒙古教授遠
少以遠大自期不事家人生產精朱氏詩兼通左氏
春秋至正中兩試有司不中遂留錢唐潛心古學不
復以科舉為意已而入吳止天平山復寓松陵之梅
花莊張士誠聞遠名遣使奉書幣迎之遠受書返幣
堅卧不起使及門者再乃避地錦峯依浮圖氏以居
吳元年徵赴京師以沉默不稱旨謫居濠梁八年以
薦授興化府莆田縣知縣時年六十餘矣其治莆田
以循良稱後卒于吳

人物卷十

十六

授辭去客泖海上間作詩畫率不凡或濯風弄泉曳
影月下俗目之曰迂白張氏所在菟儒遂變名曰德
乙即浮寄冗食僧舍惟久於嘉定林原家一夕心動
省毋吳城為門校察延淑諸子未幾郡曹迫至部日
以還養告弗獲寢且病或諷曰若願而髯黃金加鞞
爵列侯等不猶愈於帶索耶輒不答去殆伏枕作書
一二屬嫂姪善事母一謝諸舊卒年甫五十父文炯
天曆間署奉禮

方瀾字叔因其先莆陽人至瀾居吳中閉門讀書恒
教授以自給平生善詩然性不苟作必過人尤工

筆札年七十七有詩一卷

王應甫字夢聲嚴州人登咸淳進士秘書省檢閱致仕至元初起為崑山儒學教授兵燹後嘗為學宮一新遂寓居焉

孔淵字世陞宣聖五十二代孫父監通州稅來居崑山延祐初州治遷太倉新作學宮以文行為士林所推遂攝學事子克讓亦以文學世其家

范致大字伯原崇德人脩行博學會淮張氏入吳辟為教授不赴既陪臣於張者禮置焉致大曰道固在耳

人物志卷十

十九

王貞字履道江都人嘗避地吳下太尉開藩博采群材以儒學辟不受竟歸

惠連字子及曾大父疇寶章閣待制常德知府司署少卿卒連學于陸子方嘗述江革郝鑿二贊兵亂自

江陰奉母間闕避地寓居於吳

王嘏字伯純河東人由鄉貢擢儒學正張太尉辟為常熟教授辭歸葬其祖父妣三喪于鄉

柳貫字道傳浦江人為翰林待制以古文與晉卿齊名嘗寓甫里有遷居甫里精舍詩并為甫里書院記

張天樸字楠渠温州人嘗為國子助教寓居吳中肆

力為詩章尤善樂府馳驟二李間

熊夢祥字自得江西人博學通音律能作數體書寫山水尤清古無俗工狀以及才舉教官不樂拘制輒棄去以詩酒放浪卜居婁上

俞登字泰卿福州長樂人早孤母夫人親授以書宋亡隱寓太倉累徵不起延祐中卒門人私謚曰貞節先生子焯字元明嘉定進士有文名

文質字學古甬東人寓吳之婁江有詩名好為長吉體酒酣長歌聲振金石游京師為朝貴所重于立字彥成南康人故宋名將家博通古今學道會

人物志卷十

二十

稽山中得石室藏書遂放浪江湖愛吳中山水清曠故多寓之

項炯字可立臨海人端行積學為時名人嘗寓吳中陸氏甫里書院

顧盟字仲贇甬東人高才博學館寓吳中吳叡字孟思濮陽人工篆籀之學究知六書晚寓崑山至正十五年卒卜葬湖州封禺山劉伯溫誌其墓

叡嘗以書授朱珪故吳中多其手迹

趙壁其先睢陽虞城人宋觀文殿學士槩之裔以明經薦授崑山州學正遂寓家崑山

直宗字宗愈廣陵人性淳謹寡言笑陳敬初雅重其為人學通五經寓吳授業者甚衆

唐肅字處敬會稽人為皇岡書院山長轉嘉興儒學

王嘗寓吳館左轄呂公所

戴良字叔能金華人嘗仕元淮南儒學提舉留寓吳

門其所著有吳游稿

姜漸字羽儀諸暨人學識超卓至正間兵變奉其父

僑居吳中張氏起為淮南行中書左右司都事後退

歸著述為事父卒葬吳之高峯山

倪瓚字元鎮無錫人元季鬻田百千緡悉與張伯雨

人物志卷十

廿

晚年扁舟江湖多依止僧房道館寓松陵與陸靜遠

虞勝伯為友靜遠子願其子壻也過城廓則與陳惟

寅惟允周正道陳升方輩游嘗自寫影留道家有潔

疾每盥頰易水數十次冠服著時亦數十次振拂家

有清悶閣閣前梧石日令洗拭尤好焚香畫法巨然

書學黃庭

國朝

李榦字貞臣睢州人仕元薦授許州同知後以本部

侍郎佐擴廓統兵坐營值事急出巡天兵俘置鎮江

已而選入司農司議禮議律議官制皆預焉立六部

為吏部郎中兼秦府相參軍召議藩封後斥往寧夏

慶府數詩賚贈之戊寅為翰林待詔直內閣幹年老

遂致仕來蘇依友人盛逮年八十六卒逮為買地黃

山葬之邑人王賓為誌銘榦通先代典章明國初制

作其論議英宕為時所稱重云

張來儀初名羽其先潯陽人徙居湖州菁山入國

朝為太常寺丞早有俊聲與高啓楊載徐賁齊名稱

為吳中四傑又寓于吳有靜居集

徐賁字幼文蜀山人寓吳北郭因名所著詩曰北郭

集嘗仕為參政

人物志卷十

廿二

盧昭字伯融閩人博通經史尤長於文詞洪武初起

為揚州教授

楊諛字履祥浦城人博學多著述有宋著龜錄若干

卷又嘗脩崑山誌已上三人皆僑寓太倉

林鍾字仲鏞其先世東魯祖德載為崑山州同知授

承務郎父補字仲山號林中散人性孝友攻詩文以

蔭官華亭尉當元季以不仕張氏壽終洪武二十二

年辟鍾為崑山文學掾遂家焉後知澧州慈利縣永

樂初入為考功郎中擢山東參政所著有松谷集

陳潛夫錢唐人徙居崑山學行優邃洪武九年以縣

學訓導陸國子學正

謝應芳字子蘭毘陵人避兵寓居葑門嘗脩復晉顧元公祠墓有懷古錄一卷應芳平生好古其所著有龜巢摘桑梓行于時

王彝字常宗其先蜀人父允中教授崑山州學因著籍嘉定彝博學無所不窺文尤嚴峻洪武初與郡人高啓謝徽杜寅傳著被詔同脩元史史成授官辭之而歸時江夏魏觀守郡賓禮賢士未幾以事被逮彝與啓嘗為觀作文連坐死于京市

莊公瑾松江青龍鎮人永樂間寓居葑門能詩善草

人物志卷十

廿三

書尤長於畫師法馬夏蓋張觀後一人也觀字可觀嘉善人畫師夏圭馬遠與嘉興吳鎮遊筆力益古勁尤善鑿古器物書畫壯遊湖海返故鄉卒

殷之輅嘉興人以詩遊江湖間晚寓長洲沈孟淵氏及卒孟淵為葬之之輅有笑疾

鄒彬字文質陝之臨洮人早游齊梁又去之淮揚樂吳之風土也因寓焉彬博物多識凡天文地理醫藥卜筮皆旁通之平生手鈔百氏書殆千卷紙欄烏絲字畫不苟矻矻筆硯間至老益勤性寡合于人質莊至可敬嘗論張仲景傷寒書撰運氣或問一卷謂三

奇六壬太乙之法蓋河圖易書之緒餘第多傳會其疏畧一卷卒葬長洲武丘鄉

論曰人美于中必播于外而越于民民實懷之玉在可珍矣必盡生藍田也昔桓公問致天下之精材管氏曰五而六之九而十之三倍不遠千里致天下之士猶是焉起于北意南而至于南起于南意北而至于北如鳥之還山集谷矣虞仲隱北山之下呂尚居東海之濱山遂名虞湖仍曰尚虞仲兆其始呂尚扇其風澹臺滅明至自春秋方朔梅生光于漢日戴公山名于晉代張公子詠自唐風宋元以降其流逾廣

人物志卷十

廿四

徐祐成九老之會米芾結海岳之菴舜欽報書于韓維興寄盤閭二門之間尹焞逃聘于劉豫身寓平江虎丘之側若水隱太湖之洞庭礎老居吳江之黎里賀鑄焦白以豪俠稱徐復王邁以高行著黃居簡吳惟信以詩篇顯張子頴程俱以宦績名方萬里呂浩叟之忠義鄭準陳基之友睦完哲林寬之孝養邁里古思之勲庸柯九思龔開之文藝昂吉之廉謹倪瓚之介潔鄭元祐王貞之隱操董遠之經術至陳潛夫鄒彬數君子咸有梅生梁鴻之風以今方古非但不媿之而已然鴻非臯伯通終於賃春邕非顧雍誰其

從學戴逵得王珣與之游處褚先生非僧達何以致之
之不有地主之賢將屢適越何知其可紀哉張景脩
送朱天錫詩不特勝公據于禮部卒大稱賞于神宗
主過好文尤為盛事若江淹禮吳中石佛李嘉祐經
吳中載之歌詩不克殫述茲叙其人列其行以脩流
寓篇云

贊曰棹是遊吳屨非適越登耀紫闈參名盛列心迹
清全退素自業辭論如流文體英絕寄人廡下立志
裁割意矜殊常性不柰雜少寄情賞中途不輟歲月
過淹名謚凋滅秋擘春庚脂車解榻衰草華風英標

峻節

人物志卷十

廿五

吳中人物志卷之十

吳中人物志卷之十一

長洲張景春甫輯

曾孫獻翼論贊

列仙

秦

赤鬚子鄆人秦穆公主魚吏也數言鄆界災異十不
失一好食松實天門冬石脂齒落更生髮白還黑服
霞絕粒後往吳中十餘年莫知所之抱朴子云以其
鬚髮皆赤故名宮廕山有赤松子采石脂即此

漢

人物志卷十一

一

魏伯陽吳人好道術與弟子三人入山作神丹既成
謂其弟子曰丹雖成宜以犬嘗試之犬飛則可服乃
與白犬斃伯陽作丹惟恐不成今既成而殺犬恐
未當神明之意餌之將復如犬柰何弟子曰先生當
餌之否伯陽曰吾違世路棄家而來今不得仙亦耻
復還死生皆當餌之乃服丹入口即死弟子虞生曰
非常人服此而死得無意乎復取丹餌之亦死餘二
人相謂曰所以為丹者欲長生耳今乃趣死將焉用
之不服此更得數十歲遂相與出山方為伯陽及虞
生求木以斂二子去後伯陽即起以所服丹內死弟

子及白犬須臾皆起仙去道逢伐木者乃作手書寄謝鄉里及二弟子所作參同契五行相類其說似周易假作爻象以論作丹之意

蔡經家住吳門王遠方平既得道東欲入括蒼山過吳住胥門蔡經家以其骨相當仙告以要言經自此尸解去十餘年忽還家容色少壯語家人曰七月七日王君當來可多作飲食以供從官經家乃借甕器作飲食百餘斛羅列庭中是日王君果來舉盃皆見遠引見經父母兄弟因遣人召麻姑頃間麻姑來是好女子年可十八九坐定各進行厨皆金盤玉杯饋

人物志卷十一

二

饌多是諸花香氣達於內外壁脯行之云麟脯也麻姑云接待已來已見東海三為素田向來蓬萊水又淺於往日豈將復為陵陸乎遠笑曰聖人皆言海中行復揚塵也時經弟婦新產數十日始見之曰勿前即以少許米擲之以祛其穢視其米皆成朱砂姑手爪似鳥經心中念曰背大癢時得此爪以爬背當佳也遠已知經心中所言但見鞭着經背不見有人持鞭者經比舍有姓陳者聞經家有神人詣門見願隨驅使遠曰君心不正未可教以仙道乃以一符與陳曰此止能存君本壽自出百歲可以禳災治病後陳

以符療病輒效壽一百十歲而死遠去經家所作飲食皆盡亦不見有人飲食也

劉根潁川人隱居嵩山中諸好事者自遠而至就根學道太守史祈以根為妖妄乃執收詣郡數之曰汝有何術而誣惑百姓若果其有神可顯一驗事不爾立死矣根曰頗能令人見鬼乃左顧而躡祈之亡父祖近親數十人皆反縛在前向根叩頭曰小兒無狀分當萬坐顧而叱祈曰汝為子孫不能有益先人而反累辱亡靈可叩頭為吾陳謝祈請甘坐罪根默而不應忽然俱去後脩隱吳之洞庭山遍身生毛昇去

人物志卷十一

三

因號毛公壇

林屋山人王瑋玄授宛陵令李崇流珠升法謂崇曰子行此道雖出仕宦無妨仙舉復授以隱解法乃去入大霍山又授遁化泥丸紫府術以度世或云瑋玄楚莊王時人

蔣生郡人好神仙丹學弱歲棄家遊四方脩鍊未成後得一僕隸曰章全素者見生几上石硯忽曰子好烹鍊之法夫仙丹食之則骨化為金安有不長生耶今子之丹能化石硯為金乎生叱之曰汝傭者豈知仙事乎無妄言全素笑而已後月餘衣中出小瓢云

是中有丹能化土為金顧此視以刀圭傳之生以為誕妄益晉之全素尋卒以篋盛尸將瘞忽亡其尸徒有巾帶木履存焉藥鼎有光粲然探之得石硯已化為紫金矣

許懋吳人素好黃白術嘗遇一道人將畫扇掛於壁有藥燭童子在上道人呼童子跪於爐前畫扇頻動爐火光炎少頃藥成道人曰黃白之術非積功累行不可為也遂告懋曰五十年後當於茅山相尋遂不知所在

三國

人集卷十一

四

葛玄字孝先吳人初從左慈受九丹液仙經遍歷名山脩煉大丹丹成得仙號葛仙翁見抱朴子云仙翁每飲酒常入人家門前陂水中卧竟日乃出曾從吳王船行至三江口阻風船多漂沒仙翁船亦沉不知所在吳王歎曰仙翁有道何不能濟乃遣使求之久之忽見仙翁從水上行來衣履不濕而有酒容既見而言曰臣從伍子胥邀飲淹屈陛下于此又嘗舟行弟子見篋笥中有十許符因問曰此符之驗盡何事可得見乎仙翁曰神符亦無所不為弟子願見之乃取一符投之水中水迅急符遂流而下復投一符迎

水逆上再取一符投之亭亭不上不下須臾上符下下符上會中央三符同聚而不流

干吉吳孫策時道士制作符水以療疾病吳會人多事之策嘗會客郡樓吉趨度門下諸將賓客下樓拜之止之不能策即命收之策毋曰干先生亦助軍作福醫護將士不可殺之不從竟殺之葬之失尸所在即宗字仲綏少仕為吳縣令學精道術占候風氣後一旦有暴風經窓間占知京師大火燒大夏門遣人往叅果爾諸公聞之以博士召宗宗恥占卜進夜解印綬負笈趣去居華山下服胡麻丸得道今在鹿跡

人集卷十一

五

山洞

晉

陸脩靜字元德郡人早通墳籍長慕神仙栖廬山白雲寺持律精勤送客未嘗過虎溪時與陶潛惠遠握手同行過百步大笑而別宋文帝素尚其風作停霞寶輦使徐湛宣旨留之不可太始三年作崇虛館通仙堂強招之使講道焉元徽五年三月二日偃月而化年七十二後三日廬山諸徒見霓旌紛然還山須臾而失初脩靜赴召常衣一布囊及逝遺命囊骸投所在巖壑門人不忍奉之山中未至忽布囊掛巖樹

謚簡寂先生詔以所居為簡寂觀

楊義吳人與許先生遁許長史謚結為神明之交嘗為公府舍人興寧三年義年三十六衆真降焉自東嶽上真司命君等二十三人又自太和靈嬪上真左夫人等十五人每旬輒數人同降高談道微幽指藥妙衆真每降所授詩章道要甚多華陽陶弘景論次為書號曰真誥

隋

周隱遙字息元洞庭山道士自云角里先生之孫隱遙學太陰煉形死於崖窟中囑弟子曰檢視我尸勿

人物志卷十一

六

令他物相干六年後更生當以衣裳迎我弟子守視初甚臭穢虫壞惟五臟不變如言閑護之至期往視身已起坐弟子以湯沐備新衣迎婦髮鬢而黑髭簾而直如獸鬣焉十六年又死如前更七年復生如是三度凡四十餘年且八十歲貌似三十許人煬帝召至東都尋還郡唐正觀中召至長安問脩習之道對曰臣所習者匹夫之事功不及物帝王一言之利萬國蒙福得道之效速於臣人區區所學非萬乘所宜問也復求崑山令狐楚作周先生住山記
負局先生負磨鏡局行吳市中得一錢輒問主人得

無有疾者否有疾輒出紫丸藥與之服者皆愈

松江漁翁者不知何許人恒擢舟遊長橋往來波上意氣自得醉則扣舷而歌紹聖中閩人潘裕自京師調官回道吳江遇而異焉起揖之曰余視先生氣貌固非漁釣之流願勾緒言以發蒙陋翁曰吾厭喧囂處閒曠遜迹於此三十年矣幼喜誦經史百家之言後觀釋氏書今皆棄去唯飽食以嬉尚何所事裕曰先生澡身浴德如此今聖明在上盍出而仕乎翁笑曰君子之道或出或處吾雖不能棲隱巖穴追園綺之蹤竊慕老氏曲全之義且養志者忘形養形者忘

人物志卷十一

七

道致道者忘心心形俱忘其視軒冕如糞土耳與子出處異趣子勉之裕曰幸聞先生之高義敢問舍所翁曰吾姓名且不欲人知况居室和飲畢鼓柁而去
宋
徐靈期吳人隱衡岳上清宮遇神人授玄丹之要含日暉之法守泥丸之道故得周遊海岳採訪山洞岩壑作衡岳記叙其靈異言紫蓋雲密二峯皆五千餘丈雲密有禹治水碑皆科斗字碑下有石壇流水縈之最為勝地而紫蓋常有鶴集其頂神芝靈草生焉有石室室有香爐杵曰丹竈祝融峯上有碧玉壇方

五尺東有紫梨高三百尺乃夏禹所植實大如斗赤如日食之長生蒼梧王元徽元年九月九日冲真至宋徽宗朝賜號明真洞微真人

齊

張道裕字弘真漢天師十二代孫梁天監二年來居廬山感異夢即於山下達治號招真初家陽殿虛皇壇手植七檜又嘗鍊丹鑿井藏之

梁

陳景尚吳人善講誦道釋製靈書經大行于世梁邵陵王甚重之

人傳卷十一

八

張繹字士和郡人專心學道居貧守約講經理致深密詞端華辯當時所宗梁武帝雅相欽賞時陶隱居著法檢論明釋老二教繹討論有條緒隱居嘉之尤善八體書別製雲篆作茅山南洞記甚工

唐

單以清常熟縣元陽觀道士大曆中嘗往嘉興同載中聞異香見船頭坐一人儀表頗殊單君與之並席香氣彌甚因詢問之曰吾本地人少病入山遇一老人令從行有草堂數間居一月以藥一裹令餌之老人遂行既餌藥不飢渴身日以輕疾已差矣且曰服

吾藥可長生再拜問其姓名曰我是國初衛公李靖也單君曰記其事為人道之

周生大和中廬于洞庭山以道術濟人吳楚歌之後出遊廣陵佛寺有三四客偕來時八月望露月澄瑩生自言曰某學於師能挈月致之懷袂或疑其誕或喜其竒生命虛一室翳四垣使無纖隙取筋數百呼僅以繩照續架之曰我將此梯取月去乃閉戶久之數容步庭中伺馬忽覺天地曠晦聞生呼曰某至開室視之生曰月在某衣中諸君試觀舉其袖出月寸許一室通明寒入肌骨客再拜謝之却閉戶其外尚

人傳卷十一

九

晦食頃如初

柳條青唐大中末乞食於蘇州市中擊筑踏歌得錢惟市酒飲耳其歌詞中往往述方外長生事一日大雪凍死市人為瘞於齊門之左每遇日出時冢上有紫氣高五六尺近視則無後一年有皇甫頴來吳訪其人示以墓所皇甫持酒脯祭之大哭設棺得青竹杖表之曰谷隱柳處士墓

清遠道士不知何許人嘗同沈恭子遊虎丘有作其詩云我本長殷周遭羅歷秦漢以歲計之蓋二千餘年其仙之流也頴曾公和其詩刻石巖上

申屠有涯方外士也嘗携一白甌瓶自陽羨遊吳大風雪中脫衣賃舟沽酒斗餘飲畢大吐同載者逐之有涯挈甌登岸倚樹高吟曰仲尼非不賢為世所不容蚩蚩同舟子不識人中龍溪雪載落梅寒聲激長松狂來但清嘯一壺隱塵踪吟訖跳身入瓶悄然無跡舟人舉甌碎之無所見他日同濟者有見於虎丘劍池側箕踞而坐知其為異人也

張志和字子同浮家泛宅在五湖震澤間號玄真子擢進士第守真養氣卧雪不冷入水不濡名山勝水多所遊覽顏魯公刺湖州與同遊平望志和酒酣為

人物志卷十一

十一

水戲施席於水上獨坐飲酒嘯歌去來如棹舟聲復有雲鶴隨其上下觀者驚異志和遂於席上揮手謝別上昇而去

宋

陳希微字彥真吳人先名伯雄元祐中得疾因往茅山劉靜一求符水下山覺眩冒不能前據石大嘔疾遂愈棄家為道士築室柳沂泉上徽宗聞其名屢詔不起乃以所居為抱元觀而錫以洞微法師之號申元道泰陵人師事徐神翁得脩鍊術將出遊請于師師示曰逢虞則止無雪則開乃渡江至琴川見虞

山問於人曰此何山人曰虞山也即築菴居之插竹成林因名竹林菴山中每患無汲一日大雪獨於菴前覆簣不積遂浚而得泉因名雪井紹興間喻抱元改名招真菴又嘗於福山建潛真館梅里建願真館為鍊丹之地

戴省甄長洲人初唐畢誠捨別業為太和宮省甄少孤隨母歸于畢氏以嗣焉與兄子玄葉俗入道

項舉之東京九成宮住持道士妙通法師宋政和八年来吳中為崇真宮開山有宸翰碑賜舉之者刻宮中

人物志卷十一

十一

歐法師嘉定人紹興中有雲游士憇黃渡崇真道院數日別去且期三日後當再來為我具酒肴及期果至共為飲飲就法師掌中教書符訣令醮祀伏壇用之自爾法師主醮事人輒見其彷彿升空法師臨終挺然而化

易如剛字仁甫饒州安仁人初入龍虎山為道士慶元初召住三茅授太一宮高士後為崑山普照觀開山住持寧宗御書觀額及書正堂扁以賜嘉定六年又賜號通妙先生十四年加葆真元延祐三年加封通妙葆真文教真人

王惟一號景陽子括蒼人從父官華亭因家焉以儒飾吏事已而棄去從方外游遇至人授以還丹九轉心領其要乃著景陽明道篇金丹樞先天易贊祈禱問答行雷心傳道法精微凡六書晚居樊涇岳祠葉子琬字懷瑛括蒼人宋嘉定間開山于邑之集仙宮賜號冲妙大師脩煉之餘游戲翰墨嘗自寫像并贊云

應錫智字子信仙居人宋咸淳間來吳愛虞山之勝建志和道院精于道法弟子王大成平江路道錄

蓑衣先生者淮陽書生也姓何氏從其祖朝議大夫

人慾卷十一

十一

執禮避亂來吳中嘗舉進士不中一日游妙嚴寺臨池照影豁然悟道遂掛一蓑被髮徒跣往來市中團泥擲磚有類佯狂者言人禍福休咎多奇驗初無定止笑傲謳吟自適其適怒罵發嗔人莫敢近後結廬天慶觀前一土室常時叉手跪膝晝夜不寐晨必一至吳江使馬或人有叩之者但云無人在這裏此是空屋微幾隱語驗而知神或經日月不食不告飢遇嚴冬敲冰洗簑氣騰如蒸所坐處雪亦不積嘗有語云自家屋子不脩整只理會自家屋子好看會有病者乞醫命持一草去病即愈衆翕然求治以蓑衣先

生稱之孝宗夜夢有蓑衣人跣哭來弔者訊之曰臣蘇人也詰其故不肯言居月餘成恭后上仙莊文繼即世上矍然驗昨夢有諭遣不至上念恢復大計累歲未有所屬且坤儀虛位乃焚香默禱白誠能仙顧必知朕意遂授璫以香茗曰汝見何則致贊而已問所以來則曰上自禱我不及知視其何以復命先生掉首作吳音曰有中國即有外夷有日即有月不須問起之去既復呼還曰所問者姓我猶忘之但言朱家例子不可用也上曰是誠能知我心遂賜號通神先生築通神菴于觀之內親為宸翰書扁以寵之一

人慾卷十一

十一

時強邀入菴大笑而出復柶故址已而成肅正中宮婦謝氏蓋本朝故事惟欽成本姓崔後育任氏朱氏既而惟從朱姓不復婦上意常欲以為比而未決也北伐之議亦少息焉上歲設齋合雲水士施予優普一歲偶踰期衆訝之忽於卧握手瞬目曰亟來亟來舟至平望矣人有見於岸傍者蓋是日固未嘗出眾益服其神光宗即位召之不至慶元三年端坐而逝葬長洲縣二十都金鵝鄉燕塘之原

猷道僧兵家子少有所遇不言姓氏何蓑衣舊與之友抑不知幾何時髡而髻曰似道似僧故名狀不慧

言發竒中好蕩游市井間見人必求錢得則隨與貧者他日或薦道僧上欲見之何挽呼不使去且曰是將捉汝縛汝監汝不容汝來矣道僧竟去見于內殿不拜所言不倫上容之使出勿禁踰年婦見何何以杖詬逐至死訖不與接一談紹興甲寅道僧入北內坐榻前曰今日六月也好大雪侍璫感笑顧曰爾滿身皆雪相與罔測亦莫以為意至八日上厭代矣縞素如言焉

人物卷十一

十四

孫錯祥符末採藥入山遇道士授以符且與丹砂一粒曰此可召役鬼神當鬻此符可百錢足充汝衣食既下山戴鐵冠被絳服騎牛至大名時太尉王嗣宗守魏表送闕下補司天監保章正專主符禁後不知所終

梁亮崑山人家駟馬橋下捕魚為業於鼠穴中嘗得書一卷讀之提刑吳潛舟次江上方小飲亮携籃步水上入潛舟潛怪問之曰欲假公金銀酒器潛與之投入籃而去明日見於橋上碎而分諸貧者潛以為妖追逮至官亮剪紙為魚游躍水盆中復剪一鷺飛繞庭下攫其魚而上眾仰觀遂失亮所在
程若筠吳中道士善畫嘗召至京師

李懷仁善畫龍嘗於毘陵天慶觀畫壁自題姑蘇羽士醉筆

鄧道樞字應叔綿州人以齋科精嚴際遇理度兩朝端平甲午隨魏了翁出蜀居吳郡守趙與憲俾住持文昌宮宋亡得上官氏廢園於城東為栖息所名會道觀時浙西按察使閻公子靜徐公子方輩皆與道樞游道樞工詩有東遊集尤善鼓琴

元

人物卷十一

十五

周文英字紫華至元戊子幸先生過吳城至紫華家見紫華讀參同契曰少年讀此何為其有所悟耶抑有所慕耶紫華曰心有所慕耳未知所悟先生曰子有夙契可與語至暮留宿夜甚寒將熾炭先生亟止之視其所衣僅一木綿裘內襲措衣曾不掩胫時方雪積已半尺所居有光赫然出屋上雪獨不積鄰人以為火操水具至救紫華異之達旦留詩別去叩其姓名乃指書中幸字故稱之為幸先生云問所止則曰舟泊楓橋明將過洞庭七十二峯西遊矣次日紫華冒雪至楓橋果見大船泊橋下先生倚蓬而笑曰吾知子必來因留款以盡所言入舟治具出一小鼎僅容三合許匪陶匪石色紫而瑩貯水銀爐之頃微

有聲澌澌瀉水中搏之加以椎鍊則鏗然命舟子入市即能易物再貯水銀一器如前加以黑米半匕置鼎及成則黃金也盤旋終日執手而別曰吾即從此逝矣後會成亥間當成子志紫華自此若有所得越歲甲戌一日以幸先生所書展玩曰茲維時矣遂歛衽端坐而逝若委蛻焉

古無極不知何許人居對門道堂築一室以白堊塗四壁中設榻常出所携瓢苗漁鼓等數懸壁上以書一束為枕自釀酒一甕於牀頭人有求飲搖手弗許飲盡復釀日以為常扁其室曰小小蓬居室中皎然

人集卷十一

十六

如雪蚊蠅不敢入暑中開戶而眠不用帷帳猶犬至即俛首疾回無敢窺其內經年不見揮拂一塵不生未嘗出慕於外而牀頭青蚨不乏人疑其術逼問之但笑而不言一夕撤去所用之物竟不知何往明日物色之追及葑婁盤閭四門皆云是夕見其負籠荷杖出門去

莫月鼎諱起炎吳興人生宋寶慶丙戌少慕玄學至青城山見無極徐真卿授以雷術又聞達昌鄒鐵壁得王侍宸新勘法委身童隸事之鄒疾危遣去曰吾將逝矣雷書之全不能畀汝已而書張使者一符授

之再見潯陽楊真卿精於持練動與神合時憤世嫉邪托狂直于酒信筆塗墨符出詭秘語人莫能曉寶祐秋越守馬裕齋致之禱雨兩大澍理皇賜宸書詩贊至元戊子中丞崔或奉詔江南起觀京師祈禱有異驗賜宴光祿暨命典道教事力辭南歸抵吳城光盪巷學者填門嘗書鐵壁言于門曰百事動雷霆龍神拱手聽不洩亦不祕淵默有天聲癸巳冬謂其徒曰明年正月某日吾逝矣至期書一偈曰六十九年明月幾番陰晴圓缺今朝無缺無圓三界光明透徹書畢問歛具衆謂具矣復搖首曰待吾五事備須臾

人集卷十一

十七

天忽變味風雲雷雨電交作俟霽歛焉葬長洲縣陳公鄉實至元三十一年弟子得其道者吳下張雷所王繼華金靜隱馬心吾江東許無心陳靜佳今傳法曰周玄真玄真得之步雲岡雲岡實得之雷所會稽楊維禎作傳金華宋濂又為之碑

周詳吳人嘗泛東海誤到一山名曰絳嶼其地方千里上有千餘家莫知年歲亦有五穀風俗畧與吳同山上有陳長者已六百餘歲不飲食顏色如六十歲人山中人奉事累世每有疾病即以器詣長者乞祭水飲之輒愈詳晉三年還語如此

邊公式居郡城金獅巷母汪久病一日有客叩門青巾烏袍白帽而髯自言潤州范公橋張八叔也前巷袁二十五秀才令來切脉公式出見之客曰不必診吾已得尊夫人病狀留一方曰烏金散飲之毋遂瘥公式詣謝袁秀才因以驚異坐側有洞賓像即前所見者究其畫本得於張八叔家公式由是求之以歸後仕赴調京師過天津橋見丐者為人毆辱公式問其故毆者曰負我錢五百久不償公式探囊中錢代償而去他日經其處丐者探懷中一瓶以餽見其垢穢辭不受他日又見拉至其家委巷窮櫺敗席障門

人物卷十一

六

土榻上瓦盆貯酒果蔬為敬公式復不領畧他日得官南歸至汴堤風雪交作步不可前因憇道左旗亭中少頃主人出迎則向橋邊丐者相見良悅酌酒以進公式雖嘉其意終以往日垢穢不肯飲其人曰天氣苦寒非酒莫禦強為我釀此公式訖不濡吻其人怏怏乃包侑酒果為贈公式不忍重違勉受之上馬數步竟授其僕覺重啓視之桃李梨榴皆黃金也公式方悟其異人痛恨久之丐者復至曰官人自無仙骨爾指顧間酒家與主人皆不見王可交吳淞南趙屯人以耕釣為業嘗棹舟出江口

歛見彩舫盪漾中流而來有道士七人皆少年玉冠霞披服飾各異侍者十餘人總角雲鬢又四人黃衣擢船一人呼王可交一道士令總角引可交上船見七人前各有青玉盤酒菓瑩徹有光不可識又有女伎十餘人悉持樂器可交立筵末遍拜七人共視可交一人曰好骨相合仙烘灸破矣一人曰與之酒侍者瀉酒再三瀉之不一人曰與之栗取二栗付侍者與之其栗色青如棗長二寸許肉脆而甘如飴食久方盡一人曰王可交已見之矣可令去勅黃衣送上岸向所乘魚舟不復見黃衣曰不必舟但瞑目自

人物卷十一

十九

到須臾回望峯嶺重複松柏參天乃天台瀑布寺前也見一樵者并僧數輩皆來問可交所從來可交以實告問何時離家曰自三月三衆大驚曰今九月九日矣且去君鄉水陸千里僧邀可交具食可交自食粟即絕粒飲水耳僧以狀白唐興縣縣達台州州以聞越州廉使王泯召見可交身長七尺餘儀貌殊異言語精爽泯歎曰此誠真人也又以同姓益敬重之飾以道服遣人至蘇詰其家果言三月三乘舟入江不歸謂已溺死招魂葬之泯具以表聞可交後婦鄉與鄉人到白鶴江口指以為遇仙處後挈妻子入

四明山二十餘年復出明州賣藥酌酒得錢即施與人且言藥則壺公所授酒則餘杭阿母所傳藥以治病有驗稱以王仙人藥酒一時多圖其像人尚有見之者

張善洲字深父號癸復道人吳之華山人其伯父崇一始為道士得易如剛靈飛步法稱之為張雷師宋尚書包公恢薦于上命主郡之天慶觀故善洲從其學輒能捕逐鬼物呼致雷雨郡守潛說友舉住建德永隆宮再住平江光孝觀世所謂道法藥術凡四方有一術一法之異必究極其妙莫月男侯清谷時為

人物志卷十一

十一

道門所宗咸異重之而樂授所秘元世祖詔舉山林有道之士嗣天師以善洲薦乃與其弟子步進德入朝奉旨召鶴且有禱亦輒應遂命為平江道錄住持天慶觀又改紹興昭瑞宮鎮江道錄壽九十二

步宗浩字進德早習儒中歲始慕道從張雷所于玄妙觀授回風混合大洞真詮上清靈寶三五飛步之秘碧潭斬勘之書如有祈禱雨暘呼召鸞鶴在乎掌握驅邪救患甚多靈迹延祐間制授貞元微妙弘教法師其弟子周玄真楊中立

黃孤山錢唐人諱道淵嘗遇郢人衛淡丘授以脩真

要法及醫藥方伎南遊武夷師事金華潘雷鑑挾其所北上後歸憇吳中吳人嚴其抱疾買地建壇以祀玄帝朝夕懇禱願愈斯疾而孤山適至投之以藥餌不數服遂愈於是壇宇悉歸孤山復為傾貲大構皇慶初延雷鑑為開山廣徵天師聞于朝賜清真觀額倪玄素杭人從全真家風明心見性坐圓煉丹出金蓬頭一派至元間避寇至吳下于白蓮涇畔立栖止之地建佑聖道院

金善信字實之長洲儒家子生而雅好老氏之學父母嘗為納婦有子矣時張雷師能以符篆捕逐鬼物

人物志卷十一

十一

因事之乃冠其冠執弟子禮及聞莫先生洞一者嗜酒醉輒詬罵人呼雷役雲狎藝如兒戲善信尤尊事之盡得其不傳之秘遂構仁壽觀於城東北隅日與其徒研覈妙旨其言以為心神至虛無所汨沒諸陰銷盡諸陽自集蓋有形者陰無形者陽陽益勝陰氣益調精我得清淨去道無難矣善信受知于嗣天師留國公起為廣德路道錄住仁壽觀聞之于朝璽書為之加護昇以體仁守正弘道法師之號其詳見金華黃文獻公所為碑

周靜清常熟雙鳳里普福宮道士至元間詔授清寧

抱一凝妙真人嘗提點平江路道錄宮中有芝生四十二莖長二尺許敷舒間金緣而生天師張與材為作玉芝祠記

侯頤軒其先蜀人宋季隨父來吳宋亡弗歸頤軒乃學道於洞庭之仙壇觀一時名士若中書劉公丞相吳公皆與之游寶祐間遊天台劉公詩送之其徒曰李碧山元虞奎章省墓于吳頤軒抱虞氏岳陽使君遺書與見白雲間因贈之詩曰洞庭高士成都客曾是相從大父時每抱遺書嗟往事復貽妙句樂新知鴛鴦影裏心元靜鷗鷺盟邊願不疑但得閒身各安

人物志卷十一

廿三

健白頭婦共橘中碁頤軒善畫

步雲洲吳中道士事寡嫂女兄甚友愛

殷震亨字元震崇明西沙人出家為寶慶觀道士工詩所著有在山集元大德間人也

鄭守仁天台人着道士服長游京師寓蓬萊坊之崇真宮不事干謁齋居萬松間一夕大雪填門僵卧讀書自若號獨冷先生至正間來主白鶴觀

富恕字子微宋丞相文忠公裔孫少為進士渡南而來居於吳值時兵亂遂為吳江昭靈觀道士善歌詩有名于播紳間嘗別築室雪灘之濱扁曰掛蓑亭又

繪仙山訪隱圖一卷寄與於雲海之上以研窮黃老之說遂昌鄭元祐為著記而亟稱其為人云同時有膺擇中瑛石室皆吳江詩僧恕與往還為方外交國朝

席應珎字心齋號子陽子常熟沙頭人年未冠即辭家學老氏法兼讀儒書尤邃於易至於釋典方術之道悉能通焉孝於母膺髓溫清之奉勿少怠死葬如禮春秋祀享痛泣如初喪或謂親愛既割何得狗禮若是之過邪應珎曰吾法當割愛入道然世間豈有不孝之神仙也哉應珎始提點致道觀後遷郡之白

人物志卷十一

廿三

鶴及居相城靈應宮一坐二十餘年兵後能中興其業洪武十四年三月十日卒年八十一沙門道衍多得其傳嘗為葬銘

李德睿字士明嘉定人少出家郡之寧真觀旁通于醫過淮人李清隱授寶太師飛騰針法故以醫鳴洪武初召見至京力辭歸德睿兼通儒學孝友律身縉紳大夫多與之游嘗携一瓢賣藥吳市瓢小而類鶴因號鶴瓢道士潯陽張羽為傳王行高啓輩皆為賦詠

林剛伯常熟人博學能文詞寄迹老子法中永樂初

舉往龍虎山校勘道書嗣天師張宇初甚器重之嘗預脩永樂大典

周玄真字玄初嘉禾人其父月心仕陰陽教授生八歲而孤與母林氏居年十二辭家學老氏法于其邑紫虛觀從李太無為道士太無杜南谷弟子也至正戊子年二十始來蘇之城東對門外黃泥坂丹霞里報恩道院玄真能以符篆召鶴因名所居曰來鶴軒仍自號鶴林先生玄真雖身寓方外事母林至孝其學受靈寶經法於谷神曹師又因玄妙高士顧養浩受五雷秘文於步雲岡步受於張雷所張親受於王

人物志卷十一

廿四

繼華其授之得其傳者莫月昂也洪武戊申京師李韓公迎玄真致雨有應明年庚戌上欲問鬼神情狀被召錫宴光祿又明年上召問雷霆所以神之故對曰天地之間陰陽運轉故有神神與人合者也雷非人無以知雷之天人非雷無以知人之天天人相孚同一理爾上悅壬子三月不雨右丞相汪公命玄真致禱其應如初乙卯又旱玄真禱亦應冬無雪復命玄真祈之已未授領神樂觀事玄真嘗脩達安里橋于通衢及主報恩道院嘗一新其祠宇繼主常熟致道觀復脩丹井其澤物之功類此卒葬月昂墓次

郭守源字本中幼從白羊山人張仲簡學詩時聞玄妙觀周玄初道行守源事之得其所秘洪武初應選居神樂觀後薦其名官于天壇奉祀祀朝廷祀事建太壇場勅副四十三代天師無為真人故眷渥日隆賜與有加永樂元年擢道錄司左至靈佐領天下玄教住持朝天宮後終 皇儲製文諭祭

胡道安松陵人從玄妙觀計玄老為道士晚遇至人授青城太乙雷書及斬勘魃魔秘旨洪武末郡中秋早太守率僚屬致禱道安登壇醉酒詬罵怒髮衝冠令下陰雲四合雷雨大作守為稱異性佯狂人呼為

人物志卷十一

廿五

胡風子 楊中立字玄微少入玄妙觀嗣步雲岡為太極五雷壇正宗志尚朴素甘分林泉取漆園吏之言扁所居曰一枝巢遂昌鄭元祐為之記洪武壬戌掌道紀司薛朝陽字廷鳳先居龍虎山上清宮號洞玄冲靖廣道大真人有齋糧田在在崑山澱湖上因築觀堂游息于此洪武二年寓居江灣報恩宮時年九十三陳昉吳江縣吏也平生崇奉三教廣行陰騭惟未能斷食魚之好嘗於池中養魚以待烹啜方欲作膾待賓忽池中偶侶人言悲哀乞命於是省悟盡放其魚

於江是夜夢群魚謝曰玉帝知君放我等萬千性命已今天曹掛名仙籍三年后果於長橋踏白石上昇論曰世有神仙引導之術經簡而幽幽則妙門難見言實而抑抑則明者獨進大都蠲去邪累澡雪心神乃有虛駕昇天長生世上者焉却粒之士餐霞之人非滅景雲樓抗高木食無以成其羽化遂其獨往故隱迹即官潛名柱史則東明九芝之蓋北燭五雲之卓樵客看棊羽人採藥則爛柯斧于空山閱仙書于南洞策非世教人豈常流看桃核而問棗花庭舞經乘之鶴坐絳雲而臨玄水池游被控之魚何必蓬萊

人物志卷十一

廿六

方丈瀛州三神山乃有諸仙及不死之藥哉文中子曰玄虛長而晉室亂非老莊之罪也養性得仙各自有法凡三十六吳中若赤鬚子之好食石脂以服食度骨筋者也魏伯陽之神丹仙去以藥石上騰雲者也葛孝先之行水不濕以清靜飛凌雲者也劉根之下神鬼以祭祀致鬼神者也陸脩靜棲雲寺以去欲但存神者也楊羲高談道要以把握知塞門者也周隱遙生死無恒以太一柱靈氣者也張志和守真養氣以恬澹存五官者也張繹居貧守約以寂寞在人間者也倬矣仙才飄然勝氣其間階次心行等級非一

覽之起人外之想如朋松石介於孤峯絕嶺窺烟液臨滄洲矣區區市朝井邑踰居幸生如蛙在井中駒處轅下者胡足與語懷玄抱真之事哉
贊曰紫館丹室素券赤明指樹為姓合氣為名寢寔綠房飛步玉京升玄內教靈寶上清從師採藥病愈身輕去留青鳥昇沒虹旌

吳中人物志卷之十一

人物志卷十一

廿七



吳中人物志卷之十二

長洲張

曾

方外

西晉

竺道生鉅鹿人姓魏氏初入廬山幽栖七年後游長安從什公受業關中僧衆咸謂神悟獨文字之師以生為邪擯而遣之遂之虎丘山聚石為徒講涅槃經至闌提有佛性處曰如我所說契佛心否群石皆首肯之至今虎丘有點頭石

人物志卷三

支遁字道林姓關氏家世奉法年二十五始釋形入道住剡東岬山性好鶴鍛其翮不復飛視有懊喪意後養令翮成致使飛去間與何驃騎期當為合八閔齋以十月二十二日集同意者在吳縣土山墓下三日清晨為齋始道士白衣凡二十四人清和肅穆莫不靜暢至四日朝會衆賢各去既樂野室之寂又有掘藥之懷遂便獨往諒天爵以不加為貴誠逸祿以靡須為足有道林集為釋門絕秀矣

智積菩薩當東晉末自西土來開山於靈巖寺初立伽藍泗州僧伽持鉢江南至常之無錫聞智積在蘇

州即日曰彼處已有人矣由此名遂顯有一貧婦慕其行嘗持角黍為供智積受之姬因得度至今上巳日號智積誕辰每聚數十百姬為角黍會法惜西域人晉義熙中至中夏與慧遠法師結社廬山已而來蘇念佛三昧化導有情蘇人翕然歸之為建淨壽院居之

隋

智琰字明璨郡人姓朱氏梁散騎侍郎獻之孫幼事通玄瓊法師授典過目輒成誦長遊都下與清安禪師齊名陳亡歸虎丘憑岩面壑者三十載澗飲藿食

人物志卷三

世味泊如隋尚書令楊素左僕射蘇威皆嘗駐節山中接其緒論煬帝鎮維揚具幣招致琰恐重累使者為之一起及見辭以疾竟不為用卒空武丘東寺

梁

僧林吳人有道行大同中入蜀居潼州豆圖山禪默累日見巨蟒於前舉首如有叩者林為授三歸自爾蟒不為害涪水之陽素無猿林至有二猿度水來依林栖林去猿復涸還又嘗露坐赤水岩虎前伏聽林說法久乃去

惟靖吳人年三十許入國寧寺禮闍黎大德慧政受

天台教嘗侵星越林寺晨粥而多虎豹隨到寺門
虎跪地若伺候靖一復隨遲明巨跡極多靖恐人知
以鋤滅虎跡俄道散背困睡有鳩鳥糞瘡所未幾全
愈又虞冰雪置秬地窖中日以銚合菜煮食過期米
常滿不耗靖乃築之而云吾被此物知非理也卒時
年七十餘

慧嚮吳興人姓懷氏梁天監中後居虎丘不得甘泉
乃俯地側聽得泉曰虎跑泉是也駐錫馬鞍山謀建
塔廟坐於山脇石室間有二虎為侍方運籌思俄有
神人謂曰願施千工以成是夜風雷震吼林木號怒

人物志卷三

三

但聞樸斲聲明日竒石轟然廣階駢城截如也延袤
十七丈高十二丈蓋山王之役神工耳事聞武帝為
造寺名慧聚今山中尚存石像於室中扣之鏗然有
聲呼為嚮大師

醯醢尊者一作憨憨未詳何許人其在虎丘卓錫得
泉名憨憨泉復在寶華寺亦以是名

岩

義師不知何許人狀如風狂貞元中巡行吳苑乞食
忽於民肆運斤壞屋簷十餘間其民禁之不得人知
其神禮曰弟子活計賴此頤曰爾惜之邪擲斤於地

而去是夜市中火惟所經壞者獨存嘗止一廢寺殿
中冬夏積火壞幡木像悉燔之好活燒鯉魚不待熟
而食垢面不洗洗輒兩吳人以為兩侯將死飲灰汁
數斛乃念佛而坐不復飲食人聚觀之七日方逝盛
暑色不變支亦不摧

續空本齊君房也苦貧動學為凍餒所驅元和初游
錢唐至孤山寺西飢甚不能前俄有胡僧顧君房笑
曰法師諳旅况否君房曰何哉僧曰子不憶法華經
于洛中同德寺乎應為飢火所惱不暇憶前事探鉢
囊出一棗大如拳曰此吾國所產食之知過去未來

人物志卷三

四

事君房食訖甚渴掬泉水飲之急欠伸枕石而寢有
頃乃寤思講經于同德寺如昨日焉遂落髮

鑒師元和初郡人馮生調選長安有老僧自稱鑒師
詣生曰汝吾甥也相與往來歲餘馮得東越尉鑒師
負笈告去曰我廬於靈岩寺之西廡久矣游長安忽
十年幸與君相遇今將歸故來告別然君尉越道出
靈岩寺當一訪我後馮生詣寺詢之曰鑒師安在寺
僧曰吾寺中無名鑒者生始疑異謂彼信士豈欺我
至西廡下乃有群僧畫像其一狀類馮視其題云馮
氏子吳郡人年十歲學浮屠氏法以道行聞

印宗精涅槃經咸亨中詔至京師居大敬愛寺辭往
新春謁忍師遂至廣州遇六祖能大師盡悟方外之
旨着心要集行世

元遂南禪寺千佛堂轉輪藏成緇白徒聚謀曰功德
如是誰其尸之宜請有福智僧越之妙喜寺長老元
遂禪師為之主僉曰然遂既來教行如流僧過如婦
供施連颺隨日而集師又日與苾芻衆升堂焚香合
十指禮千佛然後啓藏發函鳴犍椎唱伽陀授持讀
誦十二部經聲洋洋充滿上下遠近有情識者法
音所及無不蒙福法力所攝鮮不歸心信有以表旌

人物志卷三

五

覺路指轄法輪矣

齊翰開元中住武丘道性淵默心不關事與皎然甚
契

智聚住武丘東山胤法師弟子至德二年奏勅太極
殿進講金光明經天子嘉禮歸卧舊山開皇間璽書
勞問卒窆山南虞世南為文

法恭吳人為智聚弟子居武丘為道者貴其精力

瑗字辯空嘗披一衲不計寒飢勤行精進嘗撰武丘

僧苑一卷注郁子二卷文集三卷

文暢師吳人韓文公有送北游詩

元達上人年踰八十好種藥有藥園在重玄寺其品
多致自天台四明包山句曲叢萃紛糝各有指名皮
日休嘗為賦詩

貫休婺人居萬壽寺禪月閣因稱禪月大師有詩名
禪月集梓行于世又善畫古佛嘗自夢得十五羅漢
梵相缺其一有告者曰師之相乃是遂為臨水圖以
足之其畫本猶傳

書字皎然工詩嘗謁韋蘇州乃善思作古體十篇為
贄韋殊不稱賞畫為之失望明日寫舊製復謁韋吟
諷不釋手云師幾失聲名不以所工見投而猥希老

人物志卷三

六

夫之意人各有所得非卒能致盡服其精鑿

五代

後唐廬山僧紹宗郡人性朴野不群流俗江南李國
主造寺居之又躬入山請謁甚加禮重

漢清化師全付崑山人隨父賈販至豫章聞禪會之
盛求出家學成自仰山還故國錢忠獻王賜以紫方
袍不受改號純一法師開運中坐亡有大風震林木
焉

紹明律師慧聚寺僧居半山彌勒閣一夕夢有神人
曰簷前古桐下有石天王像與銅鐘詰旦掘其地果

獲之今尚龕置壁間形製甚古有詠之曰一旦石像
欲發現先垂景夢鳴高岡常熟破山恩高僧學於紹

明

遇賢郡人林氏子出家東禪寺性嗜酒人稱為林酒
仙其貌惟偉口可容兩拳手垂過膝日行路中嘗持
一錢槌見瓦甕輒碎之人問其故答曰世路不平闔
郡酒家得其飲酒獲利十倍有一酒肆奉之甚謹其
將示寐至其家曰吾日飲汝酒未能酬直今以相報
耳乃大吐石曰中囑以紙封閉三日啓視之則已結

人物志卷三

七

如鷄子未幾疫痢大行人服其一七則瘥酒家因以
致富祥符五年年八十八而化其骨尚塑于像存寺
中遇賢喜作詩時有警語張丞相即之手書刻于歷
陽尤能前知人禍福言無不驗郡守梅詢贈之以詩
曰出入常携一古藤三衣愈重貌稜稜紅塵酒滿何
曾醉知是僧中第幾僧郡中嘗有虎為患遇賢騎虎
出城去其患遂息又嘗渡江遇風舟將覆解袈裟為
帆風濤即止其神異如此
道川本崑山縣弓手以勇力名方被差捕宿一廟中
忽有所得竟投山西東齋出家過游江湖道遇虎不

為動虎亦馴伏一日大書云我有一條鐵柳標縱橫
妙用無人識臨行撥轉上頭關轟起一聲春霹靂危

坐化去有注金剛經

蝦子和尚宋承平時好食活蝦巧于市得錢即買貯
之袖中且行且食或有隨其所往視之即出哇于水
羣蝦皆游而去
毛僧日遊聚落飲啖無所擇輕薄子多狎玩之貴勢
要之不諳忽謂人曰吾死矣乃危坐誦偈曰毛僧毛
僧事事不能死了燒却恰似不曾言畢而化

人物志卷三

八

法全崑山陳氏子棄家從道川叅請勤至一日行靜
濟殿偶撞其首于柱間忽然大悟旁人見其光彩飛
動自此遍走山林道價日增後任吳興道場山
譚三命承天寺僧好食活鷄精於陰陽之術吉凶多
驗人欲其卜葬則以數十活鷄隨之聞其聲咿然食
之愈喜後焚有五色舍利自舌本湧出
宗本承天福昌院飯頭飯熟必禮拜然後供僧一日
忽悟恣談皆經中語見道甚明人有飯僧者必告曰
汝先養父母次辦官租如欲供僧以有餘及之徒衆
在此豈無望檀那之施須先為其大者率以是勸人
仁宗嘗召見賜金欄衣加圓照禪師歸山其先至

師時有貴戚試以娼女薦寢登榻鼻息如雷娼為舛
若光所燦一夕不寐明日焚香禮拜云得見古佛

希辦常熟寶嚴院僧吳越錢王之子太平興國中隨

王入覲見于滋福殿賜紫方袍號慧明大師尋歸故

剎賜金造七級浮屠淳化三年御書急就章道遙詠

秘藏銓聖惠太平方凡一百四十三卷以旌之

道元住永安禪院祥符中嘗進所纂佛祖近代代禪

語為禪錄三十卷詔翰林學士楊億等刊定刻板宣

布

道欽崑山圓明村朱氏子授業景德寺游歷叢林遇

人物志卷三

九

一道者語之曰汝乘流而行途徑即止欽至臨安見

東北一山秀出樵子曰此徑山也欽遂居之為開山

第一代禪宗嘗召至內庭賜號國一禪師今薦嚴寺

有羅漢橋蓋指國一云

淨梵嘉禾人十歲祝髮勝果寺元祐初住蘇之北禪

寺講法華經懺感通普賢受羯摩法呼淨梵比丘長

洲令王彥為記其事卒葬橫塘般若院

法遠鄭圃田人出于王氏年十九游并州從嵩禪師

受具足戒再歷諸方遂來住天平山擬班固九流作

九帶叙佛祖教義博采先德撰語參同印正學者傳

之歐陽文忠公一日造其室因與客棊遠坐其傍文

忠請棊說法有從前十九路迷悟幾多人之句文忠

嘉之所著有偈語妙密號紫石野人少與達觀頴公

輩游蜀屢更橫逆以智脫之衆謂其諳吏事又號遠

錄公詳見惠洪所為傳

法雲字普潤長洲彩雲里人六歲從師授法華經輒

能成誦後參南屏清辨得言下旨政和七年微猷閣

直學士應安道舉為松江大覺住持未幾以母老歸

養日以外典從事非閑會不出有注解金剛經心

疏鈔息陰集行世

人物志卷三

十

可觀字宜翁華亭戚氏子年十六具戒依南屏精微

師聞車溪聲振江浙負笈從之忽有悟乾道七年丞

相魏杞出鎮姑蘇請主北禪適當九日上座作偈云

甯中一寸灰已冷頭上千壘雪未消老步只宜平地

去不知何事又登高魏公歎賞及得所遺法語謝曰

當用拳拳斯道不敢孤負吾師有圓覺手鑑竹菴錄

行世

良玉字蘊之慧聚寺僧行甚高旁通文史琴奕因游

京師梅聖俞見而喜之以姓名聞于朝賜以紫衣仍

作詩送其東歸曰來衣茶褐袍婦變樵色服扁舟洞

庭去落日松江宿水烟晦琴徽山月上岩屋野童遙
相迎風景明椽榭後潛遁故山專以講經為務名所
居曰雨花堂

宗秀吳僧也范文正公為其序曰師生不血食七歲
持佛事隱于靈岩有年晚游名公之門未嘗及利天
聖中大丞相東平清河二公奏賜紫方號定惠大師
慈受禪師靖康中住靈岩學徒甚尊之所作偈頌有
文法嘗自贊云醜醜與毒藥萬味同一口美惡盡消
融是故名慈受時高峯和尚雖相去不遠絕不會面
因中秋賞月書一絕云靈岫高峯只尺間青松長伴

人物志卷三

十一

白雲開今宵共賞中秋月莫道山家不往還

清順尊者郡守魏公迎住虎丘乃啓禪派

英覺印政和間住虎丘宣德即何安中嘗為像贊

通法海覺印弟子子瞻與之游有書遺問

圓悟禪師說法虎丘張丞相浚嘗有祭禪師文稱其

發明正因起卓奇特真古佛語

彥偁虎中獵夫箭彥偁為拔之見破山寺記唐有懷

述常遠宋有彥偁晤恩世稱四高僧

紹隆舍山人師事圓悟得臨濟心妙大播東南住虎

丘居三年葬其山司農少卿徐林為塔銘

宗杲號妙喜思陵阜陵凡三賜號兩住徑山來上虎
丘紹興中嘗抗論和議頡頏胡公高宗上封事雖在
方外其亦不忘世云

淨雪庭嘗以詩僧自通於郡守守書其刺云詩僧馬
敢謁王侯淨續云大海終須納細流昨夜虎丘山上
望一輪明月照蘇州守為大喜

慧遠嗣法圓悟孝宗召見賜坐問如何是心遠正身
以手立曰只這是

慈悅隆興間海隅山僧初患水腫病有客自云姓回
以指爪劃其腹水漬腫消授以藥且云壽至八十五

人物志卷三

十二

後兩月又有客授呂真人像乃悟前所姓回者即真
人也

惠詮東吳詩僧也伴狂垢汙而詩絕清婉嘗書湖上

一山寺壁曰落日寒蟬鳴獨歸林下寺柴扉夜不掩

片月隨行屨唯聞犬吠聲又入青蘿去蘇子瞻愛而

和之曰唯聞烟外鐘不見烟中寺幽人夜又寢草露

濕芒屨惟應山頭月夜夜照來去詮以此詩知名

道潛亦詩僧有標致嘗自姑蘇過西湖經臨平作詩

云風蒲獵獵弄輕柔欲立蜻蜓不自由五月臨平山

下路藕花無數滿汀洲子瞻赴官錢唐得詩大稱賞

蘇移守東徐潛往訪之館于逍遙堂士大夫爭欲識面蘇饌客罷俱束紅粧擁隨之遣一妓前乞詩潛援筆而成曰寄語巫山窈窕娘好將魂夢惱襄王禪心已作沾泥絮不逐東風上下狂一坐大驚潛作詩法淵明有逼真處曰數聲樵笛蒼茫外何處江村人夜歸又曰隔村彷彿聞機杼知有人家住翠微時從蘇在黃州京師士大夫以書抵蘇曰聞公日與詩僧相從真東山勝游也蘇以書示潛誦前句曰此吾師十四字師號耳

仲殊字師利承天寺僧初為士人預鄉荐妻以藥毒

人物卷三

十三

之遂削髮為僧時時食蜜以解毒藥子瞻與之往還甚善號之曰蜜殊工於詩詞有寶月集當時有詆其所作多艷體

有規為人坦率其徒謂之規方外能詩言論洒落時年七十矣臨終前有詩曰讀書已覺眉頭重就枕方欣骨節和睡起不知天早晚西窓殘日已無多葉左丞為稱之

冲邈居崑山翠微年八十八好為詩所著有翠微集有評其詩云聖宋吟哦有九僧詩成往往比陽春翠微閣上今朝見格老詞清又一人

則之彞老嘉定外岳楊氏子禪學有十玄談參同契詩有禪外集俱行世嘗作早梅詩云數萼初含雪孤清畫本難有香終是別雖瘦亦勝寒橫笛和愁聽斜枝倚病看朔風如解意容易莫吹殘又雪霽觀梅云荒園晚景歛寒烟數朵清新破雪邊幽艷有誰能畫得冷寒無主賴詩傳看來最畏前村笛折去難逢野渡船向晚十分終更好靜兼江月澹娟娟

法貝蘊常法平俱吳人能詩具有絕句云鶴鳴九臯秋夜永紙帳芙蓉卧燈影九州之外更九州誰解摩心發深省常詠石首蒲詩云細水圍碁石纖纖手自

人物卷三

十四

移幾年離雁蕩萬里到天池平登北固樓詩云不負南徐眼來看北固雲金焦兩山小吳越一江分皆有唐風致蓋勝流也

定欽蘇州定惠院僧蘇公謫惠州嘗擬寒山十頌使其徒卓契順往惠州寄慰安否蘇得詩甚嘉之有曰語有璨忍之通而詞無島可之寒為和八首初契順涉江度嶺徒行露宿僮仆瘴霧薰面重足為其師持書至惠且曰惠州不在天上行即到耳投書徑還公問其所求答曰契順惟無所求故來惠州若有求者當走都下矣吾問不已乃曰昔蔡明遠鄱陽一校耳

顏魯公絕糧江淮間明遠載米周之魯公憐其意遺以尺書天下至今知有明遠今契順雖非明遠然區區萬里之勤儉可援魯公例得數字乎公遂為書淵明歸去來辭以遺之今定慧刻石存焉

贊寧吳僧博物稱于時柳如京徐騎省與之游或就質問難事揚文公殿陽公亦皆知名嘗采經傳物類相感者為書十卷又撰筭譜二卷時有安鴻漸好嘲謔遇贊寧與數僧偕行指而言曰鄭都官不愛之徒時時作隊贊寧即應聲曰秦始皇未坑之輩徃徃成群其敏捷如此

人物志卷十三

十五

繼肇法能俱吳人肇工畫山水與巨然同時能工畫羅漢

普現字無隱西隱寺僧臨終有偈云五蘊色空皆是幻空華世界本非真西方淨土華池上別有無為清淨身

子芳字春谷法昌寺僧雲遊四十年不返叅學天目山又十年乃歸謂其徒衆曰吾化緣盡矣索筆書偈云負荷犁鋤歲無力強呻吟一聲掣動鼻頭索萬水萬山何處尋

清珙常熟人叅學及菴和尚得其指的居霞霧山三

十餘年樵蘇之役躬自為之有古德之風禪餘喜作詩有山居吟并有語錄

永珍字季潛臨川人十三祝髮為僧入徑山叅範無準禪師入太白叅痴絕冲滅翁辭歸過雪川舟覆墮忽有悟見石溪石溪曰汝來矣使侍左右其宗出揚岐會禪師者也嘗來憩虎丘又住常熟能仁嚴勁卓立風采振厲聞于四方至元間有旨移住平江萬壽後築室葺門外以待叅學者署曰天隱菴大德庚子留偈化去火之得舍利并其骨塔于吳虞文靖公實為之銘

人物志卷十三

十六

德正徐兢之兄登科為平江教官棄去為僧能畫山水人物種種清絕專師龍眠

文了善烹茶每盞旋謂之攪和事畢方始入湯花栗如沸嘗游荆南高保勉白于李興延置紫雲菴日試其藝保勉父子呼為湯神奏授宣華定水大師元

餘澤字天泉郡人陸氏子學天台氏教辭鋒辨博音吐如鍾大德十一年出世吳之永定遷北禪尋奉召住杭之下竺會朝廷勸金書藏經居京師於翰林諸老往來倡和方萬里於吾衍座上見其詩豪放愛而

摘奇句為長春集序而歸之後門人編次平日所作為兩華別集虞伯生為序

圓至字天隱年十九出家依仰山慧即大師為浮屠有文名所著筠溪牧潛集方回為序又注周伯弼三

體唐詩晚智磧砂寺

良琦字元璞出家天平寺號龍門老樵有詩名與楊

廉夫鄭明德諸名勝倡和其詩多見顧王山草堂雅

集中

衍道原石湖人工詩尤善書至正初主嘉禾德藏寺才辨聞望傾于一時有碧山集危太僕為其序

人物志卷三

十七

妙聲字九臯吳縣橫金人出家郡城景德寺授業于

天泉學文于道原年十九以詩謁袁伯長學士各之

詩有云天機不受梁燕語逸興直與江鷗親甚見引

重有東臯錄刻于寺中洪武辛亥被召赴闕顧問稱

旨賜金還山

椿大年吳中巨族沈大傳八葉孫早以詩名叢林中

遊錢塘南北兩峯與南屏報上人賦詠爭奇勝見顧

玉山草堂雅集

普明嗣法徑山晦機熙公後住承天寺以畫蘭與柏

子庭齊名

慶聞字無逸吳僧嘗箋注范成大田園雜興六十首方回鄭國為前後序仇遠顧逢又為賦詩蓋重其訓詁之學也刻梓行世

善住字無住精於詩有谷響集仇遠白珽為序仇稱其五言似隨州七言似丁卯絕句似樊川古詩出韋

陶諸作

明無照虎丘詩僧有卧雲橋無住作序

南楚悅禪師虎嵩伏公法嗣至元初自廬山開先來

主承天寺僅以衣被坐具一布囊自隨寺燬任起廢

之責功成遷徑山未幾退處郡中

人物志卷三

十六

清欲臨海人幼入徑山師禮虎嵩間謁古林茂公茂

云雖是後生却堪雕琢至正間主席靈岩入院上堂

云石門巖險錢闕牢舉自分明萬仞高四十年中重

到此始終不隔一絲毫

自厚字子原吳縣人從學靈隱東嶼師歷住穹窿秀

峰諸名山其弟子中行深於禪觀之學嘗居壽岩菴

時苦旱山石不可穿并夜夢神人告分七寶泉一脉

來覺視其處泉果涌出因號夢泉禪師

維則字天如俗姓譚氏吉之永新人得法於普應國

師中峰本公時倡道天目山之師子巖惟則退處松

江九峯者十二年道價日振至正二年門人相率買地築室以居名曰師子林蓋以識其授受之原也帝師法旨以菩提正宗寺額兼以佛心普濟文慧大辯禪師之號金闡僧伽梨衣自中峯以來臨濟一宗化機局段為之一變故多論達有楞嚴會解若干卷語錄別錄利語又若干卷皆刻林中

悅可字中庭嘉定人受具於了堂禪師後即西隱寺築十六觀堂以脩淨業元統間錫號慈光齊照佛日廣惠大師至正甲午坐化

了通智林寺僧也嘗晝寢寺僧呼之覺曰通州火吾

人物志卷三十一

十九

適揀之明日人渡江云狼山寺火有僧於烈焰噴酒

滅之火有酒氣狼山人來謝了通衣尤焦灼

衣和菴主崑山人隱居雪竇畜二虎恒跨之以遊後

徙二靈終焉初雪竇妙高峯在千丈巖頭有藤一枝

蜿蜒其上下臨不測乃蟠結成龕因名栖雲大德丁

未燬于盜更二十年不克復虎乳其墟而為害咸謂

菴復而和祠則虎禍返息至元丙子復其菴肖其像

於是二虎前伏餐慈飲和屈猛從仁不為害和師在

日有四偈詠藤龕

國朝

隆菩薩姓施氏尹山寺僧也洪武壬申四方沙彌給牒京師老三千人悉籍為軍時旱方禱雨隆因乞焚身以代之至兩華臺望闕再拜取辦香取風調雨順四字語中使曰為我奏之既焚雨即大澍上喜曰此真永隆雨也製落魄僧詩以彰之

蔚萬峯温州樂清縣金氏子十九參中峯法嗣長干巖于義烏山中千岩奇之乃盡得其傳而歸久之行錫至吳登玄墓山掘地得石上有鄧尉峯字蓋玄墓山一名鄧尉與其名適同蔚亦知緣在浙西乃即山建大伽藍三十餘年道風遍布如谷應聲恭學之士

人物志卷三十一

二十

駢集座下洪武辛酉有召起之蔚預知即以衣法付諸弟子結跏趺坐而說偈曰七十九年一味扯田縣崖撒手果日當天語畢而逝使至則蔚示寂已七日矣停龕十三日肢體猶溫門人奉其身塔于院之西

同

覺曇嘉定人祝髮于崇明慈濟寺平生茹素未嘗妄語言未來事歷歷有驗或卧于榻或有見其行于市者以此皆稱覺菩薩成化十七年五月五日跣足坐于龕頃之化去月餘面如生肢體溫軟其身至今不朽舉之若空衣焉

智及字以中吳縣人海雲院為行童王都中見而異之俾祝髮受具遂走違業從廣智新公學文同袍者呵曰子才俊爽若此不思負荷大法甘作詩騷奴僕乎無盡燈偈所謂黃葉飄飄者不知作何見解噤不能答即歸海雲目不交睫者逾月忽見秋葉墜庭豁然有省入徑山謁寂照端公勘辨之頃隨機而答端以法器期之悉取三乘十二分教溫澤之宗通說貫漑漑如懸河諸老無出其右洪武初應 詔居天界以病還海雲卒宋景瀛為著塔銘所著有四會語錄若干卷

人物卷十二

廿一

明空山福興寺僧始居功德寺有禪行被 太宗文皇帝眷齊欲官之一日逃歸山中晦跡不出寺廢壞明以其力新之

常在初住崑山永懷寺繼主薦嚴承天洪武間住持京師鷄鳴寺召對稱旨改住育王卒葬薦嚴

寶曇和尚先世自汴入吳母生之夕夢有僧踵門適天目斷崖禪師示寐謂斷崖再世也襁褓中見僧輒喜笑見佛即禮拜常時疊足方起一時景從皆以和尚稱之隨方建立伽藍 洪武六年應召至京師賜膳慰勞令就居天界寺又久居蜀之峨眉因奏先居

吳門集雲妙隱大雲三阿練若乞今為一因勅號南禪集雲之額二十五年示寂于天禧寺上傷悼遣官諭祭飯僧三千茶毘會者萬人命其徒分遺骨歸葬于吳乃峨眉建塔焉

大祐字啓宗俗姓吳氏幼開悟聞誦楞嚴咒隨口成誦年十二出家寄心菴內外典一覽能通大義既壯為澤天泉司懺又之武林從及公恭禪洪武間 召與蔣山廣薦會遷郡之北禪歷僧錄司左右善世會內難棄歸穹窿永樂初起脩佛書凡括大般若義六伯卷及平生所著淨土指歸淨土真如禮文彌陀金

人物卷十二

廿二

劉二經真解天台授受圖法華撮要圖淨土解行二門圖

一清出家郡之能仁菴授業得岩行法師得賢首宗旨著華嚴圓覺楞嚴楞伽諸經論

文琇字南石崑山李氏子出家紹隆院得法虎丘行中禪師洪武初住郡之普門遷靈岩萬壽永樂間住徑山歸老松院有續傳燈錄四會錄

大彰字彥珪通內外學永樂初預纂心經金剛楞伽等註後終于南翔寺

道存字性中永樂初出世南翔起脩 大明三歲法

書書成住昆福寺卒與大彰同為嘉定人

道澄字心印長洲任氏子出家治平寺宣德中詔

授右覺義住持大功德奉勅校藏典于中禁年七

十三示寐賜祭葬治平方丈後

懷瑾字如珪嘉定人出家保寧寺嘗預脩永樂大典

環大章住南禪寺鄉人褚守行以金銀若干寓託而

守行坐事家破身死子德因成永平墳不遠三千里

負其物抵成所還之又有萬壽寺僧琇伯瑩者有杜

經歷以銀密寄其處杜既死訪其子還之

琳西玉江陰人至正乙未出游名山川會亂亟歸覲

人物志卷十二

廿三

寇數欲兵之告以故得免既聞父兄皆沒亂中餘母

在嫂以不辱溺井死琳乞食養母逾年而卒為葬善

地遂奔隱吳門血書華嚴經席帽山人王逢稱曰孝

僧贈之詩曰華嚴內典釋中尊書向吳臺獨樹村十

指滴枯遺體血一心追報二親恩

道衍字斯道長洲相城姚氏子出家妙智菴少從高

啓輩為詩聰敏過人啓極稱之所著有逃虛子集洪

武間以高僧召太宗舉義衍以輔翼功進秩太子

少師卒謚恭靖

溥洽字南洲陸姓山陰人洪武間住北禪後應召起

為僧錄司右講經尋陞右善世時衍斯道主教事洽

以左遜衍而自居右衍進住少師將化前夕太宗親

臨視問所欲言惟以洽在患難為對而不及它事洽

嘗為金剛經注解并有詩集行世

萬金字西白寶積寺僧洪武中住天界與泐季潭等

奉詔注楞伽金剛心經平生作詩有淡泊齋稿

明心覺源治平寺僧住虎丘有宜晚堂詩集

道岩字魯瞻崑山姜氏子在元出家抗之中竺洪武

庚戌詔為天界書記有詩刻梓名玉峯集

訥無言崑山福嚴寺僧能詩有如幻集

人物志卷十三

廿四

虞畧字道權吳人從聲九臯習天台教觀不樂於名

相乃逃於禪遂參徑山愚菴及心俾掌歲鑰秩解退

歸

故山洪武六年出世住吳之延慶次住寶華後歷揚

州府僧綱司都綱兼住天宮所著松月集行世其格

韻高遠絕肖唐人

至仁字行中嘗記黃州蘇公祠堂虞文靖公稱之洪

武初住虎丘有澹居稿

論曰道經之作著自西周釋典之來始于東漢老氏

教俗為本釋氏出世為宗佛是破惡之方道是興善

之術或和光以明近或耀靈以示遠年踰八百代
數十如舟車均于致遠而有川陸之節若謂其致既
均其法可換者車可涉川舟可行陸乎昔人謂孔老
釋迦其人或同觀方設教其道必異信矣崇釋氏者
曰佛日也道月也儒五星也崇道家者有夷夏之別
至謂呂望盜陳恒之齊劉季竊王莽之漢二法之辯
人自楚越鴻常一耳若曰法軫既殊其歸亦異即二
法之中尚多岐焉高玄皇人之流天真道士一也尹
軌之例神仙道士二也巢許之比山居道士三也宋
倫彭謙之匹出家道士四也黃瓊錢鏗之倫在家道

人物志卷三

廿五

士五也沙門有三坐禪為上輩誦經為中輩助眾為
下輩寧特王老濫在釋前而已哉抱朴子曰求仙者
要當以忠孝和順仁信為本若德不脩而但務方術
不得長生也佛言人事天地鬼神不如孝其二親二
親最神也豈惟飛鴻常一實三氏同人矣故在名則
反在實則合第東華西夷魚鳥異川另列為方外云
勾吳之神定神異法術詩藻往往殊科其尤著者群
石首冑于道生僊禽成翮于支道林授三歸于巨鱗
縉得甘泉于虎跑習瑛齊清安之名印宗悟方外之
旨才如貫休皎然藝如法能繼肇不但沙門三輩而

已
贊曰鴿王師子白馬青駕銀流寶殿金構松園曇花
乍兩貝葉初翻法鼓所振清梵無喧終超九劫始出
四門如是往返五十九番將成法器各持一旛山谷
不響樹子無根雲生碧嶂月落寒源

吳中人物志卷之十二

人物志卷三

廿六

吳中人物志卷之十三

長洲張景春甫輯

曾孫獻翼論贊

藝術

春秋

區冶子吳人善鑄劍一曰純鈎二曰湛盧三曰豪曹四曰魚腸五曰巨闕秦客薛燭善相劍越王取豪曹巨闕魚腸示之薛曰非寶劍也取純鈎示之薛曰光乎如芙蓉始生取湛盧示之曰善哉允常以湛盧獻吳公子光弒吳王僚湛盧乃去

人物志卷十三

吳

吳泰能筮會稽盧氏失博山香爐使筮之泰曰此質雖為金其象實山有樹非林有孔非泉闔閭晨興見發青烟此香爐也語其處得之

姚光有火術吳王身臨試之積荻數千束使光坐其上又以荻裹之因猛風而燔荻盡光端坐灰中振衣而起把書一卷吳王視其書不能解也

三國

皇象字休明廣陵江東人工書羊欣撰能書人名稱其書沉着痛快

曹弗興以畫名冠當時時有八絕弗興預焉孫權命畫屏誤墨成蠅權以手彈之又嘗見溪中赤龍駕以獻孫皓至宋阜嘆取置水傍應時雨足南齊謝赫謂弗興之迹去吳未遠殆不可見祕閣之內獨有所畫龍頭况後南齊數百歲耶

嚴武字子卿吳人衛尉駿再從子也圍碁莫與為輩趙達河南人少從漢侍中單甫學九宮一筭之術能應機立成問對若神至計飛蝗射無不中或難曰飛者固不可按此殆妄耳達使其人取小豆數斗播之席上立知其數嘗過故知為之具食且曰倉卒乏酒

人物志卷十三

又無嘉肴達取盤中隻箸再三縱橫之乃言卿東壁下有美酒一斛鹿肉三斤何以辭無酒肴主者嘆曰以卿善射特相試耳又有書簡上作千萬數著空倉中封之令達筭之達云其數有名無實其精微如此吳主孫權謂其術祕而不出會其死乃發棺竟無所得

吳範字文則會稽上虞人治曆數知名孫權起于東南範委身事之每有灾祥輒推數言多效權在吳欲討黃祖範曰今茲少利不如明年俟軍出行因詣船賃催兵急行至即破祖祖方亡範曰未遠必生擒祖

果得之權以範為騎都尉領太史令數從訪問欲知其訣範祕惜其術初權為將軍時範言亥子之間有大福慶權曰若終如言以君為侯及立為吳王範時侍宴曰昔在吳中嘗有盟言大王識之耶權曰有之因呼左右以侯綬授範範知權欲以厭當前言輒不受及後論功行賞封為都亭侯範為人剛直素與魏勝同邑相善勝嘗有罪範訴權至叩頭流血權意釋得免

王蕃吳中常侍廬江人善數術傳劉武乾象曆依其法而制儀立論考度有說

人物志卷十三

三

葛衡字思直明達天官能為機巧作渾天使地居于中以機動之天轉而地止以上應晷度

朱景瓌筭術精妙設肆盤門驛貞明中廣陵王錢元璩鎮吳景瓌上書云到仕當三十年安寧元璩命燭焚之謂其說尚遠未之敬也至天福庚子辛丑忽記其事召景瓌問之曰筭數盡矣及期薨

顏規本吳郡玉工廣陵王嘗召術士朱景瓌問筭術遁甲事規適解王便廳熟聞其說他日質於景瓌遂精其術忠獻王嘗欲享廟規上書言翌日利五鼓之前如寅時則杜門在南不可出入不聽果寅時王車

出南門鑰以鑰壞久不能啓遂破鑰而出由是知其神驗王遂以為軍師

孤城鄭姬能相人與吳範鄭達輩號稱八絕

張弘字敬禮郡人善篆隸飛白書妙絕當世人稱其飄若游雲激如飛電有飛仙舞鶴之態常戴烏巾時號張烏巾歐陽詢謂張烏巾飛白論入妙品小篆亦入能品

張彭祖郡人善隸書王右軍每見其繡牘輒存而玩之

人物志卷十三

四

沈嘉字長茂吳郡人官至吳興太守善草書賦云長茂草勢既捷而疎慕王不及獨斷所如猶鷲鳥擊搏而失中因躓蹙於古墟

顧寶光郡人吳郡太守琛之子大明中為尚書水部郎歷官司徒右曹掾書宗高帝行書卓越多奇楮胤郡人年七歲善棊及長冠絕當代父榮期與臧賢同逆胤從誅何尚之謂胤奕棊之妙冠古今因父受戮時痛惜之

陸探微吳人善畫事明帝平生多愛寫古聖賢像謂

一第丁一 升黃多日 2 三三

畫有六法探微得其妙二子綏洪綏爾得家學亦工
惜不傳唐張彥遠謂體運道舉風力頓挫一點一拂
動筆新奇固自不凡

梁

范懷約郡人官至東宮侍書其書任已作制無大過
人武帝謂其真書有力行草無功

顏協字子和郡人學書于懷約藝過其師荆楚碑碣
多協所書官至湘東王記室

張僧繇吳人嘗于江陵天皇寺柏堂作廬舍佛像及
仲尼十哲明帝怪問釋寺畫孔聖僧繇曰後當賴此

人物志卷十三

五

及廢浮屠氏獨此殿有聖像得不毀又嘗于金陵安
樂寺畫四龍不點睛云點之即飛去人以為誕固請
點之須臾雷電破柱二龍乘雲去未點睛者尚存寺
中又畫天竺二胡僧侯景亂析而為二一為唐右常
侍陸堅所寶堅疾夢胡僧來告云我有同侶在洛陽
李氏若求合之當以法力助君陸遂往求之劉長卿
記其事潤州興國寺苦鳩鵲栖梁上穢汗尊像僧繇
於東壁畫一鷹西壁畫一鷄皆側首向簷外鳩鵲不
敢復入其畫品神妙如此

朱異字彥和吳郡人居貧以傭書自業寫畢便誦涉

獵文史通雜藝博奕書笑尤善草書

顧光寶郡人時建康陸溉病瘡不瘳光寶詣溉命筆
圖一獅子於戶外云旦夕當有驗至夜聞窸窣之聲
明日視之獅子口血淋漓瘡遂愈人以為神異

齊

褚思莊以善奕名世琅琊王抗第一品思莊與會稽
夏赤松第二品夏思連善於大行思莊思遲巧於圍
宋文帝時羊玄保為會稽帝遣思莊與玄保戲因製
局還於帝前覆之齊高帝使思莊與王抗對奕自食
時至暮一局始竟上倦遣還省至五更方決抗睡於

人物志卷十三

六

局後思莊達旦不寐思莊所以品第致高緣其用思
深久人不能當二人並官給事中

唐

陸柬之吳人官至朝散大夫守太子司諫即虞世南
之甥學書舅氏晚擅出藍之譽米氏書史載柬之書
頭陀寺碑內空山字蓋其父名山才臨書遷避耳
陸彥遠父柬之傳父書法以授甥張旭

張旭字伯高蘇州人官至左率府長史工草書初為
常熟尉時有老人持牒求判信宿又來旭怒老人曰
愛公墨妙欲家歲耳因復出其父書旭視之謂天下

奇筆也自是盡其法旭嗜酒大醉叫呼狂走乃下筆嘗以髮濡墨作大字既醒自以為神自言初見擔夫爭道又聞鼓吹而知筆意及觀公孫大娘舞劍然後得其神其名本以顛草而至於小楷行書其草字雖奇怪百出而求其源流無一點畫不合規矩者所謂顛張不顛也

史惟則字天問工八分飛白二篆在唐以八分名家者四人曰韓擇木蔡有鄰李潮與惟則也歷翰林學士卒葬吳城下同時有史懷則其書不減惟則初不見稱豈其位不顯耶蓋惟則昆季間也

人物志卷十三

七

張從申祕書省正字有書名嘗書李含光碑李陽冰題世謂從申書遠近稱善獨步江外兄從師弟從儀從約

孫過庭字虔禮郡人官至率府錄事參軍工書嘗著書譜行于世子翔亦能書

張璪一作藻字文通吳郡人官至祠部員外郎善山水

松石嘗撰繪境一篇言畫之要訣畢宏見而異之璪嘗手操雙管一為生枝一為枯枿而四時之行遂驅筆得之故一時號為神品

朱審吳郡人得山水之妙亦能人物竹木

顧生吳士大曆中人以畫游諸侯之門每畫先貼綉數十幅於地乃持墨汁及調諸彩色各貯一器使人吹角擊鼓百人齊聲噉叫顧生著錦襖錦纏頭飲酒半酣統綉貼走十餘匝取墨汁攤寫綉上次寫諸色乃以長巾一頭覆於所寫之處使人坐壓已執巾角而曳之迴環既遍然後以筆墨隨勢開決為峯巒鳥嶼之狀夫畫雅淡之事顧生瞑目鼓噪有戰之象其畫之妙者乎

石荆山吳人善琴為獨孤台州所知召與之游荆山於琴博而熟故重之荆山每操嘗以十合小豆為準

人物志卷十三

八

畫一升而移品

姚蕪濟得石荆山之傳在揚州逢異人授以琴操撫之聲果奇蕪濟固求學焉異人乃授之以清風景雲等五調世所傳廣陵散之遺音也

趙師吳人貞觀中善琴嘗云吳聲清婉若長江廣流綿綿徐徐國士之風今樂府有吳音子夜世俗之樂也

席謙郡人梓州肅明觀道士善碁杜甫詩云席謙不見近彈碁

楊惠之初與吳道子同師學畫見道子藝成惠之恥

為更為塑工為天下第一手故中原多其塑山亦
崑山慧聚寺有毘沙門天王像惠之所塑形模如生
其傍二侍女尤佳徐稚山嘗紀其事謂此像得塑工
三昧具戒後人不可妄加脩飾後果為一俗工脩治
遂失初意

紀朋者吳人也見明皇雜錄云嘗授祕訣于隱士周
廣觀人顏色便知人深淺言之精詳不待候診

周廣嘗得紀用之學開元中召至京師有宮人每日
晏則笑歌啼號若狂疾而足不能及地廣曰此必因
食飽促力復仆於地而然飲以雲母湯令熟寐寐覺

人物志卷三

九

失所苦問之乃言太華公主載誕三日宮中大陳歌
吹此宮人主謳欲其聲清嘗食狔蹄美遂飽當選歌
大曲曲罷覺胸中甚憤戲於砌臺乘高而下未及半
復為後來者所激因仆地比蘇即病狂自是足不能
及地又有黃門自交廣使回拜舞殿下廣曰此人腹
中有蛟龍明當產一子即不可活矣上驚問黃門有
疾否對曰臣馳馬大庾嶺大熱而渴飲於路傍野水
今腹中堅痞如石廣以消石雄黃煮飲之吐出物數
寸其大如指鱗甲備具投之水俄頃數尺遽以吾酒
沃之復如故形上驚異之欲授以官爵固請還吳中

水部員外郎劉復為廣作傳叙述甚備

五代

羅塞翁隱之子為吳中從事善畫羊精妙卓絕

滕昌祐字勝華吳人後遊蜀以文學從事初不婚宦
志尚高潔脫略時態工畫花鳥蟬蝶折枝生菜傳彩
鮮澤宛有生意尤長於畫鵝蓋其觀動植而形於筆
端未嘗專於師資也

宋

朱億字正平長文之祖邃於琴家有古琴池中書曰
上元瀆題曰玉磬上元唐肅宗紀年長文著琴史而

人物志卷三

十

書王磬事

毛松峴山人善畫花鳥四時之景子益乾道間畫院
待詔益子允昇景定中畫院待詔皆工花鳥能世家
學

單邦顯吳郡人學千里希遠畫林木山水不及惟花
卉蜂蝶粗可髣髴

李珣吳人善律曆之學紹聖二年曾肇為滁州守命
珣為漏壺以順晝夜一郡則之

老戴忘其名吳郡崑山人亦學二趙林木山水追蹤
大亨衛松花卉謬甚與邦顯相反

畢生文簡公諸孫寓居吳郡工牡丹甚有生意其婿姚亨能傳其業

李成吳人五代末以畫知名宋初衛融知陳州聞其名召之挈家而往

朱象先字景初松陵人善畫馳名元符間子瞻跋其畫有云能文而不求舉善畫而不求售文以達吾心畫以達吾意而已以其不求售也故得之自然

何充秀才姑蘇人能寫貌擅藝東南子瞻嘗贈詩云問君何苦寫我真君言好之聊自適

馮大有文簡公族孫寓家吳門專畫蓮荷精巧入格

人物志卷三十一

十一

趙伯驥字希遠千里弟嘗畫姑蘇天慶觀樣進呈孝宗仕至觀察使卒葬吳縣觀音山周益公為神道碑子師墨官至八座

僧妙應俗姓董氏妙於刻石淳熙中居吳之龍興寺嘗模廬山翰湏菩提像於寺中其陰作天台五百尊者筆法奇古又於虎丘作石觀音像亦佳

張珙吳人妙於刊鏡趙竦為兩浙漕日以重定華夷圖方一尺有半其字如蠅頭體製精楷俾珙刊之凡三年而後成

袁遇昌吳之木瀆人善塑嬰兒每用泥搏埴一對約

高六七寸者價直三數十緡其衣襦襕積與夫齒唇眉髮至於腦頤按之骨骨括動遂昌死不傳其子此藝遂絕

祝庶幾郡人通象緯之學累赴不第景德中求試所習以為司天靈臺郎

胡舜申紹興間自績溪徙于吳通風土陰陽之術世所傳江西地里新法出於舜申嘗以術行四郭而相之以為蛇門不當塞作吳門忠告一篇范志備載其文

鄭君聘字應求精於相嘗見唐輝子明以手拊其腰

人物志卷三十一

十二

曰異日金琅璫又見顏仲謙謂其地行居官必尚猛然可銀琅璫耳衆未以為然後仲謙守嚴陵頗有郢都之風子明躋法從其言皆驗

滕伯祥生慶元間為人樂善好義遇孤貧之不能婚嫁與喪葬者多為之舉鄉稱為滕佛子嘗出郭遇至人得小兒疳方因以為業今其子孫於吳中尤不替所傳國初尚書德懋之先也

沈良惠以醫仕宋由汴徙吳思陵賜書良惠二字吳人遂因以為稱而當時亡其名矣蓋著于醫者也入元泊本朝其家尤多以醫顯

呂彥直蘇州裱匠之子在三館為胥駙馬王洗留門下使雙勾書帖嘗摹黃庭一卷上用所刻勾德元圖書

嚴煥字子父常熟人登紹興第仕終朝奉大夫精於書學

林琰字稚圭長洲人與兄璞乾道中同舉進士琰善篆書

顏直之字方叔長洲人工小篆得秦詛楚文筆意嘗為參政樓鑰書攻媿齋榜鑰賦詩美之著集古篆韻二十卷直之氣貌豐碩善攝生以弓矢應格差監省

人物志卷十三

十三

倉巧祠主管仙都觀號樂閒居士子汝勛亦工篆

丁真一吳郡道士善製墨面云玄中子

王維清製墨面云淨名齋幕云姑蘇山人右二品米

元章家所造

元

李世英字伯英長洲人精于書學作韻類三十卷其彙集之義以字為本以音為幹以義訓為枝葉自一而二井井不紊凡十年而成書從子文仲又本說文作字鑑五篇辨證點畫刊除舛謬以備一家之言于文儒黃晉卿為之序

陸友字友仁博雅好古工漢隸八分書尤能鑒辨三代漢魏而下鍾鼎銘刻晉唐法書名蓋皆有精識嘗至都下虞奎章柯博士皆善其書言于上未及任用而歸居吳中扁所居曰志雅齋龔璠為銘美其能蓄古圖書而因致其學焉著硯史墨史嘗得衛青古玉印又著印史

錢遠字伯行父良佑以家學有書名遠嘗為江湘行省管勾架閣歷淮南行省員外郎國初選赴京師同太常議禮禮成發鳳陽居住尋歸復以事遣詣京卒繆貞字仲素善篆隸真行書虞山碑刻多貞手蹟尤嗜古凡三代漢唐器物悉能購藏嘗得宋內藏紹興丁巳邵諤所進述古圖圓硯因以述古名堂黃晉卿為之記子侃字叔正亦好文

人物志卷十三

十四

蔣冕字啓端工小篆從游周左丞伯溫之門顧信字善夫居太倉善筆札從趙文敏公游每得文敏書即鏡諸石寘一亭中扁曰墨妙文敏為其好學樂為之書嘗為杭州軍器局提舉

張遜字仲敏吳郡人畫竹勾勒法妙絕當世山水學巨然則不逮竹

顧遠吳人畫山水人物兼能寫貌

鄭禧字熙之郡人山水師董源用墨清潤可愛墨所禽鳥全法趙文敏公

朱玉字君璧崑山人時永嘉王振鵬界畫見稱玉從之游盡得其技至順壬午奉中宮教金圖歲經佛像引首以進方不盈矩曲盡其狀後清寧殿勅畫史圖其壁有以玉薦者而玉老矣所居有虹月樓會稽楊維禎為記

李立吳門人其畫法多倣小李將軍嘗為顧氏作玉山雅集圖行世

謝伯誠任陽人畫法超軼得董北苑之傳嘗作瀑布

人物志卷十三

十五

圖楊廉夫為品題之

顧安字定之廕授蘭溪巡檢以寫竹馳名嘗任泉州路判官

宋尹文字文壁父海道千戶尹文幼受知于左丞許師敬舉為翰林檢閱官學琴於秋山徐氏父子得其雅正之音大德間魯國長公主聞其名召至為奏胡笳曲稱賞賜金帛鄉晚精六壬遜甲之術多奇中

錢中字文則吳人讀書有通敏才雅善琴尤精祿命之說性狷介寄迹委巷不改其樂子紳字孟書

沈繼孫吳中槐市里人游荆楚遇異人授古墨法歸

以幣資讀書其有定直酬弗當輒弗與其門落然而隱操甚高人莫知其姓字惟稱墨翁云

朱珪字伯盛崑山人師濮陽吳睿大小篆尤善摹刻凡吳下碑板多出珪手然非其人珪不屑也又喜為刻印章茅山張外史嘉珪錫之名方寸鐵珪嘗取宋人王順伯并元趙孟頫吾子行二家印譜吳睿所刻印文并附自製私印纂例為書名曰印文集考惜不傳所存有名蹟錄蓋其平生所刻名文也性孤潔不娶終

謝祀能刻印章元貞間錢翼之有二私印為吾衍所

人物志卷十三

十六

篆而祀刻之習之特識其名於衍手跡後

朱碧山吳中鉅工其製杯盞時稱絕藝

張檢天皇慶間匠者玄妙觀有玉皇閣壞一角脩治

費計千緡觀主慕而不克舉一日撥天來謂觀主曰

不須拆動但換一小馱梁添一斗拱而已即登其上

斷下舊梁易以新木架拱條忽如舊一時以為神異

平江王漆匠至正間嘗以牛皮製一舟內外飾以漆

拆卸作數節載至上都游滌於灤河中可容二十人

上都之人未嘗識舟觀者異之又嘗奉旨造混天儀

可以指盪便於收藏其巧思出人意表可謂智能之

人也仕為管匠提舉

湯通玄太倉人善推陰陽星曆地理之學至正辛卯仲秋丁祭祝上疑米鉦然有聲通玄曰此兵兆也明年方國珍突入婁江杭和卿拒戰而敗居民十餘萬戶皆為所屠有作墓於馬鞍山之顛者通玄曰宜山下坡陀處其勢緩而氣又可葬若山顛則太峻而驟發且白虎據之難為繼世當崇其左為青龍架石而穴之今名為陳家桃源洞是也又棲鍾於上朝夕鳴其左則右不敢動通玄曰其如樓廢何不從其說洪武中樓廢而陳氏滅

人物志卷十三

七

譚士元字友文嘉定人術精陰陽判太史局仕至朝散大夫性廉潔雖一時權貴見知未嘗有私請人多賢之士元葵邑之東月浦

陸德潤字仲德崑山人通星曆之學客江西得祕數益推極其說然頗閉匿不輕語人為入簡潔重信義范疇字復初金華人為洞霄宮道士得江西張九牛占神妙莫比有胡某嘗負罪而逃捕者甚嚴即疇門求筮爻成曰可於北方樹木中得之果獲於臨平鎮空楊樹中胡後會赦出持刃扣疇門賺以下欲害之疇占決知不利於已謂之曰欲問卜可擲下手中刀

其人駭而去由是徙家于蘇設肆於乘魚橋下所叩愈驗

王仁美字安之善相能決死生休咎有驗人號為王電目雖紫閣麻衣弗能過之

葛應雷字震父吳人攻於醫嘗著醫學會同二十卷大抵言世之言醫者執方拘論莫究其源於是推五運六氣之標本察陰陽升降之左右以定五臟六腑之虛實合夫經絡氣血之流注而知疾病之候死生之期其處方劑施砭熅率於他醫異以此名動一時浙西提刑李判官中州名醫也嘗因父有疾能自

人物志卷十三

六

診之復咨於應雷聞其言論父子相顧駭愕曰南方有此人耶盡出所藏劉守真張潔古書與之討論無不脗合而劉張之學行於江南者自此始由平江醫學教授陞成全即江浙官醫提舉子乾孫

乾孫字可父未冠好為擊刺戰陣之術儀狀特偉膂力絕人長乃折節讀書領元鄉薦屢試見黜退而淬礪古文詞金華黃文獻公奇其文勸之仕不應乃發父書讀之曰醫之為技止於是矣夫何粗工之弗察也乾孫蓋獨得其傳而治疾多奇驗他醫所不能治者以叩乾孫無不隨愈至正十三年鄰郡盜起浙西

僉憲朝鮮李公仲善分治吳下慕乾孫才識武略與
議事李公壯其言為城守計民賴以安時將召用竟
寢卒年四十九所著古文詩賦惜皆不傳今所存者
醫論數篇而已

葛應澤應雷弟亦仕平江路官醫提領子正蒙字仲
正世其業今葛氏尚居郡中杉瀆橋故第所扁醫室
曰復生堂其座右之銘曰濟世之道莫大乎醫去疾
之功莫先乎藥乃周左丞書篆刻猶存

張元善字性之以醫官至保冲大夫江浙官醫提舉
嘗上疏言國家尊祀三皇為醫設學凡古之神醫若

人物志卷十三

九一

岐伯鬼臾區等十人配享中殿歷代名醫宜從祀兩
廡如孔廟制庶見崇報之道時論建之元善旁通于
儒為錢翼之壻元善卒周左丞銘其墓孫潛字希文
永樂初以醫士徵蒞太醫院東還嘗率中貴人出使
西南諸國後以壽終于家有子頤字養正豫字致
和復字啓陽皆馳譽當時豫嘗仕為御醫頤終布衣
而名尤著者
李可道學醫于黃子久家城東葑門外有林泉高引
之志子久嘗畫天池石壁圖界可道一時名流賦詩
可道後以術授黃仲安

倪維德字仲賢先為大梁人徙居吳中世以醫鳴益
紹家學而未知適從後得東垣先生之書讀之喜曰
道在是矣遂有所得乃考証東垣試効方若干卷板
行于時見諸說之詳於他而獨不及眼疾之科故自
著一書曰勅山老人原機啓微集東垣之傳殆自此
爾卒葬于吳陶琛為之銘

劉勉字仲勉世為瘍醫至元間以薦馳傳入朝奏為
尚醫食太醫祿入侍帷幄出隨扈從被遇特加尋以
省臺交舉授保冲大夫江浙官醫提舉至 國朝仍
以名醫召至京師

人物志卷十三

二十一

趙良仕字以德汴人於宋有屬籍再徙浦江嘗試吏
憲司即棄去從丹溪朱彥脩習醫家言久之治療多
有奇効一時名動浙西東所著醫學宗旨金匱方衍
義并述丹溪藥要等書張士誠據吳招致不起挈家
去浙復來吳占籍長洲以高年終祭酒胡公儼表其
墓子友恭友同友同仕華亭訓導遂家焉友恭子季
敷季敷子同魯字與哲有文名

姚良字晋卿明於醫所著尚書孔氏傳律呂會元沂
源指治方論考古針灸面經其七世祖諱爽字景名
仕宋高宗時有功業卒謚文康爽生杰字士英官至

延京殿學士光祿大夫

林文友字會之先世自閩來吳大父諱茂芝者宋人

以避隱廬市間文友早歲留意醫學心存利濟嘗

名其藥室曰生意堂晚得攝生之術以高壽終子以

義地醫正即太醫院御醫

葛崑字明仲崑山人業醫累世精究內外科又著保

嬰集奏進宣宗親覽賜宴將勞仕為迪功郎楚府良

醫副

王履字安道崑山人博學有文精於醫自謂萬物皆

人物志卷三

世一

在我天地亦在我况萬物乎於是作小易賦論仲景

傷寒為立法之祖後人雖變易無窮終莫能越其矩

度夫素問謂人傷於寒為病熱者言常而不言變仲

景謂或寒或熱而不一者備常與變而弗遺也因作

傷寒立法考又謂六經病證陽明篇無目疾少陽篇

言胞脇滿而不言痛太陰篇無證隘乾厥陰篇無囊

縮若此者非皆本無也必有之而脫簡耳以三百九

十七法內除重複者與無方治者止以有方治而不

重複者計之得二百三十八條作傷寒三百九十七

法辨論內外傷經旨異同中風中暑辨議目曰源

集摭一卷標題原病式一卷百病鈎玄二十卷醫

統一百卷子伯承亦以醫鳴其門人許謹字元孚又

以學投陶浩字巨源

鄭壬字有林宋華原郡王之衣尚世在崑山平橋下以

產科名

沈貞字士怡崑山人業醫志在濟人嘗患傷寒難治

因以仲景診為主取李浩或問郭雍補亡由漢迄今

所診若正變類外之証意別本虛之目為書名傷寒

會通若干卷而謂其補仲景之所未備中書盧僑述

其行傳于世子方世其業

人物志卷三

世二

房伯圭常熟人工於醫其詳見鄭東所為傳

韓復陽其先安陽人諱凝元季來吳以醫起家卒于

洪武初金華胡仲申誌其墓子二奕字公望有隱操

以儒而醫諱字公達仕太醫院判奕子伯承世其業

名盛吳中伯承子克美

徐亨甫元常熟州醫學提舉家于城濠服工整骨科

子伯脩太醫院醫士孫士深業醫而儒

本朝

宋克字仲溫家郡城南宮里號南宮生高太史季迪

嘗為之傳稱其少任俠善擊劍走馬及結客與少年

飲博盡喪家皆速壯見天下亂思自樹立功業去學
 兵將北走中原從豪傑計事會道梗無所合而歸素
 工草隸妙逼鍾王擅稱一時後仕鳳翔府同知
 宋廣字昌裔亦善書與仲溫齊名時稱二宋仕沔陽
 同知錢芹繼忠之婿
 馬孜字彥強吳江人善書洪武中嘗受薦不仕
 朱士隆崑山人工篆籀嘗積所書筆摩玉峰山中名
 曰筆塚錢塘王洪希範為之著銘弟士常亦好書
 張昶字翔南太倉人善書大字如斗終日揮洒不倦
 蓋其所長也

人物志卷三

廿三

滕用亨字用衡初名犯國諱乃更今名弱冠隨從父
 尚書思勉宦遊南北涉歷山川奇瑰益資其學晚歸
 鄉里將終隱焉永樂三年以善書薦時年七十矣上
 召見面試篆書作麟鳳龜龍四大字以獻稱旨後再
 獻貞符三詩特授翰林待詔居官三年卒無嗣塔傳
 其業
 夏泉字仲昭崑山人永樂進士入翰林為庶吉士工
 楷書上稱其書第一授中書舍人正統初書皇陵碑
 寵賜甚厚以太常卿致仕尤善寫竹兄昂字孟暘亦
 以楷法授中書舍人能畫同邑有李寅屈處誠師泉

畫竹

謝克銘太倉人宣德間以草書馳名
 沈洪字惟仲長洲人其先世為中吳富室萬三公中
 哀嘗遊京師從陳登習篆時程南雲亦有書名洪又
 從之學凡漢隸八分真行草皆能書但拘於繩墨
 殊乏風韻偃蹇老於江湖
 馬良字子善臨安人來學于吳因家焉自幼巧慧於
 繪事尤精晚移崑山嘗作四天王像於僧寺甚奇特
 見盧公武作傳

人物志卷三

廿四

醫傳至紳十五世矣紳出贅滕氏亦以醫名家至紳
 尤以瘍醫稱子孫能世其業
 周孟容嘉定人工寫神見王常宗叙其聚英圖
 王賓吳縣木瀆人隱晦不仕嘗於天平山作龍門春
 曉圖遂知名于繪事
 謝譜字孔昭畫山水重疊爛熳千幅不同尋丈之軸
 不日而成
 沈遇字公濟淺絳深紫色種種能之晚工雪景永樂末
 嘗召見歸以高年終
 蘇復字性初邵人仕綿州知州作畫師盛懋後宦游

婦畫趣盡繼舊習然不苟作終歲不能脫一幀殆與孔昭遲疾不同矣

史公謹吳人初仕應天府佐落職即返初服以終善畫長於寒林雪景

馬軾字敬瞻嘉定人明天文宣德中仕欽天監漏刻博士旁精繪事與錢唐戴文進錦衣謝庭循同擅畫名于京師

范暹字啓東嘉定人善畫翎毛與張可觀張暈朱士謙名于時

陳暹字季昭郡人畫山水人物但有工氣

人物志卷三

五

朱端木瀆人能造錫作為人衣冠脩楚製作奇古不苟為人所致時稱朱象鼻宣德間人

孫延年崑山平橋人精于碁永樂初有雲游道士賣藥來自負能碁與延年奕輒不勝道士驚駭拂袖去姚思善世為儒醫之家思善工製筆名應科

程祥字君瑞嘉定人宋忠惠公之裔生元季隱於卜入國朝避諱以字行洪武十八年高皇帝謂其

術數精通以符勅命為本縣陰陽訓術嘗撫陰陽諸家精語為書名曰簡易惜今不傳自號希微子宋太史景瀛為傳程氏以四世家學仍其職

周仲高精天文地理之學足跡半天下歷覽山川觀陰陽會徵休咎之符所得益深方承平時自錢塘來崑山曰天下兵且起吾卜地莫如此善遂居之已而錢塘果燬于兵而崑山無恙自是三十餘年仲高之術甚盛洪武初郡邑建署以至官宇神祠凡相方定位揆日選辰悉出仲高縣令呼文瞻重其術至為畫像屬殷奎贊之

沈景暘吳中卜者永樂中太宗驛取至京命午門上布卦問英國公征南事占曰大勝之兆明日正午當得捷音其時果有飛騎至報生擒黎賊盡得其國

人物志卷三

廿六

所占一刻不違太宗大悅賜景暘鈔幣遣還

沈貞吉弟恒吉相城故家皆善繪事生富室志高尚工畫金碧山水以公濟為師每賦一詩營一障必累月閱歲乃出不可以購取家庭之間自相唱酬僕隸悉諳文墨並年八十餘恒吉子周字啓南有隱操與

吳文定寬史徵士鑑李太僕應禎劉僉憲珏為莫逆交被薦不起畫尤冠絕當世

金鬼谷家于郡城中醋庫巷昔嘗有富商談命肆中適一貧者負薪而來告曰我四柱適與同何彼富而我之貧也鬼谷曰汝雖生於此當於南方千里之外

亦與富者相埒貧者歸告其母母曰汝有姊在閩中當往求之他日詣姊家姊亦甚貧不能容姊知鄰舍有隙所但一宿必見鬼物致病亡乃便暫宿之貧者入夜寢果見鬼物入穴中遂得黃金百鎰上有金鼓覆其上貧者得金致富而歸以金鼓報之鬼谷因畧其門曰吳中名術金鼓傳家

柔宗道恬淡無競舉止閒雅嘗遇雨行無疾步好道術多所悟解農有居田間為物怪所擾乞宗道符篆揭之妾舍得安寢覺而窺其外有黑虎蹲其旁怪遂息其行已端厚人目為德士

人物志卷三

廿七

盛寅字啓東吳江人世居郡中寅少從王仲光學醫永樂間授御醫扈從北征 仁宗嗣位命掌太醫院賜勅褒嘉 宣宗嘗召見寅夜直應制瑞雪詩及有御製之賜弟宏字叔大早與寅齊名永樂宣德間亦仕御醫景泰初宮妃患疾宏進藥有效陞宏官乃辭奏有父景良謫戍乞恩優免上允之子侑字文理吳

江醫學訓科

沈玄字以潛少孤以良惠家學馳聲吳中宣德初徵入太醫院為醫士院判蔣用文薦玄擢御醫上謂用文知人玄尤能詩

錢宗道小方脈專門仕為晉府良醫正以其能大為恭王所嘉子良玉生伯常為御醫伯常子鈍亦進用為院判

吳誠字純伯常州徙吳高祖櫟堂宋名儒曾祖秀夫仕元山陰令至父可大醫行於時誠世其業

王敏字時勉父德廣受醫於伯父仲光敏早孤從學於韓伯承然其家學有自故敏中歲即知名尤多治効

劉毓字德美少孤鞠於外家徐氏徐故居藥為業遣學于盛啓東啓東出王仲光韓復陽而二家本丹溪

人物志卷三

廿八

毓故得其源委既老方以醫徵得官太醫院

陳公賢字公尚其先從外氏孟景陽小兒科公尚與

兄公學世其業初無仕進意朝廷召用天下名醫郡

縣以公尚薦未幾乞終養復再召即入御藥房授太

醫院御醫進院判致仕卒

劉倫字宗序先汴人占籍長洲曾大父彥敬為良醫

大父士賓仕歷院判父原博嘗徵為太醫院吏目有

詩名倫隱於市成化間以薦者至京擢官御醫奔母

喪歸遂卧不出以高壽終

張收字用軫善琴永樂初少師姚廣孝薦上留侍文

華殿又陳惟成揚師道俱吳人派從松江劉鴻氏之琴

李明善工刻印章能本古制太史王彛為作印說千餘言以遺之

姜振崑山人多巧思嘗得作鹵簿法制大明定鼎將祀南郊遣中貴訪得之制作中度總領群匠造護身殿多稱旨錫衣一襲仍給冠帶終身又蒯瓊香山人亦以匠鳴于時

論曰中世習為內學尚奇文貴異數代不乏于時通儒往往念其不經謂宜臧擯豈以公孫勝之占夢不

人物志卷之三

七

如太宰嚭亦以范疇神于占易不若向平之知揄益耳聖人設教開末而抑其端曲詞以章其義其徒亦有推變尤長可以弘補時事陶措紳藻心性衛生娛志班班名家時有可聞者焉漢武好方術先武信識言士之赴趣時宜者皆馳騁穿鑿多談之懷挾道藝之士莫不負策抵掌順風而屆矣馬遷云使人拘而多忌蓋為此也若吳稱多士書若張旭孫過庭畫若陸探微李成棊若嚴武褚胤斯深于才技者乎至陰陽以正時日則有趙達吳範卜筮以決嫌疑則有吳泰王蕃醫方以養性命則紀朋周廣音律以節哀

樂則姚蕪濟宋尹文相術以辯貴賤則鄭君聘王仁美技巧以利器用則朱端蒯瓊凡此諸君殊才絕藝通靈入妙皆一郡之選情迹殊雜難為條品片辭特趣不足區別故摭為藝術篇雖曰泥遠存之可也贊曰陰陽為宗玄妙非一怪牒神經金繩玉策師曠之言箕子之術弘道濟時隱身利物龍則乘雲蠅由誤墨藥撰丹青弘蕪飛白異數奇文班班可述

吳中人物志卷之十三

人物志卷之三

三

竺塢藏書

新刻姑蘓名賢小紀

小序

姑蘇故多君子無論郡諸屬邑即闔閭城周四十五里其中賢士大夫未易更僕數也而當世語蘇人則薄之至用相排調一切輕柔浮靡之習咸笑指為蘇意見有稍自立者輒陽驚曰此子亦蘇之人耶即告以往昔之賢達亦僅謂風流文采雍容便辟甚都而已於所稱行已大節經緯文武之槩蔑如也余每不平斯言荏苒強年骯髒空谷愧無從稍為鄉邦吐氣長夏掩關因取諸先賢之行事合於少時家庭之所習聞者疏為小紀僭加論次昉自 國朝弗遡徃代遠不敢徵也僅及吳門兩邑而他邑無紀焉恐耳目之未逮請有間也其有鉅公名流或勲業蓋代或闕閱垂雲或文章華國或材藝絕倫而咸無紀者姑俟別志也高名偉望研然自命而無紀者中猶有所疑也名實孚才守合所宜紀矣而搜羅未及者無紀則絳漏也眉齒方隆者無紀迹近諛也寒門自高曾以來亡祖亡父世

姑蘇名賢小紀序

竺塢藏書

世品於人倫而無紀者嫌於自炫且家乘猶足
 徵也六要以剛勁為主即過中者必紀壹破軟
 美之謂也清修苦節雖微必紀不清苦即不能
 剛且勁也詩書翰墨之士必詳紀其生平原所
 由重也逍遙作達間一紀焉喜其中無俗韻也
 紀以世次為序無別隱顯皆名賢則隱顯無別
 也其義竊取吾豈敢哉欲使四方之士知吾蘇
 之為吾蘇者如此也且令吾蘇之士攬先賢之
 遺風而興起焉洒濯磨礪毋其為當世所輕若
 踰妄之罪則自知之矣

姑蘇名賢小紀

竺塲藏書

萬曆甲寅新秋雁門文震孟文起甫書于竺塲
 草廬



姑蘇名賢小紀卷上

長洲後學文震孟論次

高太史先生

高先生啟字季迪號槎軒長洲人張士誠據吳
 獎禮知名士其上佐饒介之以禮羅先生先生
 不仕 高皇即位召授翰林修撰修元史成拜
 戶部侍郎先生以少不習握算辭賜金帛使歸
 需異日用歸教授鄉里自給後坐郡守魏觀事
 逮死僅年三十九天下惜其才而悼其冤先生
 少明穎有縱橫才畧好為歌詩天藻秀發獨冠
 一時吳中騷雅寔先生啟之所著有正歌息藻
 二集同時工部郎張其節者名適亦以文行聞
 于世

姑蘇名賢小紀 卷上

竺塲藏書

論曰國家官人當視其才如高先生之才宜為
 翰林不宜為戶部其以不習握算辭可謂允矣
 辭侍郎而教授自給今之君子則恐或未之能
 也夫我吳於盛時高先生為翰林盛寅御覽李
 性貞伯侍中書吁何其才實彬彬與其官名稱

哉

俞都昌先生

都昌先生初名楨更名貞木字有立其祖石澗翁琰元末老儒邃於易學著書百卷世居吳郡學宮之傍水木幽茂先生既冠以學未成不娶負笈從永嘉陳公麟學易遍讀經史隱居杜門朝夕不繼淡如也洪武時以薦起為都昌令後為郡守姚公善所知靖難時勸守舉兵竟以死殉云

姑蘇名賢小紀 卷上

三竺塢藏書

論曰都昌先生仕不顯功名不著其所勒書亦竟幾灰滅矣而吳中先達舉名德者必稱先生則先生之風誼亦可遙想哉為守決策要與俱死志節皎然斯無愧於負笈讀書者也

王蓮人光菴先生

先生名國賓後名賓字仲光長洲人有異才於陰陽律曆山海形勢禮樂兵家書無不該洽屬世鼎革意不願仕一切自晦而獨以鑿著其貌故已寢益以藥黥其面及肘股間鬚兩角短衣

策杖遊行塵市故舊有遇之者輒箕踞相對爬搔其瘡使人不堪去乃已郡守姚公知其異因往謁先生窺戶間與馬填咽呼曰勿驚吾母踰垣逸出他日微服往先生衣母短袂衣握破扇坐上坐與之語則唾姚公笑而去之比三往始與酬對乃稍稍露其奇公為執弟子禮先生養母極孝飲食必手調以進年七十且死抱母不捨絕而更蘇者再四死後魂歸其家猶呼孃娘不絕聲云所著有光菴集吳名賢紀吳古蹟詩

姑蘇名賢小紀 卷上

三竺塢藏書

皆不傳

論曰吳中稱隱居獨行之士必以王先生為首余意先生非隱士也其所挾者大意疑有所欲用之而篤於養母不娶不仕毀形以自全蓋唯恐其用也先母而死乃竟不用矣先生死姚少師廣孝傳其事而其友韓夷刻之石然余聞之故老云少師既貴訪先生先生方盥掩而走則少師之傳先生也果先生意乎

錢繼忠先生

姚公是時篤禮賢士處士錢芹繼忠自守甚高公百計請見不可而與都昌俞公鄰乃因都昌以請先生曰姚公太守而我民也太守以民待我我無所置身然太守主也我為儒賓也以賓禮見請期於郡學遂會於學宮成賓主之禮守北面質經義先生曰此經生業耳公為官有官守獨無時政可詢耶守起拜問今日急務先生出袖中一簡授之而去守啓視則皆戰守制勝之策也亡何而靖難兵起

姑蘇名賢小紀 卷上

四竺塲藏書

論曰繼忠先生時又有韓奕公望云守迫欲見之泛小舟入太湖日惟高吟痛飲藉草而卧中蓋未可測也是時國法嚴峻故吳士有挾持者皆貞遯不出骯髒以死錢先生袖中一編乃稍見其槩矣遜國忠臣滿天下吳無人焉則豈其無人哉

解元劉公

劉解元政字仲理長洲人聰敏力學明春秋建文元年方學士試畿輔士以託孤寄命為題得

公卷曰此鳥中孤鳳當虛左待之也是歲登賢書者二百十有四人擢公第一四年建文遜位夷方族公聞慟哭不食死或曰公永樂中猶存誓不復仕授徒終其身

論曰士為知己死况如正學先生者為知己乎劉公惡得而不死也即不死而沒身不仕亦不失為中行足以見知己於地下矣時崑山有龔翊大章年十八代父為卒守金川門靖難兵入翊大哭宣德中有欲薦翊者謝曰翊仕無害於

姑蘇名賢小紀 卷上

五竺塲藏書

中丞嚴公

嚴中丞德明吳縣人洪武中拜僉都御史以疾求歸 上怒黥其面戍南丹後歸居於樂橋布衣徒步曰齊民當然也宣德末年猶存有西軍以調征過吳暴苦民家公奮歐之西軍訟於直指逮公對簿公跪陳云老子亦曾在臺勾當公事夫豈不曉三尺直指問在臺何勾當公云老子洪武時曾長臺事今都察院版榜所稱嚴德

明是也直指大驚延之起坐具賓主禮次日往訪則公已擔一囊去徒存空屋兩間莫可踪跡矣久之復歸樂橋同鄉繆御史讓延教授李綺飲公與席焉公時貧甚帽已敝綴以雜布綺易之曰老人犯何法而黥其面公述前事綺大驚避席公徐曰先朝國法密於秋荼吳中仕者莫保首領余固不食之碩果也此破帽豈易戴哉因北面拱手曰聖恩聖恩

論曰嚴中丞吳人而吳中人無知公者余蓋聞

姑蘇名賢小紀

卷上

六 笠場藏書

之馮元成先生云中丞當鼎革時功業無所表見然而晦迹田里安貧居村斯固韜光恬穆士也西軍暴橫忽不自持觀人於微豈非負氣動俠者哉大都洪武初多奇士其湮滅而不傳意亦未可勝數矣

尚書楊公

禮部尚書楊公翥字仲舉吳縣人從軍武昌爲鄉塾師楊文貞公漂寓武昌因甚公以塾與楊更教授他塾館穀不及其半日往返十餘里不

厭後文貞貴薦於朝 景皇帝在邸時爲宮寮

以醇謹見重及即位寵眷甚厚僉云樞筦可俟而公獨奉身還吳宦橐清苦至無棲泊之宅北虜款塞詣闕表賀因手疏乞時朝太上皇帝失上旨僅進位尚書仍乞致仕去年八十餘乃卒子津方八歲入朝 景皇帝引入宮賜餅餌授吳縣簿天順初追理一時柄臣公獨以恬退免追削或傳以前疏故云

論曰余嘗聞之長老云楊尚書仁厚絕俗方爲

姑蘇名賢小紀

卷上

七 笠場藏書

尚書歸僅緝一椽鄰人簷溜侵之家人不能平公曰何害兩日少晴日多也鄰人老而生子公有一驢鳴恐驚之遂鬻其驢徒步終身子懷金入市爲人所攫以告公公弗問嗚呼此皆公細行也而心事已槩見矣後之君子一命再命間里赫奕黃衫綠幘狼戾嗚張無敢睨者聞楊公之風亦或稍自省哉

僉憲直道陳公

陳公祚字永錫吳縣人永樂初詔修大典以善

晉預選然非其志也尋舉進士改庶吉士叅議河南與臬司爭事謫佃太和山躬耕十載弊衣麤食不厭宣德初試諸謫佃者公名第一拜監察御史彈劾不避貴勢風裁大振上疏請讀大學衍義

上大怒豎子稱引大學謂吾目不知書耶且疏中又有奇巧蕩心等語非所宜言即械之并其家十六人皆下獄凡五年同邑義士王處常季彥庸為歛錢饋食得不瘦死 英廟

即位赦復其官則親已前死乞補終制出按湖廣益侃侃自厲尋露章劾遼王不法事復逮下獄論斬久之遼逆節露乃出公死公論事愈切滿九載出僉福建臬事公名既振墨吏望風解

綬去鄧茂七起時公適病在告遂引年致仕歸卒年七十五天下識與不識皆稱直道陳公論曰吳中風習患其太甘不患其太苦陳公與人語嚴峻刺刺苦而不堪其操行其讀書皆刻厲自苦故人謂三苦先生死靡悔百鍊愈剛孰謂吳風不競哉抑人固有命也直如弦死道

始蘇名賢小紀 卷上 九 竺塲藏書

遼陳公乃竟以老壽終矣則彼依回首鼠縮躬卷舌者又安在其盡瓦全乎於時有御史練公綱所在剛鯁亦終老於吳

劉文恭公

祭酒劉公鉉字宗器長洲人少有至性母疾割股啖之比卒哀毀幾殆以善書薦入翰林明年中鄉試授中書舍人預修兩朝實錄成遷兵部主事仍供事內庭累進翰林侍講特命教習庶吉士時同鄉楊侍郎翥以潛邸入見館於公

上問楊公孰可為相者楊以公對出亦不以語公也而或泄其語公恚曰館楊公乃為相地耶因謝使他徙即謁病歸尋起國子祭酒時 景

帝將易儲公卿皆上牋請而公不與名 睿皇復辟閱公卿疏獨無公名心善之丁繼母憂詔起復固辭不赴服除會選青宮家即權少詹俾

侍講而公暴卒矣年六十五贈禮部侍郎公博學能文章每篇必旬日而後成所傳假菴集公別號也

始蘇名賢小紀 卷上 九 竺塲藏書

論曰士當危疑之會不能自立旅衆爲進退者得失心累之也劉公視相位如浮雲若或挽之又肯以易儲請乎夫使劉公而相後之論次劉公者不過易一相銜耳其寔何益劉公毫髮違衆守是不虞竒禍不搖危議殆庶幾古稱社稷臣矣

邢布衣先生

附朱性甫邢麗文兩先生

邢蠢齋先生量字用理居葑城之東陋室三間青苔滿壁折鐺敗席淡如也平生不娶長日或

姑蘇名賢小紀

卷上

十一 竺塲藏書

不舉火閉戶讀書唯啖餅餌一二而已僉憲陳直道公致政歸嚴峻不交一客唯挾冊就先生質疑清談竟日不設湯茗吳文定公歸自少宰過訪叩其門先生曰吾方執爨未有五尺應公柰何吳公乃假鄰家胡床坐門外良久俟其終食乃進先生清瘦如削自經史釋老方技無不兼通詩甚秀逸郡守或請其詩公曰古有采詩無獻詩吾豈以爲羔雉哉因削其草門人朱存理僅收其遺數篇存理字性甫篤學善談名理

讀書杜戶稱其師傳與同時朱凱堯民稱兩朱先生

邢參字麗文或云即用理先生之族孫也爲人沉靜有醞藉固而不陋嘉遯城市貧無恒業唯教授鄉里以著述自娛無所干請嘗遇大雪諸君往視之則屋三角已墊方携書坐其一角不慘者相見但誦所得佳句絕無慘凜色也早歲喪妻終不再娶優游以終

姑蘇名賢小紀

卷上

十二 竺塲藏書

論曰詩有之皎皎白駒在彼空谷又曰獨寤寐言永矢弗諼此則幽人隱士之槩也吳故饒隱君子如邢先生清貞介特流風穆如彼其人豈以交陳僉事吳少宰諸公爲重耶夫僉事少宰得交邢先生乃重也空谷考槃此爲稱矣性甫接先曹之典刑暢遺民之雅韻麗文養和靖躁汪汪德心恬泊處約矚然不滓即非厥祖乃肖孫枝矣

參議尤公

尤公安禮字文度長洲人自少以德業自厲嘗

行從委巷邂逅一妹獻笑公亟掩面走後不復由其門同舍生有欲試之者引至妓家公望見即反走遂於此生絕有友當戍泣謂公吾必不生還妻少且更嫁矣如弱息何公曰子第往我在無慮也已而友人死公賑其妻得守節終身復娶其女為子婦教諭崇安秩滿諸生請闕乞留 上命增秩還任已用楊仲舉尚書薦召拜祭酒公辭黜學不可為國師改授中丞又辭才弱乃叅議貴州既而謝歸貧甚絕不請人人亦罕識其面太守况公聞公名亟欲識之物色良久得一老於絡絲巷布衣芒屨泊如也守見所居隘陋欲割官地益之謝不可遺以金亦不受卒老死陋巷中

古蘇名賢小紀 卷上

十三 竺塲藏書

陳僖敏公

太子太保陳公鑑字有戒吳縣人永樂十年進士為御史遷按察副使尋擢副都御史鎮陝西得便宜行事公居官鍊兵屯田水利鹽政所至有經畫而於關中尤著與靖遠伯王驥更迭治軍驥老將自謂弗如也先後蒞陝十餘年以長厚得民心每行部久旱必雨雨久公至必霽民益愛戴公而最後陝大饑其卒數萬人上書願得公詔往賑之所活無算還掌院事加太保賜王帶會得末疾乞歸又三年卒卒而關中郡邑處處祠之有事必祝若昉響云

論曰余嘗見公画像鬚髯戟張目光如電蓋赫然如神人也顧其中寬然長者豁達有大度居官仁恕不為一切苛辨其在關中關中人疾病誓為公肩輿輒愈故公出則老稚婦女爭前嘯呼願得一肩公笑弗為却而治軍老將弗能過也蓋庶乎文武為憲名臣矣

古蘇名賢小紀 卷上

十三 竺塲藏書

韓襄毅公

韓公名雍字永熙長洲人弱冠舉進士爲監察御史以強幹稱尋奉命錄囚平反礪山教諭丘純寬按行江右衆皆以公年少易之公振刷精彩一道皆驚廬陵饑盜大起公設伏捕首虜二百餘遷按察副使卽擢僉都御史仍撫其地公年未三十也時土木變起北虜猖獗西南夷繼叛所在傷殘獨江西賴公稍安亡何以用事者得罪左遷臬司尋入少卿大理復爲都御史與都督趙輔率師十五萬討廣寇直趨大藤峽曰大藤峽爲賊藪本也諸軍不先其本乃分兵逐末分兵勢弱趨末無威我全師直擣南可以援雷廉東可以應南韶西可以取柳慶北可以斷陽峒諸路彼分而拒我聚而攻首尾互應破之必矣遂統兵進攻賊于絕險處設伏矢石如雨公縱火焚之白日晝暝又用同邑判官周奎計破九層樓諸壁先後斬獲四萬一千七百有奇賊遂蕩平改大藤爲斷藤久之開府梧州與中貴人黃沁不相能爲所訐公即乞休歸歸又七

姑蘇名賢小紀

卷上

五
三
塲
藏
書

年卒年五十七方公之討賊也有儒生數百人跪於道左曰我輩苦賊久聞天兵至願投麾下爲三軍先公叱武士悉縛斬之衆皆疑旣縛而袴中咸挾利刃蓋賊間也乃皆斷頸散手足刳腸胃分挂箐棘中賊大驚沮後有屬吏自負善談兵議論縱橫適縛賊十餘輩至公授戈使斬之屬吏手戰不能舉公徐下堂斬其首以灰灑地搆衣上談論如初公復上言嶺東西地廣山深須分設撫臣而兩廣勢寔相聯屬宜置總督皆報可公治軍威嚴三司長吏見跪白事促縮如小吏牙前設金鼓數百儀節詳密賓佐皆極一時之選

姑蘇名賢小紀

卷上

五
三
塲
藏
書

生才不易用才不盡蓋誰昔而然矣

侍郎孔公

孔公鏞字韶文長洲人 宣聖五十代孫舉進士知都昌入覲以一扇貽冢宰冢宰以為忽已改連山先後皆有惠政遂知高州府時嶺南盜起其魁鄧公長者擁眾據茅城距高不十里城無兵可守勢已亟公乃單騎往喻有良民千人為賊所縛林林道旁號呼動地公弗顧徐行抵其壘賊駭挺刃毅弓弩欲恐脅公公下馬據中

姑蘇名賢小紀八卷上

十六竺塲藏書

坐極言利害又徧歷其部曉諭百端賊乃羅拜請降送公出公指道旁縛者曰此何為者當亟解釋之遂降其眾數萬論功進按察副使所剪刈大小以數百千計威名益振後遷廣西討荔浦賊賊望見旗幟驚曰是高州孔副使耶即潰散黔中苗阿刺以黠悍善籌算而挾其子溪力敵百夫父子豪長溪洞間二十餘年屢殺傷官軍無如之何朝議乃擢公副都御史撫黔公至以策授清平指揮王通曾瑞一鼓擒之入為工

部侍郎舟至富陽暴卒時年六十三方公還自嶺家人携一英州石歸渡梅嶺登舟既奠矣公適見之怒而沉諸水水底清絕峭聳飛動往來者至今指相語徵孔侍郎峻節

論曰吳中人柔脆不任談兵其性然矣故二祖時開國元臣即無吳人者世傳公之卒也有白氣自舟起直亘天表蓋日正中也而星煜然墮地有聲然則公之生豈無自來耶先師有云我戰則克公無忝厥裔矣吳是時襄毅韓公以征蠻著功名而公即其亞云

姑蘇名賢小紀八卷上

七竺塲藏書

淵孝先生杜東原

東原先生石田前之師故

東原先生琦字用嘉吳縣人先生少孤能自刻厲讀書書無所不通旁及翰墨亦皆精好為人敦茂長者一時品望甚貴郡守况公迫欲見之匿弗肯就晚歲持方竹杖出遊朋舊間逍遙自娛號鹿冠道人菜羹糲食怡怡如也家有小圃不滿一畝植竹蒔雜花築瞻綠亭居其間醇和安定道韻襲人年八十卒嘗割股愈母疾而秘

之人無知者及卒會葬千餘人門人私謚爲淵孝先生

論曰人言吳習多輕佻喜自炫如杜先生者孝而秘之不欲以篤行名讀書能文與詩而弗自振暴也則何淵淵慥慥君子哉吳初有陳翰林嗣初者以文行徵深經術號陳五經杜先生蓋從之游而五經子孟賢亦能文侍姬曰梅隱居士爲掌翰墨之役與其友張淮豫源孫繼康王孟南皆杜門咏歌不求人知嘻吳風流固如此矣

姑蘇名賢小紀

卷上

六竺塲藏書

僉事劉完菴先生

完菴先生珏字廷美長洲人少時太守况鍾推擇爲吏謝不願願得補諸生守許之舉鄉試以材薦授刑部主事歷官山西按察僉事甫艾即致政歸先生修身篤學動師古人初在刑部有丞犯法當訊投金二十斤先生曰我方憐若若暮夜相汗其昧明矣遂致之理家居與直指善旁邑致重賂求居間者望門而返事母篤孝女

兄少發子幼迎歸買田養之終身既罷官即第後鑿小池閉門幽賞時人罕窺其面

論曰劉先生老而嗜學不衰其天性也爲詩尤長七言清麗可詠書法出吳興畫師王叔明至今鑒賞家猶知珍劉完菴也而孝友峻潔則吳人有未盡悉者余故論次其行事見完菴先生固在此不在彼

副使陳公

陳冷菴公琦字粹之長洲人仕刑曹郎用法平

姑蘇名賢小紀

卷上

九竺塲藏書

尋遷副使按察江西禁絕請謁禔身刻苦行部惟携輶糶自隨所至飲水而已有權貴人壅水爲陂田利者貧民無所得水公至立疏決下流抵其家人罪還陂於官後值計吏權貴爲蜚語中之罷歸蕭然一室不謀朝夕唯備書以自給宴如也郡有教諭朱昂妻以寃係至產子于獄戶公悉其枉直入郡庭索香火爲誓於天而後白其誣所生子即朱中丞統後以功名顯論曰余每見閭閻中有寃抑事薦紳先生環視

相向莫爲出一語以告有司也賢者護其名并遺其公不賢者借其名乃行其私遂令賢者不言言者不信而桑梓如秦越矣如冷菴公居官嚴潔居身刻苦慷慨一言而寃婦立釋彼其素行淵塞固有以取信於人人也嗚呼孰謂清苦士無當於世用哉

大中大夫劉公

劉樓園公昌字欽謨吳縣人生而穎敏讀書過目輒誦善屬文十九舉解元明年會試第二人

姑蘇名賢小紀 卷上

子三塲藏書

廷試對策頗忤時宰抑不及第授南曹郎乙巳之歲虜寇充斥作權論景泰史局開首預掄選作史論視學河南搜集殘碑作中州文表又作河南志晚宦嶺南作炎臺記以家在吳中作蘇州雜志褒撮聞見作懸笥瑣探紀錄海內人物作叙士平生所歷大都曰金臺南都曰雨花臺中州曰嵩臺嶺南曰瓊臺蘇曰蘇臺故有五臺集初公以詩名大振郎署間翰林先生見而畏之其蒞河南所斥削不少借以是中忌者偃蹇

不得推遷僅叅政廣東而卒年五十

論曰富矣哉劉大中公之著述也余蓋求其所爲雜誌及叙士而不可得見然觀其他所著撰皆持正非漫然者楊儀部君謙云是時葉文莊公最知公公不少干薦終身不致大用則其人亦豈僅讀書綴文者乎後有僉憲劉鳳子威者著書至八十餘不衰持論每乖而詞頗奧勒成幾數百卷

太僕少卿李公

姑蘇名賢小紀 卷上

子三塲藏書

范菴李公姓一名應熊字應禎後以字行更字貞伯長洲人舉鄉試不第入太學中官牛玉聞其名屬祭酒欲延爲弟子師公不往以善書選中書舍人故事中書班列給事御史上近輒易其次公上書爭至再語侵大臣不報而僚有倖進者公不樂與俱乞改教官不許俄而中旨詔諸舍人書佛經公言爲天下國家有九經未聞有佛經也 上恚廷杖公幾死已遷南兵曹郎歷官太僕少卿致仕歸又三年卒年六十有五

予祭及葬論辭有學優才贍性直行方語洵寔錄矣公爲人剛鯁嶽嶽不撓所至與人爭辨引經證典莫能難也郡守劉某征歛苛急人呼白面虎公作虎渡河詩致之守猶不悛粹遇守於道面斥之一市皆驚守怒按其籍乃無寸土訶其家蓋無浹旬積也始慚服公雖貧緩急人不啻已獎拔後進如恐不及而待之甚嚴曰前輩自有矩度過崇虛讓豈所以示教耶故人子弟有不畏父兄而絕畏公者公母以產難死忌晨

輒閉戶哭竟日終其身

姑蘇名賢小紀

卷上

三竺塲藏書

論曰李公博學能詩書法自成家蓋軼唐宋而上之然公每恥以是見名故余亦不以是爲公名也弇州先生謂李公所在慕立奇節夫慕者猶以名取公剛峻性生如沁流峭壁湍急洶震何云慕哉清彊果毅侃侃終始斯真吳人士之神砭已

叅議胡公

胡公琮字承德長洲人舉進士令江陵適王橫

甚其下推剝民不堪公一繩以法王欲以利啗

公因饋食置金其中公正辭却之王稍戢以高

第拜監察御史左遷麻城令貳守常德署郡篆

時有大璫自滇還所在索賄笞繫官吏公不爲

禮召邏卒欲檢其橐拜疏璫懼亟引去他日有

詔括諸郡金檄牒旁午公持不下僚屬相繼請

謂且得罪公曰金非郡產也又歲儉可加賦乎

即有罪罪主者諸君何與已詔罷不徵而他郡

先徵發者皆媿常德云服除更貳處州民有發

地得金沙中官上聞請開礦公爭之不得因疏

於朝條其利害得免滿考乞休時王端毅公爲

冢宰持其奏不下公請益堅乃增秩以叅議致

仕公丞處州彭惠安方撫浙屬其邑子爲尉者

已尉不法公按斥不貸惠安反益賢公其以郡

丞進藩司彭爲少宰與有力焉人蓋兩賢之尚

書戴某與公同年又同御史其後爲權璫所引

公遂與絕他日入京某爲司寇數往請終避不

見也旣歸益自嚴重郡守吏公慕公名強與公

姑蘇名賢小紀

卷上

三竺塲藏書

燕守醉偶謾語公恚罵曰吾本不見時人無事
 輕出乃為鼠輩所侮拂衣徑出自是掃軌滅迹
 雖周親密友無能窺其面者年八十卒于家
 論曰守官而不徇大璫不徇大吏極其害不過
 失官而人卒莫之敢也然胡公乃更以此見知
 於少宰矣如公同年友以附璫故究亦僅得尚
 書夫附璫而尚書尚書足貴乎且尚書有命即
 不附璫亦尚書也人亦徒自賤耳邇年士大夫
 和柔自尚余嘗見鄉薦紳十餘輩供張盛具自
 往迎郡守飲守坐堂皇視文書自如自晨至暮
 駕老者幾至顛踣闈人竟弗為通也嗟乎何其
 中無一胡公也哉

吳文定公

吳公寬字原博長洲人以進士第一人入史館
 方其未第則已有重名一時鉅人皆推其文行
 期以大受矣歷官宮詹侍 康陵東宮時侍暨
 不欲太子近儒臣數移事間講讀公即抗疏曰
 東宮講學寒暑風雨則止朔望令節則止歲不

茹蘇名賢小紀 卷上

三 笠場藏書

數月月不數日日不數晷又况可推移間歌乎
 古人八歲就外傳欲離近習親正人也即曰習
 讀於內豈若就傳於外 上嘉納公進講閒雅
 詳明意存規諷至理亂安危邪正之際未嘗不
 反覆朗誦也 孝廟時孝肅周太后崩議祔葬
 廟禮先是 憲宗朝孝莊睿后崩中外藉藉言
 周太后萬歲後葬裕陵祭 睿廟禮皆如嫡輔
 臣無敢言者 上仁聖以綱常為重召輔臣密
 諭便殿悲愴感動必欲如禮公時掌詹事與議
 揖眾議臣曰魯頌姜源闕宮春秋考仲子宮皆
 別宮也漢唐宋皆然至宋始有並祔者其禮已
 謬然皆諸帝繼室作配天子非後世嗣承帝位
 所尊崇其尊崇所生追尊祔廟僅仁宗之於李
 宸妃此非禮之甚者何可為天朝法議上始定
 改謚孝肅不稱睿別祀奉慈殿矣奉慈殿在奉
 先殿西 上初建以祀母孝穆太后者也令稍
 展其制中奉孝肅左孝穆嘉靖初右以祀孝安
 邵太后云久之進禮部尚書引年乞休溫旨不

茹蘇名賢小紀 卷上

三 笠場藏書

允尋卒公好古力學望實鬱茂邈迥不進意泊如也居翰林時戢小圃蒔花木退朝執一卷日哦其間客至分題諷咏清風穆然如不知有官者生平多雅游而獨不交富人初第時或請締姻公曰此文中子所謂夷虜道無虜我詩文淳美書肖眉山至今猶為吳珍

論曰公之祖壽宗父孟融皆善士祖有疾父日往西山汲澗煮藥往返日三十餘里不倦所稱東莊翁也積久而昌生忠信宏厚如公者宜哉

姑蘇名賢小紀 卷上 三 三場藏書

公寬然長者恬於榮進然至於昌言守正引經定禮使朝典無頗又何侃侃鑿鑿耶公別號匏菴言匏不食不材以自况也而八音克諧神人以和匏且適宗廟朝廷無用者未必不有大用矣 太祖稱吾取士欲得經明行修博古通今文質得中名實相稱者嗚呼吳公乃不負 聖祖設科意哉公有從子名奕號茶香亦韻士

白石翁沈先生

沈氏家長洲之相城有孟淵者以儒起家二子

南齋貞吉同齋恒吉皆善唐律工染翰不可以金錢購取家庭之間自相酬唱下及童僕悉諳文墨同齋有子曰石田先生名周字啟南晚更自稱曰白石翁至今吳中雖市夫豎子無不知有白石翁者大要得聲翰墨間其丹青之學超聖入神雖北苑巨然徐熙父子復出弗能過也書類山谷老人詩則白香山兼情事雜雅俗當所意到塵塵不休博學無所不通多著書而皆非先生之至者不肖嘗聞先君子每稱先生行

姑蘇名賢小紀 卷上 三 三場藏書

事蓋若隱若俠又恂恂內行淳備篤實君子也自其少時天才溢發為文援筆立就則已不肯治舉子業以故得專意讀書築有竹居居其中挾冊而哦其勤乃倍於經生時郡守汪頗有言政其人故僮父也聞沈某善繪事則檄召先生繪府門先生弗辭挾一繪工往日衣緇布服冠里老冠坐守鈴下出則跪于道左繪畢乃去他日守入朝遇孤卿大臣無不起居沈啟南者或言沈啟南手蹟至都稱守良吏守良吏守益茫

然返而詢所稱沈啟南則即向之繪門老人乃大悚扁舟造其居先生已先期匿矣已三原王

公撫吳獨與先生善與語輒連日夕語不及私

唯時時言宦寺宜戢貧民宜賑及他所裨益甚

衆而王公亦終始不持先生一詩一畫歸事父

恒齋公盡色養父好客日擊鮮而進之唯恐容

不當意父以篤老終猶孺子泣終喪不飲不肉

也弟有瘵疾與同卧起不室處者三年撫孤姪

養寡妹具有恩禮年八十三而卒卒之日王文

姑蘇名賢小紀八卷上 三三塢藏書

恪公適去相歸里手書致訊先生索筆題黃鶴

白雲四字家人泣曰憤矣既而曰黃鶴白雲瞻

宰公此機超出萬人中歸來車馬忙如海先有

閒懷問病翁遂擲筆而逝

論曰余所以論次白石翁者如此風雅士幾以

余爲腐矣雖然翁生平乃爾則人重翰墨乎翰

墨重人乎即相載而行乃其所以重者固可思

也余慨風雅士一詩一秬苟得當邦君守相及

四方鉅公大人輒津津色喜不知如白石翁者

即踞而繪府門愈重也公卿倒屣語不及私又惡足以稱先生矣

王文恪公

文恪公鑿字濟之吳縣人少穎異不凡鄉會試

俱第一至今爲制義之祖廷試復擬第一而執

政或抑之遂以第三人入翰林公在翰林日杜

門讀書使閣者謝客勿通通亦不輕報謁至中

官弟姪來請業者益峻却不拒以是得簡貴聲

久之望愈重以學士侍經筵日講時 上有所

姑蘇名賢小紀八卷上 三三塢藏書

幸中貴人廣頗導游西苑公爲講文王游田章

剴切反覆 上罷講以謂廣曰講官今日所講

殆指若曹好爲之亡何遷佐吏部會虜火飾入

寇上籌邊八事一定算二重主將三嚴法令四

恤邊民五廣召募六用間七分兵八出奇又請

科舉之外略訪前代制科如博學宏詞之類以

收異材六年一舉舉不數人其俊異不羣者厚

加寵遇先有官者量材加秩庶足以濯磨士類

洗滌陋習選將材亦然時不能用正德改元奄

一第丁一升貴多日...

導上逸游中外洵洵洪洞韓忠定公時爲司徒
憂懣不能食其屬李夢陽說公曰閣三老顧命
臣也公輩爭於外三老協于內何所弗濟韓毅
然改容曰善即事弗濟吾年足死矣不死不足
以報國遂倡諸大臣伏闕請誅八奄 上召諸
大臣傳責甚厲衆相視莫敢發言獨公以危言
繼韓公後幾定矣事忽中變夜詔瑾掌司禮首
逐韓繼逐劉謝時瑾詞事者於擾攘中不悉公
有危言遂以人望與焦芳同入閣瑾權傾中外
所錮辱士大夫不可勝紀公曰士可殺不可辱
吾亦何顏居此瑾憾洪洞不已必欲殺之又坐
華容劉忠宣公以激變岑氏皆械繫詔獄公爲
力爭且言岑氏未變復何所激乃皆減死瑾議
欲焚廢后吳氏喪公曰服可不成葬不可苟景
泰汪妃薨公又言妃廢不以罪宜復其故號葬
以妃祭以后語皆侃侃而焦芳專事嬖阿瑾亦
漸知初佐韓議者公也公益自危乃懇辭去位
瑾每念公相忤又輒發怒欲中傷公會瑾改得

姑蘇名賢小紀

卷上

免歸凡十四年 世宗即位舉故事遣行人存
問賜金幣益輿廩一時存問者將十人公獨上
書進講學勤政二篇優詔報聞卒年七十五公
之歸田也闔門自重不妄交與惟進一時名士
與談文史給事貞山陸公方爲諸生折行與交
至讀書相質難處輒注聞之子餘文學云故於
時人士彬彬多所興起其家富甲吳中則皆子
若孫所生息天下不能以是爲公損也

姑蘇名賢小紀

卷上

論曰近世通儒之論於逆瑾之際咸謂王文恪
之勇退不若李文正之委蛇默奪潛銷使天下
陰受其福而不知也文生曰其然乎哉其然乎
哉 武宗中葉瑾之肆毒極矣愚生寡昧竟未
曉所謂默奪潛銷者果安在也易稱介于石不
終日子輿氏戒枉尺直尋子固嘗接浙冕而行
矣士大夫應世持身豈無律乎若夫卷舒在手
滅沒難尋如楊文襄王文成斯乃所稱可與權
者噫豈易言哉

楊儀部南峰先生

楊先生循吉字君謙吳縣人成化甲辰進士授禮部主事居曹事簡日惟矻矻讀書每讀書得意則手足狂舞不自禁以是得顛主事名而最不喜者人間酬應因謝病歸久之復除原官彌月再乞告吏部格不可曰郎病已安得復病先生恚曰吏部難吾棄官耶遂乞致仕歸時年未三十也結廬支硎南峰日折松枝為籌課書書益博奧內外典釋官小說幾無不通每歲輒持齋誦經百日不出以報其先人會詔求直言先

姑蘇名賢小紀 卷上

三竺塢藏書

生上封事以故禮官得言禮請復建文帝號所驚不能舉其案比武宗南巡以名驛召先生郡邑前為先生治裝先生冠武人冠韎韜戎錦無所不狎侮已見上令應制為歌詩輒稱肯然不授先生官先生力懇乃免歸歸而貧益甚性亦益癖顧尚書華玉道吳以一幣為贄相與促膝論文歡如也俄郡守折簡邀顧公先生色忽變起驅之出曰野人安敢與貴人爭客敕其子以前幣擲顧舟即汝呼慎無復應子如

言投幣詰朝顧公躬往謝罪先生堅閉門叩數百莫有應者顧公每舉示人謂過吳不可不造楊先生然亦毋易造楊先生也先生晚節落窶不得意嘗自作生志語多孤憤年八十九乃卒卒而所著書十餘種皆散落人間

論曰士固有甫歷清華年未三十而致政者乎斯其人負奇癖亦可知矣著書千卷立言有光假令稍平其氣不與時忤奇窮骯髒當亦不至如先生也然先生固足以自雄矣余嘗謁先生

姑蘇名賢小紀 卷上

三竺塢藏書

墓一坏荒草大半樵蘇慨然太息欲為請於官復其稅屬鄰僧洒掃其塚而力未能也生不得意死亦亡為慰卹者噫孰謂吳風風雅哉

都水郎張公

附李上饒為銘

張公璋字嘉玉其先自真揚以赤籍隸蘇州衛其大父聲遠父靜源皆善士得里閭聲公以成化丁未第進士官工部居官持廉所至有名其權稅武林尤稱嚴慎亡何以都水郎治漕事時逆瑾初用事其黨縱橫江淮間公一繩以法舟

過漕則檢而沒其私權姦斂手相戒亡犯張郎
中俄而瑾以蜚語告變逮繫 詔獄酷訊無所
得乃以奉使乘肩輿非制落職戍遼陽庚午更
化召還諸流人公復故官待次卒居家貧甚晨
夕餽爨或不時舉既死室無一錢郡邑爲賻隧
乃克斂鄉人士賢者因共斂貲葬之公纖弱不
能勝衣當被逮時貫索關械荷重校暴烈日中
市人傍睨竊歎莫敢近數日羸竭且死更兩日
復蘇事母極孝赴戍時母年八十相持慟哭謂
無更見期日夜悲泣比歸母猶健七箸安公養
逾年而卒人以爲生平苦節之報云

姑蘇名賢小紀 卷上

孟寧場藏書

論曰士大夫守職官下不幸而值刑餘之肆橫
也大者死小者斥此其固然胷中當預辦之矣
張公孱不勝衣酷訊不死置絕徼不死又安在
權璫之必能死人也彼搖尾俛首乞憐取妍坐
致大位者今果皆不死乎後公數十年而有上
饒令李鴻漸卿始筮仕力與中官角已用法杖
殺其黨十餘輩遂削籍以歸漸卿嗜讀用世書

姑蘇名賢小紀 卷上

有氣敢言勇於任事極其量當爲能臣而世不
盡知也一躓而死竟泯厥音君子蓋重爲鄉邦
惜焉

祝京兆先生

祝先生允明字希哲長洲人生而枝指故自號
枝山又稱枝指生先生祖叅政公灝所在有政
績正統初舉進士一日入左掖門而巨璫以旨
召公及其同年四人入內館出詩目試之問其
故曰 上知若等名姑試一詩欲召入詞林耳

姑蘇名賢小紀 卷上

孟寧場藏書

公不應竟出乙巳之變 景皇帝詔奪情以都
御史起復復不應故吳中一時大老咸重視惟
清公先生少爲名家子天質穎絕讀書目數行
俱下於古載籍靡所不該洽自其爲博士弟子
則已力攻古文詞深湛棘奧吳中文體爲之一
變當座談笑雜選援毫疾書思若泉湧書法魏
晉六朝至歐顏蘇米無所不精請而晚節尤橫
放自喜一時名稱大噪索其文及書者接踵或
輦金帛至門輒辭弗應然時時醉卧伎館中掩

三六九

之雖累紙可得性拓落不問僮奴作業又捐產
書古法書名藉售者故昂直欺之弗算至或留
客飲計無所出酒窘甚以所蓄易置得初直什
一二耳當其窘時黠者持少錢米乞文及手書
輒與已小饒更自貴也壬子舉鄉薦上春官累
不第當道奇其才會修史將名薦之弗果謁選
興寧令地介嶺海民尚訥惑於禳祥先生示之
禮簡進秀異親為講解群盜竄處山谷時出焚
斂為設方畧一朝捕三十輩邑以無警稍遷判

姑蘇名賢小紀八卷上

三毛 三場藏書

京兆事遂乞歸歸日張酒召故所喜客與劇飲
歌呼盡其橐中裝乃已或分與持去不遺一錢
年六十七而卒幾無以飲也先生好獎掖後進
其與唐寅先生書言萬物轉高轉細未聞華峰
可建都聚故益廣泓茹口多戲謔而終身不言
人過所著書合詩文凡數百卷其所稱祝子罪
知者語絕誕

論曰當祝先生時其文蓋岸然獨貴當世云琴
川系悅民懌好大言無所讓亦曰天下文章惟

悅與翰林羅玘長洲祝某也蓋明與百年士膠
守章句未有能恢然者也緣六經而旁飭之龙
材復古先生先登矣先生天材既捷少則館甥
于李少卿氏而外王父為武功徐公故書學遂
能超宋躐唐鳳翥龍變蠕蠕六指形而下者其
不朽乃藉此乎子續亦第進士為大官

姑蘇名賢小紀八卷十

三毛 三場藏書

姑蘇名賢小紀卷下



長洲後學文震孟論次

右都御史盛公

盛直菴公應期字斯徵名鑿寅之後也世居長洲成化癸丑成進士授都水主事治濟寧公始為持法矯伉公私舟以序進亡敢越者戚里近倖舟挾私物輒沒之時中貴人李廣憑上寵橫甚其家人懼公威悉投鹹水中以是羣愬公用阻抑薦新為大不敬逮下錦衣獄鑄八階摘丞

姑蘇名賢小紀八卷下

二卷場藏書

雲南安寧驛稍遷為令為倅僉臬事所在以公彊廉直稱而僉臬金滄持鎮守中貴梁裕不法事為所中與同官張璞晁必登俱逮復下錦衣獄鞫訊慘烈張竟考死公益譎譎不屈會軋清宮災言官論救乃免按察河南復折中貴孫清布政關中則與鎮守廖鑿軋剪其弟姪及左右翼奸者幾盡鑿思中傷之時中旨督織造屬其費鉅萬鑿檄公取直公即按籍得所支冒已逾額即詣鑿鑿盛氣待公公出籍示之因問更費

如此計所造有贏金且安在願以上聞鑿出不

意內悞不能對跪謝乃已時 武皇帝幸榆林

士馬蹂躪頓置百需公不加賦而供張悉備一

時扈從權倖氣焰熏灼有所苛責公不應卒亦

不能乘也亡何拜副都御史撫四川平六番招

討高文林及流賊謝文義亂尋進兵部侍郎督

兩廣軍事至則破歸善賊及思恩土酋後先斬

首三千有奇俘半之方大有所振刷而謗起先

是公稽尺籍得節帥監軍脫卒甚多盡勒歸伍

姑蘇名賢小紀八卷下

二卷場藏書

又嚴戢其左右官屬不得稍動因相緣為譟構當事者為調停計遂除工部寔奪其權也公乃乞致仕歸歸四年河決徐沛即家拜公都察院右都御史治之公上四策曰疏疏上流而殺之曰濬濬故道而順之曰築築堤而障之曰改改別地而不與之爭詔曰可其以春和興而公先期調發民兵僱工言者援詔書劾公不待旨輒發盛冬困吏士冰雪中 上怒奪公官凡七年以廟恩復職致仕卒年六十二公負氣矻矻不

肯屈下人體貌嚴重居家肅如官府而待族屬及貧交咸有恩禮於倫誼尤篤

論曰盛公甫筮仕而即與中璫角也固已置一官與其身於度外矣一再中法瀕死不撓剛腸勁骨非其秉於天性者耶卒以功名顯於世為能臣雖終構讒口未為不幸也夫世未有計及於全軀保祿位而能樹立於當官者也榆林之役整而能暇其警服權倖寧一朝一夕所猝辦哉

蘇蘇名賢小紀 卷下

袁飛卿先生

飛卿先生名翼其字飛卿吳縣人少警敏十歲能把筆為文有奇語稍長益事博綜奇文秘記日討尋不厭聞有異書輒奔走求之併金懸購至解衣為質弗惜也正德中舉于鄉以母病不赴自後逡巡凡二十年遂以自老平生名義為急口不言財利事與人處無岸谷而任情矯亢不能俛仰一有所觸狂叫奮擲是是非非必達其志晚益翫髒深藏不出讀書樹藝自娛而已

三益坊藏書

闢小圃種菊數百本嘗曰吾於世萬事可捐惟積書稅菊不能忘情或時饑饉不繼回視所有欣然自樂不復知吾貧也優游六十餘年而卒論曰跡袁先生生平蓋亦一時奇曠士也袁先生多讀書善制舉義其名篇大都入王文恪稿中而先生不第故世知文恪不知飛卿即所著撰古文詞亦竟散逸亡存者昔人謂文之傳不傳故自有命豈不信夫而况其大者哉

朱恭靖公

朱氏名賢小紀 卷下

朱公希周字懋忠其先自崑徙吳故號玉峰弘治丙辰擢進士第一人拜翰林修撰修會典成遷侍讀中人瑾卿公遠已矯詔奪公侍讀公惇謹誠厚性自規矩以狀元及第六品二十年不遷意澹如也佐禮部屬大禮垂成諸舊臣相繼罷去公猶持議帝與獻非是屢忤 上旨乃出為南吏部尚書會大計以公考察不當令再察公謝再察非故典臣老不稱職唯有去耳再疏乞致仕歸歸凡三十餘年中外薦者百疏竟不

四益坊藏書

起公之為恭敬雖女婦孺子毋敢慢取予一介不苟門生故吏及監司部使者餽遺悉不受也其配亡熒然獨居旁無勝侍所給使僅一老蒼頭三十年不變兀坐終日几席無傾倚盛暑衣冠必整所居吳趨里紛華相屬而公蕭然一室廬舍單敞服御儉朴人不知為公卿也里中兒稍為不善輒曰吾何以見朱公其黠者曰秘之幸母使公知而已蓋不出戶而隱然為薄俗風勵年八十四乃卒遺令母乞恩於朝父名文不

姑蘇名賢小紀卷下

五竺塲藏書

唐解元伯虎先生

唐先生寅字伯虎一字子畏吳趨里人性絕穎利少讀書不識戶外街陌其中矻矻有千里氣父廣德嘗語人此兒必成名殆難成家乎父沒猶落落其友祝希哲先生謂之曰子欲成先志當且事時業若從已願便可褫襮僕燒科策今徒籍名泮廬日不接其冊子則取舍柰何先生於是墜戶絕交往亦不覓時輩講習第日取少所治毛氏詩與所謂四書者繙討擬議祇求合時義一年試應天遂錄第一人已未偕計北上

姑蘇名賢小紀卷下

六竺塲藏書

有旁郡富子強先生偕往富子以賄敗株累斥為吏先是梁文康公竣試還京與程詹事敏政從容語次數稱唐某才士寧第甲江南程公遂請先生請三事使其草三事皆敏捷程公因亦數稱唐某當世奇才一第不足畢其長亡何而程公奉詔主會試忌先生者以蜚語聞比廷鞫竟論削程公籍而先生廢先生既廢益放浪形跡間扁舟獨邁祝融匡廬天台武夷觀海東瀛浮洞庭彭蠡歸益研習造化玄蘊象數尋究律

星求楊馬玄虛邵氏聲音之理而贊訂之旁及
風鳥壬遁太乙出入天人間而是時寧庶人者
慕先生名厚幣聘先生先生往一見則度濠有
反形乃陽清狂不慧以免其於世間詩文不甚
措意謂後世知我不在是奇趣溢發或寄於畫
下筆趣追唐宋名匠晚乃皈心佛乘自號六如
治圃舍莠花塲日般飲其中客來共飲去不問
醉便頽寢年僅五十四卒祝先生為銘曰穆天
門兮夕開紛吾乘兮歸來睇天奕兮故土回風

姑蘇名賢小紀八卷下

七五塲藏書

衝兮蘭玉摧不兜率兮徘徊星辰下上兮雲雨
垂倚桐輪困兮稼無滯穠孔翠錯燦兮金芝歲
蕤碧舟淵涵兮人間望思蓋天下歌而悲之
論曰余每詢故老唐先生事讀其遺詩未嘗不
流涕也曰世有才如先生而竟以冤錮耶當時
名公卿滿交戟無一人能為先生暴者何也困
英雄而黃槁之見謂不復收矣逆藩之變狎狂
自免大節確如斯其人不足千古乎彼媚先生
者媚先生復第一雋耳人材第一風流第一畫

品第一夫又誰能媚先生也膏自銷熏自燒桂
伐漆割廼令人瞿然有餘思矣

張夢晉先生

附張叔先生

張靈字夢晉家故貧窶作業至夢晉始讀書好
交游任俠作達醉則狂舞曰日休豎子耳尚稱
醉士我顧不能耶與伯虎先生鄰相善一日偕
游虎丘扣舷痛飲作野人歌會數買飲亭上且
詠夢晉曰此養物技不過弄杯酒耳何當論詩
我且戲之因更衣為丐者上丐買食已前請曰

姑蘇名賢小紀八卷下

八五塲藏書

謬勞諸君食無以報雖不能句而以狗尾續若
何賈大笑曰正亦詩人耶時賈所為詩有蒼官
青士朴握伊尼等語因舉試之則響對曰蒼官
松也青士竹也朴握兔也伊尼鹿也賈不測始
令賈復丐酒連舉大白十數揮毫頃而成百首
不謝竟去易維羅陰下令絕跡賈使伺之亡有
也乃大駭以為神仙云夢晉能畫人物高遠有
致然惟掩其醉得之莫可構取
論曰任情肆志之士固禮法之所大繩也然其

人則皆跣跣磊落非世途齷齪者比史曰應諸
似優穢德似隱豈是之流乎雖言行不純猶足
以滌除鄙俗矣余是以論次張靈先生也後有
張粒幼于者亦狂士顧嗜讀書書無所不丹鉛
晦明寒暑著述不休以結客故盡散其產老不
得意益以務誕至于冠紅紗巾生自祭而歌挽
歌行乞于市斯幾狂而蕩矣然所著書皆翼經
史佐禮樂非漫然者余嘗謁先生于白公石下
先生遽易葛巾屏侍妓而後與余揖余乃知先
生之誕固與世牢怪抹掇而托焉者也後竟為
怨家所殺

姑蘇名賢小紀

卷下

九世三場藏書

鴻臚寺丞錢公

錢公貴字元抑弘治戊午鄉薦謁選太常典簿
時太常方用羽流為卿公上言秩宗之任典司
禮樂統和神人不宜以異類參時論躡之嘉靖
初論劾中官蕭敬貪饕不法又集王振曹吉祥
劉瑾事著三患傳奏上亡何而大禮之議起公
因明職掌籩豆之數乘間論列會議禮者皆得

罪公遂乞致仕疏再上進鴻臚丞以歸時公甫
艾即所居旁穿冢治木以待盡月舉善族會會
必申以禮法或有緩急極力拯之竟忘其家之
貧也公學務綜博文詞爾雅既官中朝與應元
忠鄒謙之諸先生游始從事于性命而一切文
字之學悉見為支離屏去老退林下益集諸生
講明其說所著有易通乾坤纂遺檀天解太常
都編等書

論曰成弘間吳中士大夫言講學者蓋鮮顧以

姑蘇名賢小紀

卷下

十世三場藏書

余所次諸老先生其行事寧愧於學乎錢先生
乃啟其鑰矣出幟於朝處範於鄉進退光明取
予介如如錢先生乃真講學也去今數十年而
名亦不大著意其人固惇惇闇然不求聞達者
哉

徐迪功先生

先生名禎卿字昌國巴更昌毅長洲人先生天
性穎異家不蓄一書而無所不通自為諸生則
已工詩歌有聲儕偶而其語高者出入齊梁間

又著談藝錄一時操觚士爭賞為帳中秘書既以乙丑成進士居閒曹益務切磨其學愈古其格亦愈變而上於是中原諸子咸推先生主齊盟名在大梁信陽間矣即善雌黃者於吳中先達多所譏彈然以先生狎主李何間不能啁也先生初成進士上忽使中使問先生與雲間陸深名後陸選中秘先生弗得授大理寺副以不能其官乞徙近地便養當事者曰為好異抑之俄以失囚降國子博士年二十三卒卒時以

姑蘇名賢小紀八卷下

十一世場藏書

後事屬徐子容子容泣先生笑曰常事耳何泣蓋惺然而逝

論曰語謂人不可以無年豈其然乎徐先生年僅三十而死而迪功之名則已傳矣先生好談仙又好談道學故王文成公誌先生幾欲當先生師吁此迪功也文成強以為吾徒止地弁州援以為吾黨而五金八石冲舉之倫又引以為吾儕乃究其傳故在迪功集也雕蟲小技乎哉

黃五嶽先生

黃先生省曾字勉之以其經魁南都舉進士不第遂棄去耑攻古人詞規儼六代摹畫宛然大司馬喬公宇時鎮金陵請先生往纂諸山記一日游覽一日著撰登臨嘯咏風藻奕然遂為南中勝事時王文成公倡道越西先生執贄性見作會稽問道錄以為門人咸隆頌陟聖而不知公方履理過恒視坎途擬滯度迹而不知公隨新酬應了無定景蓋自許得王氏玄珠云又自序謂思樹勳常而瞻言百里必有播敗故不樂

姑蘇名賢小紀八卷下

十一世場藏書

簪組亦愛賓屨而俗化蕩靡惟事淫逸故杜門交游知饗御有枝腹之分故不營貲產知情態成狐域之觀故不蓄懷較此先生之大槩也先生每月朔望必陳五經而拜之故有拜五經文所著有經說易繫奧旨懷賢錄詩言龍鳳等書子姬水亦能詩有韻致

論曰吳人於歌詠絃誦亦其性所近也徵逐奪之游冶洎之有志者亦往往耗其精於帖括訓詁之學而沒齒錄錄者眾矣黃先生一舉不第

棄而攻古幾成其家言至今文苑中知有黃勉之氏也亦廉乎不虛其生矣俗化蕩靡杜門交游肯哉言乎

中丞朱公

中丞秋崖朱公純字子純甫生三日遘家難即與其母繫獄陳副使冷菴先生申其冤稍長為諸生孤苦自立正德辛巳成進士知景開二州俱以廉惠幹濟稱擢南駕部有大奄侵兵士食者公引法裁之出參江西與柄臣忤因遷四川

姑蘇名賢小紀

卷下

十三 筮場裁書

威茂兵備以平深溝諸部寇功賜金幣加等歷廣東左布政使又以勦平獍賊再賜金幣進都御史撫贛已移撫閩浙是時沿海諸郡奸民稍與番舶通因緣為奸利而以大姓豪家為主公拜官請一切從軍典法聽便宜從事詔許之至視事悉掃諸酬應斥去黃墨殺貪汙者數人日夜中約束窮治通海船者排根豪右剪除其貸是時閩粵既粵諸貴人家於海其為巡視在朝者比而謀破敗公所為至華巡撫為巡視

稍削其權公聞之怒數上章廷辨語侵執政執政聞之亦不善也公提兵平漳州同安寇捕首虜六百人移師定海屢破島夷焚餘皇幾盡又大破賊于溫盤南鹿諸洋凡數上捷僅一拜賞而最後悉平佛郎機黑白番船虜其酋及餘眾四百餘有言其為變者公傳令悉誅其魁言官遂劾公妄殺而削職聽勘之命下矣公清強峭直惡墨吏大猾如仇讐居恒歎吾家無一錢不病痔不任獄負氣不忍詎不任獄即天

姑蘇名賢小紀

卷下

十四 筮場裁書

子不欲死我大臣且死我大臣即不死我一粵豪家必死我我死自決之不授人也每搗椒自隨而時適有校尉逮朱參政鴻漸公不及問即仰藥死死三年而海寇大作

論曰朱公有言去外夷盜易去中國盜難去中國萑苻之盜易去中國衣冠之盜難蓋自公死而中外搗首不敢復言海禁事比海寇起糜爛東南者二十年而兩粵士大夫尚置然謂寇自朱某始也夫士大夫以其私奸利事至不難殺

天子幹臣以縱島夷豈其間無一義士哉至于今而暴日益深禍亦益難測矣則安得有亡身殉國如朱公者乎老子云勇於取則殺勇於不敢則活謂公妄殺非也不可謂公不勇於殺也仰藥而死或符道家忌焉

王雅宜先生

附白陽陳先生

王先生寵字履仁更履吉吳縣人少從蔡羽九達先生游蔡先生居洞庭林屋性高亢不數入城府先生棲林屋者十年遂窮六經之奧于屈

姑蘇名賢小紀八卷下

十五 竺塲藏書

宋遷固諸書無所不研討為文駸駸似之詩好建安三謝書法在永興大令間鬱然為三吳望矣已築草堂石湖之陰岡迴徑轉藤竹交蔭每入其室筆硯靜好酒美茶香主人出而揖客則長身玉立姿態秀朗又能為雅言竟日揮麈都無猥俗恍如閬風玄圃間也時或偃息於巖石之下含醺賦詩倚樹而歌邈然有千載之恩先生當御史試輒第一顧赴京兆則不利僅以貢貢太學年四十而卒

論曰余每至石湖登先生采芝堂御風亭小隱岡未嘗不低徊留之想見其人讀其所遺詩沉鬱孤憤每多幽憂失意之感又未始不為三歎也先生少與其兄涵峰公俱邑諸生而名過之已而涵峰公舉進士官中丞赫然貴重矣今日較之與仲孰多時有陳衛復先生者以布衣有文行聲其大父亦中丞至於今天下故不知陳中丞而惟知白陽山人也

白陽大山人

給諫貞山先生陸公

姑蘇名賢小紀八卷下

十六 竺塲藏書

陸公黎字子餘一字浚明長洲人資絕穎利六歲聞坐客論史事言漢高帝寬仁大度公曰寬仁大度耶何為殺韓信醢彭越一坐驚異少長為諸生治春秋有名既而聯魁其經入中秘凡七試皆首而是時新貴人張桂長翰林公約諸吉士毋往謁謁且不與齒張桂對之當散館公復試第一竟出為工科給事少師楊公謂曰子自愛經世才也豈區區館職計哉公感激受命三日聞邊警即上言兵事又請開弘文館與博

聞有道之士講論政事優太學舉貢諸生途與
進士並行法毋徒寬進士毋棄王官及教官材
者遠方二千石以上及行太僕苑馬轉運毋以
不及下考遷調復上四事曰久任使慎考察汰
冗官復制科侃侃言事亡所避時以京朝官典
各省試公得浙江各省錄咸列鎮守內臣名公
獨削去之二司監臨固請弗得也已還朝適法
司與殿衛獄互異 上右殿衛至爲斥臺長浹
公力信其不可 上怒下詔獄踰月杖而釋之

姑蘇名賢小紀 卷下

七 竺塲藏書

時張與桂方張甚公極論其奸并及諸要人夜
草疏鬼嘯于庭公大言曰我男子死耳疏不可
已嘯乃寂詰旦疏入自分必死乃得旨罷二相
都下哄然爭欲一識陸給事至擁馬足不得行
俄而霍詹事韜以蜚語聞謂公之疏楊公主之
上怒遽召張還政府下公詔獄謫矣公自都勻
驛丞遷永新令平冤獄擒劇盜杖殺土豪左鐸
數世爲民患者他惠政不可勝紀士民咸歌舞
之公念中朝諸權要相中無已時且母老遂上

書乞致仕即日歸歸凡十八年不通朝臣一字

中外交薦亡慮數十疏皆報聞而最後有以名

薦公者公鄙其人乃曰吾結髮立志不幸乃爲

匪人所汙益鍵門讀書聲琅琅達戶外臺臣郡

邑罕覩其面而或里中有不平及刑法冤濫事

輒慷慨論列鬚髯盡張不達其志不已事母極

孝母篤老多戚戚公因選聲伎娛之母死一日

盡出其歌姬十餘人而公竟以哀毀不踰年沒

矣年僅五十有八病且革顧其友笑曰丈夫當

姑蘇名賢小紀 卷下

十八 竺塲藏書

馬革裹尸待盡牖下爲兒女子所笑言訖而逝

公爲文精整有裁碑志傳誅非其人不輕諾諾

亦不輕溢一語蓋讀其文想見其方嚴子延枝

樸實能讀父書

論曰吳中曩時之爲諫大夫者如此蓋當公時

分宜相甫禮部侍郎有時譽云而公疏斥其姦

驗於十餘年後若券也斯豈僅以意氣激昂者

耶公諸生時受知王文恪公已筮仕尤爲少師

楊公所許公歲時畫像謁之拜且泣曰吾何以

報知己也夫士之重知己如是哉如陸公斯足以報矣

世學憲袁先生

袁先生袞字永之吳縣人七歲賦詩有奇語十五試應天即馳聲場屋中乙酉舉鄉試第一明年成進士時永嘉為學士讀先生卷欲首薦同事者惡其攬權抑置二甲改翰林庶吉士永嘉亟言於先生欲見德而先生不謝亦不報謁乃密言於上謂諸吉士皆少年浮薄非大器悉左

姑蘇名賢小紀 卷下

十九 竺塲藏書

之出先生刑部已調兵部亡何司署不做於火有郎當夕干擲以事不往倩先生代比火作郎且獲罪先生挺身獨承其辜所司密受意旨謂故縱火謀為奸利當斬鍛鍊久之無所得乃減死戍湖州衛已用例赦歸起南兵部僉臬視廣西學政駁駁顯矣而廣西自韓襄毅公後二司謁督府皆庭跽先生不可遂拂衣歸方先生自翰林出司刑曹即以明法自任已司武選益務搜剔不以顯晦為意既盛年林居築列

橫塘俯臨湖山之勝祛篋讀書群經子史無不該覽所著撰咸足為世用年僅四十六而卒子尊尼亦為憲臣視學政以詩文世其家

論曰余讀先生世緯二十篇其於經濟大略蓋鑿鑿乎詳言之矣即古所稱賈生鼂大夫何加焉與時齟齬不稍施行又盛年奄棄如所著皇明獻實吳先賢傳諸書皆未及勒成而沒為可惜耳是時吳中父子兄弟皆能文者推袁氏皇甫氏然袁先生子魯望學憲以氣誼聞晚第進士不肯受知首輔力謝中秘乞官南曹其風皎皎乃充足矣

姑蘇名賢小紀 卷下

二十 竺塲藏書

王吏部先生

西室先生名穀祥字祿之長州人家世名醫先生始讀書性穎敏美姿容善書畫屬古文詞嘉靖己丑成進士改庶吉士踰月而解就甲資得工部郎轉吏部代郎中司選事時太宰鉉陰陽倒置先生堅持法不肯阿因數與忤意忽忽不樂念母老乞歸養而其兄故在尚書用例格先

生謫倅真定遂歸養母者幾三十年持身峻潔不妄交一人手錄古文籍至數百千卷咸精好不忍觸手以詞翰徵者不輒應杜門却掃焚香而坐一室之內琳瑯金薤謚如也歐寧李公爲太宰奏起之先生不赴最後徐文貞當國起補南選部謂旦夕且列九卿復不赴或勸駕者先生笑曰豈有青年解綬白首彈冠者乎竟終老田間卒年六十七

論曰郡守蔡公蓋嘗表公所居里爲清德云余

姑蘇名賢小紀八卷下

三正坊藏書

髻時嘗僦居先生讀書處披其室如見其人瓦屋三間清風猶翛然襲人也當先生居選部銳然有澄清之志假令得當大吏無所齟齬建白可勝道哉枘鑿不入拂衣歸林丈夫顯晦豈繫一身事矣余每見司選者和柔自媚苟幸无咎皇皇以自全其遯遷卒亦不越於卿寺也夫吳中卿寺何限而王先生竟以一倅不朽矣有志者將焉取哉

陸尚寶五湖先生

陸先生師道字子傳長洲人弱冠舉于鄉又七年戊戌成進士太傅李文康公閱先生卷絕賞之閣下盛傳陸某卷文章賈董筆法鍾王已擬上第一人而首臣欲識之使人邀致即中者再固謝弗肯往遂置次甲拜都水主事久之改儀部入直內閣制敕首臣必欲羅致門下公弗屑以母老乞歸時年未三十也歸凡十四年養母備至撫同母弟極其友愛母卒以孝廉聞使者交薦之又十年起祠部郎道遷尚寶少卿嘗一

姑蘇名賢小紀八卷下

三正坊藏書

奉使秦遍歷關中形勝秦王習聞先生名饗以厚幣謝弗納還署司篆復請告歸尋病痹病六年年六十四而卒先生長身玉立美鬚眉仕宦垂四十年立朝不滿一考予告之日杜門讀書師事先待詔刻意爲文章及書畫皆入能品居平不妄交游監司守相莫識其面自奉詔起始通賓客爲具享郡大夫至稍後遽徹席什燎以酒饌與鄰老相勞已遂闔門不爲應客矣將赴關久之不能治裝鬻其居以往歸遂無一椽子

士仁敦朴有古風而女適趙願光者博學能文備婦德世所稱趙大家者也

論曰當陸先生射策奏最既已擬第一矣而柄臣以禮請見也即一往豈遂喪其生平哉先生則毅然弗屑也先生弗往僅失一第一耳三載遁得之斯其人何有至今聞陸先生遺事有志者乃肅然雅拜矣趣操又安可不素定耶先生少嘗受經王祿之吏部仕俱非久俱雲卧中林俱以清風高節稱儀鴻威鳳于當世嗚呼休哉

如蘇名賢小紀 卷下

三 三 三 焉 藏 書

隆池彭翁

外大父隆池翁年字孔加長洲人父昉以名進士令新會不能其官輒罷罷不能其家家益落翁少而穎異新會公即以酒沃之曰飲酒而已即讀書貴復作而父何益翁遂不受舉子程業日取六經諸子史兩漢古金石言讀之讀且遍為文章工詳腴尤長記傳頌誄詩大抵宗盛唐旁及香山郢州精法書宗魯公率更行體翩翩眉山矣既喪新會公則廢箸而供喪葬毀骨立

如蘇名賢小紀 卷下

三 三 三 焉 藏 書

郡守南充王公察翁孝廉上視學御史幣聘翁入郡庠而歲廩之已又檄翁應試翁為一之南都登鍾山望大江而返卒不請廩曰是升斗粟天子所養士以需異日用者吾安得食之亡何竟請於後御史以免翁雖貧所交皆賢豪長者然不肯一言于乞玉立秀爽善酒德益醉益恂恂温恭長者口不挂人臧否故相夏文愍公聘翁記室謝弗就分宜罷相以身後托翁裹百金裝為聘亦謝弗就年六十有二而卒方翁之卒也能預為日至日炷香以測晷且盡曰未也更炷至半曰是矣遂翛然而逝

論曰先君子為不肖言翁趣操甚潔曰如翁者乃足以愧夫世之充隱者矣翁既謝儒衣冠而亦不為居士服曰吾安能早時吾不及時且吾敢倍實而冒此名哉邦君守相有式廬無報謁也四方道吳者戶外轍跡恒滿而不數數見餽遺雖斗升粟非文字交即峻辭若浼蓋竟以貧死矣嗚呼吳襄時之稱山人者如此夫

方伯陳公

方伯雨泉公濬字子兼世為吳人少有大度嘗
 遇巨蛇起坐側弗驚一夕盜入室取其衾亦弗
 動家人旦而詰之曰夜半落盜手矣甲午以易
 魁於鄉戊戌成進士授工部權荆川木一年謀
 不登而尚書察公廉亡能難也累遷臬副視四
 川學政公校諸生文竣即付郡邑庠不問其甲
 乙有無知名士以故居間自絕而所拔士貴而
 造公廬或以書贊謝者公輒曰嚮者吾知君寔
 不知為君今者君知我我又不知為何君也分
 守湖南一案而出大辟五人裁武岡諸王之亂
 政者已遷河南其御史倨甚公故褒衣緩行又
 中褻係解御史怒則笑曰吾豈故欲中褻係解
 耶而怒為乃竟為所論歸歸久之起家雲南已
 遷蜀自叅政按察使以至布政咸不離蜀所蒞
 輒有聲署數篆皆理治軍軍治人益異公文吏
 有開濟才旦夕望公開府而公年六十三乞休
 矣歸又七年而卒公為人坦易不設城府中寔

姑蘇名賢小紀 卷下
 五 笠場藏書

姑蘇名賢小紀 卷下

耿介初為臬使有倅餽罌蜜而中金呼詰之對
 曰軍食羨也公不受即柰前使何某不上羨則
 柰後使何公斥出之後署藩篆鉤羨萬金悉歸
 庫第庫者以例請公怒曰若知取羨例也不知
 不取羨吾例耶餘奉悉給族黨歸田不能資以
 臘中堂廣表丈許榜曰已寬豁如也嘗有客過
 公公留飲顧問中厨鮭菜幾何荅無之復問
 中酒幾何則恥久矣相持大笑因過鄰舍飲
 自其居里中里中豪椎牛饗公謝不時赴
 故舊或僧寮道人舍濁醪麤饘備諧笑亡已
 戶僅中上奕不登品而觴則觴奕則奕意
 餘懽善行草尤工榜署書詩文亦洒洒顧
 甚注思大要以真率勝人也

論曰當時名能任真者先王父國博府君
 陳公矣夫世所為矯情以自飾外堂堂而中
 如者亦為名位計耳陳公之率也乃雨泉名到
 于今官亦階二品矣公大王父直道先生以剛
 勁聞公顧寬然長者乃其中耿介內行嚴潔孰

姑蘇名賢小紀 卷下
 五 笠場藏書

謂祖孫不相及耶朴士見文文士見政公淵乎不可窺矣

張孝廉先生

附周汝宗

張敬堂先生基字德載吳縣人庚子舉應天薦薦而例得坊金百一日散之親族畧盡當會試有顯者與先生善欲為道地先生咄曰立身一敗尚欲何為哉竟弗應歸屬疾久困醫藥間怛然若有懲者遂究心為已之學病亦自愈屬當試而聞其父訃哭絕乃蘇已服除復當試有善

姑蘇名賢小紀八卷下

三益堂藏書

相人者謂而骨法當上第而色有阻者何也先生念父沒大母且耄遂逡巡其行亡何大母死已而其婦亦死先生乃歎曰母老矣誰與朝夕耶自是步武不忍離屏去冠服為野人衰治一室甚潔扁曰愛日以居毋手擇果實浣蔬茹嘗而薦之湯粥滌滄非親調不進也於書無所不窺而尤邃于經術多所箋纂晚而稔之身心融融如矣顧其持敬日益甚自檢日益微密奉母外足不踰戶婦亡不更娶旁無姬侍食不葷寢

恒不脇席也歲大稔有米數百斛悉以賑饑者而屬軍興族皆役先生歎曰吾何忍獨以例免而煩族之老弱為請於官毀家以紓之自是產若削矣先生攻內學體氣益充忽一日顧其子曰何日當出行吾且行遂為日期之子大駭而至期一夕候母安者十餘昧爽跌坐頻誦一念不生頃而目微上指瞑矣几上手書數行則皆身後奉養事也年五十有九先生嘗銘座右曰勿展無益身心之書勿吐無益身心之語勿近無益身心之人勿涉無益身心之境羅文恭公以為四勿翼云

姑蘇名賢小紀八卷下

三益堂藏書

論曰此真孝廉也哉雖天性純粹乃其得於學植者深矣先生之學蓋自主敬人也敬則靜而虛明湛然至德凝矣後先生六十年而舉于鄉者為周汝宗氏汝宗名胤昌本施姓其人篤實有隱操能無慚孝廉名也踰壯而死惜乎其未究於學也然猶足以襟領人倫矣

憲副水崖金公

金公世龍字孟陽長洲人嘉靖辛丑成進士歸
乘車蓋誤觸里人即下車請罪後遂徒步終身
歷官憲副所在皆以廉謹聞自謂早登第有官
守不得精研六經之旨因乞致仕歸歸而家無
一椽下榻蕭寺閉戶攻苦不交一客考索經文
與旨而精思之窮日夜不厭日食糕糜一二片
腐湯一杯而已給事蒼頭都無一人蕭然如苦
行僧焉有邑宰不知公名責以踐更公即倩人
往踐更宰後聞大慙亟叩門請罪弗應也而郡
守王公者雅慕公三造請公盧公曰是不可爲
泄柳矣假衣冠而進之語及刑政得失又疊疊
其中竅也王公退而歎曰吾始欽金先生清德
足爲鴻羽不知其經緯條暢又龍變如此年八
十四乃沒沒時謂其子曰我雖貧生平不假人
一錢惟張紉于書一篋讀覽未遍猶在床頭可
亟返之所著有六經字原三十卷又有預約以
敕子孫皆真實語

曰爲子孫一再傳計而不能保者人咸憫之爲
子孫千萬年計而不能保者人咸笑之又曰好
利之害不過風俗卑下而已好名之害以似作
真不壞天下不止其論儀禮則曰東周文勝儒
者綴拾成案爲書多一儀文奪一真心全是儀
文全無真心矣讀其書想見其人清真之風猶
頽然披拂也夫有志之士清非難也而真爲難
真則精神流溢篤實而光輝矣以金先生之苦
節深經術沒三十年子孫貧莫爲表章鄉賢之
祀缺如也觀風使者安在乎

錢叔寶陸叔平兩先生

附蔣翁子健

叔寶先生穀其字叔寶世爲吳人先生少孤能
自勵讀書家貧無所得書游先太史門日取架
上編表讀之且遍復以其餘能習繪事心通神
解超入逸品於是聲日益起戶屨時時滿顧先
生愈不爲家家愈貧先太史過而題其室口縣
罄先生笑曰吾志哉而其嗜讀書日益甚手錄
古文金石書幾數千卷校讐至兩夜不休所纂

集書有三國文類抄南北史據言隱逸集長洲志三刺史詩及續臬都文粹吳都文粹者蓋仍宋鄭希臣所纂而續為數百卷吳中故實將無踰此惜其家貧而世且尠好事者莫為梓行亦未有副在名山也又盡哀集吳中先賢而像之各手錄其誌若傳而聯綴之開卷一室琳瑯照座下及几榻之微亦必摹勒宋元名人手蹟婆娑把玩以自愉快性復勁直不能容人即游於名士大夫間皆能貌之以氣語亡私者客或稍

姑蘇名賢小紀八卷下

三三三場藏書

不當意披衣徑出不顧竟以是貧且老有子允治繼其風而同先生時有陸治叔平亦善繪事饒風雅築室支硎山下雲霞四封流泉迴繞手執名花幾數百種歲時佳客過從即迎致花所割蜜脾剝竹萌而進之苟非其人強造者以一石支門剝啄如弗聞矣侷儻嗜義當貢以與其弟腴田數頃盡棄以構其先祠於友朋誼甚篤兩先生者蓋皆吳中高逸可以揚清起雅而世僅以稅知兩先生謂知兩先生哉後皆以壽終

論曰昔人謂畫能使人遠則非遠心人鳥辨此乎讀書萬卷烟霞四封逸氣磅礴應於心手歷千年猶足想見其人也故余竊謂吳中自兩先生沒而畫品絕蓋其品絕矣後有蔣軋子健者破屋半間隱居虹橋一介不苟八十年如一日也桃源江進之為宰表其廬為東海冥鴻殆庶幾焉 好即即世孫三先生者也

安節袁公

尚書袁公洪愈字抑之吳縣人丙午舉鄉試第

姑蘇名賢小紀八卷下

三三三場藏書

一人明年成進士授中書舍人拜給事中出僉閩臬視山東學政入南京卿太僕光祿太常因致仕歸久之起故官歷任吏部尚書蓋自少卿後凡八徙不離南而公乞休亡何捐館矣公生而清介朴直能甘苦節通籍四十餘年所得奉賜多寡悉與昆弟族黨共以三品里居垂二十載容膝之居不增一椽南畝尺寸無所拓出入徒步或攜一平頭乘小舳猝遇之不知為上卿也其清風恬節海內望如星雲麟鳳年七十四

而卒子治中君一鶚慙而貧至不能具饘粥以死故公沒而志誅碑傳都無可考莫從覈其生平行事也不肖第聞之先君子云公爲諸生赴濟偶文會第攜餅餌數事就僧廬啜茗飲一杯強與會食則不可曰吾貧生不能與諸君往還相酬日溷諸君吾且不敢廁末席耳爲給事嘗糾銓司詞林各一人皆權相幕客又時時語侵太宰以是出之建寧其自太常歸里借榻道院中繙閱經史性能飲啖日惟蔬茹而已不能具

姑蘇名賢小紀

八卷下

三三 竺塲藏書

無負薪之子一丘慘澹誰興優孟之歌孤視蕭條久遲脫驂之誼澤未衰於五世竟空望於九京覽其詞使人惻然心折也嗟夫今之爲大吏者日夜輦金帛而之要津耳誰能郵遺清澤枯骨以爲士風激勸者如臨川公即有意近名亦惡可訾議哉

封大夫吳德園先生

吳先生尚儉字恭先尚書文端公孫叅知子孝公子也家世貴顯先生幼即清約無聲色紛華

姑蘇名賢小紀

八卷下

三三 竺塲藏書

之好嗜讀書一目八行俱下未弱冠已騰聲苑間顧累試不利後以年資貢太學再試再不

先生賢而請見者誓弗一見去亦無所報謝也
吳氏家門鼎盛田園邸第甲乙吳中當叅知公
沒而析箸先生獨取郊外一廬蕭然庫隘僅庇
風雨履經史滿其中昕夕哦咏不問家人產幾
何里中有何事客到門幾人即密戚至友自先
君外竟罕窺其面矣先生敦篤嗜義有友胡君
且死以妻子屬先生先生即以女妻其子子貧
甚養之終身事兄恭謹無與比撫恤諸弟妹親
黨甚至所著有經學考子史纂言又以陳壽帝

姑蘇名賢小紀八卷下

三益坊藏書

魏謬於正統定其書為續後漢云吁此僅足以
見先生槩也年七十四而卒

論曰吳先生蓋以封大夫為恥矣猶稱封大夫
者明如吳先生乃無負 天子之譽命也願不
為封大夫者又曷足稱吳先生哉夫先生換材
不一售以老然而礪俗敦鄙動足模楷語曰鴻
蜚冥冥弋者何慕焉及其漸陸儀可用羽則吳
之嗣叔度而追紫芝者必先生也夫必先生也
夫

世隱君顧子武先生

隱君祖辰其字子武世居吳之臨頓里當弘治
戊午有舉於鄉宰樂安於潛二邑者為顧榮甫
公蘭有地數弓種竹木成林結椽三楹署曰春
潛隱其中二十餘年清風穆如也春潛公沒而
子德育字克成者居之克承尤好讀書家貧無
所得書則手自抄錄手所錄書幾百千卷自彌
曰少潛少潛公沒而子武復仍其武是時春潛
小圃已屬他人獨存老屋三間破榻竹几淨無

姑蘇名賢小紀八卷下

三益坊藏書

織塵蒲團茗椀相對靜好庭中古松一株雜花
數本苔痕滿塔景色幽茂所居雖闌闌中荆扉
晝掩寂然空山披其室見其人如深壑幽巖忽
遇靜衲令人神骨冷然遂欲遺世不知門外風
塵之暗也焚香掃地翛然自得間作小詩及書
不必甚工自娛而已布衣雖敝必潔巾舄楚楚
居恒未嘗妄過一人或風日清美則偕先君子
小步蕭寺中其所識僧徒必皆明窓拭几以花
香作佛事者午而往盡申而還雖至密友如先

老矣握余手曰子名家少年厚自韜斂猶恐其
露何遽梓其文以行名心一毫不盡則實心一
毫不篤余蓋至今味其言有餘愧也夫吳人之
不講於學也久矣或有講者縱橫馳驟聞者傾
折顧睨其名實或不能相中更令人疑而諱且
謗也夫水之寒也火之熱也金石之堅剛也玉
先生之講學也則有不信焉者哉

壬辰仲春冢孫瑛百拜

重校錄于竺塢山堂

姑蘇舊賢小紀 卷下

三



潘力田先生著

松陵文獻

松陵文獻序

吳江始立縣在錢氏有國時志書昉於朱長文之圖經竇德遠吳本史鑑陳理周永年皆有作竝佚不傳唯莫氏徐氏二志存焉莫志詳而體裁未備徐志簡而疎漏甚多自嘉靖至明末又百餘年曠無紀述亡兄力田乃為松陵文獻一書獻以紀先賢之事蹟文以錄邑人之詩文文集未成而遭潯溪之難獻集得諸燼餘後三十年未乃克校而梓之嗚呼史學之廢文人為之也史以載事事欲其核事苟核矣文即不

松陵文獻

序

勝無害事未核而緣飾之以文失實亂真貽誤千載弊孰甚焉昔人以曠世之才作一書嘗三四十年而後成豈其文詞之難耶罔羅事跡博考而精裁之是為難耳今之自命為文人者方其讀史專求文章之波瀾意度用以資其為文一旦操史筆亦惟求工於文詞而事跡之虛實紀載之牴牾有所不暇計若然則苟據一家之書稍加潤色即可成史馬班氏何須父子世為之溫公何用集天下博達之士十九年而後成通鑑耶亡兄與吳先生草創明史先作長編聚

一代之書而分割之或以事類或以人類條分件繫彙羣言而駢列之異同自出叅伍鈞稽歸於至當然後筆之於書其詳且慎如此庶幾不失古人著書之法若松陵文獻一邑之書耳亦用此法為之凡閱前代之史明朝之實錄天下之志乘古今人之文集有一字涉於吾邑者即鈎摘疏記積累成編非直嘉靖以後自撰百二十餘傳而已也於徐莫二志更定者六十餘傳增立者又六十餘傳訂譌補闕確有根柢文辭簡質不事浮華無溢美無支辭嗚呼良史如馬松陵文獻

序

二

遷而班固稱之不過曰其文直其事核苟直且核史家之能事畢矣自歐陽公後知此義者蓋寡未嘗備員史館博觀近代文人之作而益服亡兄之善著書深痛其史之散佚而幸此書猶存謹刻之以行世蓋吾邑之文獻得此而後足徵且使人因此書以想見亡兄史書之大畧與其結撰之苦心則雖不傳猶傳也巳

康熙癸酉臘月既望弟未拜述

後序

亡兄撰此書凡數易藁而就既沒藁本流傳人間爭相珍秘康熙甲子或言於邑令請改脩縣志三月而遽成乙丑春未歸自都門有言新志全用亡兄之書者索而觀之信然因愾然歎息謂吾兄作書固為邑志張本吾不怪其蹈襲但不應畧不載吾兄姓名絕不言本某書有似取人之物而諱言主名者其人不

松陵文獻

後序

服更出書數百言大畧謂紀載之書必有所本馬遷班固無不仍襲前書者夫子長史記明言據左氏國語采世本戰國策述楚漢春秋孟堅漢書特為馬遷立傳不聞舉其人與書而沒之也又謂亡兄以事見法不當道其姓名孟堅不死獄乎蔚宗不赤族乎前後漢書至今行世未聞當時人掩取之也亡兄為人

所株連非以自著書得禍為親知者得其著述宜何如表章稱道顧利其死而掩取其書有人心者當如是乎且文獻中固嘗為其祖若父作傳矣為子孫者忍遂反唇相詆乎出險語以箝人口此訟師刀筆之事而謂衣冠為之乎既乃嫁過於朱先生鶴齡謂朱

實襲潘之書已乃襲朱初不襲潘夫朱先生與亡兄交最厚其自著書頗多何至掩取亡兄之書縱有所援引亦明言本諸潘氏凡考訂論贊皆言潘某云云新志何所見而悉以潘之說為朱之說非唯掩潘抑且誣朱矣世衰俗薄朋友道喪已則不義又從而為之辭直道在人余亦不復置辨第點檢亡兄之書梓以行世莊註具存何傷乎向秀化書無恙何損乎景升惟是出之不早有此紛紜是余之罪也夫

松陵文獻

後序

二

松陵文獻目錄 獻集

第一卷

人物志一

莊忌 子助

張儼

張翰

陸雲公 子瓊

顧野王

陸從典

陸龜蒙

第二卷

人物志二

松陵文獻

目錄

一

謝濤 子絳

魏憲

王份

范成大 趙礪老附

莫大猷 子子文

盛明遠

譚大年

甯居仁

王原傑 子思忠

徐仁榮

章德剛

崔天德 子齡

第三卷

人物志三

莫禮 張瑾李鼎徐衍馬達

竇德遠

葛德昭

吳簡

曾日章

平思忠

何源

黃珩 子著

盛景

范琮

梅倫

馬忠

莫震

鈕文

莫昂

徐琰 父真

沈信

第四卷

松陵文獻

目錄

二

人物志四

汝訥 父思聰子泰

吳璠 從子整

葉紳 孫可成

吳洪 子山巖

王哲

沈漢

陸金

何遵 王鑾

第五卷

人物志五

盛應期

陳天祥

曹鏐

王守

周用

顧昂

毛衢

沈啓 孫季文

張源

顧曾唯

周大章 弟大韶

第六卷

人物志六

孫從龍

潘志伊

袁黃

吳默

沈瓚

沈琦 弟琬珣

松陵文獻

目錄

三

人物志七

趙士諤 從子廕

周道登

第七卷

人物志七

周宗建

吳煥

潘有功

葉紹袁

朱天麟

盛王贊

汝可起

吳易 祖邦楨

孫兆奎

王景亮

趙庾 顧祖奎張起

吳有涯

第八卷

人物志八

儒林

王蘋 從子誼從孫林

陳長方

楊邦弼

沈義甫

徐師曾

張德載 孫世偉

杜偉

朱陞宣

顧文亨

松陵文獻

目錄

四

孝義

陸十七

華翥

奚士龍

陳和甫

李真

陳晉

徐孝祥

盛逮

莫轅

徐昌伯 弟季昭

鈕釗

沈希旻

龐景華

陸琦

吳璋

潘翼

吳理

顧寬

龐鏞

吳成

顧宗義

李濟

沈忠 弟孝

陸恒

陸雲衢

戴天叙

吳承恩

蕭雲程

吳允夏 曾祖秀

陳國珍

孔尚賢

陳清

迮紹原

陳允滋

松陵文獻

目錄

五

第九卷

人物志九

文學

謝景初

盛輿

張淵

黃本

凌昌

陳謨 徐彰

陳玠 從弟琮

鄒奕

沈黻

蕭規

朱應辰

陶振

梁時

吳驥子鉉

莫旦

趙寬

姚明

崔徵

王寵

陳九章

陳理

朱旦

陳策

張銓

顧大典

沈璟

莊元臣

俞安期

潘一桂

卜舜年莊汝培湯三俊

松陵文獻

目錄

六

周永年

沈自然

吳翮

史玄趙渙

第十卷

人物志十

隱逸

朱象先

松江漁翁

李無晦

孫銳

朱良實

顧諒

張壽

謝常

尹寬

史鑑

曹孚

王雲

王叔承

沈汝和

朱鷺

翁遜

包捷

徐白趙瀚

戴笠

章夢易顧偉

吳宗潛

弟宗漢宗泌從子炎葉繼武吳珂

張雋

董二酉

吳祖錫

王錫闡

朱鶴齡

顧有孝

周安

朱明德

計大章王載

松陵文獻

目錄

七

張嘉玲

第十一卷

人物志十一

高僧

德一

善如

祖瑛

原妙

弘道

古拙俊

真正堂

寶南琛

壽無瑕

智瑄

真可	性冲
通問	通賢
道術	
陳昉	富恕
雲外道者	胡道安
楊茂林	鄧青陽
俞嗣宗	
藝能	
馬孜	盛寅 <small>弟宏子 侯從子倫</small>
松陵文獻	目錄
盛伯瑄	麋仲康
周孟堅	陸復
鄒明	沈與齡
周叔宗	張金
皇甫焯	黃宸
第十二卷	
人物志十二	
列女	
張二娘	獨吉氏

阮妙瞻	楊六娘
錢氏	陸氏
凌淑貞	張福真
王氏	沈氏
顧氏	陸潔
錢如縈 <small>沈氏附</small>	黃氏
費氏	沈氏
沈氏	姜氏
凌貞女	沈氏
松陵文獻	目錄
何氏	周氏
張氏 <small>張氏程氏附</small>	顧氏
許氏徐氏顧氏沈氏	張氏 <small>邵七妻附</small>
張氏	顧詵妻 <small>陳氏吳氏附</small>
徐氏 <small>翁妻附</small>	沈氏 <small>邵一妻附</small>
陳五媳	徽商二婦
徐氏	
寓賢	
方滋	楊維楨

錢惟善

倪瓚

丁敏

董遠

王禕

李幹

張明善

第十三卷

官師志一

盛斌

司馬福

趙球

馬尊

李問

王庭堅

松陵文獻

目錄

張先

裴煜

孫覺

林肇

程端

向子韶

曾懋

程俱

徐勣

李光

石公轍

徐似道

李衡

柳楹

趙廣

莫若冲

袁韶

張達明

呂祖憲

孫子秀

李椿

王柔

哈刺哈孫

唐棣

皇甫璧

高仁

張顯祖

段廷珍

干文傳

那海

第十四卷

官師志二

孔克中

張居敬

松陵文獻

目錄

廖欽

劉幹

陳耘

蔣奎

陳敏

邢寬

李昇

賈忠

葉錫

王懋本

劉彪

梁和

韓槃

陳堯弼

孫顯

王鑑

金洪

郭郭

松陵文獻 獻集卷一



邑人潘樞章為田稔

人物志一

漢

莊忌 子助

莊忌會稽吳人也漢興諸侯王皆自治民聘賢吳王
濞招致遊士忌與齊鄒陽淮陰枚乘等俱仕吳皆以
文辭著名而忌尤尊重號曰莊夫子久之吳王以太
子事怨望稱疾不朝陰有邪謀鄒陽奏書諷之不納

松陵文獻 卷一

於是忌等知吳不可說皆去之梁是時梁孝王以景
帝少弟貴盛好詞賦得忌等大喜皆善遇之嘗從入
朝蜀人司馬相如見而悅焉因免官客遊梁於是諸
侯遊士莫不畢至而齊人羊勝公孫詭多奇邪計得
幸於王教王求為漢嗣刺殺議臣袁盎等天子疑之
使者冠蓋相望責梁王王始與勝詭有謀鄒陽爭以
為不可被讒下吏忌等皆不敢諫及梁事敗勝詭死
王幾危賴陽入長安說王長君乃得解事具漢書鄒
陽傳忌有高節善辭賦亞於相如作哀時命篇宋朱

熹以為得騷人遺旨云

莊助忌之子也或言族家子也郡舉賢良對策百餘
人武帝善助對獨擢助為中大夫其後征伐四夷軍
旅數發內改制度朝廷多事屢舉賢良文學之士公
孫弘起徒步數年至丞相開東閣延賢人與謀議朝
覲奏事因言國家便宜上令助等與大臣辨論中外
相應以義理之文大臣數誦其尤親幸者助與東方
朔枚臯吾丘壽王司馬相如相如嘗稱疾避事朔臯
不根持論上頗俳優畜之唯助與壽王見任用而助

松陵文獻 卷一

最先進建元三年閩越舉兵圍東甌東甌告急於漢
帝以問太尉田蚡蚡以為越人相攻擊其常事又數
反覆不足煩中國往救也自秦時棄不屬於是助詰
蚡曰特患力不能救德不能覆誠能何故棄之且秦
舉咸陽而棄之何但越也今小國以窮困來告急天
子不振尚安所愬又何以子萬國乎上曰太尉不足
與計吾新即位不欲出虎符發兵郡國乃遣助以節
發兵會稽會稽守欲距法不為發助乃斬一司馬諭
意指遂發兵浮海救東甌未至閩越引兵罷後三歲

閩越復興兵擊南越南越守天子約不敢擅發兵而上書以聞上多其義大為發興遣兩將軍將兵誅閩越淮南王安上書諫會閩越王弟餘善殺王以降漢兵出踰嶺而罷上嘉淮南之意美將卒之功乃令助諭意風指於南越南越王即遣太子隨助入侍助還又奉詔書諭淮南王王上書陳謝上大悅助繇是與淮南王相結王志堅曰東甌南越是二事二時王志刪去數句似合為一事又刪去淮南王上書句然則何故論淮南耶助侍燕從容上問助居鄉里時助對曰家貧為友壻富人所辱上問所欲對願為會稽太守

松陵文獻

卷一

三

守於是拜為會稽太守數年不聞問賜書曰制詔會稽太守君厭承明之廬勞侍從之事懷故土出為郡吏會稽東接於海南近諸越北枕大江間者濶焉久不聞問具以春秋對毋以蘇秦從橫助恐上書謝稱春秋天王出居於鄭不能事母故絕之臣事君猶子事父母也臣助當伏誅陛下不忍加誅願奉三年計最詔許因留侍中有奇異輒使為文及作賦頌數十篇後淮南王來朝厚賂遺助交私論議及淮南王反事與助相連上薄其罪欲勿誅廷尉張湯爭以為助

出入禁門腹心之臣而外與諸侯交私如此不誅後不可治助竟棄市始助與邑子朱買臣俱侍中貴用事湯尚為小吏趨走二人前後湯排陷助又知買臣素貴故陵折之買臣見湯坐牀上弗為禮買臣淡怨嘗欲死之後遂告湯陰事湯自殺上亦誅買臣

潘子曰漢書稱莊夫子義至高然見幾遠引不肯正言強諫用免於禍武帝征伐之謀發端於南越而助贊成之世咸惜張湯陷助以淡文然楚士淡怨好招權利其為人與朱買臣相類先後並為會稽守而誅

松陵文獻

卷一

四

死亦同豈不哀哉莊氏後避孝明帝諱改為嚴氏今忌墓在邑西南境爛溪之傍號為嚴墓邨郡邑二志皆誤以為助墓考嘉興志助墓在郡城天寧寺後忌墓在嘉興縣新城鎮今助墓在寺後者碑記尚存而新城之忌墓莫知其處以地圖考之嚴墓在新城北僅數里舊屬秀州則其為忌墓也明矣吳郡志有嚴助傳頗畧姑蘇志差詳而皆不載其父忌豈以布衣輕於侍中耶余故因漢書本傳稍為詮次著於篇

吳

張儼子勃

張儼字子節吳時縣境未分故吳錄稱儼吳人儼童少知名常與張純朱異同詣將軍朱據據欲試之語曰老鄙相聞飢渴甚矣為吾各賦一物夫腰裏以迅驟為功鷹隼以輕疾為妙何必積思三人皆隨目立成據大悅儼賦大云守則有威出則儼經緯博識族有獲韓盧宋鵲書名竹帛儼經緯博識族人張溫稱之曰吾家顏子也拜大鴻臚吳寶鼎元年正月與五官中郎將使晉弔文帝喪吳主皓曰今南北通好以君有出境之才故相屈行儼對曰皇皇者

松陵文獻

卷一

五

華臣蒙其榮惟古人延譽之美磨勵鋒鏑思不辱命既至晉賈充裴秀荀勗等欲傲以所不知而不能尚書僕射羊祜尚書何禎並與結好及還道卒子勃撰吳錄三十卷翰自有傳

晉

張翰

張翰字季鷹有清才善屬文詞義新麗造次立成而縱任不拘時人號為江東步兵會稽賀循赴命入維經吳閶門于舟中彈琴翰初不相識乃就循語大悅

之問循知其入雒曰吾亦有事北京即同載而去不

告家人晉泰安元年齊王冏辟為大司馬東曹掾翰謂同郡顧榮曰天下紛紛禍難未已夫有四海之名者求退良難吾本山林間人無望於時子善以明防前以智慮後榮執其手愴然曰吾亦與子采南山蕨飲三江水耳翰見秋風起乃思吳中菰菜蓴羹鱸魚膾曰人生貴適志何能羈宦數千里以要名爵乎作思吳江歌遂命駕歸俄而冏敗人謂之見幾翰任心自適不求當世或謂之曰卿乃可縱適一時獨不為

松陵文獻

卷一

六

身後名耶答曰使我有身後名不如即時一盃酒性至孝遭母喪哀毀過禮年五十七卒有首丘賦及詩文數十篇宋乾道三年知縣趙伯虛祀翰與范蠡陸龜蒙於淞江之上題曰三高祠至今有司春秋奉祀弗絕也

梁

陸雲公

子瓊

陸雲公字子龍父先字楚卿梁寧遠長史雲公五歲誦論語毛詩九歲讀漢書略能記憶從祖雋與沛國

劉顯質問十事雲公對無所失顯稱異之及長州舉秀才累遷宣惠武陵王平西湘東王繹行參軍雲公先製太伯廟碑吳興太守張纘讀其文歎曰今之蔡伯喈也纘至都掌選言之武帝召爲尚書儀曹郎入直壽光省知著作郎事累遷中書黃門郎兼掌著作雲公善奕碁常夜侍坐武冠觸燭火帝笑謂曰燭燒卿貂帝將用爲侍中故以此戲之時天泉池新製鱗魚舟形狹而短帝暇日常泛此舟唯引劉之遴到漑朱异雲公年位尚輕亦與焉人以爲寵太清元年卒

松陵文獻

卷一

七

年三十七葬橫山至今居人呼爲陸墓山在邑西北境徐志以雲公爲梁門下侍郎不考之過耳張纘與其叔襄兄晏子書曰黃門殞逝非惟貴門喪寶實有識同悲其爲士流推重如此有文集傳於世子瓊字伯玉六歲能詩大同末父雲公受武帝詔較定碁品到漑朱异並集瓊時八歲於客前覆局絲是都下號曰神童武帝召見風神警亮進退詳審帝甚異之年十一居父喪有至性從祖襄歎曰此兒必荷門基所謂一不爲少及侯景亂攜母避地於縣之西鄉讀書晝夜無怠遂博學善

屬文陳天嘉中以文學遷尚書殿中郎爲文帝所知會討周迪陳寶應等都官符及諸大手筆竝勅付瓊遷新安王文學掌東官管記宣帝爲司徒妙簡僚佐吏部尚書徐陵薦瓊識具優敏文史足用進居郎署歲月過淹乃除司徒左西掾尋兼通直散騎常侍齊大建中爲給事黃門侍郎轉中庶子領大著作撰國史後主卽位直中書省掌詔誥至德元年除度支尚書參選事初雲公奉梁武帝敕撰嘉瑞記瓊述其旨而續焉自永定迄於至德勒成一家之言遷吏部尚

松陵文獻

卷一

八

書著作如故瓊詳練譜牒雅有識鑒居吏部號爲稱職性謙儉位望雖隆執志愈下第宅輿服不尚侈靡俸祿所入散之宗族家無餘財暮年淡懷止足思避權要恒稱疾不視事會遭母喪詔加贈卹後主自製誌銘瓊哀毀太過至德四年卒有文集二十卷子從典自有傳

陳

顧野王

顧野王字希馮是時吳江地屬吳縣故吳郡志以爲

吳縣人祖子喬梁東中武陵王府參軍事父烜信威臨賀王記室兼本郡五官掾竝以儒術知名野王七歲讀五經畧知大指九歲能屬文常製日賦朱异見而奇之年十二隨父之建安撰建安地記二篇及長徧觀經史精記嘿識天文地理著龜占候蟲篆奇字無所不通初為臨賀王府記室宣城王為揚州刺史野王及瑯邪王褒竝為賓客王甚愛其才野王又善丹青王於東府起齋令野王畫古賢命褒書贊時稱二絕及侯景亂野王以父憂歸本郡乃召募鄉黨隨

松陵文獻 卷一 九

義軍援京師野王體素清羸裁長六尺又居喪過毀殆不勝衣及杖戈被甲陳君臣之義逆順之理抗詞作色見者莫不壯之城陷逃會稽陳天嘉中勅補撰史學士大建中為太子率更令尋領大著作掌撰國史知梁史事後為黃門侍郎光祿卿知五禮事卒贈秘書監右衛將軍野王少以篤學至性知名在物無過辭失色觀其容貌似不能言而厲精力學人所莫及季弟克國早卒野王撫幼孤恩義甚備所撰玉篇輿地志各三十卷符瑞圖顧氏譜傳各十卷分野樞

要續洞冥記玄象表各一卷文集二十卷又撰通史要畧一百卷國史記傳二百卷未就而卒楊慎曰野王著玉篇凡二萬二千七百七十九字以小楷書篆籀十訛其九識者憾之莫旦曰玉篇云梁大同九年二月二十八日黃門侍郎兼太學博士顧野王撰本而不及記室按綱目臨賀王正德宣城王大器俱謀反伏誅若依此言未免助亂而所輔不正矣郡志云侯景之寇郡將袁君正舉兵赴援文檄皆以委公口占便就未嘗立草按綱目吳郡太守袁君正以郡叛

松陵文獻 卷一

附侯景而不及公以郡志言之則公在梁為記室在陳為黃門而袁君正為忠臣以玉篇及綱目言之則公在梁為黃門而袁君正為反賊今當以玉篇綱目為是徐師曾曰余觀南史載野王事鑿鑿可信而綱目書袁君正以郡降景據此則君正未常赴援而野王亦不為用陳書所云大謬也舊志因此并疑臨賀宣城之事今按綱目臨賀宣城雖皆有反謀而野王為記室時謀尚未露則亦自不相妨也余傳其事竝以南史為正潘子曰莫志所論雖覈而近苛徐志辨

之當矣但以本傳考之則為臨賀王記室者公之父
烜非公也或烜已歿而公繼掌其職事跡既無所考
則公之依臨賀亦暫耳不足以病公郡志所書袁君
正舉兵事皆本陳書南史既削不載而增城陷逃會
稽一語蓋君正初以義集兵名為赴援公適居憂遂
累衰從戎文檄之任理或有之所謂杖戈被甲抗詞
作色卽其事也及君正逗遛觀望按兵不前內有異
志公度不能與爭始潔身逃之耳初同末異心事瞭
然亦何足為公諱哉莫志載吳江北門外有地曰顧

松陵文獻

卷一

十一

墟是公舊宅今立廟致祭公墓在縣北二十里石湖
之西下周邨有巨石橫覆人稱曰野王墳此公始終
為邑人之明徵也

陸從典

陸從典字由儀瓊之子也年八歲讀沈約回文硯銘
援筆擬之便有佳致十二作柳賦其詞尤美從父瑜
特所賞愛及瑜將終命家中墳籍皆付之從典乃集
瑜文為廿卷仍自製序從典好學博涉羣書位太子
洗馬司徒左西掾陳亡入隋位著作佐郎楊素奏從

典續司馬遷史記迄於隋未就而卒

唐

陸龜蒙

陸龜蒙字魯望吳興掌故集云吳江人故相元方七
世孫父賓虞以進士歷官侍御史龜蒙少高放舉進
士一不中往從湖州刺史張搏遊搏歷湖蘇二郡辟
以自佐吳興掌故集云仕為吳興郡丞常至饒州三
日無所詣刺史蔡京率官屬就見之龜蒙不樂拂衣
去居松江甫里多所論譎常體江謝賦事名振江右

松陵文獻

卷一

十一

與顏蕘

松陵集作顏萱

皮日休羅隱吳融為友咸通中崔璞

守吳郡日休為部從事與龜蒙為文會風雨晦冥蓬
蒿翳薈未嘗不作詩璞間為詩亦令兩人屬和吳中
名士多與焉一年間所作盈積龜蒙哀為十通名曰
松陵集初以高士召不至李蔚盧攜素與善及中和
中當國召拜左拾遺詔方下而卒光化中韋莊表龜
蒙及孟郊等十人皆贈右補闕龜蒙自號天隨子江
湖散人甫里先生常自為甫里先生傳曰甫里先生
者不知何許人也人見其耕於甫里故云先生性野

逸無羈檢好讀古聖人書揆六籍識大義就中樂春秋挾摘微指見文中子王仲淹所爲書云三傳作而春秋散濩以爲然貞元中韓晉公常著春秋通例刻之於石意以是學爲已任而顛倒漫漶翳塞無一通者殆將百年人不敢指斥疵類先生恐疑誤後學乃著書撫而辨之先生平居以文章自怡雖幽憂疾病中落然無旬日生計未嘗暫輟點竄塗抹者紙札相歷投於筐箱中歷年不能淨寫一本或好事者取去後於他人家見亦不復謂已作矣少攻歌詩欲與造

松陵文獻

卷一

七

物者爭柄遇事輒變化不一其體裁始則較轆波濤穿穴險固囚鎖怪異破碎陣敵卒造平淡而後已好潔几格窻戶硯席剪然無塵埃得一書詳熟然後置於方冊值本卽較不以再三爲限朱黃二毫未嘗一日去手所藏雖少咸精實正定可傳借人書有編簡斷壞者緝之文字謬誤者刊之樂聞人爲學講評通借不倦有無賴者毀拆揉汚或藏去不返先生戚然自咎先生貧而不言利問之對曰利者商也今旣士矣奈何亂四人之業乎且仲尼孟軻氏所不許先生

之居有地數畝有屋三十楹有田奇十萬步有牛不減四十蹄有耕夫百餘指而田汗下暑雨一晝夜則與江通無別已田他田也先生由是苦飢困倉無斗升畜積乃躬負畚鍤率耕夫以爲具云每歲波雖狂不能跳吾防溺吾稼也或譏刺之先生曰堯舜徵瘠大禹胼胝彼非聖人耶吾一布衣耳不勤劬何以爲妻子之天乎且與蚤蚤名器雀鼠倉庾者何如哉先生嗜葺置園於顧渚山下歲入茶租十餘薄爲甌犧之實自爲品第書一篇繼茶經茶訣之後南陽張又

松陵文獻

卷一

七

新常爲水說凡七等其二曰惠山寺石泉其三曰虎丘寺石井其六曰吳淞江是三水距先生遠不百里高僧逸人時致之以助其好先生始以喜酒得疾血敗氣索者二年而後能起有客至亦潔尊置禪但不復引滿向口耳性不喜與俗人交雖詣門不得見也不置車馬不務慶弔內外姻黨伏臘喪祭未嘗及時往或寒暑得中體性無事時乘小舟設蓬席齋一束書茶籠筆牀釣具權船郎而已所詣小不會意徑還不畱雖水禽愛起山鹿駭走之不若也人謂之江湖

散人先生乃著江湖散人傳而歌詠之由是混毀譽不能入利口者亦不復致意先生性惰急遇事發作輒不含忍尋復悔之屢改不能矣先生無大過亦無出人事不傳姓名無有得之者豈涪翁漁父江上丈人之流者乎通考晁氏云甫里先生傳新史多取之而獨不云工歌詩笠澤者淞江地名也其集自序云自乾符六年春臥病笠澤時亦隱几著書詩賦銘記往往雜混而錄之故曰叢書今按其集歌詩爲多又比他文最工新史疎漏如此楊億談苑云龜蒙善爲

松陵文獻

卷一

五

賦人有收得賦材皆綴緝屬對差次比擬凡數首有題而未就蓋其構思用功之非淺相傳龜蒙多智數狡獪居笠澤有內養自長安使杭州舟出舍下小童奴以小舟驅羣鴨出內養彈其一綠頭雄鴨折頸龜蒙遽從舍出大呼曰此綠鴨有異善人言適將獻狀本州貢天子今持此死鴨以詣官自言耳內養少長宮禁不知外事信然甚驚駭厚以金帛遺之龜蒙乃止因徐問龜蒙此鴨何言龜蒙曰常自呼其名巧捷多類此葉茵云茵所居視甫里無一舍遠其地荒僻

眇在淞江之東去驛程猶有數十里使者無由過也自武宗暨昭宗凡六十三載未嘗遣內養使杭州揆之地理考之唐紀信其爲誣豈談苑別有所據乎潘子曰余考先生所居是不一地一在臨頓橋幽居賦云陸子居全吳東距長洲故苑一里又云地接虎丘門臨鶴市是也一在甫里爲先生躬耕處沒卽葬之傍有白蓮寺嘉定中錢塘龔時備建祠堂祀之其後有醉人壞其像則先生所爲詩文章皆在腹中是也一在震澤鎮亦名笠澤集中自遣詩爲震澤別業所

松陵文獻

卷一

六

作有云更感卞峰顏色好曉雲纔散便當門一派溪隨箬下流春來無處不汀洲而胡宿撰碑亦稱笠澤幽居南直弁峰之色西帶重湖之光弁峰卽卞峰在吳興境與震澤接壤而鎮之西有所謂桃源洞者乃宋楊侍郎紹雲故居其後則養鴨欄故址在焉自唐湖州刺史丁頤築塘之後此堤常爲吳越孔道皮日休所云入震澤穿松陵抵杭適越亦此道也內養事有無雖不可知獨怪茵以一隅之見謂使杭不當經甫里是未知談苑所言笠澤卽今之震澤而先生固

非局促爲一鄉之士而已也莫志云先生震澤鎮人後居甫里徐志云郡城人晚營別業於震澤蓋各以所見言之未有定論然考先生所著曰吳興實錄曰松陵集曰笠澤叢書皆邑中之作因以爲名則斷以先生系之松陵可也吳興實錄四十卷今不傳僅有笠澤叢書八十餘篇合之松陵集凡四百八十一寶祐五年甫里人葉茵于文籍中哀集別得一百七十一篇總爲二十卷刻置義莊以廣觀覽先生詩文始盛行於世

松陵文獻

卷一

七

潘子曰吳江之爲縣自梁開平三年吳越王錢鏐割吳縣松陵鎮地始置也其先縣境或入吳郡或入吳興卽有達人志士無由翹然表見然卽其地遡其人亦時有可考者舊志多弗詳載卽所載又多別立名類如文苑隱逸之屬余以其人數旣少乃合而一之第以時代分其先後自立縣以後始爲類傳噫此數賢者能以人重地非以地重人也則論文獻者斷以是爲權輿云

松陵文獻 獻集卷二

邑人潘樞章力田撰

人物志二

宋

謝濤 子絳

謝濤字濟之其先居富春父崇禮爲中吳軍節度推官因家焉濤幼奇敏年十四講左氏春秋會劉繼元平守臣當上賀命吳中文士作表章更數人皆不愜意濤私自草之吳士見者大驚常讀書陽山澄照寺

松陵文獻

卷二

一

知吳縣羅處約知長洲王禹偁皆與定交曰濟之吾曹敵也淳化三年進士起家爲梓州權鹽院判官李順反成都濤畫策守禦以功遷觀察推官權益州華陽縣時亂後田廬荒廢有詔能占田而倍入租者予之於是腴田悉爲豪右所據流民無所歸濤收詔書悉以田還主改著作佐郎通判壽州知興國軍真宗卽位銳意人物內出朝士有治跡者二十四人名付門下省濤與焉召對長春殿會京東盜起命以屯田員外郎知曹州斬大猾趙諫於市曹人相賀尋命安

撫益利兩路既還舉所部官三十餘人宰相疑其多濤曰有罪願連坐於是奉使者舉官連坐自濤始上用馮拯薦復召試以尚書兵部員外郎直史館尋兼御史知雜事真宗山陵靈駕所經道路有司請悉壞城門廬舍以過車輿象物濤言先帝車駕封祀儀物大備不聞有所毀撤且遺詔從儉薄今有司治明器侈大以勞州縣非先帝意願下少府裁損之屢以疾求分司明道元年拜太子賓客卒年七十四子絳字希淡十歲能屬文十五以父任試秘書省校書郎舉

松陵文獻

卷二

二

進士甲科授太常寺奉禮郎知汝陰縣遷光祿寺丞上書論四民失業累數千言以楊億薦召試擢秘閣校理仁宗初遷太常博士用鄭氏經唐故事議宣祖非受命祖不宐配享感生帝請以真宗配議格不行天聖中天下水旱蝗起河決滑州絳上書引洪範京房傳推災異爲天譴告之意極陳闕失無所諱仁宗嘉納與修真宗國史遷祠部員外郎時濤官西京年老因求便養通判河南府請闢內館以恢景德之制又上書論妖人方士不宐出入禁中請追所賜先生

處士號時莊獻明肅太后莊懿太后起二陵於永安一切鐵石畚鍤之需皆不取於民而足歲滿權開封府判官言蝗亘田野乃吏不稱職所致願除煩苛之命損聚斂之役郭皇后廢絳陳詩白華引申氏褒姒爲諷詞甚切至徙三司度支判官初詔禁用織密花透背云自掖庭始旣而賜內人衣復取於有司又後苑制玳瑁器索龜筒於市龜筒禁物非民間所有絳皆論罷之又請罷內降凡詔令皆繇中書樞密然後行遷兵部員外郎以父憂去服除擢知制誥判吏部

松陵文獻

卷二

三

流內銓吏部擬官舊視職田有無不問多寡以是不均絳爲覈實差等其有名無實者皆不用人以爲便寶元中使契丹還請知鄧州爲政寬厚務敦教化議復召信臣六門堰以溉民田功未就而卒年四十六絳以文學知名措辭適雅有元白風歐陽修尤所稱許爲人修潔醞藉常請於郡立學所至大興黌舍在河南修國子學教諸生遠近大集登第者十七人聞絳卒皆出涕繪像於學而祀之絳好施宗族喜賓客其歿也家無餘貲有文集五十卷子景初景平景回

俱見文學傳

潘子曰吳郡志但言濤自富陽遷蘇盧王二志因之不詳其居何邑也及考徐師曾科第表首列淳化三年進士謝濤官太子賓客乃知邑中前此無得雋者至濤始以楚材晉用為多士先驅吾安得不急著之以彰筆路藍縷之功哉舊志於濤父子服官建白間有未核茲特采史傳及歐陽子文集稍為更定又考舊志絳卒立祠於百花洲蓋謝氏自絳以下再遷蘇城遂為郡人矣

松陵文獻

卷二

四

魏憲

魏憲字令則紹聖四年進士與弟志俱有聲太學號熙豐人才憲累遷國子司業親喪三年不御酒肉廬於墓側有芝草甘露之祥再為司業以學行見推尋兼太子舍人遷中書舍人給事中其文溫厚雅正得代言體宣和二年以直龍圖閣知常州三年除太常少卿歷顯謨閣學士知明州建炎二年為吏部侍郎時車駕南遷案牘散佚吏緣為奸有偽名寄貫之弊憲請嚴保任以覈實開告賞以止姦急期會以取閱

又言古未有背天險以為都者敵騎由京西不四五日可至淮泗宜有以待之久之以直學士左太中大夫提舉江州太平觀進吳郡開國侯致仕歸名所居曰止菴學者稱為止菴先生年七十三無疾而卒今列鄉賢祠弟志元祐六年進士賁政和七年進士志四世孫汝賢淳祐四年特奏名狀元

王份

王份字文儒少力學工詩文隆興中以特恩補大冶令律身清謹政尚寬恕修學校置田養士遇有疑獄

松陵文獻

卷二

五

即露禱於天以祈神助縣產鐵舊有鐵務病民份奏減其額民德之繪像祀焉在縣七年一日登西塞山誦張志和漁父詞慨然嘆息即日致仕歸作室於雪灘之上枕江水為圃故有柳塘花嶼景物秀野自號臞菴居士士大夫題詠甚多故名臞菴詩集後三十年陸遊過吳江感其竹樹茂密風流猶存語見入蜀記中先是紹興間知縣石公轍改建學校以地隘為言份時未仕即割其居址之東偏以獻公轍嘉之比諸范文正公至乾道三年知縣趙伯虛改建三高祠

份又割其居址之西偏以獻寶祐三年知縣曹良朋復新其祠份孫栗再割地以廣之成先志也今列鄉賢祠

范成大 趙礪老附

范成大字至能 宋史云吳郡人按宋初置平江府改蘇州後復為平江無吳郡之名史但

因成大所自署者稱之不能定其為何縣人也而郡志以其所居石湖在吳縣境直以為吳縣人吳江志亦列之寓賢今考石湖界吳縣吳江二邑之間其生平篇詠在松陵者尤多則成大又當為吳江人矣

父雱字伯達秘書郎成大年十二徧讀經史十四能文詞父亡讀書崑山薦嚴寺十年不出紹興二十四

松陵文獻 卷二 六

年舉進士授戶曹監和劑局隆興初纂類高宗朝政除樞密院編修官遷正字乾道初校書郎編修國史歷著作郎吏部郎官言者論其超躐罷奉祠起知處州入對首陳虛文之害帝嘉納至州創義役隨戶富貧輸金置田助受役者詔頒其法於諸路處多山田為修梁時通濟堰壘石築防置隄閘四十九所立水則三等溉灌有序重刻堰規於石民賴其利除禮部員外郎兼崇政殿說書隆興再議和失定受書之禮帝嘗悔之遷成大起居郎假資政殿大學士克金祈

請國信使國書專求陵寢蓋汎使也帝臨遣之曰卿

氣宇不羣朕親加選擇聞外議洵官屬皆憚行成

大對曰無故遣汎使近於求釁不執則僂臣已立後

仍區處家事為不還計心甚安之帝愀然曰朕不敗

盟發兵何至害卿成大乞并載受書事不從金迓使

者慕其名至求巾幘効之成大知其法嚴附請決不

可達秘不語二使遂不復疑至燕山夜蔽帷秉燭草

奏懷之具言他日北使至欲令親王受書既入進國

書詞氣慷慨金人方傾聽成大忽奏兩朝既為叔姪

松陵文獻 卷二 七

而受書禮未稱臣有奏摺笏出之金主大駭顧諱宣

徽副使韓綱曰有請當語館伴此豈獻書處耶厲聲

令綽起者三成不為動曰奏不達歸必死寧死於

此時金廷紛然太子欲殺成大其兄越王止之既還

館金主遣伴使取奏綱語成大曰公殿上之爭主上

嘉歎可以激勸兩朝臣子十月使還金人報書有抑

聞附請之辭欲變受書之禮出於不意要以必從之

語帝由是知其忠勁有大用意除中書舍人帝用知

閣門事樞密都承旨張說為簽書成大畱詞頭七日

不下因請對徐出制草納榻前帝色變成大委曲陳
譬說命竟寢尋以集賢殿修撰知靜江府廣西兵食
專仰鹽利漕臣盡取之於是屬邑有增價抑配之弊
詔復行鈔鹽漕司拘鈔錢均給所部而錢不時至成
大上疏謂能裁漕司強取之數以寬郡縣則科抑可
禁從之數年廣州鹽商上書乞復令客販成大出錢
助之人多以為非下所司議卒不能易又禁部內暴
露遺骸籍僧道舍棺無主者葬之尋除敷文閣待制
四川制置使知成都疏言土蕃青羌兩犯黎州而奴

松陵文獻

卷二

八

兒結番列等尤桀黠輕中國臣當較閱將士外修堡
砦仍講明團結之法使人自為戰三者非財不可詔
賜度牒錢四十萬成大以西南諸邊黎為要地增戰
兵五千奏置都鹽路分土蕃入寇之路十有八悉築
柵分戍奴兒結擾安靜砦發飛山軍千人赴之料其
三日必遁已果然白水砦將王文才私娶蠻女導之
入寇成大重賞檄羣蠻使相疑貳俄禽文才以獻斬
之蜀士孫松壽樊漢廣皆挂冠不仕成大表其節詔
徵之皆不起凡人才可用者悉致幕下用所長不拘

小節其傑然者露章薦之由是遠近歸心進敷文閣
學士入對除權吏部尚書淳熙五年遷中大夫叅知
政事兩月為言者所論奉祠歸起知明州奏罷海物
之獻除端明殿學士尋擢江東安撫使知建康府歲
旱奏移軍儲米二十萬以賑飢民減租五萬以病乞
休進資政殿學士起知福州封吳郡開國侯再領洞
霄宮紹熙三年加大學士知太平州尋乞歸封吳國
公明年卒追封崇國公謚文穆成大天資俊朗輔以
博學為文瞻麗清逸自成一家尤工於詩自號石湖

松陵文獻

卷二

九

居士有石湖集使北有子轡錄在廣有驂鸞錄虞衡
志出蜀有吳郡錄家居時與郡士龔頤周南勝成采
緝故事為吳郡志五十卷時與成大同使金顯名者
有趙磻老

趙磻老字渭師其先東平人門下侍郎野之姪也徙
家邑之黎里鎮以婦翁歐陽懋待制澤入仕孝宗朝
為書狀官隨范成大使金成大歸薦之虞丞相允文
亦以為才擢正言乾道八年以右通直郎知楚州俄
入為大理寺丞淳熙三年由兩浙轉運副使知臨安

府四年除秘閣修撰五年權工部侍郎文獻通考云
磻老知臨安坐殿司招兵事謫饒州有拙菴雜著三
十卷外集四卷

莫大猷 子子文

莫大猷字廷嘉綺川人其先世居湖州號月河莫氏
有名蒙者以工部侍郎使金不屈見一統志大猷紹
聖中以薦仕至浙東常平司提幹累贈朝請大夫子

子文 石湖志云子文父寧贈朝請郎疑大猷別名寧耳

莫子文字仲武少敏悟通九經諸史寶慶二年舉進

松陵文獻 卷二

士出知嘉興縣滿考候代會王疇奉使括田法甚苛
細子文不從疇諧之田使劾其拒命理宗素知子文
止降宣義郎制詞云勤撫字拙催科賢者之常也爾
爲令切切愛民乃不能汲汲赴功坐是爲使所劾降
爾一秩非朕得已然亦因是以知爾之爲人仁矣田
使見之怒奪不與後五年始復其官制詞又曰君子
之仕利鈍亦何常之有彼迎合希進之儔乃欲常利
而無鈍然至於時論卒亦不能有其有也可嘆已頃
奉行田令者倚法而逞爾制邑且受代乃能力抗其

鋒期以不擾畱遺所附民雖主計之臣請黜爾朕不
爾忘也五年之踦於今而復士所當爲不止此其益
厲所守以副朕意後吏部尚書趙以夫言其能拒括
田之令甘心受譴不以病民遷道州通判有美政朝
散大夫知廣德軍兼內勸農營田事賜魚袋致仕臨
終自爲墓誌甚詳年八十二子若鼎嘉興錄事參軍
孫中孚直顯文閣

潘子曰莫志有大猷傳而子文附載科第表之下徐

志獨爲子文立傳揚扈備至而不及大猷意莫景周

松陵文獻 卷二

去國初未遠見聞近真然其義例亦有可疑者及考
張景人物志得理宗前後制詞溫厚誠摯淡於激勸
其體臣之道至矣予故備錄之以見一時之異數焉
盛明遠

盛明遠太保文肅公度十一世孫也其先汴人度五
世孫岫高宗朝爲宣義郎文英殿直建炎初扈蹕南
渡通判平江府卜居吳江之儒林里後世遂以科第
甲於邑中有名章者登淳熙十四年進士仕至吏部
尚書從子文韶文昭先後舉進士爲大官自餘取科

名者不下十餘人最後明遠以咸淳六年領鄉薦為廣州錄事判官宋亡隱居不仕元世祖聞其賢召判惠州明遠自以世受宋恩義不忍背遂辭不就詔書責迫乃變姓名從老氏以終

譚大年

譚大年字永壽八都人德祐中以薦為湖州僉判詳載烏程志

元

甯居仁

松陵文獻

卷二

三

甯居仁太尉玉之子也本河陽人玉從伯顏南下留戍長橋後以都元帥退老吳江贈魏國武宣公自居仁以下遂為吳江人居仁能修父業累官鎮國上將軍廣東道宣慰使都元帥弟居正僉行宣政院事昌言江南財賦司副使孫宗玉好書禮有儒者風幼侍其父戍湖廣五開衛跋涉艱險父卒事母以孝聞總兵知其賢命掌中潮千戶所書記剖決如流人皆稱之

王原傑 子思忠

王原傑字子英其先四世祖扈蹕南渡莒邑之陳思邨因家焉世業儒至原傑益以學行知名於時元至正四年舉於鄉值兵亂不仕乃隱居授徒淡於性理之學為詩文雅健高古學者尊為貞白先生中書嬖子山稱其詩言近指遠發於寬閑寂寞而無月露風雲之態識者以為知言所著有春秋讞議貞白英華文集水雲清嘯詩集皆嘗經進今列鄉賢祠子思忠亦有文學張士誠據吳屢召不至率義勇保障鄉里紀律嚴明若素習兵事者至正末王師東下徐相國

松陵文獻

卷二

三

達頓師石里邨而單騎至城下諭降知州楊夔驚憊不知所為思忠謂曰中原淪沒且將百年復為羣雄割據生民之禍極矣今王師弔伐禍自此弭又有山那之勢奈何不歸附乎乃與夔率眾降相國嘉之賜思忠旗章俾鎮守焉事平歸里思忠志存康濟不樂仕進論者稱王氏父子文武異尚而並有高蹈之節云

徐仁榮

徐仁榮字德剛秋澤邨人宋閣門宣贊舍人應勤之

續修四庫全書 史部 傳記類

子元至元二十一年辟授崇德州學正重建廟學擢翰林國史編修致仕徙居嘉興之新溪卒年六十

章德剛

章德剛柳胥邨人至正中薦為崑山州學正有詩名子孫世居同里為著姓

崔天德

子齡

崔天德字君誼七都人有幹才博涉書史仕元為金玉局副使值世亂歸泮溪種竹自娛左丞周伯溫題其軒曰友竹一時名士如高啓輩皆有詩文子齡字

松陵文獻

卷二

十四

大年明洪武二十一年以人才徵拜刑部主事上疏辭祿以清慎稱後坐黨禍卒於獄

潘子曰邑中文運之開始於紹聖政和間三魏相繼以科名顯南渡以後綺川之莫儒林之盛號為蟬聯仕宦然莫志載盛氏登科者僅二三人而徐志據其家牒增至五十五六人論者譏其輕信至於事行之詳亦莫得而述也惟盛明遠以宋之遺臣恥事二姓竄跡方外斯可謂無忝家聲者矣

松陵文獻 獻集卷三

邑人潘聖章力田撰

人物志三

明

莫禮

張瑾李鼎徐衍馬達附

莫禮字士敬子文七世孫父諱字芝翁襟度倜儻國初嘗召見叅大臣謀議每萬歲節與大姓葛氏沈氏進貢稱壽太祖宴賚甚厚又嘗奉詔於京師營建費鉅萬計洪武二十年禮以稅戶人才徵為戶部員外

松陵文獻

卷三

十一

郎與同官沈玠等並奏辭祿洗手居職超擢右侍郎轉左侍郎勾較簿書精解版法上甚嘉其能時新為政輕重未有準禮所守功歸於府者衡籍十三四嘗云今所為後請寬焉卒不果二十六年藍黨事起同邑顧學文等坐同謀詞連及禮與員外郎張瑾主事李鼎崔齡徐衍等俱被誅臨刑賦詩有云一心忠義堅如石惟有皇天后土知聞者傷之所著有東邨詩稿北征集瑾字叔瑜以人材授工部員外郎與弟荆州知府理俱坐黨死鼎亦以人材授禮部主事衍

字仲易以人材授工部主事又有馬逵伯行以人材授合水丞憂歸補昌邑丞為政廉平人不敢干以私纛衣糲飯淡如也遷河間衛經歷卒於官

竇德遠 子昇

竇德遠四都克溪人洪武初以明經徵授禮部主客郎中擢本部侍郎致仕輯松陵志今不傳子昇亦以

明經徵為縣丞父子俱有文名

葛德昭 子芳

葛德昭二十九都人洪武中以人材授刑部員外郎

松陵文獻

卷三

二

與同官十七人俱上章辭祿第德潤與沈萬三連婚姻是時四葛四沈名馳江左子芳 徐志云字德春亦犯父名恐誤 以人材授禮部員外郎後皆坐黨禍死

吳簡 子復頤

吳簡字仲廉桃墩人元至正中就鄉試不利遂杜門力學吏嘗召之役簡被儒服執經往同役者皆目笑之以薦授郡學訓導遷紹興路學錄洪武四年召至京吏部試富民論簡請疏渠以通漑課粟多者第其功賞上甚善之授崑山主簿以疾辭歸優遊林泉號

月潭居士年八十二卒簡為詩文溫厚古雅善論語不盡附程朱往往獨出所見所著有論語提要詩義史學提綱守約齋集子復頤皆有文名復字孟修在元季不仕嘗作感興詩閔元之亡為時傳誦洪武中以人材授湖廣僉事有雪區藁霞外集頤字希程幼繼外家冒史姓以明經授本縣學訓導有桃溪集

曾日章

曾燿字日章以字行父朴浙西醫學提舉自杭遷吳江家學宮之後日章博學有才智洪武十七年以貢

松陵文獻

卷三

三

授黃陂知縣興學校課農桑政聲大著秩滿解官歸三十五年以薦擢翰林院侍讀永樂元年與修永樂大典未幾奉詔諭安南黎蒼語不遜日章折之具服宣讀如禮二年使還陳黎氏篡立當伐狀四年四月命從西平侯發雲南兵間道討之又造輕舟數百越嶺嶠昇至富良江軍中文檄皆出其手賊平贊畫功為多五年還報復命往諭諸將至軍中以疾卒年六十三子堅字孟堅由太僕寺典簿擢知開州入為禮部郎中歷四川雲南左布政使孫鑑知縣潘子曰分

省人物志以使交南贊師有功系於洪武間此本續
吳先賢贊之誤不知太祖時未有黎氏父子同惡相
濟之形而侍讀之擢在洪武三十五年卽靖難後事
耳今據寶錄及王文靖墓碑訂正之

平思忠

平思忠初爲縣小吏事知縣蔣奎有相者來謁奎置
酒會僚屬令徧相之皆不甚許可顧見思忠執役庭
下目之曰此人官當至三品而不終奎大以爲妄其
後奎等皆坐事至或不得其死而思忠歷官叅政落

松陵文獻

卷三

四

職以歸竟如相者言建文二年思忠以薦授禮部主
事祿曹名臣錄云永樂中被薦授禮部主事諸書因
之考莫志實以庚辰年授職蓋革除後記者諱之
耳永樂三年進郎中時文皇帝方事招懷諸國貢者
日至主客事殷思忠有精力事至立辦尚書呂震才
之以事下獄適漠北貢使至他任主客者不稱職震
因言思忠立出之復其官上以給事中楊弘爲陝西
布政使弘陝西人也欲令清強有力者伺察之遂擢
思忠陝西叅政嘗杖一推官其人誣以賊而是時法
嚴思忠不敢辨坐謫戍北邊太監劉馬兒奉詔市馬

西域以思忠官主客多識遠賈請以自從詔釋其戍

給寇帶隨馬兒使吐蕃諸國而還後卒於家初知府

况鍾與思忠同起小吏官主客有交承之分鍾來蘇

州數延見思忠執禮甚恭方暑畱飲命二子執扇更

侍曰非無僕隸欲使兒輩知公爲我故人耳然思忠

居貧自守未嘗以事干鍾人尤多之性清簡善草書

家有清娛樓莫志畧徐志稱詳今
本史鑑撰傳增定

劉鳳曰語稱使於四方宣其辭命招攜貳綏服之豈

易能乎燿再使交人其勤足紀思忠懷遠人致饗餼

松陵文獻

卷三

五

其逆也以班有加等益虔使小大莫不得其所再絀
終以復用豈非其才不可棄耶方是時綜核詳上下
不敢苟若忠之進退亦文法所不得而裁之矣豈徒
無害哉

何源附孫昇

何源初名德源字幼澄同里鎮人從王文靖公汝玉

受易洪武二十九年舉於鄉授德州學正莫志作保
德州考英

宗實錄源本傳授山東德州學正
薦陞本州知州徐志亦同今從之能以師道自任於

是州士始有取科第者以薦擢爲知州爲政廉明歲

早鄰境多蝗源禱於神蝗不入境州人感之號曰賽包家以母喪歸起為梧州知府山水驟至漂廬舍民多流亡眾議具奏請賑源曰若俟奏報民皆死矣乃首捐已奉次勸民分廩賑濟所全活甚眾悉毀淫祠禁競渡久而人不敢變尋以詿誤謫交趾英國公張輔知其賢舉署交州學事多所造就士之以貢選至方岳者十餘人後召為吏部考功員外郎遷鄭府右長史嘗繪欵器圖進之以盈滿為戒王敬憚焉事聞賜敕褒美予金幣復改文選郎中廉靜自持人不敢

松陵文獻

卷三

六

干以私正統初擢江西右布政使會詔勾補遼東大寧萬全諸衛軍甚急源上言南人弱不耐寒雖至其地死亡必多不如簡其幼弱者三千餘人隸南昌衛則水土相習訓練易加而朝廷亦得收其用報可民甚便之三年入覲上愍其老子致仕歸自號東吳遺老家無餘貲惟嗜好書籍年踰八十耳目聰明猶披玩不倦子廷璧為分次部居多至數千卷嘗一謁知府况鍾服履敝陋門者呵之弗為通源不得已自陳官階乃大驚叩頭謝源不為意既見鍾談笑甚洽及

出府門肩輿不時至源自以為部民乃徒步歸為人仁厚篤實訓子孫必依於忠孝臨終戒毋作佛事年八十六其甥吳驥謂源雄才碩學忠厚謙和嗣續繁昌皆陰德所致云孫昇字寅賓成化二年以貢為曲陽縣訓導能為古詩文後進多從之遊既致仕歸葺源所居遺老堂題一室曰梅屋左圖右書檻外花木掩映終日嘯傲客至則焚香淪茗相對清譚雖貧未嘗干謁年六十六卒無子

松陵文獻

卷三

七

魏尚書驥志源墓云正統三年入覲上憫其老賜歸又十六年卒而英宗實錄即書源卒于四年十一月之下不知年月何以參差若是當以墓志為信
潘子曰劉鳳言源用寬濟斥雖屢竟躋通顯以考終觀其所設施無異能碌碌不與物忤故自行間起得晉用非有所附麗然哉以余所聞乃不盡然源起行間得復用實以受知英公故無論源雅士非附麗人者而英公之賢亦非受人附麗者也江西通志稱源為人溫雅歷事五朝文章政事見稱一時英宗實錄為源立傳亦稱其在梧州賑饑之功及奏改遼東諸衛幼弱軍隸南昌衛甚為民便詳源始終鳳之此論其亦少恕矣夫

黃珩 父份子著

黃珩字孟珩震澤人父份字原質永樂初舉秀才授嶧縣教諭轉嶧縣卒官有詩名珩宣德中以文學才行徵授溫州府經歷遷縉雲知縣有惠政以母喪去任縉雲人送之哭聲載路見溫州志莫旦乃云轉武康誤也尋起為廣東布政司經歷勾較文案以直道不合於叅政檄往瓊州視事中嵐氣卒後五十餘年縉雲人有過邑中者必問珩後何如且頌其遺愛云子著

松陵文獻

卷三

八

授新昌令俗悍善訟鄰邑並苦其暴前令嘗為民執送京師著至苛察如神不少假借有請謁者輒集僚吏見之如治公府事客皆慙懼不敢發而去民黠桀者悉流之或規其太過著曰不如是亡以禁暴也由是奸人不自容誣之臺司臺司素知著事竟白遷監察御史巡按山西再按廣東芟除汗冗一時殆盡方面以下有穢墨者輒望風解印綬去都御史王越屢稱著才委以腹心有大政必召與議以母喪歸尋卒著好舉淹滯而恩讎太明人多疾之

盛景

舊志畧今叅胡直撰傳及吳錄

盛景初作昶英宗改為景字允高景泰二年進士人物志云天順間進士誤授監察御史清山東馬政以災傷上疏乞蠲民所負孳息從之四年出按廣東值黃蕭養亂後所在凋敝為披荆榛立制度所下令寬簡不專用威而人畏之瀧水賊起景單騎至其營諭降之還朝言巡撫揭稽不法事失當事意會內苑以翠被飾舩艍張水嬉景偕同官爭之上怒命予杖景伏殿陛呼曰陛下聞古有殺諫臣者未聞以杖殺臣可耳無與

松陵文獻

卷三

九

諸人上益怒久之竟叱出明日乃謫景古田典史天順元年稍遷羅江知縣盜胡元昂作亂景傳檄解散其黨遂捕得之不煩一兵德陽寇趙鐸僭稱趙王所至屠僂攻成都覆官軍殺汪都司羅江故無城景令引水繞負縣田洞開四門市肆各閉戶藏兵於內又伏奇兵山隈約砲舉齊發陽遣迎賊賊入民家未半景率死士開門舉砲兵突出遮擊賊首尾不相顧山隈兵復至夾攻大敗之斬獲無數邑賴以完歲旱禱之得雨景曰此非久計乃教民鑿池一千二百五十

餘所遂為永利尋擢知叙州府會戎人琪筠高土狃
叛遣將征討景在行間前軍遇賊而敗景在後突之
矢著兩耳力戰不肯退賊忽驚亂我師乘之遂大克
獲上其功未報以創甚謝歸後追理前勞特遣使齎
璽書金幣賜於家景性友愛自叙州歸置第都城與
兄弟居無間言又迎養姑姊之無依者襟度灑落詩
文高古忝頗以簡傲召毀亦終不能掩其大節云羅
江故無名宦祠景去後民肖像祀於羅真觀提學胡
直檄縣置祠且為立傳

松陵文獻 卷三

十

劉鳳曰景為吏近苛然持法不貸能舉操彈至犯顏
色蒙梓詈摧辱猶抗言矯矯其氣不少暴已乎乃縣
道佐宣猶為盡其力崎嶇谷壑山澤之間與士伍同
勞佚親介胄面夷不避奉職可謂無負若其馮氣而
驕荷已重而行上不休見笑於佻溺可謂苦矣而不
自知其失見畏于貪得而權竭於多取居復獲譏於
時庸亦才之過也乎

潘子曰世固有建言為名高及一斥而弛然自放於
職業無所當者若景之折檻廷爭大義皦然不欺矣

乃能建功於遷謫之餘厲節於介胄之下自非丈夫
為志窮益堅老益壯者能之乎而猶以簡傲不免於
喻訾之口甚矣豪傑之難為也

范琮 本吳節撰神道碑

范琮 徐志作 宗非 宇禎彥其先揚州人高祖淵字永澄輕

財好施善吟咏元季避兵隱居同里鎮因家焉父德
字士能以長厚稱琮簡重寡言負才志宣德四年舉
於鄉以會試乙榜當授儒官自請卒業南京太學八
年成進士正統初授工部都水主事轉兵部武庫凡

松陵文獻 卷三

十一

九年遷南京吏部驗封郎中轉文選兩署堂事廉公
自守天順四年遷廣東左叅議 徐志作 叅政誤 清軍政覈民
籍綜理有方奸宄屏息凡三年卒年六十五初琮遭
喪家居歲大稜途有餓卒出米百石為飭粥以哺飢
民死不能斂病不能療者則給樵施藥人咸德之有
許道師者以妖術聚眾剽掠鄉邨自長洲蔓延同里
時巡檢以事出吏兵莫知所為琮設方畧募丁壯擊
之渠魁就禽餘皆溺水死且推功令吏兵受賞其才
畧如是

梅倫 績吳先賢贊作枚姓崇正統實錄書擢進士梅倫刑部主事則先賢贊誤也

梅倫字彥常尚湖人正統十三年進士十四年九月授刑部主事歷員外郎天順八年乞歸養居瓢溪倫久為郎官雍容而已無躁競心時論賢之交章薦達成化初復起南刑部持法寬仁多所全活擢湖廣右叅議提調武當山兼理軍務職事既簡益務清靜數引方士治道術者與修導引法遂無意仕進引年致仕生平廉介不愧古人年七十一自撰墓誌而卒劉鳳曰仕者之希慕貴榮急進取自非其情亦勢不

松陵文獻 卷三 三

得不然其有度不任則讓能而處其下耳至無所謂而優遊卒歲久之不調此非怡然有廉靜無求之操烏能爾耶若倫者寬和有恒奉已約清於通塞之間無所繫吝稱可與立豈虛乎哉

馬忠

馬忠字克誠景泰二年以貢為高州府通判時境內多事忠在戎馬間頗有勞績致仕歸進階奉議大夫有司舉行鄉飲禮忠在賓位者二十餘年弘治末卒年九十四

莫震 本莫旦續志叅武昌志

莫震字霆威大猷十世孫正統四年進士知嘉魚縣實錄正統五年十二月戊子擢進士莫震等十三人俱為知縣為人修潔謹於祀事每秋冬巡行郊野修陂池橋梁為民興利奏革五重湖河泊所縣有白面山產佳石楚王請於朝遣使來采碑公往來助役護衛軍為暴者撻之而後具啓後考滿朝王王致謝且命賜宴閩賊鄧茂七作亂上官檄令率民壯出征震訓練有方若素習兵者在嘉魚八年日與僚吏登山臨水飲酒賦詩有古循吏風景

松陵文獻 卷三 三

泰二年入覲奉敕運糧於邊以父喪歸服除改知海鹽縣修捍海塘一百七十餘里為一方保障禽土豪蕭文祥斃於獄民皆稱快遷建寧通判署邵武府事賜敕旌異遷延平府同知致仕歸家無餘貲葺先世綺川舊業居之足跡罕至城市年八十一無疾而卒震性樸雅所著有由菴集嘉魚志子旦自有傳

鈕文 本莫旦續志

鈕文字天章麻溪人其先有號月礪者元時謚清隱處士有名麟者能詩為嘉興路達魯花赤楊維楨為

之傳稱其寄征人繭諸詩宏壯振厲與唐人方軌並馳云文天順三年舉於鄉知溫縣縣多屯軍與民雜處淫暴不法文密謀於上官檄指揮沈鑑率民兵乘夜掩捕悉置於法黃河流沙成地東西長七十里南北八里皆溫地所塌而漲於鞏縣者兩邑爭種年久不決文乃勘明悉歸之溫人考績居最尋以父喪去起為江西按察司經歷行抵邵伯湖大風覆舟死年五十四為人孝友忠信在官不攜家累惟一僮執役以廉慎稱

松陵文獻

卷三

古

莫昂 從子灝

莫昂字伯顯世居同里鎮祖子讓以高貲實京師遂為宛平人景泰元年舉於鄉授袁州府同知聽政之暇與諸生講學成就為多有奸民武斷鄉里訟者千數累歲不能決上官令昂治之立置於法又有劇盜僭號逐縣長吏出走昂承檄悉生致之居九年以疾歸課子弟讀書後進多執經問難姪岱幼孤育之如已子年五十三卒從子灝正統十二年舉順天府鄉薦第一景泰二年進士授行人卒為人謹厚居貧苦

學

徐瑗 父真

徐瑗字文玉父真字宗正正統中以吏起家為麗水縣丞在官十八年進階文林郎致任真職董銀鉞垂橐而歸人以是難之瑗家貧教授於鄉門生有餽粟者瑗以生學業未成辭不肯受景泰五年貢入太學成化中授泰寧知縣廉謹慈惠克修簠簋二語出何喬遠聞書專務以溫詞化民不尚刑罰有馴鳥巢其庭孕育而去久之乞歸泰寧人祀之學官瑗自秋澤徙居城中

松陵文獻

卷三

五

家益貧人有咎其居官不取者瑗曰不取吾職貧吾命也又可悔乎今列鄉賢祠

沈信

沈信字宗實其先長洲人徙吳江南郭永樂中為縣吏正統初授柘城典史守已廉公不憚勞怨時屯田戍卒暴橫侵漁抗疏於朝力劾宿蠹上官器之攝縣事入覲賜救戒諭以母喪歸尋卒邑人吳驥銘其墓

松陵文獻 獻集卷四

邑人潘樾章力田撰

人物志四

明

汝訥 父思聰子泰

汝訥字行敏黎里鎮人先世皆饒於財父思聰字彥明始為吏德器溫雅恂恂如儒生永樂中授瀘溪巡簡禽巨盜胡志生等以功擢中城兵馬副指揮遷南京南城兵馬指揮於民所輸課鈔中得金鐲二訪其

松陵文獻

卷四

主還之景泰元年致仕自號恩隱老人卒年七十六訥少好儒術為詩文格調平曠書法得晉人體而小楷尤適美可愛景泰四年舉於鄉成化三年以善書選為中書舍人遷南京武選員外郎進郎中時王端毅公恕為尚書訥與同郡李應禎嘉興呂憲等竝以文學為恕賓客從容談論相得甚歡後訥出為汀州知府以憂歸服除會恕轉吏部選司承恕指問訥所欲訥竟無言擬補南安恕以訥文士不便案牘欲更之訥聞之曰官可擇耶恕乃聽之南安地瘠陜與嶺

表接壤商貨所委輸細民擔荷自備裁給朝夕其勢家則坐而居積依倚官府役屬小姓為民患訥至皆惴惴奉法無敢旁撓尋報罷人皆惜之訥有清操居官三十年田廬不改於諸生時尤好獎成後進同邑顧景祥家貧嚮學然性魯鈍教者多謝遣之訥獨悉心指授景祥感奮卒成進士訥所著有學鳴集子泰泰字元吉一字其通少有大志巋然老成之望未第時與同郡李應禎吳寬同邑姚明史鑑竝以文學著名所撰文章傳布遠近年五十始舉於鄉又七年而

松陵文獻

卷四

成進士時弘治九年也授南京考功主事倪岳為尚書素聞泰名一見喜甚久之遷驗封郎中時岳被召三山林瀚來代以泰有時望奏改考功泰甄別人物辭情竝協久之擢永州知府卒於官所著有來齋集

吳璠 從子鑿

吳璠字朝用為人嚴毅有幹局景泰七年領鄉薦成化中授中書舍人嘗使韓王王享之嘉其無違禮贈以幣固辭不受居官十七年始遷工部營繕司員外董理神木六廠掌六營造舊以宦者王之諸奸猾多

窟其中部曹往往為所鉗制璠獨挾摘徑竇令奸人無所容有陳少監者亦稍自戢凡所隱占悉還之官二十一年陝西大饑人相食命總督侍郎李衍賑之廷議以為河南偃師之東所謂孫家灣者即隋唐之洛口倉也故窖猶存宜留漕米之未過淮者四十萬石令從清河口往輸之移秦隴之民就食於彼而漕舟不習河事往者多覆溺議選清強部臣往相水道疏淺濬淤及徵沿河水手分布挽送使避河險遂命璠與戶部郎中許楫同往已而河水淺濬漕舟遷延

松陵文獻

卷四

三

數月猶不能達璠建議曰方今七月瓜蒂水生猶膠淺若此秋高氣寒風水皆逆舟益濡滯延及嚴冬愈不可行此病一也况秦民壯者已散四方弱者饑困成疾且顧戀老稚豈能遠來即來而跋涉關隘必多顛踣此病二也米積舟中久不輸瀉動移氣序蒸滯侵盜耗失必多此病三也夫救荒利速今天時地利咸有所阻當為權宜以濟之近來米商多從河南販陝西故河南米亦翔貴貧者苦之今宜減價糶米易銀資往陝西令彼自糶免其往復之勞利一販者賤糶貴糶坐獲厚利致米必多不煩勸督則陝西米價亦漸就平利二此既減價以糶河南貧民亦沾其賜利三漕舟既空運卒獲歸利四若堅守前策不知通變將恐公私俱困進退失據矣眾皆從之即具疏聞上以持論不一奪楫璠奉各二月按史鑑擬狀止云奪奉事考憲宗實錄書是年十二月初陝西告饑上命發漕運米四十萬石往賑行抵陝州時陝西漸熟而河南復饑議欲就責其處置乖謬令自陳至是尚書殷謙而下俱服罪詔釋謙等而罰其屬吏云觀此則賣米一事當時頗有異議而璠於通河漕疏中亦有周爰汴洛已歷十旬茫無寸效日夜憂惶將歸罪司寇之語蓋事雖得

松陵文獻

卷四

四

請猶被徵議行 先是李衍上言漢唐都關中自河入渭竝通舟楫漕運轉輸以給京師遺跡俱在但三門集津河水悍急請令相度疏鑿以通轉運上併以責璠璠躬自案視考隋唐轉漕遺跡上疏力陳其不可行事得已明年監抽蕪湖竹木踰歲代還卒於京師從子鑿

鑿字汝礪少逸越不羈好學工詩格律高古與趙寬齊名與人交不立崖岸居官以清謹稱成化十三年舉於鄉巡撫王恕聞其名召與語鑿極陳民間利弊

附以經史娓娓不休恕甚異之贈鑿詩期以大用鑿復以詩諷恕益器重之二十三年成進士授兵部武選司主事進員外郎尋遷武庫司郎中卒初鑿拜官當得文選會恕爲吏部尚書同年楊生者欲奪之乃言鑿先事受賀恕聞不得已改鑿武選而以楊生代之後恕數召見鑿鑿終不言恕始悟受欺欲調整不果而去其恬退如此嘗遣治大臣葬道聞母訃遂委事徑歸當事者難之鑿曰安有舍親之喪而勤人之喪者乎鑿善書法所著有懶溪集亡子

松陵文獻

卷四

五

葉紳 孫可成

葉紳字廷縉其先居洞庭東山有德潤者洪武中以人材徵授陝西布政司理問後徙汾湖爲大族紳性質雅登成化二十三年進士弘治改元以老成選爲戶科給事中以母喪歸三年補吏科八年遷禮科右給事明年轉左上疏請諭教太子又陳修省八事皆切治要上頗采納署科務謹重稱職不事中傷人稱爲長者十一年遷尚寶司少卿卒於官初弘治七年吳中大水民饑紳奉使閩浙過家因上言國家糧餉

率仰給東南而頃者蘇松常杭嘉湖諸郡水道湮塞甚爲農事之患乞命官往治之於是遣工部侍郎徐貫往經理其事人咸德焉孫可成字懋學嘉靖二十四年進士知山陰縣有廉直聲胡宗憲開府辦倭知可成才畱之幕府令參謀畫凡兵食調度攻守形勢皆從中贊決動中機宜吾邑盛墩之捷敵樓之築可成有力焉宗憲性剛有得失軍吏莫敢爭可成善爲調護多所補救嘗有裨將四人失律當斬可成請赦其死責後效卒皆立奇功云以薦擢南京工部主事

松陵文獻

卷四

六

諳蒲州同知有發婦私於僧誣其子以逆可成伴坐子死令婦具棺及伺具棺者僧也遂納僧於棺生理之而釋其子人咸快之尋免歸卒

吳洪 子山巖

吳洪字禹疇父璋見孝義傳中洪年十二爲縣諸生動必循禮訓導江晟待諸生過嚴諸生將訴之督學御史洪曰弟子叛師猶子叛父也不可卒不署名事遂已舉成化十二年進士授南京刑部主事累進郎中擢貴州按察副使以喪歸尋起廣東巡視海道弘

治十二年進福建按察使又二年入爲太僕卿又四年擢工部右侍郎督易州廠正德元年轉左侍郎理部事四年拜南京刑部尚書又二年致仕洪有廉節起家刑曹精於法比多所平反在廣東以海道兼攝鹽政皆號利藪洪獨無所染御下不少假貸宿弊頓革御史王哲欲葺諸公署而難其費洪建議以爲鹽法引納官錢若干獲利數倍顧爲權豪所專請均之於商使輪值佐役便從之鎮守中官初役四水驛舟各一久乃令輪金後又并徵其舟御史汪宗器銳意

松陵文獻

卷四

七

革之洪請釐正自今日始勿追所得金於是中官帖服徭人數爲暴官軍往往濫殺要賞遣廷臣往按之悉以委洪廉得其狀捕誅首惡而慰撫其餘邊患遂息在福建城北常有虎患洪爲文禱告虎竟去建寧延平大水民貧且互劫輒便宜賑貸汀漳軍餉缺盜賊蠶起取征商之羨賑之士徭戍者有所索守臣集三司議洪曰不與則致叛與之則爲例不若以賞爲名而姑與之衆皆稱善在工部當劉瑾用事怨劉大夏誣以罪欲殺之下大臣議惟洪與都御史屠應竣

力辨之乃得解徙南京刑部有寧河王鄧愈之後與其弟爭賜田者特瑾爲援洪執法不阿瑾大怒勒令致仕洪曰吾志也遂歸凡十三年卒年七十八贈太子少保何喬遠閩書曰洪爲人和而不侈莊而不倨在官聽訟以情數辨疑獄布政司吏有微罪鎮守中官銜其使欲重罪吏以爲使累洪厲聲曰殺人媚人吾不爲也子四人其三竝登進士長山次巖幼崑崑字美之仕終嚴州知府

松陵文獻

卷四

八

累進郎中抗直無私九年不遷官嘗錄囚江西平反疑獄以百計武宗將南巡山偕同官上章諫詔跪殿廷五日杖三十久之擢山東按察副使理驛傳軍務剷除積弊方暑月諸司多所逮繫山量輕重出之無滯囚時有涇井自渫民歌頌之遷陝西右叅政嘉靖二年改浙江以父洪卒不赴五年起爲福建按察使福建故洪治所山聽斷公明法中行恩吏民思洪美山復歌頌之居二年遷江西布政使所至以廉靖長厚有士大夫聲又二年擢副都御史巡撫河南以汴

苦河患乃根極利害著治河通考十卷初河南糧兌小難民弗便武宗時移臨清又弗便山建議移回隆運官受臨清賄爲浮言山力持之遂爲定制伊王素柔懦宦豎縱恣臨漳府有將軍祐棨者招納亡命剽民財所至人皆罷市山具以聞請薄責王俾自新而免祐棨爲庶人祐棨乃潛走京師誣山罪左降浙江叅議稍遷徙江西叅政尋擢應天府丞十五年以僉都御史巡撫四川明年晉右副都御史提督南贛治尚清簡未幾召爲刑部左侍郎十九年進尚書時翊

松陵文獻

卷四

九

國公郭勛以議大禮得幸驕僭不法爲言者所劾下廷臣議皆觀望持兩端山獨陳其罪狀論棄市諸黨附者以次具獄上內惜勛爲持其奏不下勛竟瘐死獄中會當秋報上怒責山論讞後期免其官山卽日僦小車角巾就道發疾卒於利國監驛年七十三山倜儻魁梧聲如巨鐘性孝友與諸弟析居自取敝廬朽物而已與人語洞見底裏不設城府歲飢嘗折逋券萬石以爲賑鄉人德之隆慶初詔復官贈太子少保弘光元年禮部請賜諡不果今列郡學鄉賢祠

巖字瞻之初爲行人遷工科給事中遼東屬國詣闕下訴其使者被殺巖奉詔馳至遼廉其實還言邊吏貪首功不治將生邊釁遂抵邊吏罪諸部悅服正德九年乾清宮災詔求直言巖條上視朝講學建儲及斥養子番僧罷邊兵中市凡數十事言甚切至十三年遣諸部使者四出督民逋負併及已蠲除者巖請召還又乞遣大臣治東南水利先墾白茆故道引太湖水注之海上從其言久之遷四川叅政專理糧儲尋奉表入賀道卒

松陵文獻

卷四

十

王世貞贊洪像曰嗟于公一法吏子繼之復廷尉民不寃用長世司寇吳考及嗣始爲郎旋正位慶之餘衍來裔贊山像曰公之用法終始在寬及其究也以法失官雖則失官其道乃完白恰單練以附桐棺天王聖明還司寇寇

潘子曰徐志不爲洪立傳余嘗疑之豈以其父子榮顯故抑之耶余先王母及繼母皆吳氏故得備聞其遺事大約篤厚如萬石君明允如于決曹實有餘而文不足者也又觀王公世貞家所藏名賢像洪白哲

而麗山狀貌魁傑竝有閭閻侃侃之容余益以想見其爲人世貞之贊蓋不虛矣其累世鼎盛科名甲於郡中有以也

王哲

王哲字思德志行剛果有幹局十三爲諸生督學浮梁戴珊以國士期之弘治三年登進士授監察御史福建清軍兼理鹽法時有以同姓被誣爲戍卒者百餘家淹繫累年一訊卽出之十年巡按廣東南海十三邨負固數爲亂鎮巡議屠之哲曰邨戶不下萬餘

松陵文獻

卷四

十一

玉石俱焚吾不忍也乃率廣州知府輕騎詣其巢諭以禍福許自新皆感泣解散又每邨立土里長以約束之卒以無事十二年上言凡有罪遷口外爲民者跋涉萬里風土不宜往往疾病道死是以家人聚哭如赴西市請自後兩廣及雲南貴州四川福建應遷口外者悉發近衛爲軍下所司議行之遭父喪去官十五年再按江西鎮守太監董讓怙勢驕縱至匿盜賊不以聞哲首劾其不法事上切責讓且以治盜事付哲哲嚴督有司遂禽渠魁賜敕獎諭時天旱種不

入土哲親錄繫囚平反數百人翼日雨是秋遂稔又善斷疑獄有大姓被盜誣其怨家賂鎮守欲寘之法哲察其寃釋之鎮守怒衆亦以爲疑後眞盜出衆皆服民間爲之謠曰江西有一哲六月飛霜雪天下有十哲太平無休歇十六年遷山東按察司副使臨清兵備有貢夷私市鹽哲請沒入之而給其直人稱得柔遠體正德三年進廣東按察使明年擢南京右僉都御史理操江事會江西盜起奉敕巡視南贛汀漳斥貪吏去苛政盜聞皆斂跡尋改巡撫以病乞歸正

松陵文獻

卷四

十一

德八年卒年五十七居家孝友卒之日貧無以殮子孫至不能自存人以此服其廉初豐城諸生雷禮有墓地爲勢家所奪訴之有司俱不敢問及哲至親鞠得其狀時勢家已葬哲竟令徙之而還其地禮後貴顯思哲之德爲具疏復廕其曾孫某官至兩浙鹽運使何喬遠曰哲善讀書尤熟於史嘗言說好話行好事作好人題所居曰好齋有好齋集十卷曾孫有功有字可大萬曆十一年進士授遂昌知縣興學校平役法宿弊一清十六年兩浙大侵米價踊貴獨

昌以賑救有法多所全濟擢廣西道御史先後條上訓儲親朝恤刑諸疏皆切時務遣視陝西茶馬時西邊未靖經畧鄭維詭奏邊寇東歸有功上疏發其奸欺因陳九邊利害甚晰維震恐即日促寇去西陲以安寧夏叛魏學曾葉夢熊先後討賊多用其計謀尋改巡按廣東粵中素饒宦游者多自潤有功一切禁絕黜貪吏鋤豪橫尤畱心庶獄所活以千計性節儉卽與督撫宴會不過五六簋雜以腐菜而已還朝值上以軍政事遷怒謫臺省一時相顧莫敢救有功獨

松陵文獻

卷四

三

上疏爭之未下會司禮太監田義有所求不應遂乘間中之與諸臣俱削籍卒天啓四年二月詔贈太常寺少卿有功孝友廉讓歷官雖久貲不加益而親黨待以舉火者甚衆人以爲不愧其先云

潘子曰實錄稱哲爲御史頗有風裁後撫江西時逆藩宸濠常以計去守臣不附已者哲自濠所宴飲歸而病或謂濠中以毒云而徐志稱宸濠畏憚投以鴆毒幸不死遂以疾乞歸踰年卒墓誌則謂其病實以憂勞所致考哲去官在正德六年而卒於八年九月

則憂勞成疾之說果信耶余近從其家得其從孫鼎所記遺事云宸濠欲結婚於公公潛窺其有不軌志遂力拒之是歲夏杪宸濠宴諸督撫密置孔雀毒血於瓜上進公食之少頃煩懣口不能言至自投於井幸羣僚立救屢免殞耳上閱其忠令馳檄還鄉而究以毒發終悲哉然則中毒之事通國皆知之而墓誌作於宸濠未敗時故曲諱之耳誌又言公在江西有都司以賊革者福建林公俊來巡視復用之公不可俊怒移文語侵公公不以介意論三司曰林公先朝

松陵文獻

卷四

四

名臣處斷必不苟蓋偶未詳耳令再具事本末以請俊大悔悟卽罷弗用因重愛公比歸賦詩贈別送之數程噫公之爲人豈特疆直自遂而已哉

沈漢

沈漢字宗海正德十五年舉於禮部明年世宗入立策賜進士授刑科給事中中官馬俊王堂自南京召至漢曰人君初政當慎刑賞重命令宦豎既斥而復進端不可開竟論罷之嘉靖改元詔蠲四方逋稅漢言逋稅半出侵漁若例免之則猾者生心請差別其

等以惠良民又言近日籍沒之貲不下數千萬請悉發以補歲入之不足上皆嘉納會南京風雷之變京師地震乃援漢五行志反覆數千言指切時弊其他言錦衣不當典刑林俊不當去位皆政體之大者五年進右給事中明年遷戶科左給事中李福達獄起詞連武定侯郭勛助營庇甚方法司顏頤壽等反坐下獄漢上言祖宗之法不可壞權幸之漸不可長國之大臣不可辱賊之妖妄不可赦於是權幸惡之坐罷歸歸二十年卒隆慶初贈太常寺少卿

松陵文獻

卷四

五

陸金

陸金字德如石里邨人正德十二年進士歷工部郎中出知漳州府初至計禽妖賊有惠政士民刻石頌之嘉靖十三年遷江西按察司副使徐志云仕至福建副使後家居貧甚足占守矣二語本所著有石里詩集

何遵

本舒芬梓溪集

王鑾附

何遵字孟循其先邑人洪武中以間右徙南京遂隸籍江寧遵家貧父命之賈心厭之去為儒或言祿命不利遵笑曰儒固有利不利耶為諸生因學師策問

范滂母事感之歸告母曰兒設為滂大人能為滂母乎母笑而許之正德九年舉進士吏部尚書陸完聞其名使子弟師之會選臺諫獨引疾弗出曰吾不可資人以進也尋授工部主事權木荆南下令商白百金下減三之一風水敗貲勿算入算者手實其數自識之藏於郡帑數日一會所入比去遵不私一錢十四年三月武宗將南巡郎中黃鞏等疏諫下獄江彬揚言鞏旦夕且死欲以喝止言者而遵已前上疏言淫祀無補敗亂且宗藩中有潛謀不軌者其兆已見

松陵文獻

卷四

六

矣彬畏事泄遏弗進至是復與林大輅蔣山卿上疏極言彬怙權倡亂鞏等無罪願特賜寬宥毋使後世有殺諫臣名已受杖肢體盡裂越二日竟卒始遵草疏時家童前抱遵哭曰主縱不自計奈親老子幼何遵從容語曰毋多言歸為我謝大人勿令兒子廢學足矣遵死之日父聞工部郎有以言獲罪者即長號曰遵死矣夫已而果然世宗即位贈尚寶卿弘光中謚忠節同時杖死者有王鑾字汝和其先亦邑人洪武中隸籍錦衣衛正德中舉進士時流賊甫平郡縣

瘡痍未復鑿作原治二篇大略謂今之賊盜皆由守令監司惟利是視撫按又樂其趨承罔覈實效以致浸淫潰敗故弭盜之本在禁奢立禮敦教懲貪而已吏部尚書楊一清異之補文選司主事持正不妄交遷考功員外郎朝退扃鍵自防人罕見其面晉驗封郎中與同官張衍瑞等合疏諫南巡被杖創甚寢疾踰年卒

松陵文獻

卷四

七

松陵文獻 獻集卷五

人物志五

邑人潘樾章力田撰

明

盛應期 本名賢紀 叅文太史誌

盛應期字斯徵寅四世孫弘治六年進士授工部都水司主事十年司濟寧牖啓閉以時令行者艦相銜進無得爭先官舟或挾私貨輒沒入之道路相戒無敢犯而中官大不便之太監李廣方貴幸其舍人販

松陵文獻 卷五

私齷南來聞應期令嚴悉投於水廣怒嗾其黨秦文誣以阻格薦新大不敬詔逮錦衣衛獄謫雲南安寧驛丞稍遷祿豐知縣祿豐古錄奉地烏焚蠻所居俗獷悍習盜教以禮法弛捕盜之禁盜皆首伏化爲良民歷順慶府通判武昌長沙二府同知所至以廉強直稱進雲南僉事分巡金滄洱海諸道景東土知府父子信讒至相仇殺乃縛其讒人置之辟曉以大義父子如初武定土官鳳英妻攝府與子朝鳴多行不法命應期治之乃出不意疾馳入其府母子懼服

因簿責其黨窮竟抵罪悉還所奪於民進副使時鎮守太監梁裕漁取無厭應期與御史張璞副使晁必登共裁抑之又建議封閉諸礦以絕禍源裕誣以他事與璞必登俱逮下詔獄璞坐拷掠死會乾清宮災言官論救得復職尋遷河南按察使歷山東右布政陝西左布政鎮守太監廖鑾恃內援張甚諸弟縱橫關中應期至首執其左右尤無良者用法剪除格其一切橫歛鑾銜之先是有勅織罽費鉅萬鑾乃檄取直應期發籍按得所支破已踰數萬明日詣鑾鑾方

松陵文獻

卷五

二

盛氣以待應期出籍示之問所費如此度必有贏金今皆安在願以上聞鑾出不意內悞不能對惶恐跪謝乃已武宗將幸榆林衆懼闕供議加賦應期持不可命以丁糧差次輸金抵來歲常賦之數比至供億悉辦民不知勞扈從諸權幸氣燄薰灼撫監重臣莫敢吐氣獨不爲屈有所請干皆裁以法時戶部尚書李承勛在行歎曰承勛自謂男子乃今知不逮矣明年遷副都御史巡撫四川平六番招討高文林及流賊謝文義捷聞聖書褒諭賜金幣以母喪歸嘉靖初

復起巡撫江西自宸濠叛後寇盜充斥而彭蠡尤爲盜藪應期設軍巡徼立團保之法籍漁舟爲伍使互相覺察盜不能容於是平徭賦議賑救奏免雜調數十萬民賴以濟遷兵部侍郎總督兩廣軍事歸善賊李文積爲亂發兵討之斬首千五百餘人又討思恩土酋劉召俘斬千計召赴火死而田州土酋岑猛尤驕恣不法應期謂猛怙惡非勦絕之不可具條上用兵方略未報先是應期閱軍實知總兵及太監府占冒甚多悉勒歸伍又嚴戢其左右官屬不令暴橫繇

松陵文獻

卷五

三

是共爲蜚語聞於當事遂改工部侍郎督易州廠實奪之權也應期乃乞休歸歸四年河決徐沛卽家拜右都御史總理河道應期奏治河四事曰疏曰濬曰築曰改詔許之乃率郎中柯維熊等先治舊河俾通漕而築堤障河之衝又濬趙皮寨白河以殺其勢乃議開新河起昭陽湖以東延袤百四十里役夫九萬八千時方冬月督責過嚴維熊等怨之陰嗾言者劾其非時興役困吏士冰雪中上怒奪其官凡七年以廟恩復職致仕卒年六十二其後朱衡繼之卒開新

河爲運道永利諸所規畫皆自應期發之應期剛果廉幹負氣屹屹不肯下人體貌嚴重家居肅如官府而遇宗族故舊咸有恩禮

王世貞贊像曰是爲直臣於弘治爲材臣於嘉靖之世夫以君仁則臣直君明則臣材能一伸之而不能竟者何哉

劉鳳贊曰應期矯矯亢烈奮難不顧身可謂貞孤絕俗剛慎有執稱社稷臣矣且其才沈密切至長於應變所辦護無不篤繕淹敏可推行少長於里中家大

松陵文獻

卷五

四

人與共學董先生嘉謨所董先生數推重其弟子人竊笑之已而竟立功當世今雖漸久聞其風想見其人尚有生氣而彼奄然取寵榮隄沒身無患者于志節何有奚益國家哉

潘子曰盛氏入國朝自寅父子而外無聞焉至應期始以功名著偉矣國史稱應期有膽智遇事敢爲自爲司屬時卽以才幹聞然剛褊自遂與物多忤故雖所至有績效而殊不理於口雷城新河之濬實漕道永利應期翔議而撓於浮言蓋首事之難如此又言

應期既奏開新河因謬議紛起欲急於成功以杜衆口遂以嚴急興怨功未成而罷然其所開新河後三十餘年卒循其遺跡疏之運道至今蒙利云夫新河宜改已有定論獨所謂急於成功者猶未免悠悠之口耳王世貞言新河奉詔以春和興功而公用便宜行事先期調發遂爲言者所劾夫治河者必以霜降水涸爲土功之候未有坐待春和者也而當時莫有爲之辨者然則汲黯發粟當首伏矯制之誅矣又何以稱社稷臣哉

松陵文獻

卷五

五

陳天祥

陳天祥字元吉其先隸籍武功衛弘治八年舉順天鄉試明年成進士授青州府推官入爲監察御史遷西安府知府歷山東按察司副使整飭天津兵備時流賊劉六等聚衆轉劫天祥嚴號令守要害獲渠魁及其黨七十餘人以功加太僕寺少卿時賊衆兵寡天祥請於朝命都督張俊率精銳援天津天祥與夾攻俘斬甚衆進左僉都御史賊平徵還巡撫貴州洞苗亂天祥發漢土兵攻破諸寨禽斬凡六千餘級捷

聞賜金幣宜大有警命總督軍務會寇先遁進左副都御史改督陝西三邊尋奉命理閩浙鹽道過吳江卒於家天祥警敏有才略臨事能斷所至有聲其在天津功尤著

曹鏐

曹鏐字良金其先本吳姓有為曹氏後者遂從其姓弘治六年成進士選庶吉士授刑部主事恤刑四川多所平反進員外郎性鯁介尤惡中貴人遇必折辱之坐是左遷東昌府通判時鎮守太監在臨清者尤

松陵文獻

卷五

木

暴橫鏐卽抗章劾其罪狀因言伏讀詔書凡鎮守內臣非舊制者奏聞裁革臨清一州止有一衛官不滿十數軍不滿三千有一兵備副使以坐鎮其地矣守備之設尚為冗濫何必又增鎮守以遺民患乎且臣府賦役繁重民財日空賣兒貼婦接踵於途加以水旱相仍盜賊竝起公行劫奪莫敢誰何陛下卽位之初正宜加惠貧民以收人望豈宜畱此冗員上無補於朝下有損於民中不便於有司伏乞勅兵部遵詔裁革召還內臣幸甚武宗從之劉瑾怒使人刺鏐陰

事無所得適有為之營救者事遂得解遷興化府同知都司劉全瑾族也恃勢不法鏐舉案其罪降千戶乙鏐擢湖廣僉事甫去而全卽藉瑾力復舊職鏐聞嘆曰時事至此何仕為遂乞休日與顧應祥文徵明諸人游為古詩文質直不尚雕琢又工繪事於所居後積土為山植桐其上自號桐丘鏐嘗為一里人所侮置不問居數日其人當受役縣官而鏐適為鄉飲賓縣官問其人家貨鏐具以實對遂得免其人愧服嘉靖中卒年九十三

松陵文獻

卷五

七

王守

王守字履約其先本章姓世為酒家父徙郡中為王氏後遂冒其姓守與弟寵俱師事西山蔡羽性篤謹容貌敦重動止皆有尺幅委蛇可觀嘉靖五年舉進士授南昌府推官選為給事中當張孚敬用事與言官相為水火而守獨能得其意眾亦不以為嫌也疏陳六事皆次第施行久之積資至卿寺剋翔兩京進都御史巡撫鄖陽改理河道及召還臺事皆無可見而寬簡有令望務以清靜為治未嘗喜事有所變更

好潔修論議無所假借慎於接對非其人不交鄉人有自微劣得清華者靳不與一刺性友愛弟寵才名過於兄而守雅自重不為表暴善筆札有集若干卷黃魯曾曰君詩宗盛唐五言律不減王孟風格自薛君采顧華玉二人外莫之識且重也其於奉餘有二疏之見日具酒殺不遺後人以為妖狂之費蓋吳俗淺躁君韞藉端厚焯哉其救劑云

劉鳳贊曰風之隴也非士能以計才辨智惑亂之也亦在位者不能自持故無所磨厲而使漸靡日以潰

松陵文獻 卷五

壞將誰咎哉今其流渙渙踵相接於道假以詩請寄者不可勝也昔聞守之言云但謹謝客孤立直行已意保無過咎何以多游從在所嘗滿問遺遍存之使賓客縱橫亂天下國家為

周用
周用字行之少有異質既長辭家力學寒暑不解衣弘治十五年舉進士授行人正德初選南京兵科給事中遭父喪尋補故官遷廣東叅議嘉靖初歷浙江副使山東臨清兵備副使進福建按察使河南右布

政使擢右副都御史提督南贛軍事召還四遷為京右都御史改南京工部尚書又徙刑部會九廟自劾免又五年以薦起為工部尚書總理河道未入為左都御史又二年遷吏部尚書加太子少保年七十二贈太子太保謚恭肅初用之再為南給出於自請已武宗遣中官迎大寶法王於西番用章力諫又論倖進諸大臣及江西鎮守太監不法侃侃出北臺省之上在廣東山盜起用監軍龍川斬九百餘級故事嶺南捕賊首功千以上者升奉

松陵文獻 卷五 九

級用不妄殺又以餘功讓同事者故不及格受賞已河南大饑發內幣賑之用自請攝汝寧分守事行阡陌戶署賑字令民自贖以來即出所貯米物之於是民沾實惠里胥不得為奸所全活甚眾在贛有劇盜久不獲用察其黨有悔悟者召至諭以福結以恩信遂禽斬來獻用以治盜當塞其源乃賊吏緩徵科撫流移踰年盜遂屏跡在南工部有市物吏受賂率先給直而故緩其入點賈因以為用令民得自輸物輸已立予之直弊遂絕吏部自

書書民法於南周從林相得目累賦器解釋

靖初郎中專用事尚書至不暇有所可否而侍郎相顧以噤不發言為知體而郎中者其智力困則盡以任吏用至有所舉措必謀之兩侍郎兩侍郎亦樂為之盡而郎中亦遂以簿書任其僚屬吏不得上下其手會大計以勞致疾既革徐文貞階來候竊問其子寢食狀用目且瞑遽呼曰兒毋及外事其不亂如此性孝友博綜羣書尤深於易禮能古詩文詞旨典則兼工書畫所著有讀易日記及文集十六卷今列鄉賢祠

松陵文獻

卷五

十

潘子曰國史稱用端亮有節操王世貞以為公有文行晚而秉憲握銓天下想望風采凡再司內外察見斥者不能修怨當是時貴溪分宜二相勢交軋公處之寬如也可謂高朗令終者矣又贊其才不見長善無近名力雄萬夫外若不勝而何喬遠則云為人肅括不落時態數言盡之矣余少從公家見其筆札丹青慨然嚮往及讀所為鹽法河渠二疏乃知公政事文學有大過人者雖謂之未竟其施可也

顧昂

顧昂字仲光正德十二年進士授將樂知縣縣雜戎伍獷悍難治昂至申明約束皆畏戴之入為刑部主事時方議大禮昂上疏不肯附張桂坐奪奉乃以母老請改南京遷汝寧知府汝寧多宗藩大姓俗好伎刻昂鎮以清靜政化大行後引疾歸先是昂去將樂士民思之久而不忘乃立碑縣亭以表其德至今縣有顧公祠焉嘗作忠孝經傳注藏於家孫大綱事母以孝聞為詩有雅裁

毛衢

松陵文獻

卷五

十一

毛衢字大亨少好學求師不遠千里舉嘉靖二年進士授浙江太平知縣調永康俗勁悍前令為民所訐坐繫獄衢至縛訐者至階下杖殺之乃視事奸民震恐邑中大治遷刑部主事時大禮議起上怒言者切直下法司論治衢上章爭之竟得釋久之擢四川僉事進提學副使所獎拔多知名士卒於官衢性伉直所至禁戢強暴甚有威惠工文章操筆立就初為諸生與華亭徐階並為督學御史蕭鳴鳳所識衢雖功名不及階而政幹稱於時云子圖南壽南並舉進士

壽南字宇徵爲山陰知縣時浙東諸郡勾餘軍漕運壽南建議永折送爲著令又築堤麻溪壩以捍外潮民賴其利壽南子以燧以焯先後取科第竝有文名

沈啓

孫季文

沈啓字子由正德中領鄉薦凡七舉至嘉靖十七年始成進士授南工部主事世宗幸承天計水道當出南京將具樓船以待又恐上或從陸徒耗金錢尚書周用以問啓對曰召商庀材於龍江關急驛偵上所從道以日計舟可立辨夫舟而歸直於商不舟而歸

松陵文獻

卷五

主

材於商無難也已而上果從陸中官請修孝陵意以規利啓與錦衣朱某往視諷之曰高皇帝制皇陵不得動寸土違者死今修之當奈何朱某色動見中官具道之乃飾孺垣以報先後所省以鉅萬計改刑部累進郎中出爲紹興知府會稽新昌蕭山三邑田與賦左啓爲平其額而殺之令輕而易完時巡撫朱統嚴海船之禁有豪紳陰爲奸民地以啓能得統意而解之持美遷啖啓啓不聽遂淡銜之尋遷湖廣副使督撫侍郎張岳討黑苗寨屬啓紀功時官兵多縱殺

邀賞啓令獲生口與斬級同自是全活者衆又有卒挾一首曰此黑苗酋也啓曰黑苗酋久知名此年少必詐也已而酋果出掠岳大賢之上其功然竟坐紹興時事罷歸而朱統亦被陷自殺啓歸絕口不言官事築室仙人山以著述自娛久之卒年七十八啓身若不勝衣而神采高朗博覽羣籍凡陰陽律歷五行水利之學靡不研究喜爲詩陸師道評以爲古體沈著近體明雋所著有南廠南船二志牧越議略吳江水利考及家居諸集數百卷子察字體中博雅能文

松陵文獻

卷五

主

自左氏離騷而下多所擬作舉嘉靖十三年鄉試早卒有少虛稿孫季文字少卿萬曆五年進士授工部虞衡司主事久之不調二十年始進都水司郎中督理南河尋遷陝西督學副使又三年轉福建督糧叅政出納有法攝布政事一以仁恕爲本而祛弊不遺餘力以上數語本闕書先是閩以倭警增賦季文悉釐正之二十六年遷四川按察使時播州用兵調發旁午季文積糧製械具有勞績播州平獻俘所條上征討時日地里多淆亂不堪宣讀適季文入覲兵部暮夜往

叩之季文援筆立書三鼓而盡覈之原奏不爽人服其敏二十九年遷山西右布政改山東左布政時以備倭故增餉至五十餘萬季文曰倭去矣安用重困民汰去二十四萬時太監陳增馬堂輩竝為暴季文建議以包稅請從之山東兌運惟臨清德州小灘為艱乃議官歛解酌遠近輸錢粟量豐歉為規制不以煩民三十三年擢副都御史巡撫河南會河決大濬朱旺口役夫十八萬經費不給季文以河南歲輸臨清二倉米頗充溢二倉米直八錢而河上米價贏三

松陵文獻

卷五

古

之一請以沿河州縣應輸二倉者畱萬石以八千金輸之則河工可濟國儲無虧上許之兩河旱蝗請蠲賑煮糜墾荒積穀民賴以濟又以稅賦無法條上三事曰稅富民不稅貧民有官稅不宜有私稅徵有稅之稅不徵無稅之稅疏入悉報可兩河兌運在臨清德州者悉如山東法行之著為令後二年詔建福邸於河南府計費且四十萬季文曰加派則兩河疲困協濟則隣境兵荒乃議畱料價諸課及括庫金佐之故役竣而民不病三十六年以疾乞休踰年卒季文

值歲稔嘗發粟三千石以賑鄉人其在河南嘗貸官錢千計易粟至吳下平糶邑中至今德之

張源

張源字連卿嘉靖元年舉鄉薦歷寧波懷慶二府通判有清操世宗崩遺詔至縣源扶疾哭臨如喪考妣越三日以毀卒年八十八後督學御史耿定向命祀之學宮源有至性事母孝撫孤姪有恩

顧會唯

顧會唯字一貫同里人嘉靖三十二年進士授金華

松陵文獻

卷五

古

知縣縣故倚郭里甲困於供億會唯悉裁冗費民甚安之性廉明庭無畱獄倭寇溫台有自馬驤嶺入永康武義境者會唯督民兵守要害倭不敢犯縣學素隘為買地拓之遷監察御史巡按廣西先是安南貢使至者或十餘年不遣會唯言遠人內附當以德懷不宜久畱使者失信遐外上從之湖廣歲供廣西餉多後期輒以洞庭風波為解會唯以衡永諸郡接近廣西道路交通奏請直達人以為便宗室有犯法者抗章錮之自是豪右屏跡以大父年高請告歸嘉靖

末吳中屢中倭又苦水災曾唯條上禦倭策及賑荒議多見施行鄉人賴之性友愛推故廬與族人共居至四五世猶不改云所著有西臺奏議易說及詩集數十卷今列鄉賢祠

周大章 弟大韶

周大章字一夔邑人多好經術而大章獨明兵法嘉靖三十一年舉於鄉明年三月倭猝犯青陽港知縣楊芷請爲叅謀部署子弟以飛艦斷其上流斬首十八級生禽五人吳人始有戰志三十三年六月倭自

松陵文獻

卷五

七

崑山掠閶門南下大章以輕舟邀之斬首十六級明年正月復禦之平望斬首十一級當事偉其功先後賚以銀幣竝辭不受巡撫周琬數訪以兵事檄守朱涇踰年乃罷論功當授官大章以養親辭上曰孝旣可嘉忠亦難泯乃官其子崇仁蘇州衛千戶世襲後大章謁選爲餘姚教諭會瑞安被倭患吏部遂以大章知瑞安縣縣城庠陋乃鳩衆築城九里門皆有樓周以雉堞倭不敢逼卒於官大章才筆奇恣有文藝集及禦倭賦略弟大韶太學生嘗從大章叅謀幕府

立功海上尤精水利之學萬曆五年巡按御史林應訓議開東南水利引大韶與共事首疏長橋兩灘以通十郡之咽喉繼治白茅吳淞七浦諸塘以泄太湖之下流淤者去之淺者濬之而於田間隄岸尤極修舉十年秋颶風淫雨湖海相連不數日水患卽平不爲災大韶又條上浚河之策於當事略曰東南水利源者太湖委者三江諸浦潴者湖泖洩者溝港河渠海能受水爲百谷之王修治之大綱昔人云在開河在築圍在置閘在今日則築圍爲先開河次之置閘

松陵文獻

卷五

七

又次之然常鎮爲上流不疏則無以清其源蘇松爲下流不治則無以導其歸故必增二壩復五堰使西北之水入於江浚三江通諸浦使東南之水入於海時不能盡用今所傳者有水利節略兵家緒言凡數十卷

松陵文獻 獻集卷六

邑人潘程章力田撰

人物志六

明

孫從龍

孫從龍字汝化少警敏疑重時有倭警書舍多窺伺從龍反身面壁而讀人以此知其不凡隆慶二年舉進士授行人遷刑部郎中錄囚廣西多所平反尤加意於永成曰古者罪不孥况世世乎一人負冤災及

松陵文獻 卷六

子孫是重於大辟也然法比精密主者不能異出知廣信府廣信當孔道素苦供億從龍力行儉約減常費大半永豐舊有礦盜嘉靖間封禁諸山設巡司守之從龍議移鉛山把總於柘陽省巡司弓兵以益餉又坑兵以餉薄多虛籍從龍以為增餉不若汰兵而實給之皆報可自是諸山無盜警遷江西副使申飭郵政省 錢二千餘偶閱陶靖節集慨然引疾歸生平學問得之易為多王世貞尤推服之著叅疑內外編卒年六十三今列鄉賢祠子履恒萬曆二十二年

舉於鄉終博羅知縣好言兵事有武經商隱數卷

潘志伊

潘志伊字伯衡嘉靖四十四年進士授定州知州州號衝疲丁糧外舊有門銀千兩志伊曰有田則有租有身則有庸安用門銀為遂罷之達軍數千自成祖時內徙設都司領之桀驁難制志伊曰華夷均赤子軍蹶吾民治勿貸民有詬鬪者亦繩以法境內大安轉南京刑部郎中以憂去萬曆二年起為刑部郎中先是有指揮周世臣者故慶雲侯壽之裔孫也居東

松陵文獻 卷六

城小巷家止一婢曰荷花世臣夜為盜所殺按實錄室集俱書周世臣先曾祖不遇紀事獨作周偉不知何故今從實錄諸書巡捕張國維坐事任奉乃執其奴王奎誣以與荷花奸謀殺世臣下法司訊志伊曰疑獄也姑緩之會左侍郎翁大立署部事國維以獄未成奉不得復陰結大立左右為言司官受賄畱獄大立信之促具獄志伊持不可強之乃請移他司會勘而他司郎中徐一忠等承指擬奎等俱辟是秋當決志伊力爭得止四年冬恤刑山東遂不得預部議而奎等竟決矣尋出知九江府而京

師獲大盜朱國臣等自言殺世臣者我也奎等固無與於是給事中周良寅等劾大立失入之罪坐削職而志伊亦降補陳州知州歲大祲發廩賑救出所節省丁糧千金全活甚衆十一年稍遷知南康府宋白鹿洞書院先爲當事所毀學田三十餘頃悉廢志伊力復之又五年遷按察副使袁州兵備會歲旱米貴民采蕨食志伊預計倉庫之羨酌被災輕重差次給之民始獲甦十九年遷陝西行太僕寺卿甘肅馬政久弛志伊親閱馬高下定值盈縮綜覈有法人不敢

松陵文獻

卷六

三

欺二年改廣西叅政初志伊在陳州州人好盜有諸生掠其族孤寡志伊以白督學孫丕揚丕揚怒釋諸生不問而內嘆之至是爲吏部尚書竟以考察論罷猶坐王奎舊事云所著有山東問刑條議不遇紀事諸書子錫祚字永甫以貢士爲撫寧衛經歷考滿當馳封上章力辨王奎事爲有司所格遂不受封遷湖廣布政司理問卒於官好古博識在撫寧著南陽問答策遼事如指掌焉

吳允夏曰公以陳州時曾持正忤學使者已而學使

者晉冢宰掌計事拮拾王奎舊案中以考功距爲郎時已三紀去被謫時亦十有八年矣謫之後京察者三外計者四忽爲索瘢世有此黜幽之典耶按乙未主計者爲富平孫丕揚及考功郎薛時馨所去取頗違公論今以公一人徵之益信

曾孫檉章曰少時讀先大叅所著不遇紀事至王奎一獄不勝扼腕曰甚矣執法之難也謹按神宗實錄云王奎罪案未決刑部署印左侍郎催該司郎中潘志伊速結此獄志伊以獄情重大請委官會問乃委

松陵文獻

卷六

四

郎中王三錫徐一忠研審而王奎與荷花盧錦俱坐凌遲萬曆四年十月處決矣後禮科給事中蕭彥劾云王奎之死起於巡捕把總張國維之妄拏而成於刑部侍郎翁大立之輕信潘志伊請多官以爲已地似有規避之情王三錫徐一忠旣會問而漫不叅詳不無扶同之弊俱下部覆上以翁大立率意議刑有傷好生念已去任革其原職張國維遣戍潘志伊降一級徐一忠王三錫調外任此當日得罪始末公不過爲法受過已耳馮時可紀事云左侍郎翁大立自

南來有親族數十人寓京師張國維徧賂之國維亦自至涿州迎侍郎侍郎問京師有何事國維曰事在邸報小人不必言獨部中有逆犯王奎等司官將反其獄人心頗不服非指揮所敢言也於是翁之諸黨盡言王奎鉅富持數萬金行賂非卽決之無以厭衆志翁遽信之署部次日卽語郎中潘志伊令速成獄志伊力言三人之寃翁大怒曰汝受奎賄耶再三強潘問潘必不可請移他署會勘翁乃命他署郎中徐一忠王三錫等會勘一忠等復猶豫不敢書獄翁大

松陵文獻

卷六

五

晉一日四五趣辦稿諸郎揣堂官意堅爭之無益尋奏當成荷花王奎俱凌遲盧錦斬命下卽決又四年而始得真盜乃故宰夫朱國臣也時可所紀得之見聞頗真但命下卽決一語尚非事實考甲戌乙亥兩歲審決皆以公力爭之故得展期迄於丙子公有恤刑之行是固奎等命卒之日也然則公於此獄所謂求其生而不得則死者與我皆無恨耳而乙未大計猶據微文以快私忿孫公之量於是乎不弘矣近閱天啓邸報得先大父所上訟寃書詳明惋惻爲之涕

下而科臣抄叅直以年遠難明已之噫後生新進耳目不廣近且弗察遠於何有使非國史大書特書則先公明允之績終湮滅而不彰矣可勝嘆哉

袁黃

袁黃初名表字坤儀邑之趙田人也與嘉善接因入籍嘉善家世以醫顯父仁字良貴有詩名工書法黃少負逸才於三乘四部星維之書無不研究聲譽籍甚萬曆五年會試擬第一人以策譏權倖不果十四年始成進士授寶坻知縣二十年擢兵部職方司郎

松陵文獻

卷六

六

中贊畫東事訪求奇士得山陰馮仲纓吳人金相置幕下是時倭酋行長已渡大同江繞出平壤西界朝廷所遣辨士沈惟敬三人倭營議封貢罷兵行長許之使小西飛等來與大將軍李如松約以明年正月入平壤受冊退師黃以問仲纓曰倭請封信乎曰信東事可竣乎曰未也黃問何謂也仲纓曰平秀吉初立國內未附行長關白之嬖人欲假寵於我以自固故曰信也如松恃寵桀驁新有寧夏功加提督爲總兵官本朝未有也彼肯令一游士掉三寸舌成東封

之績而束甲以還乎彼必詐唯敬借封期以襲平壤襲而不克則敗軍襲而克則敗封故曰東事未可竣也相曰襲平壤必克克而驕必大敗敗封與敗軍兩有之黃曰善正月如松果襲平壤入之所部遼兵割麗人首以獻功黃面數如松以襲封殺降之罪如松大恨與贊畫郎中劉黃裳比而媒孽其短會如松乘勝進取王京遇伏大敗於碧蹄館退保開城而倭酋行長據龍山清正自咸鏡趨截鴨綠江經略宋應昌時駐定州前後皆阻倭計無所出馮仲纓言於黃曰

松陵文獻

卷六

七

師老矣退又不可清正狡而悍藐行長而貳於關白願與金相偕使可撼而間也黃以告應昌應昌乃遣仲纓往清正盛軍容迎之仲纓立馬大言曰諸酋恃強不知天朝法度汝故王源道義受天朝封二百餘年汝輩世世陪臣也汝敢慢天朝忍遂忘故王乎清正者薩摩君之弟爲平秀吉所畏故仲纓以故王動之清正嚙指曰唯唯仲纓就帳宣言曰汝巨州名將故王之介弟今破王京者行長也議封典者行長也彼以一弄臣儼然主封貢挾天朝以爲重而汝雄踞

海濱自甘牛後心竊耻之且持此安歸乎今與我定約急還王子陪臣退兵決封貢勿令冊封盛典出自弄臣此亦千古之一時也清正手額曰請奉教解所著團花戰袍與仲纓歃血約盟令王子陪臣謁仲纓叩頭謝訂期歸國卽日自王京解兵而東仲纓之往也金相度黃裳輩內忌之必且以通倭坐仲纓爲中黃地於是率健卒二千人分伏南山觀音洞邀其歸師殺倭九十餘生禽其將葉實仲纓歸黃裳果以通倭爲言仲纓取相所斬倭級示之且分遺其幕客乃

松陵文獻

卷六

八

止而如松以十罪刻黃黃遂中察典免仲纓相亦坐廢黃家居講道著書從遊者甚衆嘗作立命說導人改過遷善淡有裨於世教初黃爲張居正客居正議正樂依古法造密室三重又依蔡氏多截管以候氣不應使黃視之曰候氣之室宜擇閒曠地今瓦礫叢積則地氣不至一不合也外室之牆宜入地三尺二重木室入地一尺六寸三重木室入地七寸六分今皆不然僅可固地上之氣而不可固地中之氣二不合也室三重各啓門爲門之位外之以子中之以午

內復以子所以反覆而固氣也今皆面午三不合也
聲氣之元寄之象數必有自然之理今所截眾管大
小不倫四不合也天之午常偏於丙二分有半今日
圭所測是也地之午常偏於午二分有半冬至候黃
鐘之管宜埋壬子之中位一而已豈可多截管乎五
不合也居正如黃言擇地天壇之南隅候之飛灰果
應居正大喜欲屬以正樂之事黃請先改曆法語不
合遂謝去黃嘗受曆於長洲陳壤其法本回回曆而
以監法會通之更定歷元糾正五緯號為詳密有歷

松陵文獻

卷六

九

法新書行於世黃卒後東事平錄其勞贈尚寶司少
卿子儼字若思亦有文名天啓五年進士授高要知
縣未幾卒

吳默

吳默字因之兄之勇以經學名諸生間默獨好靜悟
讀書古寺每循几夜行明發復危坐嘗受學於王龍
谿先生畿文遂大進萬曆二十年會試第一授兵部
主事以憂去二十七年補禮部累進郎中三十一年
遷尚寶司丞又五年進少卿舊制符卿班在詞臣前

已漸失其初默毅然建議復之詞臣或以為非默曰
雖違眾禮也貽書往復數四卒不屈因目為吳鐵漢
改通政司叅議歷左通政四十二年擢太僕寺卿天
啓初以病免默性伉直數忤當事意立朝最淺然時
論高之每會推必首及云初吳江知縣劉時俊素未
與默相識會時俊以漕卒鼓譟為淮撫李三才所劾
默方在京師聞時俊賢為白于河南道御史御史出
彈事示之默嘆曰為百姓受過此令所以賢也復為
訟言於朝吏部尚書孫瑋竟用默議奪時俊奉二月

松陵文獻

卷六

十

而已然默卒不令時俊知也李三才素以梟雄任數
自附東林默一見即上疏首發其奸人以為過後三
才以貪敗乃服其先見晚徙家吳門遇民間利病多
所建白上官知其無私每敬聽焉故事秋糧有南北
兌南軍尤黠悍往往南浮而北縮默請為例十分之
中南居一分五釐六毫勒石通行值歲饑首倡減價
官糶里人德之然默廉而傷刻持論不能容人之短
舊輔臣申文定公素寬厚子姓多驕縱與默比隣畏
其譏議遂相戒不敢為非默所獎拔如文公震孟

姚公希孟皆有人倫之鑒相與激濁揚清吳中士大夫皆嚴憚之邑先賢徐公師曾孫公從龍杜公偉宜祀學宮以子孫貧憲檄久不下默召主案吏叱曰爾力能持憲使久曠祀典不能持乃公呼左右杖之吏大驚謝去檄果下崇禎中卒年八十七

沈瓚

沈瓚字孝通一字子勺漢曾孫也兄璟見文學傳瓚少沈晦父兄皆以爲不慧年十三爲文思理秀茂兄璟驚喜擊節由是知名萬曆十四年舉進士授南京

松陵文獻

卷六

十一

刑部主事進郎中斷獄務從平恕出爲陞西按察僉事居二年乞身歸年僅三十七耳性耿介未嘗以竿牘入公府有年家子爲家奴所陷坐重辟瓚知其枉爲白之縣時知縣劉時俊清嚴絕請託素敬瓚爲立出之且露封馳咎曰使百姓聞吾過其見重如此三十六年大水條議蠲賑瓚力爲多家居十八年撫按交章薦起補廣東僉事甫入境疾作遂卒瓚孝友周慎人無賢愚禮接如一治家有法自奉儉甚卽宴客取不廢禮而止然能周人之急立義莊贍其族人事

兄璟如父璟沒衰絰爲位哭之極哀庶叔佐坐冤獄悉力營解又撫其遺孤分產之半與之卒後十年士民祀之鄉賢路人旁觀有泣下者

史玄曰始瓚兄璟通解音律居家不廢清商之樂課訓二子嘗麤疎失業瓚方壯去官自爲塾師親教子弟一門之內璟聲伎自豪歌舞接席而瓚從容問難詞旨精微如此二年篇章滿家其質行如此

沈琦

弟琬琦

沈琦字仲玉漢曾孫少孤卽有成人之度訓二弟琬

松陵文獻

卷六

十一

琦肅然如嚴師萬曆二十三年與琬同舉進士後十年琦復繼之時以爲榮琦初授淄川知縣稅監方恣橫守令觸之立碎琦將至先白上官曰彼來琦必不令得志請以身當之又宣言於吏士曰母老身病方借此求歸耳稅監聞之逡巡不敢入境民有訟者片言立決或笑而遣之凡二年間惟一囚坐贖後徙高陵三原其治一如淄川入覲還託病臥陰令健卒四出盡縛稅監用事諸叅隨置之法皆駭伏不敢動以禮部主事徵入尋卒琦長於簡札尤工案牘在官不

以掌記自隨人服其才三原淄川竝祀之學宮

琬字季玉初為鳳陽府教授轉南京國子學正久之始遷南京刑部主事歷郎中出知東昌府為政清簡擢山東按察副使萬曆四十三年山東旱蝗大饑巨盜劉好問等聚眾為亂僚屬畏禍各託故致事琬兼數篆發廩賑給禽盜魁斬之招集流移置常平倉立義塚次年麥大熟乃乞致仕歸琬好禪理少時欲為僧兄琦禁之乃止每之官必與親自隨布袍蔬食即奉金亦貯庫不入署舍家既貧官刑部時值吳中大

松陵文獻

卷六

七

稷諸子皆緣岸采蕪菁煮食自給平生不交公府神宗升遐始自山中至縣庭哭臨百姓聚觀以為古人珣字幼玉初授中書選監察御史巡按貴州轉福建叅政三遷至山東左布政尋擢副都御史巡撫山東議增兵設防及跋劉興治亂軍具有方略俄被劾免卒珣有藻思善清談而內行甚修世稱三鳳史玄曰琬神理高潔鳳舉鸞翥瓚慈和汎愛冬日之日兄弟竝為令名所宗也

孫養正

本國書

孫養正字聖功萬曆三十二年進士授興化府推官精聽斷訊獄得情嘗設善惡二籍朔望令保甲條報民間事備書其上亡得謾語異時有告言者取籍視之具知其人本末攝莆田事時詔蠲是年賦額十之一吏具牒彙徵叱曰墜天子德意令百姓困誅求爾輩罪足贖耶竟如詔書亡何卒官人咸惜焉

潘子曰養正之行誼他未有所聞也而其政蹟見於閩書者已章章如是夫士居鄉如女服官如婦苟所婦之家以為賢斯其家亦從而賢之矣余於邑中諸

松陵文獻

卷六

七

先賢頗采方書官志以補鄉評之所不及皆此意也於養正乎何疑焉

陳良模

陳良模字範卿萬曆十年舉於鄉授涪州知州徙巴州有循良聲轉慶王左長史遂歸性仁恕在涪州值楊應龍反遠近震恐良模輯寧彌縫州用不擾州有石梁亘江中百餘尺相傳水中二石魚見則為祥良模至石魚自出人謂惠政所感在巴州嘗春月郊行以民方飼蠶惡鼓聲乃潛行去鼓吹戒吏卒毋得入

民家雅好吟咏既歸自謂獲有田園之樂益涉獵書記鄉里皆貴其名行

趙士諤 從子廕

趙士諤字蹇卿寬之從孫萬曆二十九年舉進士授會稽知縣政務清約有以卷軸爲壽者命藏庫中明年復進則出而懸之從此遂絕首捐奉浚淤浦數十里溉田萬餘畝邑人名曰趙公浦奸民妄言富盛永昌有礦金稅監將采之士諤以宋室諸陵所在力持不可乃已後民思其德立祠祀之縣多豪猾士諤悉

松陵文獻

卷六

五

繩以法曰令或不如意則改一教職去耳將奈令何繇是人皆斂手不敢犯士諤初至會稽四年之中辰出酉入強力不怠四年之後出卽旋入或竟日不出邑中號爲無事凡八年始入爲職方司主事久之以薦調吏部考功司改文選累進郎中萬曆四十五年壬京察上疏言論人不貴刻而貴真用法不難嚴而難當服官以操守職業爲衡兩者有議必黜若舍是而南北東西橫置於胸中虛公旣失蕩平何期尚書鄭繼之深以爲然是時黨議紛起臺省橫甚士諤曲

意調停所保全者甚衆嘗嘆曰昔爲外吏行止得自裁迨居銓司百不能如意但屹然中立耳遷太僕寺少卿會遼東用兵戶部議折俵馬借庫金以佐餉士諤爭之以爲折則馬空借則帑空乃止明年擢僉都御史巡撫宣府宣府額兵八萬素多虛冒而是時急徵兵援遼宣府獨倍於他鎮士諤三上章力持之未報會總兵劉孔胤老耄憚行嗾營兵譁於軍門士諤乃宣所上章諭以朝廷威德斬其渠以徇尋引疾歸臨行猶上言張家口爲宣鎮咽喉非重兵戍之不可

松陵文獻

卷六

六

其後喜峰失事寇入張家口宣府連歲告急人始服其先見士諤內行修潔旣罷官歸日課子孫讀書蕭然如諸生時不輕謁有司惟邑中大利弊如賑荒均役諸議皆其所建白作詩文澹遠真率如其爲人從子廕

廕字任卿有才武而暴悍以武舉爲金山水營把總尋掌寶山營事被劾革職崇禎九年流賊犯安慶巡撫張國維拔爲守備屯太湖十年二月賊東下廕提兵禦之至雞飛灘遇賊三百餘騎擊却之斬二十餘

級追奔抵通湖賊以百騎來山前挑戰廕據山爲營而遣千總楊國鎮等以銳卒二百赴之射殺賊渠數人而賊潛從山後以千騎襲廕營廕力拒之手刃十餘賊以衆寡不敵被執脅降不屈遂遇害部下李池等皆格鬪死事聞贈指揮同知子孫世襲總旗仍令太湖建祠祀之廕少孤貧家世業儒廕獨戲取邨中羊學騎刻竹爲弩矢射籬邊燕雀以爲笑樂人咸目爲狂及年四十仗節死義聞者莫不壯之

潘子曰故老皆言趙公不爲赫赫之名而有皜皜之

松陵文獻 卷六

七

節其人蓋寬然長者也公家孫瀚有文行隱居教授與余善嘗從問丁巳京察事云時主計者爲尚書鄭繼之老矣吏科徐紹吉河南道韓浚皆輕險銳意以鉏擊東林爲風采公自田間來一主虛公多所救正如孫公慎行等皆賴其力得全而於王之案事尤多苦心世莫知也王之案者以持挺擊獄忤神宗意欲罪之而患無名欲以計典錮之紹吉等覘知上指以語公公謝曰以銓司黜陟之典爲奉行中旨之具是亂首也不可而之案素無行自揣必不免私詣公跪

請之公正色叱曰君自號正人奈何惶怖失度若此獨不愧於心乎之案自是淡噤之矣然考察疏卒不及之案疏上上令中官讀之無之案名遂畱中署都察院李誌聞之乃於拾遺疏列之案貪酷故事拾遺止四品以上而之案以主事預亦僅見也拾遺疏既得旨下部明日考察疏亦下公當具覆乃引浮躁例坐降調上特批革之案職仍奪誥命皆非公意也公所謂居銓司百不能如意者蓋不特一事而此尤關職守之大者故詳著之

松陵文獻 卷六

八

周道登

周道登字文岸少有器識儀觀甚偉萬曆二十六年成進士改庶吉士授編修性恬退畱心典故以獨立行意故十年不遷官久之始爲國子司業少詹事泰昌初以禮部侍郎攝部事時連遭大喪典禮殷煩道登拮据勩勩皆有條理後請告適魏忠賢用事遂削籍家居思陵卽位首重閣臣之選上自祝天取會推諸臣姓名置金瓶中卜之得錢龍錫等六人道登與焉乃卽家召爲東閣大學士既至首陳三事曰守祖

制曰乘虛心曰責實效上皆嘉納尋以奢首平推恩
輔臣加道登太子太保進文淵閣居官廉慎自將以
不善附和為黨人所嫉會選庶吉士道登所取朱統
飾本南昌宗室御史任贊化等交章論其違制道登
坐罷然統飾實有文行事竟得白道登事兄如父門
庭肅穆篤於親故不妄交接遇水旱有司祈禱道登
亦避居郊墅為民請命然恩怨太明論者或少其量
焉無子以兄子振孫為後

潘子曰公為相僅踰年即致事去其入告動以法祖

松陵文獻

卷六

九

為言而統飾之選庶常反以違制見譏何哉夫祖宗
朝未嘗有宗人入仕之禁而有司奉行過為拘制自
四民之途既開宗室有才藝者始蒸蒸嚮用而獨不
使入中秘備顧問何示人以不廣也若謂同姓不可
當國則唐李適之宋趙汝愚伊何人哉然則公之得
罪正以其守法非違制也公於先大父為外兄弟故
得備聞其遺事要之救時之略或非所長而清嚴慙
直以視古之大臣亦無愧矣

松陵文獻

獻集卷七

人物志七

明

周宗建

周宗建字季侯恭肅公用曾孫萬曆四十一年進士
授武康知縣兼攝德清三年調仁和遇事明決剴斷
如流他邑有疑獄爭請詣宗建一訊即白時稱神明
天啓元年以卓異擢監察御史時保母客氏與魏忠

松陵文獻

卷七

十

賢居中弄權外庭猶未覺也宗建首上章請止客氏
入宮明年因雨雹之異極陳忠賢奸狀章三上忠賢
恚恨至欲削髮為僧以激上怒賴閣臣葉向高等申
救僅坐奪奉四年上欲遣太監劉朝視關門軍如古
采訪使宗建力言三不可九害遂得已巡視光祿所
裁省以數萬計會聞父喪歸而都御史楊漣左光斗
等相繼劾忠賢罪皆引宗建疏語為証漣等既下獄
死忠賢恨宗建刺骨其黨曹欽程舊令吳江素不快
於宗建乃誣以在仁和時賊罪并連及同邑吳煥坐

削籍聽勘忠賢又偽為稅監李實疏糾撫臣周起元等竄入宗建名矯詔逮下獄拷掠備至竟不勝酷烈而死崇禎初贈太僕寺卿謚忠毅宗建家居時值邑中大水為請折漕米一年當事者采其言上聞竟報可邑人德之所著有詩文奏疏若干卷

吳煥

吳煥字文叔洪之曾孫萬曆四十四年進士授海寧知縣三年調仁和以憂歸天啓二年補內黃考最會曹欽程誣奏周宗建罪以煥其同鄉又相代為仁和

松陵文獻

卷七

三

令疑有奸私事下所司按之無跡而宗建復坐周起元逮下獄死崇禎元年召煥為監察御史首發太監崔文昇罪惡并及欽程上怒繫文昇於馬房其黨伏宮門大哭聲震御座命執首事二人及文昇各杖之百發孝陵淨軍而煥疏畱中已補牘請乃下吏部議欽程罪命自今有畱中者皆補牘取上裁時詔燬三朝要典詞臣孫之獬涕泣固爭以為不可煥抗章駁正之獬竟坐廢尋出按陝西時秦中大饑邊軍多去為賊攻掠西寧漢中勢漸長有司畏罪不以狀聞煥

連疏糾游擊龔其勝等主撫縱賊又請卹戰死千總王佐百戶劉爵皆報可踰年改督遼餉而流賊益橫諸將不能制往往旋撫旋叛皆如煥所料五年以病歸久之起為湖廣按察副使不赴卒

潘有功

潘有功字臣伯天啓二年進士授中書舍人崇禎三年遷為兵部車駕司主事五年遷職方司員外明年晉郎中素習武事及在樞曹以練達稱擢為陝西叅議至則攝關內守道事七年八月流賊犯渭南有功

松陵文獻

卷七

三

奮曰渭南富庶且當會城之衝萬一不守全秦動搖矣遂單騎馳入城眾以賊新盛請固守有功曰不挫其銳何守之能固聞賊勁惟塘馬近在二十里外而老營遙為聲勢若殲其塘馬則老營不戰走矣下令募食夜四鼓戎服乘馬而出軍民遮道阻之不可乃躬巡諸營勉慰之皆踊躍直前襲賊斬百餘級比曉賊大奔潰無何徙靖鹵道以賊屯塞邠州乃南趨鳳翔而賊復阻汧隴月餘聞北道稍通復改從北會叅將浦國忠之官蘆塘即與俱行十月抵涇州城新破

無人野宿郊外會賊騎大至登山自守凡一晝夜衆皆饑困已乃結隊前行遇賊伏衆驚潰有功墮馬傷脅厯得至官會冬防方急羽書旁午力疾視事八年二月始解嚴有功竟以勞瘁卒官爲人曠達不事威儀詩文皆有清裁少時夢至一城郭榜曰金城因以自號及官隴右行部抵靖鹵衛爲古金城地果符所夢未幾而終

葉紹袁

葉紹袁字仲韶父重第萬曆十四年進士仕至貴州

松陵文獻

卷七

四

僉事紹袁少有藻思工詩賦天啓五年舉進士七年選爲南京武學教授遷國子監助教明年擢虞衡司主事以不耐吏職又好觸忤中貴悒悒不自得久之遂請告歸家素饒財及宦不達復不能治生產家顧益落杜門讀書罕謁長吏間以公事往謁持論侃侃小不合意卽拂衣去長吏知其賢亦加敬焉妻沈宜修字宛君山東副使琬女工詩五子三女竝有文藻一門之中更相唱和以此自娛遂不復出乙酉後棄家人山混跡緇流感憤時事發爲詩歌有三閭五柳

之遺風自號粟菴蓋言未免食粟以志愧也嘗輯一

時死節諸臣爲書未就而卒長子世佺字雲期能守遺訓絕意進取然卒與諸弟竝窮困而死聞者傷之列朝詩集曰仲韶少而韶令有衛洗馬潘散騎之目宛君十六來歸璫枝玉樹交相映帶吳中人艷稱之生三女長曰純純次曰蕙蕙幼曰小鸞蘭心蕙質皆天人也仲韶偃蹇仕宦跌宕文史宛君與三女相與題花咏草鏤月裁雲中庭之詠不遜謝家嬌女之篇有逾左氏於是諸姑伯姊後先姊如靡不屏刀尺而

松陵文獻

卷七

五

事篇章棄組紉而工子墨松陵之上汾湖之濱閨房之秀代興彤管之貽交作矣小鸞年十七字崑山張氏將行而卒未幾純純以哭妹來歸亦死宛君情傷心死幽憂憔悴又三載而卒仲韶於是集宛君之詩曰鸞次純純之詩曰愁言小鸞之詩曰返生香及哀挽傷悼之什都爲一集而蕙綢鴛鴦夢雜劇傷姊妹而作者亦附見焉總曰午夢堂十集盛行於世

朱天麟

朱天麟字游初初冒沈姓名天英後更今名少孤貧

托身黃冠有老儒陸生者聚徒講授天麟竊從戶外聽之輒能記誦如素習者其徒以白生生召而試之曰此異材也遂錄為弟子天麟感奮力學遂以文行知名於時已徙崑山崇禎元年成進士授饒州推官久之不調十一年徵至京當考館職為吏部所抑補兵部武選司主事會上于經筵從容語及人才詞臣黃景昉等因稱天麟學問醇明可惜上為切責尚書田唯嘉等唯嘉尋坐贓免而上親御中左門策問時事天麟等五人俱改翰林編修蓋異數也南都之變

松陵文獻

卷七

七

間關至閩遷翰林學士閩事敗又赴梧州歷官東閣大學士有強藩據地求封王天麟議以祖制無異姓封王之令格其請不下強藩擁兵要挾為罷天麟以謝焉未幾卒

盛王贊

盛王贊字子裁宋文肅公度後寅八世孫曾祖應陽嚴州太守有清節王贊少貧苦依外家陽城張氏後徙郡城崇禎十年成進士授蘭谿知縣親友餞之胥江諸書記在坐王贊酌卮酒於江曰與諸公盟自今

凡有利於民無利於官者不可不為有利於官無利於民者慎不可為及到縣一切公費悉蠲之湯溪龍寇竊發眾號萬人焚掠山澤蘭民震恐王贊單車按行境上左右請設兵衛不可乃率里老講明鄉約具陳古今忠義之事詞旨慷慨聞者心動因使人持檄賊中諭以恩信爭縛首惡以獻事遂定蘭民素健訟王贊平心聽斷摘伏如神有甲牛為乙所盜兩家俱有母牛互爭不決乃命置二母牛於庭東西而取子牛居中掠之乙牛啗草自如甲牛含淚匍伏有哀楚

松陵文獻

卷七

七

狀遂得其實遠近神之邑當往來孔道舟車供億民不堪命乃捐俸僱百人築室三十區居之日給工費不以煩民居三年當入覲有贖鍰四百金書記請為行貲王贊曰非吾志也邑號衝疲陂塘圯廢共以是葺之急召吏受事兩月而竣扁舟就道惟衣囊書篋兩肩而已時詔入覲諸臣得直陳利害王贊上言南糧諸事俱報可尋命復任會歲大饑臺司下令遏糴富民緣以牟利王贊獨嚴私販出境之禁有無通易及郊而止四方米價踊貴而蘭邑獨平民賴以濟巡

按王範行部訪逮姦蠹王贊獨無所舉屢檄不應範怒監司素不快王贊者從而構之範遂以其偏執乖張當調去士民聞之巷哭罷市至擁塞城門不得行王贊乃微服潛歸士民號呼奔走數百里爭致錢布爲助王贊笑而却之廷臣倪元璐范景文鄭三俊等交章以薦上一日御講筵顧輔臣云人才難得愛惜宜先盛王贊何如人哉對曰潔已愛民上云何故被劾對曰不善上官上曰此強項吏也越數日復問輔臣有一賢令未用忘其名輔臣莫能對上乃手出一

松陵文獻

卷七

九

摺具載劾疏始末曰盛王贊也此人宜在銓部於是京師翕然咸稱聖主知人命未下而北都變作南都再造戎政尚書張國維東陽人首舉王贊治行時東陽新遭許都之亂都已禽而其黨懼罪多負固劫掠故國維以爲請遂補東陽東陽人喜曰盛公來吾屬無事矣過蘭谿蘭谿民爭挽其輿入城曰今日還我父母東陽士民傾國來迎將及境亂民之黨夾立道旁曰皇帝選賢令我願一望見顏色東陽戍卒悉衆來援王贊曰是不過欲識新令爾無他虞也麾蓋

直出皆羅拜而去至縣首驗獄囚凡事違許都者悉諭遣之其黨相謂曰明公不俘此爲功而反縱之敢不解甲歸命甫七日以母喪去官邑民後軍中奪情例詣闕請畱不得蘭谿人立祠祀之歲以生日爲盛公會民間吉凶事必告而禱焉吳中人有經其地者必問訊盛公安否或至泣下乙酉五月聞南都被閉閤自縊爲人救解遂削髮爲僧避居陽城湖濱課邨童自給日無再食嘗采茨蒿之屬雜以麻麥如僧家所謂瓔珞粥者家人或有難色王贊先自飽食衣每

松陵文獻

卷七

九

百結輒自引線聯絡負日於簷榻然自得時當道者多其故舊嘗遺書通問王贊輒婉辭謝之亦不復荅壬辰六月卒年六十有五

汝可起

汝可起字君喜崇禎壬午以貢士廷試入都時東事方急天子臨軒試選人騎射可起三發三中的上善之未及用循資授常州府訓導南歸至河間之故城縣縣已被兵可起止寓舍遊騎突入戶見可起危坐不動曰汝官人耶當降我降卽不死可起叱之曰汝

知有不畏死官人耶遂被刃罵不絕口探血書壁未成字而死

吳易 祖邦楨

吳易字日生曾祖山自有傳祖邦楨字子寧嘉靖三十二年進士除刑部主事進郎中擢湖廣按察使時荆襄大水潰隄隄亘七百里邦楨出贖餒補之如故龍潭蠻黃中據施州為梗楚蜀間咸受其害又土酋輩宁恃險遠焚掠邦楨一以撫一以討功尤著忌者沒之僅賞金綺遷甘肅行太僕卿尋改陝西致仕卒

松陵文獻

卷七

十一

易少有才名負氣矜奇兼好兵法通任俠雅不欲以經生自見間為詩文傳誦士林非其好也崇禎十六年成進士會北都失守易感憤作恢復議四篇洞晰形勢史公可法督師淮揚薦為兵部職方司主事監紀軍前馳驅戎伍甚有勞績乙酉夏督餉吳中聞南都之變與同邑孫兆奎沈自炳等號召舟師屯湖蕩間結柵自固然兵皆烏合實不堪戰被襲夜潰兆奎被執易僅以身免父承緒妻沈氏並遇害時浙東兵起易乃收集潰散遙為聲援遂擢兵部

功

即尋有梅

墩之捷晉兵部尚書封長興伯未幾江上兵亦潰易單舸走嘉善被獲送之杭城見殺於草橋門年三十五亡子妾阿香故妓也同時被掠以死自守諸帥皆敬禮之後得釋歸老於柳胥故里焉

孫兆奎

孫兆奎字君昌從龍曾孫也祖履恒習兵家言兆奎能世其學崇禎九年與吳易同舉於鄉相得甚歡已遂同起兵長白蕩未幾兵潰被執至金陵見大帥挺立不屈大帥故降臣也兆奎以大義訶責之其人羞

松陵文獻

卷七

十一

愧不能答遂殺之臨刑賦詩見志顏色不變發潛錄曰兩君舉事號召之遠聯屬之眾則孫不如吳臨事之慎赴義之烈則吳不如孫吳在軍中每置酒高會孫勸其節飲且以謹斥堠為戒吳不能用竟坐是敗是時邑人沈自炳吳鑑徐鏞呂雲孚沈約朱旦陳宗道之流仗義而死者甚眾不可勝紀也

王景亮

王景亮字武侯初名佩字仙聲家故微父嘗托身吳氏及貴未嘗失禮人以此多之景亮有至性刻苦嚮

學崇禎十六年成進士弘光中以中書舍人主雲南
試會亂不進遂歸閩中擢監軍御史極言時事動中
機宜甚見褒美旋加大僕卿巡按金衢兼督學政初
與永豐伯張鵬翼不協尋各釋嫌期報國人兩賢之
丙戌八月城破被殺鵬翼亦死之

趙庾

附顧祖奎張起

趙庾字渙之崇禎十六年進士知甌寧縣有惠政丙
戌六月閩中初舉鄉試庾爲同考官遷行營禮部儀
制司主事改文選司主事赴延津忽患足痺遂請告

松陵文獻

卷七

主

寓高陽山中建寧破庾卽爲僧往來吳越間訪名師
受戒律雖家人罕見其面最後爲靈巖僧繼起嗣法
弟子居天台國清寺辛卯冬來吳江至穆溪遇風舟
覆而死爲人恬淡貞粹確然不欺其志者也又有顧
祖奎字玄度天啓元年舉於鄉後知連城縣與庾同
時爲戶部郎出知南寧府祝髮於肇慶之白雲寺而
卒張起字將子崇禎三年舉於鄉十六年授廣州府
推官甲申後改授韶州又改欽州丙戌冬粵東破起
先令妻妾投繯死將從之爲所親抱持不得死後歸

肇慶擢戶科給事中粵東再破從走南寧不知所終

吳有涯

吳有涯字茂申幼穎異能文天啓七年舉於鄉數上
不第與同郡張溥楊廷樞輩倡爲復社以古學相劇
切四方人士翕然宗之遇邑中有大利弊必慷慨曰
當事多所補救巡撫張國維尤重之崇禎中署金壇
教諭遷平陽知縣首立十禁又請折海運止預征政
聲大著南都破避地樂清遂入閩中召對自晡至夜
侃侃數千言有真御史之褒擢廣西道御史巡按浙
東在閩三月前後四十七疏皆軍國急務以道梗駐
處州浙東兵潰削髮爲僧歸隱鄧尉山久之返故里
當事請一見不可幽憂發病不言不出若干年卒

松陵文獻

卷七

主

松陵文獻 獻集卷八

邑人潘樞章力田

人物志八

儒林

宋

王蘋 附從子誼從孫楙

王蘋字信伯其先福清人父仲舉字聖俞剛介厲學不狗時好徙家邑之震澤鎮卒贈奉議郎蘋出為世父伯起後伯起字聖時受經於王安石學文於曾鞏

松陵文獻 卷八

有詩曰唱道野集卒贈右宣教郎二程在雒伯起遣蘋往從之遂為程門高第通春秋楊時嘗言後來師門成就者唯蘋耳三舍法行遂不就舉蘋平居恂恂儒者及語當世之務民俗利病皆如素習然不微名當世世罕知之紹興初高宗幸平江知府孫佑薦其學行以布衣召見當戎馬間陳說數百言補右迪功郎賜進士出身除正字兼史館校勘受詔條具賊退利害蘋奏治本三事曰正心誠意曰辨君子小人曰消朋黨上謂輔臣曰蘋起草茅而進止議論皆如老

成儒者能通世務乃為有用耳預修神宗實錄優詔獎諭胡安國力薦之謂其學有師承識通時務使司獻納必有補益遷著作佐郎通判常州主管台州崇道觀不悅於秦檜會從子誼曰作文刺檜貶象州蘋亦連坐奪官久之復予祠引年致仕官至左朝奉郎卒年七十二蘋識慮精微論議平易隕然若與世忘既老作論語集解未成合集文集為四卷曾逮嘗問親師友之道曰師不專在授受友不專在講習於精神氣貌間自有相激發處是善親師友者人目為名言

松陵文獻 卷八

嘉熙元年知府王遂祠之學宮寶佑初里人沈義甫立像震澤鄉校以門人陳長方楊邦弼配號曰三賢子大本朝請郎浙江安撫叅議大中儒林郎竝以學行世其家從子誼從孫楙
誼字正仲 徐志作仲玉誤 一字漢臣師事楊邦弼以學鳴於時秦檜當國忌天下能者誼因發憤擬為罷相對曰刺之為其僕所告檜怒貶象州十年乃歸遂不復仕著春秋類書
楙字勉夫恬憺寡欲少孤力學母沒蔬食布衣絕意

進取題所居曰定分齋好著書有野客叢書三十卷
巢曉稿五十卷晚年嬰廢疾卒子德文字周卿克世
其學嘗刻叢書成焚之墓見者無不感涕官止承節
郎孫枚字行父著雲嶠類要紀事極該博史立曰宋
郭紹彭志墓稱林居笠澤林爲吳江人無疑今刻叢
書乃冠以長洲謬也

陳長方

陳長方字齊之其先長樂人父侁字復之舉進士與
魏了翁交善了翁謫廣州侁以書賀由此得罪嘗從

松陵文獻

卷八

三

游定夫學得治身養心行已接物之要娶吳人林且
女生長方長方少依外家因從王蘋遊居震澤鎮紹
興中舉進士爲江陰軍教授尋歸徙家步里閉戶著
書有步里客談春秋禮記尚書傳漢唐論諸書學者
稱爲唯室先生弟少方字同之亦端介不羣孝宗朝
爲東宮講官時號二陳

楊邦弼

楊邦弼字良佐其先浦城人文公億四世孫也來吳
從王蘋學遂居震澤探極理趣發爲詞章紹興十二

年舉進士第三會行在初建太學選爲博士踰年通
判信州遷大理卿改湖南漕不務鉤致甚得大體擢
秘書丞著作佐郎再遷禮部郎以起居舍人使金還
進起居郎中書舍人卒孫紹雲寶慶三年以薦補官
終禮部侍郎

沈義甫

沈義甫字伯時嘉定中領鄉薦爲南康軍白鹿洞書
院山長舉行朱子學規時稱良師久之致仕歸震澤
建義塾講學以淑後進又建明教堂以祀三賢隱然

松陵文獻

卷八

四

自任後傳之意學者稱爲時齋先生卒年七十八著
時齋集遺世頌行世今列鄉賢祠

明

徐師曾

徐師曾字伯魯沈澆好學弱冠抗顏爲人師嘉靖二
十六年舉禮部以父母年高不對策而歸父歿後始
成進士選庶吉士轉兵科給事中復以母喪歸起補
吏科所建白多切時務奉使周藩晉左給事中是時
肅皇帝春秋高嚴嵩父子用事言路多循嘿失職師

曾慨然嘆曰可以止矣會疾作遂請告不起闢書舍南湖上屹屹講誦如諸生時萬曆初以薦起禮科固辭晚年覃思著述皆翼經而證史頗及時務亦喜作詩工取達意所著有周易演義禮記集註正蒙章句世統紀年湖上集文體明辨大明文鈔宦學見聞吳江縣志小學史斷經絡全書六科仕籍凡數百卷卒年六十四史玄曰往時禮記列於五經士子但用陳澔集說曾以為未盡善始鳩集羣儒潛心講諷積數十年乃效朱子成規撰為集註功加於澔其學至今

松陵文獻 卷八

五

通行之先是莫旦史鑑陳理皆為縣志至嘉靖中世及事邇文尤繁猥曾以為不足經遠重作吳江志綜討舊章號為良史王志堅曰弁州名賢贊謂徐公以父母老不能直諫故歸而不知公之父嫡母生母皆已前卒今據墓表正之

王世貞贊像曰吾聞之有言責者不得其言則去去以全志亦以全厥身而永終譽又聞之人有不為也而後可以有為嗟嗟先生乃竟不為卒以全歸耶

張德載 孫世偉

張德載名犯宣宗御諱以字行父銓見文學傳德載性至孝嘉靖十九年舉於鄉例得坊金一日散宗黨略盡父銓卒南安德載千里奔喪哭踊幾絕服除當就試忽念大母陳氏年高輟棹不赴亡何大母卒尋以避倭奉母入郡既再試不第分省人物考云亡何後也銓卒於陳氏之後也大謬無據遂屏冠服為野人裝題其室曰愛日朝夕不離母左右自就養而外即歛膝坐小樓中不爐不扇不寢不飲酒食肉謝絕賓客守令造之或不

松陵文獻 卷八

六

得見亦不報謝也於書無所不窺而尤邃於經術多所箋纂晚益究心主敬之學多所自得修撰羅洪先倡道江右聞其篤志思相質問然知德載養母不肯即來特遣門人遠來就正咸嘆服去所著有孝經附註讀書疑獨鑒廣願諸書隆慶元年詔求山林遺逸撫按交薦皆不應兵備蔡國熙嘗單車造請退而嘆曰不圖今世有如此人知縣李遷梧有清名厭苦簿書嘗獨嘆郡中有德載等數人可結繩治其為長吏敬服如此歲大禳有米數百斛悉以賑饑屬軍興族人苦重役德載曰吾何忍獨以例免而煩族之老弱

爲請於官毀家產代之忽一日預刻死期至期端坐而卒年五十九學者私謚曰靖孝先生崇禎十年御史祁彪佳表其德行與歸子慕朱陛宣俱贈翰林待詔立祠學宮德載陞宣皆吳江人時以爲盛事孫世偉

世偉字異度七歲喪母朝夕上食號慟同舍生聞者皆爲流涕及長文名籍甚萬曆四十年舉順天鄉試出新城王象春之門初黨議之起世偉扼腕樹頰多所題覈裁量至是忌象春者并指摘及之坐停三舉

松陵文獻

卷八

七

屏廢以老然世偉所交游皆當世賢達以名行相砥礪郡有大利病措紳相顧噤噤必自世偉發之卜居淶水園閉門誦讀清談竟日樵蘇不爨卒年七十四學者私謚曰孝節先生

杜偉

本吳默撰傳參耆舊傳諸書

杜偉初名嵩字道升少育沈給事漢家冒其姓嘉靖三十一年舉於鄉沈幾穎悟窺極理奧修撰羅洪先家居講學聞偉名乃延爲子弟師偉學務王靜而尚躬行動止皆有法度邑中有大利害必身先白於上

官氣平而詞達無不見采納自以受沈氏恩厚自漢沒爲訓督諸孫經紀其家至漢孫位成進士偉曰沈不憂門戶矣乃復杜姓後位死遭家難偉慨然以存孤自任卒得全已而累舉不第謁選爲南陽府推官

專務以德化民擢工部主事權荊州關寬恤諸商稅課或不及額遂引疾歸將發指舟中二木笥曰此來時所無必荊州物也命沈之江會言者劾偉不赴部考覈爲非制下工部覆具言荆廠竹木自四川建昌諸路浮江而下而彼地連歲用兵兼之采辦大木商

松陵文獻

卷八

八

賈少至以故稅額減於前然時勢不同實無賊私可以指摘請特免考覈上知偉賢遂許之嘗道過鄱陽湖大盜猝至偉讀書自若旣而知爲靜臺先生也羅拜而去有嫠婦夜奔爲正坐諭曰大義婦慚悔泣而去其德化如此靜臺偉別號也所著有順性學聚二錄正學編靜坐訣四書筆記諸書今列鄉賢祠吳默曰偉生平無匆遽之色雖造次搶攘而神閒氣定應之坦如蟬蛻世氛之外學不繇師傅自修自證所謂豪傑之士非耶史玄曰是時張待詔以立敬爲宗杜

虞衡以主靜立說雖宗尚分塗皆為儒林所重

朱陞宣

朱陞宣字德升少立名行十餘歲從父熹徙吳縣山中萬曆四十年舉於鄉性至孝念父母老一再上公車往返不過百日天啓五年寓京師忽心動馳歸未幾母遽卒自是絕意進取朝夕侍父寢食調治湯藥中單剔腠手承而進後父沒哀毀成疾竟卒少與周忠介公順昌同學順昌中璫禍親知皆伏匿陞宣衰經往送之周旋甚至為孝廉二十年妻子化其德門

松陵文獻

卷八

九

庭肅穆所為詩文皆根柢理道學者私謚孝介先生崇禎十年贈翰林院待詔子鑑字彥兼有學行亂後隱於黃冠以卒

潘子曰郡志稱信伯早遊程氏之門視楊時猶為後進而林艾軒云楊龜山之學傳之信伯意者龜山之及門雖稍後而聞道則在前故信伯從而師之耶自陳楊二賢而下皆羽翼伊川之教者也明代尊尚儒術自嘉靖之季士以講學為名高其流至於不可方物而吾邑乃有真儒者三人焉徐伯魯之明經張敬

堂之立敬杜靜臺之主靜斯皆足以垂世立教矣嗚呼盛哉

顧文亨

顧文亨字石父為人貞亮和粹讀書不事章句當其得意悲喜交集幼從兄廷植論史至漢北地王洪哭先王廟自殺不覺號慟廷植為之廢講弱冠補嘉興府學諸生累試不第意泊如也家貧嗜學靡倦尤深於易象春秋之旨旁及律歷星官無不綜究已讀邵子皇極書耽思至忘寢食以叩其師岳公元聲元聲

松陵文獻

卷八

十

曰學皇極當自聲音入於是取等韻字母習之稍稍有所開悟一日夢邵子親為指授曰全書在杭未幾遊杭果得祝泌鈴而皇極以聲起卦以卦合數之法發揮無餘蘊矣所著書有經世叅經世聲音臆解經世總圖春秋類記訂補紀事本末甲乙帳易鑑洪範疇解星江雜著諸史石言等書凡數百卷皆根極理數兼括古今晚年避亂隱於秀水之郭陵邨作綱目紀事會成春疾急猶強起刪訂屬草未半而沒年七十有四子宗瑋字連叔少穎異覃精著述凡圖緯

聲音之學文亨所未悟者宗瑋輒若然先秦刀焉所
著有左氏事類年表春秋通例稽疑叅同提要發明
諸書先文亨卒

潘子曰石父先生余初未識面乙未冬邂逅論心恨
相見晚因質以皇極經世起例先生曰讀異書當得
異人子真其人也吾不惜傾囊相授因約明春下帷
僧舍出書共訂竟不果來後三年而先生沒於禾余
聞而哭之野念其遺書不知當如何散佚也展轉訪
求得其孫延曦持所爲行狀及遺書見示回翔披覽

松陵文獻

卷八

十一

如對顏色噫先生爲不亡矣延曦有志節能世其家
學云

孝義

宋

陸十七

陸十七震澤鎮人父疾篤剗心作糜以進疾遂愈後
父卒廬墓不去母卒亦如之與幼弟終身共爨備極
友愛寶祐二年郡守趙汝歷爲建旌孝坊又嘉熙中
郡守吳潛建純孝坊以旌湯家浜里人刺心療母疾
者逸其名此姑蘇志原文也徐志刪湯家浜三字訛
人作八直以里八爲姓名大誤

松陵文獻

卷八

十二

華翥

華翥字伯翔好古力學有聲士林性至孝母疾禱北
辰而愈及母沒翥猶持律甚嚴吳復撰華孝子誠感
序曰至正辛丑夏四月丁未朔與客抵僧宗舍宗爲
黍飯之將殺鷄翥以齋禁辭弗聽刀忽墮地折爲三
乃止衆駭其事咸賦詩記之徐師曾曰翥事近怪誕
儒者所不道也然吳復非妄人又日月可考信理或
有之存其事以俟知者

奚士龍

出揚循吉紀畧

奚士龍吳江州人至正二十四年見吳學鼎新慕義割私田九十畝有奇歸學以供餼廩

陳和甫

陳和甫失其名吳驥蒙菴集曰予觀松陵陳氏所藏先世孝行卷為之感嘆不已蓋其先和甫處士以孝聞於鄉在元延祐中慈母患風疾不能言走四方求醫莫治遂刲股為糜以奉之復禱於神精誠所感疾遂愈父客燕京疾篤處士馳往額天乞以身代其卒也徒步數千里函骨歸葬薦紳之士咸嘉其孝行形

松陵文獻

卷八

七

諸歌詠名聲籍籍惜無當路之援竟弗沾一命之祿以卒然自延祐丁巳以至於今彼公卿達官之貴且富非不炫耀於當時苟無忠孝以垂於後則其身名俱喪不啻始朽而燭滅矣今陳氏由和甫而下累葉相承至雲孫宗明昆季三人才行卓然能世守先業天佑善人信夫

李真

李真字允真宋秘閣侍郎衡裔孫年三十喪妻未葬真他出家偶失火焚其棺真歸號痛收骸骨葬之而

虛其右以自待終老不再娶子昱字景昭嘗輸粟百斛賑饑有司旌以冠帶辭不受人稱其世義云吳驥曰允真個儻有為襟懷灑落性亢直篤於行義見貧困可矜則惠粟以周之雖豪貴有過亦正言以折之心地坦夷是非無所隱嗣續繁昌享上壽以卒景昭弱冠掌糧儲能裨贊邑政事無妄為言必當理鄉民皆信服年踰七十乃終

陳晉

陳晉字次翁元末偽吳竊據其父坐作詩謗訕論死

松陵文獻

卷八

七

晉請以身代父子爭死不決王者謂代父者孝代子者慈慈孝之人安肯訕上遂皆免之父尋病死既葬猶朝夕哭至失明洪武中晉妻家坐藍玉黨逮治事連及晉晉棄家遁去以存宗祀後遇赦歸孫讓亦善事親鄉里稱為世孝

徐孝祥

徐孝祥家貧力學不求仕進嘗於廬後掘地見白金輒掩不發居三十年為至治壬戌歲大饑乃盡發之以賑貧乏全活不可勝計其後嫁女惟荆布而已錙

銖弗取也子純夫以明經發解仕至翰林供奉承旨受封如其官卒年九十七

明

盛逮

盛逮初名棟字景華父似祖有行義洪武初逮以賢良應召賜冠帶叅大臣議事與中書叅政陳寧不合因引疾辭歸寧尋出知蘇州將以事中之乃命逮督辦通區逋賦逮傾貲貸民以償友人唐自牧負官租可二百金走告於逮逮如數與之翰林待詔李幹老

松陵文獻

卷八

五

無所歸逮延之家塾既卒葬於墓側歲時祭之弟章字景良以鹽法被捕甚急父憐其少不忍遣逮曰弟未有子請就捕因謫戍寧夏嘗遊閩中得異人導引

法作原道詩年九十三

莫旦曰景華既代弟就捕至京法司立赤白二旗於庭令

曰願為軍者立赤旗下為民者立白旗下景華與友人蔣生謀就赤旗生驚曰奈累子孫何景華曰子孫賢僱人為軍不賢代人為軍毋過慮也生亦從之已而奉詔亦為順白為逆逆者皆斬首戶丁發戍邊遠而景華得戍寧夏年九十三卒於家

莫轅

莫轅字巽仲禮兄子少從張適易恒學洪武初父繫

詔獄將刑轅年十一自請代死有司奇之試加脅誘

語無異詞遂奏釋其父而繫之後轅父更為稱冤闕

下竟瘐死而轅獲赦季父禮方有寵於上又與沈萬

三諸大族連姻時國法方嚴轅憂之每勸祖諛散其

家財兄輪不從乃謬指同姓隸洱海衛者為己族人

皆怪之二十九年藍黨獄起祖諛與禮俱死於法餘

謫戍一家無能免者獨轅以嘗附尺籍得脫變姓名

亡命往來經營竊其祖叔遺骸按莫志云云蓋指諛

不詳改叔為父且前已云歸葬之屢冒法禁幾死嘗

松陵文獻

卷八

六

以腦子自隨曰脫有急則服之兄子雲霖俱幼孤無

依轅保護甚至建文元年赦歸痛念家禍却酒肉不

御者數年沈文度者萬三之曾孫也有女字陝西劉

巡簡而文度死家戍邊轅乃收養其女長而歸之鄰

有舉室死疫者獨一幼子存人以疫能相染莫敢視

又收養之家失火延及母寢轅躍入火抱母以出須

眉焦灼人至莫識其面治喪不用異教亦不泥時日

方位之吉凶凡世俗淫祀一切屏絕老而好學為詩

文有理趣年七十七卒門人私謚曰貞孝先生子震

自有傳

徐昌伯 弟季昭

徐昌伯永樂中坐事謫戍遼東家有老母其弟季昭請兄留養而以身代行昌伯曰爾少年不更事豈堪遠戍二人互爭久之母竟遣季昭行後十餘年季昭還母兄尚無恙相見極歡鄉人稱之題其堂曰孝義潘子曰季昭尤難也徐志獨稱昌伯者何且其母亦賢母也不日愛少為念而能成二人孝義之名其事皆可書云

松陵文獻

卷八

七

鈕釧

鈕釧字時勉為人落魄不羈好儒術不事家人生產父文知溫州釧隨侍而母妻留家居妻以疾卒所親有銜釧者說其母從俗火葬釧歸知之口不敢言而心痛其事誓不復娶亦不畜婢媵積四十年終始一節嘗為人塾師夜有婦奔釧釧拒之明日托以他事辭去其節操如此

沈希旻

沈希旻父本中為邑吏永樂初嘗預薦辟未仕而卒

時希旻尚幼母奚氏撫之以至成立希旻既長與妻馮氏事母以孝聞母卒希旻命畫史寫真朝夕虔奉出告反面儼如生存吳驥其姻親也為贊以美之比於丁蘭云

龐景華 本倪謙志

龐景華字宇春世為吳江人父彥恭有隱德洪武中以貨徙京師遂為上元人景華幼有至性九歲喪父即哀毀如成人母吳氏素賢鬻簪珥市書教之景華好學不倦與婦徐氏勤力養母家遂以饒宣德三年

松陵文獻

卷八

六

母遘危疾景華親嘗湯藥夜則稽顙禱於天已乃剖股作糜進之母果瘳又嘗患痢剖股如初取糞嘗之謂妻曰味苦母不死矣果然天順二年春隣人失火延及所居乃呼天曰母老矣願天留此終餘年頃之風反火熄人以為孝感明年有司以狀聞詔旌其門曰孝行復其家母至九十三而終景華廬墓側朝夕哭奠有盜十餘人至聞哭聲曰孝子也遂遜去有慈烏集松栢靈芝產階下士大夫多為詩歌以美之成化中府尹王弼欲舉孝廉不果乃請為鄉飲賓又數

年卒

陸琦

陸琦字文璧善古文兼通醫卜星命之學為人沈敏寬厚里有劇盜鼓譟入其家見琦投杖而去曰不圖八丈在也後又至遇琦輒去終不忍犯正統九年舉於鄉尋卒

吳璋

吳璋字廷用幼孤為鍛工永樂二十一年詔選天下節婦給役內庭母陸氏名在籍中宣德四年准王之

松陵文獻

卷八

九

國韶州尋徙封饒州陸氏皆從行璋棄家奔走求母者二十年屢啓王請見輒不允書凡十四上情詞益切王憐而許之命入宮見母母方病革璋徬徨割股作糜以進病稍間王聞愈憐之召賜金幣遣其母出至逆旅三日遽卒璋乃匍匐負骨歸葬先墓旦夕展拜妻動路人時正統十二年也後以子洪貴封南京刑部主事士大夫咸為詩文美之號曰全孝翁年八十一卒贈太僕寺卿今列鄉賢祠

王錫爵曰吳孝子事類朱壽昌壽昌生不識母日昧

昧焉望塗而索其所不可知其為力難而孝子辛苦

丐乞仰鼻息於尊王貴璫之手似易而尤難而其卒

皆至於得母顧壽昌之母優遊祿養者又數年理不

宜以溝壑死而陸母之得出也距其死三日耳片息

之視若有所待而留者使孝子猶得以肉代糜申其

一日之養天之祚孝子甚怪而巧不可謂之不幸也

昔者唐德宗以天子之尊物色其母四十餘年竟不

得徒望祭追號以紓其慕思此豈其力不足哉天子

之意侈而匹夫之誠專天固有至有不至也彼其饑

松陵文獻

卷八

十

寒暴露足繭口吃夢吟嚶而覺呻呼徒倚側息於宮

牆咫尺之間此其一日足當四十年其可以得母何

惑焉

潘翼

潘翼震澤農家子少為里中黃景融家奴遂冒黃氏

執役勤恪正統初中官奉詔督徵逋稅行部稍不如

意輒執令去時縣令被執景融為稅長與其黨攘臂

奪還中官訴於上詔捕誅景融舉家惶駭翼請曰王

僕即父子耳願代死無悔遂就捕至京師論死拷掠

無完膚終不易詞後赦歸景融感之更加巾服與諸子並列約死同葬於墓翼目不知書而從容就義人以為難

吳瑄

吳瑄字元玉少從父戍京師宗族不相知者數年父死哀痛倍至一日得其族譜大喜祭告其父將歸訪焉時人或嗤其迂成化五年舉進士拜南京工部主事累遷郎中事母至孝母愛少女令與婿同居婿無狀瑄弗與較積三十年無間言舅氏在松江貧母念

松陵文獻

卷八

三

之瑄為買田宅以慰其心同族雖疎遠遇之有恩族子鳳捨身釋氏迎歸撫之道遇故人喪不能歸遣使扶持還葬在工部時吏有粥子贖罪者瑄憐之白於尚書為免吏罪性好學工古詩文對客立就未嘗屬草又善書畫卒年五十二瑄義而貧仁而不壽孝而無子時人莫不哀之

顧寬

顧寬字惟仁性孝友居母喪三年不入私室初以弟子綱為嗣後生二子純綱待之如一族人灑貧不能

存寬計日給食有事則資以錢布終其身外祖李昱墓枕吳淞江屢經水患寬出錢千緡累石捍之有錢璠者寬之從姊婿死無以葬寬買地葬之及掘地得故塚復命掩之而他擇焉其好義類此年八十乃終

龐鏞

龐鏞字汝聲性好施予成化十七年邑中大水鏞出粟千斛賑之弘治五年又水鏞復出粟二千斛賑之撫按嘉其好義不倦以事聞命有司榜其門曰旌義復其家

松陵文獻

卷八

三

吳成

吳成尚書吳洪僕也洪為諸生應南京試成驅驢取值以供旅費及洪為福建按察使有富人犯法持千金賂成求寬成却不受以白洪竟置於法繇是洪名益起吳氏至今思其賢配食家廟云

顧宗義

顧宗義字惟正世居城西流虹橋與兄宗仁相友愛終身不異爨後宗仁無子宗義命長子言嗣之界以故廬而別與次子行耕於充溪相距數十里每遇蔬

果薦新之日必賚以奉兄度兄已先嘗然後敢食雖家人亦毋敢先食事無鉅細必稟命於兄數十年如一日也正德中歲饑宗義嘗捐貲以貸里中鄰有暴橫者宗義不與較徐理論之其人感悟謝罪僕沈原母病疫將死原不敢歸視而流涕不已宗義問知之卽率原往視其母獨臥一室目猶未瞑問所欲曰思飲耳乃汲水與之復歸取粥食之時鄰人相戒不敢入室宗義獨與原親問遺之日再往如是者月餘原母卒無恙有司聞其行誼屢請爲鄉飲賓竟謝不赴

松陵文獻

卷八

三

嘉靖初卒年八十有二

李濟

李濟字民望麻溪人父璇邁危疾濟年十二卽剖股作羹以進璇遂愈又三十年乃終濟居母喪廬墓三年不入私室督學御史蕭鳴鳳雅尚德行命濟食餼以風學者嘉靖二十一年以貢爲衡州府學訓導

沈忠

弟孝

沈忠與弟孝皆聖人皆善事其母嘗禱於天冀益母算每受役於人所得肉各懷歸以奉母知縣劉時俊

潛得其狀曰此穎考叔也爲請於上臺而獎之

陸恒

陸恒字貞惠學通五經萬曆三十六年以貢入太學祭酒李廷機拔其文第一爲貴池訓導卒性篤孝長洲陳淳爲其父鯉畫像甚工恒出必攜以隨後爲人所竊恒素不善畫自傷無狀卷帙放失泣涕彷徨晝夜形勞心慕手追遂成父像鄉人莫不感其孝焉

陸雲衢

陸雲衢字彥遠家貧力學授徒爲養母患危疾雲衢

松陵文獻

卷八

三

籲天請代尋霍然父復苦癱瘓飲食皆親哺之潛剖股和羹以進久之父遂起鄉里上其事萬曆中巡按御史下檄表之

戴天敘

戴天敘字存南年三十餘屢困童子試或勸之爲吏不可曰是辱身也未幾補邑諸生嘗館陳氏陳故爲人僕王者籍其財陳囊金六百兩暮夜投天敘天敘以鍤缶瘞之地中旣而陳死其妻饑窘踵門乞貸天敘曰若夫金故在盍取去其妻謝不知也天敘啓瘞

悉還之其妻泣拜去初陳之寄金也人無知者獨有從子頗覺之及其還金也人亦無知者而從子以為金故在未還也因求為嗣天敘以序不當立拒之後天敘生子從子計始阻萬曆中天敘年六十卒所生子弱從子欲奪其金乃偽為分券訟之官凡十餘年從子雖伏罪而其子家遂蕩然矣天敘孫鼎立有奇節亂後隱居著述為余言如是

吳承恩

吳承恩太學生家素饒父邦棐為市人所辱承恩募

松陵文獻

卷人

五

少年立殺辱父者以此傾其貲崇禎中年踰九十卒

蕭雲程

蕭雲程字漸于其先山陰人元時有國寶者為邑訓導因家焉雲程性質厚好詩崇禎十年巡按御史路振飛疏言雲程孝友性成母鄒氏病篤割股進藥沒而廬墓繼母施氏患痢顧神請代卒獲痊族嫂孀貧割產贍給鄉人失金坐待完歸養喪夫之姪女葬受業之亡師皆宜旌厲詔可明年禮部侍郎顧錫疇復列其行命擢用不果

吳允夏 曾祖秀

吳允夏字去盈曾祖秀隆慶五年進士授刑部主事歷郎中出知九江府巡按御史檄下司理勾稽贖鍰至三千金秀請除其十之八鑿龍開河得良田三千頃又鑿老鶴河便商賈泊宿時為之謠曰民不死吳公是子客如歸風伯無威遷知揚州府復五塘建義倉為民永利遷福建按察副使被劾免後列烏程鄉賢祠允夏博雅好古尤邃於理學事母素謹初猶過於嚴恪及德器既成乃更為童孺之色以順適母意

松陵文獻

卷人

五

然其治家嚴肅如公府內外截然無敢踰者家世多藏書篝燈討論每至達曙雖醫藥卜筮之術無不究心文詞雅健入太學累試不第杜門著述崇禎末歲饑米貴小民相率掠富家幾成大亂允夏慨然發粟賑濟綜理有方人不敢欺全活甚眾嘗感火葬非古作廣孝哀言以警眾因自置義塚一區瘞浮尸若棺無王者至是道殣相望允夏募人掩埋半歲間得五千有奇其他實惠及人不可勝紀知縣葉公翼雲重其行遣使致羊酒謝不受中年連舉二子人以為積

善之報

陳國珍

陳國珍字公獻母失明僦居城外鬻餅以養崇禎十三年家失火母不得出國珍號泣躍入從煙燄中抱持以出皆頭額焦灼不可識遂相繼死聞者傷之

孔尚賢

孔尚賢字廉石以善裝書名邑中質直有士行嘗拾遺金於道堅坐待失者至還之士大夫高其誼多贈以詩篇尚賢無子還金後乃舉子世其業至今

松陵文獻

卷八

七

陳清

陳清字西雍邑諸生居盛澤賊至父紀昌被縛清給之曰此我家蒼頭也遂得釋而清被殺

迨紹原

迨紹原字休仲邑諸生師事楊廷樞廷樞遇害蘆墟縣首於市紹原贖其首殮焉人皆義之

陳允滋

陳允滋父士衢邑諸生剛正好直言丙戌丁亥間里中無賴多起為盜盜魁楊招忌士衢乘亂殺之併欲

殺允滋允滋尚幼匿澱山以免既長日夜思報父仇楊招已就撫猶時出剽掠允滋潛結勇士伺便執殺之取其血以祭父招之黨訴於官里人義允滋爭白其事得不死遠近稱陳孝子云

松陵文獻

卷八

七

松陵文獻 獻集卷九

邑人潘樞章力田撰

人物志九

文學

宋

謝景初

謝景初字師厚濤之子慶曆六年及第以大理評事知餘姚縣始作海堤防水患民賴以安以屯田郎致仕性倜儻勁峭博學能文尤長於詩每為歐陽修梅

松陵文獻

卷九

十一

堯臣所推重黃庭堅其壻也自謂得句法於謝公云弟二景平字師同以蔭授校書郎第進士終秘書丞工詩景回字師復年十九所為文詞已可傳載元。

盛輿

盛輿字敬之初為震澤鎮學教諭遷錦州學正會兵興為浙江行省叅謀擢崇德州判官輿嘗受易於同郡龔子敬好古博識醫卜地理星數之書靡不通究所著有韻書羣玉滴露齋稿

張淵

張淵字清夫博學好古有詩名尤工書法皇慶中以薦為東省提舉有心遠堂集虞文靖公集為序

明

黃本

本吳驥同里先哲記

黃本字本中先世自江夏徙蘇郡元季兵起張氏據郡城網羅才士本中乃避地同里授徒資養遂畱家焉洪武中舉明經為武夷訓導歷會昌教諭於經史百家之書研極理趣其文章豐腴雅馴詩詞藻麗典

松陵文獻

卷九

十二

則無愧作者游遭兵燹遺稿多散佚識者惜之

凌昌

凌昌字正卿同里鎮人家世業儒性聰慧強記尤邃於書微詞奧義多所發明從元儒潘如珪游至正間舉於鄉會道阻遂不復就試以圖史自娛為文章汪洋而明潔放言極論一歸於理洪武十二年舉明經授縣學訓導遷太平教授卒於官同里先哲記云承部撤分教邑庠仍薦之當路未及祿位而卒所著有儀古集子德修字益教職猶未授祿故云子成洪武二十一年舉明經初為嘉定訓導遷寧縣

廣昌教諭吳驥稱其文章皆本義理如布帛菽粟之
有實用壽終於家

陳謨 徐彰

陳謨字昌言初爲童子師於經史正句讀通訓詁而
已及其沉潛歲久學進理明才思煥發凡唐宋以來
大家之文皆含咀其英華規模其步驟故詞章精敏
過人而詩律有涵蓄學者宗之同時有徐彰者字天
章其學邃於史書長於詩律辭鋒敏捷四座風生與
謨交情誼欵洽每時和景明則治具共遊靈巖虎丘
松陵文獻 卷九 三

諸山窮日夜爲樂所至必聯詩寫景歸以詫其鄉人
其所蘊莫能測也

陳玠 從弟琮

陳玠字以進其先東平人元時有爲吳江州掾史者
遂家同里少從黃本學博綜羣書才高識遠見昔人
行事成敗必剖析其故疊疊清談聽者忘倦發爲文
章理明辭暢爲詩務合唐人音響不以雕琢爲工混
跡田夫野老間明哲保身之士也從弟琮字叔振亦
能詩長於七律近體書法道美永樂初徵起書誥勅

居南京有年而未沾一命終於家

鄒奕

鄒奕字弘道大父士表好義多延名師教之楊維禎
贈詩有云爾祖傳經如傳寶冢孫十歲早能詩蓋美
奕也奕秀目美髯貌若玉雪議論英發文辭高古元
至正八年舉進士調饒州錄事洪武初爲御史出知
贛州府坐事謫甘肅二十餘年永樂初以寒義薦召
還與同郡沈繹丁敏輩交最善有吳樵稿

沈鞞

松陵文獻 卷九 四

沈鞞字有莊家世治尚書洪武四年舉明經賜光祿
酒饌尋放還嘗應辟署縣學西齋事所作詩文號西
齋集

蕭規 子潭湘

蕭規字元則其先楚人明初徙居吳江再徙郡城初
從釋氏已乃棄去爲儒其學長於春秋毛氏詩然不
求仕販鬻自晦爲文亦鬱茂有體裁人或從索之多
謝不能人稱竹園先生所著有湖山樵寓集子二潭
字孟南建文二年進士終建始知縣湘字仲南永樂

中舉秀才授中書舍人終大理評事皆有文學能世其家

朱應辰

朱應辰字文奎綺川人少為陳氏禮習舉子業元季累試不利乃棄去為古文詞與楊維禎游洪武四年以薦為郡學訓導或云終於江陰訓導卒應辰為文繁而不猥詩亦工為長短句篆籀逼古國初嘗命書符印其外孫都穆為刻其詩傳之

陶振

松陵文獻

卷九

五

陶振字子昌其先華亭金澤人贅於龐山謝氏遂為吳江人少與謝常同學於楊維禎兼治詩書春秋三經洪武二十三年舉明經授縣學訓導嘗坐佃居官舍逮至京師換紫金山金水河二賦以進隨奉命撰飛龍在天賦多雜俳調皇太孫以聞得釋遷安化教諭歸隱九峰間授徒自給一夕死於虎王達挽詩云昔為海上釣鰲客今作山中飼虎人釣鰲客振自號也振才易辭近卑俛為時格本無足稱而為經生者本之皆名陶氏學云所著有釣鰲清嘯二集集中載

哀吳王濩詩乃指斥靖難之詞蓋振卒於革除間故也

梁時

梁時字用行學為文最苦少時遭家籍沒復聚徒講學於長洲洪武二十一年以善書選授岷府紀善永樂中遷翰林典籍預修大典充副總裁其文章以氣格為主不事纖麗亦善筆札有噫餘集吳驥曰時風流儒雅持身以禮無窘步惰容雖席父兄之資不尚綺紈之好既罹家禍安貧晏如屬文賦詩清粹有法

松陵文獻

卷九

六

楷書行草各臻其妙潘子曰劉鳳先賢贊言時之父初以博得婦生時逾歲又博而負人携之去時少則隨母長乃走會稽山中讀書此委巷流傳之語不足信也今考者舊傳所云席父兄之資不尚綺羅之好則時固富家子豈博徒之後哉又云罹家禍安貧晏如與徐志遭家籍沒之語合余聞吳中黨禍之酷起於梁氏見於莫旦所記甚詳豈時即梁氏之族而株連得禍者耶噫亦可哀已

吳驥 子鉉

吳驥字材良同里人父誠贅於何氏性耿介不屑與時俯仰故終身不仕驥家貧力學恬於勢利洪熙元年舉明經授濬學訓導正統元年改壽昌遷清豐教諭致仕卒驥博學強記教人嚴而有法時稱名師山西河南陝西諸省鄉試凡五聘為考官所取皆名士卒年八十三所著有蒙菴集歸田稿正統十二年為山西考官所命詩經題維周之楨犯楚昭王諱禮部請罪之上不問第罰俸一月事見實錄 子鉉字時舉天順六年舉於鄉授四川布政司經歷董永寧軍儲九姓長官任氏沒而無嗣宗族爭襲上官令鉉訊問

松陵文獻 卷九

七

偽者以重賂通却之而直其事致仕歸年六十三卒為人沉靜質實居家孝弟威寧伯王越師事其父與鉉交厚及貴未嘗往謁人以此多之與驥同時有吳鎮宇陽稽能詩見湖海耆英集又有吳璩與同郡徐庸賀甫等竝以詩名

莫旦

莫旦字景周震子也博學工詩文成化改元領鄉薦卒業太學作一統賢關二賦名動京師授新昌訓導九年遷南京國子監學正乞歸年至八十餘卒旦居

家有法嘗翔石湖鄉賢祠平生著作甚多嘗論吳澄以宋臣仕元不當列從祀趙子昂以宗室事讐不得為名臣皆名言也邑乘自宋以來歷朱長文寶德遠吳本前後綜述雖方策備存而義例疏濶且始為諸生即考論掌故搜采舊聞積三十年始成吳江志典雅可觀又有新昌志鱸鄉集傳於世

趙寬

趙寬字栗夫性警敏幼讀書數行俱下及長工古今詩文下筆千言立就年二十一領鄉薦卒業太學時

松陵文獻 卷九

八

王文肅公俱為祭酒澆加賞識成化十七年試禮部同郡吳文定公寬得其卷大驚遂置第一梓其文以傳不加潤色授刑部主事歷郎中執法不撓工部主事盛應期范璋以司牘忤中官羣訴於上逮繫部獄禍且不測同僚皆避不敢鞠寬獨挺身任之二人得從未減囚有當死者尚書欲出之寬不從竟置諸法在部十四年以明允見稱出為浙江提學副使以身教士不受私謁品鑒精敏一經甄拔無不取高第者凡七年士風為之一變遷廣東按察使決滯獄禁和

買約束鎮守中官使不得逞俄以疾卒年四十九寬善論文不徒識貴賤卽壽夭亦預決不爽爲文學韓昌黎以未嘗屬草故多散佚僅存半江集十二卷今列鄉賢祠弟宸字受夫弘治八年舉於鄉爲雷州府推官改武昌通判投劾不仕宏善辭賦以清才稱有漁菴集

姚明

姚明字景昭一字視卿家長橋之南號月橋居士重厚寡言笑工古今詩文有所作人爭傳以爲式兼善

松陵文獻

卷九

九

書法成化十三年舉於鄉累上不第授貴溪知縣民稠土瘠明以平易治之民甚安府有所需倚辦於縣明罷之見爲才諳不足遂調南靖在南靖四年一如貴溪時以母喪歸會有子坐事論死走京師訟之遇疾卒年六十四明貌不揚而蘊蓄甚富又能謙冲不伐故一時稱德量者必歸焉有月橋遺藁

崔澂

崔澂字淵父刑部主事齡四世孫也少爲諸生已厭場屋之習嘗受易於汝泰見所爲文問曰文止此乎

泰曰卽欲仕非此不可文豈但已哉澂笑曰寧不學仕不願爲此文也及例入太學遂絕意進取出所藏經史閉門誦讀窮日夜不休三年學成從其師曹孚謁同郡吳寬沈周諸名公質疑訂惑必揮其底蘊而後已尤工於詩氣象風格力追唐人蓋近代名家也卒年僅二十九有傳響集十二卷史鑑曰嗚呼自王安石經義之說行累朝循是道不變世徒知以明經爲尚殊不知其分截章句決裂文義以苟合有司之程度可醜也其間非無豪傑之士思欲振起之然父

松陵文獻

卷九

十

以之教子兄以之詔弟卒不能易天下之滔滔此有志之士所嘗嘆息也淵父眇然一儒生獨能覺其非力追古不已而天遽奪之使不底於有成將斯文之運未復耶然則豈獨崔氏一門之不幸哉

王寵

王寵字履仁後字履吉守之弟也少從蔡羽學於書無所不窺而尤詳於經手寫皆一再過文宗遷固詩法三謝盛唐書在大令永興間寵才名遠出守上守既宦達而寵僅以年資貢入太學於是遊燕趙魏觀

廟朝制度與四方搢紳先生上下其議論而文益奇
既數試不利乃築室石湖之陰讀書其中非歲時省
侍不數數入城臨流賦詩倚樹而歌邈然有千載之
思如是者又二十年遂卒年四十寵風神玉立猥俗
之語未嘗出口聲稱振疊而醞藉自將不欲以所能
上人人亦樂親附之太守胡績宗甚高其行嘗行古
鄉射禮請爲賓行古鄉飲禮復請爲贊寵儀觀肅穆
見者咸嘆美之有文集四十卷袁表曰履吉詩初宗
李白既乃宗杜故才力雄濶辭章麗贍去輕靡而就

松陵文獻

卷九

十一

沈著尚鋪綴而略陶鎔及白雀集諸篇則又興寄冲
玄思調清逸遂窺顏謝之堂幾入王孟之室矣惜乎
天抑其進有志未就故所著僅此然亦足傳矣

陳九章

陳九章字從一志操清遠弘治十八年舉進士授青
縣知縣調雲和以不善事上官罷歸教授鄉閭以文
學著名然家益貧巡撫鄧公以同籍來訪蓬蒿無徑
及卒不能斂知縣喻時高其行親賻焉

陳理

陳理字君明少爲諸生器岸軒特文亦雄健正德中

提學御史張璠至再試皆第一因命擬作請立先賢
子游後奏記理援筆立就璠稱善者久之五舉不利
晚嬰末疾在苒數年而卒理才華迅發鄉先輩多折
節與交恐不得當也吳尚書洪尤重之吳中士大夫
家記傳銘序諸作多出其手執親喪終始盡禮與周
公用情好尤篤理死用銘其墓感動時人所著有同
川集宋元遺事陳氏族譜四禮規諸書

朱旦 本鄧藪常熟志

松陵文獻

卷九

十一

朱旦字汝明從父寓學常熟遂家焉旦方嚴靜嘿行
義不苟以師道自居鉅室錢允言氏敬禮之爲買田
築室不聽其去旦所與接皆良士以文詞雅道相麗
益其詩多選體年八十餘卒子臣字良臣以貢爲肩
州學正賓字元賓性行竝肖其父有經學書法趙孟
頌

陳策 附丁氏

陳策字獻可博極羣書爲詩文冲暢典核嘉靖改元
領鄉薦授曹縣教諭卒於官繼妻丁氏撫尸慟哭嘔

血數升越次日亦卒曹人異之所著有說鈴九華集東行集曹縣志

張銓

張銓字秉道世居越來溪為著姓銓文詞清麗嘉靖元年舉於鄉選為膠州知州其地濱海饒陘俗動易動屬歲饑流庸轉徙羣不逞剽劫為亂銓禽首惡數人置之法餘悉解散因言於朝蠲常賦之半民用安集尤篤意教化修學宮選諸生俊茂者親為講說經義有古循吏風遷南安府同知嘗攝府事又攝南康

松陵文獻

卷九

七

信豐二縣所居職辦上官知其能數使治煩劇若經理屯田更定權課諸所建白皆著為令盜起隣境殺略吏民銓承檄討之獲其渠率餘皆望風降不戮一人後入覲道卒年五十二銓風格高整機鑒精明未仕時已通達世務嘗與郡守議賦役法條刺十事言皆切至守雖不能盡用然內敬重焉及當官臨事智略輻輳每手削公牘頃刻數百千言雖老吏讀之無不驚服性孝遭父喪哀毀踰禮為詩文雄壯激烈慨然有經世之志未究其用論者惜之有尊江存稿二

卷子德載自有傳

顧大典

顧大典字道行曷之孫也生十二歲而孤依母家作孤兒行詞旨悃邑讀書過目成誦又喜學為古文詞隆慶二年舉進士為紹興府教授遷處州府推官萬曆二年徵為刑部主事以母老請改南京兵部久之轉南京吏部郎中金陵多名勝地暇即呼同曹郎載酒往游又善繪事能詞賦每以詩若畫模寫之或窮日夜忘返然於部事亦不廢十二年遷山東按察副

松陵文獻

卷九

七

使主驛傳多所裁革改福建提學副使較文精嚴請托不行忌者遂中以考功法追論為郎時事坐謫禹州知州大典遂自免歸再起開州不就葺先世故園奉母供養其中非公事不入官署曰吾豈對不見貴人哉性本疎懶不偶世惜吾歸之不早也家有清商一部嘗與客引滿盡觴流連竟日天情蕭遠不見喜慍之色性和易醉即為詩或自造新聲被之管弦時吏部員外郎沈璟年少亦善音律每相唱和邑人慕其風流多畜聲伎蓋自二公始也大典所著有清音

閣集海岱吟閩游草園居稿子慶延詞翰清絕慶恩
字世卿爲徵江通判有惠政亦善畫名亞於父

沈璟

沈璟字伯英漢曾孫數歲穎悟有神童稱及長頎皙
朱顏眉目如畫萬曆二年舉進士授職方司主事以
病免尋補儀制司進員外郎調稽勲司歷驗封考功
二司以父喪歸復補驗封十四年二月上疏爲王恭
妃請封號忤旨左遷行人司正十六年爲順天同考
官遷光祿寺丞明年以疾乞歸歸二十餘年卒璟居

松陵文獻

卷九

五

兵禮吏三部時邊徼阨塞及各將領王名皆有手記
入夾袋中親較宗藩名封諸籍不入吏手詢訪人才
不令人知順天所得士有長洲李鴻爲申少師時行
壻言者以爲私璟不自白及鴻舉進士知上饒與稅
監忤言者始息璟性謙謹而能任事晚乃習爲和光
忍辱有非意相加者笑遣之因改字暉和以自况性
喜誦讀精六書日親卷帙遇謬誤者悉釐正生平不
善飲兼少交游晚年杜門謝客寄情樂府先是邑人
沈義甫著樂府指迷璟復整齊舊章鳩集諸家增訂

九宮曲譜及撰論詞六則正吳編竝爲審音者所宗
自號詞隱生天啓初追錄國本建言諸臣贈光祿寺
少卿

莊元臣 兄憲臣

莊元臣字忠甫萬曆三十二年進士授中書舍人奉
使封平原安丘二王以母喪歸三十六年吳中大水
元臣條議荒政當事者采行之尋北上卒於濟寧舟
中元臣學無所不窺喜談經濟每閱一書必劈肌解
族扼要鉤玄嘗言讀舊書如遇新知讀新書如逢舊

松陵文獻

卷九

六

識其爲古文辭經營極苦會意所至千言立就自言
少時習制舉業茫洋而思信筆而書如是者有年乃
伏而自思以爲先哲之文投機迎刃意必有準繩尺
度以運其間而非得之偶然者乃盡發洪永以迄近
代之文俯而讀仰而求如是者又有年如涉海求蓬
萊者頻年出沒於驚濤駭浪之中望之汪洋不見踪
跡今若見紫霞黃氣焉乃以暇時盡出先秦兩漢史
氏百子之書伏而讀之不厭則取唐宋而下及我明
諸名家文集讀之又厭則取楞嚴法華諸佛經讀

之咸味其理掇其詞淡求其文章變化曲折之妙長者尋其波瀾之所演迤短者究其根莖之所藏縮華者研其精神之所色澤暢者釋其筋力之所發舒淡者躡其濬鑿之途奇者考其神變之術於是文章之情狀略已得其統紀條貫矣因為文論十篇以明古今作者之得失所著有叔苴子覺參符三才考略金石謨鳳閣艸時務策凡數百卷兄憲臣字昆明亦博雅士也

俞安期

松陵文獻

卷九

七

俞安期字羨長孤貧流離潛心誦讀以博洽聞少客於龍君揚受國士之遇君揚被譴入楚慰之遣戍永安又入豫章送之與楚人丁元甫為意氣之交元甫沒厚遇其子海內歸義焉年三十為五言長律百五十韻投王世貞世貞獎厲甚至先是邑中王叔承以布衣游公卿間名籍甚安期後起名遂相亞叔承雖好山水然守母遺訓未嘗遠遊安期一出十年周覽五嶽所至觴酌流行絲肉竝奏酒酣坐歡俯仰長嘯聽者皆歎其有鸞龍之音又多技能好相人宅冢沾

沾自喜後徙家陽羨山中老於金陵有琴瑟集數十卷錢謙益曰羨長巨目曷鼻魁顏長身狀貌如河北儉父與之談盱衡抵掌意勃如也才氣蠶涌晚亦知厭薄其窠臼而聲調時時闌出不能自禁蘇子瞻所謂浙人語終老帶吳者也子二長棄家為高僧即第菴和尚次南史字無殊亦工詩和雅冲澹類其為人

潘一桂

潘一桂字無隱一字木公父以賈僑居京口一桂少機警過目成誦頗自負不肯專心諷誦父怒命之揚

松陵文獻

卷九

六

州為賈一桂乃更讀書為歌詩自謂無意學古而神與之似於是詩成輒書屋壁間風情溢發久之湖州沈聖岐以宦游道揚州兄壁間詩大驚勸歸就學補邑諸生時鎮江章詔有詩名一桂與相引重又念賦學衰廢思一振厲之乃杜門擬議與友人錢玄密緯以閱博相砥礪作東征昌言諸賦為時所稱二十餘歸故里與卜舜年同學諷習楚辭嘗縣尉後其結撰愈工焉性嚴整非義不動崇禎五年唐世孫好詞賦延四方賓客起高明樓擬於雁池兔園以書幣招之

再三辭家人怪之一桂嘆曰極知世孫嚮我厚然國
家法不得與藩邸交我何敢爲亂首耶後遊襄陽世
孫已立爲王遣使迎候不絕於道一桂不得已命駕
往王數從授簡賦詩雍容應教居畱一月稱疾辭歸
期年王廢同時在國中者皆株累坐法一桂獨以見
幾得免卒年四十五有文集六卷古韻通考二十卷
錢謙益曰無隱詩多弘麗今集爲史弱翁所定多取
其庸立者賦則爲西極文太青所推太青以揚馬自
負曰無一世見無隱諸賦曰我心折氣澁矣無隱之

松陵文獻

卷九

七

可傳者其在斯乎子陸字江如有志節於詩律尤精

卜舜年

莊汝培易三俊

卜舜年字孟碩盛澤人少孤有異質喜詞賦書畫年
十八秀水令顏欲章得其文奇之勸令求師遂補諸
生讀書廢寺小樓在塚墓間四顧寂然手一編慷慨
吟諷華亭陳山人繼儒見而異之引爲弟子授以河
雒讖緯支干營陣之學嘗周其貧舜年性好客坐恒
滿旣不得意更爲奇服驚衆聞吳門有老國工張懷
德善吳歛則從之學盡得其妙有時騁伎登壇珠玉

一轉聞者皆爲流涕一日大悔立功過案自考已更

學長生之術竟以瘵死年僅三十四舜年志氣雋爽
爲文天趣甚高然不循矩度故名不出於州里亦每
以此自恨及卒之後遠近傳爲仙去比於唐之李賀
有遺集四卷舜年於世少所許可顧獨好潘一桂莊
汝培之爲詩也汝培字端甫與舜年唱和最富舜年
詩思敏捷而汝培獨以沉著勝然兩人更相推重也
與舜年同里居者有湯三俊字俊民亦有雋才能通
世務崇禎七年總督三邊陳公奇瑜以討流寇請叅

松陵文獻

卷九

三

軍謀書檄奏記援筆立成卒於三原道中有遺稿四

卷

周永年

本列朝詩集

周永年字安期恭肅公用之後少負才名制義詩文
倚待立就才器通敏風流弘長禪宮講席西園北里
叅承錯互詩酒淋漓莫不分身肆應獻酬曲中海內
咸以通人目之晚而扼腕時事講求掌故思以桑榆
自奮遭亂坎坷卜居吳中西山未幾而沒所著詩累
萬首信筆匠心不以推敲刻鉢爲能事錢謙益雅重

之嘗有詩云安期下筆無停手元歎然毫正苦心人以為實錄元歎謂吳人徐波也永年於邑中文獻多所哀輯知縣熊公開元嘗以續志屬之業有成藁遭亂散佚淡可悼惜云

沈自然

沈自然字君服琬子沈氏世有文采而自然獨工歌詩有至性孤峭絕俗家貧雖蔬食不給閉門諷詠不輟於人少所許可凡世所稱賢豪長者一言不合輒謾罵去以故名不出於吳而山陰祁公彪佳雅知其才每造請讌飲商推不倦自然竟以苦吟眉髮盡落居母喪神傷骨立數月而卒族人私謚為孝介先生妻嚴氏素賢以痛自然故數月亦卒鄉國聞者無不傷之

吳翺

吳翺字扶九貌魁碩善談論少負才名喜結客復社初起翺與同郡張溥楊廷樞等實為領袖家饒於貲四方造請者無不滿意有俊厨之目會國變遂絕意進取杜門著述為詩文多直抒胸臆不尚鞿藻所藏

明人文集至三千七百家手自編輯歲饑出粟煮糜活饑民數百里中德之乙未秋卒年四十六所著有升恒堂集

史玄趙渙

史玄字弱翁天才雋拔學有根柢與吳易趙渙齊名以古文詞相切劘有東湖倡和集三人者才氣相埒也後易登朝死國難而玄與渙俱落魄不偶玄畱心經濟嘗從水道至京師作河行注一卷鹽筴河漕之要略具焉數遊公卿間以策干時無所遇困頓以死

松陵文獻

卷九

主

詩宗少陵老健無敵古體尤工渙字少文學行醇謹工五言先易卒

人物志十

邑人潘樞章力田撰

隱逸

夫自古高尚之士必擇幽邃之區以遯跡其中然後可以遺世而肆志松陵古名勝地自漢唐以來達人畸士長往而不返者往往托足焉而記載寥闊姓氏無所表見者亦不少矣今考宋史文集得松江漁翁等數人其行誼甚高至於明代一二韋布之流如史

松陵文獻

卷十

一

西邨王崑崙諸公皆顯而無跡隱而有名斯亦足以

風矣故具錄之以為隱逸傳

宋

朱象先

朱象先隱居樂道與蘇軾交甚密軾嘗題其畫謂象先能文而不求舉善畫而不求售曰文以達吾心畫以適吾意而已

松江漁翁

松江漁翁者不知何許人恒櫂舟遊長橋往來波上

意氣自得醉則扣舷而歌紹聖中閩人潘裕自京師

調官回道吳江遇而異焉起揖之曰予視先生氣貌

固非漁釣之流願句緒言以發蒙陋翁曰吾厭喧囂

處閒曠迹跡於茲三十年矣幼喜誦經史百家之言

後觀釋氏書今皆棄去惟飽食以嬉尚何所事裕曰

先生澡身浴德如此今聖明在上盍出而仕乎翁笑

曰君子之道或出或處吾雖不能棲隱巖穴追園綺

之踪竊慕老氏曲全之義且養志者忘形養心者忘

道致道者忘心心形俱忘其視軒冕如糞土耳與子

松陵文獻

卷十

二

出處異趣子勉之裕曰幸聞先生之高義敢問舍所

翁曰吾姓名且不欲人知况居室耶飲畢鼓枻而去

李無晦

李無晦字行中自雪川徙居吳江高尚不仕放意詩

酒晚治園亭名以醉眠蘇子瞻兄弟嘗過之為畱題

云

孫銳

孫銳字穎叔咸淳七年舉於鄉宋亡遂不復出隱居

平望之桑磬邨有林泉之勝時時賦詩寓意今所傳

者有耕閒集蓋木之遺民也

明

朱良實

朱良實字子誠父鳳有樵唱集良實讀書好古在元季有文名入明已老隱約不仕以詩文自娛號百拙老人卒年八十餘所著有松陵續集漁唱稿

史立曰縣固水國西北負土士民居其下者戶饒嘉木之榮溪藉石雲之潤故棲逸之徒多服道其中良實諸人因托為逸壤嗚呼賢哉

松陵文獻

卷十

主

顧諒

顧諒字季友後陸巷人博通經史作儀禮注值元末兵亂隱居不出性夷易不事吟哇結廬曰怡齋自號癡叟王行為癡叟傳曰予初識叟以其聲求之殊不類及讀其所著鷓鴣居樗賦始知之賦之要以為鷓鴣以微而依匪材之樗故能全其樂人謂其知白守黑者知白守黑欲進而退退所以進之術也叟寧是耶蓋虛以鍾其美耳其詞有曰以鉅而自屈於細兮致若是之遭迂苟忘微而夸大兮亦與是而同途是

又明夫各順其天不忒其儀之道也謂之癡者果非癡耶受以為癡者果癡非耶君子蓋知之

張璠

張璠字季連世居越溪以貴雄於鄉而璠獨輕財好學構素心堂日吟詠其中三吳名士多從之游自號南邨居士二兄理瑾皆以人才為顯宦璠毀形閉門自守而已州縣徵辟皆不就後竟坐黨禍籍其家所著有陶菴集

謝常

松陵文獻

卷十

四

謝常字彥銘少與陶振同師揚維禎學識該博著作醜麗尤長於四六洪武十五年舉秀才徐志在二十五年八月召見試丹鳳朝陽賦稱旨欲官之常以母年百有六歲請歸終養許之遂隱震澤之東溪教授生徒至永樂初猶存年八十三卒有桂軒稿東溪集

尹寬

尹寬字孟容黎里人性曠達隱居不仕號江南布衣工詩文與郡人杜壇陳寬輩齊名成化初卒外弟汝

訥爲詮次其文號易齋稿

史鑑

史鑑字明古曾祖彬以高貲爲稅長有任俠名坐累死秀水獄或云卽仲彬建文時爲翰林侍書有致身錄記從亡事甚異不見於他書不立傳鑑博學洽聞年十二三爲四六近體語卽驚人旣長肆力爲詩文雄淡古雅崛然成家足跡不出百里而人皆知其名狀奇偉須髯奮張與人論事辨說超卓雖尊貴無所屈長於史學論千載事如見若錢穀水利之屬尤所

松陵文獻

卷十

五

淡究隱居穆溪之西有園亭竹木之勝圖書供具皆極精麗客來就鑑鑑爲設先代之容曳履揮麈清談彌日其治家嚴如官府動遵古禮患里人以巫覡惑衆上書於縣欲盡除之曰此皆不容於先王之世者不除則風不正禮教何由而行耶巡撫王恕聞其名延見與論政務淡器其才嘗虛心咨訪未嘗以部民遇之弘治中卒年六十三所著有西邨集西邨雜言小雅日抄禮疑禮纂諸書

劉鳳曰明古性善交請謝賓客不吝算器家故饒四

方士歸焉雖在閭左名出公卿間郡縣吏皆下之有

所論議壘壘不窮頗亦愷激聽者爲傾有縱橫才若盡地利植經業賈市治生產故其習氣無論好書多所通解爲五言亦爲數君子所稱池館宮室占水地勝供張甚盛古圖籍雜器陳之西序詭衣冠與客談笑有四方志未遂少謁於徐公有貞而吳文定公與爲友王三原素好士亦以吳雅稱之故禮焉然論者猶謂其善市名或以爲文定累云昔白圭遭戰國以其術行之時而明古僅因以名亦由使者賢不替干

松陵文獻

卷十

六

旄之風憲孝問一時推盛雖在野亦有人矣哉

潘子曰余讀史氏致身錄曰異哉所聞以吳文定所撰墓志及明古家狀考之乃知彬以稅長洪熙中嘗上書闕下蓋富而好俠者也且未曾入仕何論從亡余少時嘗見明古所草縣志於仲彬事亦絕無記載或以爲畏禍故諱之耳乃西邨集於姚善周是修之死皆爲立傳無所避忌顧獨於先世之隱德沒而不書且并其官闕而削之有是理耶况孝廟時法禁已弛吳文定固賢者又以著述自命不宜汶汶若是夫

為人子孫者其先祖有是善而弗傳是悖也無是善而強名之是誣也然則為此書者不惟誣仲彬且誣明古矣余不敢信為實錄也劉子威先賢讚於明古頗多微詞要之其任俠負氣亦自有祖風哉明古長子南園君名永錫為諸生孫南湖君名臣為雲南叅議其卒也臣之長子龍灣君名長為行狀云寒家文獻起於西邨然而補弟子員自先大父始人仕自先君始長工書法今此狀真跡猶存卽刻本亦多傳人間可據以證致身錄之贗

松陵文獻

卷十

七

曹孚

曹孚字顒若平望人訓導謹玄孫也隱居工詩文善摹寫景物與同邑史鑑尹寬練塘凌震為詩酒交號四大布衣尤閑於禮儀人有婚喪必質之而後行無不允當所著有楓江集平望鎮志

王雲

王雲字時望宋大冶令份之後好古力學早歲能詩與沈石田周白川為友自言性耽吟咏遇物適情卽為品題不下千百餘篇但身經淪喪直以骯髒無賴

顛頓憂鬱之態發抒於其間耳藏之名山傳之其人雖曰未能然繕寫卷軸投費公卿之間竊所不願也居家孝友所積書幾千卷皆評閱數過丹黃相覆其勤如此正德末天子南巡將遂溯江西上縱遊雲夢武當而寧藩陰蓄異謀伺隙而動雲以白川備位大臣無所獻替貽詩誚之白川亦不忤也雲為諸生屢舉不第晚年再預鄉飲學者稱為葵南先生嘉靖中卒年七十有六

王叔承

松陵文獻

卷十

八

王叔承名光胤以字行更字承父自號崑崙山人少受博士業弗好好古文詩歌觸景匠心不為剽剝應酬語已而好遊所感遇悉發為詩遊吳越諸山水間作吳越遊編入閩作荔子編汎洞庭登九疑太和作瀟湘編遊齊魯燕趙縱觀恒岱諸山作嶽色編初叔承貧甚贊錢翁女以不能曲事翁若媪攜其婦出翁怒不予一錢叔承意廓如也有所善少年商生者為叔承謀曰吾聞趙王賢而好客盍往遊乎乃與俱之鄴而鄴時有客謝榛鄭若庸皆以文重於王然見必

蒲伏稱主臣叔承覘知之歎曰屈吾膝而奉吾口腹何策會商生病死葬之銅雀臺下因北入京師時世宗齋居西宮諸大臣應制謨青詞多假手文士而叔承客興化李公春芳所春芳強使爲之叔承謝不能弟爲草遊仙數章上覽而異之於是春芳大喜延之直所得縱觀上林太液宮闕禁籟之勝爲漢宮數十曲京師爭傳誦之然叔承意不自得輒謝去與王公錫爵范公應期胡公濬顧公養謙輩爲布衣交相得甚驩所至爭迎候之而叔承性簡亢無加禮意所不

松陵文獻

卷十

九

可而折無所避或資之遊取給而止濬以直諫死家不具饘粥叔承慟哭經紀其喪且振業其二子人比之原巨先云

沈汝和

本吳默撰傳

沈汝和吳江布衣也貧甚授徒自給修脯之外一無所取不得有一縑一粟之餽主人強之則怒形於色與人交煦煦和易口不談人過知縣劉時俊表其門曰廉真逼古人以爲當年八十餘猶手不釋卷一室蕭然其子以窘故或當午僅具饘粥頗慙悚汝和曰

吾正喜粥人招之飲未嘗不赴赴未嘗不盡歡坐中與客稱說古今娓娓忘倦一聞勢利猥瑣之談輒緘其口嗟乎若汝和可謂窮則獨善其身者矣

朱鷺

朱鷺字白民初名家棟爲郡諸生性至孝家貧授徒以養父頗能詩好禪理隱居華山中寫墨竹售之以此自給公卿罕見其面萬曆中議修正史鷺著論以爲革除四年之事孫蒙祖號死亂生年失無大於此者宜斷以史臣之權爲建文帝立本紀復其年隨錄

松陵文獻

卷十

十

其當時行事以存一代之典乃倣綱目作建文書法擬其後言者數以爲請上遂下詔復以建文紀年其議實自鷺發之爲人長身玉立風神閒遠崇禎初甘露降於華山撰甘露頌欲詣闕獻之竟不果至五年卒年八十

翁遜

翁遜字仲謙居城西門外性高潔獨行一意不喜見流俗人爲詩淡遠多苦思亂後西郊多吟社遜所與唱酬者自徐白顧有孝二人而外足跡未嘗妄有所

詣卽其門人來候有不如遜意者輒斥不令見嘗踽
踽獨行野外遇荒林曲徑則徘徊吟賞至於衢市所
在必紆道避之晨炊不繼意泊如也隣有好事者或
飲粟粥之遜義不受卒窮餓以死惟詩百餘首傳焉
包捷

松陵文獻

卷十

十

徐白

趙瀚

以下續纂

徐白字介白本嘉興人徙吳江性狷介不苟取予以
諸生久次當貢遭亂棄去隱靈巖之上沙有園數畝
無子女不蓄僮僕手一鎌種蔬藝果拮拾自給暇則
坐小樓作畫吟詩詩幽秀得晚唐風致畫蕭疎無俗
韻不爲人作自娛而已故舊相尋掃落葉汲泉烹之
清談終日使人忘世三十餘年不出山人謂之石隱
所善趙瀚字砥之士諤之孫亦需次當貢棄而耕於
野盡亡其世業家無儲粟宴如也爲人清恬和粹不

以氣節自高人尤重之與白先後卒

戴笠 章夢易顧偉

戴笠字耘野初名鼎立字則之祖天敘見孝義傳笠
孤貧力學爲諸生文行炳著渾厚薦誠與人居溫溫
終日而志節凜然非其義一芥不苟乙酉後入秀峰
山爲僧得禪學宗旨久乃返初服教授自資勤於著
述謂明亡於流寇綜其始末以月日爲次作寇事編
年采輯明末死義諸臣事蹟作殉國彙編自將相至
布衣無不詳載別紀烈女爲骨香集後死者爲耆舊

松陵文獻

卷十

十

集爲發潛錄又有聖安書法文思紀略魯春秋行在
陽秋等書共數十卷居同里之朱家港土屋三間旁
穿上漏炊煙時絕略不關懷惟孜孜編纂雜采朝報
野史叅之見聞口訊手鈔老而不倦海內著述家服
其精博惜多散佚不傳時同里又有章夢易字兩生
幼工舉子業有盛名中年棄去潛心經術著易筮詩
源左氏兵法楚辭補注凡若干卷顧偉字英白濱明
象數通曉曆術著書滿家皆博物洽聞隱君子也
吳宗潛 弟宗漢宗泌從子炎 葉繼武吳珂附

吳宗潛字東籬崑崙山人王叔承其外祖也兄弟七人及從子炎竝有雋才而宗潛尤雄肆爲諸生試輒冠其曹意不屑也雅負經世之學申酉間奮身許國與弟宗漢宗泌往來兵間數蹈危難兄振遠死之旣乃歸隱嚴墓村與吳興沈祖孝范風仁嘉禾金甌朱臨同邑葉繼武吳珂等結驚隱詩社士之高蹈而能文者胥集焉歲以五日奠屈原九日祀陶元亮而宗潛常爲之祭酒已而文字之獄數起宗潛遂隱於醫著名茗雪間治疾不問貴賤惟當事招之則不往人

松陵文獻

卷十

七

謂其通而介年七十八卒病亟猶口占古詩數百言袞袞不竭焉葉繼武字桓奏爲人溫厚靖深薦於氣誼居唐湖濱有煙水竹木之勝好友過從文酒畱連旬日不倦家故饒以好事破其產圖史蕭然興趣彌遠詩警切無浮聲吳珂字匡廬耿介有節槩詩思刻澁結撰務出人意表同人服其奇雋宗漢字南村宗泌字西山竝有異稟博學工文辭宗漢真純有至性一日學使者集諸生問行孰優舉宗漢者至百餘人無異辭平居恂恂體不勝衣而激於

忠義之死不避遭伯兄難棄家遠引久之乃歸雅好濂洛之學而不事表襮充養醇粹望而知爲哲人君子詩篇體氣高邁超然絕塵年未四十卒嘗以全歸自矢竟成其志宗泌強毅能辛苦以身徇義奮不顧家意有不得一發之於詩思致澁沉音節適美甚得中唐風格竟侘倅以死

炎字赤溟年亞諸父而才與之埒亂後棄諸生隱居教授初以詩文自豪旣念明代未有成史銳欲論撰而所善潘樞章與之同志乃約共成一書炎所任世

松陵文獻

卷十

古

家列傳二百餘篇博討國史家傳及郡邑志乘矻矻編纂寒暑無間手藁數易將有成書會南海莊氏有史獄炎名在叅閱中遂及於禍在獄賦詩慷慨神色不撓死後家口北徙妻張氏自殺於齊化門炎天才矯拔文筆勁健作史傳甚有體裁詳而核簡而明美惡不掩有古良史風遭難遺藁散佚人多惜之

張雋

董二酉

張雋字文通少有學行倪元珙督學南畿拔第一益厲志聖賢之學操行方嚴繩趨矩步學者翕然宗之

有經師人師之目著述甚富綜括帝堯以來至明代事蹟年排月次爲三部略每部有二十紀又以三部之年配之易卦以興衰治亂協爻象吉凶作象曆以五緯二十八宿分直卦爻作測象叙次理學諸儒列爲八門一一考其行事著書作與斯錄凡數百卷居湖濱之吳淩去南潯最近莊氏刻史羅列諸名士置諸簡端不問知與不知雋亦廁名其間遂坐死年六十餘矣雋之表弟董二酉字誦孫亦居吳淩從雋講濂洛之學踐履真純天懷粹白不言而使人意消亦

松陵文獻

卷十

五

預於莊史之難難作時二酉前卒竟坐其家

吳祖錫

吳祖錫字佩遠一字稽田尚書洪五世孫也父昌時吏部文選郎嗣父昌期廣西布政司叅議三世居嘉興故祖錫爲嘉興貢士崇禎末遭家禍痛不欲生家財十萬盡散之以結客慕申包胥張子房之爲人雖知不就意未嘗暫忘天情高邁神觀超然窘急不改其度能以片言使人意移卽怨敵亦願爲之死故屢蹈危難而卒自全乙酉後未嘗家居虎狼之叢蛟蜃

之窟王公曲室節使幕府無所不棲託其中之所存人莫得而測也生平足跡半天下山川隄塞如指諸掌奇材烈士靡不結納自負匡濟大略而無所試之竟齋志以沒丁巳歲死於膠東久之乃克歸葬

王錫闡

王錫闡字寅旭雲之曾孫生而穎異多濶濶之思詩文峭勁有奇氣博極羣書尤精曆象之學明代用大統曆惟疇人子弟習之儒生已罕有知者至西曆尤濶與非專門授受莫能通錫闡聽悟絕倫覽西人書

松陵文獻

卷十

六

輒能明其法數并所以立法之故久而洞徹源底謂中曆西曆互有短長乃自創新法用以候日月食頗密於前人諸割圓勾股測量之法他人所目眩心迷者錫闡手畫口談如指黑白每言坐臥嘗若有一渾天在前日月五星錯行其上其精專如是所著歷法歷說大統曆啓蒙解圓三辰儀晷諸書通曆術者視之以爲專家不逮也爲人孤介寡合古衣冠獨行踽踽不用時世一錢其志節舉羽所南之流亞也年五十五卒無子

朱鶴齡

朱鶴齡字長孺弱冠試第一補弟子員亂後閉戶著書長於箋疏之學先註李義山集錢宗伯謙益見而稱善貽以僧道源所註本令足成之謙益自註杜集未就併以與鶴齡令薈萃成書而鶴齡頗立異同謙益不樂遂各自為書兩行於世鶴齡晚年尤究心經學著毛詩通義尚書埤傳讀左日鈔諸書甚有功於經傳生平殫精書史遺落世事晨夕一編行不識路途坐不知寒暑人或謂之愚因自號愚菴命所著詩

松陵文獻

卷十

七

文為愚菴小集年七十餘卒

顧有孝

周安

顧有孝字茂倫為人開美長身玉立善談論喜交遊家釣雪灘陋巷蓬門四方賓至無虛日有孝傾身攬接憂人之憂急人之急既盡其產復瀕於難不悔也明末吳中詩習多漸染鍾譚有孝與徐白潘陸俞南史周安顧樵輩揚摧風雅一以唐音為宗有孝選唐詩英華盛行於時後來詩體為之一變繼又有五朝詩鈔明文英華諸選雅好汲引人有寸長必咨嗟激

賞寒素多依以揚聲故雖布衣窮居而名聞海內周

安字安節樂道甘貧蕭然遺世詩格清遠不事雕飾

而天趣爛然顧樵字樵水志尚冲素於世無營詩雋

永有錢劉風味畫入能品每橐筆遊山水圖而詠之

雷進忘返焉

朱明德

計大章王載

朱明德字不遠少治經義有聲從而學文者戶屢常

滿隱居爛溪之濱作廣宋遺民錄以見志諸隱者多

輕世肆志或以語言文字賈禍明德內介而外和不

松陵文獻

卷十

六

為矯激崖異之行故患難不及潛心學道教授有方

即俗學而引之理學弟子著籍者凡數百人晚年有

得於性命之旨養克神王至老不衰同隱溪濱者計

大章字采臣亦閭修之士早歲嘗見黃公道周勉之

曰學不愧人字可矣大章服膺終身講學以體認天

理為宗不多著述年八十餘卒王載字咸平隱居梅

里學不為人隱不近名亦味道而有得者也

張嘉玲

張嘉玲字佩蔥兄嘉璠辛丑進士嘉玲才藻與兄埒

其初銳意進取既而與桐鄉張履祥烏程凌貞遊聞作聖之學翻然嚮往厭薄時趨學使者按部嘉玲已食餼足及門而不入以謝諸生勇於蹈道講求古禮而力行之飭躬砥俗非義不履潛修默契日造精微力排雜學一以程朱為宗方欲有所論著病作遽卒年未四十履祥稱其徒義之勇析理之精既弘且毅日進而未見其止天天其年斯道之不幸也

松陵文獻

卷十

元

松陵文獻 獻集卷十一

邑人潘樾章力田撰

人物志十一

高僧

宋

德一

德一吳江人建炎初為金人所擒遁歸卓墓村結草菴以居暑月煮茗施行人人未之奇也既卒其徒法才用火葬於烈燄中得其所持數珠人皆驚歎因名

松陵文獻

卷十一

元

其菴曰留珠元洪喬祖撰碑記趙孟頫為書之至今尚存

元

善如 本續燈存藁

善如字愚仲吳江人嗣法徑山端禪師言不妄發信筆而書出世蘇州開元寺道望烜赫退居葑門直指菴人稱之曰直指和尚將終呼門人訣別泊然而逝

祖瑛 本續燈

祖瑛號石室吳江陳氏子出家於邑之普向寺得法

徑山晦機禪師住明州隆教雪竇育王及杭之萬壽
晚年得痿痺疾造一龕曰木禊日坐其中不涉世事
至正癸未三月見一衰衣婦人叩頭請師應身為國
王師曰吾不願生天王家逾十七日跌坐而化

原妙

本行狀

原妙號高峯吳江徐氏子母夢僧乘舟投宿而孕襁
褓即喜跌坐十五出家叅斷橋倫令究生從何來死
從何去脅不至席口體俱忘叅雪巖欽令看趙州無
字每入室輒被痛棒一日覩五祖演和尚真讚有省

松陵文獻

卷十一

三

自是當機不讓久之欽問日間浩浩時作得主麼曰
作得主睡夢中作得主麼曰作得主復問正睡着時
無夢無想無見無聞主在甚處師無語入龍鬚苦叅
五載因同宿僧推枕墮地作聲廓然大徹咸淳甲戌
遷武康雙髻學徒雲集遁入西天目之師子巖巖拔
地千仞峭石林立就石洞營小室如舟榜曰死關悉
屏給侍破甕為鎗併日一食弟子亦罕得見道價彌
重學者多殊方異域梯山航海而來師設三關語驗
之下語不契輒閉門弗接元貞乙未冬鳴鼓告衆說

偈而逝塔全身於死關師行履孤高機峰險峻屹為
宗門砥柱其語錄盛行至今

明

弘道

本青烏志

弘道號竺隱吳江沈氏子少穎悟日記千言出家青
墩之密印寺從魯山文法師遊淹通教典謁我菴和
尚於天竺溪得教觀權實之旨洪武初築室澄源溪
上將終老焉尋奉旨箋註楞伽諸經頒行天下御製
竺隱說賜之後與楚石琦同召入京為僧錄司左善

松陵文獻

卷十一

三

世孝慈皇后崩岐陽王請作佛事於靈谷感神燈數
千照耀林木奉詔為征南將士設廣薦大駕親臨有
靈光四燭祥雲冠山之應二十四年告老居長干坐
臥小室修一行三昧明年秋跣跌而逝茶毘舍利無
筭塔於天竺雙檜峰

古拙俊

本續燈

古拙俊禪師吳江人出家越州日鑄寺叅石屋琪及
三衢懶牧得禪定工夫叩古梅三見三被棒歸里立
限壁觀九年每三年燃一指歷燃三指忽大獄徑見

天人師言訖不見遂能語性雄毅貌偉不羣生不喜見婦人年十七仗劍將遠遊宿虎丘僧舍聞誦八十八佛名大喜晨解腰金設齋求剃度去而叅方聞僧誦張拙秀才偈大疑之頭面俱腫一日忽悟腫處頓消自是凌轅諸方過匡廬窮相宗奧義叅徧融於京師掩關淞江復加興楞嚴寺募刻藏經易梵本爲方冊天下便之 近五臺峩眉諸名山修復巨剎十五所所至緇雲 稱紫栢大師慈聖皇太后聞其名賜紫伽黎神宗皇帝遣中涓致問焉師勇於救護不

松陵文獻

卷十一

木

惜軀命嘗歎曰慈山遣戍不歸我出世一大負礦稅不止我救世一大負傳燈未續我慧命一大負遂自匡廬復入京師妖書事起誣奏及師逮下詔獄榜掠狼藉猶與同繫者從容說法如平時一日索浴說偈 慈山而逝待命六日顏色不變還葬徑山肉身儼然慈山作塔銘謂師見地直捷穩密不忝轉輪真子面目嚴冷接人不用世情悲願利生弘護三寶是名應身大士云有紫栢集十五卷行於世

性冲

本續燈

性冲字古湛秀水張氏子初以俗士見無趣空禪師有所契遂棄家剃染尋受付囑結茅徑山開法吳江之車溪菴提唱真切道風遠聞菴居二十餘載萬曆庚戌應徑山祖庭之請疾作仍返車溪終焉

通問 本行狀

通問字箬菴父俞安期見文學傳安期晚年無子設百日無遮大會而師生弱冠穎異能文偶閱楞嚴有疑謁磬山修禪師矢志叅究將婚脫走武林落髮南澗之理安寺叅密雲於金粟不契仍上磬山夜聞風

松陵文獻

卷十一

木

聲有省益加精研洞明宗要出世南澗移住夾山金山繼主磬山祖席復應嘉禾漏澤之請凡五坐道場說法如雷宗風大振乙未秋預知死期散衣裝圖書與檀護訣別泊舟吳江之應天寺沐浴更衣而逝師體甚羸弱而神觀精明條令嚴肅衲子多望崖而返惟真叅實究者依焉至今稱南澗門風清嚴孤冷諸方莫及自五燈會元後四百餘年無編纂者師乃徧搜諸宗師語錄舉要芟繁爲續燈存藁十二卷禪林服其精當

通賢 本塔銘

通賢字浮石平湖趙氏子生不茹葷將婚逃於普陀落髮焉歷叩真寂雲門情無入路乃偕同志上鷹窠山頂掩死關聞舉屍在這裏其人何在有省得法天童悟和尚為末後囑付弟子出世吳江遜村之報恩寺寺有三石佛自海上浮來其額曰古佛重光師俗名董光法號浮石如識記焉繼席天童歷應廣慧福城之請為人樸實慈和與物無競學者樂親依之稱嗣法者最眾竟終老於遜村

松陵文獻

卷十一

八

道術

宋

陳昉

陳昉縣市人慶曆間為縣吏掌刑名以廉謹惠愛稱無妻子惟蓄一婢性嗜魚每食必以二魚為餉一日餉至而昉適他出同舍吏戲竊其一置舍席上昉歸以為婢所匿也怒責之時向暑舍席生蛆墜几上昉視之乃魚腐也始悟婢寃歎曰此小事尚然况吾為吏決大事能無寃耶遂辭役作詩詩云二十餘年作吏人後園花木地

松陵文獻

卷十一

九

成林盡是筆頭那撼得枝枝葉葉有寃弊刑重惟恐囚人怨情輕又怕本官嗔不如無事早歸去免得生寃對死鬼別親友從縣前運河洞中而去洞甚深相傳通太湖之底上聞浪聲行七十里可出洞庭山後數年有道人沽飲肆中將別畱一壺為贈曰以此償酒價貯酒當佳既去忽見酒旗上題云昔年陳昉登仙處酒味松陵第一家主人驚異取壺貯酒則香美異常自是沽者羣集家遂致富始知昉已仙矣因名其洞曰仙人洞洞上有橋曰仙里橋云明嘉靖間知縣張明道作亭其旁曰仙跡亭按真仙傳亦載昉事謂其

放魚得報於長橋踏白石上昇郡志因之益誕妄不足信

元

富恕

富恕字子微號林屋山人宋丞相弼裔孫南渡來吳幼習舉子業值元季兵亂遂棄家爲昭靈觀道士然好學不倦善歌詩有名搢紳間嘗別築室雪灘之濱題曰掛簑亭又繪仙山訪隱圖一卷寄興雲海之上遂昌鄭元祐爲記亟稱其人云同時有膺擇中瑛石

松陵文獻

卷十一

十

室皆吳江名僧恕與往還唱和爲方外交

雲外道者

雲外道者木真氏名靈保字佑之王逢梧溪集曰予過吳江同里洞真觀黃碧巖丹房會雲外道者曰嘗爲鎮南王長史統騎兵五百人征汝蔡妖黨以功聞賜金幣上尊陞司馬至正十六年二月長槍軍帥大小張鑑叛據揚州王退駐淮安時憲使褚不花拒寇趙負城胡陳寨首鼠兩間靈保說胡誘獲趙人畜千百計既饑軍民相食數求老張平章援不爲應復將

王命間道走京師告危急狀授濟南路治中議督諸部救十月城陷不花拒敵死王被執逾月不屈妃某偕水死焉靈保得王凶問由海趨浙遂寄跡老氏蓋數年矣與之交旬日意氣殆欲相從於閩風之上者因壯其前高其後序而詩曰菲衣麻屨今道者元是親王右司馬雪尾羔羊蒸瓠肥金盤露酒明河瀉主畫才優形邸間督戰功收霍丘下濟南別駕本遙授誓欲勤王膏草野先時張鑒叛揚州孤軍退在籌邊樓老張平章擁精銳間道蠟書躬遠投近郊雖順等

松陵文獻

卷十一

十一

狼子千里橫巨長淮鱗鵠形徒志牛後燕龍種竟逐鷓夷浮中胥血淚霽雲鏃落景荒寒影悽獨去燕留吳百朮胸蘇臺又復遊麋鹿三萬頃湖七十峰一節一篷娛老足胎禽將雛桐白華遇我黃石仙翁家蒞珠真經口暗誦滿月澹暈天東霞來者玩迅電往者歎逝水擬招安期生更拉偓佺子閩風共揖長爪姑試問蓬萊清淺還有幾

明

胡道安

胡道安字安谷性狂戇人呼胡風子為玄妙觀道士師計玄老晚遇異人授青城太乙雷書及斬勘魃魔秘旨洪武末吳中秋早知府延道安致禱道安登壇醉酒詬罵怒髮衝冠令下陰雲四合雷雨大作知府甚敬禮之

楊茂林

楊茂林字湛然有道行不用符檄書片紙能役神鬼永樂五年文皇后崩大集黃冠修醮事資冥福茂林以白衣見上異之命以官不受賜法衣俾遊四方會

松陵文獻

卷十一

三

吳江大旱署縣事王懋本延之禱雨雨隨澍因畱之崇真道院構方丈以居在院屢著靈異一日忽蛻裘履而逝蓋百餘歲云後有自洞庭還者遇茂林授以二履令攜歸人始知其僊去

鄧青陽

以下二人本同里先哲記

鄧青陽全真道士也金丹內煉之功既成雲遊物外自武當往武夷因過同里隱者范伯彰延之家塾聽講神清氣肅見者竦然嘗著觀物吟百篇皆託物以喻性理之旨後數年尸解而去

俞嗣宗

俞嗣宗字廷遠儀表修長音吐洪暢傳靈寶齋法默契其妙醮筵歲事終日無惰容其誠敬類如此久居仁濟道院闔郡知名年九十有六

松陵文獻

卷十一

三

藝能

明

馬孜

馬孜字彥強善書洪武中嘗受薦不仕

盛寅

弟宏子僕從子倫

盛寅字啓東以字行逮之子少學於王山人賓察脉處方有奇效永樂間有內侍以蠱斥居外久之上望見驚曰而固在耶對以寅實生之得召見授御醫太子妃孕而疾動寅謂當與利藥諸醫皆駭阻妃聞令

松陵文獻

卷十一

十四

言利藥者進治立愈大被賞寅在上前持論梗梗以此愈重之扈從北征洪熙初掌太醫院賜勅褒美宣德中嘗應制賦瑞雪詩一日與同官奕於御藥房上猝至不及屏因叩頭請罪上覽局咨賞令賦觀奕詩明日御製醉太平詞以賜其家至今傳之寅節操不苟嘗夢有寄胡椒者私啓之覺而踉蹌遂至累日巡撫周忱與道故舊餉餘糧米百斛寅以詩却之忱服其高致臨卒作詩三章年六十七所著有流光集弟宏子僕從子倫俱以醫顯故盛氏世世隸太醫籍云

先賢讚有命啓東視黑白猿疾事類戲蝶不根且他書不載故削之

宏字叔大亦為御醫與寅齊名景泰初治宮妃疾良效當進官不拜以家世隸軍伍請除之報可尋致仕僕字汝德勤學有行誼寅教之曰醫貴有德顯則出入禁密微亦往來閭閻不可不慎也僕謹受命父卒醫遂大顯不以貧富二其心教弟佻成進士嘗使家僮輸糧於官多取一籌以歸僕怒責之置米屋後以飼鳥雀其立志如此從子暄徐志作字用美早年應舉不偶遂更業醫精其術存心仁厚士大夫皆禮重

松陵文獻

卷十一

十五

之成化初召入太醫院將擢用以母老告歸久之自撰墓誌而卒年七十五子乾亦善為方有父風倫字文敘性明敏少傳寅學又遇異人授堪輿家言尤精其術人以疾求療及相地者殆無虛日盛伯瑄以下三人出同里先哲記及歸田藁盛伯瑄其先揚州人隨父宦遊華亭會中原道梗徙居同里性耿介寡與勤於問學為詩務出己意不喜與人賡酬善以子平之術推人貴賤貧富壽夭累著奇驗安貧樂道壽終於家獨行之士也二子謫戍南

荒以歿遂無後

麋仲康

麋仲康於醫甚深內經諸書唐宋以來名家之所論辨皆能鉤摘幽隱切脉治病有十全之效然不及汲於利故鄉人尤德之子宗伯能詩章善墨梅醫術益顯

周孟堅

周孟堅世以醫名同里迨孟堅尤精其術所試輒效知縣王廸雅重其為人名其堂曰恒心成化中入太

松陵文獻

卷十一

七

醫院後歸自京師聲譽益振人有求者隨扣輒應不以終始易節縉紳皆折節下之同時又有蔣士能善瘍醫亦世業也

陸復

陸復字明本善畫梅自號梅花主人嘗至金陵用黃紙題門自驚魏國公出見之訝其僭妄執之復謝曰愚民不識禁忌因問何能對曰能寫梅耳命畫於粉壁高數仞復染翰操管頃刻而成公大喜賞之更加禮焉由是名重兩京

鄒明

鄒明字啓東善傳真得意時絲髮無不肖者

沈與齡

沈與齡明醫不為危言高論而所治十不失二三遠近神之稱為竹亭先生有醫便行世

周叔宗

周叔宗名祖以字行用之孫好禪理工真草書自言得晉人法有高韻嘗至京師名大噪時人求其泥金書者一字一金同時有顧澄先者字慧曉工歐陽書

松陵文獻

卷十一

七

體嘗放叔宗筆意往往酷肖而氣骨不如識者以此別其真贗

張金

張金字德純以字行居梅里有花木之勝以畫猫自給人或買縣堂中真猫見而怒與之鬪名遂重知縣劉時俊高其行嘗屏騶從造其門短几山看相對移晷

皇甫焯

皇甫焯字文含叅政渙孫博學能文旁究六壬遁甲

之術崇禎十年以明經對策京師有試其術者扣以日中休咎焯占之曰今日主馬驚其人晒曰吾此馬服之二十年騁高凌阻如履康莊何至罟駕為哉將歸謂馭者曰善控之母為皇甫先生笑也行未二里馬遇橐駝駭而奔其人僅免心服焯之奇中自此知名京師

黃宸

黃宸自稱長嘯生善山水花鳥兼長八分書性嶽嶽不喜附麗有隱者風從子鳴鳳亦善寫生

松陵文獻

卷十一

六

潘子曰余聞之自嘉隆以來縉紳先生風流弘長類多兼能如周公用顧公大典竝擅丹青而曹公鏐薛公穆為之亞王公問汝公泰竝工書法而朱公應辰凌公信為之繼以至吳公涵善篆沈公璟善四聲珣善隸此數君子者文章政事表表耳目皆不以一藝名故無得而贊焉然亦足見一時文雅之盛云

松陵文獻

獻集卷十二

邑人潘程章力田撰

人物志十二

列女

宋

張二娘

張二娘湖州人嫁邑民陳熙載年二十而寡徐志云二十三父母憐其無子欲奪之不從以夫從子煥文為後事舅姑無失禮年八十餘元大德二年旌其門

松陵文獻

卷十二

元

獨吉氏

獨吉氏斷事甯六舍妻也夫亡守節不嫁至順二年被旌

明

阮妙瞻

阮妙瞻郡人時卿女嫁劉彥敬年二十五而寡子真裁五歲且姑已老妙瞻竭力奉養訓子讀書仕至河間府通判鄉人榮之洪武十年旌表

楊六娘

楊六娘查華二妻也年十七而嫁有娠未產而夫卒及生子名勝十躬自教育以承宗祀洪武十九年旌

表

按實錄洪武二十年夏四月吳江民劉某妻阮氏查某妻楊氏皆年少夫亡不改其節詔旌表其門據此則二婦同在二十年旌表而舊志一以為十年一以為十九年未知孰是姑從原文

錢氏

松陵文獻

卷十二

二

錢氏太倉人嫁同里胡原洪武三十年原戍雲南逃還事覺坐棄市錢曰君萬里歸為妾耳今君死妾何忍獨生至夜分抱乳下兒泣曰吾不能保汝矣遂自縊年二十八袁華為傳

陸氏

陸氏吳江民王永年妻年少喪夫育孤有方守節無玷正統七年三月旌其門見英宗實錄莫徐二志皆不載

凌淑貞

凌淑貞太常少卿信之女兒也歸同邑范忠忠早死淑貞守節不渝天順五年三月旌其門

張福真

張福真湖墓邨小家女也嫁黃偉偉父茂故為許氏奴居城西賣漿偉死茂貧且鰥福真度難與居遂歸父母家父母強之他適自知不免佯許諾擇日當行乃粧飾衣常服密自經死時弘治五年十一月十六日也年二十五知縣金洪聞之欲為奏聞而里老懼為累不以實報遂止

松陵文獻

卷十二

三

事見莫旦續志較徐志所書頗為詳覈蓋福真實以舅家貧且鰥無所依故不得已而歸父母家志不見諒遂以死繼之耳而徐志云茂將嫁之又云沐浴更衣辭其舅姑而出不知奪其志者乃父母非茂也而茂已鰥居又安得所謂姑而辭之紀載失實如此不可不辯

王氏

王氏少孤事大父繼宗盡孝贅趙維為壻年二十而維死繼宗欲更嫁之不從携二女以居躬紡績以養

大父如是者三十餘年有司以聞弘治十二年旌其門

沈氏

沈氏知縣愚女弟也歸吳嵩嵩溺死無嗣竟不他適正德十三年被旌

顧氏

顧氏歸龐榮榮病瘵十年而卒顧哭之哀遂至失明父寬家故豐欲迎養之不從曰兒雖大人遺體然有家在不可畱也事姑能盡孝鄉里稱之正德十六年

松陵文獻

卷十二

四

旌其門見實錄徐志云嘉靖三年誤也

陸潔

陸潔許謨妻也年十八而嫁二十謨亡潔卽斷髮破面示不二志奉老姑撫稚子人無間言嘉靖十一年旌表卒年八十八

錢如潔 附沈氏 本社偉墓誌

錢如潔父皓世爲儒林里著姓少字按察僉事曹鏐長子糖糖有癘疾不能娶自願解盟皓不聽鏐乃先娶小家沈氏女與糖居以試之糖終不知人道於是

又申前請皓從之如潔微聞卽欲自經母防守不得

死稱病不食母強之如潔曰獨不聞蔡人之妻宋人之女故事乎母以爲然乃始食常晏居淡念偶見侍

者棄敝衣於地呵之曰衣敝也而棄之假令而夫病也亦將棄之乎父母知其意防守益密而潛以女更

許烏程溫氏如潔聞之復不食母慰諭三晝夜乃稍

蔬食自度求死不得乃佯爲歡笑如平時守者稍懈

將行之夕沐浴更衣大書寢壁遂東向自經死以曹

氏所居近東也時年二十六後二年糖卒沈氏年尚

松陵文獻

卷十三

五

少姑董氏憐欲嫁之沈氏泣曰錢母未歸也猶能捐

生以殉而妾旣歸矣又誰歸哉自是屏居一室足不

踰閩嘉靖四十五年巡按御史溫如璋以沈氏貞節

聞詔表其門獨不及如潔以世宗年高方祈天永命

諱言死故遺之也沈氏謂錢母正適未蒙旌典讓不

敢先至萬曆二年乃卒年八十有五嗣子大武請於

錢氏迎如潔柩以歸遂合葬焉邑人稱曰雙烈

徐志書雙烈事多未覈今以吳中往哲記及墓誌

參定之徐志云糖卒溫氏來迎女知不免乃屏人

參定之徐志云糖卒溫氏來迎女知不免乃屏人

闔戶沐浴更衣書於寢壁云前緣已定禍福同當
遂自經死遺書與其姑董求葬曹氏墓從之按錢
女之卒在正德癸酉禧卒在後二年乙亥而謂禧
卒於溫氏來迎之前不知曹氏已解盟矣固不必
待其卒而始議他適也書壁之詞凡十四字即居
恒自念只有一船搖兩櫓何曾一女嫁雙夫兩語
耳徐志云云不知何據至於合葬之事成於萬曆
甲戌嗣子大武之謀距錢氏之卒已六十餘年而
謂女自請之其姑從之不亦疎乎噫即此一事已

松陵文獻

卷十二

六

不勝抵牾可見史事之難即讀史者亦未易也

黃氏

黃氏凌士奎妻士奎沒黃氏年僅二十一有遺腹孤
曰安親鞠之以至成立守節終身

費氏

費氏父庸年十八適郁瓚期年瓚卒無子矢心守節
剪髮自誓已而脫簪珥營葬具因為壽藏以俟曰我
未亡人也孀居三十五載人無間言嘉靖三十八年
旌表

沈氏 本周道登撰傳

沈氏憲副啓曾孫女也年十八歸王子遠未踰歲子
遠卒無嗣家貧依母以居沈氏哭曰所以不即從王
生地下者欲求一胤子以繼烝嘗倘四十無後是天
也吾竟下殉王生矣已而子遠弟孔章舉子洪祉沈
氏適四十遂以為子遠後子遠屬續時以短幅作書
遺甥疑之沈氏得而帛囊之以自佩曰此王生書也
覽之輒泣下垂四十年而以帛囊泣授洪祉曰此爾
父書也平生足不踰閩言不出閩巡按饒公以其節

松陵文獻

卷十二

七

聞於朝加旌異焉

沈氏

沈氏諸生周甸妻夫早亡守志不貳萬曆三十年旌
表

姜氏

姜氏姜誠之女年十九適吳會會故非溪舊族遷長
洲之葑溪善丹青姜氏歸會僅半載而會與其父及
大父母相繼染疫死姜氏奉姑朱氏誓以死守家貧
甚日勤紡績以供饘粥先是會娶婦時曾貸其友白

金三兩會歿友欲取償因說其姑令姜氏改適姑猶豫未決姜氏遂慨然入內寢自經死後事聞表門建祠詳見長洲志

凌貞女 本朱陞宣撰傳

凌貞女同里人字里中徐生應化未娶而天貞女聞之泣請於父母欲往臨其喪不許則撫膺曰兒徐婦也父母禁兒行將何以爲兒有死而已父母不得已強聽一往貞女往卽易衰絰伏尸哭極哀水漿不入口者數日保姆乘間趣貞女歸貞女曰此吾家也又

松陵文獻

卷十二

八

安歸卽是時徐氏內外無不驚異貞女然以其年方少不欲留之而貞女則堅欲留誓不復去久之其舅死姑獨與貞女居又不能給薪蔬貞女益務操作以供養姑歲大稔斗米至二百錢而貞女以其力作所得更市美好以進姑爲感泣姑嘗疾困貞女割股肉以啖之姑失明貞女屢舐其目已遂豁然人以爲孝感嘗立從子爲嗣竟不祿及姑卒并舉其舅與應化之喪皆貞女以一身任之自童年歸徐以迄於老飲食臥起必依徐郎柩哀感閭里巡按御史以其狀聞

詔旌其門歲給粟帛終身

沈氏 本陳宗之傳畧

沈氏吳江人從父徙吳適黃居堂家壁立工丹青二十四居堂死歛畢卽投環居堂兄覺之泣曰弟無後而有遺孕倘生男弟不死矣沈氏拭淚從之屏處一室椎髻垢面日勤刺繡或臨夫畫冊粥斗粟自給後果生子元吉稍長卽課之讀篝燈緝績每隆冬單衣膚肉皴瘃至夜分欲寐引針自刺其臂年餘五十父患瞽無子獨棲阜峰山沈氏曰非我奉養不能全

松陵文獻

卷十二

九

父餘年矣乃歸父茅舍親刈草春米以供朝夕崇禎十年提學御史疏其節孝詔旌表

何氏

何氏邑民湯敏妻守節四十七年崇禎十年巡按御史以聞詔旌表

周氏

周氏四都人父早卒育於伯父諸生行簡年十二字邑人顧士彥未及婚而士彥患蠱奉侍湯藥者四年士彥竟卒周氏事翁姑以孝謹聞翁姑憐其年少謀

令更適周氏覺之乃剪髮毀容以絕其意萬曆三十
九年知縣魏士前高其節為加笄表門後翁姑沒含
歛如禮尋即所居以葬顧其地接吳氏祠堂所以誘
脅改葬者萬端周氏不得已乃聽遷而身依族子以
老年七十餘乃卒論者謂周氏固女也而全乎其為
婦且全乎其為子養生送死始終一節嗚呼難矣
潘子曰傳列女者所以愧夫男子而二其行者也然
而苦節幽光考見為難莫志所載非旌表者不與近
於隘矣且旌表者類有力者得之匹婦慕義將何所
松陵文獻 卷十二

勸焉徐志菟採加詳然亦不數數見也以余所睹記
往往家傳伯姬之操人表少君之行雖未能盡書然
是足以風矣至於乙酉以後海宇版蕩士大夫往往
偷生蒙面而紅女田姬乃能駢頸連臂視死如歸一
邑之中後先相望何其盛也余友戴笠業已彙錄為
一書而余采其尤者綴於篇

張氏 附張氏程氏

張氏諸生沈承銘妻乙酉十月十三日賊至盛澤被
執張氏自紉其衣賊欲解之以刃自刎死同日遇害

者有張敬字女盛澤人也字於邵賊焚其家挾女出
女奪刀自刎其面賊怒殺之又有徽州民程振華女
寓盛澤賊欲污之不從赴火死

顧氏

顧氏諸生顧而雅女同里人歸於陳乙酉八月二十
一日賊至殺其夫復逼之且哭且罵見殺於野

許氏徐氏顧氏沈氏

許氏太學生馬孟翔妻徐氏民徐華字女顧氏民顧
玉洲孫女年十五皆同里人也賊至俱赴水死又同

松陵文獻 卷十二

里諸生沈襲嘗女為賊所獲斷臂而死

張氏 附邵七妻

張氏許墅關人吳江諸生陳偉妻丙戌正月十五日
吳勝兆兵入城被執給守者投寶帶橋下死後月餘
求得葬之貌如生邑中人士多為詩文以弔焉同時
有邵七妻居西門外被掠至寶帶橋亦赴水死

張氏

張氏諸生顧應鼎妾賊逼污之哭誓不屈遂要斬焉
顧詵妻 附陳氏吳氏

諸生顧詵妻某氏遇賊不辱赴河死又有陳氏者諸生陳若來女年十七賊至投水賊救起氣未絕少選復投水死吳氏者亦儒家女遇賊赴河挽之出即抱樹不可解被殺

徐氏

附翁妻

徐氏與夫程某同避賊夫以金數兩授徐氏獨前遇賊見殺徐氏曰夫若懷金可以免死我何忍獨生亦赴水死時有翁某妻舟行遇賊先殺其夫將汚之妻曰殺吾夫即吾讐也奮罵不已遂被殺

松陵文獻

卷十二

十一

沈氏

附邵一妻

沈氏諸生陳啓瀛妻貌美而賢事翁姑以孝聞乙酉七月兵入同里啓瀛以全髮梟於市沈氏偕子女匿竹林中兵搜得攜其子女去復欲執沈氏沈氏倚竹誓死不肯去兵怒斫其臂遂仆地死而一手猶握竹節堅不可脫人咸異之邵一妻某氏貌頗美被執至舟中怡然如常兵不爲備至寶帶橋投水死

陳五媳

民陳五媳某氏黃家溪西水橋人年二十賊害其夫

因逼之某氏僞許焉挾以登舟伺間跳水死

徽商二婦

徽商某妻妾二人避難吳江洋雅港遇賊妻自溺死妾被獲不從痛罵受三刃而絕

徐氏

徐氏盛澤沈仲衡妻乙酉兵至匿屋壁中火發出投社廟一卒露刃脅之抱柱不行強牽以去經白漾自投於水卒復出之驅令登舟大罵觸石卒怒刃之被七創而死

松陵文獻

卷十二

十一

補遺

顧氏

顧氏光祿監事綱之女歸吳邦棡僅歲餘邦棡卒業太學病沒顧年二十四誓不改適事孀姑以孝聞嘉靖四十年旌表

寓賢

志有寓賢蓋人物之別見者也邑當吳越之衝素擅江湖之勝故停車問津者往往而有然或游而非寓則例不得書或寓而非賢又不必書也徐志列陸龜蒙范成大於寓賢中余既據史傳駁正之矣若黃由姚廣孝皆以同郡之人名之曰寓夫壤地相接過從往來何所不有若必一一借書繁複已甚且余作是書雖托始一邑將藉為三吳之權輿若彼此互用亦何用此駢枝為耶故謹而削之非敢略也

松陵文獻

卷十二

古

宋

方滋

方滋字務德少寓應天寺建炎間歷浙西提舉司幹官乾道中知紹興平江二府

元

楊維禎

楊維禎字廉夫會稽人泰定中舉進士官至待制至正中避兵華嚴寺尋徙松江築玄圃蓬臺海內文士造門納屣殆無虛日自號鐵崖既得鐵笛號鐵笛道

人洪武三年召修禮樂書維禎賦老客婦詞以進上喻其意賜安車詣闕留百餘日書畢即乞骸骨命仍以安車送之抵家而卒年七十五維禎天才逸邁所著詩文為學者所宗號曰鐵體邑人陶振謝常輩皆其門生云

錢惟善

錢惟善字思復錢塘人至正辛巳鄉試出羅剎江賦鎖院三千人皆不知錢塘江為曲江維善据枚乘七發引用因此得名遂號曲江居士官至副提舉張氏

松陵文獻

卷十二

古

據吳遂不仕退居吳江同里與楊維禎倡和有句云笠澤水寒魚尾赤洞庭霜落樹頭紅又云漢史丁公那及齒陶詩甲子不書年蓋感時事也已而移居華亭洪武初卒與維禎及陸居仁同葬干山號三高士墓

倪瓚

倪瓚字元鎮無錫人詩畫清絕為世所重至正間避兵邑中寓同里及華嚴寺士大夫爭延致之見俗子輒避去不顧張昶人物志云瓚元季鬻田百千緡悉

與張伯雨晚年扁舟江湖多依止僧房道館寓松陵
與陸靜遠虞勝伯爲友靜遠子願其子壻也時崑山
顧瑛亦棄家隱同里僧寺故江陰王逢懷瑛詩有九
里水雲孤櫂泊半樓霜月兩尊同之語

明

丁敏

丁敏字巽學本烏程人詩文典雅元末徙居吳山之
麓與里人袁鞞張壽輩相唱和繞屋皆植梅常笑傲
其下有詩集傳焉

松陵文獻

卷十二

七

董遠

董遠字仁仲天台人少以遠大自期不事家人生產
精朱氏詩兼通左氏春秋至正中兩試有司不中遂
畱錢塘潛心古學不復以科舉爲意已而入吳止天
平山復寓松陵之梅花莊張士誠聞遠名遣使奉書
幣迎之遠受書返幣堅臥不起使及門者再乃避地
錦峰依浮圖氏以居吳元年徵赴京師以沉嘿不稱
旨謫居濠梁八年以薦授莆田知縣時年六十餘矣
其治莆田以循良稱後卒於吳

王禕

王禕字子充義烏人元季覩時政衰敝走燕都上書
不報歸隱青岩山中太祖徵爲中書省掾進平江西
頌上喜曰浙東有二儒卿與宋濂學問之博卿不如
濂才思之雄濂不如卿詔修元史與濂同爲總裁官
書成拜翰林待制奉使招吐蕃至蘭州召還改使雲
南抗節死事具國史建文元年贈翰林學士謚文節
正統中改謚忠文禕與陳基善嘗同遊吳松寓居頗
久集中有吳江客中冬至日及吳江別蓮上人詩蓋
皆未遇時作也

松陵文獻

卷十二

七

李幹

李幹字貞臣睢州人仕元爲許州同知歷戶部侍郎
佐擴廓軍後敗明兵俘置鎮江已而選入司農議禮
律官制皆預焉及建六部以爲吏部郎中兼秦府相
叅軍召議藩封復斥居寧夏又召入爲翰林待詔直
閣以老致仕來蘇依友人盛逮居一都年八十六卒
逮爲買地黃山葬之幹通究典章明國初制作論議
英爽一時稱之

張明善 見同里先哲記

張明善博學多才長於詞曲古樂府歌行頃刻數百言立就得騷人比興之體善推步天象言休咎有徵元至正間從湖廣客遊東吳道阻不能歸因僑居同里巨室爭延致之方賓筵酒酣操筆為新詞擊唾壺而歌聞者為之傾倒清癯多疾遂卒

卷十一

六

松陵文獻 獻集卷十三

邑人潘裡章力田撰

官師志一

潘子曰吳江置縣起於五代自是以前吏治民俗邈不可考矣然故老所傳如吳盛斌之作土田五代司馬福之捍牧圉雖其人皆韎韐者流然生而有功於民死而廟食其地尚論者有餘思焉宋世縣治草創地利未闢生齒亦稀賴當宁者留意是邦往往妙選京朝之吏以煦妪而生息之循卓之蹟於斯為盛元

松陵文獻

卷十三

一

政不綱一羊二牧率皆苟且之治然亦有一二善者不可沒也明興縣在畿赤之間號為衝煩故常擇高第有才力者任之或以治行茂異遞遷茲邑三百年間無曠土無游士無流民非官師得人惡睹斯效哉下至簿尉之冗司驛之微亦時有卓然能自樹立者官無崇卑顧於民何如耳嗚呼一邑之治亂可以觀天下之盛衰焉可不慎哉

吳

盛斌

盛斌赤烏中為司馬奉詔與上大夫倪讓將軍徐傑分畫地界建渭作田邑築塞自青草灘至野和溪而斌之功居多及卒邑人葬之至今呼其地曰盛墩且立廟祀焉

五代

司馬福

司馬福郡人始隸吳越王水軍為游奕都虞候梁開平三年淮人圍蘇置柵環城內外阻絕王遣兵來援莫知城中音問以福能潛行水中遣入城淮人設網

松陵文獻 卷十三

十一

縣銅鈴織鱗過者必覺福以巨竹觸網淮人聞鈴聲亟舉網舉遂得渡或浮水上則戴萍苻而行既入復出凡在水中者三日及援兵與城中弓矢相應淮人以為神時吳江始置縣以福為都指揮使築南北二城遂命守之卒於官福美須髯屢為謀者入城因剪其須淮人竟不能識

宋

趙球

趙球開封人畜書萬卷祥符中秘藏火四庫書皆盡

球上其家書授三班借職天聖中用薦知吳江縣武弁為邑自球始嘗修築松江亭仕至右侍禁

馬尋

馬尋字子正鄆州人祥符初進士主吳江簿兄葵戒之曰到任半載可誦律書為治民之本後葵至詰之尋曰治在孔道疲於送迎未暇及也葵不懌尋曰少徐之至冬果精律學繼登朝籍久參法寺有平允之譽累著治聲葵之力也

李問

松陵文獻

卷十三

三

李問慶曆三年以大理丞知吳江七年與尉王庭堅議建廟學勸民出緡錢數百萬會詔郡縣不得新立學遂謀移其財以建長橋初縣城為江流所判民半居江南半居江北非舟莫濟且有風濤之險乃相形勢建橋橫截江中長二百餘丈用木萬計浮議四起不為動卒底成功後世賴之其他塘路橋梁無不修舉美政甚多今列名宦祠

王庭堅

王庭堅字世美為政平允與李問創建長橋晉陵錢

公輔為記稱其精敏沉毅云

郡志載王尉而不及李令於義無取今採莫志原文以長橋之役歸功於令重首事也

張先

張先字子野康定初進士知吳江有惠政詩格清麗尤長於樂府仕至都官郎中晚歲優游鄉里嘗泛扁舟垂釣至今號其處張釣魚灣年八十九卒有文集

樂府

裴煜

松陵文獻

卷十三

四

裴煜字如晦嘉祐六年知吳江歐陽修梅堯臣王安石皆作詩送之

孫覺

本正史參郡志

孫覺字莘老高郵人舉進士熙寧中知湖州以吳江水患命治之江橋延袤二百餘丈覺募民修築勢愈雄壯又湖塘兩岸嘗責民以竹篠捍禦率數年一修易敗或致潰決覺復市石增築遂得支久岸旁皆為良田覺材幹通敏事集而人不知勞嘗葺如歸垂虹兩亭詮次邑中畱題百餘篇為松江詩集歷右司諫

知蘇州終於御史中丞

按宋史本傳無吳江事惟云熙寧中出知湖州松江隄沒水為民患覺易以石高丈餘長百里隄下化為良田則覺之修江橋築湖塘皆此時事蓋吳江嘗屬湖州故也郡志因修隄事遂謂治平三年以民曹掾權知吳江官爵年月錯亂甚矣但覺功德在人例得附書名宦故存之

郡志云陳瓘字瑩中沙縣人元豐中進士政和元年再被謫主吳江簿未幾卒贈諫議大夫謚忠肅

松陵文獻

卷十三

五

王志堅云宋史本傳甚詳然不言謫吳江簿固已疑之余攷瑩中年謫政和元年方安置通州旋以上尊堯集徙台州宰相徧令所過州出兵甲護送將脅以死安得有主吳江簿之事耶况瑩中卒於宣和六年距政和改元且十有四載而云元年謫吳江未幾卒何居然則郡志所繇傳謬必因瑩中詩有三年為吏此江濱之句耳今考此詩出見聞搜玉又有載王禹偁作者題曰再過松江蓋禹偁嘗令長洲松江實在其境則此詩為禹偁作無疑

也今改松江爲松陵又以再過爲再謫影響附會
失之愈遠又非孫中丞之有蹟於吾邑者比也故
削不載

林肇

林肇字公權莫云吳興人寶元中進士熙寧三年以尚書

屯田員外郎自請知吳江始至覽江湖之勝緬懷古
人慨然有歸與之興乃卽松江勝處作鱸鄉亭繪三
高像其中旣落成遂具舟由亭下拂衣而歸

程端

松陵文獻

卷十三

六

程端元祐二年知吳江改建廟學有惠政

向子韶

向子韶字和卿開封人元符三年進士爲保州司法

叅軍僉書荆南節度判官秩滿知吳江郡人私鑄黃

錢流布一路知州聽民自便徐志改爲知府按此時郡尚爲州不當作府也

子韶以爲不可騰書極言其害下令禁之一縣無敢

犯者已而中司論其事詔治故縱之吏諸縣皆曰太

守命也吳江令嘗力爭書具在子韶聞制使來謂當

被逮卽具舟束裝以俟吏及門卽行初知州意子韶

必引前言自解子韶至卒無一語獄成自知州以下

皆貶秩子韶獨進一官其後知州孫傑召屬縣議欲

一大保置一鼓樓保丁五人以備巡警盜發則鳴鼓

以聞子韶曰一大保二十五家而已如吳江外鎮有

合境不過五里者無慮數百家若二十五家置一樓

則不可勝計矣又以數十人持挺更巡其間有强悍

不逞者遞相侵陵則鬪爭自茲始不可爲也知州必

欲行之子韶固爭逾月不能決同列謂子韶曰不若

稟令而歸至縣則措置在我子韶曰稟令而不行則

松陵文獻

卷十三

七

有司得以慢令罪我矣久之卒如其言大觀三年除

開封府右叅軍靖康中知淮寧府與金人巷戰舉家

被害贈通議大夫謚忠毅今列名宦

曾懋

曾懋字叔夏贛州人崇寧間主吳江簿仕至禮部尚

書孫樞淳熙六年復繼先職見黃澣曾程堂詩序

程俱

程俱字致道信安人王志堅人物志云衢州開化人元符中以外祖

鄧潤甫廕補吳江簿政平訟理有循良之風優於文

學作松江二賦三高祠詩序遠近傳誦之累官中書舍人政和間自監舒州茶場上書論時政不合來家於吳城北葺小屋號蝸廬其後主簿高文虎以曾懋及俱皆為此官作曾程堂以寓景仰范成大為之記文虎字炳如登紹興進士調吳江簿博通典故寧宗朝為中書舍人兼直學士院國子祭酒以力攻道學為世所譏

徐勣

徐勣字元功宣城南陵人舉進士調吳江尉初與何

松陵文獻

卷十三

八

執中偕事徽宗於潛邸挺挺持正為上所重蔡京以宮僚之舊每曲意事二人勣不少降節京嘗謂曰元功遭遇在伯通右伯通既相矣勣笑曰人各有志吾豈為利祿易哉京慙勣亦終不用以疾除顯謨閣學士卒

李光

李光字泰發越州上虞人崇寧五年進士初知常熟縣朱勣父冲倚勢暴橫光械治其家僮勣怒誠轉運使移知吳江光不為屈勣終不能害也歷知湖州徙

平江召拜禮部尚書卒孝宗賜謚莊簡廣西通志云高宗時叅知政事秦檜以親黨鄭億年為資政殿學士光於榻前面折之又與檜詰難上前因數其弄權誤國檜大怒明日光巧去中丞万俟卨論光陰懷怨望責授建寧軍節度副使藤州安置越四年移瓊州又移昌化論文考史怡然自適年踰八十以郊恩復左朝奉大夫至江州卒

石公轍

石公轍字道叟新昌人紹聖二年以特奏狀元為南

松陵文獻

卷十三

九

劍州教授紹興中遷知吳江初學宮在縣治西南厄於兵燹公轍至即以東門外開江營舊址改建焉且置田以養士即今學宮也邑人頌其德後通判平江府終大宗正今祀名宦

徐似道

徐似道字子淵天台人早負才名紹興中為吳江尉受知范成大及為秘書少監朝聞彈疏以舟載菖蒲數本書兩篋翩然引去道問爭望若神仙然

李衡

本正史叅郡縣志

李衡字彥平其先江都人徙崑山博學有局幹爲文操筆立就紹興十五年舉進士授吳江主簿部使者怙勢侵民衡不忍以敲朴迎合卽投劾去二十三年起爲仙居丞隆興初知溧陽縣爲治強敏專以誠意化民稅賦以期日榜縣門鄉無吏跡而取辦先他邑在官四年民未嘗犯重罪安撫汪澈等列上治狀召對殿中陳便民十事詔進一秩知溫州未行拜監察御史遇事敢言出知婺州以循良稱召爲司封郎中遷樞密院檢詳屢請老除秘閣修撰致仕孝宗思其

松陵文獻

卷十三

十

朴忠復起拜侍御史會有詔外戚張說以節度使僉書樞密直學士周必大給事中莫濟不草制敕衡與右正言王希呂上疏力諫謂不當以母后肺腑掌兵柄廷爭移時遷衡起居郎不拜除知台州復力辭遂致仕四人同時去國布衣莊冶作四賢詩以紀之衡歸崑山圓明野墅日與門人講論經義娓娓忘倦聚書踰萬卷名其室曰樂菴學者稱爲樂菴先生淳熙五年卒年七十九所著有易論語說易義海及文集柳楹

柳楹字安叟東海人乾道元年知吳江作松陵漁具圖待制曾幾序之刻石尚存

趙廣

郡志作公廣

字德儉宋宗室也淳熙四年知吳江重

建廟學取羨租以餼生徒凡郵亭使館橋梁祠宇皆一新之以薦遷徐州同知

莫若冲

本盧志

莫若冲字子謙其先仁和人避地家崇德舉淳熙二年進士爲湖州安吉尉常州教授知安吉政號平允

松陵文獻

卷十三

十一

改知吳江撫字尤有聲歷司農丞知岳全二州以最聞除大理丞

袁韶

袁韶字彥淳鄞人嘉泰中爲吳江丞時蘇師旦挾韓侂胄威福撓役法提舉常平黃犖檄韶覆田定役師旦密諭意吳江多姻黨幸相容當薦爲京朝官韶不聽是歲更定戶籍承役者皆師旦姻黨師旦怒諷言者將論韶犖急白於朝且薦之未幾師旦敗改知桐廬嘉定末爲臨安尹十年道不拾遺紹定初拜叅知

政事浙西制置使仍治臨安卒贈太師越國公後許景迂來丞吳江慕之作堂廳事之西題曰景袁云

張達明

張達明嘉泰中知吳江政平訟理有循良風作無訟堂公暇從容與客論詩曰詩莫難於絕句絕句莫難於五言欲其章短而意長辭約而理盡實難其才故其畱題邑中者若松陵漁具諸作皆人所莫及後仕至右丞

呂祖憲

松陵文獻

卷十三

主

呂祖憲婺州人祖謙之弟嘉定五年知吳江重修學宮有記刻石

孫子秀

本張景人物志莫徐二表俱不載

孫子秀吳江主簿日詣學宮與諸生討論義理有妖人稱水仙太保郡守王遂將使治之莫敢行子秀往焚其廬碎其像沉其人於太湖曰副汝水仙之名矣妖遂絕

李椿

李椿維揚人紹定四年知吳江重建縣治四明袁肅

書琴堂二大字刻石椿自為記石塘橋梁祠廟使館皆所修築後為吏部侍郎

元

王柔

實志作柔承

王柔字不剛大都人試安西王相府令史至元二十九年知吳江縣公勤廉謹屏除走隸專任信牌邨民晏然修官署學舍及三高祠設施咸有次第條理井然

哈刺哈孫

松陵文獻

卷十三

主

哈刺哈孫大德九年同知吳江州事嘗語人曰牧民之官不忠勤何以盡職不公正何以聽訟不慈仁何以得民歲荒且疫為之流涕白州長畱粟揀之曰寧拂上意以受責毋令民失所也秩滿州人立碑頌德唐棣 莫徐二志俱不載

唐棣歸安人少從趙子昂學詩畫俱得其傳仕元為休寧縣尹遷吳江州知州有休寧稿味外稿見湖州府志

皇甫璧

皇甫璧字君寶東平人至大三年知吳江州不事智
數政無矯飾待物一於誠始勉以文教申之以禁令
人莫敢犯在州三載以廉能稱

高仁

高仁字壽之濟南人延祐三年知吳江州以大義開
諭百姓謹健束手而怙終必刑歲役率先鉅室力稱
事辦行省賑杭饑增州糶三萬石仁抗言州小數已
溢不可增鹽運司課虧行省令仁詣浙西取盈於民
仁言民貧不可妄動動且有外虞皆不能奪事竝寢

松陵文獻

卷十三

南

延祐二年經理田糧仁奉檄往丹陽金壇兩縣公田
舊額虛者七千仁曰朝廷豈利無出之租哉閱實悉
除之

張顯祖

張顯祖泰定元年為吳江州判官重建長橋以石易
木為竇六十有二每竇用鐵錐八長丈有三尺重四
觔仍布杪枋於水底以防傾圮功畢宴犒甚厚今列
名宦祠

段廷珍

段廷珍莫志作顧珍非至順三年為吳江州判官決事如流
恤民如子見徐志

余謂兩州判固賢矣亦當時為之長者委任有功
且不掩其美故能傳也嘗見元僧至仁有送徐景
善赴吳江州吏目詩首句云北麗橋邊鴻雁鳴三
高祠前秋水清今嘉興有北麗橋意景善即嘉興
人而吏於吳江者味此二語期待不淺而邑志併
其姓字佚之以此知下僚散員湮滅無聞者多矣
為之三嘆

松陵文獻

卷十三

五

干文傳

干文傳字壽道其先自汴徙崑山十歲能屬文用薦
為吳金壇兩縣教諭饒州慈湖書院山長延祐中登
乙科進士同知昌國州州居海陽民頑犷往往羣行
剽掠海中文傳柔以恩信俗為之革遷長洲尹牒訴
輻輳歲輸糧四十餘萬石文傳聽決趣辦具有條理
徙榻公署未嘗輒出而親舊莫敢通謁會行助役法
召縣民善諭之無敢為詭寄者再徙烏程尋擢知婺
源州朱文公遺業併於豪民子孫訴有司莫能直文

傳呼豪民折之以理悉歸之後至元六年改知吳江州以均徭賦為先催科追逮信立程限民亦不違邨落之間不識吏胥治行為諸州最至正三年召為集賢待制與修宋史供職勤恪史成賜資優渥遂請老以禮部尚書致仕優游里閭又十年卒文傳為文雅正不事浮藻有仁里漫稿

那海

那海高昌氏以中書舍人提點資乘庫至正五年為達魯花赤有惠政廣修水利今至正石塘其所築也

松陵文獻

卷十三

六

松陵文獻 獻集卷十四

邑人潘種章力田

官師志二

明

孔克中

孔克中字庸夫先聖五十五代孫吳元年知吳江州洪武二年改縣克中仍為知縣時承兵革之後庶事草略民俗媮鄙克中葺遺舉遠起廢作新常如不及故能論民於理重建縣治及垂虹亭三高三忠兩祠

松陵文獻

卷十四

凡應祀廟墳罔不修飾

張居敬

張居敬洪武四年典史移建社稷壇於西門外山川壇於南門外莫旦云以此觀之則為政可知

廖欽

廖欽字敬先吉陽人胡文穆志作新淦人宋御史中丞剛之後

少強學明易詩與弟敬存俱有才名人稱廖氏雙明月珠洪武三年以薦至京試才學優等授河內丞邑小事煩又新附疲於供億欽至捐祿入以助民時年

尚少也知府王興宗宿望老成然嚴難事獨歎獎以爲不可及清化鎮商稅多侵匿布政司捕及累年筦稅者事連數千家民洶洶竄太行山不能定遂以屬欽欽爲區畫貧富相補不數日課足除民罪布政司大善之更置酒謝而去欽一以忠信導民八年考滿時方以蘇州爲難治而吳江尤號劇縣乃命興宗知蘇州府而欽丞吳江興宗遇劇務輒以委之不得專治吳江也吳江有隄護田數千頃久爲水所壞田不得耕勢家互相爭訟至聞於朝令官爲修築責成甚

松陵文獻

卷十四

十一

迫岸廢已數年高濶數十尺彌望水決無跡可求同僚皆失色以他事避去興宗謂使他人督之事必不集又煩朝廷乃大言曰宜莫如廖丞也欽欣然往會計工費召富民沈氏論曰隄成民享其利不成我受其禍於是私相戒當戮力告成毋累我公至期而隄成欽精緻絕倫吏抱文案叢雜手署戶決頃刻而畢令簿拱手嘆服未嘗疾言遽色也使民皆不忍欺將去老稚遮道畱之頃之坐河內虧課錢三千餘爲守者所誣遂罰作鳳陽二縣之民聞之皆來助役其居

者夜則焚香爲祈福或問欽何以能得人心如此曰吾不知也吾視百姓猶子耳久之釋歸杜門教諸子鄉里無賴者搆蜚語誣欽兄弟俱下獄欽曰脫俱死如老親何我請坐之其弟不肯相讓於庭守者感動爲流涕於是弟得免而欽謫戍富峪數年以老病還嘗過河內民識之曰吾父也羅拜於前携酒殺相慰勞明日哀縑數百匹以爲贈欽固却之民請不已乃一夕遞去永樂元年以解縉薦詔同修太祖實錄既至而書成上曰是老儒卽以爲翰林簡討同修文獻

松陵文獻

卷十四

三

大成二年卒年六十三子自勤爲蜀府紀善有名解縉曰君壯遊南北聞見充拓詩歌清麗而時發其雄奇屢考試貢舉川廣之士莫不謂君爲藻鑒權衡也君孝友篤至天子初見問所經過卽以民疾苦告天子嘗稱道之卒也遣醫勞問嘆息之而吾黨之士皆痛惜之同官會君日章王君汝玉梁君用行皆稱爲豈弟君子哭之尤哀他日史官不傳之孝友必傳之於循吏也

潘子曰余觀廖公之爲治雖古之循良何以加哉而

邑志至闕其名何濶略也嘗考王行半軒集有送吳江廖丞序盛稱其賢輒為之耿耿於心不能忘然猶未究其實及得解學士所撰墓表及胡文穆志事跡完備余得而詮次之然後無遺憾抑丞職固非卑也自中世以降類多闕茸不稱即有賢者亦為資格所困不得自見豈非其地勢使然哉

劉幹

劉幹陝西人洪武三十年主簿廉謹有為以事調衛輝府照磨

松陵文獻

卷十四

四

陳耘

陳耘福山人洪武三十一年主簿莅政廉平民信愛之後遷監察御史終紹興府知府

蔣奎

蔣奎南昌人舉聰明正直洪武三十年主吳江簿盧王

知縣政號平允卒於官

陳敏

陳敏仁和人建文末主吳江簿明果而恕永樂六年

九月擢為刑科給事中十四年七月劾奏應城伯孫巖擅殺千戶馬俊之罪命徙交趾自是貴戚斂手

按實錄敏以永樂六年被擢則任吳江當在建文時郡志以為洪武末蓋因革除故諱之耳志書用此例者甚多今改正

邢寬

邢寬北直隸人永樂十年知吳江撫字有方民銜其惠後擢成都知府

李昇

松陵文獻

卷十四

五

李昇榆次人永樂中為丞有美政十三年六月上言蘇松水患莫大於太湖欲洩太湖之水莫急於疏下流近時所疏河道歲久不免淤塞今觀常熟之白茅諸港崑山之千墩諸河長洲十八都港以及吳縣無錫之近湖河道皆太湖之下流若循其故跡濬而澗之仍修蔡涇等閘候潮水來往以時啓閉庶免泛濫之患而民獲耕種之利從之

按實錄昇上疏在十三年六月而莫徐二志皆云永樂三年任則在事已十餘年矣豈國初久任法

行故安於其職如此耶然觀水利一疏則昇之美政可槩見矣

賈忠

賈忠字能誨冀州人永樂初以諸生守城功授寶鈔司提舉宣德中累遷知吳江縣忠有兼人之才處已廉明臨政勤恕八年秩滿赴京邑民千餘上章請留命加從六品祿復任後忤當道同僚因誣執之忠不辨而退

按宣宗實錄宣德八年九月丙午復賈忠蘇州府

松陵文獻

卷十四

六

吳江縣知縣陞從六品祿忠任滿赴京其民千餘人奏乞留之故加其祿俾復任今徐表列忠於永樂初誤也

葉錫

葉錫字玄圭永嘉人宣德中舉進士選庶吉士正統元年知吳江以廉謹聞未幾以母喪去四年復除吳縣專尚德化寒暑布袍十年詔大臣察舉天下監司郡邑長吏治行卓越者得十人其中知縣二人錫居一焉命賜宴於廷加章服楮幣紀功吏部時徐侍講

理曰玄圭爲治一本經術先律已而後齊人惟理之從法之守他無恤也官長承迎之私不行僚吏比周之情不接豪猾尅攘之姦不得行故雖深得細民之心而忌者亦衆或軋之於上怵之於下咻之於傍玄圭堅不動至是而循良之效白焉人以爲知言十三年擢知寧國府

王懋本

王懋本金谿人由吏爲吳江丞以剩負召還民奏保其廉能乞留之尋以憂去正統十年十二月民間其

松陵文獻

卷十四

七

服闋相率伏闕請擢爲知縣吏部言其以吏出身非例也上曰懋本既有去思吏何足計其從之第不爲例事見英宗實錄徐表列在景泰元年亦誤

劉彪

本英宗實錄參郡志

劉彪湖廣人正統末以吏授吳江丞景泰六年滿三考巡撫副都御史鄒來學薦其處事公勤吏民懷慕乞晉秩留任命遷知縣居官不携家累以廉幹稱

梁和

梁和字貴和其先泰和人徙應城舉賢良方正天順

四年為吳江丞有廉惠

韓槃 本憲宗實錄

韓槃字簡英安陽人以御史調知吳江成化二年七月吏部奏府州縣官四十八人廉能公正撫字勤勞乞賜誥勅旌異槃與焉擢邳州知州時稱其端潔

陳堯弼 本莫氏續志

陳堯弼字秉均太和人貢士成化十七年知吳江明年錦衣衛千戶王臣同內侍下兩浙市珍寶威燄薰炙至吳江挽船夫役至數百人索千金鬪邑動搖佐

松陵文獻

卷十四

八

貳皆走匿堯弼力與抗奮不顧身邑人亦皆鼓譟而出奪其器械遂斂避去時巡撫王恕在南京聞之即具奏磔於市天下稱快繼有奉命取製衣梅者一梅費中金一兩民間梅樹悉懸紅牌邑人惶惑堯弼令伐樹以滅跡使者怒堯弼叱之曰君往浙江幹辦吳江非浙地也果有朝命當以公移下之豈有私懸牌以擾民萬一激變罪將安歸使者語塞而退尋以憂去後歷官辰州知府太僕寺丞

孫顯 本莫氏續志

孫顯字微之華州人成化二十一年由舉人知吳江廉介有為嘗修縣志改知靖江

王鑑

王鑑字克明吳橋人弘治三年以監生主吳江簿守己廉潔常祿之外一介不取其弟自故鄉來鑑不悅即遣歸太學生申顯知其無行賞也餽粟一斛已而弟卒鑑召申氏還之有馬役來謁循舊例獻白金一兩鑑怒擲庭下草中其人言公不受當見還奈何棄之鑑笑曰此吾過也命拾還之每公宴同僚皆衣錦

松陵文獻

卷十四

九

繡鑑獨衣籠布青袍殊無愧色人或規之曰君何自苦乃爾鑑歎曰吾見世之贖貨者多矣歸則隨手蕩盡惟畱醜聲於世耳且朝廷使我來此作官不使我作盜也言者愧服巡撫佶鍾奏旌異之在位九年滿去邑人為作清官歌

金洪

金洪字惟淡鄞人舉進士知靖江縣弘治四年調吳江始至吏胥抱案牘請署以嘗洪洪陽不省唯唯書之吏以為易與居三日請署如故洪怒曰若謂我不

事事即摘三日所署出入隱竄者杖之吏股粟性明
敏獄訟填委移時而決樽節用度歲裁去橫歛銀二
十萬兩預積米至二十七萬餘石戶口增至一十二
里是時豪猾縱橫賦役繁劇小民每占一役必破產
捐軀洪歎曰虐政有甚此者乎乃抑勢家除奸吏廣
分諸役以調劑之民感其德至有生子以金爲姓者
上官爲請於朝頒其法行之一郡每六察按視獨吳
江無訟怪問知府曰金令故善撫民也七年吳中大
水邑人葉紳建言疏通水利命工部郎中徐貫等行

松陵文獻

卷十四

十

求水道開白茅港諸處吳江役夫一萬八千有奇適
嚴冬雨雪人憚遠涉皆惶駭洪請留以通長橋水竇
疏太湖之水以入吳淞江至明年二月方受事人日
給米二升病者予藥遇風雨則少休親乘小舸往來
課督役成而民不告病他邑役夫十餘萬分濬白茅
以下饑寒死者甚衆九年遷試御史踰年爲真巡按
山東甚有聲正德元年擢知松江府坐減官布價米
劉瑾矯旨械洪至京不能害放歸

徐師曾曰稅長倚辦最爲繁劇然諸役並受節制由

是奸宄得以威行於鄉閭洪寬其倚辦而裁其節制
民兩便焉又以餘力從邑士大夫飲酒賦詩以爲常
然性苛刻忤之者必墟其地而後已此則爲少短

郭郭

郭郭字于藩肥鄉人進士弘治八年知吳江

徐表在九年

廉潔無私公明有威典利革弊吏人膽落非宣召不
敢近前下至隸卒無所取索士民愛之十一年以憂
去後遷御史

劉澤

松陵文獻

卷十四

十一

劉澤字濟民濟寧州人進士弘治十三年知吳江才
識明敏斷決無倦一日偶出見瞽男女三人行乞疑
之乃令捕其丐王李廣至而召瞽男顧來旺近案密
問之來旺不覺號泣自言嘉定人爲廣誘入舟用針
刺其目令之乞食同行兩女子亦然又召問兩女子
具得其實即治廣罪遣三人歸一時皆異其事十八
年召爲給事中

張玄

張玄陝西人弘治中爲典史以廉稱卒於官周恭肅

公用以詩哭之曰儀牀忍見舊檀青伐石誰書地下
銘佳士祇應聊入幕好官何必盡明經荒祠稍稍題
新字旅櫬行行見暮星此夜吳淞江上月獨留清影
照西廳公自註玄廉吏

徐欽

徐欽陝西人嘉靖初為主簿仁恕廉明凡刑罪人每
至泣下邑中水旱齋戒祈禱多獲奇應民以菩薩呼
之卒於官即城隍廟西廡立像奉焉

張明道

本王志堅人物志

松陵文獻

卷十四

主

張明道字希程羅田人嘉靖八年進士授都察院都
事謫滁州判官十三年擢知吳江政務大體不拘文
法前令取常例於糧長丞以下效之糧長又轉科於
民明道至手爲文以矢於神丞等皆失色未幾或以
墨敗明道嘆曰神其不我欺耶縣當孔道使節旁午
餽送皆資於民明道一切裁省雖失歡貴客不顧曰
剝民求名吾甚耻之公宴治具皆取之坊長明道力
行節儉減常費十之七民以訟至今自拘審非大故
不公差鄉民至終歲不識隸卒或事連骨肉召至曲

爲剖論必令感悔乃已未嘗輕抵於法嘗曰利與害
相須吾幸居官食祿而復苟取若天道何雖所得奉
錢多以充公用有一嫗鬻孫以償官逋一孤兒以官
逋被繫明道皆爲代輸解舍蕭然薪水時不給未嘗
動念居期年遷刑部主事瀕行所攜止二敝籠後終
按察副使徐師曾稱其持已修潔撫民慈祥國朝廉
吏未有過於明道者也

喻時

本王志貞撰傳

喻時字中甫光州人嘉靖十八年以進士知吳江邑

松陵文獻

卷十四

主

中賦重吏素乾沒爲奸利時至則嚴勾校具得其狀
始爲絜法提衡之秋夏稅以限上不事敲朴力役則
應毋待號召鄉小民鬪鬪毋復之三老就公庭片語
立決遣之各自得意去上臺下訊牒及他利害關白
鑄一大櫃中手自封發吏不敢望得其一嘖笑而鄉
小民亦不復知有吏時不爲操切間有所劾治皆取
大猾尤者吏及大猾惴惴戴三尺而立然竟其任亡
敗墨吏即御史行部吳江亦不問吏及大猾主名曰
令代我治之矣遠近稱曰喻青天竟用治行第一徵

拜御史前是太保王肅敏公廷相見其文而善之意不欲其外補時對曰我不外也誰當外者廷相奇其言而疑其不警後乃心服後終南京戶部侍郎有集王國光

王國光字汝觀陽城人進士嘉靖二十五年知吳江僅再期以憂去其爲政善因事以爲功適俗以成治有合於古之循吏嘗書禹之治水行所無事二語於座隅及其去也民謳思之起爲吏部主事歷官戶部邑中稅戶以輸輓至者皆垂寬恤萬曆初官至吏部

松陵文獻

卷十四

古

尚書

萬思謙

本南昌嘉定二志

萬思謙字益甫南昌人嘉靖二十六年進士授行人二十九年謫吳江丞署嘉定事遂爲真政尚惇大不矜名炫才人莫窺其際嘉定多逋賦逃亡者衆田益荒嘆曰治此如烹鮮可更爲擾乎且民有死耳賦終不可得償不如因而寬之且以招集亡者時稱其識大體三十二年夏倭薄東城乘風焚倉舍城幾陷叩頭籲天風反火滅賊酋連中矢石斃乃解而去以土

城難守議易以甃會遷刑部主事留以訖工明年城成賊果大至恃以無恐思謙遇事熟思若不能決不知者以爲不快思謙聞而笑曰昔人云後人當思此憤憤殆謂我哉旣去人果思之不置後思謙以久次轉光祿寺丞坐長揖冢宰外補累至福建左布政使家徒壁立遷南京太常寺卿致書張居正勸復言官切直忤指遂致事歸篋無遺帛清節天成士論歸之楊芷

楊芷字文植德安人嘉靖三十二年知吳江倭分鈔

松陵文獻

卷十四

古

內地縣城庫薄四面阻水人無固志芷捐奉鳩工士民感其義爭出貲築之作堤於夾浦立堡於唐湖凡險積要害竝以木柵鎖截造戰船大者爲中堅次爲左右翼小者爲游奕勾連相錯日頓兵江上廣斥候令民安意田作且耕且守流亡漸歸故用兵四年獨吳江資儲不匱初倭從崑山直抵青陽港芷以飛艦斷其上流復命兵快詐爲商船誘戰斬首十八級又戰於陳湖生禽二酋自是吳人始有鬪志後三月倭趨石湖芷獨乘小舟率兵出瓜涇港邀之湖水淺澗

倭列伍逆上芷以鈎攢搏之餘舟謀進斬首十六級馳入城明日賊逼城下不敢攻燒倉廩掠民財遂南下芷率兵躡之斬六級三十四年正月倭陷崇德大掠從南潯轉至梅堰兵備叅政任環率沙兵禦之敗績芷率奇兵張兩翼於六里橋之東西蕩中夾攻斬首十五級飛礮擊死者二十餘人倭尋夜遯四月復從嘉興至唐湖湖水洶涌芷引兵阻戰倭駭奔平望奪舟橫渡芷令善泅者鑿其舟而自屯兵盛墩斷其堤且布釘板於水底賊不敢渡又無所得食會宣慰

松陵文獻

卷十四

七

使彭蓋臣率兵二千來援我兵勢合與倭戰於平望蓋臣爲先鋒斬首百餘級轉鬪至楊家橋斬三十餘級蓋臣被創死我兵乘之生禽一賊斬首十八級於是將士知賊易破人人思奮皆以盛墩一捷爲之先聲故更其名曰勝墩云六月倭自杭州經爛溪抵平望芷督水兵與戰斬首三十六級生禽四人遂遁去芷雖久在兵間其所理民事皆中肯綮撫按交上其功累被獎賚然以不能俯仰遷南京戶部主事以去累遷南京兵部郎中

李遷梧

李遷梧字茂陽安丘人進士嘉靖三十八年知吳江四十年大水遷梧日夜拊循其人而部使者方以權算爲賢遷梧持不爲動曰民畢力以障水猶懼不給况忍驅之鬻妻子供租稅耶於是日閉閣宴坐不復問一事時具蔬果邀一學師共酌庭中寂無人鄉民至不復到縣卽上官有所督課則自却冠帶攜衣帽以往胥吏感其德亦不忍欺明年四月市人不戒於火延及公署一夕而燬方火作時遷梧坐門下戒僚

松陵文獻

卷十四

七

吏徙獄囚移帑藏歛圖籍無所散失未幾卽謀興復取材於垂圯之庾取力於鄉兵之隙取資於失火之家而里出夫三日訟出鍰數金以佐之上不費帑下不煩民越百日告成闕敞踰舊蓋遷梧在邑罹水火之厄各一而人不知有災後萬曆十五年邑復大水士民追思爲木主置城隍廟祀之知縣劉時俊至乃採公論祀之學宮距其去已四十年矣故老嘗言一御史按部至臥牀折足御史怒入縣治欲親刷庫藏至廳事後顧見東壁一小牀敝葛爲帷旁置竹筥二

無鎖鑰召左右詰之則遷梧臥具也乃淡媿嘆一無所問而去嘗與邑紳吳知府崑飲崑以一銀船注酒酒滿則帆張意頗喜之崑卽舉以爲贈遷梧受而日以供飲後任滿出境卽還之後有廉吏聞而嘆曰其後之却還不足言若初之直受非吾輩所能也

吳一本

吳一本字仲立沔陽人嘉靖四十一年以進士知吳江精於吏事夜翬翬注思不輟甫曙卽行之纖悉有法度吳江賦浩穰總賦者類嘗以私盈縮其間甲賦

松陵文獻

卷十四

六

千乙賦百或千者得十九而百不能十一則匿其數而獨發其逋當事一切按程無所上下一本乃具格書所輸數計戶分給而總賦之書不得數易始至適大水之後人民離析部檄徵如常額一本以恩信勸諭民皆輸將恐後先是縣官交際問遺率資里甲里甲者貯丁田之羨以供諸費者也時詘則告病一本曰奈何以吾私故困民則悉籍丁田於官吳江水兵故稱雄而擾民亦甚一本曰巡司之有弓手以扞寇也而又益之水兵是倍費也則去弓手而代以水兵

無事散於諸司有急則聚之城以爲衛其所興革雖若煩碎然爲人強力行之裕如遷工部主事後官至山東參議暴卒不竟其用

李三省

李三省鄖陽人萬曆七年以歲貢主吳江簿九年遷崑山丞以一竹兜輿至食無肉牀無帷三年如一日有范某者以佛會煽惑男女嘗百餘人自號佛頭而誘少婦與私有孀婦聞而招之白日宣淫時知縣以公出三省得其實縛而撻之至死已卒於官二邑人

松陵文獻

卷十四

九

莫不憐之

松陵文獻 獻集卷十五

邑人潘樞章力田撰

官師志三

明

劉時俊

劉時俊字恒甫富順人萬曆二十六年進士知廬江改知桐城二十九年又徙吳江為人豁達精敏往催科者率以盈為辦然黠者善負奸胥復陰與媾即匿其賦可不輸一錢而馴者至有十限三分之輸時俊

松陵文獻

卷十五

十一

一以八分有五為程黠者無所白匿蓋實得戶部考成之數賦之入也溢於舊郡邑吏素表裏為奸下檄督逋實飽私橐時俊覺之檄下即并經承解上好遂阻漕卒獷悍橫索無厭時俊請漕撫約束每百石加四石凡概量之事率耆老為政軍第持籌而已有浮圭合者扶以狗每倉設一門者按衛給籤驗而入母多納一人曰吾不束軍而束民歲省米二萬石運塘歲苦圯時俊始甃以巨石延袤八十里費鉅萬而民間不知有役為邑永利尤重教化表章節義賓禮者

碩每望後一日角巾緩帶從容入學宮與諸生質疑問難竟日而罷月以為常見訟牒有婦人名即除之或婦人以事至戒伍伯離丈餘性公正不可干以私或以至情告輒色動常作續情說以導民厚焉久之事愈省訟愈減盜賊屏跡捕役患之遠結龍游盜夜半潛入城劫質庫計挫其威時俊聞之即率吏卒臨視拘捕役家屬責以三日內必獲果如期獲悉以其賊歸質庫及賞諸捕他無所問會稅監陳增橫甚其黨教令檄蘇郡云昨歲金閭之變失上供物某某掠

松陵文獻

卷十五

十二

某某匿凡五十三人皆吳江巨室知府錯愕不能應時俊駁之曰按檄事且經年昔不聞一言今驟發何也稅監固在徐入京之路乃來吳耶捕其黨置之法人皆為時俊危時俊曰巨室邑命脉也一網五十三人邑空矣吾寧以身當之增見爰書語塞竟無以加時俊亦卒不言五十三人名以市德此尤其難者三十五年以治行最遷南京兵部主事選為南京兵科給事中又二年出為福建僉事以計典謫湖廣按察知事久之再遷南京尚寶司丞天啓元年引疾會蜀

師起以太僕少卿贊畫軍中坐蜚語被逮放歸後事
白論平蜀功贈太僕寺卿溫璜紀事曰吳民健訟往
往以人命求勝時俊每鞫問必召一二證者與約曰
弟許言一字不得言二字一字謂真與假也證者稍
有游移卽重杖之故寃皆立雪而刁風稍息

馮任

馮任字重夫慈谿人萬曆三十五年進士知吳江邑
多奸弊任悉意爬梳之得隱占田三百餘頃侵沒稅
糧四千餘金其明年大水請蠲征發賑條救荒十二

松陵文獻

卷十五

三

便宜行之多所全濟然竟以催科缺額奪奉秩滿遷
工部主事累進郎中出知成都府天啓元年遷陝西
副使莊浪兵備三年轉叅政駐涼州是冬有邊寇遣
將李成功禦之斬獲甚衆明年春寇復大入親率師
赴之三戰三捷俘斬數百尋以父病請告崇禎初補
山東叅政武德兵備二年冬率師入援京師比至圍
解以功遷廣東按察使而山東撫臣因皮島之變請
畱爲登萊道許之累遷左布政天津兵備時景德間
盜起鐵脛賊賈邦槐等尤橫輸輓幾斷任移鎮泊頭

四月焚其巢購得賊首斬之在天津二年上知其才
密疏姓名於御屏七年遂擢副都御史巡撫山永築
南北翼兩城進焚鹽屯俘斬頗衆展東勝城九百餘
丈據其險阨九年敵兵入塞將反攻關門任遣將設
伏於七家嶺以火攻之殺精銳三千餘人遂逡巡遁
去明年築關西土城七十餘丈關東歡喜嶺敵臺一
又傍牆立墩臺六先是撫山永者爲武陵楊嗣昌方
當國兼本兵柄任在關修舉廢墜一切反其行事嗣
昌聞之弗善也又議減關兵任具陳利害力爭得止

松陵文獻

卷十五

甲

遂連疏引病不許十二年嗣昌密疏劾之坐免任在
關門三年適有天幸敵未嘗犯其境去未幾而代者
或殞或刑後遂議撤關以外棄之矣晚自號拙存居
士曰人皆以巧敗我獨以拙存後三年卒任居官勤
恪其在吳江值大水爲虐任斤斤守文而已不能行
度外之恩時譽遠出時俊下然於吏事亦無所廢云

霍維華

霍維華字應庚東光人萬曆四十一年進士知金壇
縣又三年調吳江甫至卽議興革大計以田賦莫重

於吳江計正賦若兵若役若徭若新增之餉蓋每畝四斗有奇而耗不與焉且湖濱浮淤滄桑遞變等則尤繁莫可究詰有腴而賦輕有瘠而賦重有無賦之田有無田之賦每扼腕太息與邑中賢士大夫考究源委維華有心計人不能欺周行阡陌暴露寒暑晝則清丈夜則持籌肥磽廣狹瞭如指掌匿田隱賦纖悉具出於是塌者蠲瘠者減而通計所贏均之合邑向之所輸四斗者減一升五合有奇而分則三十八者酌定為九條列十有八議皆經久碩畫凡期年而

松陵文獻

卷十五

五

竣事計畝則百姓受減豁之利計糧則國家無絲毫之虧其所定履畝冊至今遵守不敢易焉他若催科兌運汰冗釐奸皆可為後人法佐貳吏卒無所事事至懟無聊而士民望之如神明論者以比劉時俊稱曰劉霍四十六年入覲留部天啓元年授兵科給事中出為陝西僉事四年復入刑科未幾驟遷至兵部尚書以附奄敗然其治邑之功固不可泯也

晏清

晏清字泰徵黃岡人萬曆四十七年進士知蕪湖天

啓元年調吳江蕪湖人爭之不能得性和易聽訟但求情實不尚威嚴事至立決請囑不行有二三大猾螫閭左者清捕得杖之縱民環觀械繫而出衆共手擊之竟日而斃遠近快焉催科有序亦無逋者四年大水清角中單舸出入洪濤間安輯遺黎與耆老講求丁亥戊申故事謂今昔異時請蠲請賑勢必不能惟漕運改折可稍救粟貴之苦為白兩臺以去就爭遂以首災上聞得盡折歲額官所免加耗幾五萬石民所省加贈又不下四萬石而折價輕於市價亦不

松陵文獻

卷十五

六

下四萬金朝廷固以此為不蠲之蠲不賑之賑而反覆抗論得請者清之力也巡撫周起元發符買米縣各數萬石他縣多貧富戶大為民擾獨清知湖漕富戶以子母貸商者召語以故給之符聽其買賣不旬月而米至商民兩便明年擢禮部主事尋改吏部七年以忤閹罷為民崇禎改元復起吏部累進郎中十年遷廣東副使水利道後為吏部尚書

熊開元

熊開元字玄年嘉魚人天啓五年進士知崇明縣俗

頑獷有白棒手數十輩橫甚前令以譁去署事主簿復爲所擊開元設方略盡得其魁置之法而釋餘黨不問一境帖然邑田土坍漲不常爲釐正稅額凡數百頃以餘糧三千石請抵遼餉減編九百餘金崇禎元年調吳江故事官署供帳悉出庫吏因得緣爲奸利開元命悉出賣還官著令革諸進奉而慎擇筦庫出納有程無敢犯法者以糧運南輕於北定爲例使輕重相均勢家以軍儲請者一以故事裁之無所偏徇所清覈隱田以萬計米以千計上臺稱其廉明先

松陵文獻

卷十五

七

是漕卒橫甚小不遂卽譁譟隨之卽前令劉公時俊等不能禁也開元密請上臺假便宜約束之嘗戴星唱籌贊明畢兌所省耗餘十五故事行糧萬金縣官例有扣剋開元曰是致譁之端也如數畀之運弁來謁或請少示裁抑開元隆禮有加且致餽焉欽定鐵斛用椒實較驗類出民手開元斥民退令軍自較運卒皆大服嘗謂理民止當講求農桑水利間有婚姻田土細事一父老片言可決何嘗有大不平須廷鞫者徒爲人魚肉耳遂一意與民休息訟至立決無畱

者每歲終所入贖緩嘗不及積穀額開元曰吾不自病民肯爲人病民乎臺司事每下縣多所平反不輕擬贖雖忤意不恤也烏鎮界浙直之間湖州同知莅焉嘗以詞訟追捕至吳江民苦之開元具狀白其不便同知怒訶其殺制開元曰同知卽尊至本轄臺司止矣諸臺司有所按問竝檄縣處分無徑行者今安得爾爲文告兩臺兩臺移牒浙省將合疏糾正其害始戢性明敏知人其所甄拔皆成名士旁邑賢雋聞風景附大半出其門下不獨吳江一邑也四年選爲

松陵文獻

卷十五

八

吏科給事中以考成舊案追論謫官久之稍遷光祿監事行人司副十五年以面劾閣臣周延儒廷杖謫戍後入闕中累遷隨征東閣大學士言事不合卽乞身歸入山爲僧所著有魚山疏藁壬癸罪狀年譜諸書

章日烱

章日烱字敬明德清人少孤育於伯父通政使嘉楨卽以理學名節相摩切旣舉鄉薦五上不第賃居郡郭授徒養母足跡罕至公府識與不識皆稱爲真孝

廉云崇禎四年署武進教諭却餽遺絕訴訟其所賞識多知名之士七年舉進士知吳江會當定役富民多飛灑求免按籍率畸零下戶乃矢神爲約閉諸胥一室令盡疏諸大戶實產毋隱既得其實則田多者定役舊額千二百畝卽領北運爲倍增以寬其力而更以南糧恤之有不肖紳受富民賂齟齬其間不聽也收頭一役頗爲民病日烱曰潔已非難除害難耳號設二櫃倣德清式可入不可出櫃置一吏一胥一索卽鳴鑼以聞日烱時下堂親驗以杜羨端一縣稱便上臺善其法下所屬通行京邊轉輸奸吏多上下其手往往有征無解有批無收大都解有耗放有扣貪者先放後解罔顧公家之急且解屬之吏動委逝波不可問於是一切置存畱不發擇上供急者先之有事入郡則身致之以故課額早登爲七邑最時邑民虞燧上書言水利事下所司日烱卽銳意舉行下令長橋舊址爲民居旁蝕者期三日內悉撤之又疏九里塘之淤而水利漸復運塘自劉時俊之後歲久

松陵文獻

卷十五

九

多圯往來病涉至一夕溺死驛卒十餘人意惻然傷之設席後堂徧延耆老身自勸飲告以不得已之故皆踴躍助役迄用有成他如新學宮廣狴犴百廢具舉又師郡守寇公慎遺法置長卓五百以試士所取前列多相繼得雋者痛抑豪強有盜魁竄入一孝廉家立捕殺之遂爲孝廉所切齒九年夏陳婦事起松江士大夫閼然歸咎王者嗾御史疏糾而邑中不肖紳與孝廉又比而修前隙蜚語流傳日烱一無所辨惟力求去舟次胥江中暍而卒年五十有四其後達

松陵文獻

卷十五

十

州唐階泰代爲縣嘗痛其誣爲上書訟於兩臺識者避之階泰字瞿瞿崇禎十年進士爲令亦有聲仕至禮部員外亂後寓吳江卒外孫樾章曰余髫髻時侍外大父於官署凡一言一動未嘗不以古聖賢事相勗也而於官方政體則蒙昧未能周知後得先考所著行實始心識其大都質之通國之口亦默相符合也獨是陳婦之獄外大父以此橫被口語而其原皆因公爲浙人又烏程相君所取士輒從而排擠之豈知公志節皦然雖出烏程

之門固落落不相合哉陳婦旣以烈名詩謠幾徧吳會而吾邑閭巷之口頗有異辭吳先生允夏有紀實一篇最爲詳覈今附錄之以俟論定云

葉翼雲

葉翼雲字載九同安人崇禎十三年進士知吳江初至歲大旱蝗一以安靜鎮之緩征平糴捐奉設粥又步禱於龍王祠日行數里布袍蔬食以金鼓爲節拜跪甚虔立法驅蝗分道力行未幾蝗皆墜河死是歲雖災不害役有空田議者以國帑詘欲因畝加賦爲備翼雲條其不便所蠲省以六萬計暇則周行城郭相度形勢乃延父老之賢者俾任其役令城外四周皆康衢可通馳馬其上增築臺舍規制宏壯城內巷

松陵文獻

卷十五

七

各爲門門各有鍵啓閉以時嘗自戎服閱兵郊外夜復率親卒巡行闔閭間謂其民曰吾以安爾寢便爾夙興也十七年夏北都變聞不軌者洵洵思亂翼雲廉得其主名立捕殺之一邑帖然咸服其勇決是年早疫復作禱益虔不懈尋遷刑部主事乞歸閩中建國擢吏部稽勲司員外明年與紀文疇等起義兵守同安及惠安諸縣同安破被獲不屈死闔門遇害潘子曰余少以文字受知於公公之歸也余餞之舟中時初聞揚州失守相顧欷歔慷慨不能自己余固

知公之殉義決矣後四年果舉兵以死余既不能執
鞭弭以從公又不能徒步千里效尸鄉之哭尚何言
哉然公在吳為循吏在閩為義士雖謂到今不死可
也

林嶠

林嶠字小眉莆田人文筆雋麗崇禎十六年進士明
年知吳江年甚少案無留事南都政亂罷郡邑童子
試令輸貲徑達學使者嶠捐俸代輸而拔寒畯以應
南都亡江以南諸郡皆不守嶠懷印歸閩閩中立君

松陵文獻

卷十五

七

以嶠為工部都水司主事改禮部精膳司遷員外郎
閩事敗迹荒江一節自矢故人當路者求一見不
可得居數年莆中有海警嶠與余吏部颺同繫獄有
解之者颺得釋而嶠發憤嘔血死獄中年三十八所
著有蟛蜞集多哀郢問天之辭人讀而悲之
潘子曰人臣遇變死者寔矣亡者亦未必非要其歸
何如耳江南瓦解非一邑所能支林公潔身亡去意
欲有所為卒之不死於官而死於難其死一也見葉
公於九原庶無愧矣

潘子既序次古今長吏論其行事又以為教化者治
民之本而長吏不能獨任故必立師儒之官以董正
之其有益於治甚大宋元以前州縣鄉社皆立學為
之師者大抵明經有文行而邑志紀載闕如宋時獨
有一楊瑛為咸淳中教諭行業無聞然余考宋陳溪

松陵文獻

卷十五

七

有送范竹所赴吳江學職詩又有贈吳江學稼詩今
志皆無之則所軼多矣元時見於新舊志者十一人
而陳祐則為震澤學長立沈義甫祠者也考陳造送
吳江陳學長詩有云舊學堪重漢儒席新文欲僕楚
人騷又云垂虹高士知心客定信襟期出處同推許
甚至豈即祐耶抑別有其人耶謝起東則增立學之
兩廊及繪聖賢像者也郭鄧則建靈屋門顧儒寶則
立教授題名碑者也盛輿則為震澤教授以好古博
識稱者也其他亦未見有卓然可紀者也明興尤重

教職之選常以得士多寡爲王者殿最菁莪樂育尤爲近古其後掄選不精往往視爲贅員以科貢頽暮者充之表不正而求景端得乎此子衿所以興佻達之刺也今斷自國初擇其一二可爲師表者著於篇

趙鈞

沈毅陶振俱以邑人署縣訓導事見文學傳

趙鈞大梁人吳元年爲訓導文章高古觀三高三忠兩祠碑記可見

瞿莊

邑志失

瞿莊字敬孚常熟人嘗爲吳江訓導有文名擢翰林

松陵文獻

卷十五

南

典籍與修洪武正韻累官禮部員外郎朱國禎云莊自典籍遷禮部郎中後至參政

袁時億

袁時億東安人永樂十六年爲教諭有文學

丁侃

丁侃字秉和豐城人宣德二年爲教諭楊少師士奇作詩送之造士有方尤長於詩古文選寧國教授卒

楊弼

楊弼字之夔廬陵人正統元年爲訓導楊士奇有送

姪子之夔吳江訓導詩

林彤

林彤正統五年訓導莫志云有學善書

陳賓

陳賓字廷用懷安人以儒士爲吳縣訓導正統十三年遷吳江教諭訓士甚嚴累科得人多其高第又以廟學隘陋謀之邑令市地於民鳩材庀工作禮殿兩廡靈星門及講堂齋舍燕寢庖庫無不具備

劉文輝

松陵文獻

卷十五

五

劉文輝新昌人景泰五年爲訓導端謹善教遷伊府紀善卒

陳用貞

陳用貞字善成東莞人天順二年訓導爲人真率和易長於詩文有琴趣集遷長樂教諭致仕

梁矩

梁矩柘城人弘治中領鄉薦七年署學教諭爲人嚴重廉潔諸生饋遺多却不受至不能自給訓導莆田方文敏有心疾遇長官輒詈辱之手搏生徒以爲常

獨見矩端坐不言愛敬有加或私鉤取於人惟恐其知也未幾被召徐志云正德初被召乃本表弘治八年已有高志來代安得爾至正德初耶再臨行邑中老幼奔送曰安得假公為吾父母乎仕終臨洮知府

王維孝

王維孝字希舜貴州人嘉靖中以貢士一云鄉薦來署教

諭為人壯直廉潔人不敢犯惓惓以成就人才為務

不營私橐諸生貧者必捐奉賑之擢知富陽縣後終

監察御史

松陵文獻

卷十五

未

蔣弘憲

蔣弘憲宜興人萬曆三十一年以鄉薦署教諭申學規立社約又置田為月課餼犒之資而教化大行有中官將與令為難弘憲遲其將至集諸生逐之每朔望長吏至登堂考藝尉以下皆屏齋舍中不敢越級而上其風裁如此

解學臯

解學臯興化人崇禎八年以貢士為訓導寬厚端潔人有求者多不忍却他日負之亦終不較也嘗言士

重立心學業顯晦皆從此出人以為薦論

陳國器

陳國器字玉汝武進人領鄉薦崇禎十年署教諭謹交遊絕訴訟費舍蕭然而讀書夜分不倦人服其操

松陵文獻

卷十五

未

題補訂梅花州堂人物傳
崑山人物傳十一卷故明張元長先生
生梅花草堂集之一也聞之前輩謂
先生文不苟作必淋漓盡致嚴情
欲絕極其意之所之務俾曲肖夫人
而止要其立言必準諸忠孝以為指
歸茲刻付梓行世已久字畫漫漶散

梅花草堂集

失幾半歲癸巳先生之族曾孫臯載
檢所存板授余曰殘缺雖多文獻攸
繫子其為我藏棄之余自問謏陋方
懼不足以辱良友之命乃不數年而
臯載又賫志以歿悲夫余惟物之成
毀雖各有數其一段不可磨滅之晶
英貫金石而泣鬼神則固有歷久而

崑山人物傳

不敝者在也爰購原本與諸同志補
訂成帙以廣其傳不惟三百年来吾
邑之名卿碩彥潛德幽光足以煇耀
寰區而臯載之抱殘守缺雖處極貧
以至於死終不肯廢先人之手澤夫
亦可以少慰于地下矣若先生之著
述等身文章聲價著賢評論已備余

梅花草堂集

又何庸置一辭因以舅氏宗伯顧公
全集序弁於編首附綴教語以誌慨
慕云爾

雍正二年甲辰臘月同里後學楊莊
汪中鵬拜手書於迎潮閣



五三五

梅花草堂集序

嗚呼元長先生而竟沒矣
先生沒吾邑其復有文章
乎哉先是吾邑有震川先

梅花草堂集

序文

一

生所為古文詞暨舉子義
務在自得不顧世之譽誅
惟時王李才名盛天下屢
以意示震川先生莫相與

助揚共廣聲價而先生不

應也以故王李之徒故掎

扼先生文使不得列於七

子之林誰知百年之後竊

梅花草堂集

序文

二

其隻字皆得托於大家當
時掎扼之者安在哉震川
先生沒元長先生起焉所
為古文詞暨舉子義亦務

在自得不顧世之譽誅而
又不以震川為宗大都崛
強不屑羞從籬下生活吾
邑之風概然也今元長先

生文具在讀之真有繪水
必繪聲繪月必繪光之意
每與人談論竟日不倦未
有不聞所未聞而去者韓

昌黎何蕃傳惜乎蕃之居
下其所以施於人者不流
也然而山澤澗溪之高下
雨豈有擇耶其殆謂先生

歟先生於余內戚也不以
余為謏陋每進而譚古今
之業因以其文相屬若余
之可以傳先生也夫余惡

是以傳先生其亦先生之
自為傳耳諸孫貧甚饘粥
不能給不忘手澤梓先生
文十之六以公之當世余

梅花草堂集 序文

悲其志安忍無一言以識之

內姪詹尹顧錫疇題

張元長先生傳

長洲蔣鏡撰

每謂讀書操不律須索解人得其人千古神理宛相
遇于眉睫之間若寫生狀自余受書即求其人与其
書貌肖了不易得一夕過元長先生于淑士座晤对
移時若庚桑畏壘之游意深已已而讀所為聞雁齋
稿則又恍遇先生真面目也噫嘻先生盖異人真讀
書人哉余自是游先生靡歲間先生三歲能畫腹作
字十二歲為文章即有異解其尊人九川翁善誘薰
課古今業而先生靈襟玄对亦靡所不徹弱冠英

梅花草堂集

一

見頭角四方多北面問奇者儼狀河汾臯比狀試有
司輒弗售而攻苦弥勤性靈益刻露于是為文章愈奇
自公車牘至名山業微而單詞小令皆深根名理抽
精藻林神采淋漓言、堪絕倒以故名大震席觀鷄
林爭相購以為異宝顧官諭升伯每以一代宗工自
命狀一讀先生文廢狀返也先生有至性九川翁歿
終身抱霜露之悲独念愛弟世長翁所鍾情中歲亦
告殞双淚益枯居恒崇愾當欢忽悲浸不良于視狀
不廢緗帙命嗣子桐讀而聽之以耳代目探索弥富

已廢視淡寂益精研性命之學朝焚夕誦与古尊宿相參先生既以高才彩筆雄視千古用數奇負劉蕡之厄豪情義胆無所見其奇而又奪其神明之用稍寄情于酒人之遊以磨耗壯心余間過先生坐上嘗滿騷人俠客明裝點履雜以粉黛絲肉競奏錄事浮白觴行如飛鳥啼月落流連未已乃扣先生橐故枵狀飲不能三蕉而少年豪舉劇与先生角竟夕不撓晚進同人詩社居狀鄉祭酒筍輿蘭艇徜徉溪山鮮雲麗月岸草汀花無遠不到、則披草而坐傾壺

梅花堂集

二

而醉与鐵崖迂叟風流曠世神感于是四方名流折節交欢先生豫章則王公止敬昆陵則沈公湛源茗水則錢公龍門俱行部境內式先生之廬而造請者海虞則宮詹錢公潤州則中翰劉公山東則司理王公俱主盟千秋而執鞭拜与先生周旋者臨汝湯公義仍則遙邇風期至欲假路符以踐入林之約先生夷然曰行休矣吾無所復冀于世而煩諸公胸中乃挂一張生哉雖然文章千古事得失寸心知吾于此道終不能忘情是吾親遺命也盖世有布衣游而

崑山人物傳 傳

驅駕一世才人一切冠裳逢掖尽入藜韞中者吾得元長暨新安潘生兩人吾指不更屈矣先生著作充棟其最著者為崑山人物傳徵文考獻無幽不闡有董狐太史之遺焉他若四書標畧華談全書久已行世若蘇長公編年雜紀崑山節孝錄梅花草堂詩文集二百餘卷藏于家至于與寄偶属試拈經生語直凌駕王唐諸先正後有傳明文者知無能置甲乙也元長名大復晚號病居士一云息菴老人

梅花堂集

三

文章者也昔子野廢視以審音而左史亦以失明有國語先生之為文章庸知造物者不息我黥而補我劓哉昌黎公論河東云使子厚穷不極其文李詞章必不能自力至必傳于後無疑也又云使子厚得所願為將相于一時以彼易此孰得孰失必有能辨之者吾于元長亦云

梅花草堂集目錄

卷一 崑山人物傳

盧觀 熊熙 彭祖 充穎 儒瑛

秦玉 約 殷奎 璧 箕

王英 成憲 余焯

王明善 朱璣 唐汝為 龔一德

陳則史 謹 附項駕 袁華 楊性

易恒 呂誠 范能 孫俊 沈本初

林鐘 泉

梅花草堂集 八目錄

朱吉 定安 泰安 永安

王遜 復 曰敏 范從文

王震 父祖卿 偶栢

陸安 范廷珍 俞敬 支琮 徐任 附李文詠

王履 伯承 沈仲實

附沈貞 許律 董伯儒 許謙 陶浩 葛括 何順中

周振譽 張翬 范暹 吳璣 李郡

卷二 崑山人物傳

呂昭 旦 龔譽

陳皞 助 諫 龔詡

劉璉 夏昺 津 禹錫

周弁 璵 虞祥 震

夏昺 梁棟 昱 紈

王永和 汝霖 許剛 立 騰蛟

趙遠 昂

黃鐸 珺 玘 附張經

張翼 支鑑 王綸 附顧培 李元壽

卷三 崑山人物傳

梅花草堂集 八目錄

吳凱 愈 周號

盛願 洪 章賢 張翬

屈昉 初 儒 蔣明

張翔 王資 庭 億

朱昌 甘霖

龔理 紱 夏佑 遂

張和 穆 沈愚 魯

沈訥 僕 龔珺 震

張能 注

卷四 崑山人物傳

朱旻 棧

葉盛

鄭文康 父壬

周恭 鄂

陳翊 王道

孫瓊 父宗

夏璣

朱夏 文

朱萱 觀

陸容

馮鈇 琨 夢龍

顧恂 父良

王鑑 漳 繼孝

吳瑞

張汝舟 世皞

梅花草堂集 八目錄

三

卷五 崑山人物傳

陸鈇

高敬

姜昂

秦瓌 雷

高以政

王僑 一誠

張潮石璞 邵魯生

王倬 附管琪

虞臣

周瑞 汝礪

周恭

黃雲

王秩

戚軒 孫學 附張翼

顧式 邦石

張安甫

周在 復俊

龔乾 邦衡 時煥

毛澄

周震

卷六 崑山人物傳

朱希周

顧潛 父宜之

周倫

梁鳴鸞

周廣 士淹

顧鼎臣

魏校

方鵬 鳳 元儒

柴奇 大履

盧志

梅花草堂集 八目錄

四

秦雲

卷七 崑山人物傳

周鳳鳴 鳳起

王應電 承慶

張羽

張寰

王同祖

魏庠 希直

顧夢圭 允默 懋宏

晉憲 父鷗 驥

秦鰲

顧夢川 允燁 允烈

張廷臣

顧履方 謙亨 三官

孫雲

張情 意

吳中英

沈世麟

卷八 崑山人物傳

周大禮

王任用

王三接

李憲卿

周美

季龍伯

歸有光

張憲臣

陳敬純

周後叔 壽誼

孟紹曾

張鴻 沈孝

陳時 延經

顧夢羽 允元 允諧 允杰

梅花草堂集

八目錄

五

王執禮

俞允文

梁辰魚

朱景運 曹治道

卷九 崑山人物傳

顧章志

徐子英

秦霽

傅遜

王逢年

龔起鳳

朱熙洽

顧永慶

潘蔚卿 士元

陳淮 陸懋

何天衢

張士淪

丁允亨

王執法

沈楠

陳允升 如京

周詩

顧履吉 謙光

支可大

王炳衡 炳璿

許承周 旋吉

顧咸和 震宇晉瑛

支如璋

卷十 崑山人物傳

李同芳

馬玉麟

張棟

顧紹芳

梅花草堂集

八目錄

六

王伯稠

沈魯唯 魯魯一源

諸壽賢

徐應聘

張文柱

王安鼎

王臨亨

陳嘉猷

王在公

歸子慕

張振德

李胤昌

顧天竣

顧天寵

許士紳

卷十一 崑山名宦傳

梅花草堂集 八目錄

芮 艸 鄭 達

楊子器 方 豪

祝乾壽 王用章

劉應龍 聶雲翰

樊玉衡 王時熙

金 華 石肯構

李三省 朱 冕

沈應奎

梅花草堂集卷之一

吳郡張大復著 後學汪中鵬補訂

皇明崑山人物傳 有小引

昔揚子雲作殊言十五篇自言梗概之法得

之臨邛林間翁孺蓋考信若斯之難也予不

類僭述先哲行事次第歲年叙論成傳九十

卷大要嚴覈耳目所及與其家譜牒所載乃

至贈遺弔挽篇什編成一書原本事迹所得

梅花草堂集卷之一

書多遺籍摘鉛次繫數十傳彌昌不類斯作

豈有至精之所想遘妄擬殊言所藉翁孺梗

概之法倍于作矣孔子曰述而不作信而好

古不好古不可以信不信不可以述吾鄉方

奉常故有崑山人物志六卷標位品目作者

之事則予不類之所不敢出耳其詳見自序

盧觀 子熊 孫彭祖 孫璘 孫充 孫子儒

盧氏其先龍興武寧人由平江徙崑山譜牒多缺不

可攷海虞季篔作崑山志勝國時崑山蓋有盧觀云

觀人有常饒隱行有常父鑑待補進士名系雖存然
行事不少既見尚論盧氏者自觀始作盧氏傳觀之
後彬彬多風雅名節之彥各序論之俾後之覽者知
貞元之際于斯為盛焉然其詳不可得而聞也

盧觀字彥達少有志行嘗受業湯彌昌錢重鼎之門
頗窺玄奧奉親味道外一無所問與人坦直無分貴
賤即其人有相負者置勿校歸斯受之無介于懷晚
嬰羸疾益肆志問學古今之業繕寫殆遍朱黃爛熳
卷軸芬潔著書九數種及卒勉教子孫讀書修行無

梅花草堂集 卷一

二

長言門人私謚曰夷孝先生子熊熙

盧熊字公武元末為吳縣訓導洪武初以故官迫遣
赴京毋卒告歸復起為工部照磨尋以善書受中書
舍人遷知兗州州初罹兵革民力凋弊而大帥李善
長適營魯邸又浚充河供億不貲民情洶洶公悉力
調護二役並就充民不疲會錄刑人家屬事違詔獄
死上籍其家篋中僅餘麻桌上深悔之公嘗受業楊
維禎博極經史尤精六書既任兗州見印文訛謬嘗
為上言之時已忤旨至是竟獲罪子彭祖

盧熙字公暨博學好古善楷法洪武初以薦授睢州
同知時中原甫定歲復薦饑公一意休息惟恐傷之
明年攝守事會廷詔御史清伍四方籍無見軍輒以
民代而睢戶僅僅滿千點行不下百餘輩公按籍而
勾之得數人上御史御史大怒欲以格詔論公曹吏
震懼請如民代例公持不可乃獨身往詣御史抗言
睢戶凋耗一旦盡民而充非籍之伍則無睢無睢某
又何守乎御史怒愈甚公堅不奪竟得免未久卒于
官州人士女製服哭之盡哀勉歸葬送者數千人道

梅花草堂集 卷一

三

被大雨扶携流涕無一人少卻先是兄兗州公嘗贈
之詩云藎藎清夢穩鐵石古心存人以為不愧斯語
也子充賴

盧彭祖字長嬰洪武末任武康縣縣丞永樂初薦授
禮部主事坐事為民阜城尋徵詣行在冠帶聽用以
疾卒公學求適用有父風 文皇知之然竟不能相
盡孫瑛

盧充賴字次農淵源家學行誼甚高嘗被薦給事詰
勅會世父兗州公逮死非其罪公負骸骨歸杜門著

書絕口不復言仕子儒

盧儒字爲已勤學有文頗自負人有請其稿者輒捧腹曰彼中有笥卒難相盡尋以薦拜中書舍人時被顧問上嘗命公作雪賦頃刻立就盡屈其同事者上深器重之有重齋稿行于世

盧瑛字克脩宣德五年進士性敏學博工古文篆籀不減夏太常太常每語人吾墨竹一派近在王潤公太常婿也終刑部主事

論曰吾鄉縣治南故有盧氏世祿坊家宗老嘗指示

梅花草堂集

卷一

四

予輒言宛州居官事唏嘘久之其後坊不復見而額歲夏太常墓傍盧家予得觀焉有老人出迓予自言吾刑部後因道刑部慮囚江右事稍稍問其先世大畧茫如也予視其庭宇甚潔葩卉爛然爲咨嗟良久而出再往過之則爲墟矣盧氏自待補公已顯又工詞賦宛州而下皆有官職爲時聞人刑部又成進士君子之澤五世而斬豈盧氏信然歟今求其子孫而不得也蓋嘗伏而思之文章操行造物者皆不輕與人惟書與畫立名最久而盧氏世擅之母多取耶又

况其人安貧味道多著書有述于後者哉予每尚論其世慨然懷之宛州死非罪即亨于名乎猶當十世宥也

秦玉 子約

秦玉字德卿少孤貧與兄奉母家居讀書不求仕進志行卓然務苦約其身又能歌詩自放母顧氏織絰給業母令分志玉益感奮不勸聚徒講論二十餘年與兄未嘗異財用家政大小惟母兄是聽已身出入必稟而行母卒茹淡終喪未嘗澡洗俄隣家失火延

梅花草堂集

卷一

五

燒玉舍而母殯在堂岌岌不免玉憑棺號泣聲徹烟焰中烈火熾然抵牖而滅人謂誠孝之感云年五十卒門人私謚孝友先生子約字文仲治聞強記能析諸家異同而統貫其說綽有心得之契詩名大噪于時洪武初應詔試慎獨箴拜禮部侍郎尋以母老辭歸天子束帛加寶鈔再徵詣京師選授溧陽縣教諭典教八年動履具有矩矱御史練則成待制吳沉薦約宿學遺老宜在館閣不報未幾請老卒嘗自號淮海道人

論曰秦之先世家淮陰宋直龍圖太厯觀用文章操行顯子孫散居海上後徙崑山崑山之秦自孝友先生始孝友父庚庚父樛樛父棟俱隱德不仕其世系皆可攷然未籍崑山故不具載昔龍圖公與蘇子瞻輩好著書文采表于後世孝友淮海相仍不絕考其述作孝友有詩纂探說摘要雜錄諸書而淮海道人亦有樵海樵史孝節等錄龍圖之後可謂必復其初元明之間駸駸與劉向蔡謨父子爭烈矣

殷奎 弟璧 箕

梅花草堂集卷一

六

殷奎字孝章璧孝連箕孝揚天性友愛兄弟自相砥礪而奎名尤著為一時文人所欽矚奎嘗受春秋楊維禎深明大義又好讀瀛洛閩之書留心名教于時事屢有建白洪武四年有司薦詣京師試上等當得官州縣而奎念母老疏乞近地便養忤上旨調陝西西安府咸陽縣訓導咸陽古渭城名勝有餘而兵燹之後文采未著公本性理之學善誘生徒循循不倦以間上秦嶺涉漢阪見白雲蓬蓬自東南起念老母在其下淒然出涕噫悒久之竟以病死訃聞譬議

以母屬箕而獨身走咸陽婦兄骨窵安馬乃揮淚白母又私于箕曰母老途窮形神孔悴汝盍慎諸吾豈憂汝昕夕奉手雍州故不在天上行當自至汝慎無念雍州念雍州其惟服勤老母聞者莫不唏噓掩涕或慮其涉遠道又司訓官貧難返骸骨而璧日夜間關丹旆無恙告母襄事母亦安箕色養眠食猶常其後箕舉秀才試廣西僉事終太平府推官

論曰殷先生孝章好著書予得覽其目如咸陽志閔中名勝集陝西圖經渭城寤語等篇意必有感慨悲

梅花草堂集卷一

七

戀之情觸事而作而惜乎後世無傳其苦心不少概見盧克州熊陳博士潛夫稱為孝子出處死生瑩然不滓亦足表其素矣然非二弟歸骨養母惡能無憾哉君子所以致嘆于在原之什也

王英 孫成憲

王英字俊伯洪武初貢詣京師授山東道試御史歲滿授御史每有章奏輒削其牘世莫聞知而高皇帝愈器重之特命署都御史事黜陟惟允居內臺凡十年陞刑部主事試郎中母老乞養出知寧海縣

文皇帝即位召還復郎中尋擢陝西按察司按察使
已改山西秩滿進嘉議大夫仍命治陝公之在西陝
也簡易有體獄至隨決不務深文巧摘而民以不寃
僧伍壽張之徒却步讐服既得代還京馳馬顛頓至
徐泗間疾作夫人鬪與其僕王保隨侍徬徨莫救相
泣以歿勉含歛資斧弗滿一金用佛氏荼毘法歸葬
故里鄉人痛悼之卒時六十三子寧安定定子成憲
初名廷綱以字行號真愚先生恂角時已知名黌校
雅爲葉文莊盛所賞識其後偃蹇秋闈不售應詔試

梅花草堂集

卷一

八

吏部選授樊都尉府訓導都尉故興于文學名知人
獨引重先生事靡細大咸從審畫與吳文定寬王文
恪整王三原恕賦詩飲酒頡頏當世後滿九載當遷
京官公以老母乞外陞秀水教諭獎勤率情諸生尊
親之居母喪會葬秀水士送者四十人服闋補定海
得歲九十六考終于家
論曰高皇帝嘗手書敦厚王英揭之殿壁以故吾鄉
之學士大夫下至小婦稚子必稱敦厚公云敦厚公
歿六十年定海始述其事請吳文定表諸墓道即文

定亦惜其歲久而不能詳也然以高帝之明聖進
退大臣人莫能測而敦厚公獨久居內臺凜凜稱職
式厚其終是非盟心勿欺不有其身能若是乎殿廷
之揭母其退焚奏牘精誠有所感著與何簡在若斯
之殷也志稱敦厚公居鄉恂恂與人易嘗鞞入市門
門者縛之公笑曰庶人不鞞禁也其如我官人何命
取鞞頭示之門者謝公曰君縛鞞人不縛官人何謝
之有有負鞞者與公並道而隘擠公墮水公攝衣起
夷然不顧其後鞞者復遇公棄所負却走公召慰遣

梅花草堂集

卷一

九

之鄰翁具雞黍飯公而令適會宴公辭令就鄰飯欣
然人怪問之答曰貧家無易事且吾居鄉何必造令
此三事者予爲童子時蓋耳熟焉斯與漢石建周仁
張歐諸君子何擇哉傳云賢者識其大者不賢者識
其小者天下之士不出其鄉即論公者或不盡庶幾
近之予猶惜定海公文采不少槩見其行事頗著于
虞叅政臣之書採次爲傳復載其壽予先王母詩一
章詩曰堦前葵萼如金卮堂中老人垂白絲金卮滿
引紅入面白髮萬縷生春姿清晝沉沉靜歌舞笑語

喧闐閣花鼓膝下兒孫獻壽杯邀迎王母來徘徊開
卷奕然致有蕭散之氣將令讀者知識小之意云

余燠

余燠字茂本超悟絕倫美丰姿嘗從殷奎陳潛夫受
春秋胡氏傳遂精其說里稱俊才有御史行縣美公
公曰御史皮相耶恐不足盡天下士御史改容謝之
洪武六年詔取賢良詣京師公應詔試入太學選授
承勅即陞通政司參議試吏部尚書十七年授尚書
本部上特命公定考績法公為人祇慎謙和不遺故

梅花草堂集卷一

十一

舊每賜休沐布衣徒步遍謁隣里有不值者輒曰煩
為道吾故余待詔兒鄉人至今傳美之

論曰虞書三載考績三考黜陟幽明典銓之于考績
重矣 高皇帝罷中書省左右丞相設九卿百揆時
叙摠于冢宰其實天子之相也皇帝慎簡天官不次
遷擢一時典銓者受成將美日不暇給類若無所事
事而考績之法特以命公此何如簡在哉雖甚盛德
稱任使英主在御夫安得高華終老哉自公以後詹
徽見殺翟善以驗封司主事驟試尚書黜陟如彼定

考績者宜何如凜凜也洪武之世公可謂銓局一人
而前志不載公考績事特序論之見公之居鄉恂恂
與其在朝廷無以異也而世之小夫朝稅褐纓冠夕
聞于閭里猶沾沾車上舞哉

王明善 朱璣 唐汝為 龔一德

王明善字復初別號樵玉性剛介矩步詳視動有令
則嘗念天下甫定應從儒術童而習之可成天性乃
闕館聚徒訓飭不倦百里之間束脩之贄畢集其門
公益慷慨自負校訂訛謬刊定句讀整衣危坐聲振

梅花草堂集卷一

十一

金石一時興文之彥州里相望絃誦聿新

朱璣字廷儀父宗海有士行至璣益感奮力學以春
秋為己任嘗葺數椽于學宮之側安處徒眾一時執
經問難者望廬而集至室隘無所置席顧設大帷庭
中猶不能盡公性剛正幼從王樵玉游習其儀範說
者謂不愧師門云

唐汝為號文谷學務該洽不名一經其教因材而篤
隨授隨解英特之彥有甫成誦已盡通其說者史學
書法一課俱下士大夫家競相延致即宦遊數千里

外多載與俱主賓之情彌久彌肅甚有書之遺誠令子孫世世延之毋爲勢家所奪晚歲賓於鄉白晝飄鬚衣冠皓偉左右服勤皆一時譽髦之士論者榮之龔一德字允咸漢陽判承恩之孫通經涉史屢試不售退隱東市河上授徒養母不就高門幣聘顧司馬王轉運常調之請爲東道主莫得也樊孝介慎簡都講辟公爲政公謝曰老人眊矣生平不欲訓高門子弟乃僕僕垂白時拱揖貴人之前哉令賢而許之論曰國初陳振祖潛夫蔚有聲華盧伯融昭詩文清

梅花草堂集卷一

三

俊史家稱其善訓迪教子弟有法度也師之時義大矣哉然陳自華亭司訓崑山遷爲國子先生盧任揚州教授于吾鄉人士未旦旦矣非藉王朱兩先生草昧初闢人習其野疇若于訓而彬彬焉嘉隆之間師道式微競走榮貴如唐如龔斯亦矯矯于鷄鶩之群者哉高皇帝滌瑕盪穢還之文物彌昌彌熾一鄉之士論世者詎可令其沒沒無傳也

陳則 史謹

詩文二業至于我朝斷自北地信陽其本始實由高

季迪氏季迪手闢草莽奪漢魏人已饗之利而自專其德當時學士溺于所聞何論作者即索解人政復不可得矣予攷邑志諸先生業文章母慮數十家無能出楊鐵崖之學其知信季迪實能副之者得二人焉著爲傳

陳則字文度家貧力學以師範聞于鄉里洪武七年由秀才舉任應天府治中轉戶部侍郎左遷大同府同知陞知本府公少與高啓徐賁張羽楊基輩相倡和嘗賦紫菊得句云惟有魏花顏色似春風秋露不

梅花草堂集卷一

三

相同同社亟稱之呼陳紫菊

史謹字公敏少從毘陵倪瓚郡人高啓遊博學好古工詩什善丹青甫寇從戎滇陽洪武末用翰林學士王景薦授應天府推官左遷湘陰丞既謝政僑居金陵自號吳門楚樵年七十餘以老疾終有獨醉亭詩集行于世

論曰紫菊翁著詩甚多不概見即當年所遺百篇寥寥無傳矣而獨醉亭稿亦絕無及見之者讀偶武孟錄得所爲與史敏結交行一篇其詞云故人故宅屋

婁城嗟予避地臨東溟兩鄉相去不多遠擇交已結
鷄豚盟適從別來三十載百粵東西隔嶺海臨風對
月每思君人寰滾滾知何在我今行年七十餘客遊
都門扶病軀莫愁家東杏林下握手一笑情何如子
居巷南我巷北幾度論心話疇昔輔車今日幸相依
故作歌詩寫胸臆三復斯言政堪與志傳相攷信而
志云公字公謹誤也吾鄉人物薦舉甚都如項叔馭
駕之薦平袁子英華之該博楊秉中性之敏贍與其
父慶源皆有述于世要之不離鐵崖之宗陳史二公
梅花草堂集卷一 五

故是吾鄉開山主無疑耳

易恒 呂誠 范能孫俊 沈本初

易恒字久成其先廬陵人祖斗元以宋咸淳進士尉
常熟攝警崑山遂為崑山人今世所稱蓮峰先生者
也父偉字成大饒風格初試吏平江後以吉水州通
判致其仕恒性簡澹卜居淞南之大泗讓仰讀俯思
無域內想嘗關地數百弓引流種樹號曰泗園興有
所會嘯咏不輟以此終其身所著有陶情集子孫散
處讓上脩然之致至今勿絕

呂誠字敬夫抗志高潔不祈榮利所居饒花竹點翠
飛紅殊有深林籬落之趣過者望之不知其室之通
也邑令慕其該達請為司訓屢聘不許耳目聞見一
寓于詩楊維禎稱其特絕瀟散不讓袁華時稱袁呂
或曰呂性慎密袁自謂弗如云

范能字仲能少從毘陵謝應芳游精醫喜吟尤工法
書永樂初被徵詣郡賦詩上郡守願養老母自全其
天年守憐而許之日以著述為事墻墉几席皆有雙
韻世傳淞南集于時號入室弟子曰孫俊俊字叔英
梅花草堂集卷一 五

父映雪翁自華亭徙居澱湖之陽至俊始築別墅于
磧溪讀書觴咏既老不輟葉文莊為序溪南集至今
稱磧溪孫氏

沈本初字大中賦性嚴重訓養子孫號有矩度鄭主
事某嘗聘為泚野義塾師既至鄭不迎謁力辭去杜
門賦詩有韋孟風小楷絕類顏平原時稱二絕楊文
襄被徵欲載與俱辭曰已無絕藝匡賢相豈有虛名
重友生文襄械幣候之又辭曰身安老圃無餘念興
寄青山有遠情年八十餘終

論曰夫士簡身砥行名不出其家文采葩流則令聞
載而行之二者宜何擇焉以予所聞林下諸人其存
者大都邑乘之緒言耳某集其集其詳不可得見矣
呂范辭辟不就沈大中不備禮而去易先生著書讓
上鱗然不滓自非彬彬質有其文者予何取焉史載
蓮峰墓隱隱馬鞍西麓如蓬萊日出之鄉可望不可
即而磧溪數椽巍然如魯靈獨存斯亦何與人事哉
要之皆先立其大者矣

林鐘 子泉

梅花草堂集 卷一

六

林鐘字仲鏞其先魯人自高以上附籍杭州高祖少
雅宋文林郎潮州推官曾祖和卿元德慶路儒學教
授祖輿平江路崑山州同知父仲山始占籍華亭生
公洪武中辟授崑山儒學訓導訓迪有聲會上臨軒
選士和御製思得賢才詩稱旨擢知湖廣慈利知縣
縣苦茆岡峒蠻出沒為患朝廷勦捕之兵連不解公
肩輿獨往諭以禍福利害群蠻稽顙靡然從化未終
三考用求賢辟擢天官考功郎中永樂己丑奉命扈
從巡狩超拜亞中大夫參山東布政司事庶績咸乂

會女妖唐賽兒反與方伯就逮以歿公言溫氣清饒
膽畧屢更煩劇卓爾不群初任崑山諸生甫投分即
翕然宗師之每相與語見林先生覺意表言外別有
箴規可謂教思無窮者焉而公亦樂其土風遂卜居
鬻序之左自號松谷道人著書若干卷子泉字揚伯
能讀父書不營名利周文襄稱為君子

論曰聞之長老與林先生語如冬日送暖膚革充然
即小婦稚子願若其訓退而各自得也予嘗過夏生
疇家謁先生像須麋不矜冠履有適宛如所傳聞語
梅花草堂集 卷一

七

也厚積未伸卒罹刑戮君子惜之或曰 文皇帝時
未設巡撫故藩臬福迥異今日其所遭遇然矣夏
生之六世祖元為公婿知之特詳予用其語表出之
或曰生所居故宋王氏逸野堂林先生卜居處至今
夏氏守其業云

朱吉 子定安 泰安 永安

朱吉字季寧洪武中被薦授戶科給事中時賦長稽
違勘合上震怒命廷臣論死籍其家公上疏言勘合
之說本以照驗歲糧魯否完納如使歲糧及限即勘

合亦不過查驗虛文今照得各省粮犯但稽勘合不
缺正粮伏賜昭蘓以弘恩宥上從之洪武二十二年
有詔肅清胡藍逆黨所在承風頗開告許橫及無辜
寃濫已甚公又疏言雷霆震物威不崇朝上帝好生
春回幽谷往者病狂不逞之徒已膏斧鑕所有引繩
披根之類允屬矜疑射影無憑蒙沙可憫奏入上特
嘉之有織文繡衣之賜翌日欽諭廷臣深加獎美自
後寂無告言者尋以墨妙改中書舍人遷侍書翱翔
禁闥荏苒十年出為湖廣按察司僉事理冤釋滯不
梅花草堂集入卷一 六

可殫述會註誤繫獄久之永樂大赦復召為中書舍
人奉勅題 高廟神主眷賞特厚已謝政歸篋中惟
法書名畫路遇故人負租抵罪輒粥以償之年八十
一而終子三

長定安字士隆精篆籀學相傳玉峯前有篆塚其所
瘞也翰林吳均王洪嘗為銘誌

次泰安字士粟永樂三年鄉薦授內黃教諭歷調安
仁安吉陽信三學所至條教必以尊傳註惇行誼為
本再滿三考乞致仕甚力故人楊文貞楊文定慰留

之不可杖履道遙終身不談世務得歲九十有三
次永安字士常好蓄古今書籍工行草出入晉唐間
時稱三傑

論曰朱氏之籍崑山自中翰公始中翰不忍以身之
察察受偽吳縉垢故逃之崑卒亨于宦勝國延祐間
有德潤者中翰父也字澤民初用趙文敏孟頫之荐
歷官編修鎮東儒學提舉浙省平章參謀長興太守
所在有聲又以書畫特聞天下至中翰益顯我朝設
科取士而中翰用薦辟起家登賢書者又是內黃公
梅花草堂集入卷一 七

始成弘之間御史恭靖絡繹聯翩于吾鄉以一二數
矣其始故宋直秘閣子榮一人之身也秘閣公以六
歲藐孤提携譜牒寄身椀柁間渡江而南以有今日
斯亦宇宙之大奇也哉予攷朱氏人物多務忠厚耻
為浮薄雖復筆墨淋漓無鬻然自滿之意樹德務滋
其所自取耳志稱朱之先有應得者營墓陽抱夢讓
爵林天與澤民卒興朱氏此亦道家所時有非影嚮
傳會之詞也宋兵部郎中貫為睢陽五老中一人有
德有行蓋朱氏始基之矣

王遜 子復 孫曰敏

王遜字謙伯洪武十七年進士崑山第進士者自公始初授上高縣縣丞蒞事明敏剖決如神考上上詔還京師令上殿糾儀復稱旨超拜江西道監察御史時朝廷法嚴而御史職侍從在上左右公凜凜嚴自治無情容然性峭直敢言事上多優容之一夕上卧便殿公與同直者侍詔問公月光無故入御座于律云何公請如夜入人家律上顧笑則公故悔之矣未久求去詔許之已又原之召還公公懼竟服重死子

梅花草堂集

卷一

平

復字從道生三月朔既長感上之原之也發父書晝夜讀尋登宣德五年進士第授行人司副已拜南京廣西道監察御史公悲感交至思報稱而耿直絕類其先御史于是人稱小御史云小御史之言事盡衆不能堪卒戍遼陽病死鐵嶺城當是時鄉人哀兩御史死直不盡其用然幸有子曰敏字仁功負特絕之資年十六就童子試提學金御史奇之欲與餼公引非令辭不就則鄉人更奇之必能成二父志也以之弗售而諸從游者往往脫穎以去晚膺里選司訓石

門而公故不以司訓自隘尊師道成人材石門子弟于是彬彬多文學之士矣

論曰士君子處創業之世事英主欲直行其志而免禍災者豈易哉兩御史死直事世莫能詳然聞之長老皆無悔于心云石門雖伏不礙雄飛化成九載拂衣而去里後進側目嚴憚之公亦杜門著述不與物接斯何愧兩御史趨操乎石門賢舍災俄失小御史遺像所在灰飛諸生家自鬚以上者面部宛然石門召工填出之藏之家廟人謂御史入火不蒸也

梅花草堂集

卷一

平

范從文

范從文字復之魏國文正公十二世孫父原良獨身官潮州卒邸舍葉葉葫蘆山中曠徑僻公間闕萬里求之莽互不可別識乃號哭淒風苦雨間血盡眼枯忽土隔得所識石遂負骸骨以歸洪武丙辰以國子生奉使稱旨擢監察侍御史轉戶部主事奏免株連盜倉罪百餘人同官螫之罪叵測而上謂侍臣曰是先憂後樂之胤也寬之謫後莊浪螫者謀不止意必殺之追戍金齒徙廣南公挈其妻子日走荒江

斷峻與魁逢迎海上久之赦免永樂初用薦起
儒學歷金華東安金鄉三縣乃致政歸公既久去
廬舍墳墓皆非所有勉力稍復之建祠祀潮州公
修范氏宗譜年八十七考終

論曰予所見范復齋先生墓志如此志墓者沈玄谷
魯與先生家世姻好幼行也其時近而可信予頗採
其說作范先生傳邑志謬悠不足憑所載官職年月
履歷與沈志雅不類學者溺於所聞如此孔子曰吾
猶及史之闕文也今亡矣夫

梅花草堂集卷一

三

王震

王震字子東父曰祖卿洪武初為行人開雲南道夷
山湮谷設施為多震初應秀才舉選令益都會歲大
疫民採靡蕪給食常不繼洵思亂公開倉賑之吏
請未受旨非例公訶之曰民饑如此而侯肯賑耶直
吾死民矣一境全活者無筭廷論推重之遷為益州
同知公性慷慨饒膽畧守益如為令時而加豎焉先
是益州佛寺有像能言禍福小民祈乞者晝夜相屬
於道不可止公至為設大戒置鏡對像羣飲無所

說移時寂然忽勅左右吏為取醉狐以來吏跡草中
得巨狐袒而卧公命縛之柱狐醒乞貸公顧吏曰左
道惑民于律云何狐哀懇即左道無敢傷物乃命釋
之像不復言

論曰王益州之縛醉狐廩廩夷山埋谷之畧矣傳稱
益州故文恭綸九世孫云建炎初文恭為御史中丞
陳攻守之策甚力宰相不能用其後扈駕南遷請與
韓世忠夾擊金虜可謂石畫而當時議者莫之是也
數傳為行人開道滇南烈矣益州之政妖狐怖匪直
取之飲酒談笑之間無矜憤色剛正之于王氏甚矣
哉文恭不營第宅晚依薦嚴寺以居歿葬白馬涇北
而益州行人之墓不可攷矣

梅花草堂集卷一

筆

偶桓

偶桓字武孟落拓嗜酒喜吟詠嘗贊其詩謁楊維禎
倪瓚瓚亟稱之謂有超乘挽強之力日升川至之漸
公喜退語其友雲林故是解人洪武二十四年應秀
才舉授荆門州吏目幕府多暇觴咏不輟久之致其
政歸遇淮南故人蔣用文載入京師僑居建安坊下

綸巾藜杖放情江山間久之乃還卒年八十二嘗自作挽詩云堪憐八十白頭翁自笑生前萬事慵北闕薦賢雖有剡南村作守竟無功耽詩不愧詩才拙嗜酒惟愁酒盞空留得五湖風月在浪遊誰復繼遺踪公家桃源涇嘗築江雨軒居之著江雨軒集再遊秣陵雅慕醉吟先生之為人又作醉吟錄若干卷行于世

論曰予讀醉吟錄信老杜晚歲漸于詩律細爲偶先生言之也先生嘗夜起見星月交輝花影零亂自念

梅花草堂集卷一

齒

往與諸賢作社登金氏覽勝樓雨晴風雪類有吟咏故不知景乃在此因賦樓夜詩雲隨鶴影翻踈箔月送花陰過畫闌凡先生所自得如江之雨樓之夜讀者可以想見其人而惜乎其墳墓子孫皆不可攷也有偶嫗者事佛張家橋小巷中能言其先世嘗有瓦枕漏箭鷄鳴歷然可聽與今志所載相合予時尚小恨不詳詢其世系云

陸安 范廷珍 俞敬 支琮 徐任

李文詠附

君子之道始乎夫婦所能行及其至也雖聖人有所

不能盡舜爲天子舉陶爲士瞽瞍殺人此聖人所不

能盡者也孟子求其說而不得姑爲之懸解云爾聖

人受命尺地莫非其有夫何有海濱可以訖然忘天

下者哉 高皇帝刊定曆律與民更始誰能攬其法

苟盡吾海濱父子之情藉令當年有聖人者以身處

吾鄉陸孝子之事其必不能故曰雖聖人有所不能

焉千載之下論而勿議可也予按前志直叙其事而

附以五人故不敢以聖人之所不能謂後世必如是

梅花草堂集卷一

齒

而孝也然亦有幸有不幸焉

陸安邑三畝民父曰德甫好結客嘗緩急人難願以

身翼庇之而國初法嚴凡保結人脫逃或保結非類

者連坐無赦德甫以事論死將磔于市安年二十而

初婚浹旬別其婦鍾刺血書代父典刑于衣袂間獨

身走京師德甫忍淚面之屹不動乃伏闕請命詔特

許之赴西市曹就義觀者千人無不人人泣行下安

色不變揚揚如平常德甫伏屍哭盡哀提其骨東歸

葬薦嚴寺南二十步既七十年從孫需請沈誠學魯

作孝貞記萬曆甲辰崑山教諭沈應奎為文祭其墓
范廷珍字惟中父彥良以宿望表鄉里註誤連坐事
巨測與弟廷珪詣府請代上官故頓挫之淚盡流血
百折不少却得未減遣戍河間公故善醫遂以醫濟
河間民無貴賤老幼皆為診視病者輒起其人或忘
報勿校也晚歲喜吟學益該洽雅好率更手筆一時
齋閣題署必以乞公公亦欣然應之行年九十而筆
墨不衰魚箋鸞素紛委几席其神愈王葉文莊公嘗
記其事

梅花草堂集八卷一

共

俞敬字用禮父得水母王皆早背寄養張氏張故戎
家子好雷人專自行已意張母孫憐而庇之如子公
亦謹事孫母如王母病癢疾痛無弗盡也永樂八年
孫遘危疾將不起公剖左脇割肝和糜飼母母忽愈
亡何氣發疾如初又自嚙左膊肉愈之事聞閭里間
爭相愛重恐其冒張氏姓遂為戎家子也聞于朝
文皇帝嘉之詔旌其門擢尚寶司丞洪熙改元陞少
卿復俞姓贈父母如其官正統六年陞卿卒得年六
十有四

支璋字敬將長七尺軒軒出人頂而口吃不便道詞
同舍生或嘲之飲容唯唯而已學務深入不祈頓造
人謂之魯勿較也家貧奉母不能具純綿令母安寢
每冬月母不能寐輒取已所御青布袍覆母疊跣而
坐候伺母醒乃出有郡倅慕其高義凌晨候公公貧
無他袍低回久之而母睡方熟遂着短後迺倅知
其以袍覆母寧失候官長愈益重公周文襄嘗餽之
粟帛必曰以為孝子母壽正統間里選終南京留守
衛經歷葬虞家巷

梅花草堂集八卷一

七

徐任字惟用世家婁東父彥輝宣德中疫于京邸公
徒步號哭歸櫬里中衰麻染血如丹母楊氏有疾迎
醫檢方萬端莫效乃祈神佑晝夜稽顙頭搶地不起
而疾如故則三剖其股煮糜進之母病尋愈嘗語人
吾所持奉母惟此寸心雖母在曩者瞑眩之時意神
必許我而今幸無恙得常事老母即居陋巷不堪其
憂何害乎晚又自號陋樂云

李文詠號蒼石面削骨見衣表未三十即謝去其諸
生耽娛樂父之而父大經適謝沂水政還家則又益

務爲娛樂以歡其父雨暘寒燠勿間也萬曆己亥十一月二十四日從沂水公夜歸客且醉又圍燈而觴之沂水性不飲顧獨好客醉漏二鼓始登樓就寢孝子寢其下俄聞爆裂聲帶夢披衣直上而僕者李安面且焦爛從煙燄中牽孝子下孝子直上不顧俄棟摧瓦裂家人洶洶莫知所出質明發礫視之僅餘一股而沂水公以覆庇故尚具體祭外知縣樊玉衝請御史疏旌之有詔建坊旌孝子門而孝子妻王氏請建坊與賢里曰先恭簡之宮墻在焉建如議

海壇草堂集

卷一

六

論曰范惟中請代父死得戍隣里爲俞用禮請落戎籍得官遂至太常何曩者陸孝子赴義之慘也李蒼石投燭救父斯與陸孝子何擇焉凡人一往之念皆可爲聖人青袍覆母麻血如丹令此一寸心稍稍自知其爲孝鮮不敗矣吾鄉至性人未必盡傳于世如陸如李以一二數矣往見齊禮坊右有古緯楔曰故孝子徐協祥之門今不知所在

王履

王履字安道與孤心遠讀書無所不極心手都靈所

作詩文書畫皆成獨造無規則首尾而神脉清澈欲令千載上未有古人洪武初嘗游太華凌跨三峰覺青柯坪爲下淋漓揮灑筆翰精良得四十餘圖且爲之記爲世傳寶初從朱丹溪彥脩學察毛髮洞五臟作傷寒三百九十七法辯標題原病式一卷百病鈎玄二十卷醫韻統一百卷索隱開微皆先賢所未發子伯承醫名藉甚兩都無子傳其壻沈仲實仲實傳其孫承先縣令方豪嘗旌承先門曰助孝

梅花草堂集

卷一

九

三峰望中原見黃河從塞外來下窺大壑精氣之所出入自詫善載腐肉朽骨者也其言甚壯以觀安道所紀鈎深跨險直令飛仙失路鬼無家矣安道故有奴人阿留能解主癖驚叫險絕皆其主之所欲言亦奇矣哉詩文書畫皆字內靈氣透漏之路而軒岐一法可回造化指數吾鄉如沈貞許律董伯儒許湛陶浩葛栢何順中周振譽之醫如張暈范暹吳璵李郡之畫如支鑑張翼王綸顧培李元壽之書各于其時而霸其曹夫子兼之則安道一人耳盧丹谷有言讀

安道所著書登峰造極如其游太華時也士有特絕之行舉一該百皆不可朽王安道其是乎

梅花草堂集 卷一

計

梅花草堂集卷之一 終

梅花草堂集卷之二

吳郡張大復著

後學汪中鵬補訂

皇明崑山人物傳

呂昭 子旦

呂昭字克明性耿介博通經史卓然有古人之志洪武辛未薦試徐州訓導九載化洽遷浦城縣縣丞浦多蕪地而民持貧不堪耕作公捐俸給種使民雜治之期年田野盡闢浦民永賴焉為植雙松于庭且歌之 文皇帝即位詔求賢天下監司上公治行超知

梅花草堂集 卷二

一

沁州瀕行父老持金固請公曰吾無劉寵之愛敢為父老留一錢哉卻不納既抵杭則已無買舟錢矣公在沁州清操彌厲廉能之聲聞于遠近前後凡六年沁州大治初公之蒞沁也道經徐州堅冰塞川公未換纊徐諸生為製一毛裘贈之風雨瀟瀟策蹇驅鼓篋而去子旦字寅伯以詩經聯舉永樂乙酉鄉會試甫釋褐奉勅伐木湖湘又督開平秋稅皆稱職超拜河南僉事嚙冰茹蘗清冠中州亡何坐寅長註誤事被繫長蘆凡十年免歸宣德初廷詔求賢復起為建

昌府推官折獄明允再滿考疏乞養母詔許之歸視其家環堵蕭然發篋得故所受詩經一卷拂拭塵網口授生徒以此終其身

論曰國初士大夫多兢凜自持廉無害時運固然如呂氏兩先生其天性矣僉憲初第沁州誠之荀酌貪泉死不敵祀中州之政惟廉惟冰溪毛孟飯亦饗吾清語云死可復生生者不愧是父是子其衾影之自信何如哉余每式先生之墓黃土童童馬鬣林立欲問其墓門之石而故老盡矣悲夫

梅花草堂集卷二

二

龔登

龔登字叔言資性薰人耳目所際無不曉了嘗讀太史公書未匝歲誦論如懸河人或試之可盡卷不錯一字里人異焉時郡守方推選奇才貢京師里人相與語無如公者然畏連坐法遲回未果又不敢秘竟於後期乃補博士弟子十一年以春秋經應文學科選授岳州學正律已造士諸生多興於廉直所得俸推贍二兄齋厨索然讀書不輟岳諸生有以通鑑贄者公受覽卒業便封還之謝曰已拜貺故不欲儒家

無餘籍也既數年岳州陞為府公詣闕候調與守偕見上上問守一切民情物力守震懼莫能對公舉止巖然上顧曰是官何為者對曰臣岳州學官也代守條對甚悉言多扼要上喜曰此可給事朕廷遂拜兵科給事中未滿歲超為科長獻替可否侃侃無所規避會有密旨將易儲嗣公上疏論之甚力上怒巨測詔籍其家僅得賜絹三疋上色動謫戍五開衛不一年卒

論曰吾鄉蓋有儒家六龔氏其第三姓云 高皇帝

梅花草堂集卷二

三

六年始置六科掌叅駁糾劾之事顧必有所試之龔先生以學官代守對數言遇主竟于切直以死斯何負儒家事哉然攷其家乘不詳載疏中語但云以易儲故夫其時有所諱而不敢盡耶其子詡金川門之慟夫有所授之矣世謂先生未竟其志然有子竟之何擇焉雖然非獨其子能也即先生之配王孺人者亦烈女也五開之役泣別中途白旣自保教子述事忠孝節義凜於秋霜蓋儒家之致效若斯焉已

陳皞 從子助 助子諫

陳暉字孟東少孤貧不能就塾師學明律數給事縣庭會鄆城芮翀掌縣事推擇庭吏必知學者見公衣青衣翫齋堂下而年特少目矚良久辟為縣從事諭令就學公以間從林松谷鐘說春秋偶江雨桓說詩二業並興遂淹通五經之義臨池限韻無不圓美然氣不加溢青衣郊酉如初通政使趙公治水吳淞一見嗟異曰儒生也異日必為良器久之應幕府書記從豐城伯平交趾以年勞授會稽知縣會稽民久習慄悍弁髦官長不就繇役公至重懲其尤黠者數十

梅花草堂集卷二

四

人民趣令惟謹說者謂有鄆城治崑之風焉三年上計會廷詔求賢公上疏畧曰竊見河南前僉事呂旦奉旨伐木勞著湖湘徵稅開平軍儲允賴四知絕暮夜之金一清凜冰蘖之操加以長蘆被繫磨礪十年懸磬屢空愈勤學問可謂聖世遺賢允宜不次上納之詔起且推官建昌尋改公知淳安縣淳安之政一如會稽致仕還家常不自給從子助字賢佐少從鄭介庵沈佺侗輩講學談文里人號為十鐸而公最有清才能為長短詩歌日數十章斐亶多佳句精率更

令書法旁曉古今篆隸又能寫喬柯竹石倣漢晉印章正統初嘗以薦授桐廬縣丞九年陞知臨江新淦改金溪縣有能聲六年自免歸公有曹李洪腴田三百畝健奴數十人賣鮮于市取充伏臘賓客不更置產年五十六卒子諫字敬言棠邑訓導天順中將葬金溪公馬鞍山北鳳凰石下遇唐姚仙客妻張夫人墓輒為文祭而掩之避三尺為穴兆介庵聞之稱為吾門士云

論曰昔芮侯治崑自洪武二十七年迄永樂十三年

梅花草堂集卷二

五

幾于長子孫矣考侯在任奏免事故包荒田糧十八萬三千有奇開濬吳淞江淤塞二十餘里解遣催糧勾軍官校牢禁里甲駢首淹滯者數十百人械送旗軍娶婦生子于邑者二百餘人有利必興無弊不革開闢濶清之功于是為大而淳安公適見推擇卒成令器此其磨礪人才之益豈容泯滅而論者何沒沒也國初三賢無方不遺筦庫故所時有如淳安之遇雖曰會其時之可為乎自非芮侯勸學何以至此士子一釋泥塗不復知學終于不振者可勝道哉金溪

多才知足不辱崇邑避地澤及枯骨予故并錄碑志
不嫌諄復亦庶幾介庵訪遺之意云爾

志曰夫人京兆人值安史亂離宗族崩喪夫人幼
歲辟地江南祖考名爵無得而稱爰及不惑歸于
姚氏貞元七年十一月廿八日終于私家春秋六
十有六以十二月廿八日葬于馬鞍山北原子長
曰清次曰昕後有銘十二句皆四言不書撰人姓
氏中有天不祐善落我舜華疑仙客自撰

龔詡

梅花草堂集卷二

六

龔詡字大章父營官黃門以諫易儲事成五開詡方
三歲時法嚴成者不得以親屬行先逮公母子四人
既就道多病亡而公最幼獨免會赦東歸遇黃門西
楚道中匆匆泣別未久黃門死五開公從母依外家
居春和里而勾伍之籍旁午于道積移至四百餘紙
責縣官甚急賴宗人清惠公保持之母又多賣金自
衛徵發稍緩年十四白母詣闕候補得遼陽踰年
逮文君閔公直諫子又穉小不堪遠戍調守金川門
公即金川門守戍乎乃志在王室凜凜多匡衛之算

靖難師起從軍淮陰會統兵敗績力收餘衆復守金
川壬午六月十三日靖難兵逼金川門谷王穗以門
降守者奔潰公奮戈擣之不中低回走郊外冀得一
當以安社稷俄宮中火起乘輿遜避始大慟遁去匿
江陰常熟間然時聞竊竊追討聲夜走任陽寄馬陳
二家二家故多藏書頗修朱家郭解之義乃匿公大
園中公即讀書其間上討皇古下漁百氏几榻盡穿
多所纂述而又時時乘夜渡淩省母旁皇舊游家冷
吟孤嘯嘗有童汪非怯當年事爲有慈親在故園之

梅花草堂集卷二

七

句讀者傷之 章皇帝即位詔寬軍伍公始仍侍母
崑山而是時周文襄枕籍田江南具禮相就公爲條
上便宜二十事次序行之東南以安居無幾有詔調
公鎮海軍而母王夫人卒公斑白毀瘠孺慕終身自
惟髻穉之年見比閭子皆有怙恃我獨何人春露秋
霜感思深至觸事悲號幾迴病絕母子甫合何辜至
此既久之文襄欲處公師儒之任已定議蘇松間公
不可文襄躬辟之公泫然曰即詡非食祿之臣仕亦
無害但恐負往日城門一慟耳遂去不復見築逸老

庵虞浦上讀書鼓琴其中著野古集若干卷大都忠憤之氣光芒陸離不可磨滅云公身歷八朝年幾九

泰沒齒沉淪綱常攸賴前際後際才有搃萃者焉

論曰揚子雲言君子在治若鳳在亂若鳳豈其為安

節先生言之也吾觀先生蓋經世之雄不遇蒙難既

明且哲以保其身要以還矢黃門不負天道而世之

論者遂巡觸諱不欲正明其當日投戈歸田之槩編

籍隱遯故不知就所著書已見行事非獨垂空文以

自雄者也文襄百世之澤藉有先生亦少槩見矣

梅花草堂集八卷二

穆廟神聖首詔卹錄壬午諸臣故先生得在廟食之

列當時撫臣張佳胤抗疏請祠張黃門棟始得盡傳

其事無所避諱此所謂景星鳳凰爭先睹之為快者

耶嗟乎五開百年之目至是可瞑而 建文皇帝故

不乏王宮守衛士矣天道神明焉可誣哉當撫臣題

祠時江右龍宗武寔署先生事其詞曰龔某至性天

植篤忠義於童幼之時高標代希挺耿介于阨窮之

日身非官守痛國難而悲慟無窮運屬天移矢臣綱

而堅持罔變至于蔽名易姓竄伏江鄉辟聘數臨力

辭不起方之周武應天順人而夷齊獨耻食其粟
可謂千古同節者也及考伊父以直諫死遠戍伊母
以冰節撫孤童孝義忠貞一門共萃豈非蘭生幽谷
無人自芳者耶其視死事諸臣雖得福不如其慘而
抗志各極其崇慷慨殺身從容就義故難以優劣論
矣于是撫臣是其議請于朝制曰可

劉璉

劉璉字廷璉永樂十年進士擢拜陝西道監察御史
論事諤諤無所避就諸權要凜凜憚避之尋陞山東

梅花草堂集八卷二

布政司右叅政洪熙改元上念邊將無文多踈脫議

選方面叅贊軍務督理邊儲公與沈固周頤劉紹同

見任用叅政宣府宣府故當阿魯台兀良哈出沒之

處自黃花鎮抵大同平遠堡延袤一千二百餘里地

勢荒落墩堡耗廢公至督諸摠兵官整理文書商確

機密修廢舉墜漸致殷富宣德十年轉戶部左侍郎

仍兼巡撫皇帝若曰乃者西顧移衛獨石開平一帶

惟卿守之卿秉公正之心勵廉潔之行勤謹詳明夙

夜無懈爾其益供乃職用紓朕憂公拜命竦然積資

二十八年終始一節武夫悍卒承奉半采如恐不及軍民人等乃至老婦稚子裔夷君長咸若其政安其俗已已之變井源敗報踵至王佐跪伏草中人民糜爛蹂踐無餘而公嬰城固守屹然獨存景泰二年致仕旋卒殮手足外了無長物遂藁葬通州天順間葉文莊參政山西奏公在邊年久保障有功乞恩褒卹詔賜御祭一壇遷葬崑山馬鞍山下

論曰國家肇造區宇邊防整飭自 仁宗選用方面始一時諸臣駸駸稱提督重權矣也先之亂六師陷

海鏡草堂集

卷二

十

沒紫荆白羊獨石馬關諸寨相繼失守而開平八驛以劉公獨存斯何愧守社稷之義哉然猶不免致于文法道死通州文莊所為疏請于朝謂此老不宜藁葬沒沒也昔李襄敏以都御史搃督邊儲隱然長城萬里其修城繕堡積草聚糧都不改劉侍郎之舊是何叅畫哉玉山之陽峩峩馬鬣即其裔不可復致而公故免首丘之恨矣悲夫

夏禹 孫津 六世孫禹錫

夏禹字孟暘精書法以庠生膺薦預修永樂大典建

成授河南永寧縣丞永寧古熊耳地人物都焉而公又時方凋瘁惟綏和為務不靳皎皎之名會營天壽山公受牒送徒徒多道亡謫成隆慶大學士楊榮薦書內典召還擢中書舍人久之致仕公性恬澹與人交二擇便利恂恂如也善繪雲山嵐樹識者比之朱高宮高房山老壽卒長子欽欽玄孫禹錫次子錦錦子津

夏津字時濟性至孝好學有文正德十二年鄉薦選

象山縣知縣政務近民遷杭之昌化昌化故有嬰

花草堂集

卷二

七

羅林一株初夏花開香聞十里公嘯咏其側曰此真花縣也如安仁憔悴何未幾病還昌化民遮道泣留之既歸作夏氏世譜卒

夏禹錫字九範性靈穎一覽便能得書義之所會了然心口垂髫謁歸先生進為上座弟子諸弟子學于元生者多忘年禮之浮沉諸生間不大售時有絕特之知太守王道行知之特深呼為上友同里有沈君充俞者好古文詞饒俠骨迎君鄧尉諸山中冥搜丘壑典墳古書刺槧標位且述且作而下及擊劍扛鼎

九履姑布之數無弗研覽與人語必具首尾雜以諧
 詼人人能倒廣譙曲席爭迎致先生為快里後俊問
 義輒傾倒不能休曰吾古文何必不如今人吾時文
 實勝古人時以為實錄云嘉靖間諸大家多有竊其
 文擬巍科者而先生藍袍自如每就記室半齋魯燕
 遊閩越之壘夢游山水雙屐未試先生嘆曰嗟乎吾
 安得似曩者鄧尉時不徒托之空言也章亭寂寂玄
 鬢盡改對客圍碁半勝而卒時年七十二先生所著
 書藏其倩趙弘誥徐碩家時義走人間後進皆誦法
 之

梅花草堂集

卷二

主

論曰婦先生叙夏氏世譜言方谷珍之亂夏氏殲戮
 殆盡獨中書父亮方孩母抱以逃適海虞雙鳳里朱
 氏因冒其姓夏氏之老姑自滇南來尋訪其家獲亮
 告以故亮始知其先居崑山之太倉曾祖曰景芳祖
 曰君實父曰文通以及亮云象山之政不能詳世譜
 一書可謂克家幹蠱蓋嘗反覆叙言原原本本若河
 漢而無極也豈夏氏之譜待婦先生文而傳者耶禹
 錫與其兄禹功弟禹範皆出先生門下而先生又有

寒泉凱風之思宜其有味言之矣予嘗過九範先生
 拜中書墓環堵蕭然使人掩涕而象山塚在顧震寰
 山園中小閣之左覆土為岡以資游目而馬鬣不可
 問矣九範既老嘗語其子幼良吾百年後會從中書
 游此也

周弁 從弟璵

周弁字景星少游膠庠後以太學生理監策淮揚搜
 剔姦利商人畏服之頗為六館士所稱說授四川嘉
 定州蒲江縣知縣縣故臨邛地在京師萬里外土風
 梅花草堂集 卷二

主

覽雜不可處公至頗用明恕一切與之休養而潛化
 之蒲民安焉會持服婦既闋補閩之連江其治連也
 如蒲而加慎焉嘗曰吾曩處邛笮之鄉形勝有餘意
 思不加戚今雖官天府之國恒懼其渝也不加欣聞
 者避之後引年自罷家居不喜飲酒日親魚鳥為樂
 聞子弟課誦聲輟如也從弟璵

周璵字季溫受春秋林先生鐘遂通三傳初授烏程
 教諭陞臨江南昌二府教授所至以師道自負督率
 諸生方嚴有法每相與講析經傳首膏間燈火熒煌

嘗至夜分乃罷後以臺省薦入爲都察院照磨尋拜
監察侍御史亦有奏記多軍國重務侃然正色不避
權要用是殃毀遷鄭府長史剛心正骨如在御史時
以疾卒于官

論曰鄭先生誌蕭江公墓自言往時嘗見其父天澤
翁御史家輒述其往來江湖之槩履夷如險也以故
夷險俱得焉蕭江之官川閩不改父道卒亨於官予
又見周氏宗老稱康僖小御史以前有御史故蓋御
史弟璣者康僖曾父也往聞康僖在臺中動引其家
梅花草堂集卷二
先御史自礪可以知其賢矣而志皆不載其行事何
也

虞祥 子震

虞祥字仲禎敏穎絕人弱冠馳聲黌校問無學者自
喜之氣永樂辛卯中應天府鄉試式旋以乙榜選授
金華府儒學訓導弘獎人才各充其量滿歲掌教上
虞上虞子弟蒸蒸向風達材尤偉宣德乙未選除禮
科給事中未幾陞掌科事僧覺貴者髡猶也構中使
創造毘盧閣僭擬非度公劾奏毀之置貴于法或謂

公欲爲韓昌黎耶公笑曰不然先皇帝頒佛經四方
貴璫承旨轉相煽惑塔廟寢盛禁城何地豈容此輩
猖獗乎昔 高帝命造僧人周知冊聖意云何且不
見近者唐賽兒妄稱佛母幾溷青徐矣聞者悚服尋
陞通政司右叅議敷奏詳明出納惟允正統癸亥進
地官侍郎改少司馬授嘉議大夫甲子春巡視畿輔
賑窮挫豪民賴以安乙丑九月十七日卒于位訃聞
天子傷悼命官諭祭營葬祭酒李時勉銘其墓子震
字啓東別號常春散人散人性高介不樂仕進其先

梅花草堂集卷二

五

司馬卒無遺貲僦屋養其老母本兵余子俊請爲部
司務辭甚力手校遺集至老不倦自漢以下詩人都
能辨其體製工拙其譏切時事尤見風骨云

論曰予讀李祭酒志虞公墓文詳而不諛其謹飭持
大體之致隱然自見于言語諒非祭酒不能爲此作
也祭酒折脇再聯言事不輟豈妄許人者乃諛墓耶
奏劾妖僧自是大臣防微之漸如夏忠靖長揖法王
與侍郎政一膜流出耳常春散人僦屋養母讀書高
尚絕不言臣父清以成侍郎之大父作子述優游百

年雖曰不富貴吾不信也

夏景

夏景字仲昭少有奇徵七歲能楷書善屬對御史范敬先行學儒生周暉以公見御史口占詩句試之應聲而荅屬辭新警御史大奇之邑令芮子翔館以賓禮其學日進十三受春秋司訓盧從龍而是時太守姚善行縣甚奇公姚既被難詞連司訓諸生皆避去公誓死相依屹不動盧注目語人曰今孔融也永樂甲午鄉薦明年登進士第選為翰林院庶吉士預纂

梅花草堂集 卷二

七

性理大全以善書召見 太宗覽其名日旁永語之曰日宜在永上公就御正之今文日之上永自公始也明年扈蹕還南京未幾駕幸北京公留南 仁宗監國與舍人朱孔陽秀才凌晏如俱直東華門凡所摹畫無不稱旨戊辰召赴北京書官殿榜明年修三藏內典公書第一辛丑授中書舍人 仁宗登極學士楊公榮請公直文淵閣宣德間陞吏部考功司主事仍典文翰正統初纂脩兩朝實錄書成賜白金文綺尋詔書皇陵碑加承德郎戊辰以侍郎曹義薦守

瑞州瑞古筠地疆土沃衍公課農耕之年穀屢登遂興文教嘗訪蘇文定東軒想當年種竹植蘭與其兄子瞻過訪之處慨然久之景泰壬申朝京師遂陞太常少卿賜誥命階中順大夫歲丁丑 英宗復辟進正卿授嘉議大夫時年七十引禮致其仕又十三年薨于家賜葬迎鍾浦廕子一人長子鉞讓廕季弟鉉善事太常備園亭竹石之養次子鐸字文振以字行公嘗進其書 景皇帝命入中書累官舍人大理寺右寺正次鉉廕補光祿寺署丞

梅花草堂集 卷二

七

論曰予從白庵遊拜先生遺像如真官仙宰眉眼秀出簪笏儼然故當名聞海外欲無問其書翰矣考徐有貞壽藏記先生生而數驚不可止至舞象時猶然父携之崇明觀見列仙而喜遂不復驚豈其未有所自耶不然先生以經術進寢承恩眷賜第宅免朝參羅鐘鼓于堂珠圍翠舞其側絹素一出能令朝鮮日本暹羅海外諸國懸金爭購豈偶然哉先生在東朝與尚書蹇義學士楊士奇實莞機務非簪筆備顧問而已也而吳中稱富貴孝友之家必曰夏太常故足

重耳世傳先生爲人灑落篤于倫誼兄昺戊隆慶第
杲亦從坐先生徒步往省脫杲于難薦昺爲中書舍
人以此爲孝友之證此不然先生幼不負廬司訓况
乃骨肉手足哉蓋作傳者絕其生平之一事而非所
重也夏氏竹滿天下久乃益噪書法在歐虞間故不
識與陳文東何如矣

梁棟 子昱 孫統

梁棟父孟鏞洪武中嘗爲館陶主簿指衆食貧乃贅
其少子鏞民家母意甚憐將行嚙鏞背識之灑淚而

梅花草堂集卷二

六

別孟鏞既卒棟思鏞不置白母詣館陶已失主家所
在不復見鏞嗚咽奔還爾後隨所至輒求之垂三十
年而棟意弥戀後以事寓居華亭東禪寺僧舍會天
大雨有一僧袒而決渠晦露出癢痕棟心怦怦動亟
就與語嚙跡宛然疾馳告母載與歸相友愛終其身
棟子昱字文輝請恭持重不疾言猝見非常終無倉
遽之色初婚三日喪父茹淡寢苦竟禪除不入寢舍
正統十三年服闋詣金陵魏尚書驥請與相見咨嗟
久之事聞提學御史孫鼎贈之詩有孝著崑山第一

人之句是歲登賢書後選授平定州知州省刑緩賦
務與民驅所惡而就所利州人德之後卒于官百姓
如喪考妣婦櫬之日哭聲載道孟羹瓦飯相望數里
見者莫不流涕子統字尚素成化七年鄉貢士通判
漳州已陞泉州同知愷悌清勤兩平巨寇民爲立石
頌德致仕家居檢身率物內外斬斬稱有家法云

論曰梁氏之籍崑山自宋承德郎山西平陽府通判
仲德始仲德子澤民元迪功郎婺州路經歷澤民子
璫將仕郎太原府太谷主簿璫子孟鏞鏞子棟以孝

梅花草堂集卷二

九

友特聞平定泉州務滋其德其後子孫世有官祿于
朝雖閨門之秀多沐恩寵人以爲發源之深而澤流
長也豈不信然後稍微削在隱見之間而人情思慕
之論世族者必推梁氏惟恐其後之不聞也孝友之
于感人甚矣哉邑志不載館陶事不可攷然嘗爲吏
賦于民何至以子出贅則其所建立亦可知已孟子
曰誦其詩讀其書不知其人可乎是以論其世也

王永和 子汝霖

王永和字用節器度宏廓十三能文章司訓林公鐘

一見嗟異稱爲公輔之器永樂甲午薦于鄉明年中
乙榜公念兩母在堂遂選授嚴州訓導嚴士易公年
少故執經用相難苦公應口隨授析蘭擢絲多老儒
之所未發輿論翕服退相語曰見王先生真可謂虛
往實歸世間學問寧有少長哉父之改訓饒州孜孜
獎掖十年無倦當公之訓饒也文廟頽圯亟請于太
守潘浩將新之守有難色公侃然曰明府重改作固
當而不念我夫子苦風日耶即閭巷小生猶思掃舍
宇爲容俎地儒官受命于朝率諸生駿奔頽垣斷礎

梅花草堂集

卷二

辛

間母已褻乎君子務本之謂何矣守恧而退卒從公
言會秩滿當遷少師蹇忠定時爲大家宰薦公給事
兵科居無幾即劾奏錦衣衛都指揮馬順阿黨權倖
多以意羅織人罪薊州都督王彥不嚴守禦聽降虜
斬閔而出上雖不報直聲已凜凜動朝廷矣無何陞
本科都給事嘗持節韓邸冊封其妃有中官偃蹇殿
上公糾之以法無少貸會少司寇缺銓部擬公公曰
刑科郭瑾資地高義不得先遂陞工部右侍郎時方
營建諸司廨署役繁事殷公至鳩工庀材事集而財

與民無傷害父之淮右大旱飛蝗蔽天公受命往撫
之興革利病歲乃大稔已又治河于汴築堤鑿石疏
通徐呂二洪運不膠淺正統己巳也先薄都城擁上
出塞公與英國公張輔尚書鄭瑄王佐學士曹鼐張
益等數百人俱陷土木時八月十五日也上還北狩
詔贈公資善大夫工部尚書得年五十有九公性至
孝喜讀書父子禎病痿手齋湯藥十八年如一日父
病忽起所著詩文清麗條暢有梧竹集若干卷從公
號梧竹云子汝賢字世英廕大理評事次汝霖字民

梅花草堂集

卷二

北

望正統十三年進士奉公恤民勞瘁成疾歷官吏科
都給事中終河南右布政使
論曰王尚書立朝風度可謂大臣父子同居垣省敢
言事亦一時之榮華矣及攷其墳墓子孫了不可得
或云今居長洲子多長洲交亦未聞有言尚書後者
獨邑志載公大父名允吉父名子禎及公之子汝賢
汝霖而已攷公行事當不至泯泯無傳于後殆是予
耳目之未廣耶公以司訓陟臺省歷卿貳扈從不辱
其身于國家超遷之意何負焉嗟乎先朝不循資格

得人爲盛其所激發者多矣

許剛 曾孫立 裔孫騰蛟

許剛字秉中永樂間鄉貢士通判鈞州廉勤敏惠所居無赫赫名而州人懷之未久以母喪去其任州人爲製寶廉瓶以獻言曰磁鈞產也自君侯來此而民不苦磁請以抔土爲君侯壽令異日者尚相憶乎公揮淚受之既服闋補霸州霸州之政如鈞又二傳爲御史立立字伯基幼警敏明易詩二經中成化癸卯鄉試弘治己未登進士第選授山東海豐縣知縣豐

梅花草堂集

卷二

三

地方四十里藩邸別墅居其強半均節爲勞而王又請牧地自益監司將議許之公持不可曰倘以王故受譴有知縣在議小損而公立召其民受所請地隨定額以絕藩王望王卒不能相加正德丙寅召拜南京廣東道監察御史公在御史臺言事諤諤儉人多目公會歲例偕省臣審勘市租省臣受贓論免而啣公者坐公不糾省臣出爲吉安府推官吉有王乙者爲怨家所構誣繫其父子八人論死公詢得匪反坐誣者而活八人一郡大服尋遷漳州府同知公請老

遂致其仕御史之後又三傳爲贈奉直大夫騰蛟字

騰伯口微吃然多條暢之氣讀書飲酒意思豁如也十八補弟子員浮沉徵逐間人無知者江右劉文正選訓崑山不能俛首事左遷給諫蘇某卒爲所整詞連公公抗聲與質辨指誓監司前見者泣下而又獨身翼蔽司訓完歸故鄉人以此重公而公亦戢影貞山中作芙蓉集若干首見者謂爲必得之技公亦慨然自命時已艾不倦也嘗與其子伯衡同秋試衡出將誦所奏牘公笑曰徐之願翁、爲衡誦終其卷不

梅花草堂集

卷二

三

錯一字神色甚王其後衡舉于鄉公猶讀書海上沾沾喜曰是兒必做吾姑飲酒爲樂夫公性長者絕不喜談人過聞有及曖昧者輒叱曰子何從知之先是邑中虐家徒壁立乃依外家耕其硯以事父母聚順萬端皆無所悔弟起鳳不竟學公覆翼之無令爲世眼所物色鳳亦謹事公皤、黃髮相友愛如嬰兒鳳病噎而公色焦然每聞嘔暖聲慟幾絕矣公嘗客游天中踰嶺表涉海東皆有詩集行于世其在汝南與蘇時雨往來倡和之作尤自謂賞心云

論曰方奉常言黃應龍氏故有寶庶文今攷其集不載而飛質顧家已為所滅倘所謂此最佳何得在者耶然而鈞州之政用是益顯然則文與飛皆非其藉之以久者歟御史治豐將鑿井便民飲食而城西古井甘泉涌出夫不與鈞州杯土相輝映乎奉直自大父載父昌國以及其身孝友為政井潔不食後以晋寧奏最封如其官君子以為未償所積也予觀晋寧之政清強有守蓋駁高陽氏之苗裔矣

趙遠 子昂

極花草堂集 卷二

奎

趙遠字弘仲永樂初以楷書稱旨詔拜青州臨朐縣縣丞公為臨朐廉而勤不以閒官自隘朝廷知之擢禮部儀制司主事儀曹清秩公為之益能而上念徐州南達江淮轉漕往來之衝議置倉備緩急廷推董其事者清勤無如公詔督徐州營造公又不以清秩自懈也庀材鳩工覈勤惰而勸率之不期年竣事天子嘉其能超拜河間府知府卒于官歸橐蕭然不能充驛傳州人歛錢扶柩送還鄉里葬馬鞍山北麓子昂字叔昭宣德元年鄉進士終河南輝縣訓導亦善

貧孫成美鄆縣訓導

論曰按志唐都官郎趙緜壻于范氏遂為崑山人然不名其所自来宋崑山州學正趙璧自淮揚元市舶提舉趙允中自開封為我朝大理評事然則趙氏蓋兩族儀部之先不可攷以書得官與儀部相先後者又有趙楷洪武初有趙彥可見鞏昌府志崑山志不載其姓名可嘆也永樂之後景泰趙博宣德趙勉成化趙儼嘉靖趙鏞趙世貞趙士傑皆列科目僅存姓氏而已吳無譜牒一二傳後即為所不知何人而儀部三世有官職系可攷亦幸矣予訪儀部墓有斷碑卧壠上山中人指示予猶稱趙太守云

梅花草堂集 卷二

苗

黃鐸 子琚玘 張經附

黃鐸字希聲永樂十三年鄉薦性耿介有數椽逼縣治居之授徒自給不造令從學者三日不授書但令正立堅豎不動人或怪之公曰讀書易耳舉止動盪多跛倚側媚之態學何為乎鄭有林方營先祠適在公許或問鄭費幾何鄭語之甚詳既退公語鄭曰後有問者但可及工料不必詳太詳恐阻其慕義之

念蓋其與人爲善動有矩矱如此子琚字廷佩隱跡田里讀書不輟次子玘字廷儀性沉毅美秀而才正統初由賢良徵授光祿署丞滿考以大臣薦陞温州府知府捕盜有功屢受恩賚

論曰黃先生之裔不可攷今志亦不載琚玘蔣明志有之蓋幽顯詳畧之際作史者誠難言之矣永樂間有張伯緒先生者名經成進士不拜教授鄉里二張項璉瞿泰安之徒皆出其門其教以絕嗜好爲主蓋嗜好斷絕則小人無緣而至天下事可爲也其言甚

梅花草堂集

卷二

五

大論者比之先輩王樵王先生而希聲淵切矣

張翼 支鑑 王綸 附顧培 李元壽

予爲人物傳意在闡幽而幽者之不能必闡也則前志限之何則凡顯者詳而幽者畧也凡詳者又有志狀贈述子孫墳墓可攷而幽者未必皆有之取具名姓而已矣寥寥數言苟且完局則不見性情不辨品格漫衍雷同則何取述作蘇子瞻言凡人意思各有所在或在鼻口或在耳目傳神者得其意思所在則無不肖矣後世俗工便求舉體皆似亦猶作史者務

令百行皆完豈不謬哉予讀前志所載幽顯之際愴然心悲其所述數十隱士之梗概類忙時作頗疑其以甲之說爲乙之傳也姑錄其名姓散見諸傳間而其僅存什一符所見聞或其他紀錄可攷者有友五人焉

張翼字文翔性峭直不能容人小過然頗爲葉文莊所獎識有御史行縣貪而黜文翔舉其誤謬數端爲諸人分別言之御史聞捕文翔繫獄謫戍開平文翔居嶺外數年多自得赦還過文莊許或言後御史貪

梅花草堂集

卷二

共

黜事文翔裸袒謾罵如曩時不少悔一座默然而心躓之文翔善行草稱歐顏入室嶺北公署及所過溫泉諸名勝處皆有題識如虬龍拏攫勃勃有光氣京師諫院題名尤稱奇偉

支鑑字汝同整潔自喜都不與世作緣每旦起拂拭几案手界烏絲欄作百十楷字蠅頭蟬翼具有尋丈之勢或請書宮廟墟墓碑版莊體勻畫無異小楷人以為得書中三昧云嘗戲作叢篠澗蒲蒼翠如滴一時寫生家爭傳寶之

王綸字理之以字行偉幹修髯頂出人上嘗冠我冠
佩玉往來君子林中動止閒適吐音清暢不知者以
為仙人云少師事沈啟南稱入室尤工篆隸楷書不
減率更令會重修闕里文廟撫臣檄公往視事穹碑
大額肉骨停勻至今為廟榜之冠嘗與修 武廟實
錄及崑山志所著崑山續詠節烈編等書藏于家初
公之師啟南也魚箋鵝素爭往其門公曰嘻此從師
門入不足奇遂用書法顯而啟南晚歲不勝求多借
筆于公公裔孫去非嘗出啟南索染帖數十紙每稱

梅花草堂集卷二

七

公青尚于藍焉君子林者公所居在郭南湓瀆里
顧培字起元以字行贈武英恂家孫也性好閒適卜
居東城養老段不以門第自伐布衣草履泊如也善
寫竹尤工篆隸時贈公已老壽喜述作每有撰著必
授公書跋而藏之而太保文康公亦時竊公餘派間
寫竹石貽公公處金紫焜煌間安貧守志子子自將
壽考卒

李元壽字仁山善楷書聞於閭里三原王端毅公怒
巡撫江南見公書聘之呼為李生舟行巡視必携公

與俱啟牘牋素皆出公手或無為于舟中則令誦大
禹謨皋陶篇而莊聽之又嘗為顧御史潛寫進奏書
天子以其書為善為人淳篤訓子弟有法而又善書
以是為縉紳所重即他州碑石往往屬公云

論曰昔之工書畫者類皆不得志于時聊借此自快
以為當吾身見諸行事之實何係何求而後稍營營
矣其不志何怪焉予第大年字世長嘗受畫于吳趨
張元舉不祈形似要得其意思所在者也而世長嘗
語予此道非諧世之術不須有為而作有為為之則
必不佳人稱世長畫似唐子畏書法李北海世長笑
不答而私于所親曰夫然則安所置我矣世長之書
猶在季孟間而于子畏直旦暮遇之也予作五人傳
并志世長語夫亦其神之必傳者耶

梅花草堂集卷二

六

梅花草堂集卷之二終



梅花草堂集卷之三

吳郡張大復著

後學汪中鵬補

皇明崑山人物傳

吳凱 子愈

吳凱字相虞生不識其父奉母居貧里胥嘗召之役乃詣縣自白願養寡母不能遠離且有志于學令芮琳深器之許自便尋補弟子貢入太學中永樂十八年順天鄉試選授刑部廣東清吏司主事改行在雲南司二司夙號煩瀾刑曹亦多憚之公為之裕而

梅花草堂集卷之三

一

司無留牘亦絕無稱寃者久之又改禮部主客清吏司公念母老遂陳情致其任公為人端方凝重家居四十年絕未嘗有境外之問鄉人自長安來者輒道公故吏某某私詢公校履無恙甚悉無不款款情至公領之而已都御史李秉嘗薦公沉練有局堪鎖鑰不報老壽卒里人私謚曰貞孝先生子愈字惟謙成化十三年進士授南京刑部廣東司主事久之補山東清吏司署員外事主事又改雲南司署郎中事初貞孝以刑曹起家每為公具言折獄之道公心哲然

既領部數以間繙閱舊牘遂精法理一時奏讞咸決

于公亡何出知叙州叙故棘地夷獷吏黠反覆不可

制公獨持鎮定無事勤兵安熬者土黠也噪其黨以

馬湖叛僚吏請擊之公持不可已忽遁去公勅十健

夫縛以來諸吏請曰聽熬叛弗擊既已遁卒縛之來

何居公曰叛者熬也餘人可盡戮乎遁而縛之一健

夫之力何煩兵為衆乃大服馬湖因是改置流官而

流官互煽亂至攫府印以去衆復洶洶公疾馳抵其

巢諭之曰太守奉朝廷威福攫府印者殺無赦即彼

梅花草堂集卷之三

二

司失印將鑄與之而若曹以一寸敗銅自取撲滅何

夷懼遂納印土司晏然公清強有守謀定猝發在叙

九年終鮮蠶鳧之禍撫巡最其奏遷河南布政司右

叅政兼理屯田先是藩府影占匿屯田以千萬計廷

詔御史直之彌連不可問公至立辨會有蜚語中公

輒自免

論曰予家興賢里盖有貞孝塚云里父老過之稱北

吳大人墓予考其行誠長者叅政治事又何烈烈也

王司業言叅政偶與中使戲再敗辱之中使色弗堪

同列躡參政履不聽又敗之躡履者乃私于參政曰
公母已甚乎公曰吾故不與黃頭奴作緣吾向者直
褫其魄手絕之矣其風義如此司業又言參政年八
十餘居鄉恂恂與人易無少長貴賤文待詔亦云兩
公皆參政館甥知之為詳而貞孝淵粹矣

周號

周號字德元秀爽多姿性特和易不務高亢蘄絕嘗
以賢良薦京師薄遊齊魯燕趙間無所合退居鹿城
讀書味道表章先哲一時節孝忠貞之事多所洗發

梅花草堂集卷三

三

嘗留意譜牒倣古規圖作族譜若干卷具諸矩矱又
嘗裨謀郡史為劉昌李應禎諸先輩首事皆可存述
于後而公意泊如也綸巾野服每從耆英社登高弔
古談說當世得失之務風吹疎髯輒飛動看青天白
雲翛然自遠人莫測其意之所會遊誦之暇潑墨淋
漓輒為好事者持去偶見國初人畫梅謂有意致濡
筆揮灑遂盡其法而適宕過之一日會飲某家且酣
顧視素壁瑩然可鑑公索水墨甚急萬花立就鐵幹
拳攖如混茫中玉龍變化見者驚愕公亦自謂神來

嘗感揚子雲玄居寂寂自號草亭彈琴賦詩以終其
志

論曰予第大年曾摹先生小像予得見之飄鬚倩輔
五官隱見停勻僂僂有青城氣予謂大年古者特絕
之人其意思所在都于形外得想如先生風調不煩
摸索蓋五官載而行之矣大年又購先生所畫萬玉
圖橫幅着齋中笑指示予如此飛越可令夜半暗香
浮動也先輩黃丹巖作周草亭傳與予兄弟持論頗
合為刪次其語傳之夫子與先生故有所徵之矣

梅花草堂集卷三

四

盛頤 曾孫洪

盛頤字蒙養永樂十七年應詔詣京師 文皇試其
才而悅之擢拜江西布政司左布政使公至清理通
賦決遺滯囚凡有施設必妙簡大僚之廉勤者畀之
如天台夏迪河南時泰而後搃其成事剛柔緩急悉
協機宜一時岳牧之選稱為得體每巡行郡邑弘獎
學校急親賢為務故事江西省試暫寄學宮詐偽既
多濫冒特甚壬子秋當大比士公乃行營敞地南城
鼎建貢院嚴飭關防士通經史方許應試以故是科

得人彬彬稱盛焉乙巳領群吏入計稱 昭皇帝旨
詔留陪祀南郊特加寵賚衆頗忌之遂因言事者落
其職 宣宗即位公詣闕辦理授南京工部虞衡司
員外郎歷官八年三使藩府皆有廉能之譽加奉訓
大夫後以疾還陪京卒又再傳而有憲副洪

盛洪字思禹性方貌偉雖盛暑必攝衣冠危坐才嘗
裸跣遇事敢前然不以才氣自雄多嚴重成化二十
年第進士歷官刑部主事員外郎郎中三被簡命出
按大獄無非貴戚貂璫糾紛盤錯之事人或爲公難

梅花草堂集卷三

五

之而公游办裕如不濫不漏皇帝若曰爾洪聽斷惟
精折脩罔玷可備朕任使會黃散仔倡亂廣南廷議
方正廉能之臣往飭兵備上特詔公提督海道副使
公廉察情形特嚴船禁一切通番買港私販私貨之
弊悉行禁革黃頭伍伯旁午夤緣求所以悅公而開
之竇者何不至焉公槌槌正色約束惟謹直令逆瑾
側目思中公萬端不可得乃用添設例裁革免官既
二年朝廷又以東事非公不可檄召公提督海道如
故亡何病歿尋擢山東按察司按察使

論曰人臣奉職循理皆可以爲治要之廉無欲者稱
焉才幹之士措辦有餘以當方伯憲副之任亦可以
濟退而攷其簞簞之飾鮮不忤矣其于臣紀何觀乎
方伯再考衣無重綺迨其沒年冬官如水憲副視獄
冰凜四知裁革歸家數椽棟宇以才如彼守如此故
乃可喜耳論者不察妄謂絳灌無文少飾吏治此夫
不揣本而齊其末者也官廉非職外之奇而廉之于
奉職由來尚矣焉用文之也哉

章賢 張翬

梅花草堂集卷三

六

論曰丈夫面如紙不肯以手捉錢所在時有何有縮
章佩綬稱天子牧民之臣多惠政各數十年至不能
以身返其鄉寄死異地母已甚耶昔者吾友稱君子
固窮政不欲爲世所物色故子路慍見以爲濫也夫
濫則不祥莫大焉傳曰志士不忘在溝壑男子赤身
墮地何妨投淵自快政恐難爲固耳予每誦斯言而
壯之如所傳聞章太守張陵縣事何以加焉

永樂十八年南京中式舉人章賢字士希性廉謹每
事必求無悔于心初授大理寺評事歷官漢陽府知

府嚙水茹藥終始一操既免官念鄉無四壁而所携甚狹不能歸乃僦屋留都低回以得瘠下田數十畝僅給饘粥病死僑舍衣不覆肘隣人憐所遺敝器殮之歸葬馬鞍山北麓而去周氏祖塋數十畝裔孫自闇字與可秀慧有文聲名籍籍諸生階為掌教沈應奎所器重未久卒

成化十四年賜進士張翬字鳳舉曾父某誣成滇南遂為滇南籍而先世故崑人祖宗墳墓在焉翬既成進士選授桐鄉縣知縣銳志興革如夏日秋霜不可

梅花草堂集 卷二

十一

狎玩然廉愛之心於子部屋母喪馳歸囊無一錢後補陵縣持操如初會縣多名豪請張為忠公剗削之卒為所中遂免其官道遠不能歸還至崑山依墓廬居之七年卒年三十有六縣令楊子器葬之小虞浦東滎陽里張子曰陵縣反初服年未三十誠稍自為計故不必降志然後歸要非其意也然猶自知其得遂首丘之義漢陽歸秣陵遊魂渺漠蓋在可知不可知之間矣傷哉予每想其當年形影遲回却慮惟恐人之知之也君子哉若人豈與賣潔者同日語乎吾

鄉故不乏奇廉之士如呂沁州毛褐渡江龔祀縣授徒終老亦烈烈矣然其歸也井閭相望親戚相道故方之西先生蓋有幸不幸焉胡威曰臣父清惟恐人知臣清恐人不知此非真語恐人不知則清者何尚乎威蓋侈其君知之故云爾吁嗟兩先生金紫燭燭之鄉故自有遯世而不悔者哉

屈昉 孫初 玄孫儒

屈昉字季恒才情倜儻讀書不事章句嘗從軍崇明寫懷寄遠詩篇傳播為廬陵楊文貞公所知楊問崑

梅花草堂集 卷三

八

山令羅永年季恒安在羅不能答楊曰君尚不識屈某耶羅有慚色心識之既還縣有詔舉經明行修之士羅以公薦授廣州南海縣丞而是時選君偶見公詩有云一官自信無慚色竊祿應知有厚顏疑以為刺也噓之丞廣州十年不調累有惠政皆弗錄乞於任蔣花賦詩以老壽終有寓庵集藏于家孫初屈初字處誠能讀先世遺書隱居不仕喜畫山水多深遠穠麗之致嘗受竹于夏太常泉卒未盡而太常故不喜向人寫竹公欲見其揮染弗得也故張絹素

于壁從太常飲俟其酣放時自爲之太常既醉輒馳去公乃縱意潑墨爲風雨竹數竿他日太常見而訝曰吾何從作此公以酒酣對太常諦視良久曰醉也乃忘結索筆掃數葉其頂上覺雨驟風旋竹情頓倍公乃自念吾終不能寫吾竹當作太常竹耳去學寫松遂臻其妙孫儒

屈儒字汝爲少負遠志自以家世儒業未試于時乃下帷發憤精科舉之學正德末年登第選南大理左評進寺副寺正講讀律令增益新例多所發明終福

梅花草堂集

卷三

九

建僉事在官屢有建白以清慎稱

論曰吾鄉齊禮坊蓋有屈先生墓云稍折而西其南爲龔安節壽藏東直上爲張新城父子墓新城世顯然不改闢而安節無子以壻周某其祔岌岌僅存寔賴其裔孫時煥保持之萬曆初建祠其前塚如故獨屈氏寥寥矣季恒先生與安節公往來唱和文采表見于世處誠亨于松竹之間雅爲好事家所矜秘而僉憲成進士一二傳無聞焉予嘗見其手書律例標注甚詳乃流落一椽史家豈父子祖孫之間故亦有隱

顯乘除之數不可越耶將公侯之後多去其籍人情大抵然乎由是觀之士之遇不遇故不足爲祥不祥也以僉憲之清慎猶若是他何論焉予每登鹿城望三松秀色競爽雲際以爲處誠松也亦稱屈大夫松云

蔣明

蔣明字奎章少孤方學舉永樂二十一年鄉試選授慈利縣教諭方嚴有體隱然以師道爲已任宣德初奏請吳澄從祀文廟學者爭師尊之公益廉謹自持

梅花草堂集

卷三

十一

挺挺不屑阿附每遇迎謁必令儒規憲度相御而行會臺使行縣傲慢無禮色辱公公輒避賢舍僦居慈之東臯決然請去士大夫不能平詣公謂曰事易白也脫有請者不敢愛吾鼎公笑曰吾斯之未能信何以請爲就令請之而得僕僕車塵馬足間俛仰顏色能無愧于心耶吾甚悔不知廣文之賤徒取大寇如箕綬若若趨走貴人前哉吾先人之敝廬可蔽風雨薄田可贍饘粥遺文可示將來吾願爲一鄉之士垂空文自見耳于是折節讀書考訂今昔作崑山志若

干卷行于世註文公小學

論曰吾鄉之有志自宋凌萬頃始勝國時楊諲繼之板蕝太倉庫中今不可攷明興有季篋志蔣因而重之駸駸大備矣方志疑顧氏之太簡固當至謂蔣不足徵何哉鄧文潔有言夫子蓋嘗絕四以信于天之春秋然後付知我罪我于天下蓋作史若斯之難也後之小人不求已信率爾妄作其甚者掩襲前美故相凌軋而并竊之比豈復有春秋意耶慈利避色惟其禮辨誣求其信筆之為志豈誣也哉

梅花草堂集卷三

立

張翔

張翔字元龍耿介不群猝遇非類望望然去之曰此輩不可與作緣久必為害嘗屢應鄉試不第正統初用薦授江西按察司照磨歷官甌寧仙居二縣知縣陞滄州同知終瀘州知州所至皆有德于其民口碑心祠往往而在當道累薦之封父恒如其官公性喜吟尤工篆隸間作喬柯竹石方尺之紙具諸生韻既歸鄉間與孫秋官蘊章觴詠不輟然動如禮法曰詩以達吾意酒以適吾情則止矣沉酒酣德非所欲聞

子澤字宗恩正德中歲薦選鄞縣訓導方嚴整飭雅有儀度識者稱元龍有子焉

論曰語有之麗朱者丹附墨者黑交游之于人甚矣哉瀘州不輕與人晚歲偕秋官聯社凜凜猶恐其渝也斯其隱衷檢柙直逼古人訓導之方嚴所從來矣朋友之交調劑五倫豈誣也哉予因瀘州事獨贅言之毋令後人托於于野之同作詩寫字淋漓自放為任達也

王資 從子庭 孫億

梅花草堂集卷三

立

王資字之深醇厚清飭孝父母以明易薦永樂癸卯鄉試中春官乙榜選授浙江武康縣學訓導檢柙模範廣植莠李九十年陞南京翰林院孔目復滿三考將奏績長安語所親曰吾落落冷局久非所堪豈望復踰才分故念吾二人且老幸無恙可及一命斯不負二十年懍懍奉職之意將在此行矣其詞悽懇聞者心動既報最果超陞本院檢討檢討七品官及瓜法當榮父母公捧檄色喜益勤其職讀書勵行無異筮仕時未半載卒君子傷之子慶河南尉氏教諭有

行侄庭孫億

王庭字元直髫年嗜學為葉文莊鄭介庵所器重天
順壬午鄉薦成化丙戌授陝西鄜州學正廊在邊鄙
士不知學公至勤率之稍稍輩起有登賢書者辛卯
與江西文衡故事御史聘學官典文先擬目試之示
慎其選公持之不就試但署其牘曰未聞枉已而率
人者也御史是其說命就事更加禮焉既撤棘一榜
稱得士云丙申九載秩滿改授高唐州學正己亥遷
國子學錄封登仕郎弘治戊申超拜審府長史端嚴

梅花堂集

卷三

三

簡默每事必以禮匡王王嘗命作崔徽負心論公歛
容曰此元稹小孺子浮淫假托之詞非其所聞王亦
改容謝之君子謂王長史有江都長沙河間之風焉
而其人直可為朱雲汲黯當時以為知言

王億字輔之幼孤奉母與其兄俸及從兄傳切劘為
學自念家世受易務搜討洗發著為新論傳之其人
曰人日進稱王夫子公亦抗顏自負欲以見之行
不徒章句之工而已也母晚歲病寤寢而不寐公臥
起榻旁陳黃帝岐伯之書究觀五臟胞絡之異嚼齧

草木調攝寒暄更數寒暑不輟母病良已聞兄馨歎
輒屏立毋敢逸豫生平所得修脯未嘗異財落落覺
校間四十年無牢騷之色公好著書皆可底績甲寅
之亂公上守城事宜令如公言得不敗使君熊其
分司東南浚瓦浦公上三江圖說用其言而水利後
以子貴益杜門却掃不造令四方同游之士持節過
其門者必峻謝之曰使君不通故舊禮也里中佻佻
敬憚之稱後舟先生

論曰予嘗讀書王氏與鹿園謁長史墓志所載祖墓

梅花堂集

卷三

古

後旁黃字圩之原者也因得覽其家乘王氏出宋王
淮之後國初福二者徙居崑山甲子里生義之義之
生禮禮生資質長史公質之子也其後業儒不絕資
以翰林起家生慶慶生億億生宇其人風雅文藻登
嘉靖癸丑進士三守劇州多去後思歷官遼東行太
僕卿遂致其仕次宙厚倫結客好施與嘗奇其子選
謂可繼太史之業後不售而儒業至今彌昌云嗟乎
士人讀書營進要必以孝友為本予觀王氏累世良
於後舟之裔孫有曰濟與新者思表見其先德如不

及焉以此知君子之澤五世未艾也

朱昌

朱昌字顯道重厚寡言不能匿其心以諧物義所不出屹然砥柱初受春秋于吉水蕭引之旁通三傳都于言外得想按事誅心雅與經合嘗謂經世之業必就古人痛痒處磨勘淨盡然後臨事有力久之不遇由國子生選授中府都事故事府幕取唯諾修文具而公引經據傳務行其心之所獨是僚幕不悅為條府中事宜數十款令公廷對用相難苦公條對甚悉

梅花草堂集

卷三

五

若老于其事者一府震懼襄城伯某適掌事御下特嚴獨禮重公曰此可不負吾幕賓矣又久之予告歸里環堵蕭然不蔽風日常日中不能炊巡撫周文襄忱籍田江南以羨畝五頃遺公曰聊為丈人具饘粥公謝却之退語人無為子孫累也既寢疾布袍舊籍盡粥于市後幾不能殮云

論曰昔鄭介庵嘗作朱都事志亦不能詳述其梗槩聊據舊志所載兼引章漢陽呂沁州之義相比雖未盡然已如點冰片雪颯颯凉沁肌骨矣輓近世溪刻

自處動取敝衣惡食賣潔于朝後世無傳焉都事之行寥寥直令千載下人有所莫述十指自動夫其冰蘖之操無二無雜有以信于世世也孟子曰故聞伯夷之風者頑夫廉懦夫有立志惟風則長余為都事立傳惟恐其盡夫有所風之也夫

甘霖

甘霖字用汝博學工文詞累試不售宣德乙卯貢入太學上舍尋授福建延平府同知轉浙之衢州在任廉平不苛號能其職衢大旱公徒步虔禱俯伏移時

梅花草堂集

卷三

六

雨乃大澍其明日又雨田疇沾足民以為神三載滿考遂致其仕藩臬大吏及諸士民慰留萬端曰公何不少須以伸朝論而汲汲為公笑曰古人急流勇退某茲緩矣既返初服縱情山水文酒間蘊藉風流為一時之冠先是龔安節諸賢故有雅社用以表正鄉閭公踵而行之為社長衣冠儼雅笑咏灑落動有先正矩矱卒年八十五公性孝友父伯清疾亟以孽子密屬公俾善撫之令有成立公遊成均而密家居偶出嬉戲遂失所在公聞悲愴不自勝踪跡萬端忽忽

王稔壯謂選長安為文祝其先曰其不遇密不敢就
職至則懸賞購求俄得之京民安士傑家為安操作
公相持泣甚哀知是吳僧田某誘致京師賣安為奴
公請贖甚力安亦感公情至許載與歸既還友愛深
至訓養婚娶務倍于伯清時

論曰龔生嘗為予言甘先生墓在馬鞍山右西去沈
氏文筆山居不十弓故有墓門石沒草間久為染人
濡齒殆盡不可讀予往視之五塚漸夷殘碑在地僅
用汝甘公四字隱約可辨四顧亦絕無人堪備問者

梅花草堂集卷三

七

獲然久之歸攷邑志先生名姓履歷附載梁棟傳中
而所記里選選授時月互有同異反覆閱然當時碑
版去今尚百五十餘年定可攷何令沒沒至此已又
得沈玄谷所為甘公壽藏碑文于沈之裔孫堯封家
作甘先生傳龔生又眎予黃應龍詩文會叙首列先
生同社一十五人皆具名姓遂附列其後嗟乎士固
有一時燁然未久漸滅而此數十先輩流風餘韻芬
人口吻往往望荒丘衰草而出涕談何易哉易曰惟
君子為能通天下之志亶其信乎今古寥邈傳者幾

人隨所成就無不卓卓而尚論者何易言之也夫其
燁然者詳而寂寂者畧耶讀應龍氏之作知今昔人
之不相及久矣

甘用汝

沈誠學

周彥聲

張克讓

周叔倫

呂文遠

周廷章

陳孟佐

沈應禎

張敬之

張景文

朱日南

孫蘊章

夏德聲

朱德敬

龔理子紱

梅花草堂集卷三

六

龔理字彥文丰姿秀偉挺挺有幹局堪大事宣德已
酉領鄉薦癸丑中乙榜詔賜冠帶讀書太學與庶吉
士同課翰林正統丙辰登進士第賚賚江浙還廡無
害拜水部主事忠勤清敏曹事不煩而治尋拜都水
郎中萬貨委積不名一錢廉幹之聲播滿中外會河
決張秋天子擢徐有貞以僉都御史相視又慎簡方
岳大臣協治之曰河工不成無廉吏故政府疏公名
銜以進上喜曰龔即中手不捉錢茲往哉河清可俟
遂超拜山東布政司左布政使公至賑貸飢民恭

度地利先機上流激激數百里置八閘以殺水勢河
流旁溢作九堰障之然後築大洪口以次底績漕路
始通蓋公之出也毅然以河工為己任夙夜勤勞衝
冒霜雪然不欲自居成功每有叅畫輒削其牘朝廷
知之未滿考已注為吏部尚書而公疾作矣公在東
時興革利弊敷行禮教諸屬吏廩廩奉職有改易弦
轍終其身頌公義不忘者東方人至今思之稱為廉
布政云當公之為都水節也事雖遠實適在文選兩
人相得歡甚賦詩飲酒昕夕無間及文達居政府遇
梅花草堂集卷三 九

主有為而公沒且久天下謂龔公若在必能相與有
成更進其道無疑耳死之日橐中蕭然惟先世遺集
及所著最美集數十卷鄉人重之謚曰清惠公有子
四人長紱有文行成化十七年鄉舉選授青縣教諭
未久自免歸敦尚老成惟孝友為政葉文莊盛張
憲副和每言生子如龔朝美自可不愧彥本後朝美
紱字也孫坤引治戊午舉人

論曰英宗十三年河決滎陽經陳留自毫入渦口又
經蒙城至懷遠界入于淮景皇帝四年再決張秋隄

潰渠淤朝廷幾無造矣徐武功之相張秋也請先疏
其水水勢平則治決決止則濬淤于是作治水閘疏
水渠渠自張秋金堤西南行九里至濮陽灤又九里
至博陵陂又六里至壽張沙河又六里至東西影塘
又十有五里至白嶺灣又三里至李峯由李峯而上
又二十里至蓮花池又三十里至大瀦潭乃踰范暨
濮又上而西凡數百里經澶淵以接河沁溯流清源
其功浩渺而惠利甚巨可澤百年然聞之劉文安定
之其說多出彥文氏徒以朝廷之體悉歸武功然山
梅花草堂集卷三 廿

夏佑 弟遂

夏佑字存賢宣德中以儒士薦授臨海縣丞未一
歲左遷廣東海北監課提舉司白石場大使時胡忠
安澹為禮部聞公才名薦陞本部鑄印局奉母京師
尋改戶部檢校批驗所大使九年通考陞福建建寧

府廣實倉卒于官公性豁口爽銳于立事自爲儒士時縛有俊聲人謂公功名未可量而公聞命即行無將來想遇事敢言不能容掩人過聞者意其險峻難近以乃信公不欺絕無町畦崖岸然用是殃毀積官三十餘年南北走萬餘里始得入從九品官銜不過大使君子傷之第遂字存良穎異絕倫十歲先補增廣生時少宰俞公山爲訓導目燭公而教諭朱公冕故抑之令成大器公益感奮力學厚自淬礪十九登賢書明年成進士予告歸娶授禮部主客司主事是

梅花草堂集

卷三

廿一

時天下太平夷人朝貢不絕于道賞賚旁午皆倚辦本司公氣度脩遠瞻對豁如北送瓦刺南護爪哇所至無驛騷之苦而夷人帖服各歡其心正統十年充會試掌試卷內簾十三年奉璽書遼陽陞賞有功將士各稱任使本部胡忠安絕憐重公每遇煩劇必以相試公知忠安意慎勤弥至養亦弥冲亡何以疾告歸未至一舍許聞母病遂絕得年三十有三

論曰胡忠安立朝獎成後進因儀部識臨海丞辟爲鑄印局使此非處賢者之路要欲觀其所由不次需

用竟于坎懷終其身人之知不知故未爲遇不遇也然因是與其弟奉母京師聲華至今萱荆榮會之什孝友略覩矣夏之先曰友諒者臨海祖也八歲能詩十九而卒世共傳其神駿林參政奇之以女妻其遺生子善長生子四人長佑季遠有聞于時何無忌酷似其舅斯何負參政哉林母方就館夢神人授一子額有朱痕儀部生而痕朱癢宛然早成進士然而臨海之挺勁不愧其弟政復二難耳儀部歿馬鞍山西麓臨海之墓在邵家灣延福庵後菜圃其前爲參

梅花草堂集

卷三

廿一

政故宅夏氏五世孫士琰暉居之讀書孝友多所不屑余每與士琰語清強有守覺臨海儀部凜凜有生

張和 弟穆

憲副張和字節之少警敏讀書數行俱下與弟參政敬之穆治古文尚書數從明師問同異其學甚深正統己未同第進士名噪都下翕然稱二張先生未幾憲副予告還家授徒自給益奮于淵學程猷經用譽望弥崇景泰庚午主江西藩試號稱得人明年拜南

京刑部山東司主事執法平允稽析詳明楊尚書器重之大小論報必從公勘定乃行六年召入翰林修宋元通鑑綱目建白為多天順改元進浙江司員外尋陞郎中時申飭學政慎簡提學官乃以公為浙江按察副使公久著令聞浙人士想望風采不啻景星威鳳既至品第人物暫于燭照又待士有體輿論推服亡何病卒浙中士大夫多跋涉千里臨其喪哭盡哀而去初憲副里居時參政授行在工部營繕司主事尋改刑部福建司選員外郎甲戌同考會試再選

梅花草堂集 卷三

三

山東司郎中凡折庶獄咸服其平進階奉政大夫贈父母如其官公與憲副名位畧等而憲副在告久故馳封之典皆從公貴 英皇帝復辟親擢侍從分布憲臬遂授山東按察副使歷官九載大著憲績成化元年滿三考擢浙江布政司右參政專理清軍故事勾補軍伍率解丁查照道多餓死公令所在覈覈移文申報而已有以例請者公輒曰但使軍就伍而民免勾解之害何例為二年奉表入朝尚書李襄敏秉素重公薦擬大用會襄敏被劾詞連公輒自免

論曰二張先生自其受經時才名相埒彬彬稱昭代機雲也以予所見篠庵勿齋諸集信然憲副不免京兆之嫉落第秋闈怡然無愠參政年十九先其兄得之曳公車弗肯進曰何有兄弟齊名而先阿兄一第者耶已未之役參政舉第二人憲副以一目眇不首臚唱從容語第豈亦由京兆乎由是觀之則君子之所養可知已參政副使山東猶衣布素兄製金緋分衣之始備品服而憲副之喪幾不能葬是何趣操哉世稱二張師事同邑張經華亭陳文壁吉水尹鳳岐

梅花草堂集 卷三

古

沈愚 弟魯

沈愚字通理善章草工詩清圓錯落如間珠相連滾滾不自休嘗薄游秣陵十年受李公冕四聲字學不越月盡窺其秘金粟武定諸公子皆折節下公公以禮自持處夷惠間無騷人墨客之氣既歸里過劉改之墓緬仰高風作懷賢錄通曉音律人有誤輒舉其

端而反之其音若絲識者比之公瑾嘗雪夜賦絕句云瓦爐温酒夜燈前紙帳梅花伴鶴眠不似玉堂金馬客五更風雪去朝天業醫授徒以終其身卒年六十九第魯銘其墓其銘曰胸藏千卷書音吐皆驪珠文章煥爛五彩舒風雲入手筆底驅天生逸才不受拘脫然扁舟游具區長林陡澗從樵漁從心之年未可逾殘霞返照歸桑榆清風蕭蕭吹敞廬文筆峰高月轉初百年埋骨山之隅游宦有子來下車當時謂得情性云

梅花草堂集卷三

五

沈魯字誠學為文疎宕高邁有奇氣嘗與弟訥應試都下一觀即出不更往而弟得雋官至憲副別有傳公意思脩遠不受世網排澁然時有頓挫神骨愈全文理亦愈王一時碑版必出公之手為重公亦寬然應之酒酣筆縱如項羽破章邯壁上軍無不人人震悚輒自取大白浮之顧影而笑周文襄公枕撫江南就公咨事稱為練達太守况鍾有致于公公却不受退語人某即不類豈無諛墓金可給饘粥而溷庶太守為晚歲養真味道以清虛自課間往斯文社頌

種疊叙傳箋荅多寄于公未嘗少倦卒年七十一玄白窩公所自志也

論曰沈之先有絕聰老人者公之祖也名貞以醫顯嘗取李浩傷寒或問郭雍補亡自漢迄今凡論傷寒者以合于仲景之論為一書名曰傷寒會通至其子方始用藏書顯通理以詩誠學以文二業並就知名當世猗歟休哉通理再傳為金馬其後無聞而誠學之後為存為僕以鄉舉大楠紹慶應明以進士大樑衍慶堯封以里選豈其先有厚施歟而世簪纓勿絕

梅花草堂集卷三

六

也沈氏自宋義倫以功開國傳十有八葉而宋革命迄元不仕隱吳縣之竹橋其後醫學正復本為崑山人然稱者必曰竹橋沈云予訪易蓮峰先生墓通理墓適當其左始知志銘中文筆峰高月轉初之句而所謂玄白窩者則在天平東麓之穩厚山去郡二十里

沈訥 子僕

沈訥字文敏弱冠補邑庠生嘉興朱冕適掌教事課士嚴切少許可獨以奇邁稱公宣德乙卯薦于鄉兩

試乙榜不拜中正統七年進士第授大理寺右評事
制部院大獄決平大理稍不當得批駁施行公持大
體不受私謁遇所駁能令受駁者無退言廷中稱才
已已滿考階文林郎尋署左寺副景泰元年陞福建
按察僉事專督松溪銀冶時沙尤盜起往來翕忽而
松溪利權所在冶戶洶洶公潔已率人務清正供嚴
絕侵漁戶民帖然趨役踰年盜起慶元入松溪縣界
亂匿黃熊望浙湛盧諸山中統兵擒之得不滋蔓陞
食四品俸五年鄭懷冒勢甚猖獗公在政和得報星

梅花草堂集 卷三

共

發各村民快并勒守場官軍會同鎮守巡按三司悉
力征勦無使遺孽公亦披甲上馬屢獲渠魁懷冒平
尚書孫原貞具題曰鄭懷冒偽稱王號劫掠平民七
閩望風嘯聚為亂若非駐劄松溪僉事沈某先破巢
穴豈易授首疏入天子嘉之天順二年陞本司副使
階中順大夫卒于位公長不踰中人饒膽畧多筭既
入棘寺始習刑書一覽便通曉律例且知刑家之患
無過淹滯苛刻及居外臺踵而行之兩喙爭譟片言
具服凜若霜雪一廢欷閩中稱法官者以公為首

嗣子僕字公輔性敏博學為文有奇氣成化丙午舉
人雅為學士汪諧所知識者以大受期之未仕而卒
論曰鄭進士文康作沈憲副志詳哉言之惜其才用
之未竟也昔仲尼七十子之徒端木之達冉求之藝
不能相無憲副判牘臨戎綽有餘裕而所著兔園下
里諸書議論悉自已出真行草在晉宋人間駸駸求
賜之長也豈易哉沈氏孝友詩文于茲為盛憲副又
用吏治顯志稱其疾亟時執母恭人手泣曰歸當以
僕為嗣僕又才高早達卒阨于年豈刑官廉者法無

梅花草堂集 卷三

木

後耶果然然則天之報施何如也悲夫

龔瑀 孫震

龔瑀字彥中性好藏書周急為務賓從戚友至者如
婦或遇病瘵死喪憂患雖倒廩傾篋無恡于懷有以
書售者即賣金必購之人或高其價以相給亦無外
問故一時藏書之家能先屈人指而公婆娑萬卷中
能盡通其說亦復能了然于手其視一切世味泊如
也會邑子某請為陰陽訓術公亦聽然許之旋即解
去築安晚堂自娛遇風日清美綸巾鶴氅曳杖行歌

于花香竹影中飄飄然故有林下之氣里人高之稱
竹庄先生子綬綬子曰武岡君武岡君名震字敬修
明豁有度自其爲舉子時已頎然有幹濟之望既領
鄉薦通判漳州時王文成守仁平汀漳盧溪諸賊領
調兵食將士宿飽已當一隊又能深入先登文成將
薦之而公故有條議忤御史旨幾落職尋調守武岡
武岡王淫酒縱諸健奴不法而王府第逼州南門屠
沽負販數受凌奪無所訴公一夕發卒百餘人塞城
南門而穿一便門通往來諸健奴震懼相顧愕曰吾

梅花草堂集

卷三

先

等望柱後惠文冠無非家令今日瞻洛州官矣王亦
仰屋氣息不敢問也其敢敏類如此亡何疾卒震再
傳而有杞縣令

論曰柳下惠不卑小官必以其道此亦古人之義非
苟然而已者也龔先生之爲陰陽訓術其進退必有
道焉不然讀書行義如彼而沾沾祿仕欲何爲者武
岡君不避強禦能相王文成殺賊斯豈無揆于中而
一御史扼之能令不盡其用即文成亦未如之何矣
嗚呼小官之于天下難矣哉而世俗卑之以爲不足

爲嗚呼夫不能爲而故以此自解者耶

張能 子注

張能字尚德正統間以鄉貢升太學嘉泰二年拜
杭州新城令新城在亂山中民俗朴野少文藻公至
勸學興禮不務督責而躬率之期年教成彬彬多文
雅之彥獄訟寂然積十有二載無吏議最章薦剡焜
煌于朝當道將欲用公而公賦歸來蕭然鼓篋東矣
當公之在新城也嘗以俸餘得木數十章度家居隙
地廣狹作室三楹寄梓歸里至是室成公宴息其中

梅花草堂集

卷三

辛

問省老母外與騷人韻士浮白放歌意豁如也客有
緩急未嘗以無爲解初游京師有故人奴負官租不
能歸公傾橐出之而故人無賴反詐言公負吾金公
亦賣金償之弗以屑意子注字時雨修幹偉畧豁達
酷似其父饒孝行晚歲亦以貢司訓宜春課士有法
時汲靈泉掘黃精啖之便欣然竟日忽忽三考遷教
潮陽又復八載士風丕振嘗訪大顛遺址覽昌黎故
跡慨然太息久之遂致其仕既歸神明湛寂齒德並
茂間宵見夢晝必響答一日抱五代孫手摩其頂嘆

曰吾身經七朝眼見五葉于分過矣咄嗟間遂逝得年八十有七

論曰周茂叔有言是處塵勞皆可息時清終未忍辭官吾每想其優閒自得隨寓皆安之致信君子之所養也以觀二張先生其真若人之徒歟按志稱兩先生皆個儻有度喜吟好施予而耿介之操有確乎不可拔者新城椽室世服其廉斯又過人遠矣潮陽摩孫頂而長畢即尸解何以加焉

梅花草堂集 卷三

世

梅花草堂集卷之三

梅花草堂集卷之四

吳郡張大復著

後學汪中鵬補訂

皇明崑山人物傳

朱旻 從子棡

朱旻字希仁父璲以春秋教授鄉里稱素庵先生生公公年十九領鄉薦將偕計吏上春官母送之曰明年看花長安冠進賢冠偉然男子哉公跪受教比試中乙榜私自慰曰母命在不冠不見也于是遂謁選人云公既謁選歷官司訓者二曰諸暨曰浮梁教諭梅花草堂集 卷四

者三曰昌平曰臨川曰石首典文衡者三曰山東曰陝西曰河南所至皆有勞績稱知人能得士馬天順末朝廷頗事游豫令所司圍獵近郊前驅弗戒將逼陵寢公在昌平上疏曰昌平教諭臣旻昧死言天壽諸陵故王家玉韞之處列聖神靈實式臨之法宜安靜節承皇上下大蒐田禽本以孝薦宗廟而負羽之徒過奉清塵時有馳驟饗廟所在不無震搖念旻一介儒臣越俎抗言義所弗敢懷芹末獻吞咽難堪伏承明詔許直言無諱臣昧死言上覽奏愕曰咲惡得有

是耶其令有司勿圍獵著爲令從子栻字良用學有淵源又能得所未發爲一時周易之冠成化十三年薦鄉試十七年登進士第授蕭山縣知縣均徭息訟扶善鋤強凡不便于民與便民而未舉者殫力爲之甘任勞怨縣故有湘湖久爲豪右所影占公立法開浚之以時蓄洩湖田大稔三載奏最詔公入朝拜監察御史時選卽貢欽粥權自穢公率同列劾免之選法頓一會天變求言公又疏言變不虛生必由人事感召乃指切時政又旁引春秋事應纏纏萬言讀者

梅花草堂集卷四

三

疎服公爲人簡易沉默初在蕭山頗以仁恕爲用入爲御史立見鯁直君子謂匡主牧民公兩得之秩滿便道省母卒于家
論曰朱氏自素庵先生有剛氣未嘗以言狗物然莫用于時至昌平用諫獵顯直指敢言事駸駸名御史矣由是觀之剛之時用大矣哉孔子曰勿欺也而犯之夫人臣未有欺能犯者世之小人豈其必無敢言之氣一念橫生首鼠回互者皆欺也故又曰張也慾焉得剛士患不剛耳長養成就猶恐不足而論者謂太

剛則折此夫動于慾而欺之甚者也其何犯乎予所聞直指公義甚高人所應有無不有所應無無不無惜莫能詳而昌平一疏公正發憤使人主動色則剛者之所格遠矣

葉盛

葉盛字與中自少博學強記屏居泖川鄉田舍間同里張憲副和爲諸生一見嗟異勸游膠庠正統十年舉進士授兵科給事中毅然以言責自負十四年英宗北狩公帥同列劾將臣朱勇等依阿失律請誅

梅花草堂集卷四

三

夷之以謝天下然後選將練兵問罪讎中以還聖駕
郕王嘉納之命掌科事九月郕王卽皇帝位例有賞賚公以君父蒙塵辭不許十月北中犯近邊公請罷內府軍匠更番班操仍令所在有司熟米豆以給戰士遣卒運兵器于天津以張聲援疏凡十上悉中機宜中既退又請明賞罰以勵懲勸詔皆從之十一月陞都給事中時中騎未靖內閣大臣奏留守邊將士備援京師公言今日之事邊關爲急往者獨石馬營不棄則六師何以陷土木紫荆白羊不破則中騎何

以薄都城即此而觀邊關不固則京師雖守僅保九
 門無事而已其如社稷陵寢何上然之而大臣有憾
 其異已者會河南陳州流民有變詔公往撫之公上
 宣諭恩德發廩賑貸河南民安堵如故景泰元年三
 月召還八月言奉駕抵京而近會有匿名帖言迎駕
 事大臣相顧不敢上而又有匿其名言不便者公曰
 此野人無情之語當有省趣入奏聞不報三年以公
 為山西布政司右叅政監督宣府等處收放糧斛兼
 管屯田頃之巡邊都御史李襄敏秉舉公協贊獨石
 梅花草堂集 卷四 四

官軍用濟道路流徙死者每城旁為義塚一區收瘞
 之八城相去特遠極目莽蒼無邸舍風雪寒雨相枕
 藉死者往往而是公令于官道每十里為垣屋中置
 纛卧芻秣之具守以邏卒名曰煖舖諸城附郭膏腴
 地久屬勢力人為蔬圃自便公籍之得五千餘畝以
 次分授將帥叅隨軍伍題曰菜圃令受者得自力先
 是軍中所需皆斂于卒伍公因襄敏請于朝得銀五
 千餘兩買牛一千八百餘頭籍田以授戍卒之不任
 戰者官給牛種使專力耕獲歲課餘糧貯于官供軍
 梅花草堂集 卷四 五

中買馬除器賞勞卹貧之用牛缺種乏則更給之蓋
 經營五年而邊境足食歲亦屢豐六年正月偕參將
 周賢等擒殺兀良哈于龍王堂諸邊帖服七年丁外
 艱襄敏率諸將固留不可詔許奔喪仍限日赴任天
 順元年 英宗復辟二年三月詔公馳驛至召見文
 華殿擢都察院右僉都御史公陳情乞終制不允再
 召見文華上問公誰爾同輩公對曰臣商輅榜進士
 上笑曰朕進士也可為朕盡其用遂命公摠督兩廣
 甫至而有田州岑鑑之事岑鑑者故田州知府庶也

不得後其奴呂趙根蟠中外抗鑑父岑紹之命而奪其嫡子鏞知府以與鑑已又殺鑑會鑑子玠病死趙又詐以呂族子爲玠襲鑑爵鏞不能堪上其變天子使岑瑛案之土人洶洶爲鏞左袒而趙勢甚張不可制公廉得之會兵擒殺趙以岑鏞知府事土人大悅先是朝廷許廣西諸夷官世襲特羈縻之而後多出摠兵及巡按御史選授公奏諸襲者宜從舊例聽命于朝諸摠兵及御史肅然四年七月赴闕議事條上兩廣興革事凡十款更定均徭之法故事廣東鹽課

梅花草堂集

卷四

六

不出境歲久益積商人束手往往賂守者南踰梅嶺西過梧州公謂聽之則法壞而利歸于商禁之則鹽滯而利歸閩津守者皆不可訓請詔許商人願出境者入米于邊徼缺食處爲軍資商人至今利焉又廣西獠出沒爲患朝廷特設征蠻將軍鎮之後漸離其巢穴流毒廣東而兩廣守將素不相攝致傷和氣公謂廣西梧州實兩廣交界喉襟之地流賊往來必由于是請建帥府命征蠻將軍摠制而各設副摠兵及叅將分守要害令東西應援可無敗事達官達軍

夷種也請調制廣東以夷禦夷不乃安民攘寇經久之計乎詔皆從之先是蕭養煽亂東陽蔓延兩廣雖復撲滅餘黨竄入蠻獠間累數十萬恣行猖獗公疏請勦之上命都督顏彪帥兵往擒勦事宜悉從公授俘首虜數萬破賊巢八百餘所而兩廣大定天順八年憲宗嗣位遷公左僉都御史巡撫宣府初公在獨石時行官牛官田法于八城自喻適志至宣府更修廣之計可得牛五千餘頭爲一千八百餘具墾田益多一歲餘糧可補戰馬一千八百餘疋刻日計程

梅花草堂集

卷四

七

邊人攸賴成化元年又請勅宣府邊方守臣著立定規時省耕牧不得數易以妨成效二年又上言經畫邊儲五事復詔從之十二月有詔吏部舉文行超卓可入內閣叅機務者公名在舉中三年陞禮部右侍郎即五年改任吏部六年畿內大饑命公巡視真定保定二府全活甚衆八年春陝西邊臣奏北甯出沒河套上以公曉達軍務勅公往視公疾馳延綏會諸臣議方略奏曰臣按往年寇自遼東至陝西諸邊去來無常天順間阿羅出入黃河套甯種遂相繼居套

中不去為延慶邊患議者往往欲搜套驅雷出河外沿河築城堡抵東勝而徙眾耕牧其中以拒雷若者道遠勢沮臣不敢妄意今日之計惟增兵守險可為遠圖爾竊照榆林一帶守臣嘗立界石為屯田計屬者復議依界石一帶山勢縈迴剗削之如城高二丈五尺川口夾築墩臺以防禦來寇此係先年奏可尚未起工目今成卒數少不堪是役合無于民衆豐收去處發丁夫山西萬人陝西二萬每年三八月一次赴工庶二三年可就緒是為一勞永逸不戰而屈雷

梅花草堂集卷四

八

兵矣延綏西路如土門及銀州關諸舊城堡阻山近水可徙近裏守堡官軍往戍之銀州河外抵榆林一路並宜添堡收括近年清解各處軍人未行者編附榆林等衛以實邊仍調舊選延慶二府土兵五千人以時習戰榆林等城長計便利無切于此九年三月轉本部左侍郎十年春修祀四陵公齋戒將行忽中疾不能言扶歸西第卒公孝友忠信樂善不勸據案臨戎未嘗釋卷有以詩文贊者即與定金石交終其身勤卹彌至其臨大事斬如也識者謂有魏國韓公

之風焉所著有篔竹堂稿涇東小稿水東詩文稿開封紀行詩西垣奏草邊奏存稿兩廣奏草上谷奏篇水東日記衛族考若干卷葉氏書目六卷碑目十卷得歲五十五謚文莊子晨鄉進士孫夢淇以廕入太學歷大名台州通判衡州同知清嚴英敏所至有聲好收刻先世遺書傾囊不倦君子以為不愧文莊後也

論曰予觀文莊公經畧邊廣可謂體國之臣實行其事者哉而知公者猶扼腕于希文之不相就使不相

梅花草堂集卷四

九

更馳驅邊徼數年萬里長城雖百世可也而廣之役為朝廷汛掃累年通寇可謂奇功乃不免于言者之口訾為殺降說者謂瓊山從史之夫瓊山故理學名臣何能受當年不讀禮之誚宜其及耳李文達方在政府乃使冠帶書生得行其意乎雖然瓊山之莊又胡為乎來哉徒令傍觀者信天道之好旋也聖明在御綸音聿新此所謂論久自定者耶夫使論久必定人亦安能置毀譽其間哉

鄭文康 父壬

鄭文康字時父壬號雙松居士居士精儒術而亨于醫居恒謹言笑不喜聞人過失有相告者莊聽之嘗令其辭不得盡其孝友天性也正統十三年公舉禮部試觀政大理未匝月而居士有疾聞京師公馳之不及舍已又喪其母夫人公毀瘠不自支喘喘數盡遂不欲前乃就廬闢館弘獎後進督繩削墨必顧其安令人人各自得也游誦之暇品劑草木香達戶外歲所全活不可殫紀秋霜春露輒從一二耆英訪遺郊外斷碑荒塚多所搜述僮僕化之皆欣欣有幽

梅花草堂集

卷四

十一

討之致公偉幹豐頤兩瞳子爍爍精光射人談說忠孝如振金玉一時軒蓋旁午春和里中至不能容馬足而公意泊如非其人弗與見也以故平橋之教迄今如山斗云玄孫若魯有壽海圖編行世稱開陽先生論曰以予所聞鄭先生之道甚大其地望可以有爲而終其身用之一鄉豈有說與長老言先生與葉文莊公相厚善蓋嘗分盟出處曰吾經畧不及下執事表章先哲領袖後來庶幾近之請以相與卓哉斯語倘亦非造作謂先生者耶予觀先生杖履所及即荒

田野草之間千載上死人重開生面述其一二蓋亦牛土之志焉述曰先生存唐李潤妻唐氏志石于樂窳之墓表貞元間姚仙客妻張夫人墓碣于陳諫營葬之時斯亦幽矣趙彥可者吾崑山人也洪武初嘗爲山東臨清縣知縣公勤寡欲好士愛民妻受民賂筆而遣之事聞陞知鞏昌府絕特之行晦于邑史將今後世不復知彥可何人而先生出之鞏志之中無不彰雖幽必錄斯亦曩者雙松居士不喜聞人之言而充一者歟然其道大矣鄭氏于吾鄉故在甲於九草堂集

卷四

十一

乙之列至先生益顯而後寥寥也嗚呼此其天之未定者耶

周恭 子鄂

周恭字存敬受詩鄭介庵先生正統丁卯以儒士領鄉薦選授烏程縣訓導服闋陞楚東安王府教授王二子異母同日生少長剝刻王愛少者叙立稱謂皆先其長公憂之會修玉牒王祈公公曰殿下愛之耶故宜安之王知不可奪遂從其序而是時母俞夫人春秋高不能遠離陳情江夏王乞近地得常之宜興

仍支教授俸母卒陞山東蒙陰縣諭亦支教授俸二
年致仕公性高介絕俗自號節軒受詩鄭先生時蚤
夜不輟父母憐之乃藏膏夜發書讀吞其聲叅政陸
容知縣錢昆教諭陳諫俱以公所授詩顯于當世所
居鄰縣治不十步絕不造令丞簿有不識公者子鄂
字楚英由諸生歲薦選廣西都司斷事廣西古象郡
地險遠戍者多道亡都司輒械其解者付斷事獄累
勳瘦死公詣司白狀請給文令還本貫追獲復解戍
補而解者不傷遠近德之三年滿考陞萬州知州勸
梅花草堂集卷四 三

學興禮黎人悅服

論曰予讀朱怡菴是所為蒙陰公志稱學官年六十
例許致仕公遂請老先輩家貧為養能不失時又若
斯之勇退也後稍不然矣白首淹留漫云有待夫士
各有志有待何不可焉乃不免黃髮皤皤垂頭首蒼
簷下幾非例哉萬州公顧侍御潛家宰之也侍御寒
泉之感實鍾厥心其寫萬州之梗概大畧見于志矣
萬州從莫玉山之陽松楸荒落其裔孫曰球者式新
之子每撫文筆而興懷山光如潑黛悲兩賢在其下

也

陳翊 玄孫王道

陳翊字孟佐少學易當時未有深入其解者嘗就御
史王從道問義自謂得之已又有得焉乃喟然曰夫
子韋編三絕豈欺我哉正統甲子遂以易領鄉薦崑
人士之以易領薦自公始也明年登乙榜受膠州學
正權應山王傳改靖甯衛學教授公在膠靖時陶鑄
人物無令逾度其在應山也以禮匡王王雅重之手
書忠貞字以明崇尚公歷任膠陝廉靜為務每為憲
梅花草堂集卷四 三

司所欽矚時有匡救膠判某以剛方見白秦并某以
將才獲留皆繫公力絕不令人聞知即有問者公唯
唯終不言念繼母衰老致政而歸時年五十有五拉
入詩文社雅飲投壺觴詠不輟布衣草履澹如也邑
子憐其清苦以意賙之公頭面盡赤謝遣去曰無以
為也得年八十有七故侯楊子器時補琴川扶服哭
之曰斯人不祿後生無以為質矣裔孫王道字敬甫
白哲飄鬚美談論提學御史趙公鏜升公上等嘉靖
乙卯鄉薦乙丑成進士選知鄭州再補光州光鄭在

汝穎間地温民淳公游乃爲之皆上考擢水部員外
郎視權南閩公爲之湖上商旅晏然謝政三十年結
社東林圍棋賭墅時有拂意都以晤言消之至于飲
社讀法弔死問孤公必爲倡于時士大夫彬彬有先
進之風焉

論曰予以通家子嘗候水部東林見賓客欣欣如歸
其家也水部著綸巾徙倚嘉樹下談說膠州一官落
落初聘禮部試再聘河南再授陝右事纂脩 英廟
實錄去膠陝三十年候貽不絕斯豈無因而至者哉

梅花草堂集 卷四

齒

孫瓊 父宗

孫瓊字蘊章其先陸姓長洲人父宗字公武嘗後崑
山孫道庠遂姓孫氏後貢入太學歷懷柔湘潭令勸
農賑荒有廉勤之頌公其子也以易經領正統十二
年鄉試薦明年賜進士出身景泰改元擢刑部廣西
司主事階承直即四年陞署員外郎事階奉議大夫
七年陞郎中明年丁丑 英宗復辟改元天順進階

梅花草堂集 卷四

五

奉政大夫賜金帛公歷官刑部凡十有五年勤慎如
一日每讞決先平喜怒務鉤得其情即推勘凜凜終
不失人世之用尚書官心下之每相與語孫郎中若
作廷尉天下豈復有冤民哉公每出部被訊者羅拜
馬首常數十百人曰但遇孫刑部何論其生即觸網
罹辟都無所恨故事將秋讞部累終歲所訊獄若干
奏聞仍選公廉一人重加審錄公受選審錄無一人
稱冤者天順間錦衣衛指揮門達黠而貪多羅織人
罪既抵部諸郎官莫敢異而公所平反獨多達心噉
之太監牛玉者梟也嘗使其假子某攬民賦而鼠雀
之以爲家罪盈事覺部以屬公玉陰爲之間而祈其
生于公何不至焉公弗聽卒寘于法則牛玉者又心
噉之矣會同曹郎貝其與故百戶某妻通有驗而公
引婦人不行禁例疏釋之蟬口共噪竟戍遼陽公被
旨即行囊底蕭然僚友會贖之却不受甲申 憲宗
即位詔復公官朞月即求去時王忠肅勦爲冢宰語
司寇某曰即吾輩持身不能不推孫刑部乃聽之去
耶久之三原王端毅怒巡撫江南屢疏薦公竟不起

公性凝遠每事自處古人不祈聲利晨起必祇謁家廟然後開卷對客談笑即竟日無倚側之容布衣蔬食僅贍朝夕冲如也里富者子裝百金為公壽公笑曰吾曩者納單履走遼陽曾不受贖乃今日投閒鄉里貨取之耶其清介類如此子裕字德宏成化十二年進士終武定州知州先公卒

論曰吾鄉人好持清議知慕尚然不免溪刻用相口語至先生必曰孫秋官過其墓必式夫有所風之也先生之裔孫陸應孫言先生見廟必衣緋束帶既散

梅花草堂集

卷四

去

無所得緋趣染紡花布為之積三十餘年非甚病不廢謁嗚呼惟桑與梓必恭敬止過墓之式所從來矣

夏璣

夏璣字德乾嚴峻有志識與人不款曲不肯相引為重意所不然雖甚親暱無能以一言相假孝友節儉其天性也景泰五年進士授應城縣知縣母喪服闋補新淦新淦富商所集積引若干緡錙度可千計商以例請公笑曰知縣不例請貯庫按引徵詣府備賑當道者耽耽側目公笑周其者富而橫殺人御史不

聽公按將活之公白御史無減律故調公大庾曰才堪簡也而殺人者活矣新淦民立祠望思焉而公卒以不避強禦清操凜凜徵入為監察御史奉勅理浙江戎政籍無漏者民亦不知勾攝呼囂之苦照榜期發傳之為天下御史式亡何移疾免歸公歷三縣一為御史前後二十年家四壁立食無重味出無輿馬而長吏獨嚴待公干旌不絕其門公卒無所間嘗衣布衣倩籃輿詣令門者不宥通令知是公倒屣見之門者猶白令崑山故無夏御史云公性好飲初為廩

梅花草堂集

卷四

去

城方撻人公醉撻不止母怒戒之遂不復飲終其身公府間里之宴不設庖有兄弟三人皆早死諸孤累累婚嫁飲食于公而公未嘗有中入產論者難之論曰夏氏有兩族其一居齊禮坊故林參政舊宅是為禮部負外遂正統間進士別有傳而御史往來郡縣間無寧字死葬吳縣橫山今橫山有純德先生墓御史藏也其子孫因家焉齊禮之族有篆字生某者久游長安豪貴間多口失令械之街彈故置譙樓上使人觀之令呵道出樓下械者故隨樓撞令令知御

史族也造而問焉不荅竟瘐死而御史仍以族人禮祭其子環之而泣御史曰脫斯人猶在者若曹無噍類矣凡御史之執法如山不肯施所親以干朝廷之令皆此類也

朱夏 子文

朱夏字日南少承家學力進往哲爲務性凝重不肯妄通賓客開塾授徒討論先世遺集作家乘十卷渡江後諸賢皆有生氣又摹刻所藏睢陽五老圖俾傳于世恐其後之軼也又封鬱林墓陽抱山以識先澤

梅花草堂集卷四

六

民遺事幅巾藜杖時從耆社題石賦詩具有作述之致子文字天昭成化甲辰進士連喪父母弘治己酉服除簡入都察院理刑庚戌授雲南道監察御史清戎兩廣巡按八閩憲度肅然不務鈎棘之事閩鎮守中官死公籍其貲累萬以聞黃頭嚙之尋出爲湖廣按察司副使會番船事覺坐死者以累百計公署其牘曰造船者不市番市番者船非所造皆無死律詔從之例調雲南輒引疾歸卒于家
論曰吳文定言世人漫言隱士如日南乃可不愧斯

語今攷其行誼豈不信然易曰舍萬物而化光朱氏自秘閣公始開宦端累世寇纓勿絕亦云光矣日南貞隱有含道焉御史持憲不濫署釋番囚迨恭靖益顯政事文學昭揭宇宙光之于含豈誣也哉當年摹刻圖本嘗流入申文定家且久文定不知也夢老人衣冠皓偉詣別文定質明其家幹捧圖以獻文定亟召其裔孫麟玉識而還之夏暉曰圖本色澤如新衣履拱揖皆有意義前輩不愛工力可久勿壞如此嗟乎家國天下之務亦如此圖矣

梅花草堂集卷四

九

朱萱 從子觀

朱萱字樹之性沉謹不苟言笑詩律細穩筆翰皆有師法少與兄芹齊名後先登賢書天順八年公舉進士第選授大理寺評事奉職循理不務法吏皃皃之名然多平反蔚有聲望同官者咸自以爲弗如而品資名地多出公上惜公者尤之公笑曰此豈人力哉吾求不負此官事辦矣謹畏彌加不二年卒葉文莊在垣省聞之嘆曰器宇宏擴者長處不競之地猶于造物忌耶爲銘其墓深加傷悼焉從子觀字顯伯才

情犀利如太阿出匣不可睨視嘉靖二年以進士擢授吉安府推官丰稜穎脫勘斷如神有殺人不知主名跡久無驗者臺使檄公檢視公為虔禱于社質明叱吏縛周憲來憲至首服獄詞立具公蓋廉憲與其妻通同謀殺之云一郡震懼召入拜監察御史皂囊白簡絡繹而上上為罷放鷹犬盡刷光祿積弊省費巨萬一如公言亡何忤旨廷杖二十謫謫如初會推按差勅公巡視陝西一時墨吏望風解印綬自罷公至獎勤極怠陝右肅清奏築花馬池至橫城堡一帶

梅花草堂集 卷四 三

邊牆延袤一百六十餘里永為西陲之利累陞河南布政司左布政考終于家

論曰御史宅山之陽里父老稱說其彈壓時事至今猶廩廩也吾鄉之朱多澤民苗裔御史族來自東婁至送評兄弟始顯送評父復初亦長者未有封爵御史父苓以子貴封吉安府推官再傳落落貧窶無餘送評寂寂山阿殘碑漫滅其存者獨千仞之山石耳大理之沉謹方伯之犀利竟何有焉而尚論者不能不撫遺文而思慕也嗟夫

陸容

陸容字文量少游鄉校不專治舉子業讀書遇兵刑水利悉籍記之慨然有經濟天下之志成化二年登第授南京吏部驗封司主事改北兵部職方司時邊報旁午封事日三四上公隨疏條覆動中窾要嘗丙夜不自休海賊聚眾流劫廷議洵洵請調京軍勦捕公持不可曰此狐鼠何能為但朝廷許以不死當自縛卒如公言擢武庫司員外郎再擢職方郎中公夙負壯猷持重為用安南侵擾隣邦議置勿問久亦自

梅花草堂集 卷四 三

戢所省供億累鉅萬賈胡請迎獅子嘉峪關公白尚書止之令知朝廷不貴異物錦衣百戶常瑛儉人也罪謫宣府願捕妖言自劾所根株不下數十百人妄希再倖而是時捕禁嚴切例得襲所在引繩批根冤濫之獄動以百計公白尚書置瑛于法罷襲封之例戎政肅然改武選司郎中有求為金齒叅將者巨璫啣上命請于公公諍之甚力詔勿許又有黃頭捧內批以其某陞都督者公持其勅請見上曰都督重官其某豈其人耶即內批法應下所司遵照詔從公言

亡何陞浙江布政司右叅政公條列浙中便宜十事
悉見施行後賚捧還京又疏漕渠利病纏纏萬言未
報讒口鑠之遂致其仕卒年五十有九

論曰孫生爲予言參政墓在州西陳門塘其上有吳
文定志陸氏世爲蘇之崑山人曾祖福祖繼宗父裕
皆冒徐姓公復其初爲陸氏云志又言公與翰林張
亨甫泰太常陸鼎儀鈇友善三人俱以文行重于鄉
而公尤爲葉文莊所器重文莊臨戎未嘗廢卷參政
自其爲諸生讀書必期適用蓋淵源所自矣宋范文

梅花草堂集卷四

三

正作萬言書貽宰相至用爲將擢爲執政考其平生
所爲無出此書者豈參政之謂歟十年武部諳練尤
多設有利參政者力排萋菲務老其才處以鎖鑰之
任方叔元老豈顧問耶文定與參政同朝二十年謂
其不平之氣宜赴會而發當不虛耳

馮鈇 子琨 孫夢龍

馮鈇字仲舉少孤力學每時祭輒嗚咽不勝悲感閭
里性和易口不談人過失天順壬午鄉薦以乙榜授
永州東安縣教諭永地僻遠人不知學公設程刻限

以身先之永士感奮既滿秩將奏績于朝故事廣文
受秋試聘得上考或謂公何不少留公笑曰已及衣
而寬之如詭遇何而不聞得失有數耶竟左遷爲貴
溪訓導而秋試果有以受聘得上考者公怡然弗介
于懷嘗校文河南江西兩榜稱得士先是有權貴閔
說于公公唯唯酬之既竣事無驗其人以間詣公公
謝曰偶忘之君子曰和而不流其馮公之謂乎子琨
玠琨字君美以成化丙午舉人授永康縣教諭遷知
蘄州蘄州民以牧馬爲耕作每戶承馬若干足給草

梅花草堂集卷四

三

場若干畝孳生牧養民賴其利而勳戚貴璫有盡攘
其地爲奸利者土著之民莫敢誰何公至按籍而覈
之盡還本戶馬用蕃息雖貴戚廩廩敬憚公而蟬口
喧噪竟逮詔獄公列主名幾何影占幾何爲 孝廟
分別言之上覽奏咨嗟良久曰賢哉守也詔賜復職
武宗即位諸螫公者根連逆瑾再起詔獄詔下錦衣
鍛鍊之兩訊杖八十械街彈所靈寶許冢宰使人慰
公曰爲語馮太守厚自愛使者顧視街彈左右提登
挈壺纍纍皆蘄州之民如失父母螫公者弗履也僧

其故昵于瑾私語曰馮太守第飲薊州一杯水非民見餉即園土死耳瑾愕然復還薊州尋遷杭州府同知再遷兩浙運副擢登州府知府清操彌厲屬有高第者簞筮不飾公劾奏免之東土肅清未二載輒自罷林居二十年生理蕭索足跡不入公府第玠癸酉鄉薦子夢龍字翔甫敏而好學不減其祖父提學御史黃公亟賞之升上等同舍生陳吉甫顧茂仁夏九範輩待公師友之間偃蹇秋闈十年不第用萬曆丙子歲薦選應天府訓導署知六合凡半歲兩奴鼓篋而歸遷鳳陽府穎上縣教諭再陞山西平陽府吉州學正遂賦歸來蔡憲長國熙為護送抵舍老屋蕭然藜藿不糝直指甘士价邑長聶雲翰嘆其清絕時加禮問焉公既明德之後飄鬚玉立美文藻不可犯以非義學者凜凜嚴事之

梅花草堂集

卷四

七

論曰長老言馮氏世有特操靈穎絕人予不及見其永薊兩翁而識吉州先生又獲觀其所為畧測水碓易大衍流法黃中通理信其敏不可及也清非身外之奇敏非長傲之具然遙遙華胄以一喪一者多矣

如馮氏三世一節愈出愈奇故可貴耳予每訪其遺胤散處不多有見諸生曰燧者而喜淳風穆如甚肖吉州公也此所謂予攸好德所不自知者乎

顧恂 父良

顧恂字惟誠父曰呆菴翁名良翁勇于為人能震懼豪悍令改步而悅服其心世居雍里旦起每之城市必擁數百錢自衛務行其所欲為有搏而却者翁揮退其人而辱數之搏者辟易去其居家勤修孝弟之行嘗畫產讓其兄士賢獨身居約久之貲乃大殖以

梅花草堂集

卷四

七

故所須卒辦而仁義都焉子恂陰行善益修父業而遜出之同里吳相虞凱辟為館甥領家政使代事其老母家政大辦吳母亦不知禮部之官長安也而公素蕭然不自與又復久之營第菴峰里令其周可坐百人數蒼頭小具什一而身吟誦不釋卷嘗往來斯文延齡二社間搯髭練字一時社家莫能易也嘗夢金甲神人賡天書降所居舍星露混茫公頂七星冠披八卦衣二黃頭捧輿圍以進公嘗紀之然不知何祥也其後公以子鼎臣貴贈禮部尚書武英殿大學

士而武英公故嘗監國此其徵與或曰公見夢時武英時爲舉子而公寢疾故爲疏願以已壽益親也凡公所行仁義不可勝述或以問公輒謝無之公得年八十有八呆菴翁年九十二

論曰語有之爲善欲陰以今觀于顧氏信然顧之先有千十四翁像元服而戎靴環其耳每見夢其家輒有顯者顧氏家老以千十四翁爲始祖或曰翁之父名德輝其譜系可攷也顧氏自贈翁而下迄于今世世而數之笏幾滿床矣然後來者猶繩繩未已也豈梅花草堂集卷四 共

王鑑 子漳 孫繼孝

王鑑字與修少負經世之志以名詩薦天順壬午鄉試好讀古文尚書謂二帝三王之道盡在于此又嘗大書忠孝二字于壁日夕自砥勵今王氏有忠孝堂自公始也成化辛未上春官卒于途旅同年陸某者已爲大官適官其地視公瞑公執陸手語之曰本欲稍自表見僕僕長安不幸客死吾亦無憾君殮我必

以古尚書吾志也而又手一書遺其子漳曰而祖遺金千付我將以貽汝仲父二孫孤幼未償也吾絨甕而藏之某柱下書到即相付吾無他囑勉思壁上大書字而已漳得書發柱取覽不開絨與之時年十九君子稱廉孝焉漳號松軒孫繼孝字子忠嘉靖己酉舉人選授江西龍南縣知縣縣居萬山中城五里然多巢賊窟穴諸山間公至鑿險堤浸擒妖僧數十人民廩廩顧化遠近聞風多願質成龍南令而刺史撫臣亦時時檄公往視諸縣事公往來諸縣間輒訊所

梅花草堂集卷四

共

疾苦與地形之險易皆知之葉楷者故安遠弁據黃鄉作賊聚兵千擁驍健三百人自衛僭立功王廟奉其先春秋殺人以祭恣橫莫敢誰何撫臣檄司李往諭之則聚群小兒譴司李禁絕文移或斷其飲食司李不能堪乘夜脫帟而臺撫相與議計莫如檄龍南公受檄嘆曰此么麼子何足爲第念吾九十老母板輿至顛不無心動然一往擒耳疾馳黃鄉則葉楷者亦知公廉能吏備賓主禮不與司李等迎謂公曰君以隆葉楷耶安之也安之則與我所擁地我無他累

必欲相降請與君戰公唯唯笑曰此來必有處置且勿躁而公睨其所脅從者可散也密諭以歸誠之利而微啗之群心稍懈或叛去公設方略伏兵龍南為

後勁而自提兵猝臨賊賊躍馬馳公斷其馬足又斬其巨魁三四人賊窘甚焚死功王廟中葉楷平當事

者議以府衙調煩寧都朝廷庶公才應內召而府衙無內召者竟調知寧都賜白金公為寧都諸所受事

皆在龍南時習知之無不立辦繼刺者不悅公卒論免公方願修顏吐詞慷慨鄉推老成人歸橐蕭然至

梅花草堂集卷四 六

不能具饘粥處之晏如時從諸大夫談說忠孝不冠皓偉稱一時人物之盛云進士葬度城故瑩寧都公

未克葬

論曰度城王氏其先居澱山湖後以元亂播流六合

返其居者自壽峰始壽峰生福源福源生子昭子昭

生安安生瓌瓌生鄉進士鑑鑑生漳漳生杲杲生寧

都公繼孝寧都四子元圭元貞元芳為諸生而漳之

伯子塘自為宗不具載度城濱澱湖東隘而入居民

數百家若自為區宇其聞者惟王氏忠孝公始基之

也松軒之付遺金寧都之蕩山寇不忘母老于進士寧有間焉尚書之義駸駸見諸行事之實矣

吳瑞

吳瑞字德徵成化乙未進士初授南平吏部考功司主事考功清重居南者率臥理相高而公以郎中員關署司事甄別幽明即親故無少避會持服歸凡六年改工部都水司理滁州洪水利脩利刻害商人頌之尋陞本司郎中奉勅總督濟上時河南水涸舟膠不前公受命馳至疏故鑿新河流不梗甍社湖者故

梅花草堂集卷四

九

隸高郵州界地肺奔騰風濤晝晦舟人謹招支舵其色焦然如入鬼國公相度地勢得傍湖田橫亘四十餘里鑿為複湖今所謂內湖者也民始得占風違順而內外取道焉舟乃不覆湖田既鑿民無所出賦同事者議籍荒畝公毅然不可曰賦荒之害慘于覆舟不如請蠲之便詔如公言亡何以疾乞歸遂陳情致其仕公以易學起家迄于宦成未嘗一日廢卷既請罷杜門却掃勤修睦嫻任恤之事皆可師法晚歲營地陳墓涇題曰紫霞堆而自為之誌子蘭弘治十二

年進士官監察御史

論曰吾鄉吳氏有兩族其一貞孝先生先公顯而公與其子參政公同年第進士鄉人重公如貞孝家稱南北吳氏南吳入皇明百餘年至工部始顯持官持身屹有大人之槩而位不滿其德御史之後無聞焉鄉人哀之予過高郵春湖初滿東北風甚厲水風相搏若兕奔獅吼而予舟行內湖晏然舵後鳴榔瞬息千里舟人曰故吳水部所鑿迄今為百世利即漕輓亦無行甃湖者嗚呼鑿湖清賦利不貲殃委運達生

梅花草堂集卷四

卅

老不怯死古者鄉先生歿可祭于社其在斯人歟亦誰必其後之不逢年也

張汝舟 曾孫世皞

張汝舟字濟民剛毅有為不能受物之汶汶而縱閉柳揚動得機用以成化甲午舉人授倅南昌南昌故有巨寇徐九齡嘯聚猖獗一郡洶洶公至誓平之賊挺矛接戰公被創幾為所害民兵熊王金以身翼公死之公益奮鏑設方畧自衛巢穴蕩平而是時寧庶造謀久情形叵測每宦遊新任多設詐頓挫意相

引重見公蒞事精采輒以意致公公佯不知與唯諾而已會郡有温太真祠且敝公捐俸葺之曰此晉忠

臣吾所矜式庶人聞色殞相連致不已民家犬吠庶人之鶴折其足其健奴恣意笞掠甚苦其民又訟之公告言鶴故有牌民不得縱犬斃鶴公笑曰即帶牌如狗不識字何判而釋之邸嬖之兄為盜且就縛庶人以其情祈公解曰本不忍嬖子晝夜泣意甚憐公唯唯趣具獄無赦由是庶人望公故縱火燒旁舍怵公徃救將甘心焉公趣輿抵門不入問其吏曰殿災

梅花草堂集卷四

三

耶將沿燒旁舍也吏以狀對為誠邏卒力護而去庶人無所行其意居恒怏怏會九載考成遷貴之思南守幸免禍公在思南見民夷雜揉獸聚鳥散意不欲以南昌治例之踈節濶目時有縱舍而橫崗深箐殺人如麻公聞悉寘于法無所貸忽念母感夢亟疏乞歸毋果瘦甚蓋其生平至性如此公歷南昌思南自謂無悔晚更號二南又二傳為曾孫世皞字隆卿號振南云振南公以童子科領辛酉鄉薦苜蓿三十年推官慶遠客語公如道遠何公笑曰此古百粵地趙清

獻之慈可追而企也吾特安之矣比至日僕僕監司
觀察間縮地而語磨折而退公意不甚好之遂引疾
歸公故有宅一區盆山砌竹軒窓楚楚嘗擁書其間
自喻適志既授慶遠推讓其兄之子居之歸無寧宇
乃僦屋居故人家破囊敝篋不廕一壁已卜居流磬
菴右未幾卒

論曰慶遠公嘗為予言熊玉金死義事至今伏臘猶
為能設筵云二南通理之才委蛇逆藩間九載不受
頓挫斯其難什百徐九齡矣慶遠長者貌如其心與
梅花草堂集 八卷四 世

人無色詞之忤雖甚怒猶必以理自遣愛親敬兄宜
于家室藹如也一官落落不與俗遷化垂橐而歸清
矣予每登楹中閣覽慶遠手澤低徊留之不能去其
誠寔心有以信于人也

陸鑑

陸鑑字汝昭其先世某戍洱海而非其罪詔許輪直
至鑑兄鏞當代既往鑑獨與母居將力田自老久之
喟然曰人生非仕宦不貴父母夫夫豈有四目兩口
哉吾故有微尚將為所欲為寧能稿項黃馘擊瓦盆

自愉快耶乃夜發冊習二帝三皇之書學為政學成
領成化乙酉秋試薦後累偕計吏皆乙榜弗肯就選
人既歸讀書里第亦不詣成均弟子丙午始稱太學
生丁未選通判東昌公為東昌務集事有所規畫計
日課程無弗滿志而民用式和不苦溪刻然朝廷未
有知公者獨方伯滕某知之公將轉運京師備西北
邊餉而故事主餉者不無鼠雀又虞其耗也則為飛
詭他郡縣以當司農取贏之令山東諸長吏患苦之
歲弗能支滕語諸長吏陸東昌在事若無恐公抵京
梅花草堂集 八卷四 世

師鈞得其弊孔所在為餘東昌緝銀千計以歸其明
年再往亦如之而公始有能更名稱事集民懷矣庚
戌當覲忽念父母既不逮養而洱海公補黑衣萬里
外泫然流涕繪風木鴿原圖以申其意遂賦歸來迎
兄洱海共寢食賦詩自娛餘年卒得歲五十有六子
光安等葬公致和南原先塋之次鄉進士沈僕銘其
墓惜公才氣高邁世莫竟其用云

論曰予聞長老言城東蓋有陸氏墓云其廣可數十
畝子孫搖落畫地而蕩之乃及其塚阿牛者自賣沈

謙益家僅識其先墓所在然不名東昌塚發而碑見
嗚嗚相語意其先非復今之人矣傷哉龔生朱生按
所埋石知之去東昌領薦之歲百五十七年耳公故
與王水部僑管太僕昌同舉于鄉太僕子琪又登進
士第官至方伯予每過管氏塚凸凹坎窞兩肩欲削
憮然懷之乃不意又見之東昌公可不大哀也哉水
部世有文章不沒沒以此知立言之功非細故已讀
進士僕所為東昌公志文而不說大略與陸表等表
字天章弘治十七年鄉薦其文有典則首尾稱合作
梅花草堂集卷四

梅花草堂集

卷四

詩

正德辛未間天章病疫能令土神見夢晉工部憲顧
黃雛鷺而款獻此亦可以知其為人自天祐之者歟
世人漫言沉碑事謂速朽為快不欲以文章自予此
真可涕也

梅花草堂集卷之四



梅花草堂集卷之五

吳郡張大復著

後學汪中鵬補

皇明崑山人物傳

陸鈇

陸鈇字鼎儀體骨深穩寡言笑讀書談義務破碎支
離必求其是為他年可底之績耳目所際具有原委
嘗語人學猶埴也薄者先壞天順癸未天下士待試
京師屆期場屋失火公以秋八月擢禮部第一人明
年春 憲宗即位廷對第二授翰林院編修同修

梅花草堂集

卷五

一

英宗實錄成遷修撰賜金綺成化丙戌同考禮部戊
戌再考禮部 孝陵在東朝上妙選請恭持重之士
充文華殿講官公在選中敷納詳明儀度莊飭 孝
陵目矚良久問左右為誰其後進講多歛容聽之無
倦倚之色壬寅始滿九歲考遷右春坊右諭德丁未
秋 孝陵即位覃恩宮僚進太常寺少卿翰林侍讀
同修 憲宗實錄充日講而是時公已在告例賜金
綺就第宣諭未久卒上深用閔悼照三品例賜葬吳
塘廕子一人公為人冲澹沈默動必繩矩在翰林時



移疾數年雖復病體弥連未嘗敢忘天下之事每有聞見憂形于色要所自負必不泯滅所著詩文格力高古盡洗穠艷當所得意縱筆揮灑非後人雕刻所及流覽千古無不注記

論曰李供奉才情絕特舉世願以為鄉人隴西山東夜即人各云爾究未必然此豈有徵發期會而人情爭引為重也李溫陵曰亦榮亦榮莫爭莫爭真有味言之矣太常公其先崑山人冒太倉衛籍為諸生見李文正所為志墓石桑悅修太倉志亦云豈有附焉

梅花草堂集 卷五

二

然而作者之志固爭欲得之矣太常天下才年二十四登第五十長畢其間在告者又數年行事不少概見榮華至今其器厚也文正又言公在翰林與彭教敷五張泰亨甫名相埒皆間世奇產說者謂亨甫亦崑山人其系不可攷

高敞

高敞字德廣為人簡易踈豁美儀觀充然有大臣之度成化辛卯薦于鄉明年成進士授禮部主客司主事 孝廟正東朝充南京班賞副使承接上下儀度

雅饒文武大臣悉器重之陞精膳司署負外郎進本司郎中再使遠府行冊封禮還賚銀幣賞賚大同將士咸稱其職丙午以年勞陞順天府丞 孝廟即位與耕籍田賜宴三輔大饑請發內帑十萬賑之詔如公言乙卯補丞應天丙辰進府尹時政務紛委公以次裁決無漏無迫或語公畿輔非他郡比宜先綜覈公笑曰吾于事務理其緒無焚者急而張之雅非吾性人服其有體亡何病卒得年五十有七同鄉管儒珍為禮部郎中籍其橐篋不能殮御史王用檢曹郎

梅花草堂集 卷五

三

王循伯相與賻歸其喪上聞深惜之賜祭葬如制論曰京兆公庶不近名寬能範俗營第甚整而囊無繒帛產不及中上歿百餘年而駟馬涇人猶相矜重謂其里之人也豈無道歟即其生平自號強恕此必有人不及知之行矣 穆廟元初京兆之裔孫世臣甫歌鹿鳴而長逝亦至今人思之豈高氏代有令德歟何鄉人見譽之甚也

姜昂

姜昂字恒頰性廉靖遇事能挈領要應會輒發六令

久而滋蔓初以成化壬辰進士知棗強縣棗強民樸
鹵無迂曲性公心喜曰其上化導之此可用也于是
一切與之休息嘗閱月不撻一人三年獄無繫囚每
秋讞御史怪棗強何無所上公頓首謝棗強民樸無
害御史輒最其牘徵入北臺方士李孜省怙寵多奸
利率同官劾奏之忤旨杖于朝改南臺御史出守河
南公念守去民稍遠分親不如令計無先甄別屬吏
可以速得志于民乃按功令劾去其不能者月三四
輩無問科目諸屬吏廩廩奉職河南大治藩校席勢
梅花草堂集卷五
四

梅花草堂集卷五

四

撻市人事覺不移時縛而杖之隨牒決遣王有言謝
無及而已自公多暇輒閉戶讀書而母有懷故鄉之
色上疏乞近郡便養得浙之寧波覈吏治如河南又
加筵馬日本使道出四明橫甚聞公清操趨過之相
誠毋犯楊伯起既再考進福建左參政公性不喜干
牘閩俗稍通不如河南棗強信稍煩色詞士大夫交
刺而退澹如也亦時有怨公者而心服其清強無異
口焉會持母喪歸將闋朝議欲大用公卒于家子龍
字夢賓正德三年進士

論曰蘇子言省事莫如勵精士館銅領簿書誰喜多
事而至于荆綦櫛比莽互不可究詰者不勵精之過
也故曰一日廢一事一月可知也一歲而事之積者
不勝紀矣姜先生嚴汰墨吏用親其民立遣藩校編
謝無及夫事何得不省乎引而伸之古今吏道又何
加焉予每覽其行事意所謂居敬行簡者世之傳公者
或不盡而領要居可知矣自崑山之東割爲太倉賢
士大夫往往去其籍如陸翰林姜參政王司馬之徒
載邑乘者皆間世之傑推本地靈其與有榮藉也哉
梅花草堂集卷五
五

梅花草堂集卷五

五

秦瓌 從子雷

秦瓌字廷贄小時不竟學嘗爲父代役于官官人辱
之歸白其母人故有坐堂皇其色傲然役人者乎兒
奈何忍息泥土中惟所咆哮莫敢出氣我非人耶語
有之其惟不鳴一鳴驚人請以十年爲約去發書日
夜讀不十年鄉薦又三年成進士授刑部廣西司主
事公抵部始讀刑書然爲曹長決事爰無覆考陞仁
西司員外郎推掌三法司事外艱服闋除山東司轉
四川司郎中何司寇其奏公才堪理劇復調廣西司

御史彭程言事繫獄公首白御史無罪臺省繼奏言之釋御史又奉勅勘廣西安遠侯柳景鎮守不法事卒直都御史秦紘奪景爵壬子陞貴州按察司副使貴故羅施鬼國貴竹麻嚮諸苗出沒深林大箐間跳梁為患公至諭以朝廷威福諸苗巖居水飲不操戈入市踰年乞賫捧便省母里第依依久之乃喟然曰令我不受官人辱者不能取翠翟為老母歡已試為官人徒僕僕烟嵐晝晦之鄉報劉之日幾何矣自投劾免而家特貧所入常不能給饘粥枯魚麥飯對客

梅花草堂集卷五 六

欣然時持兩筭器食澆昔賢墓隧澹如也所著詩文如碧落晴空不染纖翳至今人傳誦之公母周孫秋官甥也母既舉公嘗語所親即他日當似其舅後官刑曹廉靜謹必無弗似蘊章者吾鄉謂有兩秋官云從子雷字起潛孝友淳謹明易理謂此道晦于凡師乃盡刪其說發明聖人開物成務之意學者宗師之往往名家而公強仕時始領鄉薦授元氏令歲又大饑減耗革弊政在惠民滿任告老元氏民肖像尸祝之歸橐蕭然常不自給

論曰秦憲副代役發憤十年成進士不十年棄之豈所謂千里之足見鞭影而馳者耶世之坐堂皇傲睨人者其戀戀何如哉元氏以摧抑頓挫之餘試為令稍行其志垂橐而歸斯亦不愧其諸父矣龔生嘗賦予憲副詩一章附載于傳或可想見其人焉

題畫 幽彈不終曲起命囊瑤琴非憚拍甲勞所嗟無賞音中心鬱孤悶曳竹循空林松風有古意石泉清俗心愛此澹忘歸前山坐夕陰

高以政

梅花草堂集卷五 七

高以政字養民少孤鞠于祖伯齡翁翁明數學知公當貴弱冠令游邑庠成化丁酉以詩經領鄉薦又十年選闈之上杭令會閩盜竊發捕令特嚴黠吏夤緣為奸羅織陷富人武平民賣羊于市証盜繫獄公甫視事見籍無賣羊者名姓立開之而反掣陷者示眾一縣廩廩溫文進之亂白沙里相煽抗官府情叵測公督鄉兵李福鄧端等設計擒之巨寇盪平里無夜吠之警汀漳大吏藉其權願使僚庶獨降階迎公咨時政得失會六年再考銓曹最公績將遷而公念伯

齡翁年已九十母亦七十餘遂致其仕晨夕視色進
甘毳題所居曰宜晚自號歸田卒年九十有三

論曰歸田翁居城南蔡村無子女三人長嫁晉雁次趙
濟次葉蕃今里選志有趙士傑者歸田翁甥也是爲興
賢里趙家初冒高姓子孫興於文學其玄曰弘誥與予
善予得拜翁像温文抑抑藹然欲笑欲語誥又出朋壽
圖相眎顧文康爲之序朋壽圖者故思南守張二南汝
舟封御史顧自如宜之與翁爲三魯頌曰三壽作朋故
云予家世居興賢里知翁歸田時事特詳嘗除夕晚食

梅花草堂集卷五

八

罷潜行里中觀燒盆爆竹而里民有啟扉設酒脯相
慰勞者翁直入飲之里人更具迴燈請觴政翁待月
一座互舉杯皆呼待月曙色爛熳東方翁始別去翁
即蔡村南規爲墓晉氏趙氏翼其傍桃花流水如入
武陵異境吾爾時覺漢循吏衣冠僊僊去人不遠矣

王僑 曾孫一誠

王僑字德高其先崑山人自洪武丁巳分籍太倉而
公與弟倬仍用先籍起家成化乙未禮部試授江
西武寧外艱歸服除補山東曹令皆有德于其民

然不肯依附上官取聲譽前後九載始入爲南京工
部營繕司主事內艱歸服除補故官久之進水部員
外郎復爲營繕郎中授奉政大夫公誠直詳謹悃悞
無華翫牒郎署間無竿牘寒暄之問惟書史是耽捲
簾書卧泊如也久之以老疾致仕用兩宮尊號恩進
階四品其從孫世貞嘗爲之贊詞曰褐其服黻其貌
不以爲田父則亦鄉三老乃儒而真乃吏而循課績
不後人而官次不先人噫嘻公于名實所謂居其主
而盡却其賓者耶故老有識公者謂得情性云子悌

梅花草堂集卷五

九

鄉進士孫世芳提學副使載太倉州志曾孫一誠字
明得仍以崑山籍中嘉靖戊午鄉試乙丑成進士甫
廷對心怦怦動亟馳歸及侍繼母丘夫人舍隆慶戊
辰隸政吏部又二年選授温州府推官未任而卒公
性不爲忤好以謙抑下人與人交洞見底裏而意一
依于長者里人其蕩其宗子公少教之其人突公幾
殆州守聞而執之困以三木公促駕爲解曰非意也
祈釋去乃已凡公之爲德于鄉類如此
論曰王氏自即丘子覽傳始興文獻公尊爲江左始

至宋節度衙推仁鎬徙分水生孫司諫縉及大之為
浙始又數傳古川公夢聲為崑山學正為吳始明興
籍崑山隸進士者為工部僑司馬倬而工部貌如野
老積資二十七年不登方面豈復有微巧與時委蛇
者哉温州母毛文簡公女也又壻于魏恭簡當學憲
功成名遂時訥然守柔無文士氣受突而不驚此豈
無挾于中而若是二美先生既已狀之志之又惜其
功名若晦若顯五世而不遂大振豈天道哉豈天道
哉

梅花草堂集卷五

十一

張潮 石璞 邵魯生

孔子曰十室之邑必有忠信不如學也傳曰同明相
照同氣相求惟明與氣不可強為蓋必同之以學荒
江寥泐之鄉得一人知己足以不恨况室廬相望歲
時伏臘相往來而其人皆知好學稱忠信之士者乎
易曰同人于野予讀邑乘有友三人焉著為傳

張潮字思信祖士衡父元鶴積行累義不顯于時潮
幼從仲父翔學慨然有拔起之志天順間被薦不報
再試于鄉又不售遂擁書萬卷結廬幽徑四方文學

之彥執經問難其前潮為剖析同異令人人屬厭乃
止良辰清夜匏樽相屬或笑歌搖青舞綠之中聲震
林木脩然自老子璐鄉貢士

石璞字元素性脩遠不樂仕進卜居大虞浦東清溪
茂樹映帶茅屋課子孫耕植其中每徙倚林臯觀田
里所行撫成五字便欣然命酌或寫竹石以寄其意
筆興間放嘗戲語人吾生平無從門入者惟書法蔡
君謨亦時有君謨肖神處

邵魯生字師聖少受業龔大章力學自樹耕硯養母
晚築春水草堂臨流清嘯渺然有鴻鵠千里之思登
其座者惟石元素張思信冠帶之倫稱為三老焉
論曰余每放舟虞浦望竹樹週遭意三老猶在其下
語云耕者必有耦士處平世不能為所欲為而獨行
無悔者得其耦也每覽雜記當年座有張石士大夫
輒相矜重而師聖不與嗟乎其在管華之間也夫

王倬 管琪附

王倬字用檢弱歲補縣學弟子成化十四年登進士
第授山陰縣知縣起復補餘干屢決疑獄多聲譽會

贛州賊殺信豐令檄公往勦賊據險固守公乘夜縱羊千群懸崖而上賊思投木石殆盡詰旦進兵破之時以爲神再補蘭谿其治如山陰餘干召入南臺拜山西道監察御史以蹇直明幹聞嘗偕其僚劾選郎中貴人及尚書方面之不職者俱報可進貴州兵備副使時新中米魯禍公柔而綏之咸大悅服例革婦兵備瓊崖崖州千家村黎叛公當用兵數移師期以急賊忽率兵擣之盡平其巢奏立千戶所黎大戢進廣西按察使遂進廣東右布政使破誅臨賀岩酋活

梅花草堂集

卷五

五

其從遷貴州左布政使時大盜藍鄙勢張甚見逼省衆議焚民居可以遠賊公曰此適張賊耳乃洞開城門嚴兵以待之賊聞不敢逼彭某爲摠帥檄州縣課私馬從軍以萬計公匿弗下而令各鄉落馬入城避賊其緩而遺馬賊者死馬既入而後課之數具足彭又檄所司餉熟糧四千石于軍日中爲約公督市戶分道抵軍日未高春敷溢矣尋拜右副都御史撫順天屬邑大饑公請通倉米十萬石賑之未至先給官軍俸兩月直而權以餘俸米給賑民不苦饑所全活

以萬億計東甯入完公會兵討之屯馬蘭峪乃策曰誘我西必以東擣我虛矣爲三覆以待果潰東墻入伏發斬獲過當悉徼其被鹵男婦婦久之進南京兵部右侍郎公請老後先九十餘疏給驛還里公性豁達好施與家產不及中豪而割其田千畝以贍三族其藹然天地生物心于世未兩也卒年七十五論曰弇州先生叙述其先司馬事如此予故盡載其說而先生曰小子何述焉有王文恪喬莊簡之碑在然稍詳覈矣按志司馬公輕眉禿髻秀目細而長臞

梅花草堂集

卷五

五

然若不勝衣出奇應變動有成畫何烈烈也三令嚴邑所去見思說者謂桐鄉密縣不能遠過殆所謂益然生物心信于其民者耶王氏其先嘗居駟馬涇與高氏晉氏讀書聲相聞高氏先第官至大京兆晉氏教諭宣平子工部亦成進士涇上人至今稱王司馬高府尹晉宣平也司馬公故與管儒珍方伯善方伯長者名琪與司馬同年登第授中書舍人歷陞湖廣左布政使清飭不事干謁竟以老致其仕父昌先十二年成進士官太僕丞然其詳不可得聞矣長名言

兩家翁嘗使畫者並列其像相賓主坐令後世子孫交相祝也予為童子時猶憶會州先生拜方伯像于管氏墓傍丙舍覽荒坵而出涕司馬後世顯而管氏無聞予推論之令百千年後猶相聚于一卷之間也悲夫悲夫

虞臣

虞臣字元凱成化十四年進士授兵部車駕司主事奉勅安置來降夷人於廣西所過驛遞候伺惟嚴而公提一旅肅隊而趨無厨傳驛騷之費公私晏然遷

梅花草堂集

卷五

五

職方郎中時鈞陽馬公文升為大司馬一切大小軍務公與互體而徑達事至立辨至一二近倖見侵迫有所上下公持鈞陽鈞陽持人主援理而却之歷武庫調車駕垂二十年未嘗以厄積措意尋遷議蜀者會有所不可即上章致其仕臺臣慰留之不從又念公道遠垂察為溫語有致于公皆不受蕭然携數卷下瞿塘而去敝廬饘粥悉如韋布時而時時縮口藏美醞日使邸僕候客於巷遇鬚髮白者隱者儒衣冠者即邀致無論達夜平居下帷寂然丞貳以下有竟其

任不識公面者初公為弟子過里門鄭進士文康居平橋下從簾間望見公愕曰此即何為者葉與中嘗以擇壻見托豈其人哉遂往謁公父期以所課牘相訪至期不來則又從其父促之來父曰兒豈肯負約謂持牘將及壻而公坐不起則望廬返耳進士曰為謝即君故當以客禮見責念其長不必介意詰朝且虛左待矣比進牘進士大喜竟以文在女妻公文在亦心許進士知人能得公也公長身玉立飄鬚若仙而兩眉茂茂如潑黛相法不利年少將解省盥洗忽

梅花草堂集

卷五

五

脫浮毫滿一器君子曰形容忽變于參藩信之得歲七十有九論曰虞氏自海道萬戶樂閒公為崑山人洪武初以閩右寶京師籍上元至少司馬自廣文歷省垣為王喉舌至于卿貳能以清白貽其子常春散人迨參藩公益顯虞氏之清不減葉文莊鄭進士尚論者亦以相比氣類之于人甚矣哉予嘗訪參藩遺像其裔孫號采石者出所藏虞氏譜自宋雍國公始貂冠豹飾目光爍爍有忠勇氣蓋虞氏之來舊矣

周瑞 玄孫汝礪

周瑞字應祥細瘦通眉清髭瀟灑小時病瘵醫者難之輒謝去人間事即縈念必預策其所將然而游戲承之有童子甚不慧為公煮藥公預策此童子必敗曰敗其分也若者不名知人耶已進藥果敗公大笑置不問瘵亦旋瘥就御史試御史賞公獨無上將受餼而亞公者師某公白御史弟子故不賢于師請明讓御史許之或為公計他日貢禮部當遲十年公笑曰為師長遲我十年青氈不亦可乎然公名甚噪所

梅花草堂集卷五

共

課義特高人知非青氈物也竟不第就廣文選授江右之德興時蔡虛齋邵二泉先後提學江右試公卷皆嘆曰吾固知崑山多才然不賢于瑞州德興矣時黃丹巖雲適訓瑞州故云德興令缺即檄公視事會桃源洞寇亂縣小苦供餉公調劑以時卒平巨寇而人始嘖嘖信公非青氈物矣公飲性中下然好彌留晝夜雜翻新聲令人歌而和之其音若絲母許小誤人謂公豈師曠耶公笑曰家公瑾故爾卒年九十四先是有餽公筇竹者公規杖而坐弄之所看銀峰玉

峰諸稿迥出塵外如其為人子京亦歲薦仕雲南臨安府通判號竹東居士玄孫汝礪字若金小字伯立木訥而文不與世徵遂去所居橋梁道路皆不能識其名所作義甫脫稿即走四方隆慶丁卯薦鄉試第

一人甲戌第進士南昌王侍郎希烈語人曰周若金

若

恂恂如處子長安徵逐非其所堪選授應天府教授陞國子助教轉禮部主事皆陪京公杜門絕酬應懷刺訪客多不辨主名何人丁卯之役雅自負解省而捷音稍後公摩腹週行于庭誦所奏論語牘曰民未

驗云

論曰周生昌胤為子言先司馬竹東公自滇南乞歸養德興故無恙也耳目神明步履強健視竹東猶嬰兒然嘗手弄曾玄故禮部公小字伯立也昌夜發書得翁牘云飄忽添年九十三風流未許期鵬盡筆意道繁如年富時作此知德興之無縈無繫故神血如此說者謂翁損人益天永葆此身政不知邀壽於天

與其邀貴也何遠而翁有之耶封公解省之佩不于其身輒于其子而後德興之非青犢物足言之矣嗚呼休哉

周恭

周恭字寅之安貧養晦賣藥自給性喜以善醪自號三歌人曰何謂也公答曰凡草木之性血脈五臟之微皆可以意取惟絕其未萌勿藥有喜者稱焉吾學之然幸名出其家所種秫足了麩蘗事耳後風生歌聲鳴鳴自快凡吾所取三事甚侈而鼠腹果然則歌

梅花草堂集

卷五

六

者能舉之故曰三歌客喜而笑已又更號梅花主人自為傳傳曰主人嗜梅嘗僦屋而居不可得年四十始得數畝之宅百椽之宮以寧妻子週遭有池池立叢篠主人樹梅環之狎梅作客而已為主人每寒日曠曠六花將笑主人負暄花外烹茗拈筆攷范石湖之譜品梅次第倦則橫笛吹落梅之詞迴風旋舞飛花作雪其或香雲既斂瘦影橫斜輒歌小詞樂之歌曰山迢迢兮溪曲曲中有人兮結茆屋玄鶴無聲花渺茫主人吹蘼花斷腸又歌曰溪曲曲兮山迢迢

中有人兮居衡茅枕清瑟兮夢瑤臺明月印花溪上來歌罷輒復著書所著有和中峰梅花詩一卷樵玉稿十卷西泠叢語四卷事親須知五十卷醫效日鈔四卷醫說續編五十卷增校醫史四卷卜史若干卷孫世昌太學子生嘗續修崑山志不愧良史所謂周志者也

論曰予嘗見沈啟南作梅花主人圖用梅花道人墨法卷高尺有咫而橫濶可一丈五七許矮屋壓頭野竹亂插成籬落屋外冷蘆疎枝嫣然欲笑蒼楞寒寂

梅花草堂集

卷五

九

白衣匡坐其間隻袖垂膝有燃鬚苦吟之致柴門不關門通曲逕逕接小橋橋下流水從山中石澗瀉出似聞汨汨漱石聲隔水數峰隱隱如螺髻亂插雲外山嵐隱現都潑青黛色翠微散木叢立莽互不可辨一山勢峻而近峰極隱殿閣浮圖直倚霄漢霧靄冥濛宛然玉山風景躡屐問徑殆可得梅花主人隱居所在啟南墨妙名天下如此幅亦一二矣然啟南故不識主人主人嘗以一詩為贄居然得之而啟南又語王理之此卷可謂神到雖復一時弄翰彼此慕尚

之情想其風格蓋亦翛然物外者耶故侯方棠陵嘗造廬主人不值爲題鹿門二字貽之嗟乎如主人者其真若人之徒歟

黃雲

黃雲字應龍襟度踈豁議論慷慨自少以詩文爲已任家獨貧不能置書嘗就藏書家借錄之卷帙甫畢心口了然邑中子弟遇大禮大政必往咨公公應口標舉如數白黑持鯁素者足相躡于其庭亦隨手荅之論者以爲山谷子瞻不能遠過高履濶步躡行里

梅在草堂集卷五

廿一

中見後生輩冠履不率或談笑喧闐瞪目叱視鬚頰輒張然意在獎成豪彥人亦不深怨之誠毋藝見黃先生而已訓飭子弟洞胸倒臆恐不相盡或其人摩天去不復置喙言或及之輒大笑弘治中貢入太學授瑞州府學訓導卒年七十二

論曰先生之裔孫名彪者善貌人能得情性嘗過草堂爲予貌先生見者無不凜凜以爲先生縱談時如北門下士有過先生者貧不能具飯與啜粥語必竟日還遇二方吳佩之吳中英之徒皆然顧文康既官

官僚先生書戒之謂世俗豪華易至消歇必以正法眼看破其見尋常蹈溺者滔滔故特相飭請銘座右噫嘻世無此誼久矣先生有斯文會序與葉文莊送徐朱二子說並在人口以予觀之蓋亦先生生平得力事也

王秩

王秩字循伯其先亦即丘子裔嘗與王司馬通宗而不名族云性豪豁粹遇非常無所規避挺挺有氣力堪大事生二十八年成進士除授永康縣知縣富人

梅在草堂集卷五

廿二

有影占腴畝飛其稅于他戶貧無力者其黨比周爲姦利訟之官不能決公以身往按籍履畝主名其甲乙而賦歛之比者莫能遁答之百縣賦肅清三年滿考入爲南兵部主事遷刑部員外郎遂瑾方用事凡外任入爲京朝官者例有贄公獨不贄而瑾使人詣公聳觀方口虬頰裝無資竟亦不問例亡何僉憲廣東持法不撓巡按御史其瑾黨也踞見公公奉憲綱從事每所需非例輒持之御史不能相加嘗被臺命勦廣西蠻寇懷戢海南黎人威名頓起陞江西兵備

副使生擒張士錦降者免死量材授官職偽黨悉平遷本省按察司按察使會桃源盜起副使周憲與賊鬪陷陣死之公被甲躍馬冒矢石立斬害憲者搗其巢且誡軍衆毋妄屠戮全活甚多方公之按察江右也寧庶人折節為恭結納藩臬尤器重按察至欲請其子與婚公遜謝之而私于人曰寧邸志滿氣揚好武事陰養任俠姦人不出十年江右必騷動尋擢雲南布政司布政使予告侍養師某卒往哭之遂殞論曰閔西李獻吉嘗為方伯像贊攷其集不載方伯

梅丘草堂集卷五

廿一

與獻吉同官江右雅相重也獻吉繫廣信獄燕御史忠將甘心獻吉方伯在按察故不知操何術以處此為人臣子處明夷之季外逼強藩內逢閹貴非大雅既明且哲以保其身惡能不磷無災害焉予告暴亡母亦其神血耗散不可支乎寧藩之亂我吳陸太宰以根株抵罪嘗請婚方伯而方伯無禍災人之智量相越如九牛毛焉可誣耶

戚軒 孫學 附張翼

戚軒字宗軾杜門養晦教小學數十人以資餽粥已

稍贍則謝去其生徒築杏林書屋居之竹爐瓦燈簾幃楚楚日哦詠其中撚鬚頽賦五七字古詩簡澹真至晚歲格律漸細識者謂有陶韋之風士大夫愛其高潔多造之公備賓主而已聞張汝敬至把臂入林飲奕竟日汝敬名翼少力學通春秋久之不售遂卜築馬鞍東麓僻絕市囂對巖岫讀書不輟每與宗軾小步微吟衣冠朴雅里人慕尚之稱一時肥遯之士號為東巖二逸軒孫學

梅丘草堂集卷五

廿一

父請為科舉之業父聽之弱冠受餼郡庠試輒高等荏苒三十年不薦後以貢分教開封遷東原王府教授初公與同邑李廡甫張抑甫相友善廡甫既貴以御史大夫自江陵還臺而公始就開封明年御史卒又五年公還里每語抑甫吾自視髫年請業科舉迄今竟何所得過大梁覽夷門平臺東苑之故蹟及前古帝皇之陵寢近世京邑之麗藩省之富與黃河之奔放差慰壯懷而廡甫奄忽舟過大梁吾東望黃河潛然流涕人世竟何有哉而乃今得與子幅巾杖履

訪其水其丘話童子釣遊時事斯亦幸矣未幾抑甫又卒公悲愴不勝又二十年考終于家

論曰昔龐德公居漢之陰司馬德操宅州之陽望衡對宇歡情自接泛舟褰裳率爾休暢吾鄉二逸欲類此語矣易曰同聲相應同氣相求今古殊邈皆有此情然亦會其時可以安意肆志避世不罹禍災也咄咄若人不謂之不遭逢矣教授吏隱老失嚶鳴自集馬策叩門之慟乎吾猶及教授之里社也夏東山周鳳起李棠之徒綸巾烏履操豚蹄斗酒澆劉改之易梅花草堂集卷五

蓮峰墓猶有昔人斯文真率之遺焉

顧式 子邦石

顧式字正夫未冠明易游黌校受餼應對辯爽通曉當世之務成化間夏滂甚民饑無所得食撫臣檄所司援急殷戶公詣臺抗言救荒之道本無奇策暹羅平價皆可釀亂又况驅就斃之民恐死趨利十百成群聚不可散富者金湯庾廩詎肯欣然市義緩急之間必致格鬪格鬪不已轉相讎殺爲害非細以臣而慮但有通商一路可救目前因條上便宜數十款不

報未久臺臣被論勸令旋止公應舉三朝積餼四十

載始貢禮部念父母春秋高不就選會有詔選人不願補官者授散秩公得杭州府經歷階迪功郎時父恂年八十餘偶問公長安燈市公告其婦許剪彩縷綵懸綴軒幔虹光達四壁公與弟宜之衣冠皓偉奉卮酒爲壽因話古今傳柑之宴用相娛樂至今爲里中美談云子培別有傳次子邦石字孔安初名直能讀父書傳又能更出一解爲當年易學之冠七上秋官試不第正德癸酉領鄉薦又五上春官除受南昌

梅花草堂集卷五

五

府通判南昌既劇郡又兵變南輯餘孽洵公至繕甲整戈補伍深塹固扁鑰而嚴守之會鎮守交至黃頭旁午郡所部兵壯二十人咸受苛索公下令一切停罷萬學一者湖城也負險舍匿亡命出沒叵測公率兵壯計擒之一郡廩廩咸若于訓初公之倅南昌也年已逾艾諸子聞南昌難治勸勿行公奮曰爲人臣子不遷謫嶺海耶其意甚銳既蒞事見太守以下庭叅鎮守中貴人俛仰僕僕心甚苦之遂自劾免就故所穿墻鹿城之原築臺榭蒔花木製樂府十數闕

令家樂雜歌之年七十考終方疾亟召故人陸愚啟手足壻周鳳鳴受遺言執手畫字正論不亂

論曰顧氏之興于舉業自迪功始然父子皆偃蹇一第坎壈終其身惜哉予訪迪功志于其裔孫道煥家見陳說救荒事明義理切事情鑿鑿可見之行也南昌老始一割劓發如新不耐伏謁中道罷去斯亦妙有風裁骨氣落落者矣南昌之裔有光世者能集錄諸家文字殆可充棟其纂叙先澤手跡宛然世人惜迪功之後寥寥無聞而掌故嘗在其家亂家亦何負梅花草堂集卷五 共

張安甫

張安甫字汝勉性敏好學垂髫時為文章穎彩葩流多不屬草二張每語人此吾家千里駒將逃名不可得公意冲然嘗自處不競之地弘治庚戌舉進士出知祁州平徭簡訟視時一切民所患苦而休息之暮年初治每晨起坐廳事吏抱牘占署輒放衙灌花或捲簾書卧州人若不知有守者居久之持內服歸既闌棲遲舊里規鑿方池有終焉之志親故諷之公慨

然曰吾父力耕以給諸父成進士而自笑長為農夫故有遺言今幸不辱命老母又以天年終吾事畢矣家季鷹故有鱸魚葦菜吾敢少之哉胡有為人子親已不逮捧檄自喜者乎遂馳疏引疾乞休朝論高之詔加金緋致仕公既返初服尚羊山水間徒行不輟遠近皆能識之呼為天民嘗一再就其子家官舍養遂東遊闕里覽觀夫子之故宮登泰山望雲海日出水天摩盪賦長短句數闕而返公質任自然道遥物外得歲八十有四或曰公受張蒼服食之法故壽然梅花草堂集卷五 共

張氏其先居崑之蕭墅後徙橫塘贈奉政用禮生子四人惟伯與季不為進士而伯之後自先生顯

子其有隱德歟何拔起之異也先生處作述之際駸駸顯榮矣竟于葆光自守夫所謂善息者耶先生之孫曰恒淳者篤論人也嘗言先生草治命筆力深穩不類忙時作出示予手跡宛然蓋先生得道之精能旦暮生死况其外者飄雲過之矣

周在 子復俊 孫泉

周在字承德早孤力學不務口語相高而立意雄邁常出人群念父元學有遺言但置義田八百畝便可給族子之貧無養孤無教者往來曾中二十年不能就會仲兄承平卒無嗣乃請諸兄就仲產而割所有益之以成父志弘治壬子領鄉薦癸丑會試上其事于朝乞所司察如約又建綏成祠祀始遷之祖而以絕無嗣者附敦睦勵操傑然有大人之槩後謁選人授廣西太平府養利州知州州故南粵交趾之界俗

梅花草堂集卷五

共

陋土瘠仕宦者多拱手待遷無所事公慨然曰仕將以有為徒取大冠如箕其綬若若揖讓貴人前仕何事學何學哉遂致其政而歸子復俊字子籲嘉靖十一年進士歷工部主事負外郎即中進四川提學副使獨持風紀皎皎不受世俗滋垢一切請謁無所問蜀人士心服其公而口燦之以刻覈見中歸丁內艱補雲南副使歷官至其省左布政使回翔南詔間多所建立陞南京太僕卿告歸鄉里公學問該達好著書嘗游矯亭方先生之門精研理要在滇時獨與楊用

脩切劄往來其學益進所撰述扶輿流葩不為理障世服其無學者氣所著有大僕集玉峰詩纂東吳名賢記長子泉字若蒙自幼好讀書伊吾聲與曉漏相徹祖母吳特憐之公為篝燈默誦不令母聞既長為諸生不大售讀書愈力太僕憐其悴也為入貴太學補襄府良醫正公謝弗往乃築室玉山之陽題曰雲東草堂買金削產奉太僕懸車之歡輒洗其橐意乃大得太僕既歿公往來草堂中橘刺藤箱茂茂駢織仰面看梅花古石欣然忘倦顧獨耻與貴游狎敝衣

梅花草堂集卷五

光

草履從一二奚奴冉冉行市中市中人皆識公相與語曰夫非振振公子歟公聞亦自得也歲入不能了伏臘事即有餘粒惟三黨數十老嫠婦是賚而餘以葺草堂老眼濛濛伊吾萬卷中如少壯時問提藥囊過所親貧無醫者一劑起之歡笑竟日孤姥村龐貧賈求砭于公公施彌勤或慰勞之公笑曰吾惡夫居其名忘其實者語曰上醫醫國吾以俟吾後之人矣初太僕之官于滇也有御史求名家後未列青衿者公念曰吾父甚德我家長史雖報不足償此其會乎

乃以其嗣孫洪祚往時有治家子持千金為公壽公勿應也蓋公之養志類如此卒時年六十有六

論曰婁江之東蓋有三家市云周氏其最著已元學先生以匹夫而修義庄之業卒成其志養利繼之仁及三族至于太僕不忘長史之德貽謀襄府孝友之為為政于周氏何負焉予每見其裔今黃巖公傷襄府之不逮養其苦心莫能聞知蘇蘇霄涕此其所淵源矣養利父子以剛正顯襄府長者瞻瞻黃髮不失赤子又何其隱顯之相映發也語云本深末茂尚論梅花草堂集卷五 辛

龔乾 孫邦衡 從魯孫時煥

龔乾字敬法強直個儻好讀莊周列禦寇司馬子長李杜之書獨不喜習應制文字曰何有壯夫沾沾雕蟲之技徒取跼蹐轄下為世父朝美戒督之不敢抗則取諸牘謬簽制家名字摘繫伊吾膏晷相代世父信其聽受故不知所誦非所督也用是名不隸學官之籍而雋聲彌噪友人朱恭靖希周顧侍御潛惜其才美表為駙馬賓客公笑曰麋鹿野性終在長林茂

草間大寇若箕何與乃公事耶遂去隱于江上終身不入城市公有孫邦衡字世美十三能文章有雋聲稍長占二經從游者率百餘人連楹傍舍常不暇几席未久多摩天去而公七試主司獨不售然氣不少挫談鋒犀利慕義無窮少年周其因事發憤相與謀共毆賊吏借鼎于公事發諸少年皆萌免公坐註誤繫獄當事者欲奪其諸生公屹然不辨其明年耿御史視學政行縣乃解公亦絕口不言註誤事也居恒授徒奉母推產贍弟幾四十餘年晚歲苦無寧宇嘗梅花草堂集卷五 卅

僑居周尚書故第縣侯劉將儻地舍上官適來視之公角巾匡坐訝曰公乃在此勅駟從亟去不得以轉徙相煩公韶歲名噪慕吳秀甫之為人介執友沈世叔將贄于秀甫秀甫謝曰此真中英之友願交不可得如公言無世人之患耶中丞李廉甫亦雅慕公期晤談終不得偶過之促東報同列曰世美過我矣其見重如此從子時煥字德明砥操安貧讀書懷古嘗手錄先世遺集與一時名賢記頌贊序碑版之文幾萬餘軸而所居特隘不暇筐篋則駕薄板為覆壁而

藏之掌故家轉相咨問公抽帙以對腹笥便便殊不
可止真令人有汲冢柱下之懷嘗與從父世美約脫
得志當不令先安節投戈事不表于朝言既輒愴然
動色會有詔旌別革除效死諸臣公大喜時世美已
老不堪事公售產不繼則粥細靡零雜于市爲胥伍
設飲食而身被衿佩與世美匍匐上官前三年底績
公意稍愜又請白祖母周栢舟之操詔又許之而公
始葺一椽小藝花竹摘蔬釀秫談說古今成敗會司
訓彭某移令上林載公與俱歿上林官舍

梅花草堂集

卷五

世

論曰龔氏人物自宋殿中翁猗以來世以繩尺自檢
敬法獨好任達不屑世務乃其賡和唐集游釣清溪
覺張志和去人不遠又何必繩尺哉世美清修爲時
慕尚晚歲苦貧數徙僅餘書籍自衛必數十健夫舉
之後漸減損自非德明纂集厥成手自抄錄龔氏集
豈獨洪魚腹爲酒家覆瓿而已耶人言德明求書雖
詐必信令後世觀者具諸繩尺太史公世掌史記請
以相與龔生嘗言其父建祠事空囊羞澁族親寡助
僅與世美形影相依一老塾時來注記而已慎終追

遠于吾鄉尚有典刑焉

毛澄

毛澄字憲清弘治癸丑進士廷試第一人授修撰預
脩大明會典陞右諭德充東宮講讀官又預修通鑑
纂要進右庶子兼侍讀賜金緋 康陵即位預修
孝宗實錄逆瑾矯奪會典陞秩落庶子仍官侍讀尋
以侍讀學士入講正德十二年陞禮部尚書公在部
持正守典禮不與諸貴倖通存謝恭默靖慎諸貴倖
亦不恨公逆濠嘗奏請令撫按諸臣朝服進見又僞

杜和草堂集

卷五

世

爲孝行脅鎮臣請旌表公爲禮官屹不動逆濠與其
黨怨之 康陵崩奉 昭聖皇太后旨偕大學士梁
儲迎 世宗于興邸有議請如陞見禮者公曰將來
勸進時又何加焉議遂定上既登極勅詹子一人世
錦衣指揮同知力辭充副摠裁修 武宗實錄未幾
有詔議興獻王大禮公意欲重大宗乃請大學士楊
廷和會議援漢定陶王宋濮王故事上疏言獻王
孝宗弟也上考孝宗于獻王當稱皇叔父妃當稱皇
叔母凡祭告上箋具稱侄皇帝名而以倫序命益王

第二子暫假封為獻王後侯異時皇嗣繁衍仍以皇
 次子奉祀上意不悅復命博考典禮求至當公又與
 襄毅議錄魏明帝重大宗詔以進因入見力言之上
 曰朕奉大統非所願本欲尊崇父母為至榮今若此
 徐之而是時永嘉在南曹抗疏言公等議非是其畧
 曰 武宗嗣 孝廟已十六年遺詔尊祖訓兄終弟
 及之義迎 皇上入繼大統比之漢哀宋英當成帝
 仁宗時豫立繼嗣者不侔禮官不當妄引為人後之
 說且獻王所生惟 陛下一人今稱以叔父質之鬼
 梅花草堂集 卷五 其

神不能無疑稱聖母以皇叔母不知將以君臣禮見
 手抑以母子禮見乎以君臣禮見恐子無臣母之禮
 竊謂宜別為獻帝立廟京師隆尊親之孝而迎聖母
 致養庶于禮稱 上覽奏大悅下閣部議公持前說
 益堅會 章聖太后至京公請由大明左門入不報
 上自啟昭聖太后請避位于是太后詔皇帝本生父宜稱
 前母宜稱后朝臣連疏諍之事遂寢明年 上召閣
 臣及公至平臺溫諭公等不屈遂自罷去詔加太子
 太傅給驛傳遣官護送還鄉至興濟卒贈少保謚文

簡父昇祖百歲翁稱皆贈資政大夫禮部尚書公為
 人方正端毅有濟務才與人語威儀抑上其于是非
 義利禍福屹如也少有奇志五六歲時受故人金錢
 歸擲棄之曰吾手何可捉錢所以爾者不欲違其意
 耳陳武選愷聞而異之許妻以甥是為徐夫人封一
 品

論曰永嘉承嬗相位定大禮蓋霄又敏韜實從史之
 文敏秩宗貳也斯夕魚貫而行又嘗貽書詆公公屹
 不動豈所謂上殿如虎者耶而是時方御史鳳贊濮
 梅花草堂集 卷五 其

議甚力其兄太常是永嘉議兄弟相糾忠盡互見蓋
 德靖之間吾卿廩上多大臣之畧矣語曰其愚不可
 及也人臣抱愚之用不遭時榮名福祿自老日月之
 下亦何知其不可及也哉

周震

周震字世亨別號半塘其先自吳興徙崑山有高年
 公壽誼年百十六歲 高皇帝謙之便殿太守魏杞
 即次乞言為我 朝獻老成事五傳至巽生公公生
 而簡直寡營切事理喜讀書明當世得失之務正德

庚午領鄉薦明年成進士授江西饒州府鄱陽縣知縣鄱控彭蠡川谷浩衍難制而時適有姚源之寇出沒驚濤斷壑間瀾延數千里文武大吏厲兵臨境奉簡書督責諸務甚急丞簿皆避去公協饒屬之能者力勸之設奇用間餉援無間境內外不數月寇平左藏晏然而饒屬之接武姚源者其民得以流徙故免賦不及鄱公力諍之久乃如例公曰鄱去姚源差遠而鄱民之手足不勝疲矣夫獨非朝廷赤子而袒左右焉且吾自料無負于鄱自可無負于免賦久之

梅花草堂集卷五

世

聲藉上起而公又簡鄱之俊又子衿之良者提耳而誨之良士蒸上輩起鄱民大悅召拜山東道監察御史公上八事豫儲廣孝懋學勤治選將鍊士信賞必罰皆當年石畫而詞旨激揚規諷緩切號稱得體已郊清軍七閩南駐節而有黠卒脫巾之變立擒其首惡者數人奏斬之閩海肅然黃頭某者鎮守閩閩浹塩筴錢萬上公劾奏之商民大悅庚辰還朝會武廟南狩公疏請回鑿甚力詔公視斬逆濠公冠大冠衣急袖扶單騎以行既宣詔而濠有傲岸之色公

託力士揮銅錘搥之濠乃首伏磔于市奏聞有銀牌之賜辛巳巡按河南未幾擢浙江僉事已酉擢廣東左參議識者謂公正色立朝與人多落上每談朝廷利病所由無少避就當事者往往螫公未盡其用而公意坦如也曰吾平生所見故如此及考傳記多先我同然者庶幾不負七尺吾事辨矣既歸里第索裝不蔭一壁為諸子析爨所授牙筋不滿束笑曰此閩裝也然嘗恨不能無此公有半塘稿南巡錄奏章若干卷藏于家

梅花草堂集卷五

世

論曰吾鄉重清議後稍不能無渾矣至周先生必曰清御史夫世之語清者所居不蔽風雨所立產不滿百脣清耳御史職言事顧所樹立何如而公初平姚源繼定閩卒繼斬逆濠上持有持斧破柱之風而歸橐蕭然筋不滿束又不恨其無知我者為之聲援宦不配德一傳其子夢山嗜酒耽詩家徒壁立使一時娉修之士共相慕說蓋予嘗讀弇州雜錄志覺兩腋習上風舉也嗟乎百年而後鄉之人必曰清御史焉可誣哉予初作人物志不及公苦無徵焉乃今得願

文康公傳于其曾冀州守鼎新亟採邑志與其先後世傳記謹如例書之而清議出然已後矣

梅花草堂集卷之五

梅花草堂集卷之五

梅花草堂集

七

梅花草堂集卷之六

吳郡張大復著

後學汪中鵬補訂

皇明崑山人物傳

朱希周

朱希周字懋忠幼岐嶷眉眼如畫姆抱御史側置之座却弗敢立御史竒之既就外傳誦習如成人唯家人紛委其傍不誤視見者知其不凡十四廩學官又十年為弘治丙辰賜進士及第第一授翰林院修撰預修會典成遷侍讀中人瑾嚙公遠凡奪公侍讀公梅花草堂集卷之六

以狀元及第六品二十年意無所恨已進侍讀學士禮部侍郎會大禮垂成議者相繼罷去公又嶽嶽持議帝興獻非是屢忤上旨乃出為南京吏部尚書五年大計群吏公蒞事惟公惟明輿論翕服而權貴欲引繩批根議論背之者謂大計不當上旨勒公再寤公謝再察非故典臣老不稱職願解綬去不能違其心之所安是非非是顛倒已定之品局為也遂再乞致其仕為築室陽抱山中琴樽自老歷三十餘年中外薦牘以百計公竟不起公為人恬素純一行

八十了不知人間有巧詐淫佚之事聞人談說輒
曰世豈有是哉人貌人情等耳母告者過即生平不
畜姬媵每夜舉燭一長鬚行酒行已肅立戶外更召
行之籌盡則止不復飲里中年少每相誡母為不善
為冢宰知其黠者曰秘之所居吳趨里紛華相屬公
庭寂然得年九十有四遺命母乞恩于朝易名請
避父諱詔贈公太子太保予祭葬謚恭靖

論曰長洲文震孟作名賢紀稱恭靖醇厚長者平居
抑抑耳乃其臨事又何屹然壁立哉凡大臣居鄉非
梅花草堂集卷六

獨清謹貴也有所係于鄉之重輕乃貴恭靖屏居一
室能使陰為不善者念公而慙彼其行事有以深信
于人也世人稱恭靖陰行善或以問公頭面皆赤晚
語所知吾直以行誼為當年第一人故略信其所指
矣恭靖宅吳趨予得至焉庭中古栢枝相虬根出石
上人曰此當年老蒼頭行酒處也

顧潛 父宜之

顧潛字孔昭蚤慧舉止凝然不與他慧者等父自
先生名宜之故長者每事多遜讓獨心奇公為營

尚第令異日可通賓客年十四山陰司馬御史得公
牘奇之升入鄉校十九為賢書弘治丙辰廷對主司
主進其卷寘二甲第三人尋被命改翰林院庶吉士在
館課多第一為王文恪公所重擢山西道監察御史
公為御史嚴權倖請謁一無所問中貴人噉之將整
公偵伺無所得誣奏註誤朝儀下錦衣獄朝廷特寬
釋之庚申奉勅往山東河南印信馬匹公奏言馬政
耗弊多由折色子粒買俵等項互累軍民懇復洪武
永樂舊制庶民力可寬軍政清肅上勅所司罷行之

杜孔亭堂集卷六

壬戌以疾在告思裨政理乃輯唐虞三代至漢唐宋
事蹟附以論斷凡奉天法祖訓儲恤藩育才子惠納
諫節用飭邊防清利弊無不具載勒為一書名稽古
治要疾愈上之上嘉諭留備觀覽仍復山東道御史
劾奏光祿少卿祝祥阿附外戚太常卿崔志端左道
惑人累遷禮部尚書乞賜斥逐朝綱肅然未幾奉勅
提督京畿學校所至簡拔俊乂模範整肅三輔文風
翕然丕變先是順德永平諸郡士鮮知學公擇秀穎
者令有司資送至京從師肄業多所造就正德庚寅

公再滿考時許襄毅為家宰考公上上推大理寺丞者一按察副使者四皆不報蓋武廟嗣服逆瑾當道而公屢疏遠佞息遊非其所樂故已眈眈側目于公矣吏部劉宇者瑾私人也其子為畿內令謁公公絕之不與款曲遂為所傾出守四川馬湖未之任以瑾格例去其官公歸即舍南鑿池疊山奉封御史公所謂展桂堂者也延賓觴奕娛養情性又十有二年而封公卒公壽六十有四

論曰顧之先樹德務滋起家成進士則自侍御公始

梅菴草堂集卷六

四

侍御之教潔庭宇肅僕媵為務其男子操作奉令惟謹婦人習女工機杼聲軋軋相聞也孝武之際公在御史臺用其七而天下肅晚乃用之于家迄于今凜凜稱有家法矣公性早起必手一編坐小軒下多謝客童子曳踵而行不誤視晚歲時有觴詠稱真逆者張思南高上杭周德興三人而已予每讀公所著崑山志簡峻蘄截如見其人焉

周倫

周倫字伯明弘治丙辰進士己未廷試除保定府新

安縣知縣而縣苦旱飛蝗蔽天公率其屬徒步虔禱三日大雨如澍明年大水疏請停派未發寄養馬匹又請粟巡撫賑貸會長隄適潰公以粟募民負土築隄不日隄成民亦得粟免死既滿考起拜山東道監察御史奉勅巡視居庸龍泉等關正德改元又勅勘太監李興擅砍禁林山木奏入上嘉其直而是時逆瑾用事責令百官違限一年者致仕公除父喪還京不及限致仕如瑾例瑾又發公薦雍泰疏罰米二百石輸大同論西庫布花積弊罰米百石輸京倉公處

梅菴草堂集卷六

五

之怡然未幾瑾敗復江西道監察御史疏薦大學士謝遷尚書劉大夏編修許讚謝丕檢討許誥御史李熙等向以忤瑾見黜亟宜錄用又劾奏大學士焦芳摠兵張洪等官上納之癸酉巡按山西時騎入完各鎮皆擁兵自保不相救援公疏畧曰臣看得宣大延綏雁門等邊勢相聯絡所謂常山之蛇首尾互應而各鎮官軍例分爾我至則聲言救援逗撓不進害退則堅壁自守等如秦越我軍忤意害志益驕積習如常深為可慮乞調各鎮遊騎官軍各駐劄所在

近邊酌量勢務相應援庶幾諸鎮一心邊陲可障
上又納之公在山西修築城關土堡及垛口月城凡
一萬二千丈有奇挑濬濠塹三千餘丈久之陞南大
理右寺丞尋陞少卿嘉靖改元拜都察院僉都御史
勅提督操江院事會同吏部考察南京官尋陞兵工
二部侍郎奉旨清理軍職貼黃戊子陞刑部尚書已
丑改北赴京師命侍經筵未幾又改南刑部蓋公之
入也朝廷方論去桂相詔逮其私人李夢鶴等付刑
部獄張少傅以囑公公徐曰久有公論少傅噉之故
梅花草堂集卷六
有是命公既抵南京奉旨會審罪囚矜恤明允又上
疏推明律例七事下法司會議施行辛卯南郊進公
資政大夫壬辰滿刑部考引年固乞休不允勅會同
都察院考察本部屬官再上疏懇乞休致詔許之又
十年而公卒贈太子少保謚康僖
論曰康僖公其貌恂恂不疾言然終不可犯以非義
是非所在屹然山立不可動搖蓋侃侃古大臣之風
矣懸車引年敦恤親故觴咏之樂亦裨世風里長老
嘗見公遊武林子大理丞鳳鳴侍而張通叅寰亦侍

其尊祁州翁聯艦合樽四韻齊下積篇成帙題曰西
湖唱和錄雖復流連魚鳥不忘諷俗維風而惜乎其
詳不可得見也公性嗜書善行草今陪京刑部壁有
尚書墨妙識者謂山谷似公公又好讀軒岐之籍身
習其事常曰先王六藝之教惟此道可以養生養生
則能及物古之君子愛其身將以有為意念深遠矣
梁鳴鸞
梁鳴鸞字九章兄弟皆有聲名而公性尤為沉至無
高華自喜之色居恒耽嗜史籍嘗做古論贊體作史
梅花草堂集卷六
論四十卷摘鉛刺蘄朱黃不去其手凡數十年而後
就又重自矜秘弗以示人一時學者爭師尊之彬彬
多該達之士或去為大官而公怡然殊弗屑意所至
必以史論自隨點竄尋繹無問寒暑風雨晦明晝夜
嘉靖中以歲薦謁選長安授黃州府黃岡縣教諭課
率諸生外讀史不輟墻墉間皆有筆墨紀錄嘗携論
數卷泛舟赤壁之下傳言學使者將行縣浮江迎之
遂百里而遙舟過青山磯風波駭作舟人大恐公攝
衣危坐數問從者史論何在寂無長言蓋其耽嗜如

此公在黃州嘗有藩臬數輩過西陵見公鬻舍執弟子禮甚恭而退黃人歎異之公故未嘗言其某爲門下士也晚歲獨居故里紙窗竹屋儵然自遠不復與外事相閉門人秦憲長鰲自陶還謁公公堅卧辭之秦排戶而入就床與公語榻穿敝無席秦歎坐聽之良久退而自得也公所著書歸太僕有光爲之序公嘗屬之曰子爲序吾書甚勿有所稱述第言其人平生無他好惟好讀書甚老無倦而已

論曰昔蘇子瞻宿大海中念惟易傳論語解世無別
梅花草堂集卷六 八

本此其故即子瞻亦莫能自喻古來著書之家窮見真性往往時有如孫之翰作唐史與青山磯何以異乎惜乎世無司馬文公及歐陽永叔蘇子瞻輩人遂令史論無述于後秦憲長心許先生將行之老病不果豈亦有好妬者歟龔德明言顧文康在政府甚念先生家人度先生必不欲往乃相與謀惟直走長安然後相聞既就道先生讀史舟中顧見岸谷茅葦驚問狀便指清淮自誓家人惶遽返先生吁嗟先生雖古獨行之士何以加焉

周廣 子士淹

周廣字充之少孤貧苦志力學登弘治乙丑進士歷莆田吉水知縣廉毅自持不謁鎮守中貴諸中貴眈眈之而公治行皆爲天下第一徵入試浙江道監察御史未閱月劾奏假子錢寧僭擬東朝諸不法事詞旨激揚群小側目上故弗深罪也貶及廣東懷遠驛而側目者未已使刺客遞道必殺公公僞爲頭陀持波唄囉行乞四百里乃免而是時武定侯郭勛鎮守嶺南承奸人意旨故以金試公公峻卻之乃邀公

梅花草堂集卷六

九

入謝鍵其戶箒公幾殆行省官惕息莫敢救御史有言而解久之遷建昌令公以便道休沐故里羣口共譟再貶竹寨驛丞驛無房屋築茅舍居之與子弟講誦不輟寧伏誅詔復御史嘉靖元初遷江西按察司僉事歷九江兵備副使江西提學副使福建按察使巡撫江西右僉都御史有不便公所爲者裁革罷歸起爲南京刑部右侍郎加通議大夫公負正骨敢任事再蹶再起不十年至卿貳天下方倚公有爲公亦殫衷相盡愈見精采不久物化朝野惜之子士淹字

孺享年十三從通議公竹寨驛居沅湘間慨然有志于學三年還負笈星溪從莊渠先生講復性之學分投針芥日端拱不妄發一語或謂通議公宜飭其子勿爲道學通議曰天下大任令兒自負荷君何得云云公聞益自信卒稱入室弟子公以嘉靖丁酉領薦垂三十年不第死徐沛間從通議塋尉遲村

論曰武皇帝龍休明之運率由舊章可稱至治而金貂左右佞幸倡優之笑縱橫亂政上常御豹房輕駑佚遊六宮愁怨未有繼嗣之慶而胡僧方挾左道以

梅花草堂集

卷六

十

梵咒弭賊使河南河北嘯聚之禍蔓衍無窮淮南濟北覬覦之謀乘間而發是時元老大臣特從容勸上早朝而已亦未敢端言之也通議公正發憤奮不顧患上疏言但法孝宗便是堯舜斯亦本朝否泰升降之際矣箴銘藥石不見省采豈天之未欲平治天下歟即空言故足不朽耳龔生適黔涉沅江問竹寨草舍自詫吾鄉千載下死人凜凜有生氣云通議三子孝廉最著然皆未易才也孝廉嘗與其弟士洵視毋夫人病必手一編坐床下歛氣柔聲色若孺子有趙白

者嘗借書于洵洵必乙其處與之曰今後生務曉首尾此豈今世之義乎士淳奉通議歷貧苦雖貴顯日闕無儲外憂嚴父寄身蠻瘴內顧慈闈菽水之養斯其形影又何如哉周氏之家學所以久在人叻令人遇其子弟而興懷也

顧鼎臣

顧鼎臣字九和身長七尺虬髯虎視吐音宏暢應事而發能厭服衆志各適其所欲得襟度豁如也弘治十八年廷對賜進士及第第一人授翰林院修撰正

梅花草堂集

卷六

十

德戊辰與修 孝廟實錄已巳陞侍讀賜銀幣丙子陞左春坊左諭德兼侍讀八月主順天鄉試已卯武宗南巡賜麒麟服辛巳 世廟繼統開文華講讀充經筵日講官賜銀幣孔雀服纂修 武宗實錄壬午郊祀禮成賜白鵬服再疏引疾得請家居究心當世之務念東南利弊慨然欲起而振之丙戌赴闕丁亥更定學士制以公爲翰林院掌印學士仍充經筵日講官分撰誥勅公在講筵敷陳啓沃皆稱上旨屢勅輔臣引公專對至免朝恭止與講席公益盡心獻

納裨益弘多屢賜金綺書籍戊子進講洪範終篇上賜手勅曰卿久居淹滯勞苦可憫乃超拜詹事府詹事兼翰林院學士蓋特恩云己丑校勘續修大明會典庚寅舉耕籍禮特命公與九推之列賜雲鶴服辛卯上御無逸殿講無逸篇賜宴陞禮部右侍郎仍充經筵日講官不妨部事十一月歷三品俸考滿應孫一人壬辰奉特旨教庶吉士呂懷等二十一人故事教庶吉士用翰林二人獨受簡命自公始十二月陞吏部左侍郎癸巳上幸大學御彝倫堂命祭酒司業

梅花草堂集卷六

五

講書賜坐聽講公請錄用曾氏子孫詔如公言擇一人授博士如孔顏孟例甲午滿考進資治尹乙未陞禮部尚書兼翰林院學士仍掌詹事府事教庶吉士趙貞吉等三十人公疏辭上諭之曰朕以卿講幄舊臣効勞有年特茲加秩專委教讀為國儲才宜從朕命公就職程率訓勵模範肅然丙申從上幸山陵賜麒麟服銀鞵繡囊各一事四月賜飛魚服八月九廟成命撰裕享太享諸樂章九月累朝寶訓實錄成特加太子太保賜宴謹身殿仍賜銀幣鞍馬丁酉公又

疏言東南財賦重地積弊甚多為民蠹害懇乞差官摠理清查舊額催辦錢糧預儲倉廩期于振舉廢墜不得滋擾上深嘉納命戶部官速行之加嚴切焉戊戌奉命主考會試公簡在帝心久擬擢用為永嘉所抑棲遲十年是歲八月以禮部尚書兼文淵閣大學士入內閣疏辭不允九月駕幸山陵公扈蹕十一月朔駕幸園丘上皇天冊表復詣太學上冊寶賜銀幣召對便殿論經史十二月大駕再幸山陵相度章聖皇后陵隧賜貂帽己亥召至玄極寶殿觀燈賜宴尋

梅花草堂集卷六

五

加少保兼太子太傅進武英殿大學士二月朔冊立皇太子景裕二王就封賜銀幣新鈔十六日南巡承天夏學士扈蹕公留守京師賜牙刺留守關防一顆蟒衣四襲金寶帶一圍公上七事懇專事任上手批勅諭若曰朕茲巡幸承天恭視顯陵車駕往回動歷數月昨已冊立東宮命之監國特留卿贊輔協同文武重臣居守內自禁掖外而都城遠及邊陲一應大小百司庶務悉以付卿宜遵承朕命應啓請者擬請令旨施行應聞奏者馳奏行在定奪其有密切緊重

事情宜用欽賜印記來聞卿講幄舊臣久懷經濟朕
茲重寄宜欽承之公拜稽首夙夜視事惟恐惟勤四
月大駕還京師公以嚴見憚謬掛彈章公引罪辭避
溫諭慰留不得請頃之賜御批寶壘聖製詩歌二函
及天靈茶筭七月一品考滿復職遣官賚賜羊酒新
鈔八月南薰殿書 太祖 成祖 睿宗三聖玉冊
寶賜銀幣九月賜白花玉帶一圍金織麒麟服三襲
十二月又賜白金蟒衣庚子上祈穀于方極寶殿賜
貂暖耳五月有事于方澤公省牲郊壇感寒漸病噎
梅花草堂集卷六 五
上遣醫視疾賜賚特厚公疏辭俸不允八月病甚懇
乞歸休又不允中使旁午于道溫諭如初公力疾草
遺疏纏纏萬言如興水利復鹽法修邊備復河套皆
國家經久大計云訃聞 天子憫悼勅禮部賜葬給
祭贈太保謚文康初公之生也封翁年已踰艾公既
長嘗爲封翁設醮又爲疏祈之曰某所應有年數以
其半益親而是夕封翁夢天門洞開風露澄澈身披
八卦衣仗七星劍兩黃頭捧玉冊示翁公試及第翁
登上壽而卒知者謂此其祥矣其後監國黃頭持玉

冊如夢而公年數適與卦合始知公精誠格天如此
論曰文康公遭時清明天子向學敷陳講幄十有二
年其所以啓沃君心者世莫能詳然使英主聞心箴
而感動遂曉暢洪範無逸中庸諸書格心之功孰大
于是南巡監國邊陲晏然此其功在社稷又何如哉
君臣相得時所未有而生平偉志未盡施設則年實
限之蓋自宅揆迄于遺疏甫及滿考而 肅皇英睿
性成長駕遠馭公宜何如凜凜爲國家養和平之福
也東南財賦之地修葺城堵經畧宜然城成而寇至
梅花草堂集卷六 五
吾鄉十萬戶盡保首領繫誰之德歟而公未嘗故以
私鄉之人也至其手出賜金爲當年士民倡曰昔疏
廣以天子之賚惠養故舊吾欲用之築城則公之趣
操大都如是焉已邑人爲建崇功祠載祀典
魏校
魏校字子才敏而好學一目四行俱下弱冠會試高
第授南京刑部主事遷負外郎公初入仕爲理官謂
是民命所關心大懼胡端敏語之曰凡用刑不難于
招難于審情若欲得情必須明理公感悟居刑曹八

載不撻一人民自輸服召為兵部職方郎中會江州
逆濠情叵測移疾家居倡為復性之學講道星溪從
游者嘗百人一日偶來溪上覺天文四垂為宇混混
乎六合為家也日星升沉雲霞卷舒乾端坤倪軒豁
呈露其學始大進自謂得之主靜云久之擢廣東提
學副使毀拆淫祠務崇正教有鄭生者從公渡海聞
斧琢聲動地心怦怦然意海藏龍宮故亦有之公毅
然不顧既發如履平焉生乃大服改命督學河南遷
太常寺少卿尋改國子祭酒充經筵講官故事經筵

梅花堂集 卷六

去

進講先呈講章于政府而公不然永嘉不悅且忌之
遽改太常寺少卿陞本寺卿詔議天地分祀公奏記
畧曰禮家謂冬至祭天于圜邱夏至祭地于方澤然
考之周禮不合大宗伯以禋祀祀昊天上帝以血祭
祀社稷初未嘗以皇地祇與昊天上帝並稱宋儒胡
宏考定古禮謂先王祭天于郊祭后土于社而已人
與造化一體臣每論學必推之造化論造化必反諸
身驗之天地渾渾一氣正如吾人之身只有一箇主
宰獨運豈有兩節並持故知分祭天地之說非也乃

若天地合祭比諸夫婦共牢始于王莽其言不經後
世因而未改耳且非獨于此後世訓詁為學始于漢
儒科舉取士始于隋煬帝資格用人始于魏之崔亮
君臣不相接始于秦二世之聽趙高皆非先王之舊
并賜照察疏入不報遂致其仕公所著書甚多五經
大學皆有纂述盛行于世又嘗謂六典壞于秦後世
不能行則惟以秦為師作周禮沿革傳六書變於秦
後世不能知亦惟以秦為師作六書精蘊二書一轍
大要謂古一宇宙也今一宇宙也自秦限之聖人至

梅花堂集 卷六

去

公秦以其私聖人大明秦以其苛識者肆其言云
論曰予少讀莊渠遺書心躡之謂其言皆足表見于
世即不必見之行事可也然其論主靜之學微矣如
曰冬氣閉藏極于嚴密故春生溫厚之氣充鬱薰蒸
陰崖寒谷亦透學而弗主靜何以養吾仁又曰造化
混沌而後開闢收斂而後發生是故歸藏于坤乃聖
學第一義噫斯其為天根乎又曰鷹立如睡虎行如
病皆蓄其力而全剛生焉纔輕易發洩便覺浮泛無
力又曰自欺最是國賊然其病只是一箇因循遂至

長惡容奸墮坑落塹故不可不決裂也如火烈烈則
莫我敢遏由公之道無變公之學傳曰主靜立人極
其至矣乎公既歿詔贈禮部左侍郎謚恭簡賜葬

方鵬 弟鳳 孫元儒

太常卿方鵬字時舉弟侍御鳳字時鳴祖盛王文恪
所傳槐庭先生羽儀吾鄉者也父封翁麟更以長厚
見推當世云太常生而岐嶷既長猶憶其前所在
處有聲黌校間而侍御早慧知向學則太常課之學

梅花草堂集

卷六

六

出入新瀆里里中人嘖嘖稱二難也侍御以弘治戊
午薦于鄉既三年而太常舉鄉試第二人正德戊辰
皆成進士當是時逆瑾多偽爲令挫辱諸進士逼令
來見而太常念父母春秋高欲令弟暫歸省獨身受
虀粉無悔乃夜起旁皇却立午門外同年陸某者見
而訶之太常歛容謝不敢不數日瑾敗授南京祠部
主事歷負外吏部郎中陞山西提學副使改右春坊
右庶子兼翰林院編修充經筵講官主考北京鄉試
而侍御用行人起家擢南北臺侍御史巡按真定當

是時太常望重爲時彥所宗而御史之言事也力王
文成就間海表則薦文成可勝大任胡端敏伐謀中
讒則救端敏謂寧庶人必且行大事天下凜凜側目
方御史矣嘉靖元初天子欲追隆所生永嘉安仁二
曹卽緣廣其意以疏請太常聞而微是之御史再疏
辨非是奏劾其兄以謝天子然後自劾以謝太常相
持久之太常晉爲卿而侍御僉憲廣東旋自免去太
常忽忽不自得曰我預彼是不預彼貴也彼豈田千
秋我哉亦遂移病歸與侍御養重新瀆里當是之時

梅花草堂集

卷六

九

兄弟怡怡問童子時釣游訪先哲丘壠碑版載記幅
巾杖履往來田間而天下之清望都焉太常善病多
下帷薰掃端然危坐長吏問候惟謹則侍御主之而
侍御性逸宕多笑歌管絃之樂太常亦時往不令曠
日隔也太常得壽七十一侍御加六馬侍御孫元儒
字思魯嘉靖庚子以禮經魁南服學者爭寫傳之嘆
其超朗而公自謂未至務廣氣類之交于四方闢園
亭田野中用相砥礪久之而公熟視彼所爲故不能
有加于我也旋罷去爲清虛之學每偕計吏行時時

截大江徘徊北岸輒返棹亡何病死年四十士林至今惜之

論曰二方先生寇冕當代矢志勿欺勇退急流各成吾是即小夫婦人知為并心一腸不貳不雜而當年志狀獨于憲陵之際引而不發予故表出之不辭羸測敢阿其所好哉槐庭翁故有兄年踰六十小得臯于父輒杖之翁鬚髮蟠如長蹠以請父投杖而止當年以為美談兩先生信其苗裔矣予每過陳儀封輒言孝廉口無世語身無世態豈有大惕深隱于中願

梅花草堂集卷六

干

性至氣高一弗能堪遂托于飲逝于禪謂之聊解云爾而吾友婦太僕以為發于憤憾之所未酬縱酒凌物盡棄其已能而津航及于下乘太過或者其信然歟太僕儀封皆當代持衡能言之家闡發故交津津如是則亦可以知孝廉也夫

柴奇 從孫大履

柴奇字德美敏資強記楊侯子器見而禮之令薄游吳越間用資耳目公挾冊負笈累糧遂登會稽探禹穴觀潮錢塘慨然而還正德辛未與弟恭同應禮部

試選高第觀政吏部時楊文襄為太宰發策策諸進士公上書言東南水利其要害無過白茆塘瓦浦歲久湮塞轉傷禾稼請以逆瑾沒入貲給濟工費言甚懇至文襄上其議于朝特命工部尚書李充嗣往厥功告成繫公之策也是歲授吏科給事中奉詔監軍齊魯間討流賊舉劾功罪惟明克允明年賊陷曲阜關里禮籍樂器焚蕩無餘公奏移曲阜城就孔廟兼督將士擒賊部軍勇壯九月凱旋獻俘賜金織鷲袍加俸二級初公之監軍也嘗止郵舍傍垣而寢見其

梅花草堂集卷六

其

父呼曰起起公帶夢啟戶而垣敗訖然則逸馬觸之榻塵粉矣公自負蓋有天道云丙子服闋補原官丁如陞南京光祿少卿會武廟南巡同大司馬喬宇京兆寇天叙協力修脩所湏無不應會而辨民力不勞又查復厨役之占他所者二百餘人嘉靖己丑陞應天府丞壬辰陞府尹清查官占埋沒地還之民間復積科試羨餘以拓貢院會南太廟災引咎自陳致仕家居十餘年卒年七十三公居諫垣時敢言事輒焚其草今叢庵集所載獨諫南巡劾錢寧一二疏而

已孫堯年字欽父萬曆丙戌進士試同安縣知縣終
 常州府學教授從曾孫大履字旋父刑部主事恭之
 曾孫也少孤貧不能就塾師學每聞誦聲公徬徨
 其側輒有開悟故人顧茂尹奇而館之令與諸子游
 入耳都盡課義可與一人就諸生試皆高等萬曆壬
 辰聯舉南宮南踰冠乙未廷試丁酉授中書舍人辛
 丑陞職方司員外郎即中公性善酒無貴賤長幼皆
 與飲輒盡其歡而在長安克精治事然不廢折柬之
 召嘗酣飲達旦質明馬蹄特所酬應無不先諸曹
 梅花草堂集卷六

梅花草堂集卷六

七

而已公性孝友念與母居貧起家兄大觀勉為善不
 能自給既省母畢出所持裝進母曰以為兄具兒食
 祿于朝母母用相念也或言公鄉薦時將校公據命
 家人市一澣布衣而易其既散者至不得觸手語人
 曰服此六年而吾體漸溢不堪着然亦市之某肆中
 吾甚恐久而渝也聊服此識吾念焉
 論曰吾鄉稱兄弟同籍者自二張始方與柴繼之官
 至京兆尊顯矣刑部阨于年同安之政有聲於時就
 教而沒盛者故難其繼耶職方祿壽雖不配德而清
 風穆如矣職方常召鑷者入几而不席僅取敝篋殿
 之其他服御皆襲敝而為獨所奉卮酒盞底透見銀
 花耳職方嘗語人毋琢吾稟賦蓋庶幾焉職方死數
 日而里人傳說新柴復生倉皇馳走塵昏一巷中匪
 其愛之疇欲生之也耶里人謂同安先貴故稱職方
 新柴以別之云
 盧志

梅花草堂集卷六

七

盧志

盧志字宗尹自少讀父守恒公遺書好講素難洞悉
 包絡淹通諸家之義然名不出其鄉有病痿久不起

者一劑起之名乃大噪衆以為神弘治丁巳應名醫
 詔提藥囊負笈走徐沛間一人衣短簑衣止先生坐
 與論運氣主客正對之法其言非常先生諾諾承之
 意忽忽如夢醒間遂行就禮部試試高等隸籍太醫
 院供奉御藥房奉詔修本草成賜金綺蜀藩奏迎先
 生詔不許孝貞太皇后昭聖皇后有疾診視立愈賜
 繡衣一襲名動京師正德祭酉治上痰疾授御醫乙
 亥治悸疾遂擢院判贈父如其官是時先生入奉禁
 御出陪乘輿眷遇隆重賜金綺三品服長安貴游競
 梅花草堂集卷六 曲

生曰可活也王語先生兩尺俱絕恐無生理先生曰
 所以生者政以兩尺絕耳經云上部有脉下部無脉
 其人當吐不吐者死今幸嘔噦何患焉請以枳殼厚
 朴半夏枳櫛之屬治之王曰疽背喘瀉危矣藥非所
 任先生曰此急則治其標也乃取藥煮其旁香氣達
 于鼻病者翫翫以手指藥燼求飲盡劑酣睡比覺病
 去疽亦頓平凡先生所療類如此餘莫能詳既免官
 促舍人治裝諸遊長安者強持先生留邸中嘉靖壬
 辰子梗登進士補外先生歸崑山時已貴高門啟第
 梅花草堂集卷六 莖

相延致馬鞭所指輿隸促沓塵昏一巷中爭先御為
 快而先生仁心應物無貴賤老幼一體療治察色按
 脉洞視五臟鍼熨湯液不泥古法所投立效如大將
 挾槩駛騎縱橫皆宜內自禁掖乃至委巷一切痾癢
 恃先生無恐詳具別傳中庚辰上南狩不豫召先生
 先生趣告諸大臣冬得夏脉法在不治願定國儲安
 社稷宮車宴駕例得罪先生超然免于廷論詔以院
 判致其仕時有院使王某者瘍醫也治背疽不効強
 先生視之其人喘嗽嘔噦以木榻穿底坐下不止先

笙歌雜選家人受旨進士務遂所樂以娛先生而先
 生性固恬澹無一切姬媵耳目之好日與弟子數十
 人解說素難不輟沈友者號荅坡侍先生久嘗與談
 運氣曰人皆知運氣太過不及主客正對之化其間
 所云中執法貴人行令最不易察蓋歲運與司天同
 化為天符執法若戊子丁卯歲火運見少陰木運見
 厥陰戊子運化炎火司天化熱加以火熱病心內外
 邪并主血溢暴出故中者速而危天符歲運之氣同
 化為太乙貴人周甲之運臨歲者四若戊午感熱病

丹 賣多日 全書 第 2 版 反內

心已丑巳未感濕病脾乙酉感燥病肺皆內外邪并五臟主病不治故中者卒暴而死中行令者因乎歲會其氣和平故徐而相持是緩急輕重之分也又云歲半以前天氣主之勝之常也歲半以後地氣主之復之常也內經之旨至切而當王冰以勝甚復甚勝微復微爲解其理愈湮抑不知天運有太過不及氣化有盛盛虛虛太過者化先天則已勝妄行不及者化後天則已衰受制盛盛者風熱相火位乎歲半之前木火之氣動而爲勝也虛虛者土金寒水位乎歲

梅花草堂集

卷六

共

半之後金水之氣本衰因時旺而能復也蓋木火之氣有餘而金水不足有餘則勝常多不及則勝常少故耳然有當不足之氣而反爲勝此天令之變非由恒紀不可以憶故曰時有常變氣無必然也言既顧沈友書之而是時朱柔中以童子侍先生謹問傷寒脈要先生曰昔人謂病從外之內而盛于內者先治其外後調其內有指爲傷寒者此大不然稽諸至真要論所指第言外感如諸瘧之類非傷寒也傷寒外感之疾既盛于內則傳變入裡其勢至危此時尚欲

治外譬猶大盜已在堂室不急攻逐徒周章垣墉之間豈理也哉故仲景曰陽盛陰虛汗之則死下之則愈奚待辨耶又云東垣謂飲食失節停滯者皆傷于胃勞役憂喜悲怒者皆傷于脾其言固曉然易知然暴怒傷陰其病筋攣血溢暴喜傷陽其病厥逆崩漏驚悸引而不發之妙孰能知之苟不研精索隱因內經以盡變鮮有不敗者也又云原病式以五行過極反兼鬼賊之化故戰栗惡寒皆從火治予嘗不以爲然仲景論三陰寒症亦以戰栗惡寒概從火治爲非

梅花草堂集

卷六

共

則是戰栗之症固多因于熱而亦有因于寒者不可執一也是故別陰陽于疑似辨標本于隱微惟丹溪爲能言之又云知迎知隨氣可令調人之氣血外歷經絡內應臟腑寒則凝滯熱則洩溢貴適其中乃不爲病蓋手三陰從胸走手手三陽從手走頭足三陽從頭下足足三陰從足入腹寔者迎其至而奪之虛者隨其往而濟之瀉寔補虛不能外是世俗多以經絡諸篇岐爲別門也仲景始發之于傷寒諸論因經考症立方陰陽表裏其病畢見如太陽曰頭痛脊強

陽明曰目痛鼻乾少陽曰耳聾脇痛太陰曰腹滿自利少陰曰舌乾厥陰曰囊縮凡經絡所行部分發為病症較然可見學者必察乎此庶幾迎隨之法施不謬耳先生好著書喜談脉理年踰八十衣冠皓偉嘗以手捉其鬚話當年治疾快意事津津不置弟子嘆未會有則又曰盧鬚子豈異人耶知其說而已矣蓋武廟時宮中皆稱盧鬚子云著有醫學百問辨脉家典要增定醫學綱目進士無子悉亡去

梅花草堂集

八卷六

六

猶憶吾王母晉晚歲病痞每據牀呼曰悔不如盧太公言予跪問故則母年二十時有疾先生與之丸一升曰服此可無悔否則望五而發無及矣其發也果四十有五語云上醫醫國其次醫人先生以其餘醫人而其大者默定國本于武廟隱微之際倉皇宴駕宗社乂安非上醫之流乎與古之醫和論晉侯之疾扁鵲望見齊桓侯而却走何以異哉而惜乎其書不盡傳于世也先生之祖曰彥昭國初以賢良徵為四川參議參議生佐佐生輔輔生常字守恒三世業醫

守恒先生先生徙崑山生進士梗官兵部員外郎娶靈寶許氏封安人次楠太學生娶周氏楚府教授秦孫女皆絕墓在真義西三里自先生歿朱柔中以治傷寒顯子孫能世其業其又為龔侍丹之痰厥沈懷中之中風沈慕汀之外感奚婁潮之癆瘵皆倉扁一時名聞境外投鍼劑草木必稱丹谷先生以為此道中人龍也

秦雲

秦雲字起和識力强敏能任事由國子生倅霍州會

梅花草堂集

八卷六

九

山西旱饑公被檄賑河東芮陸猗夏蒲解三十州縣一武弁輦鏹數萬行而懷仁王府故隸霍宗祿久缺則使黃頭破鞘而掩之公曰王需祿米急故當而柰何捍天子命常饑三晉民即有詔讓王其何說之辭王震恐完鞘還弁公取鏹列卓上照戶分給即胥吏一不涉手晉人以甦勅下行省有羊酒文綺之賜霍故有荒田三千餘頃歲責逋賦里甲公發庾粟千石予里甲代耕歲大熟收麥數千監司詬之曰汝何官而擅命發廩耶公唯唯承之然鈎考籍記甚明不能

加罪而里甲遂免逋賦之患且因以為利焉遷倅夷陵夷陵多火災火發有類若鳥者群飛銜火至他屋處處皆焚公夢白袍者翹一足心知是秦武安君白起為設重樓肖像祀之火患遂息車駕南巡省檄公統領輦夫萬人上居飛龍樓每一念至即如陵上不以朝暮聞噉聲輒發無後期公與太守送抵樊城乃還而大鴻臚揭簿呼名會有旨事過界不問得免謹而監司猶責公避事公入白監司明府故後代不知此時事猶憶統輦夫時常懼不免死監司默然一日

梅花草堂集

卷六

年

被檄至施州治獄施去江陵數千里南出夜即平時倅被檄但以文書羈縻官長無至者施帥取百鎰金苞茗中餽公却之夜宿僧寺蕭然賦詩有暗室如白晝之語都御史顧公璘聞而嘆賞之陞開建縣知縣不肯赴倂舟還吳日以著述為事出無輿從一童子挾書自隨步履如飛自號弘玄先生所著有地理正脉荆南行稿史統節畧藏于家世父璣別有傳論曰歸太僕作弘玄先生贊詳哉其言之矣先生既謝事老而貧每言在夷陵建樓祀武安事樓上望西

陵石鼻天柱諸山層巒疊嶂如翠屏李太白所謂巫山夾青天者可以憑檻得之而飛帆蕩槳出沒于蓮沱漩島之間極荆楚之勝矣先生賦詩談笑都不減古人而朝法非進士不成宦其以國子生進者多自畫無能自奮于功名悲夫

梅花草堂集

卷六

世

梅花草堂集卷之六



梅花草堂集卷之七

吳郡張大復著

後學汪中鵬補

皇明崑山人物傳

周鳳鳴 弟鳳起

周鳳鳴字于岐長不踰中人饒膽畧究心當世之務動止巖然父康僖公心期之年二十五成進士是為正德九年甲戌授刑部陝西司主事初提獄即明習本部事宜多所注記部中每有奏牘尚書必諮決于公嘉靖癸未遷本部廣西司署員外郎尋署郎中事

梅花草堂集卷之七

一

奉勅勘宸濠逆黨按律定罪一無枉縱甲申寔授本司郎中時李尚書承勅為刑部知公特深意欲以煩劇相試念惟廣東司所轄錦衣旗校驕悍難制調公往視事旗校肅然戊子李尚書擢本兵亟薦公調職方職方主將領多請謁竟莫能溷公總戎叅將以下除目一出寂無後言上嘗命惠安伯提督團營豐城侯協同視事而豐城以伯不得先侯請下廷臣議公曰伯不得先侯者分也上所任使是公以下者莫敢抗矣議遂定庚寅擢大理寺右丞值星霾示變應制

上疏纏纏萬言其論兵食水利尤為鑿鑿可見行事當是時公方慨然以天下為己任而張少傅汪司馬整之屢欲中公會馮御史恩劾奏大臣不法事司馬將甘心御史而公所擬肆赦詔條適與忤遂落職公家居十有八年內外章奏薦公經世之學可大用凡六十餘疏公弗為動嘗語人曰脫不幸吾亨于官者那得十年父子相保乎蓋歸而侍康僖者又十年云康僖既歿詔廕一子入太學公以讓其弟于霄于霄諱鳳起為光祿寺署正能謹於所司與寺人爭出納

梅花草堂集卷之七

二

致廷杖滿考將遷以卿貳事波及謫山東鹽運判官終遼左行太僕寺丞敦樸愷悌號稱長者庶幾萬石君家之遺焉
論曰周先生早奮于功名以為天下而餘常以為其家謝政之後區處萬貨至于纖悉目量手筭莫不犁然倘亦范蠡力耕海上之意乎而其後屢散也顧方伯誌之詳矣曰明練似杜元凱勤毖似陶士行介特似楊伯起竟其才業可以無所不至嗟乎嗟乎天生斯人乃又奪之耶先生晚居尚書里自外歸有烏百

逐板輿而噪小吏曰彼烏有離壁者其攫之去豈其
訴耶公心不然之召責壁者令納離其巢以觀焉而
其人畏先生之將撻已也緣木如飛先生拊膺瞿然
曰吾爲刑官久凡所據折獄者理耳亦何知理所必
無故事所常有哉後弗振矣然聞先生治刑書濡毫
忽起立或顧影而嘆人以爲求其生不得也

王應電 裔孫承慶

王應電字昭明格物強記讀書務深入又能自關一
境謂不可磨滅云少游星溪師事莊渠先生授周禮

梅花堂集

卷七

三

遂遍覽宋胡宏明季本之書與近世吳幼清何喬新
舒芬陳鳳梧諸家之疏殊未滿志喟然嘆曰夫子信
古所以述而不作後人多援經以翼傳吾斯之未能
信嘗指架上諸書比紛紛者何論乘訛襲舛即所載
冬官散見五官之籍其文不闕要是後人之周禮非
周公之周禮也周公之禮根極心源昭爲天象五官
離合皆有統會雖百世繼周而治必出于此故孔子
曰殷因于夏禮周因于殷禮雖百世可知也于是標
位列圖句解字析積有年歲殆可充棟胡莊肅松好

公書遂刻之江右公署先是公以兵燹無家西游吉
安從羅中允洪先學初與羅語不甚見省後稍前席
至相問難達晝夜三越月而後忘言羅嘆曰昭明此
書如盤根膠枝附麗宛轉即令白虎諸儒肆其巧辯
固莫能煽搖其中而凌駕其上矣然用以告世罕有
識者楚人吳鳳瑞見之曰向歆之後罕見其比公雖
流離轉徙手乃其行芳志潔一介不苟取與莊肅嘗
避書院舍公公危坐終日拍揮左右如其家晚歲自
泰和歸崑山未久卒弟應宿鄉貢士裔孫承慶字孟

梅花草堂集

卷七

四

餘廣額通眉眼如漆談言疊疊父敏學奇窮遷徙無
常公倚外氏居先輩范南江公孟嘉也說周易中庸
論語往來淮揚間公蚤歲時聞領要遂能口傳其秘
筆之爲文常驚一座父心獨喜念是兒可不負先世
述作而公果用文章起家領乙酉鄉薦名噪都下公
少失恃育于祖母某而父又早孤力貧奉母甚歡公
逮養色如嬰兒父歿而大母存公遂不上計吏試依
依膝前歿爲孺子泣也公年且艾乃謁選人授瑞安
知縣縣苦旱病稅公調劑之恤商惠竈薄歛緩征所

以休息瑞人者備至梟徒楊敬竄籍于瑞根盤不可問公捕殺之而高某者窟穴水碓寺患苦其僧公直之如律則瑞人凜凜憚公矣瑞鮮文物士不登籍者幾百年公至作人爲務嘗得林增志李元韶卷大悅之而乙卯籍始有瑞士名姓蓋林云亡何歿于官公口爽不能藏人過然用意故長者性至孝痛父多徙乃行營高敬居青黃而文之甚麗誠家人昇父樁先居之人語公非祥公訝曰事死如生祥莫大焉故人陸某與公善而公用薦起陸貧不復至一日持酒脯

梅花草堂集卷六

五

艤舡餉陸并餽之鏗陸倉皇不能省公笑曰君今日滿甲忘之耶公少從父讀不能買坊刻備觀覽從其友李某者得陳負外敬甫數十義公誦之以爲佳既貴臨文猶稱述不置云
論曰往與瑞安同舍舍李氏許瑞安嘗言其父在川翁率瑞安羅拜昭明先生深衣帷裳儼坐而受之如見古人翁問周禮圖記則云簡帙重道遠不可舉已付吉安官舍語疊疊多訓誨瑞安尚小不能盡憶也星溪之學滿天下述作如昭明寥寥矣予每見瑞安

挺而立尊其瞻視亦猶行古之道歟乙酉之役與予偕卜之神瑞安得仙宗主盟之繇果爲凌公登瀛門下士神告之矣平居孝友爲政出則桐鄉瑞安斯何負磊落丈夫淵源本趣哉在川恂恂儒生老能孝養諒亦家學所自夫

張羽

張羽字子儀三歲失怙奇貧稍長不能就外傳則母王夫人辟纒紉綴將之夜歸就母讀瓦燈熒熒相對達旦以爲常母又令公乘月課誦縮其膏爲風雨晦

梅花草堂集卷七

六

朔需公讀稍怠母面之嗚嗚泣公亦泣書聲彌震聞者悽感而是時公已落唾驚人同舍生眈眈目矚公矣居無何有外家隸尺籍勾補不可跡者詞連公公孱然孺子無兄弟聲勢之援伍伯粹而盪之子母蹙蹙是囚繫行亂頭垢服線蹊新故屬也所司憐其孤童許白之正德十六年公成進士授工部都水司主事視權蕪湖客使肅榜疾馳雖甚嚴重必誠長年毋得逗撓捍張使君開法既還京遷刑部負外署郎中事公與大禮議不合廷杖幾斃柄臣噉之以原官改南

刑部而貴客猶以閔法見挫螫公蜚語聞上竟免其
官先是公未病目絕絡忽下垂王夫人之喪哭泣過
毀遂障其視或語公不幾滅性耶公泣曰殆非然焉
曩者吾就月讀書時風露薄之先夫人已知吾視竭
又賊其外後殆不可支矣乃闢地城南湛思靜坐客
至談說經史疊疊忘倦公性慷爽不能自匿其本懷
即子弟有過必令人知既疾亟猶絃歌數闋賦誦如
平生得年七十九

論曰予為兒時從長老先生讀刑部制舉業音節鏗

梅花堂集卷七

七

然已聞醫者為刑部起下垂而張之猶復摩挲萬卷
中也刑部闢城南居規鑿園池遂不至廳事與世隔
詩翰哀然每言其少時就月課誦事血淚淫淫蔽
面矣刑部既老雖不與世接而風流蘊藉至今猶想
見其人子孫落落散處四方有冒他姓選為弟子負
者邦人猶嘖嘖指刑部之後至垂涕云

張寰

張寰字允清長身玉立飄飄如仙與人若落落而英
偉秀傑之氣時滿襟帶見者大悅登嘉靖元年辛巳

榜進士第知濟寧州旋改濮州內服闋又補開州所
至多惠勞去後甚久州人尸祝之治開未幾尋陞刑
部山西清吏司員外郎尚書以公才令攝浙江司郎
中事獨循寬法以無冤刑部滿考封父祁州公奉
直大夫再疏乞終養詔許之初公之守濟也板輿迎
奉直州舍而州故孔道驛騷良苦公飭儲候望無寧
時奉直心弗善也然不欲言公察色知之將疏乞改
官而費文憲宏語吏部曰張允清才子令作候吏耶
遂遷濮公既封奉直具璽書金緋進而奉直寄語公

梅花堂集卷七

八

自汝守濮擒西洪學常天叙等為朝廷救此一方民
甚善而吾終夜凜凜每持家報至手顫汗盈把矣吾
饗國家榮施汝母頓耶公又察奉直言知其心弗善
也乃遂乞歸戲綵奉直前如嬰兒既數年奉直以老
壽終服闋除授通政司右叅議會九廟災詔京朝官
三品以上自陳而公秩五品往見夏學士問詔旨欲
自陳夏公漫應曰可竟解組去公有至性即顛如戟
手必奉直同卧起而奉直顧見公步趨旋折慄然惟
恐其墜也在告時從奉直觀雁宕登天目父子相隨

衣冠儼雅浙人望之若儵然在世外者奉直既歿孤
吟長嘯益縱意名山水間渡浙江觀潮錢塘遂抵武
夷至匡廬還觀石鍾小孤采石九華黃山白巖足跡
遍東南而碑版題詠之作亦半天下

論曰銀臺公該達多端世莫名其學要之自親親始
矣公嘗社茗溪蓋友坦上翁云坦上翁者前工部尚
書劉公麟與名士吳琬陸崑輩為湖社孫太初亦與
其中建安李尚書嘗稱見翁峴山了無宿具惟以乳
羊博市沽風雨蕭蕭欣然達夜而翁獨與公善不知

梅花草堂集卷七

九

公學視其友懷王之會公嘗一再往說者謂公學擬
王文成不必然公蓋東方朔阮籍之徒不名一行再
會懷王亦如陶隱居遊遠公社也歸太僕有光見客
降仙公憑几自謂已得仙云

王同祖

王同祖字繩武少孤善病嘗自匿幃中看司馬通鑑
病起悉了其義誦可盡一卷脫句二三名噪鬢序間
為諸生冠正德已卯舉于鄉庚辰舉于禮部會武
宗南巡未及廷試以嘉靖辛巳賜進士出身選翰林

院我吉士授編修公既績學有聞讀書中秘益事宏
博六經子史外陰陽律曆山經地志下至稗官小說
無不記覽為文章操紙筆立書融暢爾雅居然合作
然公意直欲見之行事故在朝多所建白今詳載九
龍山人集中識者謂有出入將相之畧云永嘉驟相
倡議尊崇獻皇典禮一時諸臣死徙斥逐殆以百數
公為翰林亦在遣中永嘉卒公始用薦起為春坊校
書編修如故尋進南京國子監司業司業古成均地
位望清重公蹶復起乃稍事振植意欲有所發明以

梅花草堂集卷七

十

答主卷七何諸生坐頌曆失儀宰臣震怒既免祭酒
又欲盡奪其諸生公力救乃解已又上疏言他事忤
旨落職公弱冠登籍垂三十年立朝者僅五閱歲偃
蹇顛頓卒以譴死天下共惜之

論曰王先生眉目疎秀抵掌談天下事無所讓或謂
之曰翰林故冠帶書生君宜少默公笑曰政不欲冠
帶人作書生事予讀其集良然稍慙難為言責矣
九廟災議謂諸陵題主宜用春秋哭災漢儀變服例
一倣日中反虞之儀不得以吉服從事又曰宗廟藏

主石室謂之宗祏公羊高曰主藏廟室西壁中以備
火災漢儀藏主西墻中瑄石室也今建廟宜于北
壁鑿石爲瑄納主其中以應古制引經據理可示來
世駸駸與白虎諸臣爭烈矣

魏庠 子希直

魏庠字子秀世居真義里真義面委江東遠大浦多
湖壤田肥美居民千餘家公襲其父壁遺田數百頃
力守成無所恢擴而家日以大資補南京驍騎衛知
事改光祿寺典簿致其仕公還里中見故里人苦重

梅花草堂集卷七

十一

賦上戶多巧免移之下戶無能免者公獨自占其役
俾休息焉真義里人用是特饒相誠勉其子孫必曰
光祿之德幸無忘光祿縣令郭楠嘗造公見廳事側
荒塚踴然問故公曰其子孫欲售之久矣與之直彼
不以治生而棄其骸骨于水火故寧存之令村掌曰
杜氏之葬在西墻之下古人之誼也不意今日復逢
于君咨嗟良久而去邑城西有宅與隣舍參錯人曰
君胡不券公曰其人養母甚孝能守其業不忍奪也
凡公之爲德于鄉任自然類如此卒年六十八葬高

墟子希直字溫甫嘉靖乙卯北畿舉人急行義不必
人知如光祿性高華濶達多戲所歷市橋村舍買金
賑之不可勝紀然多出之嬉笑怒罵間逆來順往人
莫能測以故多取痴絕之名而人受無名之德里有
粥藁者甚貧公思賑之無由而粥者貿貿然擔過公
許公尾而竊之粥者見而跪進其美者公戒勿泄取
什百價償之不納其進他粥者聞競爲不知以希公
竊公亦戲嘗之心知其僞不問也客某者久信于公
意甚合故多平反嘗連其從者詐引無賴祈公施而

梅花草堂集卷七

三

居間取金焉公弗知也嘗使乞者負老婦哭于市詐
言將成其所負毋以行公甚憐而呼金與之篋中金
僅二錠客某者故叱之以爲不誠公故必與之其從
者又故言金且盡不足償則公盡二錠與之矣居恒
好買萬金奇方聞有賣奇者不遠千里傾囊購之嘗
溯淮涉河見纍纍斫者瘡甚卧市左公取方藥募人
療之慰不法又手援其瘡加護焉又手搥千許而和
之令速達斫者泣問主名不應聞者笑其迂不以爲
德也公自爲舉人四十年不造令無干牘之謁而散

其家累萬金今之稱行義者必曰八相公其行也得年六十有四

論曰魏之先李姓家吳葑門之莊渠恭簡所由自號也李翁嘗依姨母因從其夫姓為魏氏而居崑山之真義至孝廉復姓李氏云李氏之在莊渠者尚以百數恭簡歲廩米有差光祿踵而行之誠子孫世勿絕太史公云千里之內賢人之富者光祿可以當之矣魏故有二孝子無嗣光祿謀祠之不果嘗語孝廉而孝廉年老散其貲殆盡又不果則又語其子尚賢曰

梅花草堂集 卷七

三

我將營世祠斷自朴隱至于光祿祀于一堂于同堂別為一室祀恭簡公又別為一室祀二孝子嗟乎垂老不忘其父之義又廣而推之疇謂孝廉多戲徒為此嬉笑怒罵之德者哉尚賢卒成父志予特嘉之嘗為作世祀述尚賢萬曆壬午舉人

顧夢圭 子允默 懋宏

顧夢圭字武祥十歲能文章十七偕計吏對公車不第輒下帷不肯見客嘉靖癸未成進士授刑部浙江司主事改南京吏部稽勳司主事遷驗封郎中時公

年二十五輒從海內尊宿呂仲木鄒謙之遊相友善嘗泛舟清溪看梅花色香孤絕仲木笑曰武祥如此花矣其見雅重如此擢廣東布政司叅議分守雷廉海北故有平江青鸞楊梅樂民四珠池詔書督採甚急公上疏言海面珠池道里遼絕往歲開採用舟筏兵夫萬計往來海中因為盜近年劇寇黃山秀蔓延縱橫覆轍可鑒且珠蚌出海有漸生息甚難先朝率十五六年或十年一採始得美珠通者三年再採珠已耗竭自非積久欲求美碩繁顆此必不得之數

梅花草堂集 卷七

五

矣况蠶戶腰統入海觸犯瘴霧駢首就死實可憫念傳曰明王慎德不貴遠物伏望陛下亟賜罷採養寶源以寬民力天下幸甚不報責貢珠如初都御史陶諧議勸西山諸瑤空其地填以新民如韓襄毅公故事公謂御史言瑤不宜盡殺填以新民勢必吞噬而瑤地荒落雅非土兵所習居先年襄毅于廉州流賊殘破之餘召新民填其空而廉地皆平原非今日比御史卒從公言久之遷江西左叅議張毓秀者公故人子為幕官柳州時櫬歸里而公見所櫬舟挽卒伶

僇促驛騎偵得之輒假路符行其喪而舟隘便易已
舟載之灑淚而去尋陞山東按察副使改提學河南
訓士先行誼作高才生文汴人稱之會郊廟覃恩進
階中憲大夫是年駕之安陸道河南省官出迎而公
居守攝三司篆三司事秩然有詔宗室惟親王朝行
在所公榜詔旨于省門宗王以下無敢佚游視省府
凜凜矣陞福建布政司左參政分守延邵汀建其地
連山峻嶺公觸冒炎霧行部千餘里寇掠連江自
浙入壽寧壽寧萬山起伏如波濤官兵至賊散藏人

梅花草堂集

卷七

五

家欵然無跡兵去復出公至詢得所匿盡捕之其冬
復有浙賊自車嶺入松溪劫崇安建陽而建寧之民
窟穴松溪賊如壽寧公詢得又捕平之擢本省按察
使陞江西右布政使請致仕得俞旨公寬厚長者然
終不可犯以非義羈州歌鹿鳴鄉人爭羨異之公抑
抑無喜色以廐外臺不內徒嘗戲語所親北河有權
軀者曰腰彎折吾爾時不覺心動云子允懋懋宏
顧允默字茂仁幼習家學爲文章多根極理要宏瞻
該博而秀色靈氣勃勃言表爲一時學者所推重已

讀皇甫兄弟諸書悅其菁華乃發其先侍御家藏摘
芬擷秀漱潤咀英吞吐六藝考叶宮商識者謂酷似
其舅而公不自喜也去從歸先生游爲古文詞濃淡
相遭均節有式然公志在繩武藍衣幘頭浮沉諸生
間悒悒不自得中歲遊成均爲辟雍弟子與海內賢
俊角則又輒先諸賢俊而藍衣幘頭如初公乃慨然
曰李將軍不封侯豈其數耶稍稍考訂音律徵一二
少年用相娛樂而讀書不減壯盛時晚年病噎其子
天峻憂之不欲對公車公促之行曰吾志也既病亟

梅花草堂集

卷七

六

聞報又強遲之曰此行不第一會必有異已聞泥金
捷賜及第索筆賦一詩遂瞑公長身秀目鬚頰如畫
與人語恂恂若處子雖復酣放淋漓談言微中而時
有不勝之色耻談先世功闕遇游冶王孫鮮衣躍馬
揚揚于道輒障其面促步過之不與通而鄉人推世
家子必稱公公聞弗善也公好讀書不問生產作業
家幹有負官租久不償者會海忠介清查糧額及公
而公方應試棘闈大梁王侯督其家幹如令不以聞
公曰毋以事分即君念蓋其見重如此

顧懋宏字靖甫白哲虬髯語俊巡如寒士而氣雄萬夫時有封狼居胥之意馳驟諸生間久之多口過竟以此秧毀註誤繫獄既白家壁立將訪其宗老蘄陽間有雲間大夫王圻載與適楚閉署中夢遊武昌感司馬子長來觀七澤之言作楚思賦久之竟以宗老籍為諸生蘄州時練水殷無美都官吏陵見而懷之

曰此吾故人顧茂儉也假道過蘄勸令東還遂游太學萬曆戊子以太學生被薦告還鄉里公在晦時故交竄絕有謝生者能開關順適公意公重憐之既得

梅花草堂集卷七

七

雋謂一第可俯拾兩偕計不售公乃嘆曰嗟乎吾日暮途遠寧自斷卜之耳乃授新安諭新安士多就公而公才濶無所大用于諸生間遷國子學錄自謂陪京散吏守簿書而已其後出守莒州奉職循理無吏議終非其好也尚羊浮丘諸山望劉勰雕龍故處久之自劾免既還築室烏夜村植梅花數十株召謝生徵歌為樂幅巾杖履顏雪色識者謂不減當年丰骨云
論曰中憲公適閩過遂溪道渴不受墨吏衣必劾免

其官此其中涇渭何如而猥以劉寬婁師德相比方也茂仁善華之業不減其家劉宰之然非所願靖甫閉署中感憤作賦駸駸與子長爭烈矣予少及侍長公好獎士類聞人不善已有忤色與次公周旋久想其言論風旨庶幾今人所有無所不無者耶尚論顧氏之世多長者不虛耳

晉憲 父鷗 子驥

晉憲字其章父凌霄翁名鷗故宣平縣教諭性長者獨心奇先生八歲授古文尚書則先生通尚書授馬

梅花草堂集卷七

六

班左氏傳則通諸傳授瀛洛閩諸儒之說則盡通其說謂諸儒弗畔于道然莫出其宗當是時意可俯拾一第試為諸生則落落諸生間十年無所合日抱影一畝之官環堵蕭然撐鏡而歎忽相者前揖先生先生訝然曰若休矣吾無所復覲天下事相者曰相期甚久念非足下之時弗以告今者從門間窺若面有光氣如日翳而忽明也橫秋必矣如不吾驗請就御史小勒兵而有不號子冠軍者乎却立良久曰故是嶽崎歷落人再誦其言而去是歲果就御試第

一人秋七月又爲都下士尚書第一人先生曰非獨相者信也吾性褊嘗自訟弗能下人日者賓于鄉有竹工無端戕手相詈吾趣過之弗與校知其改常也不三日竹工死先是與同舍生詣江陰同舍生之挽者與田者闕諸田者負耒而前吾故自撻其挽者田者歡譟去否即奮耒藎粉矣吾故不能自見吾面此兩事者其有光氣時耶雖然吾無條達之會將不利于行是歲上春官果不第癸未始成進士授工部屯田司主事時永嘉安仁在政府先生心弗善也永嘉

梅花草堂集卷七

九

以二子贖于先生受尚書則先生與說尚書不負責而已矣尋奉命視權荆南荆南既孔道權司萬貨所集先生冰蘖自矢政府不無少望賴本部趙司空廉知其賢奏爲諸部使者最會有疾在告三年補虞衡司主事適有慈寧宮之役謹物料絕竿牘如在屯田時政府滋不悅辛卯晉本司負外郎命甫下武部失火將延燒水署先生倉皇赴之捍禦節慎庫所存鉅萬而論者詞連先生先生囚服詣廷評評無害通判嘉興銓部擬改南負外郎命且下忽中格會台州有

嘯聚之禍殺其守遂遷台郡先生擇鏡語其舍人曰吾面蓋有雀斑如曇云春秋之役斑忽脫縮入皮膜間今又若屬其章殆不振遂自免君子曰先生之解也柔其備免也信諸屬豈相者之說故然耶先生初筮仕就故宅稍闢園亭則盜者敗之已稍繕則島夷又敗之先生曰嘻吾故嶽崎歷落人豈有憾焉或有言永嘉貳先生者輒謝曰永嘉即貴能隱現吾斑痕哉得年八十二考終子驥字子良孝事工部知工部之不能諧世也修植桑果種橘千章與從父其大翁

梅花草堂集卷七

十

發明軒岐之旨曰凡爲人子應爾然不廢科舉之試後應詔園訂孝武兩朝實錄久之不得官請試遠郡歷滇遠中都幕慨然南歸橘數榮且落其實作傷寒辨論數十篇語所親曰吾藉工部之庇游成均觀明堂辟雍遂盡覽兩朝掌故一時休明紛紜之變涉南詔登金馬碧鷄之山摘其明秀渡遼問且七憐乃顏泰寧一所往來南浮大河瞻伊闕放舟而還葉心朱實累累抱弱子剖一味之甘論五臟關會之原辨草木甘苦之性所得既多夫又何憾而故園殘破不

可居將小築黌舍旁後人其有觀乎先生清癯玉立
印堂黑子隆起時然後發言有義意書法顏平原醫
說宗王叔和其人類王彥方陳太丘學者稱櫟庵先
生

論曰晉氏其先受姓于國子孫多散處太原平涼間
楚漢之際鄒始以晉顯歷東西京迄典午之代經與
灼之外何寥寥也灼有文章述而不作工部豈其苗
裔歟參幕在隱現之間務滋宣平之德宜大其後而
後如綫者何也天將有待耶悲夫

梅花草堂集 八卷七

秦鰲

秦鰲字子元孤貧力學未弱冠里黠者中之徭親戚
憂之公挺挺上書邑子請免役竟學邑子試之文立
就英姿颯爽為析其中者而延致公為其弟子師嘗
讀葉文莊公西垣奏章慨然想慕其為人既補諸生
有令譽中嘉靖乙酉鄉試明年登第授行人司行人
勅使藩府再奉詔河南皆稱職擢拜兵科給事中公
受白簡喜曰西垣故如是耶言事諤諤然不專以擊
斷為用壬辰彗星見公上疏災由大臣御褒誠謹權

相惡之出為東陽丞東陽民生女不肯育公禁止之
民家生育如常陞樂清令遷九江通判德安同知所
至有德于民陞湖廣按察司僉事會湖湘盜起擒殺
不可止公曰無庸盍清其原使民自不盜乎為薄稅
緩役期年而盜良已轉本省布政司參議提督太和
山與中使王佐論香案例不合投劾歸服闋補福建
貧民李八仔者訟其叔為富戶所殺有証驗而富者
行金抵八仔獄繫久不決公直之陞按察司副使入
覲還轉布政司參政道暍病脾免巡延汀報遷按察
梅花草堂集 八卷七

卒

公曰人臣致位通顯議論朝廷自謂擲之無上一遭
挫蹶負氣虛憍豈復問民事哉秦大夫之外補慈仁
為務弭盜必清其原即卓魯之政何以加諸然氣凌
中貴寬洗平民使黃金不得為政西垣風調猶廩廩
矣是豈負平生景行之義乎余讀周太僕誌載大夫
慕文莊事特詳見士故有志凡居官任職烈烈于世
者非苟然而已者也

顧夢川 子允華 允烈

顧夢川字禹祥性磊落讀書無間寒暑廣軸高函每覽必盡首尾起伏皆手自注記無所遺失父侍御公愛其該達推所藏書悉以相與每一櫝必數十人舉之品叙甲乙畧倣唐宋內庫書目有乾兌離震等號外鐫顧孔昭甫藏書字羅列于堂公設胡床擁之而坐綺疏玲瓏案席芬潔嘗取大白架兩楹間客至則沃之相與揚榷古今無訂訛謬焚膏繼晷樽罍雲瀉未嘗少倦或謂公人可千日而不飲不可一飲而不醉于公何如公曰夫夫醉者非飲也人但不可一日

梅花草堂集

卷七

不飲一日不飲如春之花秋之月冬之雪聖人之書何客曰夫然則夏何取焉公遽曰盛夏不飲則耳後之風其何從生客大笑公酒容溫克談論以時處父兄金紫之間泊無所起觸事興懷亦時有遲暮之色一往而深故未嘗縱擊唾壺自鳴伏櫪云晚歲貢入太學益復棲心立理寄興澹漠客語之曰子傲絳帳耶公笑答曰吾擁先侍御萬卷何止南面百城饘粥之餘尚足了麩蘖事乃復戀三升美醞乎公于飲量人莫能窺其給事者度可一石即公亦不能自名其

際也王京兆少育于公見公嘗讀漢書達旦侍者更酷飲之講論不輟既歿門人私謚曰淳靖先生龔世美嘗有謚議不具載子允燁字允烈字孚承能繼先志惟孝友于兄弟生平不異財食不異味服不異彩子婦不異舅姑童僕欣欣不異主將行父喪必高啟其門如父命割產償之不異議內外宗黨病瘦死喪憂患朋友問遺不異禮讀書課義不異處以此終其身

梅花草堂集

卷七

廿

論曰長老言學問之于內典吾鄉自淳靖始也至兩先生不然瀛洛關閩之書口誦無遺矣豈時運然乎侍御推擇子弟必首淳靖至不欲方伯冕而賀旦傷其弟不遭時之念所藏書悉以相與夫有所試之耶世廟時吾鄉榜頭絡繹多顧姓兩先生必雁行其間終不一遇以老然其孝友之性豈容沒沒哉巴湖之東有墳翼然曰巢鶴林者淳靖父子實從侍御藏于此百世之下過者必式有以也夫

張廷臣

張廷臣字元忠五歲從父僉憲公寬令錢塘署災亟

取印潛抱而出僉憲奇之每會僚屬必呼與俱酬對
機警動中窾會有詐稱臺檄者公從旁立辨其非是
驗之果然僉憲喜曰兒任官矣時甫八歲十九補第
子負已入太學為增城湛元明所知戊子內江張學
士潮亟賞其文擢上第然文高六上公車不售年四
十三卒公駕肩廣顙修眉長準準上黑子隆起體挺
弱善病藥餌不去其口然幹局有餘遇事強敏精悍
摠理操切無所縱貸居恒不廢吟咏而家政嶄然至
于纖悉莫不畢舉僉憲致政歸飲酒賦詩而已既疾

梅花草堂集 八卷七

五

亟有相人郁生者言公必不起公偵得之召郁生與
對坐啜粥談論竟日蓋其精強自持類如此

論曰張氏世有詩文自新城公始至元忠益著元忠
嘗作秋夜賦予得覽焉首叙云少作鴻踪涕靡零於
故舊壯懷鷄肋夢弗任于長安其感情激烈之氣亦
勃勃毫楮間矣四十不第卒以病死夫誠詩之能窮
人與王弇州稱吾鄉絕特之士困公車者三人曰吳
秀甫歸熙甫張元忠然熙甫晚第卒阨于官而其子
季思亦以孝廉死悲乎悲乎即造物者不妒才吾不

信也

顧履方 子謙亨 曾孫天宿

顧履方字仲立靜慎持重木質而理雖甚年少居然
有長者之風十四補諸生往侍文康京邸門館寂然
惟槐陰書聲相答映戊子以太學生登順天府鄉試
薦明年罷春官試抵家汛掃庭宇簡飭童僕親族兄
弟外未嘗輕交一人會文康有疾無程馳赴風塵骨
立比薨扶護南還毀瘠踰禮不復有仕進意朱夫人
勸令偕計吏勉再往旋亦報罷不二年卒公性儉約

梅花草堂集 八卷七

共一

被服如寒素然見文康豁達喜施盡出恩賚賙族人
子弟及貧無力者心竊喜惟恐不極間先意為文康
周急贍孤寡輒不欲自名其德曰文康之意云爾公
在邸嘗師事吳學士仁甫而華亭陸文裕以祭酒知
公為文字交尺一之問間一往復官其鄉者僅一交
刺亦多不交刺未識面者焉年五十有六子謙亨字
嘉甫年十六用文康三品滿考廕入太學授尚寶司
丞滿九載進本司卿階奉政大夫修正庶尹公性開
敏為文慕司馬子長一時大家樂與游處年六十二

卒曾孫天宿字元昭秀眉目骨見衣表二十薦萬曆
戊子鄉試服御如常無境外竿牘之問庚戌易名春
授汀州府連城縣教諭連城崇山複嶺公攀蹬而
宦味蕭然汀守沈公應奎一見器重之嘗語人吾子
連城非獨他鄉之遇故有氣類焉亡何服艱歸病卒
年五十一

論曰吾鄉俗凡孝廉多徒行飛蓋以布爲之顧先生
舉於鄉不蓋也偶飛蓋過市中而里父老聚觀之喜
曰卽亦蓋耶先生俛首趨過里誠家人藏勿御奉政

梅花草堂集

卷七

七

開敏有詞藻氣甚豪而不失爲長者故足貴耳連城
之直素眼無黑白與予交歷三十年無親疎想予猶
憶連城報捷時其季父崙巖翁誡之曰人生七十亦
恒耳以子之年得雋其爲德而善不勝紀也其爲不
德而不善不勝紀也傳曰樹德務滋顧氏世有令德
而家庭之勸誨如是雖百世可矣汀守薦行君子也
連城無事可見聊載前語証之

孫雲

孫雲字從龍嘉靖己丑進士授刑部福建司主事與

議園丘禮成賜金綺進本司員外卽改浙江司而有
馮御史論死事馮御史者故留臺四鐵御史名恩初
以論南臺大計例怒御史大夫汪鋹鋹必欲螫馮御
史會星變求言御史又劾奏鋹爲腹心之萑又引范
希文百官圖例條上賢不肖主名爲朝廷分別言之
詞連永嘉安仁二相曰願陛下亟罷其召用者永棄
其已罷者上怒趣緹騎逮御史廷訊不能決移秋官
獄屬公公抗言曰御史得風聞言事上又以星孛故
詔諸臣皆得言之御史也而言盡其又何罪焉卽爲

梅花草堂集

卷七

六

御史嶽嶽毀譽過當法不得論死卽論死與比附上言
大臣德政律不合當是時同曹卽爲公握掌掌透爪
公力諍不少挫會上怒詔奪尚書王時中職侍卽聞
淵歲俸而疑馮御史獄謫公爲廣東潮陽縣典史已
調廣西之懷遠居無幾量移增城令改判東昌尋守
巴州繼守邵武同知踰年遷南刑部卽中未行陞湖
廣按察司僉事上躬視顯陵輦道綿屬所至藩臬多
受譴責公綜理甚張累賜金綺遷福建布政司叅議
部有曠賊嘯聚千人焚劫爲亂公親率兵勦平之擢

江西按察司副使未幾引疾自免公偉幹虬髯聲如巨鍾每披襟為人談事皆服其有體無敢相撓而仁心為質要必以親親為本始父桂蟾翁客死桂林公為諸生甫弱冠聞訃嘔血犯炎瘴冒痲疫徒步萬里得父骨昭平堡函之以歸將渡江旋風颺起三老懼而盪之公挺入江中浮行里許出函骨宛然號慟欲絕曰天子天乎吾曩者始奔父喪挾秉金墮水吾亦從水攫得之而今日水又驚吾父耶公既謝政念一及之輒語人吾魂魄猶在江頭也

梅花草堂集卷七

注

論曰惟孝與忠生人之性也雖甚偉人故有不能見之行事者獨孫大夫之事其當年掀髯振纓汨流灑血之狀猶令人髮指泣行下語云求忠臣必于孝子之門豈虛也哉大夫臬江右時手關孫許二公之祠醜牲載俎必其成仁之日夫亦其生平之慕尚歟許先生嘗為大夫志載吾鄉學田之義自大夫始吁嗟大夫其于在三之節何負焉

張情 弟意

張情字約之故封繕部禎次子出為封駕部祥後而

繕部有季子意字誠之少與兄同學父授之書公讀不輟弟頗好弄不事事然一覽竟無餘均及限弟登嘉靖己丑榜進士授工部營繕司主事朝廷方議建九廟公奉璽書徵材荆楚遷即中封父繕部如其官大工告成得進兩階為山東按察司副使與御史議獄不合免官歸而公方登戊戌榜進士選授處州府推官處俗罷訟不可化公性長者理處獄獨辦處多逋賦監司檄公往公召逋者提爰牘示之曰若處民也聚族居此甚適而逋租者戍邊魂魄遊異鄉矣若

梅花草堂集卷七

卅

其圖之聞者感泣爭償賦如約監司咸異之而最後舒御史頗用深文相高每聞公訊莫善也會尚書特徵公且發而御史以金盤衛相告許累歲不決事屬公公用輕刑奠之意愈不懌故稽公行公後授刑部福建司主事公念母老乞便養改南京兵部職方司遷車駕負外郎再遷武庫郎中除母服再補車駕贈父駕部如之車駕職上供船與營驛騎公庀材堅良三老無害給芻以時騎長不苦驛驛部民大悅馬鞭所指都人士咸能識之呼為張佛子云甲寅冬陞九

江府知府公流覽民俗慨然歎曰九江民不勝逞矣
吾姑相保以拙于是簡訟而息之惟休養是務爲之
其年草沒訟庭無兩造者旦起吏胥押牘而退魚菽
常不給輿皂織履自力絕不知叫囂何事公亦條然
自得也客過九江輒持斗酒兩筭器食相慰勞客愈
服其真素時方徵三峒兵備倭所至郡縣多鍵關聞
問意實遠之然剽擾特甚公郊迎勞苦又飲其酋帥
悼恤死亡三峒兵亂流而渡寂無譁者即數數往來
乎九江民不知也既滿考陞福建按察司副使尋以

梅花草堂集卷七

世

病免歸乃小築玉山之陽蔣花賦詩與山東公爲白
首兄弟之遊歡然無間初山東公之與御史相持也
蓋有負券不能償而故詭艷妓爲妻以詐子錢家者
御史論詐者死山東公爭非是手批御史御史劾公
公亦自謂吾臬臣稱外臺例得與御史相譏察亦劾
御史當是時霍文敏在朝聞之曰副使故出吾門下
我知之曩者副使使荆楚時積羨金萬萬無所取乃
私詐者金耶山東公性稍戇不類閩公然事已則忘
之其爲人急行義嘗貸粟於人人有告急者不弛擔

與之閩公耻人言居官廉而山東公廉不能自存其
子勉具食與樂歡公公輒忘倦閩公有子三人長應
文字茂實次應武茂仁次應忠茂良夙慧嗜學能文
章里人稱爲三傑

論曰吾鄉故有蕭墅二張後爲安溪張氏稱閩東兩
憲副云閩憲清淨自正卧理九江豈所謂政由專成
民以親信者耶其後爲周叅政之興化顧司馬之饒
州大都猶是而九江幾無爲矣東臬手批直指三十
謝事人言速則易終固然至其安貧絕藥惟恐滓混
白雲卿斯何讓阿兄耻言官廉乎太倉公稱閩憲循
于官長者于鄉合而表之曰有德君子不虛耳其實
與東臬之操兄弟也

梅花草堂集卷七

世

吳中英

吳中英字純甫生而奇穎好讀書父爲致書千卷恣
所欲觀童髫入鄉校御史愛其文封所試卷檄示有
司聲名大噪開化方豪來爲縣方年少自謂有文學
會縣有重役召先生父先生以書謁方侯侯覽書大
服引與游甚歡後官四方見所知識至吳中者必以

先生名告之而先生雅自負豪爽不檢小節父卒遺
賢甚厚乃按籍視不能償者焚其券好六博擊毬聲
音婦人擁妓女彈琵琶歌謳自隨散其家千金久之
廼更折節自矜飭顧不屑為齷齪小儒篤孝友急人
之難大義落落人莫敢以利動少年學子稍知向方
者心下之游揚不置人曰吳先生得無妄言耶某某
者皆稚子何知焉然往往一二年即登第去以故四
方學者日進每從嘉林修竹間紆衿方履笑詠相隨
殆無虛日時有質辨剖析毫髮議論蠡起群疑豁如
梅花草堂集卷七

世

雲披雨霽天清日明其于天下之利害生民之得失
常有隱憂于其間 肅皇帝中興慨然有志三代之
治詔書數下修明廢典纒纒不一事而皆先生平日
之所嘗言世益服其識不可及云嘉靖辛卯始為南
都舉人時先生且老營城東地藝橘千株市粥財自
給閉門不復往還令兒女環侍几旁誦詩而已戊戌
試禮部不第至淮疾作抵家二日卒得年五十一
論曰郭有道題品海內之士或在幼童或在里肆後
皆成英彥六十餘人豈吳先生之謂歟有道嘗著書

一卷論取士之本遭亂亡失以觀先生蓋誠有之婦
太僕方八歲嬉戲山中得枯骨作文瘞之其父怒槌
太僕先生請觀之曰班馬之才也遂與定交李中丞
贊見先生嗟咨良久徐覽其牘曰故是八座上人沈
立朗半標奕奕多奇節先生愛重之相其面可封侯
醉鄉是遵何術哉嘗與人決賭以竹簪為質贖之百
金而色辭縣長之贈莫敢發言第以事置對先生不
言也令閱其名察知之事立解抑何落落不可犯如
此嘉靖中吾鄉多人物讀書談義必稱太僕而先生
始基之矣
梅花草堂集卷七

世

沈世麟

沈世麟字明甫號玄朗初名金馬少有俊才為文率
意口占而成勃勃有風雲之氣與同邑吳純甫周于
岐齊名玄朗後稍放于酒不屑當世之務家藏書千
卷小涉則束之不復省指語人吾神遊其間矣嘗擊
髻袒跣行吟于市遇所與游頓足狂呼把臂而語語
輒不可了或忽然疾走馳去里人目之狂生家貧以
書抵縣令假擔粟令亦笑與之郡司理某悅其高義

授之室玄朗日與飲酒不交一言暮年謝去餅壘堆積庭間司李不怪也卒年四十二祔葬朱泚原之祖塋

論曰沈先生清狂自喜不屑禮法而禮法之士多從之游吳純甫對客指數生平之交獨稱玄朗有高行多奇節此于隱微幽獨之際信其人真可以遯世而無悶有不能誦言于人者孔子之門小節必閑然不廢虞仲夷逸彼其人必有以取之而世亦不可以無斯人也沈氏墓故在馬鞍山西麓純甫偶過之語客

梅花草堂集卷之七

曰異時古栢甚奇嘗鬱鬱蒼蒼以此代有文人今忽枯萎玄朗其不起矣亡何竟死世稱純甫善相人或

梅花草堂集卷之七

梅花草堂集卷之八

吳郡張大復著

後學汪中鵬補訂

皇明崑山人物傳

周大禮

周大禮字子和為文精爽有奇氣十七補弟子負又十年為嘉靖壬辰中南宮選授刑部雲南司主事折獄不設詐善窮人情質成立辨論者知非一官之具將轉銓曹坐註誤壽寧侯事謫鄧州同知已遷汝寧府丞蓋當事者歷試之而公故不以蠖屈自沮益能

梅花草堂集卷之八

十一

其官陞南京工部屯田郎中屯政畢舉辛丑出守興化會歲大饑公請基省發廩賑貸略仿宋趙抃蘇軾救荒法自舁竹輿齎粟隨地贍之無問窮鄉下邑民賴全活者十餘萬當是時七閩不登米價騰踊所在有司議令平糴公曰此絕其來耳民何賴焉乃下令故高其價于是糴者輻至米價頓平是歲公入覲民無所得粟署者議借軍餉軍乃大譁幾釀亂公還立取庫錢易粟于軍軍趨令如驚衆以為神公曰故知其質糧票于債家為日久矣公又興木蘭障水之役

以備旱潦允繕陂二十餘里民得粟益多而又嚴督里書稽覈田賦以清下戶之產廢稅存者前後治莆七年惠政不可枚舉莆民歌頌之擢廣東按察副使提督兵備海南生黎稽顙戎兵懾服更而喪凡七年補山東巡察登萊海道海濡民捕魚爲業亦時闌出貨物爲奸利吏取緡錢姑縱之公至悉弛捕禁而戒闌出物者罪如律民莫敢犯癸丑甲寅間倭寇東南道由成山沙門島入公飭兵嚴勦多斬馘有縛數倭來者公面之不類其人自稱朝鮮貢士爲颶風所漂泊

梅莊草堂集

卷八

就船搜之鄉錄宛然公爲請於朝詔還其國御史何廷鈺議鑿膠河以便漕輓撫臣檄公往視公持不可上議曰謹按膠萊河堙塞日久故影僅如衣帶縱竭人力不能成流縱復成流勢不能遂達天津縱達天津通三四擬剝後致輦下其間交割何人折耗何出御史言非是議遂寢旋擢河南布政司左參政有詔羅麥河南所司會議將檄郡縣追比積逋以及朝令公慨然曰河南民甚貧逋且久非旦夕可辦而朝令羅麥又必不容緩合請藩司提編銀備糶而後征逋

以還藩司于計便當道從之丙辰大計坐拾遺免官公所至鋤強爲務不問豪猾拾遺七揭乃出興化一給事手朝論譁之故事拾遺揭不署名部院議署名自公始也子之奭字燕生之豐字京生京生初與兄齊名而該贍過之隨所著義無不曲折會文切理籍籍菴林間爲一時眉目參政亦雅愛公謂功名且出已上天性孝友哭父兄過毀病噎而逝

梅莊草堂集

卷八

過國中室輒言守興化事有徐御史者心知公乃得公諉書幾一篋猝遣吏詣府取紙贖簿牘公立吏庭下封簿畀之勾校無一漏失御史大服昌言公于朝公因言人故不可廢事一日廢一事一月則可知也當參政守興化時又有郁生者善相人遇公于郡愕曰此必本兵何途之從至此已聞公語又愕曰故是臬長然必名臣諒爲本兵者不必如是嗟乎人故不能勝相耶蒲州楊尚書嘗薦公堪邊陲督撫而新鄭未嘗識公亦云爾此知相人者之不妥矣周氏環吳

橋而居直橋並小溪以東殆成聚落至叅政父子稱
吳橋周氏頻年過之十不得一馬而名稱如故以爲
茲橋待參政父子而著也

王任用

王任用字汝欽爲文好淵深雋永之思修經術嘉靖
辛卯鄉薦累上春官不第學愈弘博積二十有三年
丁未舉禮部試第二人爲同榜士所推服初授太常
博士遷禮部儀制司主事曹卽服其長厚奉使還省
節母項安人里第會島夷內訌公與祝侯乾壽多設
梅花草堂集八卷八

梅花草堂集八卷八

四

方畧日夜往來睥睨間同心捍禦間歸慰母母聞金
鉦聲色恐輒依依爲孺子戀內自計卽城陷何以存
老母乃攀陟危磴得深穴於馬鞍山之西麓甚隱峻
而中夷公扶母往識之而納棗栗數斛其中爲母備
寇退乃已時有間侯于御史者公念侯以身捍大難
幸已濟而間之非天道入白御史猥且怒意不自得
而歸其明日御史置酒召公未終席病發扶携逆旅
間遂卒家人敦匠事見有任用字宛然木理間知爲
數之已定也年五十有四子亮臣萬曆壬午舉人玄

孫永祚已未進士

論曰儀部在公車久僮僕痛頓所歷郵遞中場者灶
者皆能識公公意不少挫丁未之役中夜起徬徨覆
視所奏牘曰當無此理既雋趣馬歸第再取視之自
詫雲霞五色矣蓋遲暮之相迫而眩亂生焉夫其隱
衷自矢不忘祿養卽當年禦寇志在寧親山巖棗栗
之思無復之矣世稱儀部公正發憤卒殞其身乃不
知其直死孝耳迨乎褒節旌門有孫定鼎能述其事
而後儀部可長暎也江陵每見官詹稱汝欽之子低
梅花草堂集八卷八

梅花草堂集八卷八

五

迴久之故匪獨通家之誼焉已

王五接

王三接字汝康初與兄三錫齊名兄既成進士守光
州未三十謝政而公始以江南舍選第一人領鄉薦
明年中禮部試選授長垣令長垣三輔巖邑公治之
最有聲而隣有御史大夫某以譖不悅公將斥之太
宰許文簡讚不聽調浙之景寧景寧山故多曠中貴
緹帥奉上命履行其間必欲開曠公率父老持之不
可既開無所得中使慚忿發怒于公公幾殆然名稱

益著而御史故在臺太宰稍遷公為南京禮部主事歷負外郎中未幾出守柳州會張襄惠岳摠大兵平馬平寇行相地得千蔓村為要害議創堡塹調狼兵雜他種守之以控禦遠邇公抗議曰巨憝頃已伏誅其脅從解散者良赤子也墳墓廬舍妻子皆在今奪以為戍卒則無所歸使雜居必不安且狼兵非能以戍人也是不潰歸即西出行剽耳守嘗使人微諷諸種其父老携稚弱踵至叩顙願得長奉使君守下歲歲供縣官賦役守請毋以狼兵雜他種戍戍以土著

梅花草堂集卷八

六一

之種必不倍德張曰善罷不復別置戍柳故環江而城阻水為固惟北則平野無山谿之險有寇警則豕突而前不及乘郭公請闢北郭城之因工于餉因力于兵城堅若礪而民不知役柳人至今賴焉當是時臺薦屢上公自念不當得調而修葺者未已調公守澂江澂江土風清淑民饒樂無事君以治柳者治之效乃大著遷河東都轉運鹽使公為鹽官謹奉職不能事權要人遂免詔加太中大夫得年八十二公為人忠信詳整無輕諾既諾不宿與人恭而有禮老彌

敦居鄉三十餘年過里中必肅橫犀衣青錦繡衣顏雪色步履屹然觀者嘆有林下之風焉

論曰弇州先生言其家轉運于古文詞少好婦太僕熙甫長好俞徵君仲蔚晚而好予而轉運居恒亦嘗語其子弟往在南曹所與游者許仲貽薛仲常兩人而已古之君子居是邦也事其大夫之賢者友其士之仁者大率如此轉運懸車時太僕既歿所交游惟仲蔚晚得從子安鼎而悅之門館寂然斯亦其生平之趨操也哉

梅花草堂集卷八

七一

李憲卿

李憲卿字廉甫美姿容雅自修飭好交當世知名士諸名士傾心下之嘉靖甲午鄉薦戊戌第進士授南吏部驗封司主事歷郎中陞江西布政司左參議均派額田號稱簡易為巡撫御史所重薦最陞山東按察司副使兵備臨清先是薄都城聲言將從井陘口入掠臨清臨清故館漕道商賈輻輳人情頗懼公處之晏然或謂公計量移便公曰詎至于此勸民兵數十萬屯境上進可以戰一竟不至久之陞湖廣布

政司右參政督建景府遂修承天祿恩殿有功詔陞
河南按察司按察使受命四月尋擢巡撫湖廣右僉
都御史是時奉天殿災勅命大臣開府江陵總督湖
廣川貴採辦大木工部劉侍郎方受命以憂去上特
旨陞公左副都御史代其任公至相度巴庸棘道轉
荆岳至東南川往來督責鈎之荒裔中于是萬山之
木稍出然帝室紫宮舊制瓌璋于永樂金柱圍長終
不能合乃上疏曰臣督率郎中張國珍李佑副使張
正和盧孝達各該守巡參政游震得副使周鎬僉事
梅花草堂集卷八

于錦先後深入永順夔峒梭梭江參政徐需僉事崔
都入容美副使黃宗器入施州金峒參政靳學顏入
永寧迤東蘭州儒溪副使劉斯潔入黎州天全建昌
董策入烏蒙參政繆文龍入播州貞州酉陽僉事吳
仲禮入永寧迤西落洪班鳩井鎮雄程嗣功入龍州
參政張定入銅仁省溪參議王重光入赤水猴峒僉
事顧柄入思南潮底汪集入永寧順崖而湖廣巡撫
右僉都御史趙炳然巡按御史吳百朋各先後親歷
荆岳辰常四川巡撫右副都御史黃光昇歷叙馬重

夔巡按御史郭民敬歷印雅貴州巡撫右副都御史
高翀歷思石鎮黎巡按御史朱賢歷永寧赤水臣自
趨涪州六月上瀘叙至守督會處巨材所生必于深
林窮壑崇岡絕箐人跡不到之地經數百年而後至
合抱又鮮不空灌昔尚書宋禮及近時尚書樊繼祖
侍郎潘鑑採得逾尋丈者數株而已今三省見採丈
圍以上楠杉二千餘丈四五以上亦一百一十七視
前已超絕矣第所派長巨非常故圍圓難合臣奉命
初恐搜索未徧今則深入窮搜知不可得而先年營
梅花草堂集卷八

建亦必有別處伏望皇上勅下該部計議量木取用
庶臣等得專心採辦而大工早集矣上允其奏命求
其次者其後山水益出自江淮抵京師簿筏相接而
建殿顧未有期西工驟興漕下之木取用畧盡公又
懇乞興工罷採以休荆蜀之民使者相望于道詞旨
甚哀天子從之于是節比漕數凡得木一萬一千二
百一十章曰四川守巡督儒溪之木播州之木建昌
天全之木鎮雄烏蒙之木龍州蘭州之木湖廣督容
美之木施州之木永順夔峒之木靖州之木及督行

湖南購木于九疑荆南購木于陝西階州武昌漢陽
黃州購木于施州永順貴州則于赤水猴峒思南潮
底永寧順崖其南出雲南金沙江云是歲冬徵還內
臺明年考察天下官既畢感疾乞歸馳至東平安山
驛而薨得歲五十有七子延節字延之美秀而文喜
讀書時從一奚奴咨訪氣類講論不輟性好花木所
居廳事前時有點綴都無貴游之色平苦行以廩
補南京後府都事累官太僕丞卒邸第篋中僅餘香
履京朝官嘆其清貴云曾孫與善今工部員外

梅花草堂集 卷八

十一

論曰予自幼侍太僕公公每述其家御史大夫言綜
覈古今有學有行吾敬雷尚書禮兼資文武有猷有
為吾敬楊本兵博宇宙在手待時而動吾敬張編脩
居正此三敬者足明大夫之祈嚮矣 肅皇帝朝開
採江陵建九廟而西苑神仙長年之殿珍臺間館歲
有興造是時荆蜀材盡得木最難而將作大匠較量
永樂園長意如有待天子未興廟後復議西工此時
大夫之焦勞何如哉親督三省臣僚使萬山之木蔽
江而下罷採之疏不憚諄復如大夫可謂敬事之臣

納約自牖者歎斯何負曩者所敬之如彼也而世之
論者謂採辦非當務之急此從旁論砥疽耳東西南
北惟命之從又况事英主奉特旨然後從事者哉歸
先生作御史大夫李公狀予頗採其說傳之大夫官
江右時蓋有均田之法云嘉靖其年巡撫江西副都
御史某照得江西田土不甚相懸秋夏兩稅多寡殊
絕如南昌新建幅負百里多湖山稅額十六萬廣信
縣六贛州縣十稅六萬南安縣四稅二萬三郡二十
縣之糧不及昌建二縣請照均支天子下其議于是

梅花草堂集 卷八

十一

撫臣檄糧儲道折衷均派大夫之力多焉而惜乎其
詳不可得聞也吾蘇州郡田不及淮安之半而吳賦
十倍淮陰松江華上二縣糧與畿內八府百七十縣
皆百二十萬蓋國家以次削平僞僭田賦徃徃因其
舊額故不均如此歸先生曰吳郡異時嘗均田多止
于一郡又破壞兩稅陰有增羨民病之不若江右之
善而惜不及行也由是觀之李大夫之法可知也已

周文

周美字濟叔精研易理析義純細學者傳誦其文爭

師事之中嘉靖丁酉鄉薦明年罷試仍恐徒自給祭
如冬將上春官猶刻日立程盡臘乃止甲辰登進士
第授進賢縣知縣公完進賢完過里中子弟猶雜問
所課不少借既抵任清強有守治最江右入覲謁政
府公獨不贊然治行高無他吏議遷刑部主事進員
外郎講讀律例覈平反一切傳爰之書悉與法比陞
湖廣下江防兵備僉事駐劄蘄州蘄地寬衍當洞庭
彭蠡之交稱盜藪白晝挺而馳突剽剽民財捷于箭
激公至立團操之法作戰艘令材官遊巡江上所獲
梅花草堂集卷八
盜獄成即殪之或折其脛盜相戒無捍周使君江洋
晏然自公之暇進諸子弟講周易大衍之義旁及連
山歸藏與作文擒刺張翕頓挫之法蘄人知學多譽
髦選陞四川參議副使公佩金緋受成事而南人有
為蜚語達京師者誣公受賕枉法嚴文靖訥時掌銓
部聞之訝曰豈有是哉已持之至手顫曰勢重不可
返矣覆公致其仕公既信其清操堅忍十年徒滋讒
口忽忽自顧其影頓纓狂視如怨如怒竟以疾終
論曰易經義之推崑山自周憲副始規步尺視一稟

于法截如也歸太僕之學興而憲副稍詘其縱橫矣
然純細一路恐不可沒憲副持身持官內外斬斬如
其教將上春官刻日立程既貴顯不忘所課義也兢
凜四知以賊誣敗雖欲不發憤豈人情乎憲副歿未
數年其子淪落抵蘄不自活賴僉事戡汝止保持之
為婚于蘄家焉稱蘄諸生清白吏之于子孫計是耶
非耶故難為求贏者道矣

季龍伯

季龍伯字子升敏悟絕人有言公一目成誦者公曰
梅花草堂集卷八

無之吾于書讀不過二遍庶幾不忘耳嘗與歸熙甫
方思魯過王文恪公故宅周覽屋壁有都南濠當年
壽章可二千許言約不過二遍還家錄之公訛二字
方伯許太僕多訛脫輒以意竄入其文愈善公自訟
曰吾政自苦其二遍不如熙甫忘學者傳說公言至
今公喜豪飲而家居楊巷村少客有相造者多彌連
竟日夜亦時乘醉讀書達旦不止每御史行縣屆期
輒令二子讀偃卧聽之不五日又輒從同志酣飲為
樂或馳馬擊毬山中試又輒高等公多急德人莫聞

知既死而人頌之至今楊巷村傳說公遺事甚詳不
具載公死時年六十葬楊巷村家貧就宅為墓
論曰當五山先生時吾鄉蓋有雅社云吳純甫主盟
玄朗子賓太僕思魯吉甫皆在其中群賢畢至少長
咸集蒼黃默識必推先生而先生與玄朗飲可一石
稱社中劉阮竟落拓終其身悲夫季氏其先汴人國
初徙崑山父德諧名一鳳營什一四方能揮金市義
老壽考終

歸有光

海虞草堂集卷八

古

歸有光字熙甫七歲能屬文出見枯骨瘞而銘之父
正以眎其友吳秀甫秀甫曰故是司馬子長班孟堅
一流人遂與定交十四補諸生屹然有述作之志嘗
謂聖人之文章無非性與天道故孔子曰文不在茲
乎聖人之情見乎詞矣太史公作史記序述孔子世
家諒非知道者不能至其是非雅亦不謬聖人又嘗
謂洪範亂于洛書易亂于河圖亂于河圖者執關朗
九宮卦氣之說亂于洛書者信漢儒緯候養生之書
于是作洪範傳易圖論三篇明聖人以天道治人無

與乎數圖與書政不必相表裏學者信其言爭師尊
之會天子覃恩選公入太學當詣京師乃渡河涉汶
達于洛汭觀大禹之跡攷禹貢循江之潁南入成均
考明堂辟雍與諸生雜論禮樂作冠禮宗法二書嘉
靖庚子張文隱薦公鄉試第二人上春官不第還得
王氏故宅講學安溪弟子日進荒江寂寞時多泥覽
遂攷三江故跡謂太湖三萬六千頃入海之道獨有
一路所謂吳淞江者顧淞江細弱潮泥填淤漸就湮
塞誠併力浚治使太湖之水東下餘水可不勞而治

梅花草堂集卷八

圭

作吳中水利書將以濬東南財賦之源永利無害乙
丑始第春官補長興令亡何通判順德順德故邢地
而司馬官隸太僕乃攷牧圉之法申明魯頌無邪之
義作馬政議議曰國家苑馬之設依倣漢唐然又于
兩京河南山東編戶養馬乃又兼宋人保甲之法蓋
不獨養于官而又養于民也今監牧之馬未見蕃息
民間牧養又日以耗此何故歟蓋馬繫于官民必以
為非民之所有官委于民官又必以為非官之所專
馬惡得而不弊乎嘗攷洪武初制令有司提調孳牧

江南十一戶共養馬一匹江北五戶共養馬一匹以
丁多之家爲馬頭專養一馬餘令津貼以備倒失買
補每二歲納駒一匹又立群頭群長設官鑄印與守
令分民而治有牧馬草場又免其糧草之半每加優
卹使有司能責實而行之常使民得養馬之利則馬
亦何憂于不蕃也今顧不能修其舊徒以法之弊而
亟變之則天下安得有良法哉夫令民養馬國家之
意本欲得馬而已而有所謂本色折色何爲也責民
以養馬而又責其輸銀如此則取其銀可也而又何

梅花草堂集卷八

六

以馬爲于是民不以養馬爲意而以輸銀爲急矣牧
地本與民養馬也而徵其子粒又有加增子粒如此
則遂併之田稅而已而又何以責之馬戶于是民不
以養馬爲急而以輸子粒爲急矣養馬者課其駒可
也不用其駒而使之買俵于是民不以養馬爲急而
以買俵爲急矣夫折色之議本因江南應天太平等
處非產馬之地變而通之雖易銀可也遂移之于河
北今又變賣種馬而徵其草料原今變者之意專欲
責民之輸銀而非責民之養馬也官既無事於養馬

而獨規目前之利民復恣爲姦僞而爲利己之圖有
駒不報而工于欺隱不肯以駒備用而獨願以銀買
俵至或戕其孕字絕其游牝上下交征利以相欺而
已衛文秉心塞淵致駉牝之三千魯僖以思無邪致
馬之斯祖夫官民一于爲利以相欺何望于馬之蕃
息乎今之議者又方日出新意以變賣馬之半爲未
盡因欲盡賣種馬而惟以折色徵解畧不思祖宗立
法之深意可爲太息也夫河北之人驍健良馬冀之
所產昔人所以謂此地王不得無以王霸朝不得無以

梅花草堂集卷八

七

霸者也今舉冀之良產盡棄之一旦國家有事西邊
之馬可得以畿內用乎古語曰變而不如前易而多
所敗者亦不可不復也今欲講明馬政必盡復洪武
永樂之舊江南折色可也畿輔河南山東之折色不
可也草場之舊額可清也子粒不可徵也官吏之侵
漁可黜可懲也而管馬官群長獸醫不可省也行馬
復之令使民得寬其力民知養馬之利則雖官馬亦
以爲已馬矣又修金牌之制通關互市益得好馬別
賦之民以爲種馬而有司加督視之洪武永樂之舊

猶可復也蓋修茶馬而渥注之產至矣弛豈地而坳
 牧之息繁矣卹編戶恣芻牧而烏保橋姚之富臻矣
 故曰車騎天下之武備也其所以壯神京防後患者
 豈淺淺哉議成書傳長安執政者嗟賞久之陞公南
 京太僕寺寺丞仍給筆札作馬政志尋詔纂脩世
 宗皇帝實錄未就其明年于公為獲麟之歲云公沉
 酣六籍牢落公車前後不下四十餘年未嘗一日釋
 卷帙每著一書吳秀甫沈玄朗張子賓之徒爭傳寶
 之謂有金石氣公往來汶濟間甚久相度河源擬作漕
 梅花草堂集卷八 六

渠書未就而卒知公者至今惜之
 論曰歸先生立言之士也其學無所不際而要本歸
 于孔子之言當世廟時海內士大夫爭為宏肆之
 文以相高而先生原本六經崇儒術竟以此名天下
 雖黃頭弁服呼為才子然一行作吏偃蹇十年竟于
 即官以老母其為道家忌耶將夫子之道大天下莫
 能容也先生喜著書門人王執禮嘗諷就博士先生
 曰嘻故有儒者不能為吏哉既抵吳興久之乃喟然
 曰今世以文學飾治為不諳時務以經術斷獄為不

奉國典將聖人之書致之無用矣傳曰天將以夫子
 為木鐸其先生之謂夫

張憲臣

張憲臣字欽伯性寬大多為德于所不知非義相壓
 屹如也嘉靖癸卯鄉薦又十五年始登進士高第除
 江西南昌令南昌故巖邑壤接分宜人以公長者難
 之曰不乃拜跪稿耶公至積案如山夢不可問而點
 吏故取他繁牘雜進之以試公公乙其急者而擲繁
 者地曰此何用溷乃公吏聞吐舌公在縣親賢而容
 梅花草堂集卷八 九

衆無境外尺一之閭若不知為分宜地也段御史某
 行縣問庫羨幾何將有所遺公白縣無他羨御史色
 怒之竟亦不能相撓分宜敗召拜工科給事中即上
 疏四事而于東南財賦尤加意云會有詔修備公謂
 即武庫甲仗將士司命柰何一切屬中官宜付外給
 事御史得覈之又謂兩畿試不宜謫司訓老生能失
 士咸報可乙丑自吏科右給事中遷刑科左持節封
 唐山充正使給事中之得正為使自公始丙寅晉戶
 科都給事中三上疏論國漕大計下所司行之丁卯

出爲浙江右參政分守金衢嚴三郡平曠寇能折義
烏人之驕橫咸樂爲用庚午遷雲南按察司按察使
甫入境黔國公責三司苛禮請用故事公笑曰夫豈
昔日黔公耶黔望金馬門如天上而安得用故事輕
天子從臣乎退語其僚禮如是足矣尋甸土酋沒而
其妻安攝政移文請夫蜀酋某公曰殆非然焉母亦
姦人詐爲牒將構難于安耶夫酋妻攝而私其土之
人固恒不虞失土哉詐者果敗亡何都御史其修卻
于公論免公方頤胡頽偉瞻視雖都貴顯怕怕修處

梅丘直堂集

卷八

廿

子檢柙之行揚人善而曲護其所不及論者謂有指
樹數馬之風焉得年六十二

論曰任生汝楫言其父某以門下士從公浙江官舍
居恒無敲扑聲忽笞人十者三而公怒未已父舉問
公公曰法負官租五十成及嗣小縮則否吾甚欲其
人稍縮之母爲子孫累而恨其不解也公有女嫁朱
氏者常問公亦有所不愜否公謝曰有之常夏月與
醉者卧觸不可忍突帷而出忘閉焉則饑蚊飽之矣
故予常自念所不愜者此也君子曰仁哉漢東陽侯

張相如稱長者豈有是焉弇州擬公王敦厚其官按
察同祿壽不配德又同則近之矣

陳敬純

陳敬純字吉甫德清教諭斌孫體魁碩負膽氣敢言
事好爲淹博藻瞻之詞名聞四方學者歛容請益公
益喜自負援證今古千言俱下令人應接不給與同
邑王京兆互魁里試嘗謁提學胡御史公問京兆君
何所白京兆曰藍衣人何得白事公曰何有馮翔甫
不泮游且長吾等效諸人謹關其口默默揖讓乎遂

梅丘直堂集

卷八

廿

入爲御史抗言之御史不答而意許公明年馮首選
吳縣袁宗伯未第時舍僧舍展公牘讀甚酣公入宗
伯不知也公曰誠好之耶當爲君更作此某舊稿不
煩爾宗伯拱謝輒以所課牘示公公覽之嘆曰成佛
當在其前如其者固非時所急耳宗伯既謝政猶爲
人言之而誦公牘不錯一字公浮沉黌校摧抑頓挫
幾三十年氣不少屈穆廟元初貢爲太學生則又雄
長其太學生裘馬甚都見故遊爲大官遇諸道時有
不平之氣白眼言事喇喇初抵長安江陵相拱日樓

適成客請公賦之署客名以進江陵訝曰故有五經
 庫其人耶客以公名對江陵諷選人欲以翰林孔目
 相處而公謁選人衣紗衣偃蹇堂下遂授儀封縣主
 簿公怡然就簿儀封監司目送之曰此江南名士衣
 紗衣見選人者諸監司備賓主禮爭延致公而公嘗
 用詆語傲睨諸監司諸監司弗能堪將辱之會儀封
 令與公同里得免又退語令乃不知監司貴倨如此
 即君他日為監司倨見長者非吾里人令大笑久之
 免歸先是公有屋一區在湏浦上負隍並浦蕭然有

梅花直堂集卷八

五

林野之趣鑿池種樹娛親其間所謂南陔草堂者也
 至是稍益亭榭雜樹花木與親賓觴咏其中無異壯
 盛時公既免歸而江陵始知公簿儀封不得志亟語
 客吾故不能陶鑄人
 論曰陳先生在儀封與先君子往還牘甚多大都自
 述其應對詆譁之語且曰凡吾為此甚苦耳諸監司
 嘗相與各叙援先生狀誤言衆口鑠金先生笑曰此
 非喻當是聚蚊成雷也其所述多如此先生在湏浦
 故當市門南出走松江之道頗囂雜故獨自愛吾廬

曰晏平仲之宅近市所環皆辦予以童子侍先生猶
 憶草堂後有幽徑西出則平疇曠然又折而西二百
 弓為先生壽藏也先生歿既久嘗與徐伯衡載酒脯
 澆墓下桃花爛然有薜蘿者從為作迴風舞醉先生
 歎歎掩涕而伯衡歿亦久矣

周後叔 始祖壽誼

周後叔字胤昌嘉靖二十九年進士授工部都水主
 事視權荊州政務簡戢商人便之既還朝時從白雲
 司諸賢飲刻燭相娛樂後聲蔚然遷屯田員外郎會

梅花直堂集卷八

三

楊忠愍公死詔獄公賦詩哭之怒分宜父子騎又爭
 世蕃道怒愈甚曰故不識此即何為者敢馳吾道又
 哭吾讐屬吏部傳會之謫武崗州同知武崗故有岷
 王頗驕橫下視守貳守莫能抗公至頗從吏御史繩
 之王不自憚而禮遇公遷金華府同知郡劇盜某以
 其黨負嶠而出沒為患害吏莫可誰何公令市魁佯
 闌入之若與通而陰勾其虛實往來伏弩射殺之殆盡
 一境悉平而是時天子詔訪異人四方御史銜命且
 至公逆之境揖謝曰郡僻小孝弟力田間有之實無

異人可塞上命御史慚為辭去滿三載考進同知為知府吏民歡呼相屬謂長有我君也而公以病羸意稍怠又與御史爭試事遂劾去公歸營東林蕭寺左養病賦誦年五十二終

論曰周之先有壽誼者洪武六年癸丑得年一百一十有六距其生為宋淳祐四年甲辰跨元及明凡三國十三帝而不肯仕改革之際兵燹數矣然竟無恙壽誼而後得年八九十者又復三四人皆無祿金華公起家二千石祿矣卒無年消息故有數歎公受易

梅花堂集卷八

古

歸太僕先生太僕之學不與濟南相通而公從弁州諸賢飲甚歡同聲相應然公故不引諸賢自重也曰足吾才分之所當得則止耳以故其詩簡遠精至自名一家吳老人者名豫嘗以裝潢給事金華金華愛其竹類太常數進與飲令侍者度曲公擊爪和之其音若絲小不諧輒曰若不虞周即顧耶然時已病止酒酌而玩之意亦欣然老人又言公細瘦不勝衣議論獨無所推讓即甚病不釋卷嘗語老人國朝爰書足可不朽公家蓋嘗藏嘉靖間大獄招擬幾二十卷

云

孟紹魯

孟紹魯字少魯由諸生升入太學修文輯藻思自奮于功名久之不售選光祿寺署丞諸丞光祿者醉醲飽鮮被一京銜以去而公意實為之惟慎惟勤雅為堂卿所推重世廟賓天荐襄永陵重事進署正隆慶初陪祀茂陵賜白金文綺亡何以疾免築怡老園賦詩飲酒其中聞義必徙見難必賙卒年五十有五論曰光祿公嘗行營高敞地藏父母而餘其旁可置

梅花堂集卷八

甚

數百塚以賙閭里之貧無塋者予視其塚旁壘壘如螺髻蓋迄于今里人賴之予舟自小虞口入江折而東曰張浦光祿公所居處也時旱舟格格不得行舟者曰孟公如在豈有是予予問故乃指示浦口蓋有孟公浚河記云其言曰吳淞江承太湖之水蜿蜒東下三百里入海左右之浦如百足江自甫里折而北行至崑山全吳鄉東為渚浦又為帆歸浦斜折而南入于渚浦江復東而浦之南出者其東為張浦又東為顧仙浦又東為諸天浦又東為同丘浦又東為新

塘皆南入于渚浦若為塘為淩為涇為汝凡若干所
嘉靖某年孟公出粟浚之凡浚河三十有四廣長凡
二萬七千六百九十四丈為工四萬九千六百用穀
二十有三萬九千勛是歲大旱全吳半鄉獨豐熟其
後疏通者幾百年公以賢為儒林郎里長者莫易之
恩周三族施于朋友必曰孟公予不載載其為德于
鄉者焉

張鴻 沈孝

張鴻字子賓方簡無文飾資性絕異即古經深奧不
梅老草堂集 卷八

可了者應口講誦無疑而家特貧不能具修脯走四
方與母兄居新洋江口讀書無晝夜瘦骨稜稜母勸
之曰吾觀人家讀書如捕風影而子貧又若是盍休
諸公泣曰亡父命之兒何敢忘于是與兄並耕隴上
貰酒養其老母促語歡然嘗挑燈夜讀同舍生倦睡
去公以燈檠投之油汗滿几哆口譏切如其師公即
耕隴上乎然豁達多長者游每歲動動荷笠負擔與
田者雜行城市間或過其友吳秀甫婦熙甫家輒馳
擔入縱談天下事往復搭擊無不酣暢遇非所堪目

直上視氣勃勃如怒仍擔而去既列衿佩久不能替
而廣文先生責贊甚急便欲捨去亡何病死其門人
曰沈孝字敬甫好讀其師歸太僕子賓先生文剩稿
單義無不纂錄嘗稱太僕之作是懸諸日月不刊之
書子賓如長虹亘天光芒不可逼視慎篋藏之終化
為龍飛去公貌瘦氣高無脩顏談論輒張莫能櫻其
辯嘗讀易乾坤之旨未解是義登埤擬望俯察仰觀
渾渾不知身何處所忽自嘆聖人象形果有此事學
者竟亦不敢請其說有言公于觀察且云太僕文多

梅老草堂集 卷八

歲公家公怒言者罵曰吾恐世人不能好揚子雲謹
其鍵必不出而世人誰不浮慕之者及我在也猶能
衡之脫死而吾妻子無類矣汝何惡于我乃盡殺我
妻子言者大笑心服其真好子雲也大梁王侯聞而
造之見壁上姓名累數百書而字形怒突不可解
徐問公公曰佃戶也歲不輸租即一二輸而粒無圓
潔者荼毒二十年侯立召田者責之輸且誠輸圓潔
免汝桁田者退曰吾固不知其荼若是我徒見每歲
輸租多着藍衣幘頭恨謝而入然公自是不復書佃

戶名壁上矣公為諸生不得志門人周詩顧懋宏顧允元之屬勸公應詔冠帶為進青袍革帶公曰嘻官人不緋耶笑而受之不復御公有赤脚婢小奚奴各一八與公雜語甚肖公既歿而人呼奚奴為蔡家虎賁云

論曰太僕集有張自新傳即鴻是已太僕言吳秀甫好獎後進心實好之不過一二人而自新為最大僕又言風雨之夜江濤有聲震動數里野老相傳以為自新不亡也吁嗟乎此可以知自新矣予故集錄其

梅丘堂集卷八

六

語系以所傳聞為張先生傳顧荅州靖父之傳沈先生尤為詳盡予多不載載予所見聞者太僕家安亭江去沈先生居數十里有疑必相質或乘夜徒步詣之太僕夜寢聞叩門聲特異語家人此必沈即亟延之公皇數語大慙彈指叩心再拜而出吁嗟乎世路浮汎行先生如此其忠且敬也豈易哉荅州嘗于傳端鐫先生像幙頭藍衣張顏欲語以為從先生好也

陳時 子延經

陳時字子行十歲能屬文語多艷發十六補郡學第

子二十受廩餼嘉靖癸卯再就御史楊宜試拔異等華學士察以山斗夙望典試南畿寘公牘應天府第二人學士意猶未愜曰留對大廷放此人出一頭地甲辰上春官罷禮部試學士怏怏公益下帷發憤摘鉛次槩務為沉博絕麗之文嘗因所親呈草學士學士愕曰將母病耶揚子雲作太玄何必令一世人不好而是時傳夏器在邸中跡公久不至私語人曰陳先生病免吾姑高枕作天下士矣未久公卒年三十有九子延經號雲麓幼讀父書傳即悲咽不勝每從

梅丘堂集卷八

七

塾歸就母寢晨光達于壁倉皇納履去既為諸生下筆滾滾不自休宏博婉麗有父風然不利有司試丙子已冠同考房又不果選人或尤之公曰藝言命試言文皆不達理道非持身之法屹不為動生平不妄交人已要必信樂為知己用而惡無禮如遇箭激嘗主葛運使綸而盡運使托孤以之終運使之喪公無不盡也葛氏子函金以進則公噉噉謝之矣曰若以其為乘金來哉公主于葛遂久嘗植木奴于章于庭圍後落其實而公沾沾喜語葛曰語有之為者常成

行者常至學問之道如此橋矣公既滿甲善飯健步
履面可四十許人病無爲于室則課孫用勛讀屬纊
前猶刻日而乙之若將遠行者坐而脫猶尸解也得
年六十五子其柱祭丑進士以慈谿令滿考封公如
其官

論曰先貢士嘗言祭郊之役楊御史測先生牘當第
一已難之曰故不如錫山尤瑛後彌贍也其測瞿文
懿天下才非解省之物如燭照然青衿生和墨伸帑
吐所自得而衡者之甲乙由御史受者之榮悴由學

梅花堂集 卷八

卅

士是遵何術哉雲麓公用先生之道督繩削墨簡練
爲揣摩何不至焉曾不得一當主文試豈今昔果不
相及耶語曰千里馬常有伯樂不常有如學士御史
豈易哉豈易哉

顧夢羽 子允元允諧 從子允杰

顧夢羽字舜祥自太學奔父喪隨兄躡踊不問所遺
已又取所遺讓其兄熊而獨身贅婦家婦翁金夏字
子大時爲中兵馬副指揮使力能抗御史獨心重公
委家政焉公爲金翁力家政甚辦益饒公又無所取

于金翁父之授四川鹽課副提舉將渡江江流暴漲
三老大恐公嘯咏坦然人問之曰此心甚夷江何能
險我既至僦民居而舍公意不無怏怏蜀留守都司
黃公快士也心知公俾署司篆公署篆惟謹惟冰蘖
自砥礪于時全蜀之民翕然望丰采矣成都缺倅則
攝倅華陽崇寧缺令則又攝令而諸所部士民歌詠
公如留守都司軍民歌詠公也考皆上上遷貳蘄州
守而刻石紀功德歲時歌頌之不衰公性長者能勤

梅花堂集 卷八

卅

苦而寬其力以調人從子烈貧死方暑而公年六十
餘會有疾身自含殮徹曉乃去親故難之其老友王
南隱曰凡公所爲皆如此其施于族黨者即此月二
三矣公有子皆貴杜門端坐亦時有剝啄聲或謂之
曰即公挾重而居間有司不可爲娛老計耶公笑曰
何能爲婆白首而失節即其不自愛獨不愛兒子輩
乎得歲七十有八考終子允元字懋善敏視方頓居
心坦惠不欲以惡語加人隆慶丁卯中鄉試詞藻品
格爲一時譽髦之冠然偃蹇公車七上春官登萬曆

丙戌進士第授甌寧縣知縣閩俗生女都不肯育即
育輒賣之操作貴勢家至老不得嫁公至爲諭貴勢
人必令嫁老婢而嚴罰其不育女者期年而嫁育者
以萬萬計會有疫甚厲公誠獄卒洗滌械杖潔掃園
土而又多設方略療之煎擇醫之良者行藥于市四
境全活無算公爲政務循理初用杖不過十後漸益
之至爲十者三而民稍稍有耻且泣曰使君豈固以
杖楚我自速戾耳大中寺僧苦徭不能堪公念僧占
役而使狼倉吏督之何不至焉爲設方略免其半僧

梅花堂集

卷八

之五

徭用蘇戊子分校秋試得士爲盛先是公才名籍江
左丙戌之役主司以謄寫模糊擬議未定時漢陽蕭
良有在事見公諱喜曰顧懋善今日第耶歸熙甫後
易有人矣議始定御史連三標上公治行當七閩第
一會上計遂持母服又一年暴卒次允諧字懋尹萬
曆壬午舉人終德安令從子允杰字懋俊父曰夢穀
早卒公挺挺自立名埒諸公間雅爲司理龍宗武縣
令程達所器重壬午薦鄉試已授興化縣教諭遷知
偃師偃師故有柳梢河夫二役民莫能支公爲徵其

償而雇役應之民以不困又偃當秦蜀孔道疲卒旁
午易爲盜有以尺縷半菽議斬者公心傷之夜治書
輒不成寢多所縱舍盜聞亦稍稍自戢有簿案一牘
罰粟十鐘公憮然曰盜以半菽論死而民以十鐘抵
罪要與盜同死法耳其仁心爲質類如此公細瘦通
眉恂恂若不勝衣而持論侃然不避權貴會分守不
善公別駕又從史之遂免官囊篋蕭然僦屋自老
論曰蘄州之爲長者何疑焉然能載其才而用之無
縱無怠至甌寧而民以爲慈母以爲神君所從來矣

梅花堂集

卷八

世

德安之政不能詳甌寧故有奴人老且腴矣外損家
政甌寧答之五而竟夕徬徨一室間曰夫不有縊道
歟夫老且腴矣質明使人偵之則呼偵者醉之酒甌
寧聞笑曰小人哉乃自忘其縊道而酒人然則甌寧
以其才後勁而行長者念也偃師自幼嘗見推擇於
蘄州卒行其志福邸之役力抗黃頭偃免採辦斯豈
負家範哉允元子天叙元城令孫錫疇已未進士

王執禮

王執禮字子敬十歲喪父外祖馬湖公過之指所居

問曰母子苦貧亦賣否公聞而有愴然之色翁顧語其母即非屋下人十七補博士弟子即弗與諸弟子群據案伸紙和墨聲擦擦几席盡穿嘗奏牘婦太僕太僕輒曰吾十年理學當以相與會胡御史行縣得公卷語所司曰吾寧惟放一頭地欲三舍避此子矣自是理學名大噪而公退然不色喜已酉薦於鄉計偕上春官不第益下帷却掃并日而進嘗語所親千古浩浩他日一登仕籍寧有畧刻可自恣如今日哉且病母老矣如是者五始登乙丑榜進士第觀政兵

桂苑堂集卷八

三

部大司馬楊公博濟世才也令部進士各就其鄉條上兵政所宜公上備倭議因以副本寄示太僕司馬得公牘喜曰東南有人而太僕亦寓東于公昔鍾將軍不識魏長史欲類此語矣是歲授建寧推官捧檄見母遂抵建寧未閱月而開府汪公徵賢否冊于司李公舉所知缺所不知者以進汪公甚喜公之有真心也而直指胡某縱橫問所知甚急公徐曰人才不甚相遠明府策勵而器使之皆可以為才即明府指數某某盡耳而目之耶直指意初不然久乃稱公縝密

臬司與鹽司較秤具輕重就府索之公公念此天下之平也何有鹽司獨重哉是必有說亟問之藩司曾為戶曹者藩曰有之鹽具獨重故祖宗征商抑末之意也公馳白臬使兩司疑立解一時推公持重云公即持重乎乃直指意終不然公量轉南刑部主事尋遷北曹既三年贈封父母如其官即上疏乞終養萬曆壬午服闋轉儀曹尋陞尚寶司司丞丙戌轉光祿寺少卿戊子轉大理寺寺丞己丑以五品考績還家陞應天府府丞公在告十年官陪京三年未嘗一日

梅花草堂集卷八

廿

釋卷每有讐校按甲證乙筆墨紛然雖復亂抽卷帙觸手而是未嘗浪擲光陰苟安疑義而十年養母醫學尤精即編戶下走請之必得容至命奕或強子弟戲為之勝亦欣然其于世味泊如也得歲七十葬小虞里東賓之原

論曰予嘗謁京兆于清夢軒中即隆冬盛夏必手一編乙其處而後進予與語否則聞落子聲續續耳京兆子好古亦長者于世多不可自言其小時從京兆觀奕目不能及案為設兀立而籌之時先京兆

輒喜好古羸瘦甚京兆活之後亦知醫如京兆京兆
更大喜也好古作京兆狀纚纚萬言不具載載前輩
之流風非復後世所有者亦可以知其父子之遊矣

俞允文

俞允文字仲蔚隆慶間永嘉王叔果觀察吳中呼仲
蔚徵君人稱俞徵君云徵君早慧而父評事璋之棄
徵君也徵君甫十三毀瘠踰禮所遺產不當中上徵
君奉大母陸母王侍兄撫弟一如成人十七補博士
弟子著俊器重之而徵君獨好爲古文辭多讀六朝

梅花堂集卷八

其一

以前書久之兩母繼歿上書學使者胡植謝去其諸
生使者許之而意甚憐其才俊徵君於是發書晝夜
讀日不能三食則縮其一已又縮其二徵君怡然自
喻適志也而所賦五言古進薄建安退亦不失陶謝
矣歌行騷賦無不古人徵君或善楷而書之篆隸雜
然直入褚河南米襄陽之室然不自矜秘來者勿拒
云徵君豐顙巨準秀目眉劍脊飄鬚若神中歲病頭
風初冬御毡褐披紅罽衣或加貂馬而讀書不輟甚
于諸生時徐子與張肖甫之徒後先使江南無不願

下榻徵君而王元美常語人吾家世吳中乃以新安
汪伯玉故識仲蔚幾非人哉徵君子伯安瞽廢後遂
絕

論曰汪伯玉云仲蔚名傳者也非傳名者也其說信
然元美爲俞仲蔚誌以文徵者月至焉以詩徵者日
至焉以字徵者刻至焉而晚歲忘其年交張仲立薛
君淑夏士琰輩多設枯魚麥飯相對竟日其風不可
及也先哲吳秀甫嘗以徵君詩示都進士元敬其詞
云黃鸝飛過江亭暮欲語不語顏色苦岸高青草叫

梅花堂集卷八

共

梁辰魚

梁辰魚字伯龍長八尺有奇踈眉目虬髯曾祖統父
介世以文行顯而公好任俠喜音樂多飛揚跋扈之
氣不肯俛首就諸生試作歸隱賦以申其意御史弗
聽勉游成均竟亦弗就乃行營華屋招來四方奇傑
之彥嘉靖間七子都與之而王元美與戚大將軍繼
光嘗造其廬樓舡舛樹公亦時披鶴氅嘯詠其間或

鶚冠楊裘擁美女挾彈飛絲騎行山石曲折上下不知者以為神仙去公性善酒飲可一石大梁王侯請與決賭左右列巨觥各數十引滿轟飲之侯幾八斗而醉公盡一石弗動時有梨園數輩更互奏襍調公濟而和之其音若絲無不盡態侯大笑樂謂伯龍之技如香象搏兔具見全力如此所製唐令宋餘元劇乃至國朝之聲多飛入內家藩邸戚畹貴遊間千里之外玉帛狗馬名香琛玩多集其庭而擊劍扛鼎鷄鳴狗盜之徒乃至騷人墨客羽衣草衲世出世間之

梅丘堂集 卷八

廿

士爭願以公為歸公巨口亮節據床東嚮坐自奏其製如鳴金石與巧喉倩輔相荅響不差毫髮或鷄鳴月墜烟粉消落其神愈王華亭莫士龍知公好戲為具綵鳳風箏公令健奴數十輩就大野駕之風道日薰歌聲相屬有百鳥盤旋其旁公亦大笑樂甚謂聲音之道固與天通昔重瞳子奏箏韶而鳳凰儀豈虛乎哉嘗除夕遇大雪既寢不寐忽令侍者遍邀諸年少載酒放歌繞城一匝而後就睡曰天為我輩雨玉可令俗下人蹴踏之耶時年已七十矣亡何中惡語

不甚了有老奴李周者頗省其說尚有注記得歲七十有三
論曰吾鄉自顧仲英輝以風流豪舉特聞勝國之季蓋嘗反覆玉山草堂集而傷之意情與境相值無如仲英者後百餘年而有伯龍氏豈其後身耶何天放之肖也丈夫不得志縱帙獵奇擁姬酣卧秉燭行游皆足以消耗其日月然不得其所與俱吾將安倣如草堂之勝正賴河東張翥會稽楊維禎天台柯九思永嘉李孝光羽初張伯雨于彥成琦元璞諸人相與

梅丘堂集 卷八

廿

舒發志氣而伯龍游七子仲蔚九範靖甫仲立君淑或千里神交或同堂笑語其高華覆為勝之矣吾鄉人物莫盛于肅皇帝之朝即賦歸隱如伯龍無不得直行其志令後人徵實而論其世也

朱景運

朱景運字際甫文曰希陽嘗官閩浙間有幹局為時所重公生而好學有文性醇謹進止不踰尺寸從父恭靖公深器之試有司輒高等顧獨難一第年已艾陞為國子生萬曆丙子卷在魁選中遺錄策對仍不

第乃謁選人得浙江廉訪幕時兵變甫夷餘氛未淨諸郎多唯諾受成事公獨叅伍便宜條上之試輒效嘗與慮囚使者多平反使者心重公舍已從之有以美妻故陷為盜者獄久不決公詢白之民以為神亡何遷廣南幕府公慨然曰吾捉鼻貲即間稍為所欲為乃貲即故不可為耶遂解綬去先是閩浙公故有賓王堂宅山之陽時松菊已蕪公稍葺之昕夕味道其間嘗經歲不窺戶後生輩無識公者獨故人謝紹慶黃門張棟孝廉歸子慕時見款接相對語亦不數

梅花堂集卷八

廿九

交諸英俊從其子弟游都不得望顏色有鮑生者嘗從門間窺公見公衣冠皓偉儼然危坐良久曰人故可以前知耶生故莫測所指也楚黃樊孝介雅重公造請賓席出語人曰故不意今日見三代以上人後有別駕固賓公公一往道路擁觀竊疑非今人也得歲八十有三賦詩謝故交端然而逝無一語及身後事云

論曰憲幕公嘗以其子幼完執經于予予幸侍公者再然都不得數語其語無不可書諸紳也公伯子隆

棟又與予為顧氏僚壻每述公迎母武林官舍事間關服勤道亡欲絕狀又傳其踰父喪閩浙公為孺子慕也世人輕言孝友如公之敬兄厚族恒自處不競之地故乃可重耳孝介之稱三代人物豈虛哉子完體公之志勉構賓王堂於故址即以其旁祠恭靖公而棟特貧然事親惟力是竭喪葬無悔又能追景世德補輯家訓熟諳其家祭酒之所不能詳嗟乎人故必以勢位富厚為善繼述也哉

曹治道

梅花堂集卷八

卅

先生居葛業之里嘗自號葛里云姓曹氏名治道君明其字其先世孝弟力田環葛業而居姓無殊者父守愚始治經生言不售以屬先生先生推明四聖之易抉摘深隱自闢徑路而御史某將倡高唐生言於大江之南江南生以帙重難之先生奮曰優優大哉不學禮無以立請以期月習之習之期月荐高唐生上等諸習其說者目矚先生遇諸塗足弗前而故所雁行先生者方元儒解南省先生喟曰吾姑落其實思魯猶其華夫將碩果吾耶時方年少意殊倘侃而

先生故非徒功名富貴之士取捷一時益務明經術無怏怏久之而張副使憲臣又以高唐生言冠禮部試始稍稍厭儒冠樞須排五字自快而先生夜發書得故所藏問奇之脯度可為大家買田築室將自老菑叢之墟矣先生曰噫用吾之寔華可摘而敷也乃教其子昌期讀父書昌期讀父書不及則使自為家而家方饒則有黠者嚙其產而中之徐先生弟肩與校也或謂先生君多長者游何不間先生笑曰禮不間然則盍自請先生曰禮不請先是先生有宅一區

梅花草堂集 卷八

四

堂廡相向砌盍相紛竹石果蔬相錯如綉昌期困于徑日月割焉乃及于股先生儼坐于圭間寒沁半壁香達戶外課其孫銓鑑治高唐生言無異曩者壯盛時銓穎脫鑑亦露頭角而先生內自計吾經術在茲不恨矣先生神宇清徹面微黑雅步冲詞為一時塵談之冠初守愚之棄先生也粹有弟斷順皆飲食婚娶于先生斷天撫其遺腹子子長不自知其無父其後孫鑑死撫孫婦諸卒成完節君子謂明禮之家可與立曹先生有焉

論曰有高先生者名幼安其學禮為會稽陶氏所矜式然多稱曹君明相嚴重吾鄉之禮教自曹先生始也學者習其言而不察家自彬彬矣銓之後為景夢益熾其業余侍曹先生識其所與游如陳吉甫沈達之周青嶼王豫章之徒皆一時大家先生般之無牢騷寒峻之氣晚歲苦貧卒愉其志豈惟經術在茲蓋其婦沈能委曲順適先生之意無令知困乏今亡矣夫

梅花草堂集

卷八

四十二

梅花草堂集卷之八



梅花草堂集卷之九

吳郡張大復著

後學汪中鵬補

皇明崑山人物傳

顧章志

顧章志字行之為人簡要精爽饒幹局然多慮慎之性嘗令不盡其有餘嘉靖丙午鄉薦癸丑成進士授行人司行人奉使南粵還朝不名香藥執政目異之改司副尋轉司正公故不以清局自間講讀律例謂是民命所關他日當任恐遂不及精其說遷刑部湖

梅花草堂集卷九

廣司郎中讞決平允每出爰書為西省郎所欽矚擢守饒州饒瀕湖多盜其民悍而好鬪公至之日訟牒填委勢不可解黠吏窟穴其中稽違萬狀公平心鈎校凡三閱月召吏立庭下清問所由吏莫敢仰視乃桁數十人重法三四人庭無滯獄其後待訊者不賈糧以為常每語屬吏吾不欲令人溷若縣庭若慎毋怠我事即事有不便縣者吾能得之上官亦弗以相溷以故諸吏奉職唯謹七縣宴然浮梁故有景德鎮陶利被天下五方之亡命藪集之其地又與安仁二

縣相錯小有睚眦即依岨而鬩忽一日彌聚千人勢叵測而公適視供器來就輿占檄喻以禍福利害千人立解散且相戒曰慎毋犯顧使君使君實生我在饒四年每直指行部輒墜馬鞭趣過饒言饒政可無問尋擢湖廣按察副使舟過九江毋恭人見江濤而有顛色公即乞養歸凡六年補廣西尋進貴州參政又晉廣西按察使明年丁丑子紹芳成進士選讀中秘書懇疏乞休家居又七年歲癸未天子詔求遺老公以原官補山東未久陞南京光祿寺卿晉應天府

梅花草堂集卷九

府尹尹尊官而得行有司之事他尹多持大綱示貴倨而公尹留都一如在饒州時事至纖悉莫不躬親曲筭其便諸曹有私會同館馬者馬日疲耗公悉勒還之不敢避怨乙酉陞南京兵部右侍郎時方考選而郭尚書卧病請公肩其事朝論翕服會應詔陳言公言留都馬快舡為中貴人上供所需歲編甲而役之十九皆環衛之戍猝遇差遣夕不留行已極疲瘁又時時有所摧剝則傾帑以供無厭不則棄伍走耳又不則自盡死以故戎籍日虛畿輔大困甚非所以

廣子惠而固根本也夫力分則行之遠利聚則趨之衆臣請如馬舡例凡役于船者俱用募以充而稍益其直又須縮舡額就之大約費可二萬五千金米三萬石今衛戍之願輸者已得萬五千金又願除額給米二萬石朝廷但捐金四萬兩米萬石以佐之而紓其力則費小而所惠甚大爲豐鎬萬年之利便疏奏上從之遂著爲令公又以事關禁近恐他日從中掣之成功易毀也又疏重事權明激勸嚴叅罰豫會計四事以圖經久上又從之亡何疾作卒于位詔贈都

梅花草堂集 卷九

三

察院右都御史

論曰司馬公歸喪出都門衛士馨爐哭于道頂相擊也蓋百世之利又陳四事以固之宜其爾矣公每料理治行輒言不及治饒快人意至筦留鑰貽書洗馬君吾暮年出山斯舉差可不負云凡人精力所際必有深入之事公去饒二十年饒人小不便輒思公此其際難言之矣公又言吾守饒祇謁官長至即告歸不候伺而官長未有以予爲簡者以此知世之謬爲苛禮者政不必然凡公所爲簡要斬截大都類是而

談言微婉中事卒發無非國家大計殆所謂知幾之神者海忠介嘗撫江南務達民情不避強禦既掌南臺與公並輿而出民猶赴訴不已公徐曰若無溷海翁今非撫巡時矣忠介默然感公之諷已也丁丑星變江陵奪情事起或謂公國家無金革之事何得爾意臺省必有言之者公曰即有言必不出臺省何故臺省久受樊絀然事出非常民之秉彜必不泯滅其後臺省合疏請留而直言者五人皆非臺省卒如公言有以舜亦命禹爲試目者公愕曰漢冊董賢爲大

梅花草堂集 卷九

四

司馬有允執厥中之語蕭咸知必有禍至絕婚姻今何爲者耶至甲申主司被論幾陷不測世人服公之先見如此然莫能詳至其孝友天性宦成髻改無異寒素中歲悼亡怙恃洗馬抵足而卧爬搔而起又何恂恂醇備饒內行如此哉劉文叔有言吾治天下亦直柔耳司馬公蓋庶幾焉

徐子英

徐子英字韜仲質厚耻藻飾與人不設城府而內自澹狎不易事居恒好讀諸史輒能憶誦其文畫卷無

脫誤嘉靖壬子薦于鄉公不自喜慨然欲得一當快
生平自期之念而偃蹇公車至老不售每落第輒屏
跡舊廬非公謁不入城市歲時伏臘與野老均席耻
人稱貴人萬曆己卯子維瀛領薦迎公新第與親故
周旋五日趣舟而歸曰吾崑斗大城乃又另一世界
耶吾既不能從諸君後僕僕造請即冠服奇衰務為
講張相艷耳吾不欲觀之矣時年已七十猶復讀書
不輟祭未率伯子偕計上春官神情慷慨然無伏櫪
之悲偶小恙不入棘猶課所試目示人曰吾力猶堪

梅花草堂集卷九

五

一戰乎否耶既歸未踰年而卒公事母周盡孝母疾
革時欲有語不得公泣請曰將母第未立耶兒幸自
活母憂第也趣推所受產界之相與共有無終身勿
間
論曰徐先生斤斤長者長身古貌頁有癭如杯人或
睨之輒曰木癭是病而世以此貴于君何如蓋先生
善戲不虐能為月旦語刺褒一切物無所遁其質任
自然不與世俛仰天性也善乎顧宮贊之志先生曰
自世道交喪士一挂籍公車即鼓其氣力援納長吏

漁獵同里以自封殖衣食之欲恣所美好異日所以
待國家之用者夫非斯人歟而以冀其砥節首公名
實中竅毋亦樹表曲而責景直乎如先生拔足于風
靡之外此其中疑有以過人者假令資適逢世即個
儻非常之業未知何如其于坐鎮雅俗恢然有餘矣
而又不幸不及一第以老悲夫

秦霑

秦霑字光甫頤皙凝重疎眉目好讀莊周司馬子長
書喜談經濟推陸贄年十二避父讐自上海九團鎮

梅花草堂集卷九

六

徙崑山依族兄東城居十七補崑山諸生而族仇必
陷公父具大獄御史有入于仇家公囚服白御史御
史怒杖公十五叱之出召府吏取狀事叵測公覺急
詣府捽吏而搜之得病狀公拳吏故使府君聞則府
君者已庶其事矣公白府君曰父具獄非法也今又
不死獄而死吏如天道何且御史不念其為父請而
必箝其口視吾父三木囊死耶言訖淚蔽面目眦盡
裂府君入白御史得持獄明年慮囚使者至公又挺
白使者卒從末減云公既白父獄再補諸生則寒暑

七變家與書俱蕩矣而公春秋義最高登嘉靖壬子鄉薦屢厄公車華亭徐文貞在政府與公有連頗諷公就選相與了經世志公謝不敢每過華亭輒聯席竟日夜談多朝廷大計無一語自及鄉方伯顧公圭亦時寓書華亭托公言江南要事八世莫聞知時見施設華亭知公嚴冷亦不復言謁選事又十年辛未鄧文潔元卷出公愕曰將遂已耶始謁選令閩之德安民久中倭多流徙公至首覈戶冊均徭稅積穀訓士繕裨政為八閩冠時訪李晉江廷機山中深相結

梅花草堂集卷九

七

納會持母服既闋補令寧陵有大盜剽攻發塚得富人屍以要其家弗遂則磔而暴之野更兩令不能得公立捕得之一縣凜凜縣故多屯田壤接睢陽衛睢陽老兵謀侵地而移賦于縣公嘆曰寧有是耶民倍賦稅之輸而軍享不役之利乎挺入兩御史臺請丈勘明豁縱不歸畝于邑亦宜辦糧于衛兩御史臺是公議而屯田僉事某者婪吏也嘗議斂饋于寧陵公不聽以是故兩持之公悒悒不樂俄得疾治事如平時公歷兩縣所遇他務皆立剖獨至獄重持之不已

曰嚮者父獄起吾仰視堂上人以為人耶而狼虎國家奈何以民命付狼虎為今吾坐堂上庸知堂下之不狼虎我也脫我萌忮而一家哭矣以故公所至負嚴明聲而不殘公病踰月卒不起得年六十子伯寅字汝敏仍原籍為上海諸生有文行疾卒

論曰寧陵公為予先興業壻既白父獄從興業居丁涇口夜簡練納兩足甕中縛燈於几而書之已輒大慟蓋痛其父閻雲公云寧陵既歿數十年予族子小販寧陵見父老瞠瞠持香舁一塊輿入寧陵祠問之

梅花草堂集卷九

八

答曰予寧陵父老也以便君屯田之義子孫相保朔望賽而哭之至于今勿絕王弇州銘寧陵墓其詞曰再為令而稱良能使其人尸而頌諸以為達則不足以為不達則有餘世稱確論焉

傅遜

傅遜字士凱其先嘉定人世居黃浦東東族忮悞而先生慷慨多大略不相服習徙家崑山仍為諸生嘉定晚用歲薦起家任嵯縣訓導遷建昌縣教諭選傳河南王終老于家公長八尺豐頤廣額眉目有異晬

兵明習當世之務尤好讀左氏春秋嘗倣建安袁桓
紀事本末體作春秋左傳屬事若干卷上自公穀暨
張賈劉程杜預而下亡慮數千家無不纂集每書一
事必具首尾其成敗始終盛衰離合抵掌可盡而雅
無所左右袒于宋儒之論鉛槧家習而安之嘗語人
自上視下者不竟未聞登泰山可見城市蓋忽之也
讀書之法登高自卑則古人之味愈出否者驟飲秦
漢後習宋唐鮮不木蠟棄之矣蓋公志在春秋深入
其奧故云公居江東時家素封蒼頭可百餘人每有
梅花草堂集卷九

梅花草堂集卷九

九

秩宗過先生盛氣不相下至語邯鄲夢覺猶侃侃不
肯然其說壯哉先生部勒家人必以兵法晚署岷縣
輒用懶罷孔子曰爲趙魏老則優不可以爲滕薛大
夫夫先生豈其人耶

王逢年

梅花草堂集卷九

十

王逢年字舜華五官秀骨稜稜起顴頰間丰神愈
出行如御風嘗著淡黃衫冠鵝冠捉麈談詠見者不
知爲世人也手不捉秦漢以下書好讀離騷漆園列
禦寇汲冢天竺真誥諸篇而心慕司馬相如李太白
之爲人雅亦多臨邛之遇令給事捧硯而已去不復
省 肅皇帝尚玄脩表文榮棫書幣倩作青詞上之
公蒼書君以時文得官以玄文得相何知古文詞而
溷浮丘丈人爲輒辭去時王司寇逮繫獄底公往哭
之詞者曰夫夫不常哭三楊者耶趣緹騎將縛之公
嘯詠都門題壁曰予無當世交攬結千載心騎見公
貌而喜公去不顧晚歲結廬河渚初學爭就之輒與
縱談盡一日許貴勢人間往弗屑也公家世青紫多
著書都不關念獨從子衡璿裔孫在公造之呼爲爾

汝交予生不善病忽命洗更衣抱所書般若經奄然而逝得年七十五公著書最多所藏有文統百卷為好事者傳寶之都不得全學書十九體必歸晉法故嘗自號小王右軍也

論曰王先生好眉目晚年彌秀觀其臨池作字吐詞飛舞何必減李供奉歎唾落九天隨風生珠玉哉予猶憶其臨化詩句自識前生紫蓋君當不誣也海虞錢翰林謙益得公書意欲傳之其人即未就其不沒沒無疑耳

梅花草堂集 卷九

龔起鳳

河南杞縣令龔起鳳字瑞周崑山人以太倉籍中嘉靖戊午鄉試壬戌會試中乙榜授定州學正而州守故謫官甚貴倨欲以屬禮見公公怒曰博士不屬守即貴何屬為守莫能抗河南秋試檄聘公故事學官在聘者就監察考第之而是時顏御史鯨監察河南將第公公持不可曰禮聘來者師也師可試耶御史心然之而怪其驕抑為同考官既入簾與御史恭論甲乙所拔多雋士卒重公頃之以薦入為大理司務

廷尉王其令司務徵免役錢甚急公穢之弗與徵廷尉怒答公隸公亦答堂吏相持甚久又不肯詣廷尉謝廷尉乃自劾并劾公無堂官禮冢宰直公而答堂吏非法乃謫公嚴州教授未數月遷杞縣令公至杞遂上而巽下務直行其志杞囚三百人多寃者公訊得一夕遣之留者十二人即司府勾捕執弗與及他穢有弗便者率罷之具牒覆報而已吏持不敢署輒張目曰乃公自為之何與奴事歸德府李豪殺人賄其令脫死監司檄公往訊之將入界令謬為恭謹囁

梅花草堂集 卷九

三

嚙囁公而使吏持鐵千以進公大怒以囊提吏額流血被面而去卒伏豪辜縣故有馬夫價五百金他令固有之矣公令貯庫供往來繹騷之費至今賴焉公在杞自月俸外即馬薪皆付公帑日出銀二分付小史具飲食所從兩僕人不勝困皆遯歸官舍蕭然每夜自闔門撲被而寢當其御史之行縣也冬無爐炭御史自取錢易之以諷公公偃蹇弗為動召太守語公曰按君嚴重可令坐折脚床耶公曰此瑣事令何從知之監司皆掩口笑御史用是整公欲微公陰事

不可得乃論公不及詔免其官公既免官歸壁立耳
又易之償夙逋而自處荒圃中引小學教人伊吾敝
輿自給然多不繼鶉衣蒯履綫蹊新故屬也公故處
之晏如每料理居祀事自謂無悔于心云

論曰龔先生清強有守凜凜修處子檢押之行而不
可令見不善如含瓦石必盡吐之爲快也蓋自其少
時與張太守振之共砥清操凜乎如秋霜夏日不可
狎玩而太守亦時時諷先生好怒易發言然其天性
不可奪矣王文肅錫爵過祀問宰夫龔令何如宰夫

梅花草堂集

卷九

三

曰令誠賢其去者寃也因道先生治祀清白狀蘇蘇
泣下嗚呼何有令人涕泣悲惋于數十年之後而其
才不及者耶予嘗往來金潼里渡錦涇有墳鬣然而
後漸夷也訊之故老故老曰此故閩清廉令龔公瑾
字汝器之墓蓋撤屋爲之而今不可保矣悲夫及攷
龔氏家乘汝器是爲祀令族諸父祀令歿時家貧不
能殮里人爲之謠曰欲爲清視龔卿嗚呼夫其爲龔
氏之世謠也哉令後人動色相戒廉吏安可爲也悲
夫悲夫

朱熙洽

朱熙洽字鴻甫十八試諸生第一尋受廩餼銳然有
鷗鷗橫秋之志已復連蹇不得志于有司公益敦尚
名節務貫穿爲經世之學積三十餘年歲薦中萬曆
癸酉鄉試明年甲戌成進士除湖廣潛山縣知縣潛
故土城當漢水建瓴之勢善崩潰法宜改築潛四封
與隣境犬牙錯故有藩封洎軍屯又別隸各河泊所
爲漁課宜清疆界公到潛臺司築城之令甫下計無
所得鏗公意欲令出于田而田在境內者課多輸于

梅花草堂集

卷九

四

旁州縣漁之賦僅當民田十一豪右乘貧民求售而
邀之往往以民田約而以漁田劑故多田去而賦存
焚不可問公曰嘻吾知所以築城矣爲設方畧請之
當道而清田之議興或有止公者曰制三歲而一令
寧無有念者銳意剔抉竟于逡巡而止則大姓之捍
令多而犬牙互也已乎公奮曰潛之田不清將戶益
耗賦益虧是潛爲無民而朝廷無潛矣會有檄公加
丁以繕城者公曰嘻潛民已病矣加之丁其何以堪
吾清田所以築城也乃屬里宰照所上方略履畝而

溝封之其屬諸王府者為軍之屯者按所籍記歸之
 又以漁課歸之鄰而民間之田盡出因令民得入貲
 自占積蠲至萬餘四閱月而築城之役竣尚以其贏
 代償逋賦若干初潛之民亦有以清田不便擁馬首
 譁者至是帖然以服辛巳陞南昌府同知適五開眾
 囂調辰州丙戌陞刑部員外戊子副考廣西陞口北
 道僉事己丑調福建海道辛卯陞本省參議壬辰陞
 貴州副使公才識練達饒血氣嘗語人吾三日不視
 事則神不疑一日課數十事而手足矜奮腰膂有力
 梅花草堂集 卷九 三

年八十三考終

顧永慶

顧永慶字子高長身巨準飄飄雅步詳視軒軒殊出
 人群雖復歌舞雜遝整襟危坐盡日無歇側之容幼
 孤貧學于外氏沈從憲副周先生美說易抉摘深隱
 稱上座弟子而與朱廉訪熙洽為切磨文字交即才
 名相埒弗敢先也偶有摘次應聲從之學士執經來
 者大畧與廉訪等或子弟驕惰即壯朴治之不少貸
 時就遠方聘一歲不再省館海上王學憲圻十年不
 謝至白首猶稱顧先生云公會文切理有根據七應
 京兆辟不第將歲薦子秉謙領鄉舉遂自謝去奉詔
 梅花草堂集 卷九 六

七十六考終

論曰先生嘗主予萬卷樓予得侍先生再閱歲禮文
 相先如一日也每旦起必攝衣冠拱揖週視諸生所
 課義目微輿輒喜謂天下事須從難處超始有力
 見意思怠漫者莫善也常曰日出事生後悔何及遇
 子弟所游處或不善嚼齒過之矣先生以子貴衣緋
 衣腰帶其所稱說猶如是處貴不驕為善日益其先

生之謂夫

潘蔚卿 從孫士元

潘蔚卿號玄山巨首秀目饒膂力能舞偃月大刀臨射絕衆家貧怡聲奉母遂遂如鄙人母小恙輒抱持以行嘗偕友人讀書玄墓山中鄰舍生爲巨蛇所噬破吭死公聞欲除之時梅雨廉纖望見林薄間有物盤據如大墩山僧搖首吐舌戒毋近公知爲蛇也提刀赴之蛇昂首向公故旋舞數迴奮刀斬蛇斷其首首落飛越上垣中犬犬立斃公又亂刀斬而炬之玄

梅花草堂集

卷九

七

墓山遂免蛇患甲寅之寇公提兵斬獲甚多嘗貫數十首級上功幕府語狀幕府抑之公怒遁去乃陷大澤中大澤中寇方煬竈治飲公奮刀盡殺之血濡墻壁間有睨視叢篁間者公又殺之提刀而出不復斬首歸太僕聞之呼爲潘將軍每北上多載與俱亦嘗殺賊數人徐沛間晚歲種瓜黃渡輒令其子擔過友人家短葛蒯履侍飲食公意恬然年七十餘考終從孫士元字長之生有至性母嚴得末疾苦俛仰公起卧抱持閱二年如一日無悴容母死毀瘠伏地喀喀

嘔血家又奇貧未嘗廢禮父質夫故長者好客喜奕公盡所得問奇贄爲設具不給則賣金償之母令知乏絕如是者二十年御史甘公士价知公賢語縣大夫調之立償人殆盡嘗貫酒忘償召姬與之姬知其且盡也不肯納曰姑徐徐爾公笑曰姬以其爲負金即耶必與之而後手碎金語所親煩製一綿布禪時歲且暮猶生禪也始知公善貧如此公喜說詩學者日進名亦籍籍黌校間未嘗至公府得年四十六附葬東一保祖塋之穆

梅花草堂集

卷九

六

論曰潘將軍好相人喜讀照膽靈寶達磨麻衣諸書嘗爲人言之津津不置人言將軍畏鬼有相怖者輒據床疾呼其母色大恐而提刀陷陣何烈烈也將軍蓋菜子之徒故爲啼笑以歡其親者耶長之慕義亦時有勇壯之色孝友天性都不減其宗老潘將軍宗老亦絕稱之考潘氏其先汴人宋學士炎隨駕南渡卜居崑山十三傳曰敬洪武初以賢特聞所謂節毅洪潘家者也敬數傳爲彥編彥編生澤南昌教諭澤生麟麟生文燦字質夫將軍之子隱于種瓜長之三

子一為諸生亦善貧無他謬舉

陳淮 陸懋

陳淮字禹治父周嘗仕為新昌令改教青州歿于官公持父喪歸里遇盜青徐間挺鞭為的目攝公公抽矢擬之滿引不發盜歛騎而去當時年少號武健者傳說公事公心獨喜自負嘗操筆為文章滾滾而下時仰天投筆狂叫曰嗟乎哉男子無殺非義所安會須搗截陰山取封侯印繫肘後先新昌據案朴人必障其面殺之時義請以自屬矣會甲寅寇至蠟起驚

梅花草堂集 卷九

元

集殺人如麻公請授甲杆東城則東城賊梯木奮刃內向公服鞞弦弩連發連斃四人賊為辟易轉關南門則公又杆南門隨所向又斃其二人賊勢小沮城中軍人人自奮武健諸少年號公陳先鋒且必後勁而文墨吏謂書生怯矢石令守陴公恨不得一當意常怏怏明年流賊五十七人皆酋長梟悍莫禦自上江突留都轉走東下入蘇之西境靈巖山公聞奮曰致命遂志此其日耶跨馬提偃月大刀率領家丁詣督府曹邦輔請以書生自効督府壯其氣授藍號信

幟督領嚴家兵為奇兵衝突左右陣未集猝與賊遇公揮刀馳之接戰甚力同事者不策後應遂遇害家丁吳循文瑞來祥死之越二日得公屍于亂骸間色如生婦翁孫雲從弟王道歸櫬于邑東南之蔡巷後三十餘年遺生子應期舉鄉進士上疏請恩賚其畧曰臣應期昧死言臣聞之以死勤事合在祀典陣亡首功當蒙廕例臣父世無剖券責非死綏方作養于膠鬻未膺委乎城社而義勤君父仁惻鄉邦賊賊為期捐軀不惜叅之國典禮合優崇竊見先年省祭孫

梅花草堂集 卷九

十一

鐘近日僉事莊用賓第生負莊用晦俱以征倭陣亡得蒙贈官錫廕臣父比前二臣雖職守不同而以身殉難義無優劣宜得照例蒙恩上可其奏兵部下所司旌其門仍立祠祀焉
論曰初陳先生倡義時邑有陸懋者字邦美其姊嫁蔣氏而父特愛更相命也賊譟西北城邦美適在城上見蔣氏姊與其夫為賊所執將加害邦美瞪目不及維突城而下跪泣請曰殺吾姊必死吾父幸見殺為姊代即父心傷不死也叩頭踏地不肯起賊意感

動釋其姊姊夫而令邦美擔邦美睨其姊之去稍遠也提擔而朴之踉蹌走田間賊嚼齒逐邦美滾滑賊顛仆怒益甚而邦美走叢棘中棘傷其足遂遇害身與首異處矣邦美兄愚慟哭睥睨間亟識其處按所衣禪襦得之而髑髏累累糝糊不可辨兄慟哭曰是吾弟邦美者死眼當開有髑髏眼閃閃動與頸領合遂藁葬城西嗟乎人生不幸罹禍難忠孝乃見如邦美兄弟姊妹之間可傳于世恨無有氣力者振之陳先生烈烈而生烈烈而死旌門建祠人情謹暢嗟乎

梅花草堂集

卷九

北

人生有子有美必彰蓋可以忽乎哉

何天衢

何天衢字道亨其先汴人祖貴三公徙崑山數傳至其父鉞領賦敢任怨不調于諸賦長徙常熟生公十二能文章以其業跡外家翁魏恭簡恭簡目爲清才已從其婦翁周見梅訓長興爲徐子與所賞識旋補長興弟子會清籍告歸崑山聲名愈噪督學趙御史薦爲第一始授餼文高幾三十年超薦太學謁選授太平司訓五載遷諭鹽城未任而歿得年六十有三公白

哲秀眉目胸次開霽劇談輒大笑聲出金石與人坦易然有特操不能以言徇物訓姑孰時受知蔡御史夢悅將薦爲京朝官會有持之者竟不與剡或爲公言之公笑曰幸不以其名溷使君豈人力哉公少更轉徙壯還故鄉多賓從戚友之歡談必願解其父子之游若更爲命天性也晚居姑孰時見戚容識者憂其形不逮矣孫夢得字原錫性明豁如其祖多勇壯之色垂髫游郡庠郡庠士無先之者然試棘闈輒不第中歲貢太學又首其太學生又不第年五十選訓

梅花草堂集

卷九

北

新都會其父蒼梧公卒嘔血扶服骨見衣表未期殁論曰新都公居母喪予往弔之聞其爲孺子泣不成聲謂何氏孝友之性固然比喪蒼梧公而面黧黑其音內入幾于有人無情矣豈病自內生所謂死孝者歟鹽城公爲姑孰而頤歛憂其所與游與新都何以異焉丈夫生不逢世退欲歡其父子而不可得于人世何如也悲乎悲乎初姑孰公擬選新都行或止之新都公既得之矣又不果行范忠宣有言此亦豈章惇所爲哉尚論者故可以爲一笑也

張士瀾

張士瀾字心父敏穎無人學古惟肖嘗為上舍生與海內賢豪士遊慨然有騏驎千里之志再蹶秋闈遂息機用惟幽討自耽隨所覽涉務窮其奧必令了然于心手然後滿志其于一切世味泊如也偶感家釁盡橐相與獨提先世千卷自衛曰此中何所不有而必以貲為釁者又避去其賦使公身之公自是家徒壁立剝啄萬端日手一冊伊吾床第間即督隸盈庭勿問也會島夷焚掠煩賦益不可支又中讒口乃擔

梅花草堂集

卷九

三

笈走建業僦屋居之不蔽風日男呻女吟四壁夜靜公喟然曰天乎天乎古之人皆用之何獨張生至于此乃賦七歌又賦樂玄樂玄公所自號也其詞曰鷹隼病于罽羅兮騷裊困于鞶韞蕭艾寶于重笥兮蕙蒹棄于道涯琢燕石為圭璋兮指下璞為瑕疵西施綽約而見妒兮彘鼎昭質而云虧即其所自傷悼若不禁情而展毫舒彩有脩然自得者焉時有留曹長稍振之始結廬青溪塢羅綜群籍研委銓義殆無虛晷暇則偕一二詞客冥搜石城牛首棲霞烏衣諸勝

仰面看天掀穎長嘯素心俠骨于是孟堅而詩律更細矣中歲哭母旁皇兩地背膺交判忽忽不自勝渡江歸里修歲祀道邁危疾卒年四十三子二人棟文柱各有傳

論曰公之故交有張桂峰者不造客造必風雨中張蓋而行曰吾故不欲以面孔向俗人公雅重之相友善吁嗟乎斯可以知公矣公世家子有文而安貧亢節挺挺自持至帶索淪垢不少挫此豈無挾于中耶為孤往獨詣者乎公著書甚多有張氏嘉靖集二十

梅花草堂集

卷九

由一

卷皇明文纂五十卷尤所矜秘世不盡傳蓋聞之王世周先生云

丁允亨

丁允亨字孟嘉少貧能自拔于流俗十六補邑弟子二十五中壬子鄉試海內傳習其文往往穎脫爭稱私淑門下士而公偃蹇一第意氣自如嘗夜雪旅泊淮徐間據舡清嘯吐音謹亮同征之彥皆知是公祭未選授太湖縣教諭令王大謨楚上材也雅重公請著太湖縣志志無濫者陞知河南彰德府臨漳縣漳

水環合可灌可溉而歲久堤湮沮洳爲梗猝遇暴雨衝激城垣公周行相視慨然曰本欲去所害而就所利其在茲乎往白御史請築長堤以杆水激且爲永利焉御史是公議覆問所不便公覆議畧曰謹按漳源自山西長子樂平清濁二漳分流南達于涉自涉合流經安陽豐樂入于漳漳東北歷魏館陶入衛勢如建瓴束隘則決所以遷徙不常遇雨驟漲脫有礙阻可禦猖獗漳自六月以來靈潦如澍不三四日河水南決勢欲崩城阻堤而北流入成安大堤障之轉

梅花草堂集

卷九

五

入魏界脉散力分逶迤而去由是言之水勢縱悍不能衝堅築之堤與堤曲折可殺衝突之勢鳩工牢築允繫事宜然恐前事無因爲力未易謹率父老相度故渠西自漳丘東距羊羔絡繹聯亘宜設堤防而河壩故址隱約可見召詢河民知自弘治間知縣景芳所築捍禦百年始就湮沒揆其前議可幸相符但使注意高堅自免沙崩損壞邇年培壘暫救目前旋築旋頽實由人事請按衛河事例豎椿橫枝用上推實拒水橫流可保閘壑至于調度工食僭有處分按漳額

歲辦河工解府收貯合請便宜庶可底績昔西門豹鑿十二渠引漳水灌田慮始甚難樂成則易敢附斯語不愧前賢議上御史嘉之覆如公言于是築漳堤凡四十五里高一丈二尺廣倍之濱河之民至今無衝啗之患公率同事者落之弔華林之故墟覽觀銅雀頽然荒丘公曰嘻斯不有人事哉爰出餘羨頓還舊觀公又買張氏廢園稍營新署客至如歸焉亡何忽語其舍人曰往與吾友李溫甫遊嘗兄事之昔者見夢握手相語君長二年此何祥哉未幾病卒先是

梅花草堂集

卷九

共

溫甫之歿得歲六十二公得六十四云
論曰丁先生喪出漳河御史周孔教損路符行之趙王爲掩涕漳民巷哭如考妣仁義之于感人甚矣哉先生性至孝慷慨多大畧雖嬉笑怒詈之用不昧本心所從來矣往聞先生在漳時每信使至必問親舊中夜偶憶呼燈識之及其返也香履必均令沾餘祿斯非古人之義歟先生無子予每惜其行事不可攷有張廡者少依先生出所條疏宦業秩然予得採爲傳嘆先生之真實心不容沒沒也

王執法

王執法字子欽在母失怙既生而母病彌連不可止居常飲食牀褥間公亦善病骨稜稜如削母抱之必泣公亦呱呱戀母寢處與俱無寒燠相為命也已就外傳蚤慧能文章母令公受業其兄京兆京兆不煩又能自出其意為沉藻之詞驚喜京兆于是受繩墨于京兆而自足其才分之所至五色八音相宣叶唱一時慧業之人爭相引重而公亦自負庶幾得一當可歡病母嘉靖辛酉御史簡士于鄉故獨失公公意

柱石直堂集

卷九

七

弗少却曰即不能盡知大江南北之彥有如主文者拔一士于吾鄉當不在御史高第弟子既放榜吾鄉以諸生薦者獨公一人無御史高第母病立起當是時京兆且倦游欲令公先一第而獨身家居奉母母弗聽然亦後先行皆報罷有為溫語慰公者輒曰高堂無恙不愈于榜頭題名姓哉又三年京兆成進士公益杜門養母郡縣交際都無所問有閩客持千金祈公居間建寧者公恨然謝却之曰吾曩者舉于鄉至親其其以腴田益我愧謝弗受至今恨其不相引

重乃欲倚建寧為城社耶又久之始釋褐俸廣平廣平地牧馬所居職惟俵解事故事廣平馬折價出納之耗一毫莫取嘗跨蹇驢扶服風塵中向圍人太僕講說其事心最苦之會永年令缺兩檄公署事公為建閘鑿井興永年百世之利既代蕭然兩蒼頭相鼓篋而行清風穆如終以最貳守建寧公遭延不進或語曰建寧故京兆筮仕之地盍一往慰閩中父老望公謝曰先京兆有特操故難為繼吾自顧此七尺骸體軀無罄折性吾意在茂林松栢矣拂衣南歸不造令

梅花直堂集

卷九

六

門館寂然曲周聶黃岡樊兩侯者獨雅重公候問惟謹公為一下榻而已會上 兩宮號覃恩公應進階朝列樊語公惟明府真不愧斯典促膝數杯深加嗟賞而去公于世無所嗜顧獨嗜奕然不能廣與戲獨陳僉事至則闔戶相對棋聲沸然而僉事手顫子都不得下則把一箸指童子下之公晏然達夜無倦色遇通家子弟必先就位而後命之不引坐其於出處進退泊如也卒時年七十有五子庚於潛令論曰當先生去廣平時工司馬世揚語張黃門世人

多言廉吏夫吏安得廉以吾所見廉不雜者嚴尚書清廣平倅王其吾廣平人知倅特詳真一介不取諸人矣黃門竦然曰微君言吾亦何知其如是語有之雖有藻飾不能驚獨坐其司馬之謂夫於潛才美不售落落泥途亦時有不豫之色先生輒止之曰人生逆境何所不極而以今日爲逆境耶脫過此以上者將使誰衡之於潛既試爲令先生熟視良久曰爲作冰霜傲吏歸耳先生善相人然必要之于道聞世路不平事恨然發聲其音一往而多味人謂充先生之

梅花草堂集

卷九

九

操直可以爲伯夷然微物謂一切皆可已嗟乎其物不可及也

沈楠

沈楠星溪里人七歲喪父母姜氏備諸恩勞迄有成立與衆襍耕墾上竭力奉母定省問侍未嘗學問而與禮合嘉靖癸丑母感痰疾喘喘欲盡楠迎醫療治萬端莫可誰何乃齋戒盟于佛許割乳瘡者請叅武林戒壇償願于是右手持刀盡左乳割之火煨爲末點沸湯以進而母已關其口不可下則取匙灌之凡

梅花草堂集

卷九

卅

數進而母息稍屬已微咳盡乳而甦楠浣衣納履償願武林僧立定者楠族也見衣衽多血漬而貌臃瘁伺其寢察知之表于佛願證明孝子一時緇白洵洵傳說其事乃達于令令劉某旌之以文楠皇恐再拜密携以歸隣童黃福者排闥得之往告里長者李希直等贈以粟俾養老母長箋短什漸盈几席而楠私自訟曰某須乳以生母病無如何也割以還母此豈異人事哉而李長者饋以粟又錫之文夫以一乳爲名高耶將遂食其報乎自是僂行墾上雖甚暑必以半臂蔽之勿令人見如是者三年而母病傷寒絕矣則又割其右服如初母病立愈人莫能知也聞其家母子懽笑聲異甚隣男女擁門入有血濡濡出楠衣衽下而母霍然無異平時是歲母年七十有四御史周如斗縣令陳子佐爲請於朝旌門如制論曰予往過星溪見儒生沈廷用言孝子事沈又言李長者希直欲窺孝子乳不可得設詭而觀之恨莫能詳龔生益得之峻儀集云峻儀集者先輩龔邦衡所纂故嘗表孝子狀請于御史縣大夫又存其概于

集此仁者之心也希直家故有二孝子附祀其先橋泉祠然其事不可改峻儀集焉可誣哉吾鄉故有庠生顧允烈割股療母人莫跡其所在近世太學生許獻吉亦割以療父至執喪不能起人始知之傳曰為善欲陰性之者也非其欲之者也予因論李孝子事并及之

陳允升 子如京

陳允升字晉卿家貧幼失恃父封公抱持之如母稍長不能贅經人師則封公授之經十六補縣學弟子

梅花直堂集卷九

十一

尚御史行縣亟賞公後無弗賞公者丁卯受知蔡太守國熙耿御史定向薦令鄉試既畢卷則不知者擲之矣孫學士鋌拾諸地而拔之署其牘曰奇人也抱負甚大或淹滯者出言皆凌厲高邁殊出人群薦高第戊辰會試亦高第名稍却鄉書二學士飲公巨卮曰吾所定也何却為其見賞如此出守開州開古澶淵地沙鹵窪下當上衝而有淳富名其民實巧候伺公至閉閣踰月獨取編戶按甲乙列為九等而又盡廉得其弊竇所在析為兩冊曰此可以治開矣開馬

頭苦役也州故有種馬一千六百有奇分派孳生輪戶輸之京師有銀差力差銀差解銀猶易力差解馬最難而貴勢人多方居間占其易者令小民獨任其難破產亡身多由于是公按冊一體均撥即甚貴勢人不得獨占銀差隨撥張掛不得居間又念俵解孳生州實未嘗有馬勢必招販買補買補愈甚則馬價愈貴力差何得不困乎公故緩其征發坐索馬販之氣而徐買之不一月而馬集價不騰踊開重役無如均徭則公又先徭筭其便凡里甲有訴于公者視其

梅花直堂集卷九

世

人椎樸可信則取冊問所甲乙而書之胥史如畫則問胥史或閉閣受簡使書之所往來郵亭精舍則問所往來亦受簡而書之期年而戶口消長之數若燭照然及其戒事民不賫糧徭乃大辦允公所為治開狀皆本諸開之民以故開雖沙鹵當孔道乎公實無所事事飭儲傳問疾苦而已癸酉擢兵部武庫司員外郎大司馬譚綸奇公薦之江陵甲戌分校禮闈尋擢湖廣按察司僉事提督學校學校弊孔所都黠吏夤緣為奸多在更代之隙以照詳混入照驗公又廉

知之密按所呈簿牘而果有混驗者摘識之佯以付吏使叅伍焉則其吏者果混公矣公取所摘質吏析之百群吏凜凜無敢混公丙子將放秋榜公書所拔士二十一人懸鼓而揭之塗與吏約令一人雋者三鼓之旦起坐堂上鼓聲不絕則雋者十九人矣先是有儒生千人謀求衝試公將弗聽而謀不止乃乘夜試之得二人又皆雋公笑曰吾今日故當得士二十一人乃兩謀者償之耶楚人至今傳說其事以為神也公為人開敏有才勇于赴義未第時同舍生忤州

梅花直學集卷九

世

守死非命公與同志兩生白其寃守坐戍公既第學使者故昵守無以難公則黜兩生舒其怒公必直之兩生幸無恙歲大稔以書抵江陵蘄賑赦詞旨激切語侵撫臣撫臣不能堪以他事齟齬公公無懟容請益力吳民賴焉得年七十有二卒子如京字鄂州美秀有文語便便似僉憲僉憲絕憐之萬曆甲午領鄉薦推官台州有衛士索餉于府而譟者勢洶洶巨測公適至平氣以待之衛士伏謁如禮而公已廉其黠者卒寘之法每慮囚多平反故事開大辟則舉砲而

公所讞獄多砲聲為引滿一危人謂台州公名家子不必習吏事公為之裕如嘗視篆太平不半歲就利而去害削掛馬包納等弊省民脂數千比行民遮道乞留無所置馬足亡何竟以委查勞頓病卒于官年五十五

論曰僉憲母死甫三歲既疾亟而里有捧黃紙榮其隧者令姬抱僉憲往觀之還問僉憲兒異時能否僉憲應聲曰能母遂瞑其後以負外考贈母焚黃于隧而僉憲嗚咽不勝也封公曰兒可以報母矣念吾陳

梅花直學集卷九

世

氏自先教諭以鄉薦起家有模範于太平之士寂寂至今兒盍顯諸僉憲唯唯志未逮也台州公以攝篆往而教諭儼然祀學宮稱名宦矣更掃石而文之母懸乃祖之志教諭公名彛字用常弘治五年應天府鄉進士先是台州之母亡冠帔弗具心傷之既滿考而疾亟恩綸適至趣命畫翟茀然後瞑君子曰陳氏之孝無言不酬其天之報施也夫

周詩

周詩字與言河目踈顙膚玉映衣冠儼偉談笑豁如

也十九中嘉靖乙卯鄉試高等受特知于海虞嚴文靖
 訪時論翕然歸之顧獨偃蹇一第六上春官不售
 公自負不肯就選人每罷試與故交及諸俊異者社
 亦時就鄉老賦詩飲酒談言謹亮無不自得嘗謁邵
 陽劉侯白事具首尾喇喇誦之侯以為間也已久論
 公非間嘗語人但得開敏如周先生者數白事吾治
 辦矣萬曆丙戌始以乙榜選六合縣教諭縣少文蒲
 甲無第者公設方畧作人爭自奮興于文學公所拔
 士厲昌謨聯第南宮文教大振陞應天府江寧縣知
 府

梅花草堂集 卷九

共

縣無攝上元應天廩額倍他郡餽特廉公白京兆請
 如他郡例條上學課盈縮行之畿輔士感奮江蓐籍
 天界寺奸人窟穴其間半屬影占公曰此萬壽祝釐
 之賦徒資奸利不虞餒寺僧耶為清其額歸之寺擢
 工部虞衡司署員外郎即中泗水衝齒陵堤詔公相
 視二載底績賜帑金嘉勞奉勅視榷蕪湖時大工方
 起巨筏橫江而下公時啟閉商民賴焉陞思州府知
 府公嘆曰馬齒長矣朝格非進士不成宦即橫金于
 腰仍僕僕作牛馬走耳上疏致其仕會 東宮覃恩

晉三品階大中大夫公即以年至致其仕乎飲興如
 少壯時徵歌比竹流連達旦許先生公旦戲為歌以
 與言玩世無吝臧杯中有物即雁行孰為老兵孰侯
 王醉扶孺子走踉蹌公笑頷之先是公與王太僕字
 姻媾連丁漳南允亨太僕歿兄弟在原漳南左袒其
 倩語侵公公訝然曰孟嘉誤耶等太僕即也而吾與
 若分曹左右袒乎夫媾者為其子計而吾與若析之
 矣是益其鬪也漳南首服稱與言條暢公死得歲七
 十一

梅花草堂集 卷九

共

論曰周大夫盖有五兄弟云大夫早雋四人者後先
 稱諸生產皆中上大夫之為也而大夫開口談笑絕
 不聞有問產居間事以此理天下猶掇之矣吾鄉才
 高不登進士薦者如吳秀甫方思魯陳子行之徒學
 士惋惜其文而有文有局不終沒沒卒見其梗概則
 大夫一人而已矣

顧履吉

顧履吉字仲修太保文康公少子法當以廕得官而
 公好治經生言不就補公治經生言而善選為學官

弟子則率其家爲弟子者揖讓御史博士前魚貫出入連蹙不得志則又謝去其學弟子領家世掌故諸宗老執冊問伏臘所宜公按家政以告而謹儀將之無怠事或謂公黑頭祭酒公笑曰昔周公制禮作樂去成童政不遠耳公卽爲家祭酒乎而性好文史讀其父書傳至老不輟市廛湖畝韋素無異或又謂公何不自喜稍稍薄遊當得官公又笑却之曰子不云乎惟孝友爲爲政嘗與親知結社終夜不寢所賦詩累篋盈篋多不傳于世得歲七十有二子謙光字端

梅花堂集

卷九

世

明儒步細視怯怯若不勝衣明習典禮周覽古今之槩能束其才識以就當世之格弱冠補郡弟子郡弟子無能先公而公與弟聞服頡頏當世每使者按吳中甲乙人物公輒爲冠二弟各霸其曹而公獨有退然之色屢罷秋試不色愠發書課讀知爲其事而已矣平生自信不欺嘗與客言事客頓足曰寧有是公報竟一日自訟不能使人無疑我也年五十有八論曰吳族無宗法紛紛家異政矣顧氏自贈武英而後八葉於茲家世顯其人寧無代謝而伏臘相聞病

瘦死喪相保德業相觀孤嫠相收恤則惟祭酒焉是賴而奉行如先生者得其人也卽先生亦自詫孝友爲政豈虛乎哉先生既沒太史變常有所贍其族之人請端明宰之惟均君子謂顧氏雖不至學古宗法尚有典刑焉矣

支可大

支可大字有功嶽顙方頤雙眼如漆語及之便便不可止具諸首尾其儀抑抑也隆慶丁卯鄉試高等甲戌成進士既廷試皆第一不果選以臚傳授禮部儀

梅花堂集

卷九

世

制司主事儀雖清秩曹務填委公爲之井井榮戚貴瑞祈上恩澤多暮夜投公公介介自持屹不可動江陵相心異之將引爲銓曹持不可歷本部負外郎郎中出爲廣東提學副使號稱得士苦瘴移疾歸田里幾十年起爲浙江學憲參政江西時鄧文潔憂居山中公單騎唁之一見欽重爲設枯魚麥飯相對移日公退欣然自得也丁酉入爲應天府府丞戊戌巡撫湖廣當是時稅務旁午宦者陳奉銜天憲欲行其私至有所參擊公揭其詐稱陛辭密語及沙市鼓譟顛

未為上分別言之上心動獄旋解先是有播之役公聞報移鎮沅州遂降九服白泥諸寨又連破黃峯口巖乾溪寶兒固關為京觀遂長驅入播七戰塘保破板角關又三戰煉砮克苦菜關而經畧始至受成事遂以播功延世賞公任一子而已論者為公扼腕公怡然曰吾束髮受書自場屋迄陞對幾成輒有物敗之進寸退尺吾處之素矣吾平播不無斬擊上又錄吾功俾黃口兒得與世胄之列吾豈敢少之哉角巾故里小築城西隅與親賓觴詠十一年卒得歲七十

梅花草堂集卷九

九

有四公為人持重識大體居官治政不務矯矯之名然終不可犯以非義嘗語人國家資俸所以均臣勞及取而代何悔于心乃自取躁手以故公所歷皆滿俸無異數而公心安之宦奉之變持議者用相口語將以螫公公置不辯迨撫楚諸疏出而世始知公重臣不得猥以摧擊為務潛移密轉其苦心不可磨滅如此公既去楚變愈潰決當事者至不保首領公訝然曰獷悍乃至是耶然終默不洩公家居藝植卉物輒鮮異亦時琢小石作漢章自娛云

論曰中丞公居黃瀆里與星溪相望昔莊渠先生嘗往來里中莊渠既歿有候氣者云地氣今在黃瀆里中丞髮未燥也萬曆壬午公以曹即督學海南而莊渠董海南學政亦以前甲之壬午豈偶然哉予觀中丞造物者殆以其不盡相遺而公亦務留其不盡者耶乃贈翁良知者始基之矣翁風義灑落喜自負中丞既解省每自山中歸猶計日按牘及程始命酌晚貴必下里門與諸生等人言星溪之學信道無餘而中丞父子用長厚顯不務高亢斬截其信然乎

梅花草堂集卷九

四

王炳衡 弟炳璿

王炳衡字伯欽意思瀟散喜讀書工舉子業不與外事相關少時難諸生既得遂領鄉薦隆慶辛未第進士授歷城縣知縣愛民造士有古循吏之風然不能俛仰上官取聲譽調知臨安臨安佳山水古名勝地公至甚歡琴堂清晝惟聞鶴唳書聲臨安人歌頌之會上計公僦屋杜門不造客竟以是免弟炳璿字幼文初與兄相師友韻相高名相埒也臨安既貴公亦尋登萬曆甲戌進士第知上饒公勤廉敏多異政召

入朝將選拜御史臺有要人持之陞刑部主事公笑曰部不可為理耶試部能其官尋遷本司負外署郎中事折獄平允考上上出知德安府德安之政均于上饒公嘗校德安士無當者惟拔童子科七人皆稚小公語之曰德安待汝等而第汝必勉之後七人皆第果無先七人第者楚人以為神久之覲歸里第而公病嘔不起矣先是德安名噪膠庠且久而臨安始為諸生臨安薦于鄉十年德安歌鹿鳴歸臨安曰咄哉逼人遂掩關三月而第德安亦曰恒恐先阿大着

梅花堂集卷九

四

鞭今斯可矣旋亦登第里人笑稱之以為二王之軌乃其韻也初臨安公之第進士也報書其友張宗翰曰進賢冠甚佳狀如箕然不可以漉酒又曰池上芙蓉爛開相知一二人舉酒相屬叫呼嗚嗚亦復念王大拘迫卷攣之苦乎蓋其韻致如此論曰二王先生隔垣居鹿城坐卧一小樓不盈十尺而留暉門故有譙樓甚敞臨安每邀客嘯咏其上自號留暉主人德安上計歸猶僕被卧小樓中起則撤之皆任自然非有所取于時也而斯人不可復見矣

出留暉門西百十步曰西園有梅數十株堤邊楊柳蘇蘇可人兩先生時徙倚于此曰吾甚思張緒風流不敢望陶彭澤門前五柳樹也嗟乎嗟乎而今不可見矣

許承周

許承周字公旦好學能文多靈氣隆慶元初有詔科場限字士苦限類以束澁相高公獨馳騁新思不過其則寬然有餘耿御史定向亟賞之趨領批待試既出關意甚自得不眎人有與同名下者陳允升索公牘不可得故為好語促之曰吾所畏惟君君何拒焉公笑曰君又以予誰畏哉是歲皆中式明年皆成進士公授蕭山縣知縣蕭山西瀕江北薄海蕩析民田

梅花堂集卷九

三

公相地築西江塘已築北海塘不費民間一粟而為鹵稻梁今所稱許公塘是也吏陳夢鯉蔡經綸等侵牟公帑公收而槌之隨桁配遣豪吏震恐任某者黠胥也告其子佐不孝笞之百而召其父數之曰夫非君子歟而柰何欺近死之父得微若舞文報哉任叩頭泣行下俗以嫁女費不勝生則溺之為定婚禮而

溺者法連坐遂變國俗長山諸里白骨彌望爲義塚
收瘞貧者予棺未期年而蕭大治御史臺掣鹽恒界
郡理改畀公公辭御史曰知非蕭令不可勉視事麾
去大賈千金而罪偵伺者事竣報御史御史喜曰故
知非蕭令不可耳亡何鄰邑僉憲陳其黠而貪過蕭
用舁夫百許榜掠吏死上其貪橫狀于諸臺陳造蜚
語熒惑人其黨與聞之執政遂罷公當事者廉公寬
以復故官請卒不得初公對簿客武林蕭人涉江而
西涕泣懇無失我父母既三十年修志列名宦傳已

梅花草堂集 八卷九

聖

五十年祀之名宦祠所著有西園公集子旋吉字元
倩經明行修終其身不改父道嘗與弟獻吉觀吉私
試肯穫堂風燭淋漓蕭山公設短屏自衛哦咏以需
之既畢試輒浮白相屬笑曰有如此下酒物政可無
寐里人傳爲美談觀吉萬曆丙辰進士
論曰李雲杜志許先生墓無溢詞予故採其說而傳
之至其家居奉母友于兄弟訓飭子孫以雍睦退讓
庶幾萬石家風則閭巷之口可攷信也士大夫登高
能賦吐納風流故所時有然一時未有如先生者乃

耻聞人過不欲以不善意人又何恟恟篤行君子哉
予每望西園樹色思王右軍修植桑果今盛敷禁傷
先生之不待而仁者故有後矣

顧咸和 子震宇 孫晉瑛

顧咸和字公節少失怙恃孝事繼母查太宜人公告
母將游北雍伯父謙亨疏言 世廟覃恩先文康某
奉有蔭子成命請以臣弟謙益子咸和嗣入太學詔
許之時公未弱冠廣額豐頰動止有則雅爲從父方
伯公圭通參張先生寢所器賞遂陪飲社稱佳子弟

梅花草堂集 八卷九

聖

云公以胄子謁選授左軍都事遷後軍都督經歷掌
參軍事府故居庸山海兩關要害地參軍掌照驗出
入故事罪人出關携童稚未登籍者沒爲奴公曰從
徙而離之如矢道何爲備登其數使父子不至離散
焉丁卯陞順天府治中署尹丞事凡朝廷盛舉有關
京兆者公游必爲之無所墜失會省臣料理稅傳有
所陳乞公謝却之爲飛語中公遂致其仕人曰姑遲
之可佩二千石印綬乃歸愈于已乎公投劾不顧居
二年消渴卒年三十六子震宇字宇清萬曆乙酉鄉

薦選授滄州學正三載教成陞仙居縣知縣仙居古括蒼地川波巖壑深秀甲天下而公性坦遂喜栽植雅與蒼嶺諸山相能琴堂清晏鶴唳書聲相屬也嘗關東衙雜植芙蓉木蘭來禽含桃箭竹細柳之屬競艷爭葩公撫欄檻問民事而舊俗溺女易妻班銀包攬之習一變而即于新仙居故無志諸名家濟濟少記載為聘諸生領其事而公考成焉志成公又令家督刻成之藏之縣亡何聽調京師補順德府經歷居三年陞五臺縣知縣歿于邸中年五十九從子晉瑛

梅花草堂集卷九

五

字韜父敏慧魚人有奇志父震寰被酒露寢君方八歲脫所服生衣覆父而拱立候之子夜不去為諸生有令聞與兄琦齊名試後先屬也壬子薦于鄉不二月卒年二十九檢其篋得遺文千首刺剌敝書幾萬卷

論曰予登馬鞍訪劉改之墓問仙居園亭卉物無恙因想京兆當年風流倜儻上下五十年間隱約可見而其人皆化為冷風矣傷哉天與善人俾昌俾熾如京兆祖子孫三世亦希違矣然不免修短岵岵之感

人間福澤蓋可以厚望乎哉獨其人不負先哲可傳于世則予有取焉耳仙居子曰璠者能令風雨渡江之先民重開生面東巖片石殊有生氣傳曰善繼人之志于今不能不推斯人矣

支如璋

支如璋字德彛其先崑山人永樂初始祖德奉使西洋有功賜籍行在太醫院祖貫父三顧高苑教諭公幼失恃事母白宜人惟謹所游塾去舍特遠母計日具糗餼餉公公受餉讀書不輟或食冷無所忌塾師

梅花草堂集卷九

四

心異之萬曆丙子薦順天鄉試省墳墓故鄉仍居崑山崑山學士先生挹其爽氣多心下公者已薄游徐淮間多豪舉皆有錚錚之氣積十二年不第選諭吳橋吳橋士鮮科甲公曰豈其地氣耶夫不有人事乎乃損所受俸改葺學宇而身輯藻式之五年間舉於鄉者八人登第二人自高皇帝定吳橋斯最盛矣久之遷國子監學正陞貳南康防湖適鄱流汎濫彌望滔天公署篆為相地高下多設方略不可救則又損俸以活葺者自星子都昌而下可三萬五千餘人

饑民大悅然所隸倉廩毀塌無餘而城中米價如玉
矣公曰嘻粟爛則無積移之不免生民心請以兵餉
之在官者權爲代俟其熟而輸之餉未碍也而亟以
全力繕廩可乎踰月役竣公又計所以久安康民者
凡酌幫量解通鹽開堰拯溺捕盜何不至焉康郡故
界南昌奉新靖安之民嘗與安義民爭堰而閔公挾
界相視曰吾知所以息爭矣夫安義與奉新共堰而
灌者非上下藍塘堰廬堰耶奉新灌田千安義田萬
義不得稍懈修築而安義民有便心于藍塘自爲新

梅花堂集

卷九

吧

堰則千畝者勢不得無爭然不知就近取便于安義
民未爲踰界也安義築新堰勢必斜插而上不斜插
水有順下走耳靖安故有茂埠一路地界藍塘可灌
可溉即斜上何與靖安民事糾奉新而助之攻也請
以新堰聽安義茂埠聽靖安而廬堰聽奉新仍其故
斯不亦兩利永久之策乎符至奉新靖安民卒不能
有加于安義當是時公以二守攝篆既四年康民懷
之然不廢勸學興禮主洞踰年楚士來學者百餘人
躬爲授餼不以煩洞賦也壬子遷福建都轉運使分

司因關轉運古鹽官于公上考非當公曰此非漢文
學大夫相與議利弊之司耶而世每以鹽官不足爲
輒借漢法重辱商賈爲之非吾意吾吏閩計莫如通
閩鹽矣朝廷以鹽利民而以其稅利國奸民蠹之至
壅官便其私圖吾在事其必不然爲榜于衆曰照得
泉州私鹽由永春透入永安沙縣出沙溪口則建昌
邵武之官鹽格興化私鹽由仙遊透入光澤出尤溪
溪口則松溪政和之鹽格漳州私鹽由寧洋透入大
田徑至永安沙縣出上洋口則順昌富屯泰寧之鹽

梅花堂集

卷九

吧

格私戶積而有餘商幫日且不足國課日虧奸民益
橫請與子大夫籌之符至而順昌延平濱河浮橋之
民無敢窟穴其間者公又爲嚴捕哨禁私牙通水客
編梩舡詳載運誌不具論當事者無不德公而奉行
之吏黜奸民中之卒罷免既數月蔣方伯某以誌來
公笑曰誠如是誰謂鹽官不可爲哉公既歸里開第
奉母率其子萬春永春省侍宜人惟謹如少壯時撫
親故有患勞亡何病死先是公就塾多食冷腹有物
如瘕既貴不復見即公亦忘之矣後以悼亡積勞苦

復發治者莫能喻也君子傷之

論曰轉運公清癯玉立吐辭侃侃其能勝天下之任
豈顧問哉貳守南康協理鹽策皆是有述于世即第
何以加焉支氏代有令德至留守公青袍覆母以孝
特聞而轉運具金緋奉母白宜人孝友為政終其身
無異母之色又不知留守若在宜何如也予每見萬
春述其父病瘵而殞涕色意愴然欲以此論支氏之
世矣

杜正宣集卷九

兗

梅花草堂集卷之九



梅花草堂集卷之十

吳郡張大復著

後學汪中鵬補

皇明崑山人物傳

李同芳

李同芳字濟美父棠勤修孝友之行明經術里中稱
長者號懷石先生先生夢大士以香嚴童子相與生
公公生而嚴正有度讀書一覽都盡無所遺失弱冠
馳聲黌校間雅自負然莫能窺其際戊辰用天子覃
恩貢入太學名高兩都爭幣聘經人師即脩脯必劑

梅花草堂集卷一

兗

量日月不苟受祭酉鄉薦讀書若鄧問山中人聞履
聲輒能識公庚辰舉禮部試第二人授刑部主事嚴
尚書清器重之問所平反嘆非筮仕所及甲申遷禮
部祠祭司時江陵在政府王司寇篆諷公以文贄公
謝無有司寇拂衣去乙酉陞員外主湖廣鄉試丁亥
陞郎中故事儀即缺必以祠即調公力讓俸深者王
客即其婦德不可公徐曰即吳人也婦德悟聽公讓
祠即領大典禮公廩廩奉職雖聖母介弟椒房特寵
請乞一無所問戊子上覆閱壽宮有旨照丁酉例例

載幸西山儀注費鉅萬公曰禮官不止游幸更導之耶爲削去煩例上之已丑陞浙江提學副使浙人文甲天下多貴游公惟文是視不問主名四明嘗與公牘有云此仲父所以服伯氏孔明所以泣廖立也壬辰陞湖廣荆南道叅政清澧州浮糧三千石卻標兵操賞餘銀三百六十兩止征播調發萬人雪冤辟張福祖等七命其詳載澧志公亦自謂無悔于心乙未陞貴州按察司按察使黔首安其白公請與太守班見公叱之出班戶侯首又請還新貴縣授甲襲伍土

梅花草堂集

卷十

二

官公片言折之不敢仰視亡何其庶孽安國貞以困辱來歸公又請當事者却之曰蠶叢魚鳧粹難顧化其後國貞跳入西川父子讎殺屠及多命當事者服公遠識焉丙申改調補廣東左叅政壬寅陞本省按察使會鑛稅兩璫在事飛而食人制府手璫揭令公酌處公曰道受院檄不受璫揭制府色變目公良久曰居官嶽嶽不當如是耶自是稅額小減語具粵志中而是時新會令以附會激變從化弁以募夫撓商公皆調御之母使滋蔓甲辰陞山東右布政使丁未

陞左公按籍嘆曰杼軸其空如二東何首鉤枝登萊屯以抵兵餉歲減編可數萬次立常平法捐俸薪贖緩下歷城令買穀可數十萬石乙卯大饑民賴以濟壬子陞都察院右副都御史巡撫山東會福藩請賜土田公奉嚴旨按視曰民以食爲天又荒落之後而奈何奪民田以共邸業義不可即割湖墾荒田賜之而荒田賠稅民必不堪昭陽湖係國家運道墾可割耶力持不報 予告免或語公例故舉薦公笑曰身隱矣馬用文之爲吾門植桃李盛候問哉飄然解組

梅花草堂集

卷十

三

而歸杜門却掃寂寂如寒素時小有登覽必問故所與游通情款嘗過鄧尉山上行春橋望青芝樹色追想當年同社諸人皆頽脫爲大官然無在者慨然久之公無聲伎之好然遇歌舞曲不得誤每上食子胤昌必拜或諷公家居省禮公笑曰父黨無容不聞無禮年餘八十神明湛然每閱一書必焚膏繼晷盡帙乃罷子胤昌萬曆庚子解元辛丑進士論曰中丞公性至孝痛母夫人不逮養即贈公逮笑不渝年卒中心傷之故嘗捧黃爲孺子泣教製金緋

翠翟焚之路人悲愴今與昔未有也其敦手足之愛
施及三世訪故如不及施于有政豈顧問哉贈公度
事呂祖得仙術中丞知之至今荅嚮如平生交君子
曰是惟無神仙則孝友者是耳中丞與先貢士約兄
弟先貢士歿十年不入予里入必紆騎行後呼予言
豐豐竟日曰吾曩者服官如三日新婦閉車中不得
動轉今吾與子談理不談事不妨盡臆言之矣

馬玉麟

馬玉麟字德徵蚤慧勤學甫六歲從贈公龍光宦滇

梅花草堂集卷十

四

南見永昌守弋中和長揖不拜試之對應聲而就守
目矚良久曰玉光劍氣看眼自知二守唐時卿請與
其子學日見器重十八補縣諸生耿御史定向目異
之已已御史周弘祖視學江南擢第一庚午鄉薦丁
丑登進士第聞贈公訃奔還先是公大父修亭嘗不
善于族梟涑涑居甫里號軍四故嘗欲齏贈公贈公
偶過甫里卒爲所齏病死公歸里第哭幾絕衰麻扶
杖往白都御史胡執禮觀察王叔果許復之甫里故
隸長洲而是時長洲令李堯民于公稱私泚士爲公

盡不日而復兩世之讎公慟哭曰痛乎吾父忍死待
捷未四月得罪首即見吾父地下不恨矣服闋授工
部主事視閩南旺巡視泉脈啟閉惟時又以其間登
泰山觀雞鳴日出偕汶濟諸生于若瀛戴堯天李燦
之徒懷古賦詩稱吏隱辛巳大旱河水漸流張秋告
竭公念漕計南旺正與張秋等姑與之券三日而漕
使者不憚有蜚語上聞卒無能相中公又以其餘力
築高家堰坎河口至今德之壬午持母服歸甲申復
補工部視榷南關滿一歲陞營繕司員外郎奉詔修

梅花草堂集卷十

五

卿雲宮中貴張進者與公俱廉公清慎狀故大其事
意欲有所上下公溫言論之六越月事竣費不過三
萬四千前此未有也壬辰陞雲南叅政三月罷免關
鷄適園城西飲酒賦詩圍棋盡日達夜無倦色非公
事不入公府或曰公自爲童子時其詩已成帙云
論曰叅政公服御不渝諸生不取敝圍棋不問晝夜
不取達飲酒談笑不可止不取醉仕宦不至卿相不
取矯俗言衝于口吐之多逆人不取直斯亦質任自
然矯矯於巧拙毀譽之外者矣叅政游武林海上獲

島夷千人將磔之然無寸鉄叅政語方伯史繼辰曰風厲不得泊耳方伯卒釋之蓋其仁心為質又類此

張棟

張棟字伯任長身秀目光爛爛射人正容談事能以簡推縱切事理聞者竦服然不喜摘人隱過遇事乃發無所避就嘗翫骸諸生間却立注視同舍生多戢影避去萬曆丙子鄉薦丁丑擢上第選授新建縣知縣新建故巖邑臺司旁午供億不支公戴星視事無註誤而民不苦騷理冤釋滯又廉其一二軋黠者榜

梅花直堂集卷一

六

諸市而笞之重者至死邑人震懼會清田議起率父老躬行相視按則壤列上中下三等可久無弊事載南昌志中癸未徵入為工科給事中鞫詣政府論事嶽嶽政府改容良久意不深然之乙酉受勅典試西粵西粵稱得人于斯為盛既報命巡視廠庫立科部互稽之法會慈聖宮成賜白金文綺丙戌陞右丁亥進刑科左給事中條議荒田改折白糧徭役改折之議即賜施行為東南永久之利而白糧帶解未蒙覆允蓋政府實持之公嘆曰吾吳民也吳民運白糧破

產相繼母寧軍受脚價之利而民免領運之勞于計甚便然如政府何遂移疏引疾歸養其老母甚歡庚寅以母命再詣京師補兵科左給事尋進本科都給事中會肅軍政公奏劾恭順侯吳繼爵宣城伯衛國本錦衣掌印栢子祥宣鎮總兵李迎恩而又奏言軍政考察宜如文臣例一體糾劾內不得遺南北二司外不得遺副叅遊守疏入執政訝然久之且恨公不入謁公曰拾遺入謁不過欲受意政府商所便吾不能廢法不免失政府意寧無謁耳蓋公自為諸生時

梅花直堂集卷一

二

已有經略九邊之志至入兵垣慨然引為已任直陳安攘畫戰守機宜披牘執奏無顧避久之洮河虜變天子引執政內殿策戰守大司馬鄭洛以甘肅水泉功次叙公公列章糾正之司馬不悅公意屹然亡何議遣內臣分閱邊鎮公掌篆例不命遣而政府必遣之公得固原固原巨鎮與寧夏稱唇齒自弘治間火篩入掠後號為虜衝公單騎馳閱精查勅諭八事無漏無縱固靖甘蘭諸地騎所不能至者公徒步至之或寄宿僧舍立石土門乃還河湟之民相詫為希有

曰往見閔使出塞旌旗數里而張黃門以一旅見臨
動省供億萬萬即土門軍見閔使亦自今日始耳既
還朝出所閱固鎮利弊動與經略本兵司馬諸大臣
相忤公仰屋竊嘆知無能爲也不閱月李獻可以論
儲降罰上怒叵測公申救甚力而同官鍾羽正孟養
浩陳尚象鄒德泳又相繼執奏不止當是時嚴旨疊
出促召緹騎朝論洶洶公張燭危坐候命有餽蚺蛇
膽者公笑受之曰老母在不得不服此俄傳諭落職
爲民公大喜滿引數觥曰本謂鐵心石腸頃聞緹騎
梅花草堂集卷一
而色動凡以爲吾母也今幸歸事老母又以間料理
六世遺集賜孰大馬乃角巾草履徒步出都門意甚
自得既歸里第杜門却掃不復言天下事而臺使大
臣及郡縣長吏嚴事公如在朝廷時凡利病興革必
往咨公諸長吏見公多以色受神相喻無忤公者里
後生有不善惟恐張先生知公事母柴夫人甚孝既
歸養數年夫人以老壽終公爲孺子慕毀瘠骨立竟
殞其身君子傷之

論曰黃門公家山塘廳事不容旋馬規扁于戶通出

入而已而立朝見憚與其在鄉無以異也豈有道歟
黃門寡交少許可自其少獨與弟清淵君闔戶縱談
天下事必多設不然務窮其變之所止往復輒數十
交頸面盡赤必各得其說乃已語去閉門造車出門
合轍此所從來矣晚歲家居鄉人有以事謁者輒廢
然而返乃不知其一言之出能令官長神色相喻大
人之舉動有德于其鄉如此黃門既歿人乃敢行其
意士大夫相與語張先生若在必無此事其定論夫
其定論夫

梅花草堂集卷十

九

顧紹芳

顧紹芳字實甫九歲喪母王躡踊如成人父司馬公
携之官舍同卧起謹身勤務即如司馬公弱冠補諸
生試輒先諸生輒焚其稿居恒好讀先秦兩司馬書
把汗刺槩濯筋漱髓至于大家萬曆丙子中鄉試明
年登進士第選爲庶常吉士公在庶常則又以秀密
溫富之詞爲諸吉士冠授翰林院檢討而是時司馬
公以外藩家居公移疾請侍司馬公汎覽古今商榷
當世之務往復談笑若師友然三年滿考補檢討預

修大明會典丙戌南宮校士稱得士時清望甚都容
從容請曰即公入相當作何等公曰宰相安可爲也
嘗見先輩某其在官坊時真有壁立萬仞氣象一筦
機務幾不自持夫宰相安可爲也聞者竦服亡何司
馬公薨于位公深墨出都門觸石尤渡江寢苦畢葬
便有終焉之志孫毋促公行久之乃行進經筵日講
官遷左春坊左贊善兼翰林院編脩管理制誥當是
時公益謹凜自持含香視草秉燭歸院城外竿牘一
無所問而周覽時事意忽忽常不怡辛卯將秋試議

梅花堂集卷一

者欲以順天處公丹陽姜士昌從容爲公言之公曰
如其其者才皆上駟一入榜議論蜂起獨奈何姜曰
棄之公曰棄之吾惜其才收之不免爲射的不如避
之便遂具牒當事者當事者持不可議予之假乃請
假歸蓋公以家學用世職禁林意簪筆橐簡有所關
說而上方決事齋居堂陞萬里又北甯跳梁人情首
鼠天下事度無可爲者乃小築于崑山之陽題遺清
見志孤吟長嘯不二年竟死公細視白晢弱不勝體
而神采奕然使人無所致其親踈之意嘗語人窮通

有命政復倚藉他人不得何也榮枯得失吾所必有
豈能無介于懷而我所倚藉之人亦不免有榮枯得
失使我擔憂此小人所以長戚戚也吾已身擔子尚
欲放下何暇爲人是故持官持身要自不妄交始王
文肅公在政府嘗語公自吾居此士大夫有向也密
而今踈者有向也哓哓而今靜默者何故公曰此不
足訝即如其者與公分故不薄然不能以無味之身
數向政府數向政府不知者疑有交涉其知者以爲
趨炎附勢而已矣文肅默然

梅花堂集卷一

論曰宮贊世顯自其先給諫公立朝謇譔厥有令聞
司馬繼之功滿中外論者以爲未究其用而宮贊職
親禁地鼎鉉可期竟于修文地下傷哉然其言論風
旨表見于世者駸駸古大臣之識力矣宮贊生平不
妄交稱管鮑者獨張黃門一人每相見必屏居一室
務摘發其事而交數之斯其意豈淺也哉人言宮贊
恬靜似其家司馬激揚似黃門即未盡欲類此語矣
宮贊在翰林目異馮青州琦摘其詩文無所不盡宮
贊既死又十五年而東海集出人以爲似宮贊也

王伯稠

王伯稠字世周自其為兒時寄興脩遠都不與外事
相關父黃溪公絕憐之携入京師令觀天子城闕臺
榭戚里之盛輒有歌詠多非意表所及時號神童同
里王弇州先生在比部請與相見曰故是我輩人嗟
賞而去會邸試升入順天府學稱諸生要非其好頃
渡河顧見溺者心怛怛若悸形神大削遂謝去其諸
生而東閉居僧舍常經月不窺戶人莫測其意所往
來啟關發牘文采葩流如李太白醉卧月下花影凌

板花草堂集卷一

三

亂幾滿襟袖以故詩名大譟好事者爭傳寫去偽置
中盛間莫可識辨公曰嘻豈唐人能封我耶吾每嘔
心而思自謂吐其所欲言而質之往哲故有合者我
則愧矣則又務為擺落抒所得為快刻畫魚鳥嘲
弄風月即徜徉市橋田舍間多大山長谷之想口鼻
眉眼盡載烟霞氣色嘗遇楚僧洞十曰公仙人耶何
為在此公亦竊竊誦其母夫人就館時蓋嘗夢大茅
真君隱約見紅鬚鶴馭云自是歛氣守柔惟清虛自
課居恒說詩都不及長慶晚間一省輒語人香山有

言路人回顧應相怪十一年來見此翁吾深愧斯語
然非為詩語也亡何病瘦雖盛暑終不廢訪舊嘗過
其友張生曰人言宮詞婉艷如王建十五殿頭聞索
繪隔花先喚打漁舡故是作者張生語人即此老近
自然故不乏菁華本色耳然聞其詞氣喘喘矣既疾
亟忘年友周球過之舉手曰遂病甚竟瞑得年七十
有三

論曰王先生土木形骸語不及世事獎成後進津津
欲吐惟恐其不入吾社也性好游覽然無濟勝具或
遇蹴鞠樗蒲鬪雞走馬飛丸站履之戲無弗諦視令

板花草堂集卷一

三

有述于世蘇子瞻眼中未嘗見不好人其意政爾然
于是非短長之際偵之了如矣先生慕孫太初之為
人詩寔過之而黃谿公與雅宜山人游蘊藉風流宛
冕當代人謂荻扁王氏不減杜陵父子其信然歟先
生有白虹集二十卷今行于世

沈曾唯 弟曾魯 子一源

沈曾唯字達之與弟曾魯同居縣西南十五里之黃
溪曾字得之黃溪故與星溪相望弦誦之聲相聞髦

士相矜奮然無先沈氏兄弟其所歷類選歲季月試大畧兄弟相先後而名第正等積廩各三十年達之以歲例貢入太學得之用天子覃恩一歲同薦于朝里人異之得之意怏怏恨不得一當舒發其志氣晚用貢起不逾年卒得歲五十有九達之俛首就選人授永康縣訓導然廩廩奉職不以寒擅自貶其操遷武進縣教諭歿于官時年六十有三達之長者都不知人世嬉遊徵逐之事布袍草履屢空晏如而得之抵掌談笑目無前人義之所不出斬如也嘗舍任觀

梅花草堂集卷十

一

察寰許觀察愛其清豁令少就居間得之瞪目視推案而起曰小子非人耶乃令使者挫其廉以相試觀察報謝退語人吾每以沈先生自礪也達之既廷試請詣南雍有故人強之選當為子力而達之憤然曰吾與若同起家黃溪上不日不月而遂能陶鑄人耶人稱溪上沈氏非獨其才名相埒其正性兄弟也得之子一源字元澄戰顙被面勃勃有光氣耳垂珠通知二父志自奮於文章知名當世多小直而大却婦翁李其且死以其子之用屬元澄又授之鑑元澄掩

面走曰何有以孤托而以鑑盟者乎婦翁聞之曰故知其人必爾可瞑矣後卒如婦翁言元澄好酒飲喜歌詩博奕投壺談說慷慨必歸舉業既疾亟醫者視之惜惜然猶自言已解省當去得年四十有六

論曰余猶及侍黃溪兩先生永康温文竟日無忤色貢士談言謹亮亂呼茶酒元澄諾諾奉行之老屋瓦盆有禮有義何必減荀陳風哉兩先生之父鑑古貌窄袖無為其所不為洎乎元澄彬彬文物矣然元澄為父穿墻中夜仗劍擔牛酒冰雪擦擦亂鬚間投人

梅花草堂集卷十

三

感動大都文章之彥從孝友發脉者故是爵別不復可期于今之世矣

諸壽賢

諸壽賢字延之六歲入小學即龕孔子像危坐對之父師訶責弗動十三能文章記濫強記放筆千言都下同社生推為盟主而心特下王於潛庚切廟無間王亦雅信公生天當在靈運前也萬曆己卯領鄉薦丙戌中春官第公既鯁直自負遭時彌勵與同籍顧允成彭好古意氣相頡頏數言事廷詔回籍待選讀

書里第三年戊子改河南南陽府教授公慨然以師道自任勸學興禮務躬行爲諸士先諸士相應爲有用之文霞蒸豹變甲諸郡省庚寅遷國子監助教六館矜式動遵矩矱壬辰陞禮部儀制主事教習駙馬都尉許號忠勤有體而是時蘭溪在政府與大司馬石星取唯諾情竅爲務公劾奏之直聲凜凜震動朝廷戚畹黃頭有所祈謁都不得一盼曰若曹詎可與作緣而公亦默覽世情無可與直道行者會病瘍告歸田里便欲以所學用之于鄉鄉子弟之秀異者朱

梅花草堂集

卷十

六

大典俞琬繪王騰程之徒授室國中以來四方奇杰之士四方士雲集其庭一經指授無不改觀公亦擁臯比伊吾揮毫落紙轉相傳誦自甲乙試至童子科無不人人滿志也公即杜門養晦乎然不能忘當世得失之務與民間一切水旱疾疫坎壈盆覆之苦遇有請必直之即倒廩設方畧無所靳郡縣大夫亦時就公咨所便公盡臆縱口絕無揣摩迎望之意久之築室寶華山中專意復性之學纂述周易身體而力行之駸駸自謂有得亡何病死得年七十有一公秀

目豐頤長七尺日啜粥不下數十器而性簡澹都不食鹽醢被服寒素惟孝友于兄弟施及三族乃至賓從戚友病瘦死喪憂患與所不知何人疾痛痾痒不啻其身痒也遇時政闕失或親故帖危顛墜者輒大慟欲絕誠心懇行亦時使人流涕晚纂易山中間還里一時寬滯者填委門巷人人自詫有所賴藉云

論曰儀部之喪宗老哭失聲弔者數千人無弗掩涕至有馨爐於頂相扶携擁門哭盡哀人無識者亦不下千人其死也哀其生也榮矣儀部纂易絕筆于蹇

梅花草堂集

卷十

七

喟然嘆曰夫天未欲平治天下也古者鄉先生歿可祭于社吾非斯人之與而誰與哉朱氏其先河南人後徙常熟又徙沙溪洪武初避國姓改諸居瀾漕儀部之祖翰林憲嗣祖曰寧津正皆清正自許有述于後要自漢州寬始顯漢州詩曰萬里歸程孤宦瘦半篙春水一舟輕儀部嘗爲予娓娓誦之唯恐其先烈不述於世也儀部又言漢州父福母盧氏喜種德庾廩甲漕上多不自予蓋諸氏始基之矣

徐應聘

徐應聘字伯衡十二應童子科大梁王侯撫其頂曰
玉堂金馬之器將不即名而名即之焉用早計為癸
酉補諸生壬午鄉薦為歸德門下士癸未登第選翰
林院庶吉士明年授檢討三載秩滿階徵仕即封父
汝龍如其官時歸德在禮部政府忽召公語多侵歸
德公出為歸德誦之且曰古人一辭而退寧能受物
之汶汶哉歸德笑頷之顧謂公且為具疏公手具疏
如歸德旨竟引去君子曰勇哉歸德然青尚于藍矣
已丑充詩經同考試得人為感庚寅察免所引皆非

梅花草堂集 卷十

六

其事論者寃之而公意怡然曰與吾策款段僕僕泥
土中稱冠帶書生毋寧從鄉邦耆老作弔古社自喻
快耶或勸公稍通長安問輒醉之酒丁未起公行人
司行人進尚寶司司丞公勉就道亟假歸庚戌陸光
祿寺少卿奉詔冊樊府事竣休沐里第客勸公進公
遭延不行語人曰吾曩者居長安見同籍生怒馬而
馳髮黝目遠視而此瞞瞞者盡改其常半烏有矣吾
安能以青衫對諸年少不令御者揶揄我乎客曰政
以君青衫故勸了此局公笑曰官須自了俟河之清

人生幾何矣乙卯陞太僕寺少卿丙辰公御金緋駕
秋濤而上親戚送之猶復遭延不進既抵任問政旁
午出納紛拏公戴星視事未四月疾作對客談款而
逝公性真率事父母盡孝人有頌公德而溢者輒泚
其頰不發言久亦漸薄其人良辰清夜盛絃竹更曹
而進然不敢忘寒儉之素得歲六十有三

論曰故友王泰亨稱檢討真人對客輒誦之有一人
知己之感以予所見檢討其于宦味泊如也公嘗誦
蘇子瞻此處有甚歇不得謂是當官快論卒違其志

梅花草堂集 卷十

九

似有物使不然公能決歸德之勇退已身悖之耶世
人多言恬澹不必然昔者吾友謂可庶幾而未之逮
也談何易哉公年五十請予作傳朝廷方議起公田
間予唯唯將有待而公數數為予言檢討故如此矣
嗟乎其澹不可誣也

張文柱

張文柱字仲立父奉直公好客喜吟必携仲與俱時
有雋句年十二嘗賦關山月云閨裏紅顏愁少婦塵
邊白骨怨征夫一座嗟賞從父遷居留都耳目開條

學問彌遠歸崑山補弟子員升上等嘗以文贄周太僕復後嘆曰司馬相如之作今無此人直指即陞按吳中行縣得公卷亟懸國門期為大廷之寇聘公修纂群書龍司理宗武與定爾汝交公色瞿然每徵文使者相屬于門意甚苦之恐為附會者所踪檢押益至又十五年戊子始薦順天秋試高第既試禮部不雋除守臨清清故寇帶之衝萬貨所集他守者疲于奔謁念不得及民公按部見五民雜處狡獪講張之徒窟穴根株為奸利如經焚不可解與之休息則磚

梅莊堂集 卷十

于

偏起而更張之則滋其蔓計省事莫如勵精嘆曰吾知所以治清矣乃下令刻日聽諸告許者許千牘公首批其不直者九百餘帑皆深誅其隱衷纏纏數千言而存其直者聽候伺老吏吐舌清民不苦奸利監司某駐節清州令邏卒得訶民間爭鬪卒遂為政境內騷屑公白監司罷訶卒夙弊頓革公在清四年凡錢穀詞訟下至閭閻單細皆獨身親之黠吏束手如偶人客至款接如儀時為歌詩相贈答格力整暇無一切忙卒酬應之習清淵一路倚為福星而公以積

勞故暴卒清人如喪考妣云公性至孝母柴夫人特嚴峻與兄黃門公不敢修菜子之色以相歡稍拂意夫人輒面壁竟日公亦侍立竟日回視公在色輒解故嘗與黃門約他日即貴顯當更互出入無使慈闈有陟屺之嘆後黃門以言事罷為民而公始出守清淵其素所自盟也公與黃門閉閣論事必具首尾毋使踈脫而黃門嘗語公仲立一思即得吾十思亦不至失蓋其兄弟心相許可任天下事如此公為諸生時已都清望郡縣長吏多咨之公關其口無所陳乞

梅花堂集 卷十

世

必公正然後發憤亦在齒輔間一嚙拂而已論曰世稱清淵公脫顧莒州之難其誼甚偉至莒州送清淵之葬滴血于墓然後人知之而王兵部志堅亦言其先中憲與世父太學君頌義如莒州夫清淵居恒恂恂明是非覈事情充類至盡乃其行長者如是耶公自言人生產千金即有餘藏登一第縮尺符生平足展進此徒自苦耳不乃粘壁枯乎而世之論者徒以不得一第為清淵公遺恨嗟嗟夫既已行其志矣

王安鼎

王安鼎字孺和少孤奉母家赤貧然無寒儉之性母又素期遠大責以先世儀節伏臘婚葬必如則乃止小不愜輒加詬詈至累日無所容當是時公必謝免一切獨居屏息以俟幸恙解即又欣然婉戀母傍如籠鳥于飛頓忘往境嘗秋夜被譴風雨迷離公跪屋中遂達于旦乃發大腫忍而見母母問對以夙違痺濕而母以為詐也詈不已友人聞之戲問公胡為泥塗公曰非泥塗母怒何從至母聞亦大笑甫冠補諸

梅花草堂集卷十

七

猶將兼愛三兄君子曰孝哉王子勸母修讓而自引咎焉公既坎壈焦勞病肺渴乃達于喉幾瘖母憫為持佛號公聞之支床悲咽淚盡而逝得年四十有七子徵嘉夙慧有文通知父志年十六殤論曰予所見孺和實如此楚孝介先生稱孺和純孝書旌其門不虛耳而孺和不敢居也善額而藏之不以示人而當時耳食者謂孺和實怒其母猶不免置于唇舌悲哉悲哉孺和既死南昌王侯嘗白御史上其事矣然非孺和意也孺和故王右丞米南宮之流

梅花草堂集卷十

七

家不如而其孝直可為曾參今亡矣夫子嘗見惡于鄉之人而孺和鄉人皆好之予以孺和為未至神骨漸老當時已有惡孺和者孺和竊自喜而予始無所避見惡之實矣悲哉若人今亡矣夫

王臨亨

王臨亨字止之性沉敏多深湛之思遇事寬大喜通脫不屑爭咫尺之贏自快落落黌校間會有觸以貳入太學萬曆戊子領薦聯舉進士令浙之西安西安俗多盜盜不畏人民莫敢捕公廉得之每詢盜得其

踪跡真偽輒止有稱某某同盜者置勿問嘗曰盜賊何親惟同黨是賴凡繫獄發遣之費取給焉寧肯自剪其羽翼輸情於官其連者必怨家或他盜之怨家耳平民一稱作賊伍伯到門鷄犬立盡縱以實得免而中人之產蕩然矣公爲西安數月民始敢捕盜而是時島夷匪茹督撫念海鹽巖邑疏請公往公至發奸爲務立縱証服者若而人譴舞文者若而人論死窩姦殺人者若而人一縣凜凜探九椎埋之夫屏息于道十龍者海大狷也或殺人圖財復移其屍詐人

梅花草堂集卷一
或乘醉誘人他出而淫其妻或沸湯殺人以其骸飼犬狗翻覆攬搶呼吸毒瘴海鹽人莫敢忤視公悉繫之召縣諸父老集蕭寺覆問十龍殺人狀父老叩頭泣請如法公重刑笞之相繼死民大悅而豪強暴客亦遂無敢夤緣爲奸者乙未被徵海豪貴故怨公以蜚語眩主爵大夫量遷比部己亥奉命慮囚江北明年奉命審錄嶺南故事審錄嶺南者例減大辟百人公取故牘屏胥吏繙閱見冤濫者累累欲浮其額吏持不可曰浮額非例也不便使君且多駁焉多駁之

累累君多減之活活囚于使君何如公奮曰吾珍重一官冷眼覆盆下人耶卒減死至二百餘人當事者服公爰弗駁也是歲遷負外郎再遷雲南司郎中明年復命守雲南司掌都下獄事故事緹騎多羅織人爲盜既請嚴旨部臣莫敢平反公得情必反之京師爲之語曰遇蘇州人則生蘇州人蓋指公與同舍郎嚴嚴云明年擢知杭州便道歸以疾卒于家年四十八初公之在嶺南也將讞獄高涼臺使語公高涼有冤獄六十人公往釋之公曰君知冤矣何不遂釋之

梅花草堂集卷一
而以語不佞臺使曰此採使上請獄也吾曩者請之採使不從心悔之不如其自釋之也公幸無語採使遂釋之便公曰諾而風聞此六十人者具獄所由則稅使督民造舟網珠於雷獻天子奪採使權而網無所得其民遂相引爲盜將償所費於廉廉兵捕得之事聞採使採使惡稅使之傾已也悉奏死湛江等六

十人無一人免者公曰臺使言竟釋之固當脫怒中使以白簡從事即一官不足戀如諸囚仍弗活何往見採使問曰君好積德樂施子每見丐者塞途輒活

之有之乎探使曰有之又曰聞有丐姬貌類太夫人
歲給廩餼贍之有諸答曰此鄙念何稱焉公曰今天
下苦鑛稅極矣自君涖粵而民若安瀾其為德甚厚
雖然尤願君之廣之也日者採珠之盜外論以為未
實必不然其為真盜無疑然盜無贓証請以採珠罪
罪之于君何如君振溝壑之瘠不忍一夫而忍六十
人耶探使唯唯謝惟公言六十人者皆不死

論曰予嘗讀比部公粵讞書論次其浙西治狀以生
道殺民殺之而適生之也張釋之于定國之後代有

梅花堂集 卷一

共

人焉既又覽其自志了然生死之際無怖無難豈其
進乎道哉公性喜飲酒嘗與所知箕踞浮白話小時
風箏粘竿面具之戲率群兒勒戰陣為樂往往卜夜
或張燕而招之疾首不赴令東方生王無功之徒津
津地下矣

陳嘉猷

陳嘉猷字盟之五歲喪父從母周僑居郡城之兄舍
族人終齷之公詣府候訊面吏而不荅吏問孺子何
不白狀公泣曰覆巢之卵不言且歷吏憐其孤童終

白之公歸發父書傳晝夜讀曉抵櫃盡穿十八補郡
弟子為巡撫都御史陳道基所器重而是時江右龍
宗武司理蘇州攝府正課諸生戒勿舉燭諸生執題
問難于公日晡都不得下公就月書月蔽僅一目而
羸司理覽之曰此人即片言自冠况一目羸哉時論
快之已就試無不冠也卒難一第公益發憤為該達
之學辟手畫時政旁及陰陽感應之書無不纂錄萬曆
丙午舉順天府鄉試第二人庚戌子世竣登第乃謁
選授桐城教諭黜飭學宮獎率多士壬子冬將上春

梅花堂集 卷一

三

官告歸里歿松陵道上初公之為童子試也同舍生
請祈于神公書牘曰藐焉孤童願不失舊物公父儒
蓋已丑進士司理興化挺勁有氣骨其後終刑部主
事云

論曰博士有友四人焉今所稱四子金蘭社者也陸
觀察徐檢討以進士顯仲立守清州博士諭桐城雖
厄一第亦少概見矣後皆客死官舍無還者博士生
還矣又歿于松陵豈四人者數之所定人莫能抗歟
博士葺文廟取材于江而筏解桴人駭散有莪寇朱

衣者捍之得不敗卒以成功故博士好談太上感應事今其書抵掌可述而死者之數要非感應所得囿也悲夫余每愛顧仙居有子璠能述父事潤色東巖而博士之子學表章蘭社有祠翼然吾鄉多才子弟願得如璠與學者數人民德歸厚矣

王在公

王在公字孟夙耿介而慈有遠志少從父德安太守宦京師感疾疾狂走長安街怒罵恭順侯忽忽不知所為嘗見鬼物飛蓋揚揚而至群視孟夙且拂拭之

梅花草堂集卷十

六

一日躁甚取所御犀導自刺其喉幾二寸許德安公駭絕拔之無害痰亦漸瘥顛怒生如戟德安公歿孟夙益折節讀書修經生家言而善祭酒馮夢禎亟稱之進爲忘年友萬曆甲午舉鄉薦四方誦習其文可宛都下竟不第選爲青州府高苑縣知縣高苑民就之如父母歲大旱孟夙登臺而祈甚虔不雨已詣府行可二十里許入臨淄界顧見片雲點青天而黑雨脚垂垂念莫是高苑雨耶旋宿民舍質明有隣縣官某亦詣府後至者賀孟夙曰公真神人乃能使滂沱

雨不出境孟夙遣問臨淄人昨雨幾何則隨所止民舍止矣環問高苑四境外皆不雨是歲青州一郡獨高苑大稔民歌頌之陞濟南府同知會新守沈聖時不至攝府篆幾一歲獲上治民廉能聲籍籍孟夙故獨身舍官舍每放衙蒼頭五六輩侍孟夙曰嗟爾米前吾欲謝去其同知亡何一童子跪曰即言是也即無中人之奉而家幸各天一方之安吾視此僕僕辰酉政爲五六輩供具耳即何戀焉孟夙驟然曰善趣燈書牘明日拂衣去守道其頗諷孟夙將及衣內轉

梅花草堂集卷十

九

可頃也孟夙否否德安公有宅一區孟夙嘗賣之分給二子所得俸稍贏隨贍三族解組之日猶存房值百餘金以其半自與舟過吳閭竟亦不入其家論曰吾崑蓋有柴道人者名告字于昭入賢爲太學生工研桑之策忽有感散其貲親族棄七歲孤獨身走武當又之泰山又棲伏牛垂三十年家人持金與布往省之道人受布婦所主道士而還其金誠勿再至說者以比孟夙而非也道人頗事長生之術孟夙駸駸世出世間矣要其擺落故正等孟夙

自言闕大藏于宗門忽有省然亦不廢淨土曰他日見佛庶不生慚愧也

歸子慕 弟子簫

歸子慕字季思髫齡穎脫篇章甫就里人士爭傳寫之雖厚自秘惜而其名愈噪性簡遠多特絕之行嘗掛壺自隨醉卧花露下影宿襟袖得白鷺人亦欣然舍去初無意足成之人以是愛其高遠不愧歸太僕兒萬曆辛卯領薦對春宮不第慨然南還神情孤往動止凝寂知交竊竊諷之弗應忽載糗携一奴奔入梅花草堂集卷十

武林山中埋名閉閣僧寮視之意甚畧而武林黃汝亨心知是季思排闥呼之褰其裾而出季與黃語大悅久之復還崑山築陶菴三江口植梅柳各數株殊有野趣諸弟子從之于茅索綯各就亂棘為籬落期年成聚錫山高攀龍嘉善吳志遠時詣陶庵相砥為復性之學其志甚苦世莫得聞公又作陶庵儀置座右大都自序其遠嗜絕器任真自得之致亡何病嘔血喀喀不可止讀書或不能盡一葉遂去之而學彌深造邑宰王時熙與博士沈應奎就與語嘆其絕俗

楚黃樊王衛間關數千里來視覺圭華都温令人知身安之富焉季沒海虞令耿橘題其墓曰清遠先生得歲四十有四弟子簫心形古渾綺思逼人先兄卒論曰清遠故季思所自許蓋嘗自名其菴亦云世之知季思者殊不盡要之不如其自知也人生如春夏花實以時學猶漑也不學將落漑則必斂為實未有終歲長花者中下之性漑亦不花夫焉取實此天下之大凡也季思敏而好學其天性然然而張黃門實始基之矣予過南江望陶菴如壺子梅花垂垂欲笑

張振德

張振德字季脩清憲副情之孫父曰應忠慧識通朗有大志晚味禪悅公頗不好其事父嘗以言箴公意甚堅父曰學道先生耶公荅曰兒聞明經不聞講道父聽之輒語人昌吾世者必此兒公愈益折節讀書破萬卷欲以馳騁當世十三能文章與同邑婦子慕王在公顧天叙朱大典埒弱冠補弟子員會 神宗東朝恩選入辟雍時輦下才名推二張蓋公與華亭

張以誠云大司馬王象乾重公有品以其子北面公稱知乙丙辰選授叙州府與文縣知縣非公志也興文漢夷雜處地踈衍易生物而民習惰窳呼米穀為活路不治他種公教令取麥菽稷黍蕙及其他菜茹等雜植之曰為若茅廣活路不可乎期年有成民大悅山壤宜楠杉栢把之材駢羅野外如灌莽公亦課民條達之所在成林采薪不論錢民好拳勇俗以正旦相撲誤死勿較公嚴其罰瞿然顧化又招撫流移羅明德等一百七十餘人各完生聚無為宣撫所苦

梅花草堂集

卷十

又三

民又大悅道府臺使奇公治行壤僻不展其用乃檄署宜賓長寧宜賓長寧民德公如興文三年滿考贈父應忠如其官母周氏贈孺人邑故有巨盜張拱極既論死脫逃又殺人公猝擒之又白正倫常忠等殺越人于貨變姓名匿他界公又猝擒之四境凜凜縣東門慈化寺盜常窟穴其間公為文告城隍神蕩之曰吾生平不能倭佛何益徒藪盜耳公在縣條白利害身論禍福下筆滾滾皆成文章而才用優然常叅謁道府必率其子紀緄舍輿徒步萬山間覽萬松海

棠紅蕉刺竹荔枝茗苻欣然樂之殊不作金碧夜即之想性好文史雖復簿書堆案不徹卷軸與膠庠生不滿四十人科試二人公請廣其額至十有二人歲升于學者亦復四十餘人天啟辛酉九月公竣事棘闈聞奢酋已下重慶乘夜疾馳與文至則人情洶洶莫可誰何公厲白面與賊接戰不勝尉諭以下見公而有歎歎之色公笑曰吾每讀史遇千古難平之事及絕代有心人未嘗不淹涕此豈我淹涕時耶亟入告錢孺人可行矣乃纓其冠手提與文長寧二印坐

梅花草堂集

卷十

三十一

堂皇賊黨有覘公者公瞋目詬之賊踉蹌走遂縱火公佩印入則錢孺人與二女淑安淑慶自刎死矣公提劍端坐其旁神色不變頃吏火烈公竟死居民眾視之獨袍袖焦灼欸欸如隱几狀賊既退相與藁葬興文之天壇山御史薛敷改聞其事于朝董御史翼御史周宗建董羽宸陸顯明錢士貴張捷候補給事中陸文獻南京試御史陳必謙後先昌言其事 詔贈光祿寺卿謚烈愍廕一子錦衣千戶公秀目銳視而眉稜稜起轉項顧盼面多不可之色嘗讀唐史張

中丞傳恨然曰死生何與人事故有男子就縛項耶
識者知公臨大節不可奪云公治興文崇獎忠孝節
義為務搜剔懿行祀名宦者五人曰前知縣李旺魏
珊趙汝礪教諭丘廣訓導張芥鄉賢四人曰國子監
學錄許文美桂陽州訓王源建昌府知事石琅順天
府治中潘璐孝子三人曰許金堂石勝禧王官義夫
一人曰王文翰節婦三人曰李鼎妻趙氏白倫妻何
氏尚愷妻李氏

論曰自有宇宙而有崑山忠孝頗有如興文之烈烈
梅花草堂集卷一 五世前

未一二數矣唐盧龍節度使張謚輦從幸奉天道
遇朱泚黨李楚琳竟飽其毒宋孫察用朝散郎使金
金人攝降罵賊不屈累油絮焚死二人者皆崑山人
可庶幾焉然而闔門之義故難為興文矣錢孺人以
幃房之秀驅率愛女赴敵如歸卒成公志或云孺人
父家瀕海故嘗高其樓望倉卒訛傳寇至將去之孺
人時年十三告母婦人避亂當安之母異其言慰與
俱促凭繡以觀其意目不忤視竟繡如他日程斯與
興文之恨張中丞俠烈豈異哉夫所謂天作之合者

乎興文之政予頗得其手錄為詳獨就義時事慮無
親見之者乃今得之遺事所載何有作吏五年至于
守死徒取一金付次子緄自明其無愧且留此以勗
後人乎緄一童子奉治命間闕滿有一存之中稍賴
諸生羅似龍賑之竟於不辱亦烈烈矣予每見紀兄
弟緄道其父取羅憤覆緄額未嘗不嗚嗚欲絕也緄
又言上虞有徐大禮者簿長寧亦罵賊死其妻弟謝
文奎亦死之孔子曰德不孤必有隣歲寒然後知松
栢之不凋也忠義之表于世亂可無悼其不幸于九
梅花草堂集卷一 五世前

李胤昌

李胤昌字文長父中丞舉公差晚而中丞故以力學
起家掇巍科意在暉映所以勗公者甚勤而公負可
兼千人之質漱潤咀英落筆五色雅為楚黃樊孝介
先生所器重庚子秋試卷為西浙徐公可求所得遂
解南服徐頗自詫廬陵眉山無能遠過比國門懸書
而入下士盡推公固是出藍之青也時中丞方督捧
在京師公上春官試遇中丞逆旅商榷元牘執手珍

重而去明年辛丑中禮部試選改庶常癸卯授編脩
當是時寧波歸德山陰同在政府稍立異同有所屬
草皆以謬編脩編脩放筆滾滾無弗當政府旨者然
亦時有補揀政府各退語其客李編脩非獨詞臣之
冠他日國體端有賴焉丁未分校禮闈得左光斗林
欲楫二十許人無不特絕壬子主試三楚公私念曰
此家大人已酉役也有如不稱何以塞任使謝大人
哉已復曰楚材誠天下雄然其大者屠龍其小者刻
楮豈不爛然焜耀究無所用之乃分別主賓華實之

梅花堂集卷十

廿二

用而取裁焉三楚處囊之彥無不脫穎出矣既竣事
紆道黃岡拜孝介先生祠問所著書盡付梨棗未幾
解還侍中丞山東旋歸里已中丞解組歸田趣公治
裝公遣廷弗欲行題其壁曰側身天地尚懷古回首
風塵甘息機客莫喻也丁巳有借公以祈自免者中
丞聞知投筋而嘆寧有是耶公跪進曰使天長與兒
為大人昕夕歡不愈于冠大冠乘欵段僕僕泥王間
乎于是乃稍稍洗腆徵歌集諸親舊用相娛晚或廣
筵喧劇就床耳語中丞頤解意乃大得嘗秋桂盛開

中丞不可以風問侍者花無恙否則公亟乘夜製擇
勝亭質明而就中丞大喜徘徊金粟下滿引自勸曰
花亦連夜發耶戊午侍行鄧尉上虎山橋望青芝樹
色已未侍游七十二峯宿包山精舍庚申中丞開八
裘公從容進曰兒今日所得孰多中丞亦喏然而笑
謂詭者之無與也亡何中丞疾薨公悲愴久之會西
浙徐公陷 公大慟悒悒不自得嘗獨居念父倚石
浪軒觀函蓄而實涕或坐滌閣前山如黛忽忽與客
語若自謂歲行且盡者竟以壬戌冬卒

梅花堂集卷十

廿三

論曰編脩初第時遇日者京師布子而算額語編脩
甚類顧贊善也贊善得歲四十有八編脩中說歲與
贊善等編脩曰此身在則我有餘矣由是觀之人言
編修大憾詭者不必然昔申文定王文肅皆有連干
編修而編修居京師又嘗為三相草箋記針芒之介
蓋亦難為用矣而編修超然自處清淨地非識體烏
至是哉編修明經術所著書甚多稿留邸第者殆可
十人舉之惜不盡傳于世然而導欵一書駁駁與蘇
氏易傳爭烈矣吾鄉父子之遊周康僖以廷尉張祁

州以通參顧司馬以官贊其後為中丞編修豈易哉夫所謂長與所夕不顧僕僕長安間者耶乃其巍科暉映斯又度越諸家矣

顧天峻

顧天峻字升伯敏秀通理讀書都于無味處得想直徹針芒無所註漏年二十鄉薦既落第會有非意之干便櫻恐懼邵陽劉公立白之而公意激昂感發提書囊從奚奴胡某直走萬山中不扇不爐無問晝夜數常過金沙與同籍生王肯堂相砥為沉博絕麗之

梅花草堂集卷十

廿

文力務獨詣王第己丑進士而公以壬辰登上第臚傳弟三人授編修詞林諸先輩皆心下公黃頭宮勝俱稱公才子公委蛇受事惟謹提書堂掌注記管理制勅無不敏辨己亥充冊使周邸贈父允默文林郎母張氏贈孺人庚子超陞修撰主試順天丁未分校禮部試李光元公禹劉錫玄之輩皆出公門下時以為知人先是平壤之役朝鮮受困 帝命選威重清華之使勞撫外夷廷推公遂受冊往公念諸弁請行者不下二百輩毋猶以彼為市耶殘掠之後朝鮮不

勝逞矣將入境則檢校諸弁者囊篋封識旅館而又使使告其明王請得見故府所藏儀制王謝無有公憫然曰殘毀至是歟乃出所持大府之憲與王約自儀以外者但擇所利行之朝鮮王大悅而公又廉得其戶部某者故嘗與闕白有通平壤之役戶部遙執國柄多所更易公至則使譯者請華語公不許又請諸執事餞者得左右班立公又不許笑曰外國禮左班世子豈可以世子不與餞而站其班耶諸夷悚服戶部屏息不敢仰視既出郊有冠大冠衣青繡衣持

梅花草堂集卷十

廿

簡進者公視之則彼國新狀元許筠也所賦詩楚楚如律公心獨喜已而歎曰其細已甚國無振矣公既已都夷夏之望而東察勅諭又有外夷知疎內望攸歸之衰不悅公者螫之奏聞上公方與客語持贖笑曰吾意也角巾出都門遂以左春坊左諭德兼翰林院侍講謝其政公讀書多超乘之悟然必使楷者手錄之乃肯寓目朱黃爛熳標位精入積卷軸至萬餘意不少怠諸楷者請直都買金償之既還里門館清寂聞若無人非遇水旱盜賊風俗大故未嘗造令即

一二大寮有事東南者一切利蔽所由必以諮公公
傾裏而出旁引曲踰動中騰理雖僉伍小史必傾耳
竊聽相與言宮諭居恒恂恂寡言笑乃不知其底裏
如此居無幾或次第罷行之而公未嘗受盡言之德
或語及朝政公默不答四方文學之士間以莛請多
見獎拔亦時就贖刪抹乃至無餘一經點竄爛然成
文皆可書而誦也公嘗語人吾于世間好文字即視
之無所得遇不愜者甫旋目而機躍至既脫草故自
斐然吾每笑昔人學書日臨蘭亭一本那得佳亡何

梅花草堂集卷十

世六

疾薨得歲六十有七甫屬續簡書適至仍以公為左
春坊左諭德或曰朝廷將大用公而公不遠矣閭巷
人擁門哭之如喪考妣云
論曰宮諭公腸熱面冷與人語嘔出肝肺人或不勝
任而始和之終去之于宮諭何與焉而見為道廣意
忌也其然豈其然哉宮諭要是有天下盛名言論風
旨不忌入而人忌之蓋嘗自述其使朝鮮也曰吾出
盤山渡鴨綠登摩天嶺始知天體之不盡覺兩司馬
壯遊如所稱上會稽探禹穴來觀七澤不足使人吐

氣也夜望燈火蛇行委蛇長數十里荒沙寥泐之鄉
旌旗隱現多出雲際爾時自詫人間之奉無復之矣
世人眼孔如豆嗟感黃閣正不必然丘長孺為予言
宮諭度嶺時甲士列營而寢有聞菟伏帳下不動此
豈人力哉嗟乎宮諭歸田十年豈少帳下菟而令其
續書味道老壽考終也夫所謂天未欲平治天下者
乎

顧天寵

顧天寵字元錫讀書敏疾多蕪人之悟折蘭抽絲便

梅花草堂集卷十

世七

了然于手而性特長厚不務高亢斬截弱冠遊黌校
累升上第弟子淪十年薦丙午鄉試又十年第進士
選知河南府盧氏縣盧氏古號地民貧瘠不自重其
生人死輒詐言仇殺因圖奸利公廉知其狀繫百贖
弗及抵民始諱公公不為動既一歲詞無証殺者諸
訟亦哀止號山伊水間多礦盜故有毛兵守之每使
者督捕急盜愈熾公曰嘻夫非有他盜患吾民即
其守者自為聲援督之則熾休之則自息耳乃下令
令所在要害嚴為防守不責其斬獲幾何盜果愈息

民歌誦之亡何持內艱歸里第公嘗自課其治廬狀無悔于心者獨慮民不捷輸賦賦不登適相積也吾近者即請之力幸免諸逋而吾去後不可為常將柰何既免喪補令遵化會燹廟改元出帑金十萬獨邊士詔公代闕使者申廷撰行邊故事帑獨至必貯庫照驗乃行公即馳之不更驗將士謹呼聲相屬而吏有竊竊之色相與言脫明府驗者吾曹逸樂終其身餘以為子孫計矣使者聞知甚重公公亦有知己之感云亡何遼陽失守 逼廣寧而陣臺使李瑾移鎮

梅花草堂集

卷十

艾

永平永平密通關口議者謂當此倥傯時鎮臣不得輕動為 所窺公獨心知其以身翼遵化也乃愈益自力當是時角聲滿天烽火燭地又境內所集五方之民販繒挾寶貝與債帥黠 相錯情形叵測公細心鎮之寂無譁者一日馳見臺使使者從容語公睹此茫茫毋內顧耶公徐曰令固守土之臣不得輕遣妻子為民望使者矚公良久曰真賢令也吾無憂遵化矣當是時四方點行之卒屯寨相錯數與監司門乃至脫巾圍柵諸司震恐公條諭利害令自解散邊

檄晏然監司無掛吏議者繫公之力也公在遵化所積考上上剡凡一十有六未及選試僅受兵部武選司主事銜以歸封父母暨所生母如其官或為公少之公曰吾曩者淹留諸生間第知孝友為為政吾事既濟矣幸邀天子寵命以報父母敢復求多乎哉蓋其恬淡自守有至性類如此

論西瀨氏多長者如武選之父咸寧恂恂若處子七十餘年其為長者于諸長者之間尤較著矣惜乎未見行事武選少嬰寒疾嘔嘔如不勝既令盧氏崎嶇

梅花草堂集

卷十

艾

萬山中不色頓再理遵化凜然節操可比長城而後長者之用始顯晚歸私第聊就其先霖雨堂小營菟裘遂洗宦橐公夷然弗屑談笑如平生嗟乎漢東陽侯張相如固稱長者其于經世之業則無餘矣許生為予言 逼遵化甚急武選衣緋衣入言曰姑着此為報黃金臺上意其夫人周慷慨語又脫不幸爾爾固足千秋何患乎里中人至今傳說其事謂武選提提負荷蓋有內助焉

許士紳

許士紳字文舉十三能文章日可數目父奉政公深
秘之而心竒其絕特憐愛彌至未久為諸生海內修
文之彥爭願結納公遜謝厚自秘獨與同邑顧文學
維徐進士開禧妹婿葛錫琬為爾汝之歡讀書談說
講求當世得失之務了然心口可見行事絕不令國
門預懸其書為奔名嚆矢曰男子具七尺要必以文
學進身不自令沒沒名未登籍而先之自取漏洩耳
歲辛酉舉于鄉主文者署其牘曰以二十八膽力寫
千萬頃波濤讀者聽其言稱知人能得士而是時奉

梅花草堂集

卷一

早

政公歷官中外命公秉家政公稍稍通賓客然必告
奉政公乃投分一切厚倫睦俗卹故賻貧周急活人
之事即出已橐必以為奉政之德情鍾無已乃稱私
覲獨檢錫臧獲小小抵牾于物必重其法而後聞曰
吾先祖大夫家大夫之義也與人交洞見底裏賓客
樂從其遊然終不及襲登公堂者真然有大人長者
之氣云公好談古方畧自六經二十一史乃至國家
經世之籍無不纂述時有擬議尤好觀趙文肅華亭
江陵陸尚書諸刻曰此懸諸日月不刊之書也每罷

公車對輒呼弟朝戢影延綠園拷金縱石無間寒暑
或策蹇省視奉政公操筮塌而奏之父子之遊喜徹
肝肺亡何翺病歿仲父太學公亦相繼遷逝公哀叫
摧裂五內為損已又忍其至痛款曲慰奉政公公母
孫安人不遠公登籍公心痛之會捧奉政公恩冊告
廟喜見眉宇已而兩淚蘇蘇交于頤顧自見其影而
增傷痛弟朝之又莫逮也君子謂公之感疾自丁卯
年始公為人厚自檢刻令此身常處不競之地其學
以一物不知為耻不喜徑約嘗曰學從博入久自脫

梅花草堂集

卷十

早

落斯則真約耳然不感發不足以豁其志氣故嘗東
瞻天目之竒峻北顧黃河之奔流南涉夷門之蕭颯
徘徊許下慨然實涕曰天文四垂為宇河山渺邈誰
得在者即約亦安歸乎君子謂文舉之學已見大意
如此

論曰予終始文舉三十七年之間積行累義整肅庭
宇雖處青華之冑通籍十年不造令即千秋何以加
焉而猶惜其年不待祿行不酬志乎文舉歿而悲吟
太息之聲徹于閭里無問老穉朋知相視拭淚如喪

手足其定論可得而考已吾鄉孝廉之雋不及一第而歿者如黃希聲吳純甫方思曾陳子行之輩至今追慕之然無從考其生死之際獨吾友歸季思折箠清肅偃然長畢可謂知死然不免支床喘喘癯黜之甚而文舉易簣時距未十畧顧見客至手解躬悃然後長揖學問之力于是乎不可及矣

梅花草堂集 卷十

四二

梅花草堂集

吳郡張大復著

後學汪中鵬補訂

皇明崑山名宦傳

梅花草堂集 名宦傳

乙

按志崑山古婁縣其以婁長名世者自三國顧雍始五代之季南宋社冲之梁陸慶陳殷不佞唐王綱萬齊融劉綺莊宋邊倣趙稹梁適張方平韓正彥沈遠梁澤民姚暉明程沂滿彙征張漢之潘友文項公澤徐聞詩元王安貞八資刺劔羅鐵木兒史文彬僕侯斯費復初皆一時父母千載循良與天壤俱獎無疑者也明興妙簡銅墨得人為盛據所見所聞所傳聞斷自芮侯而下九十人教諭二人勸農丞三人作名宦大傳

監察御史前知崑山縣事郟城芮侯那

芮那字子翔初姓魏河南開封府郟城縣人洪武二十七年張信榜進士除四川重慶府墊江知縣持母服歸補鎮江之金壇三十一年遷知崑山縣事時宇宙初闢庶政草昧庫耗胥奸根盤穴窟不可究問侯

甫下車即嚴革庫子祗候等弊堂皇肅然而催糧勾軍官旗方旁午于縣擅據丁尤沈三姓沒入厥房囚禁里甲動經年歲駢首狼籍未易枚舉而官旗又娶婦生子影戶匿丁恣橫彌甚公清查解遣無漏無濫又首訴匿名丁壯二百餘人上之廷 詔御史李徽械送京師民籍犁然而諸舞文軍校多流言譁輦下矣永樂元年 詔發侯遵化炒鐵侯被命單騎日夜行而耆老王榮等百餘人詣闕擊登聞鼓訟侯冤狀且言凋敝後勢不能暫離慈母 詔就遵化馳驛送

梅花草堂集

八名官傳

二

崑公至奏免包荒積欠錢糧一十八萬三年大水奏開吳淞江淤墊者二十餘里時尚書夏原吉太常素復為政侯條上埋塞故道與水勢衝擊所由繩上分別言之尚書用侯言江南水利永賴至今五年持繼毋喪歸鄆城南除服按察馬祥昌言于朝謂當今才堪煩劇可福一路者無如崑山故令芮某而部臣亦雅知崑山令將非侯不可 詔知崑山縣事如故而勾軍百戶修隙于侯誣侯阻撓復 詔逮京訊問事白後馳驛知崑山十三年以父喪去其任候前後治

崑凡十有八年而精采彌著百姓樂生說者謂盪滌噢咻之功百世不可磨滅云侯性濶大敢任事然不期赫赫之名與利補敝一切與民更始至其物色譽髦尤稱具眼初到崑拔陳皞于庭吏振吳崑于孤董賓夏景于數歲蓋傲上郭有道司馬德操之鑒焉後徵廣東道監察御史未久改知秦州秦安縣再徙大名清豐宣德六年以疾卒于位繼侯者山陰馬文炯宛平羅永年舊志各有傳

加六品服色知崑山縣事襄陽鄭侯達

梅花草堂集

八名官

三

鄭達字叔通湖廣黃州府人父庸占籍襄陽而襄陽令方以士不登籍為憂聞侯名召補博士弟子有聲宣德乙卯登省錄第六人入太學選授盪屋縣知縣撫字勤敏封父如其官尋赴部增秩景泰五年吳中飢疫非常民食草木殆盡巡撫李尚書憂之請以六品秩借侯知崑山候至勾校濟農預備二倉盡耗鼠雀就所存餘不能給貧民之半就給貧民沙塊藥結又不當賑數之半侯請府請太守發貯庫折色銀兩數萬分給諸縣權濟饑貧則太守已遣程潮襄侯曰

喜吾故知崑山民無蓋藏而就其中稍贏者可勸也
 則徒步溫論中上戶得穀數千斛撤公府廢材神壇
 樹木得薪億萬餘束煮粥糜日餉其貧者奉行勾
 校皆有成籍侯又禮良醫葛仲明俾董貧民疾疫免
 死者無筭是秋腹田稍稔侯又念即民能復業如露
 處何則又市竹架屋以居之又給種焉民相謂曰吾
 曩者磔犬狗而食之賣其皮已甘麥查已甘草木之
 根皮婦子牽挽乞于市且累七如囚暮隸鬼籍矣使
 君寔生我使我父子兄弟相保也蓋崑自兵燹休息
 梅花草堂集卷八名宦傳 四

之後及此又一再造云侯博涉經史禮下賢士嘗進
 老儒龔大章沈誠學咨訪民間利弊又推穀教諭陳
 登儒士周號俾有述于世始至之日有千夫長捕盜
 殺人撫幕官倚勢作威皆請寘之于法不少貸既滿
 考便趣裝上道請歸養當事者不允仍知崑山天順
 二年閏二月二十八日患瘧七日卒進士鄭文康泣
 而識之繼侯者京山唐素儀封楊謚臨海余機各有
 傳不具載

楊子器字名父浙江慈谿縣人以成化戊辰進士選
 知崑山事甫至縣即劇大猾數人咎掠無餘一縣凜
 凜莫敢犯父老相與語使君故威嚴為務比白事必
 問所便安日見和易間過民舍遇耕釣織紉種藝之
 事及里塾子弟課誦之聲輒甚喜為言務本節用孝
 弟力田之樂可永無慙見小學對課句讀必字解而
 莊訓之或設方畧散楮墨以勸勤惰即窮鄉葺屋寒
 暑無間邑諸生以執請尤加獎資嘗愛柴京兆奇勸
 令薄游以自廣京兆適遊越西諸山歸呈其稿侯笑

梅花草堂集卷八名宦傳

五

曰太史公周覽名山大川作史記豈虛語哉其弘獎
 士類多如此嘗捐俸葺夫子堂廟而餘以表彰先哲
 文墓賦詩弔古歎然無間獨不喜土木神像見則毀
 之撤其材為公署之用嘗語父老曰凡所為崇巫而
 事鬼者為其賞善而罰不肖也有吾在若等勉為善
 而已矣未滿考竟以憂去後補山西之高平調常熟
 舟過閩崑吏民擁馬首大譁願赴闕借任侯既治
 海虞又三年召補吏部考功司主事轉驗封司員外
 郎上中憲官湖廣右叅議福建按察提學副使河南

右丞政建布政司左右布政使卒錫山邵尚書密為
侯才朴侯性介直濟以寬和與人交能以量容以情
恕下能以辭色假故與交者無喜怒而有感愧云崑
民并祠侯馬鞍山陽俎豆勿絕

監察御史前知崑山縣事開化方侯豪

少字思道浙江開化縣人正德戊辰進士選授崑
山縣知縣時吳中大水外隍與民舍相連望如海
以朝廷徵發之令教讓有司侯請府請繫曰非獨願
以身代計吾民不能舍令或者其有償乎被繫四十

梅花草堂集

六

三日崑民數千人環園土而泣莫可誰何侯乃說獄
草奏其畧曰天災流行世所時有然未有如此歲三
異之甚者臣豪代罪一方豈不知朝廷財賦仰給東
南誠倚東南莫如休養今日伏願渙發德音亟下漢
之減租之詔令魚蝦雜處之衆少延喘息倘來歲成
或可如常否者半飽魚腹半斃催逋是江南無民
而朝廷無江南矣奏入詔免蘇松甯鎮嘉湖杭七郡
漕糧繫民之力也其明年春雨愒綿水妨耕稼會撫
臣行縣侯徒步力請勸規使者忘甚畧侯乃大詳

於途左陷入坎窞中老聶牽挽奔救哭声沸地使者
惻然改容為請于朝又得減半焉凡侯之勇于為民
類如此侯才思奇逸喜自負十二解聲律二十九為
崑山令旋以母喪去其任其後徵入御史臺未久卒
平生不輕與人所師事者吾景端友事者黃河清其
在崑山獨折節吳中英秀甫所至皆有題詠魚笈鷺
素盡意揮洒為一時倜儻風流之冠然當時宦江南
稱勤事者又必以侯為首蓋已已庚午之荒惟民有
口沒世不能忘云繼侯者餘杭施德禎志有傳

梅花草堂集

七

崑山縣知縣應城祝侯乾壽

祝乾壽湖廣德安府應城縣人嘉靖癸丑進士選知
崑山時年二十七開敏流利通曉土俗所宜而緩急
布之民安其教樂其惠先是島夷內訌由嘉興府窟
穴松江之柘林川沙窪勢煽甚橫已潛入嘉定縣界
未幾而有採淘港之敗陷軍殺將至三千餘人江南
大恐是時侯已戒嚴繕城撥守稽察非常開納父老
子弟之願入城堵共保疆隅者亡何賊猝至竹節戶
涉三江口薄東關鼠跳蝟集遂遍滿山城下侯微服

乘城鼓衆作氣或望見村塢籬落有被虜蹂踐者輒
籲天號哭躬率丁壯守堦若約逆尾石揚灰沙晝夜
力守不怠而是時御紳王任用朱隆禧孝廉婦有光
丁允亨秦雷多畫便宜助侯攻守庠生李龍伯徐倬
深夜縋出城上書赴援都司梁鳳持諍甚力又有諸
生潘蔚卿晉日亨陳淮等擐甲跨馬與賊接戰時有
斬獲侯稍自堅亡何四月十三日賊薄西關潛避
板廠逼關下濡絮被裹之箭鏃不能入鎚斷聲動地
城不下者一薄板角聲滿天與婦女號慟聲相聞侯

梅花堂集 名宦傳

八

衣短後手執金鉦鼓之莫可誰何顧見一老父指侯
曰但沸桐油襟廁穢熱下之虜可擒也侯如教試沸
油果得其渠魁號二大王者縛旌竿上射殺之令丁
壯雜噉其肉頃刻殆盡賊望見悲愴氣焰稍止哀止
公循城小憩土神祠睨其像則所見西關老父者也
遂上其事列春秋祀是為有唐將軍卜文超勝去祠
不十步蓋有將軍墓云按甲寅寇亂征兵幾半天下
諸將坐索金錢掩殺免者為首功世廟怒遂遣工
部右侍郎趙文華經畧東南其禍愈甚至逮都御史

張經叅將湯克寬瘦死詔獄至今言者雖互有得失
要之客兵之禍亦少概見矣募兵叅將李途時許國
提山東民鎗手言揚兵詐坑斃者偽報俘斬倭八
十餘人採淘港之敗民鎗手自相蹂踐三千人無脫
者 世廟即軫念東南差訪甚急亦烏知其至是哉
田州土官婦瓦氏提東蘭南丹歸順等狼兵秣馬請
戰張經徒以其好利輕進抑之經遠而始有平望王
岡涇之捷亦文華與經意相傾奪微倖一決以刑其
短耳都司梁鳳分提一旅逗撓不進請餉請犒竟于

梅花堂集 名宦傳

九

不滿志而去所幸守土之吏如二府任環嘉定楊旦
崑山祝乾壽詎非鐵中之錚也者耶侯既去崑山民
祀之土神祠右春秋勿絕既五十年黃岡樊侯題其
祠曰勝生且為之記其畧曰神效一日之靈令竭三
旬之瘁民數世而戴之誰謂民不易德者而要之盡
瘁如疾斯亦千載一遺矣其後又十餘年侯與樊並
祀南山蓋新安商人某等謀祠樊侯奉侯像而義起
焉以知民之不能忘也

禮部主客司員外郎前知崑山縣事祥符王侯

王用章

王用章字汝平河南開封府祥符縣人以嘉靖乙丑進士選知崑山既抵縣趣吏抱故牘按所部田賦及諸奉行催督之籍周覽竟日嘆曰崑民不勝逞矣賦繁而役重焉如此哉即如上戶產易盡耳即民富豈能知錢穀出入之數而輪編縣總否者編軍儲總部十年之間其不蕩析隸尺伍者幾人耶于是詢謀父老曲筭其便定催役之法清改兌之弊免儲總之役期年崑民大悅會撫臣畜頭糧長之議下侯喜曰賦梅花堂集卷之六名宦傳

梅花堂集卷之六名宦傳

十一

秩諷侯意欲他調侯謝不可曰吾不忍垂成于崑而卒去之夫豈不知東西南北應惟命哉政府卒從侯志而崑民大譁于當道者惟恐失侯既滿秩當遷別又謀請闕疏借于是執政者增侯秩或守常州治崑如故間一往常州民又惟恐侯不早還崑也既七年召入為主客即侯乃喟然曰嗟我故不能提鼻忍息久繫折貴勢人前而我清夜料理治崑狀庶幾不負此一方民亟望廬而返賦詩飲酒不復談天下事有御史大夫以年誼求見者侯提鼻謝之終不肯與世梅花堂集卷之六名宦傳

梅花堂集卷之六名宦傳

十一

如此侯晚歲舉三子廷樞廷棟偶至崑有老氓言頗
肖侯者邑人士擁觀之無弗掩涕又有結髦者持百
錢泣曰母亡留此錢囑某為致辭香報侯不意今日
得見公子也敢以請公子揮淚謝却之其人嗚咽不
勝而去時侯去崑已五十年次子廷棟天啓甲子河
南鄉薦侯祠在玉柱塔左邑紳朱熙洽李同芳支可
人徐應聘等建

南京太常寺卿前知崑山縣事邵陽劉侯應龍

劉應龍字在田湖廣寶慶府邵陽縣人萬曆庚辰舉

進士第明年辛巳蒞任崑山時吳中大水庶民艱食

三

都相煽為盜公甫至便單車巡行勘視勞來不倦是
歲有秋民輸租狼戾黠弁蠶緣為奸利淆亂斗斛務
以魚肉吾民旗軍恣胸臆白晝蠶起梓人于市倉猝
至公前公訶斥之不聽噴有煩言公怒縛旗軍召弁
平量而去伍儉震肅御史有入于弁劾奏公左袒賦
長幾開軍隙廷論直公無害時江陵當國清丈田畝
公白御史崑山自周文襄公清丈以來二百年間生
齒日繁民居稠密勢不可丈而田額固未嘗減于往

昔國賦如初不如勿丈便御史又劾之公又無害久
之召入御史臺四川道監察御史巡饒淮揚終南京
太常寺卿公為人辯爽有識力粹過非常都以色意
消之其為政務遂下而直上苟不便民必以身任其
責雖損挫無悔在仕五年絕無讎讒自見之政有諷
之興某利者輒笑曰吾居此遂久日惟除害不急何
利之能興與人語都恂上長者而告者之意色雖在
五臟之內萬里之遠皆知之一鄉紳謀警其所不快
者為公指數其事茂上萬狀皆出之嘻笑間從吏甚

梅丘堂集 八名宦傳

十三

力公曰夫如是將自及紳慙沮而退蓋其敏而有度
類如此丁亥公在北臺吳中復大水甚于辛巳公疏
請甚力詔免崑山秋糧數萬人有見公京師者談款
委至無異家人父子或指其所御供具曰故崑山物
也公既去諸生陳嘉猷張大復王安鼎俞良策陳期
禎等先詣父老祠公馬鞍山下春秋祀勿絕

禮部主客司主事前崑山縣知縣曲周聶侯雲

翰

聶雲翰字搏羽直隸廣平府曲周縣人萬曆壬辰進

士除授崑山知縣侯長七尺容止軒七士民擁馬首
觀之已心懾侯又聽其議論敏辯酬答如流私相語
曰嚴父也然吾等可高枕卧矣既蒞事據案揮洒六
曹吏抱牘候押一無所闕說期年將編賦役侯按上
中下差列為三等覆閱戶籍坵畝則飛洒不可辨侯
曰凡所據役于官者為有田也戶清則田出田出則
役均乃為摠其戶履畝而校之自田零以上至百千
萬計名虎頭鼠尾冊照冊編役自鄉紳學士優免外
一體輪當寂無譁者當編戶時見有僧田若干與民

梅花草堂集

十四

田錯侯曰賦長催租于僧不虎狼耶則取僧田自為
里甲相徵輸而又以其賦隸孤曰毋令此輩免賦
長催更為先軍魚肉也故事里甲在鄉謂之排年在
城謂之坊長役等耳而坊長職應上官一切帳具奔
命煩費十倍排年侯曰嘻此令民弱者怨其故習而
強者憑射為奸利矣則取庫銀自為帳具隸會計冊
中以時修輯而責掌應于坊長遂制為令侯蒞事精
敏至于纖悉莫不畢舉修繕城堦所度丈尺幾何磚
灰木椿幾何役夫若干人工費若干繕損補邪移若

千件皆屈指籌之不握筭民以為神嘗有役捕盜者
戶田二頃餘侯問役若隸也而田二頃耶役以祖業
對侯笑曰即崑山之盜為若祖耳蓋其洞悉民隱巧
論事如此治崑四年野無吹葭之警戶無夜吠之厖
吏民相與語曰初以侯為風為雷者也而竟于為日
為雨若此哉前後所校士如燭照然嘗鐫上首弟子
課義十二人稱為必得之技侯甫離任而絡繹榜頭
者十得八九矣乙未召入兵部職方司主事有齷者
賣引金數百滌淮涉河以例請侯笑曰故非辭例以

梅花草堂集

十五

賣廉由憶在崑時曾弛鹽禁令若等不得志焉盍以
償若侯才大而見析繁清不自喜亦嘗自許吾于崑
即未能有利必興故欲無弊不革矣既官職方諸將
吏凜上救過不暇嘗病背疽與同侯官吳中者公安
袁宏道往訊之談說竟日盡上不倦偶及三吳水利
侯具言吳淞白茅諸要害處如指諸掌公安自謂弗
如云未幾告歸曲周卒

予告侍養崑山縣知縣黃岡樊侯王銜

樊玉銜字玄之湖廣黃州府黃岡縣人細瘦骨立自

少有正己物正之志初以萬曆乙未進士知縣商城
首革保歇馬快之弊商民翕然顧化會鑛使憑陵侯
偃蹇不肯下直指憐侯才請移崑山或謂侯崑繁商
簡崑不可以商治治也侯笑曰自惟繁將治之以簡
既抵縣按故侯曲周贖喜曰賴先官之義願為曹參
諸所為平賦均役通商惠工禮賓客肅曹吏者一視
曲周所劑量而緩急布之或自以其識力足成之崑
賦四十萬隱覆萬端侯勾校數日悉得其弊孔兩在
不差毫髮或謂侯豈神人耶即開敏如曲周猶累月
梅花草堂集 名官傳 十六

得之侯笑曰吾豈異人哉吾第于平居訟牒中默識
某飛若干詭若干某田浮役某役浮田若干十得二
三焉又証以徵逋之籍十得五六焉又詢之紳紳又
試之胥吏十得七八焉君子曰仁哉樊侯細其念以
寧民侯坐堂皇治爰書祈繭擢絲必肖其物有告許
者諭以禍福利害勸之息民不可則姑聽之又勸不
可則兩造而剖之無論勝者生色即受禱無怨曰侯
寔生我而我致死之也期年縣不知有事六曹吏相
約為字學多頽罷者又一年且不知有令間析一二

不逞之徒堂下呼喝而堂上朗誦華嚴經默証不
心不負矣庚子上計吏不持一錢往卒錄異等議召
入兵部武選司主事不果則又單車詣縣而縣治
賣漿屠狗之家充斥旁午侯笑曰若以樊侯不復
耶諸屠沽掩帘罷市街彈寂也如初先是縣官責逋
賦甚亟奪長吏俸及崑崑逋可二十萬侯惻然曰
民逋賦時吾甫數齡耳今其人少者壯者老者皆
死吾何愛數月俸遂忘此不可究詰之民哉止不役
民亦輸負恐後居頃之部又責舊編數千金侯又
梅花草堂集 名官傳 十七

之隨計該縣節省銀兩照數補價民不知也有寄戶
長洲縣者叱其奴崑何得無此故知之侯病咯血嘗
請解既數日出事則又周思故侯之釐草未盡者
已革復竄入者陽革而陰未然者如皂快之為燈夫
門役之為輿夫皆可為百世不易之法君子曰曲周
之妙賴侯守蓋愈守而愈通其變為不可易焉侯嗽
食日不過二器不齋素則食二鷄子在崑六年未嘗
製一鮮衣接士大夫以禮撫百姓以誠信待諸文學
子弟有禮而不廢其情嘗被學使者檄令設門禁簿

稽諸生妄言事者侯笑曰故欲求士聞令過何以禁
為第署云才澹臺生以故當侯之世士頗知自重云
無何父吏隱公焯有疾時部議處侯吏戶禮工諸曹
即矣侯亟上書臺司曰職年十六已遭虛損嘔血之
症杜門謝事者五年幸而愈又杜門如故者五年幸
而叨甲乙之科選除河南商城縣知縣調停鑛役前
病復發二十六年調赴今任事冗民囂病發益烈屈
指今日誠不自意妄以危困之軀遷延此地荏苒五
年此五年間自知罪孽如山徒以咫尺硯上之守士

梅花草堂集

名宦傳

信民懷迓巡歲月然而兩年之內職病益深無旬不
發時對客嘔血時伏案吟血此萬耳萬目所共知見
非權說也職早夜自思危如朝露而垂白在堂後嗣
未啓不覺骨悚毛豎顧戀積年之勞希尺寸之效牽
纏不能自決職則非人前月二十八日忽家僮樊守持
書來報職父陟患中風昏迷冷絕合家環哭未知所
為越一日復甦手足不復能舉語言模糊時閉目呼
職名職聞痛烈血湧如泉又家僮樊伴踵至稱父苦
狀多端病勢益猛晝夜號呼時問兒子到否偶寐片

時或履聲動搖即驚起曰二即來矣尋知非是長嘆
悲哀蓋因職為諸生時杜門十年與老親屬旋日久
故今苦上相憶職言至此肝腸寸絕血益騰湧此亦
左右僚屬所共憫惻更非飾說也就使此身堪殉鵲
助忍心不念病父職之良心未盡泯滅其何顏面立
于天壤之間又况抱病有素心事如麻頃刻不能強
忍於繁劇者哉伏望鈞臺憐其萬不容已之情察其
必不可留之勢俯賜題請照例休致不勝感激候命
之至臺司覽書愕然曰及瓜代矣何斬絕乃爾耶亟

梅花草堂集

名宦傳

草慰留語纒上各數百言而侯又上書曰頃者以職
身病苦難堪之狀及職父委頓幾危之情輸痛具申
懇請休致原非貌言欺上謂必情真見允不意鈞批
下縣未蒙信許本月十六日又得第三家報職父病
狀漸篤且夕間安危已不可料職本父病之人自家
報特聞肝腸屠殞至今病臥床間固已游魂幾絕非
復全生縣務如麻寔難供職切職父今年七十三歲
所傳中風之病手足偏枯寢食久廢起臥由人大肉
盡脫即幸而得延不過數月之間况造物操柄莫覺

莫知奚啻昔人所稱報劉之日短耶今望子來訣忍
死相呼職雖石人能不悲咽夫同類有難猶且饑不
及飡朋友見招尚欲奔走相赴况乎人子能堪斯忍
職遭此酷烈身不自保安得保此一官職豈不知量
移在邇垂成可惜無奈父之呼子聲是血子之憶
親日也如年情當至慘念不及此耳倘上人過為軫
念謂職四旬之強仕未登七年之微勞可念則願處
職以乞恩改教之例姑留一線于異時以俟進退之
自決特准馳還于即日以全父子之至情不勝大頌

梅花堂集 人名官傳

二

是日侯拜書即行吏民遮道留塵昏城巷中馬不得
前乃乘夜逸發蕭然而奚奴舁一竹簾而去許觀吉
顧謙聞等掃石麗澤門錫山高攀龍為之記又二年
侯訃至崑小民巷哭如考妣捧土揭木逮特祠南山
又建祠玉山絕頂水旱必禱于侯春秋之祀至今勿
絕侯志在聖賢學求聞道嘗師事張蘇山先生緒食
蘇燕七越月慕尚海忠介自謂不可學絕羈離群獨
與漢陽李若愚為氣類交而友視介弟玉衛其在崑
山也王文肅公錫爵知侯特深嘗撫侯背笑曰崑民

肥矣如公瘦何既歸養則又題書於侯曰吾臺脫屣
一官寸綵不掛此不肖平生飲水知甘者第六年宦
橐不辦有祿養資清苦如此能不為太公作嘆貧想
乃真學問矣蓋侯宰割一方江南士大夫爭先快觀
如景星鳳凰故其沒也海虞瞿汝稷以辰州守為侯
定嗣歸安茅瑞徵以知縣編志華亭董其昌以提學
建祠謚侯曰孝介先生而地政績詳具侍郎郭正域
編修王衡志傳中

太常卿前知崑山縣事南昌王侯時熙

梅花堂集 人名官傳

二

王時熙字緝甫別號止敬萬曆辛丑進士初選知河
南府靈寶縣靈寶古函谷地醇簡僻小不足展公才
用遂以三十二年甲辰移知崑山崑山當聶樊相繼
清風大略憂絕千古邑人士目矚公甚厚見公器度
岸偉磊落肝胆在外已心下之然一時無所試其才
平獄登賦奉而侯約束惟謹民以寧一臺使檄下所
司得以便宜白事公條上官戶傾銷蟬口籍、噪公
公屹不動曰吾固不欲傳舍其官稍計長久乃諸大
夫不肯自為計耶已又檄下議領度支公持不可曰

虹霓鼻息無故且啖食吾民乃又傳之以翼領度支
乎囂吻頓息御史楊廷筠勅按蘇松先期送母還越
道經吳門有境外鄉紳抗御史郵卒者為所窘詐稱
崑山令御史以是恨公檄公典武試色意甚惡公坦
衷亮語無半吞復吐之節既旬日而御史色解出語
臺使周某曰崑山令大良何必減漢循吏其如負性
不能忍重驚老母公聞終不置一言辨也竟以御史
薦選山西道監察御史公孝弟天性為政好古教化
而絕不能容其間者初在靈寶有兄弟爭產不肯

梅花堂集 名宦傳

二十三

下露齒相狠如仇讐公察其人直人朴耳每受詞兩
人者輒匍伏泣訴更寒暑終不聽一日內袒詣縣願
相讓公笑曰若毋詐耶其人叩頭泣謝曰曩者赴郵
亭以其情訴公見公執轡而迎其兄甚謹某等懷慙
而還昨者郵亭之餞又見公兄弟臨風洒淚也吾獨
非人哉公嘗以其事語崑之人曰吾終不願我獨為
君子崑即去靈寶遠固是天壤間耳公性強記給事
于庭者不下万指一見其後無弗識者或者謂公繼
而侯起崑人目眈眈公万端莫能間斯其風略直

逼兩侯矣至其兄事沈應奎于博士尊禮張大復于
病瞽表彰孝子王安鼎順婦秦氏于獨漸皆有古循
良之風焉

崑山縣勸農丞蕭山金公華

金華紹興府蕭山縣人性慈和有質不與物俛仰正
統初選授崑山勸農丞先是崑山比歲不登華到任
時洪水為虐朝廷責所司踏勘秋成甚亟公奉臺檄
當往見民舍飄搖洪水間噉麥查襍靡蕪煮食之公
終日流涕身行汚邪中自辰至酉都不肯嘗食寅長

梅花堂集 名宦傳

二十三

議報薄熟公法然曰民饑如此據所勘游青薄熟二
項儘以償賦猶不能當十之二三倘一旦司農填派
會計民能捋腹受鞭扑乎即長吏亦坐秋糧正折譴
矣不如報全災使僚長頓足曰公受檄則柰何公曰
吾寧以身當之猶愈于目擊吾民食麥查不給而襍
之靡蕪也是歲竟得詔免秋糧如公所勘先是飢民
爭起為盜間并蕭條室家都不得相保及是稍止安
其養生送死樂業如初未久卒于官邑民為位巷哭
如喪考妣云

崑山縣勸農丞南樂石公肯構

石肯構直隸大名府南樂縣人以歲薦選丞崑山骨相道雅美鬚髯士大夫一見公輒相賀曰吾鄉水廳多廉吏當又見石公耳公亦雅自重不顧自斲小之居月餘廉得蠹猶根連株結窟穴不可究者五六輩戮其狀扑殺之胥史震懼長吏不責其擅稱廉無害云公嘗讀邑乘見宋丘與權簿水利崑山其畧云西治小虞浦自嚴村至鰻繩瀼東治新洋江自朱瀝至清水港北治山塘自南山至于東浚諸注六十四浦

梅花堂集 八名堂傳

古

四十四塘若干自是陽城巴城諸湖濼自通田無汚淤民不病涉公訝然曰吾北人不知其利若是乃請長吏得以時勘視過諸港淺濇及岸塌不治者輒勸佃戶自為之曰夫非若子孫利耶佃戶所不能給然後聞長吏請官錢補助之而是時民方勤業歲卒有秋故公得以其間潛修水利而民不知相視之日野航掀舞港濱間所供惟杞韭水葑風雨蕭蕭欣然自得性不飲酒一青布袍五年不易士大夫以禮際者即菜茹無所受亡何病死官舍僚長檢其橐不十金

還槐時送者數千人鄉民不時哭臨遂附木主祀楊柳塘先生野鶴軒中

崑山縣勸農丞鄭陽李公三省

李三省號思東湖廣鄖陽人萬曆初以歲貢授吳江主簿考最陞崑山縣丞丞職水利而崑山頻年霖潦歲比不登公乘小艇自移米粟並醢循行阡陌間十九居外未嘗受民一雞一菜遇土豪市猾必叱辱之毋令得志胥吏窟穴能一上分別其利孔所在而平怨出之不以得情故沾沾自喜觀章華帶常質子

梅花堂集 八名堂傳

古

錢家時大冢宰嚴清當計吏語人曰居官如李丞天下豈復有墨吏哉亡何病死縣令劉應龍躬視含殮顧見牀第無幃流涕竟日太常卿王世懋臨其喪嘆曰天固不可問耶若人何為至此公在吳江常置一竹兜出則舁之櫬還之日惟一徑持喪行竹兜外無長物劉公從衆議奉木主祀楊柳塘祠

崑山縣教諭嘉興朱公冕

朱冕字士章嘉興人副方沉毅務以矩矱自律其身造次顛沛未嘗簡率正統初掌教崑山公首定科條

一遵卧碑勅諭繩範後來不少假借朔望陞座令諸
 生拱站班次拜跪排散講課之節諸生凜凜如
 廷稍不如儀必更序覆為之常至日晏不肯撤而諸
 生畏公半采亦彬上相應以聲律身度之學無敢謹
 者月有課季有試雖晦明風雨寒暑非常不許後時
 或夜闌燈燼必潛行號舍間嚴察勤惰或秉燭叩門
 與諸生語折繭擢毛標位精奧乃至烏啼月落意乃
 大得數年之間學行璀璨高科輩起如張憲副和郎
 中穆葉文莊盛鄭進士文康沈憲副訥孫秋官瓊夏
 梅花草堂集 名宦傳 三六

御史瑾曜即中恭安梁平定呈周東安恭布列中外
 茂著勛勳無弗出公之門者崑山自開科置舉士有
 矩度始基于陳公潛夫再振于林公鐘然皆風雅相
 先文行相砥礪猶不免浮佻吊詭之習公至力刷之
 士習又一丕變矣公嘗語諸生士先器識豈有身不
 中度能為朝廷厚監標幟有述于世者乎公既歿百
 餘年學者猶稱鹵菴先生談說其事凜凜也葉文莊
 公嘗表其墓

南京光祿寺卿前掌崑山縣教諭事武進沈公

崑山人物傳 附錄

應奎

沈應奎字伯和直隸武進縣人萬曆辛丑以乙酉舉
 人選授崑山縣教諭人曰沈先生異人也足其才分
 固將經文緯武為海內雄如春風絳帳何先生至則
 督繩削墨進諸弟子提耳誨之原本德行講明經術
 然不肯小技制科義曰士人先資之信獨在于是諸
 弟子彬上相應以溫密深至之文展采流葩題情煥
 發先生喜為設楚醴春韭相與談說當世得失之務
 鑿上可見行事諸弟子退而各自得也癸卯之譁一
 海危草堂集 名宦傳 三七

郡搶攘先生挺身慰諭蟬口頰瘡立脫無辜生若干
 人說者謂大厦岌岌了不知震風鼓盪蓋先生明義
 理切事情其于利害是非之界瞭如黑白人莫能干
 之以私即懷其私說意欲微倖于一試至先生之所
 廢然返矣故曰擾觀量粹觀守惟先生近之有冒濫
 生與其主闕而露刃敗者先有入于御史先生爭之
 不能得急起解綬謝御史御史愕然疑為解人曰沈
 先生脊如鐵此始見其一班云而先生不自喜也退
 而庶諸弟子之生無養者貧無葬者長無娶者舍館

無定者遷徙不能自致者孤童無怙恃不能自奮于文學緒設方畧數捐貨以周之而是時南昌王侯雅重先生相與修輯文廟祭器表彰先哲墳墓子孫亦略殆盡先生曰嘻我故首翁簷下人耶為其事而已矣乙巳遷南京國子監助教先生曰我嘗慕楚黃樊孝介之治崑山後先不相值也孝介死而崑山民禱祠之我欲為之繇代孝介因以通馬我朝夕對衛洗馬庄故石天下奇石也挾之為友五年于茲故以此自礪矣且別獨奈何為賦奇石歌一章樊公繇百章梅花苴堂集 八名宦傳 三六

而去諸弟子連袂遭延悃悃若有失縣為罷市後以國子助教出守裕州招活流亡二十萬人遷入白雲司欽恤山東及遼而返活數百人後守汀州諭散左道數千人所省巨萬也先生神明湛寂事至立辨助教時已為福清所欽賜引諮大事而孫侍郎鑛鄒大理元標劉翰林壽寧各相師友云

論曰予嘗作名宦大傳傳者七人要舉所見聞之詳緩者言也石南樂李鄧陽清風勁節不肯以丞貳少志就所耳目斯何愧一筆我附之傳後

馬而令口碑漸出人間詳矣劉邵陽王南昌先後淪沒其傳不可闕也苟侯而後朱嘉興以諭顯金蕭山以丞著凜、皆有開創之力矣予得採為傳合十五人 高皇帝置郡縣設官屬縣有令有丞有簿有尉學有諭有訓此數官者百姓之所以生成也崑山二百年來其以令著名宦者十人外故有山陰馬文炯宛平羅永年京山唐素儀封梅謚臨海余機餘杭施德楨主簿南海王負通典史岐山韶夔皆不可沒而寥寥數語外無他考焉不敢妄溢為傳其布在人口梅花苴堂集 八名宦傳 三九

未立傳者則有正德鄧文璧嘉靖朱伯辰王應璧彭富天啟蕭賓賓縣丞方鉉廉勁有為 王養民 漢陰人 事教諭陳則 崑山人 蕭引之 明春秋 周謨 後敏有鑒 史見 吳宗周 古雅 君子 宋茂時 碑 吳敦本 謙恭 朴實 周志 見周志 計 坤亨章廷堅 林士挺 訓導 陳潛夫 林輿 見周志 稱 志 學 修 蔣貴達 質直 敢言 張倬 林鐘 寓流 季虎 山 志 學 志 蔣貴達 質直 敢言 張倬 通詩 經 周璵 見周志 王儒 確 實 溫雅 陳諱 篤 實 溫 以 險 見 張爵 平 易 開 奕 士 得 禮 張汝才 碑 劉文正 性 方志 見周志 禮 張汝才 碑 劉文正 性 直以累 楊汝諷 蔣之芳 堵應畿 尚亦有待焉已嗟乎 去官

士人砥行立名足可傳於世豈易哉而今
乎又安在彭往而勸來矣

梅花草堂集

名宦傳

五

梅花草堂集卷之十一終

